



THIS BOOK BELONGS TO  
ST. MARY'S COLLEGE,  
OSCOTT, BIRMINGHAM.

Press

Shelf

Number

LXXI


C

117

~~XLIII B~~



0.12






NUMMI

ANTIQUI

FAMILIARUM

ROMANARUM







NUMMI

ANTIQUI

FAMILIARUM

ROMANARUM.



NUMI

ANTICI

FAMILIARUM

ROMANARUM






NUMMI  
FAMILIARVM  
ROMANARVM,  
JO VAILLANT B.D.M.S.D.C.C.

AMSTELÆDAMI, apud G. Gallet, Præc. Typ. HUGUETANORVM.

*J. Goussier inven.*

*J. Muller fecit.*







2404

# NUMMI

ANTIQUI

# FAMILIARUM

# ROMANARUM

PERPETUIS  
INTERPRETATIONIBUS  
ILLUSTRATI,

Per *J. VAILLANT* Bellovacum, D. M. &  
S. DUCIS CENOM. *Antiquarium.*



AMSTELÆDAMI,  
Apud G. GALLEY, Præfectum Typographiæ  
HUGUETANORUM.

M. DCCIII.

IMMUN

310719339

A U T H O R I Z E D C O P Y

1891

M U N I C I P A L L I B R A R Y





SERENISSIMO PRINCIPI  
FRANCISCO I.

DUCI PARMÆ, PLACENTIÆ, &c.

JOANNES VAILLANT.

**Q**UOD ego tantum arrogem mihi, PRINCEPS SERENISSIME, ut qui te presentem presens numquam viderim, Tuis tamen auspiciis prodire hoc meum opus ambiam, fecit sane singularis in me humanitas S.<sup>mi</sup> Principis Fratris Tui, quamdiu in Regia Christ.<sup>mi</sup> Regis Aula versatus est. Patebat quidem facilis ad illum, non tantum Primoribus, sed & eruditis omnibus accessus, ut non esset opus per ventore Cl. Comite Riccassio, Tuo ad Regem Legato; nisi hujus suavissima consuetudine pridem captus, ipsum præ ceteris patronum adamassem.

Apud illum igitur quum fortè in familiari sermone rogatus essem, quid tum temporis haberem præ manibus, in quo se mea, quantula est, exerceret industria: respondi versari me in illustrando atque amplificando opere, quod  
olim

## D E D I C A T I O.

*olim Fulvius Ursinus de Rom. Familiis edidisset, atque Alexandro Farnesio Pauli III. Pontificis verè Summi fratris filio inscripisset. Advertit animum, qui tum aderat eruditissimus Episcopus Burgi S. Domnini, quem illius peregrinationum comitem, PRINCEPS SERENISSIME, habere voluisti. Is quum me de familiaribus amicis suis esse voluisset, quin cogitas, ait, at jam plaudis tibi, quod novo isti operi, jam tuo, etiam ex eadem Serenissima gente Patronu sperare licet alterum Farnesium? Hic ego tenuitatis mee conscius, ôhe! Vir Clarissime, quem me tandem putas, quem tam magna sperare jubes? Jubeo, reponit ille, ut SERENISSIMUM PARMENSEM DUCEM nostrum, qui nunc est Augustissimæ Familiae caput, Patronum speres: neque plus in me recipis, quam præstare aut velim, aut possim. Tum verò crevit mihi animus, non tam cogitanti quid merear, quam quid Tua singulari comitate dignum sis putaturus.*

*Revocare ergo mihi in memoriam cum summa mea voluptate cæpi Emin.<sup>mum</sup> Alexandrum Farnesium Litteratorum omnium liberalissimum Fautorem: locupletissimam illam Bibliothecam, quam in Farnesiano Palatio collocavit, quod olim à Paulo III. tum Cardinale inchoatum, sic ipse absolvit, ut inter superba Romanæ civitatis ornamenta facile principem locum teneat. Huc velut ad commune doctrinarum omnium emporium conveniebant: non solum ex universa Italia eruditi omnes; sed è tota Europa quotquot reconditoris litteraturæ amor inescaverat. Florebat enim vero Bibliotheca illa non solum librorum præsertim M. S. multitudine & raritate; verum etiam ditissimo præ ceteris Cimelio, quod advectis undecumque pretiosis*



## D E D I C A T I O.

*triosis nummis jamdudum impleverat : quo ex thesauro opus suum mirificè locupletatum esse Ursinus ipse , beneficii memor , deprædicabat. Fecit , fateor , hac sua commendatione , ne primus esse possem in celebrando rarissimo illo thesauro , & hoc ætatis beneficium fuit. Faciam nihilominus ego , ne solus sit , quod erit gratissimi animi mei monumentum , sic Felicior ille ; ego , quod confidentius fortè dictum videbitur , Valentior.*

*Dicam igitur ad eternam Familie Serenissimæ gloriam , thesaurum illum servari etiamnum in Regio Vestro Parmensi Palatio , & quidem publici quodammodo juris factum , quod ingentis beneficii loco esse debet apud Eruditos omnes. Quid enim aliud voluit Rainutius II. Pater tuus O MAKAPITHC , quum jussit ut P. Pedrusius è Soc. Jesu prisca vetustatis scientissimus interpres , totam suam Gazam accurate delineatam universo orbi exhiberet ? Paruit ille alacriter , sensit enim quam id & sibi honorificum , & litterariæ Reip. proficuum foret. Igitur totum Seren.<sup>mi</sup> Principis Cimelium sex velut in classes distribuit. Conjecit in primam aureos omnes Imperatorum Romanorum nummos , non ut plerique hætenus , sola descriptione contentus ; sed addita singulari cujusque explicatione , & quidem vulgari Italico sermone potius quam Latino , ut ad plures tum utilitas , tum voluptas pertineret : verum prematura morte præreptus Ser.<sup>mus</sup> Princeps , ingens sui desiderium Antiquariis omnibus reliquit , ea tamen spe nequaquam præcisa , fore ut statim atque sua Italia tranquillitas restituta erit , non patiaris DUX SERENISSIME imperfectum opus manere , quod Tuæ gloriæ tantam facere possit accessionem , tantumque Augustissimo nomini splendorem addere.*

*Volum. I.*

★★

*Esset*

## D E D I C A T I O.

*Esset sane quod dolerem minus, si Pedrusius statim con-  
jecisset primam in classem Rom. Familiarum nummos, at-  
que hinc lachryma, non enim possum non credere quin plu-  
res lateant nummi, quos nullibi alias invenire datum est,  
praesertim ex iis, quorum copiam nobis Goltzius delineavit:  
unde autem excerpere tam multos potuit, nisi plurimos ex  
utroque Cimelio celeberrimo, cujus tanta cum laude me-  
minit: Altero quidem quod fuit Octavii Farnesii inter  
Parmenses Duces secundi. Altero verò quod Roma penes  
Emin.<sup>um</sup> Rainutium fuit. Amabat ille certare cum Seren.<sup>is</sup>  
Fratribus Alexandro Cardinale & Octavio Farnesius, iis  
quasi potuisset palmam praeipere. Inde porro quis non  
facile conjiciat, quam ingentes sint nobilissimi Tui Cimelii  
opes, in quod tandem unum tum felici accessione, utriusque  
veluti maris divitiae confluxerint.*

*Quid tamen tot externa opes ad domestica Seren.<sup>ma</sup> Fa-  
milie decora, quibus vel ante adeptos Ducalis corona titu-  
los, Reges anteissetis longè, si virtuti soli scepra serva-  
rentur? Nemini ignotum est quingentis ante Paulum III.  
annis, Avia & Proavis SERENITATIS VESTRAE  
debuisse Ecclesiam fortissimos Imperatores, quorum trium-  
phis aucta, ac longe lateque propagata, profligatis sapius  
hostibus, assertam pradicat sibi pacem ac gloriam. Testis  
jam ab anno millesimo vicesimo septimo Petrus Farnesius  
Ecclesiasticarum copiarum Dux strenuissimus. Testis Petrus  
II. Pontificii equitatus praefectura, cum summa sua lau-  
de functus anno post millesimum nonagesimo nono. Quid  
hic memorem utriusque filios, nepotes, pronepotesque  
fortissimos, qui ad usque Rainutium III. Pauli III. Pontificis  
Arum belli fulmina, & firmissima Ecclesiae columnina, ho-  
stibus*



## DEDICATIO.

*sibus terrori , amicis auxilio fuere , non tutis tantum eorum praesidio , sed & securis ; ut non immerito è Principibus omnibus Christianis Rainutium Eugenius IV. Pontifex , unum esse duxerit , cui sine cuiusquam invidia , Rosam auream solenni formula consecratam mitteret.*

*Ex quo verò accessit ad virtutem debita merces , Ducatus scilicet dignitas , dici vix potuit quanta fuerit toto orbe Parmensium gloria : quanta virtus : quam insigne ubique tum pace , tum bello nomen ! quem enim alium quam Heroem dicam Alexandrum III. Parmensem , qui inter celeberrimos Imperatores principem semper locum tenuit ! quanta triumphorum bello Belgico seges ! tanta sane , ut fidem propè superent , quæ de illius rebus gestis fidelissimi alioqui Historiæ Scriptores tradidere. His ego si accedere velim , dicam sanè inter priscos illos Bellatores , Senatoresve Romanos , quorum illustrandis Nummis toto hoc opere incumbo , neminem invenire me , cum quo à Farnesiana Familia non sit mihi perfacile , aut invenire quos componam ; aut appellare quos citra adulationem anteferam.*

*Fecere igitur sapientissimè ad suam gloriam , illustrissimi Majoris Vestri , quod colligendis antiquiorum temporum Nummis tam assiduam operam dedere : nec minus sapienter Posteris quod eadem cura putavere illos sibi & conservandos & augendos. Probaverunt quippe conquiisvisse se in ipsis gloriæ fontibus exempla quæ imitarentur : neque se ulla omnino invenisse , quæ sua virtute non essent feliciter assecuti : plura quæ longo post se intervallo reliquissent.*

*Fruere igitur PRINCEPS SERENISSIME , auctà Familia tua Augustissima laude , ac dum digna Num-*

## DEDICATIO.

*mis quotidie tam sapienter ac fortiter geris , perge amare  
nobilissima illa Antiquitatis monumenta. Mihi certe quid  
non sperare licet ; quid non felicitatis novo isti operi meo  
ominari ? nihil certe minus quam quod assecutus est Ursi-  
nus : nimirum ut cum iisdem Farnesianis auspiciis liber  
meus prodierit , vivat Auro , Argento , atque Ære in quo  
versatus sum , longe perennius , & exceptus cum laude ab  
omnibus , ad seros usque posteros Fatis felicibus transmitta-  
tur. Vive & vale SERENISSIME PRINCEPS ,  
dumque Mecenatem nobis totum representas , fac ut au-  
reum Augusti seculum Parmæ reflorescere nemo sanus audeat  
diffiteri.*

*Scribebam in museo meo Parisiensi ,  
Anno 1701. Nonis Novembris.*

PRÆFA-



## P R Æ F A T I O.

**N**OVUM habes in Antiquioribus Nummis explicandis conatum, LECTOR ERUDITE, benevolum te faciet tum ipsius argumenti dignitas, tum difficultas operis gravissima, tum verò tua summa utilitas, cum minori voluptate conjuncta. Dedimus quidem jam à multis annis Imperii Rom. insigniora hac in parte monumenta, quæcumque Nummis consignata sunt, sive illa Imperatorum jussu, sive Senatusconsulto cusa, sive etiam Duumvirum edicto, quibus id juris fuit in Coloniis atque Municipiis. Adjunximus Græcarum Urbium Numismata, quotquot longo usu ac labore colligere nobis licuit. Æreos quidem Nummos cujusvis moduli semel & iterum mandavi typis, sola illorum descriptione contentus, quod unum tunc à nobis amici postulaverant.

Verum quod illorum exacuendæ tantum industriæ profuerat, novi mihi laboris occasio fuit. Instare enim cœperunt, ut quod describeram, etiam explicarem; rem certè longioris operæ, multoque difficilioris. Deest quippe inquiebant, gloriæ tuæ & utilitati nostræ, si non addis Imperatorum Nummis omnibus eam lucem, quam tam feliciter Coloniæ Nummis attulisti, ut eos quoque enucleatius singulos nobis exponas. Quid facerem? obsecundandum fuit tam honorifico illorum de me judicio. Explicui igitur Aureos Argenteosque Nummos præstantiores, & reconditoris doctrinæ. Neque ideo quievire. Institerunt porro urgere ardentius, ac alteram quam contexerem Spartam proponere: eam scilicet qua vetustiores Romanarum Familiarum Nummos spectat, qui stante Republica cusi ad nos usque pervenere: quos quidem quia satis perito interprete carebant, nostra hac ætate minori in pretio haberi doctiores dolebant. Ipsi ergo ut facerem satis, nec tempori nec operæ parcendum mihi putavi, præsertim cum nemo hactenus satis exactè hac in re esset versatus, ut non professus continuò esset, multa se posterorum industriæ ac diligentia sine invidia reliquisse, quæ suppleri exoptaret.

Omnium Antesignanus Hub. Goltzius anno Christi 1571. quotquot potuit reperire, Romanarum Familiarum Nummos edidit in lucem: potuit autem præ ceteris longe plurimos ac præstantissimos:

*Qui mores hominum multorum vidit & Urbes.*

Quam etiam mereretur fidem, enumeratis singulis quas peragrasset  
urbibus

P R Æ F A T I O.

urbibus, consignandam sibi credidit, ad calcem Historiæ Julii Cæsaris quam scripsit. Verum ut sunt difficiliora rerum magnarum initia, satis sibi credidit esse, si Nummos quos vidisset, asserendis Romanorum Fastis addiceret, omissa typorum sigillatim explicandorum cura: Professus etiam ingenuè, se noninum cognationem spectasse potius, quam ut singula suis temporibus, aut etiam personis accommodaret. Ita contigit ut ejus qui appellatur Consul sit nomen, quod in apposito Numismate legitur: Numisma verò ipsum sæpissime, non Consulem, sed Triumvirum, sed Quæstorem, sed Ædilem referat, ejusdem quidem nominis, sed à Consule ipso planè diversum.

Sexto post Goltzium anno qui fuit 1577. Fulvius Ursinus S. Joannis Lateranensis Canonicus dedit in lucem eruditissimum librum de Romanarum Familiarum Nummis, seu quos ipse sua in Bibliotheca servabat, seu quos, ut visum nonnullis est, eruerat ex Cimelio Eminentissimi Cardinalis Farnesii, cui familiaris erat, Alphabetico singulos ordine. Quanto verò sit in pretio liber ille habendus satis probat, tum Eruditissimi Scaligeri judicium, quod extat in Scaligerianis; tum Illustrissimi Spanhemii de præstantia & usu Numismatum dissert. 6. Nihil enim est tantorum virorum judicio incorruptius. Non tamen ideo putes Ursini quod alter divinum opus, alter aureum dixerit, ita esse numeris omnibus absolutum, nihil ut omnino desiderare in eo possis: Nam bene multos Nummos reliquit intactos, qui sunt difficilioris explicatûs, & quod humanum est, abundavit nonnunquam in suo sensu, contra nonnullorum perspicaciorem intelligentiam: denique quamvis plurimos Nummos, non tamen omnes quos dederat Goltzius, colligere potuit, cum diligentiam ejus effugerint & multi etiam de novo inventi sint.

Carolus Patinus Doctor Medicus Parisiensis, his nostris in studiis felicissimè versatus, cum defecisse sentiret tam utilis libri exemplaria, facturum se credidit rem imprimis gratissimam antiquiorum nummorum studiosis, si velut intermortuum opus aggredieretur, non restituere modo, sed etiam amplificare, additis de suo quamplurimis amicorum & præsertim P. Seguini nummis. Ac licet inter eos non paucos inferuerit, quos potius ad Imperatorum, aut Colonia-  
rum; quam ad Familiarum seriem texendam, annumerari fas esset: debet tamen illi plurimum tota Antiquariorum gens, quod in exculpendis Ursini nummis, novisque quos adjunxit, diligentio-  
rem longe operam adhibuit. Jam quid ego novissimus afferam, præ illis  
à me



## P R Æ F A T I O.

à me laudatis clarissimis Antiquariis, necesse videtur ut breviter doceam, ne actum agere videar.

I. Facile erit cuivis agnoscere, & fane cum non mediocri voluptate, quam multos ego Nummos afferam, quibus collectum ab Antecessoribus meis Thesaurum locupletavi. Neque porro commisi semper, quod in Patino censui aliquoties accusandum, ut sine delectu eos admiscerem, qui ad Familias Romanas non pertinerent. Quare si quos reperiatis qui nihilominus eo in numero non videantur reponendi, scias velim aut Græcos esse, eosque perraros, ac ferme omnes sine Imperatorum effigie, qua parte certissime ad Antiquas suas familias revocari à nobis debuere.

II. Non ignoro in contexenda Nummorum Imperialium serie, nefas esse commisceri varia metalla, diversosque modulos: sed suam Aureis, suam Argenteis, suam Æreis, suam majori formæ, suam esse debere seriem: At in Familiarum collocandis Nummis alia omnino est ratio. Nihil enim notat aut metallo metallum, aut minori modulo majorem permisceri. Tantum admoneo ne inter Aureos Argenteosque Nummos Ærei reponantur, nisi qui ad eorum modulum proxime pertineant, iisdemque forulis componi commode possint. Inde fiet ut soli excludantur Ærei qui maximi aut majoris moduli sunt, quibus ut in Regio Cimelio me autore factum est, suæ erunt privatae capsæ. Sunt porro ejus molis non ita multi è quibus majores plerique Jovis aut Jani caput repræsentant. Maximi verò quotquot sunt, Imperante jam Augusto cusi, possunt non immerito, in Imperatoria serie suum locum tenere.

III. Tria potissimum in singulis nummis explicanda mihi proposui, quis, quid, cur. Id est nomen Familiæ cujus est Nummus: typum Anticæ & Posticæ partis: causam seu occasionem talis cudendi typi, talibus cum insignibus. Quoties autem eidem Nummo plura diversarum Familiarum nomina, inscripta sunt, per me licet, ut qui plures consimiles possidet, eundem singulis in Familiis iterato collocet. Non me fugit quantum sit in dignoscendis capitibus difficultatis, præsertim cum nullis certis symbolis distinguuntur: Palmam verò me ferre nemo negaverit, si feliciter ubique causam attigero, cur nummus tali forma signatus sit, tali quæ figura. Sic enim omnes intelligent, quæ in quavis Familia domi forisque præclare gesta fuerunt: certum quoque nummi pretium pro eo tempore quo ferri contigit, quod maxime intererat ut sciret populus, cui vendendi emendique tali moneta, necessitas incumbere.

IV.

## P R Æ F A T I O.

IV. Quoties pauci admodum occurrunt in certis Familiis Nummi, singulos suo loco componere, nullius prope negotii fuit. Idque passim sine peccato ubique negligi potuisse credidit Ursinus, adeo nihil præter distinctionem prænominum attendisse videtur, magno sane temporis laborisque sui compendio. Ego verò qui Musas colo paulò severiores, quique nec tempori parcendum mihi credidi, nec labori: iis etiam in Familiis quæ maxima Nummorum copia abundant, quales sunt Æmilia, Cornelia, aliæque similes, ordinem ætatis ac temporis, quem ἱστορίαν vocant, religiosè mihi observandum proposui: quamvis scirem me non historiam, sed seriem tantum Familiarum scribere. Quoties tamen plura prænomena occurrerunt, commodius putavi Ἀλφαβητικῶν uti ordine quam Χρονικῶν.

Ititur ubi assignare certo potui quis quem Nummum feriri curasset, eumque inter varia prænomena discernere; cetera mihi visa sunt satis in promptu fore. Observavi tamen certa quædam ex illis prænominibus ad primogenitos ita pertinere, ut ad fratres natu minores numquam descendant, sed adhærescant primariæ stirpis stolonibus. Habendus igitur est pro secundo aut tertio genito, qui prænomine paterno non gaudet. Is autem si Nummi cudendi fuit autor, id virtuti debet suæ quæ partûs legibus non obstringitur, aut forte necessitati naturæ, quæ fato functo primogenito, jus illius in secundo genitos ipso facto derivavit.

V. Existimavi gratum Antiquariis omnibus fore, si illius qui feriundi Nummi autor fuit, Magistratus omnes quos in Rep. gessisset exactius recenserem, & signarem singulos suos quemque anno ab Urbe condita. At occurrit statim menti non idem creditum omnibus Romæ conditæ exordium. Cato siquidem uno ante Varronem anno ortum illius statuit. Visa mihi commodior Catonis sententia vel hoc uno, quod eam Goltzius, Ursinus, Patinusque amplexi essent: ut nihil dicam de Marmoribus Capitolinis, in quibus Triumphorum Epochæ Catonis computo notantur. Verum quùm adverterem ab uno ferme sæculo plerosque Rom. historiæ Scriptores Varro-niana uti regula, placuit ut nemini injuria fieret, utramque Æram alteram alteri superpositam locis omnibus repræsentare.

VI. Nemo credo negaverit penes Quæstores solos cudendæ monetæ curam fuisse, seu Provinciales, quorum erat numerare militibus stipendia, publicasque in Provinciis expensas procurare, seu Urbanos quibus erat monetam Plebi Romanæ providere: illa omnis

Romæ



## P R Æ F A T I O.

Romæ appposito nomine signabatur, at dum contigit urgente necessitate eam in Provinciis cudi, sive ex publicorum Vectigalium argento, sive ex hostium quas vocant manubiis, vox Roma tunc non aderat.

Attamen præter Quæstores quos appellavimus, imperandæ monetæ, nominisque sui Nummo insculpendi jus habebant Adiles tum Curules, tum Plebei, penes quos edendorum publicorum Ludorum cura erat. Inde factum est, ut eorum jussu frequentius in Nummis appareant Deorum illorum aut Dearum capita, quorum in honorem celebrati Ludi essent. Idem quoque juris fuit Prætoribus Urbanis, post editos Apollinares Ludos. Consules quoque ac Proconsules qui Triumphum egissent, aut Ovassent, cudi monetam imperabant, adepti honoris tesseram, qua Duces suos militesque qui triumphum cohonestassent, veluti donativo remunerarentur. Tribunis verò Plebis nusquam videtur ejusmodi jus concessum fuisse.

Arbitrati sunt plerique, contra id quod diximus, pecuniam publicam creditam fuisse singularibus Magistratibus qui *Curatores denariorum flandorum* dicebantur, quo nomine insignitur quidam de Familia Cornelia. Verum quum is ipse in consimili Nummo Quæstor appelletur, eo magis asseri Quæstoris dignitati denariorum conflandorum videtur cura. Dices meminisse M. Tullium Ciceronem Triumvirorum Monetarium; adeoque singularem eum Magistratum fuisse. Ego verò libens id concesserim; sed non ante Julii Cæsaris Dictaturam, quo tempore quum plures haberet Julius, quod de se in bello Civili benemeritos vellet aliqua mercede compensare illam dignitatem excogitavit, ut quoniam datum sibi esset à Senatu ut imagine sua Nummi notarentur, vocaret velut in tanti honoris partem Triumviros Monetales, qui ex averfa parte nomina sua inscriberent, satis enim id innuisse videtur Suetonius in Julii vita. Quinetiam numerum Triumvirorum auxit idem Cæsar, paulo post quarto addito, ut ad plures gloria pertineret: Eorum è numero fuit Voconius III VIR. idemque designatus Quæstor, ut videatur Monetarium dignitas, primus veluti fuisse ad ampliores Magistratus gradus. Non multò post Imperante Augusto, quum Æreæ monetæ cudendæ potestas Senatui relicta est, Auræ verò & Argentæ cura juris Imperatorii facta est; tum verò utrimque revocato priori numero Triumviri Monetales Senatorii & Imperatorii creati sunt.

VII. Veniendum jam est ad res ipsas, figuraeque Nummis ipsis insculptas, in quibus intelligendis gravior est difficultas. Jani bifrontis

# P R Æ F A T I O.

capite impressos plerosque Æreos nummos nemo ignorat. Argenteos verò Romæ galeatæ imagine. Successere paulatim in utrisque Deorum Dearumque effigies. Sic enim semisses Jovis caput, ut plurimum repræsentant. Suasit id nimirum Magistratum varia varios in Deos observantia, quam eâ ex parte testatam voluere. Inde nata posteris nova obscuritas, quòd scilicet nuda Numinum capita sine nomine, certisve symbolis apparent, ut non facile sit divinare quis Deus vel Dea sit præ ceteris.

Laborandum tamen fuit longè amplius in averfa Nummorum parte explananda. Verè enim ejusmodi typi ænigmata dici possunt, quæ sagacissimo & felicissimo Oedipo opus habent. Facem quidem mihi prætulit in plerisque Fulv. Ursinus rerum istarum peritissimus indagator: à quo tamen si nonnunquam discedendum mihi putavi, feliciorem me velim existimari, non peritiorem; quippe qui id debeam pluribus Nummis quos magis integros reperi, unde majus natum est ad eos explicandos subsidium: Qui si tales in manu Fulvii venissent, non autem detriti, fugientibusque litteris ac symbolis, ille profecto propius accessisset ad veritatem, prioresque conjecturas melioribus emendasset.

VIII. Qua occasione, quibusve causis conflati nummi sint, id porro est, in quo se quisque exercere pro sua industria debet. Dixi de singulis quid sentiam, salvo meliori Antiquariorum judicio. Quoties enim de rebus tam longè à nostra ætate, & à nostris moribus dissitis agitur, solisque conjectationibus locus est; quam primum est labi, & verisimilitudine decipi. Goltzius certè maluit in omnibus abstinere penitus, quam falli. Ursinus, inquam, pluribus nihil dicere sapientius putavit, quam pro certis incerta afferre. Plus sibi licere non existimavit Patinus: Audacior ego nihil omnino intactum mihi relinquendum, ne studiosos rei Antiquariæ veluti frustra hiantes dimitterem. Votum fuit excitare sagaciorum solertiam, ut rebus dubiis plenior tandem lucem affunderent, quas ego maligno sub sole aut vidi aut vidisse putavi.

IX. Qui porro fructus è Consularibus quos vocant Nummis colligi queat, paucis nunc accipe. Tam varia quæ occurrunt Familiarum nomina nostris statim obtutibus, simulque memoriæ subjiciunt obliteratam pene gentis illius gloriam, quam tantæ molis fuit condidisse; meminisse autem, tam liquidæ voluptatis. Seriem quippe totam Rom. Historiæ præsentem habet, qui digestas suo ordine Nummorum



## P R Æ F A T I O.

rum istorum capsulas lustrat : qui prænomena, nomina, cognomina singulorum legunt, seu quæ cognationis affinitate, seu quæ victoriarum cursu adepti sunt : qui avos, patres, filios, nepotesque contemplatur, qui stirpis certam originem, vel ex ipso typo rimatur : qui decora omnia seu pace, seu bello, seu domi, seu foris parta recognoscit, Triumphos, Trophæa, Victorias, Leges, Ludos, Templatum erecta, tum restituta, quæque illustria sunt ejusmodi ornamenta Familiarum.

Si igitur scriptas ab Historicis Romanorum res gestas legimus, semper cum jucunditate, nec legisse semel satis est : si nova in dies lux legentibus affulget : quis neget quum sub aspectum veniunt tot insignia monumenta Nummis consignata, quæ totidem veluti tabulæ sunt, in quibus eximia illorum facinora oculis usurpantur ; quis, inquam, neget, non illico inflammanda Eruditorum studia in iis colligendis, in quibus majori compendio, quam in longis Historicorum narrationibus contemplantur quæcumque florentis tam inclytæ Reipublicæ sæculis acciderunt. Certe non aliam crediderim fuisse Romanis patribus causam, cur per plura retro sæcula iisdem nummis suum semper esse pretium usumque voluerint, quam ut continuo cursu perennis insignium factorum memoria servaretur.

Quapropter factum credo à Trajano Imperatore sapienter, ne obliterarentur unquam fortiter ac præclare à Majoribus gesta, ut ex illis Nummos non paucos sua ætate restituendos curaret : Utinam etiam nostris temporibus idem fuisset Principum studium, neque fordida Aurificum avaritia; quod in sua Præfatione dolet Goltzius, ingentem illorum numerum conflasset, quos si superstites haberemus; quanta pars fieret ad veritatem historiæ assequendam aut illustrandam accessio ? sed quid facias illorum cupiditati qui probatissimum illius ævi aurum atque argentum, majori sibi emolumento fore sentiunt ? Intercedat necesse est Antiquariorum diligentia, qui redimere fatagant pretiosa illa priscae veritatis pignora, unde tanto plus habeant ad conscribendas Historias subsidii, quod in illis vident & tractant, quæ non nisi legere & audire in libris licet. Doceant enim vero libri qui sunt Magistrorum loco. Nummi certe delebant præterea, distinentque jucundius. Haberi nullo negotio libri possunt; quanta verò felicitate opus est, ut librorum emendatores nummi in manus, veniant.

X. Agamus nunc de metallo, subjectaque imaginibus materia.

*Volum. I.*

\*\*\* 2

Satis

# P R Æ F A T I O.

Satis diu solo ex ære Romana moneta cusa est. Non quod carerent omnino auro vel argento, utrumque enim afferebant vicini populi, sed prisco more solum æs sibi signandum putabant. Igitur grandioris æris frustis redimebant necessarias ad victum pecudes, quo putatur factum ut moneta pecunia diceretur: quamvis melius forte sentiant, qui ab impressa pecudis imagine natum id nominis censuere. Collecto etiam in massam & non signato ære usos fuisse Romanos testis est Livius. Denique cusi sunt asses librales, hoc est 12. unciarum pondus, unde nota assis in duodecim æquales partes divisio. Tales autem an supersint etiamnum multi dicere non ausim: quandoquidem nullos vidisse me memini supra Trientem, uncias scilicet admodum quatuor, ceteris utpote sua mole incommodis conflatis statim eo tempore, quo monetæ pondus imminutum fuit. Itaque non amplius pecude, sed hinc Jani facie, inde navi aut rate notati sunt, adscripto Romæ nomine, ut Romanam monetam esse omnes intelligerent.

Docet Plinius bello Punico primo, assem qui libralis erat, revocatum esse ad Sestantarium, id est, ad duas uncias, æquali pretio, sed altero pondere: nimirum quum obrueretur Resp. ære alieno, præfens illud remedium occurrit, ut scilicet eodem Plinio teste, simul & semel ærarium quinque partes lucri fecerat, dissolvereturque hac arte æs alienum: nam ex uno librali asse, sex asses facti sunt, certo maximo emolumento. Urgente nihilominus magis magisque temporum necessitate, bello Punico secundo Sestantarius iterum ad uncialem imminutus est, Fabio Maximo Dictatore, dimidia parte lucri facta, quum ex asse uno, duo asses nascerentur. Mox Lege Papiria unciales ad semunciam revocati brevissimo, ut videtur, tempore, quandoquidem paucissimi ejus ponderis inveniuntur, revocatis statim assibus ad unciale pondus.

Semisses simul cum assibus cufos esse, in confesso esse debet, eoque notatos ea littera s, ut asses 1. parti anticæ impressum caput Jovis Capitolini, posticæ rostrum navis. Utilitati quoque ac commoditati publicæ cusi Trientes, additis quatuor punctis, quæ unciarum quatuor pretium esse demonstrarent: Quadrantes tribus additis punctis, quæ trium unciarum: Sextantes denique additis duobus punctis, quæ duarum unciarum, minime tamen exacto ad antiquam libellam pondere, minutulæ ejusmodi monetæ impressum erat caput Herculis cum leoninis exuviis, aut Mercurii cum petaso, aut Romæ etiam galeatæ.



# P R Æ F A T I O.

XI. Æreo nummo accessit argenteus C. Fabio Pictore & Q. Ogulnio Gallo Coss. anno ab V. C. <sup>484</sup>; dictus denarius qui denis æreis assibus æquivaleret, unde x. notatus est. Simul cusi sunt quinarrii notati Q. vel V. dimidia scilicet parte. Quinarrii deinde in festerrios divisi, qui essent duorum assium cum semisse, notati iis. usu verò factum est, ut ducta linea duo prima elementa jungerentur HS. Denarii omnes insigniti fuerunt Romæ galeatæ, averfa parte, Castoris & Pollucis decurrentium cum hastis imagine. Bello Punico secundo auctum denarii pretium plusquam dimidia parte, notata illico accessio est xvi. incertum quo temporis spatio, brevissimo certe: id enim arguunt illius notæ paucissimi Nummi: atque interea militaribus stipendiis nihil imminutum est. Notat Fulvius denarios argenteos quo graviores sunt, eo & antiquiores censendos esse. Ego non usquequaque verum id effatum comperi, quare unius ponderis fuisse omnes arbitror, eos verò qui leviores sunt, usu solo detritos factos, non eo numero falsos, qui lamina argentea superinducta, intus ærei sunt, complector; quapropter Nummi ferrati per aliquod tempus sunt signati.

XII. Aurei denique Nummi cudi cœpere 62. post argenteos annis, C. Claudio Nerone & M. Livio Salinatore Coss. <sup>546</sup> tradit Dio lib. 56. pretium fuisse 25. denariorum argenteorum, singulos enim ad drachmas 25. revocat. Prodiere simul & quinarrii aurei, iique semper ex auro probatissimo: quo factum ut paucissimi ad nos pervenerint, & fusorium foculum evaserint. Hoc certè plus Mantuanis Ducibus debemus, qui plurimos tantillæ molis nummulos olim collegere. Evaserunt illi feliciter communem urbis cladem, suntque etiamnum in Regio Cimelio, insignes præ ceteris, habent quippe impressam argenteam aquilam Mantuanæ gentis insigne. Dixere nonnulli oppigneratam Mantuanam Gazam fuisse alicui fortè de vicinis Italiæ Principibus, à quo postmodum redempti per hujusce suppellectilis antiquæ studiosis, tandem Regis Christianissimi Thesaurò accessere.

Porro distinguendis metallis more solito, priora elementa adhibui aureis AV argenteis AR. æreis Æ. varios modulos signavi numerali nota. Primæ magnitudinis I. cujusvis demum metalli sint. Secundæ formæ 2. tertiæ moduli 3. ne quid morari Lectorem aut turbare posset.

Quin&etiam Autorum nomina, ut singuli præferrent, curavi sedulo.

# P R Æ F A T I O.

lo. Goltzianos notavi adjuncto G. Fulvianos adjuncto F. eos autem qui apud utrumque occurrunt adjunctis G. F. Patinianos adjuncto P. quibus autem invenies v. hos scias mea *Vaillant* cura ceteris additos esse. Ut autem sua Goltzio gloria fidesque constet, occurrendum cenſeo Patini duriore de eo ſententiæ, ſic enim pronuntiavit Imperatorum Nummorum in præſatione. *Tertiam Faſtorum ſuorum Conſularium iis numiſmatum exemplis implevit, quorum genuinas origines nemo unquam hominum vidit, nemo fortæſſe unquam videbit.* At ego contra poſt accuratiſſimum examen affirmare poſſum, nullum omnino eſſe debere ſuſpectæ fidei, quandoquidem tam exactæ ad hitoriſcam veritatem conſentiunt tum figuræ omnes, tum inſcriptiones: nulla ut legitima poſſit eſſe de genuina ipſorum origine dubitatio.

XIII. Ceteris meis in libris gratum me facere Curioſis Rei Numiſmaticæ arbitratus ſum, ſi ſingulis apponerem, qui rariores haberi deberent, qui obvii ac vulgares. Liberavit me hac cura, certior de Goltzianorum veritate inveſtigatio, quare ne perdam operam, aut Lectoris abutar otio, ſufficiat admonuiſſe ſemel, raros omnes eſſe qui ſola G. nota inſcripti ſunt. De Fulvianiſ quæ dicturus eram, ante-occupavit Cl. Savotus Medicus Pariſienſis, in erudito ſuo de Re veterum Nummaria, commentario. Sunt autem Fulviani numero 758. è quibus vix ſeptem aut octo reperiſ, qui non aſſerventur in Regio Cimelio. Patiniani, qui vere Conſulares ſunt, hique pariter quos ego addidi de novo, pro raris omnino habendi.

Neque tamen eſt, quod tanta rariorum multitudo, quemquam ab iis colligendis detertere debeat, aut in deſperationem adducere: Non enim eadem eſt Conſularium Nummorum quæ Imperialium ratio, illorum ſi plures rariores deſint, hoc eſt plura Principum capita, interemptam & imperfectam ſeriem eſſe neceſſe eſt. Iſtorum verò etſi multi deſint, modo adſint Familiarum omnium nomina, perfecta nihilominus & abſoluta ſeries haberi debet: quamvis non negem eo pluris faciendum Cimelium eſſe quo plures in ſingulis Familiaris Nummi colligi potuerint: imo locupletius habebitur, ſi novarum denarii in illo ſint additi.

XIV. Quo diſponendi ſint ordine Familiarum Nummi, nihil eſt quod pluribus dicam, qui enim Fulvio placuit Α'λφ'α'β'η'τ'ικ'ός, omnium fane commodiſſimuseſt. Nihil potuiſſet præterea ejus in libro deſiderari, ſi inter ipſa ſingularium Familiarum numiſmata ſuus cuique ſervatus ordo fuiſſet, quod non fecit Fulvius, mea tibi præſtabit induſtria.



P R Æ F A T I O.

dustria. Quum enim singulis explicandis accuratius incubuerim, eos quoque Historico ordine & habita exacta ratione temporis dispositos reperies.

Verum quia nemo est, ne inter Principes quidem satis felix, qui sperare possit se omnes Nummos assecuturum quos ego hinc inde collectos repræsentavi, quibus non erit satis magna copia, ut Historicam seriem integram contexere valeant, iis per me licet, ut primo loco Goltzianos, altero Fulvianos, tertio Patinianos, quarto meos collocent; postremo denique quos de novo reppererint, suos. Ex historia porro illorum serie, quam exhibui, quicumque illustrandam sibi Historiam propoluerint certissimis illis priscorum temporum monumentis, magnum sibi nasci auxilium experientur, ut firma ex omni parte sua argumenta consistant.

XV. Scio non unum esse omnium qui in nummis colligendis versantur, studium, aut scopum. Alii enim illustrandæ, ut diximus, Historiæ testes exinde fidelissimos quærunt. Alii sibi solis, suæque voluptati student, quam ex vetustissimorum monumentorum conspectu & intelligentia capiunt uberrimam. Ego utrisque ut serviam multiplicem isti meo libro Indicem adjunxi. Primus est Rerum & Verborum, quo facile quivis ea reperiatur, quæ cupit, sive ad Historiam, sive aliò spectantia, ea tamen cautione consulendus ab eo qui historica quærit, ut intelligat me singularia cujusvis facta non expressisse, sed designasse tantum Familiam, ubi distinctius ea omnia inventurus est. Alter Index est in Numismata, quo continentur Typi omnes, ac Figuræ variæ quæ in singulis exprimuntur, quid scilicet significant, & quibus adumbrandis rebus inserviant. Tertius continet nomina Familiarum. Quartus cujusvis de Familia seu cognomina, seu agnomina, quæ subinde memoriæ non occurrunt. Postremus est Geographicus qui maxime necessarius visus est, eo quod frequens sit in eorum vita quorum explicantur Nummi, Urbium ac Populorum mentio.

Fecissem etiam libenter pro more, ut in Indice Autorum, quos toto in opere laudavi, quos aut illustravi, aut emendavi, seu denique quorum sententiam amplexus sum; sed quia metus fuit ne tot repetitæ Familiarum & numerorum notæ tenebras potius, quam lucem affunderent, satius credidi solum Autorum nomina, quam minus explicata eorum loca proponere; præsertim quum corrigendis τρωγε-φικαῖς Σφάλμασιν præsens adesse non valeam. Non ideo tamen probare possum

P R Æ F A T I O.

possum quod fecit Patinus, qui Fulvianum Indicem satis copiosum noluit repræsentare.

Quo vero casu aut consilio factum sit, ut quùm eodem tempore Goltzius Fulviusque de eadem re scriberent, neuter alterius meminerit. Refert quidem Goltzius Fulvium inter celebres Romæ Antiquarios, quùm ejus librum nondum editum videre potuerit. Fulvius autem si Goltzii librum vidit, de illo judicium potius Lectori reliquissè quam eum malitiose confectari maluit, quod ab omnibus probatum est; variæ enim de eadem materia lectiones semper jucundæ sunt, ut nunc prodibunt, siquidem vir Cl. Andreas Morellius amicitia dudum mihi conjunctus è Germania nuper ad me scripsit se de Nummis etiam Consularibus paratum opus habere.

XVI. Nemo dicat me operam lusissè, quùm singulorum Nummorum accuratam descriptionem apposui, qui solo conspectu se ipsos satis explicare videntur. Quis enim nescit quam facile Chalcographorum incuria contingat, ut malè effingantur Nummi: quam necesse sit quæ sint apposita Hominum Deorumve capita aperire, quùm Deque à Goltzio, neque à Fulvio appellentur. Denique quam opportunum sit obscuram Figurarum intelligentiam propalatam primo statim obtutu conspicere.

Scopum me ubique attigisse non profitebor jactantius, quid enim proclivius quam in tam lubrico labi? quid tam humanum, quam in densis adeo tenebris palpare, & habere pro vero, quod tantum verosimile sit? Possum tamen polliceri, rarius me meas conjecturas fefellisse: vel si fefellerunt, non idcirco tamen aut infelices, aut inutiles videri debere: facem enim saltem præferent meliora inventuris: quoties verò nemine mihi præeunte, excogitandum mihi fuit aliquid de meo, quod probabilius videretur, atque ad rem ipsam accommodatius: nemo id mihi vitio vertendum putabit, si intelligat præstare mediis in tenebris, dubiam lucem asferre, quam nullam, meque ducem quandoque præbere ceteris, quam timide semper præeuntium vestigia sectari, ac si quopiam loco hæserint, ibidem quoque velut ad scopulum naufragium facere: præsertim, quùm per ignotum iter tendentibus, sua cuique debeat esse libera progressio. Tuum erit LECTOR BENEVOLE, sequi quem credideris tutiorem viæ ducem, aut etiam, si videbitur, novam tibi ac commodiorem viam, tua industria, sternere.

Vale.


ABURIA.



# ABURIA.



## ACCOLEIA.



## ACILIA.



TAB. I.





# ACILIA.



# AEBVTIA.







# AELIA



TAB. III.





# AE MILIA



*L. G. G. G. fecit*

TAB. IV.





# AEMILIA



TAB : V.





# AE MILTA.



T A B . VI .





# AEMILIA.



TAB. VII.





# AEMILIA




# AFRANIA







# ALBIA



## ALFINIA

## ALLIENA




## ANICIA



## ANNIA



## TAB. IX.





# ANNIA



## ANTESTIA



## ANTISTIA







# ANTISTIA.



TAB. XI.



# ANTONIA



TAB. XII.





# ANTONIA







# ANTONIA



TAB. XIV





# ANTONIA.



TAB. XV.





# ANTONIA.



TAB. XVI.





# ANTONIA.



TAB. XVII.





# ANTONIA




TAB. XVIII.






# ANTONIA







# ANTONIA.



## APPVLEIA.



## APRONIA.







# APRONIA.



## AQVILIA.







# AQVILIA.



# ARRIA.



# ARRVNTIA.



# ASINIA.







# ASINIA



ТАВ. XXIII.





# ATILIA.



TAB. XXIV.

*L. G. G. G. G. G.*





# ATTEIA



## AVFIDIA.



## AVRELIA.



## TAB. XXV.

I. Goret fecit





# AVRELIA.



# AVTRONIA.



# AXSIA.



# TAB. XXVI.

*V. Goussier fecit*





AXSIA.



BAEBIA.



BETILIENA.



CAECILIA.







CAECILIA



TAB. XXVIII.





# CAECILIA







CAECILIA



TAB. XXX

*T. Scree sec.*





# CAECILIA



## CAECINA.



## CAEDICIA.

## CAESIA.




## CALIDIA.







# CALPVRNIA.




TAB. XXXII.

*X. Goussier fecit.*





# CALPURNIA.



TAB. XXXIII.

Thierce fci





# CALPVRNIA



## CALVISTA



## CANIDIA







CANINIA



CARISIA





CARISIA







# CARVILIA



## CASSIA.



TAB. XXXVII.

*I. Goeree fec:*





# CASSIA







# CASSIA.



# CESTIA.



# CICEREIA.



# CIPIA.



# CLAVDIA.



# TAB. XXXIX.

*A. 1800. pte.*






# CLAVDIA



TAB XL





CLAVDIA







# CLAUDIA







CLAVDIA



CLOVIA



CLOVELIA



**TAB. XLIII**





COCCEIA.



COELIA



TAB. XLIV.





CONSIDIA



COPONIA



CORDIA



TABXIV





CORNELIA.













CORNELIA.







CORNELIA.







# CORNELIA.



TAB. L.




# CORNELIA



TAB. LI





CORNELIA



TAB. LII





# CORNELIA



## CORNIFICIA




TAB. LIII



COSCONIA.



COSVTIA



CREPERIA



CREPVIA



TAB. LIV.





# CRITONIA



## CVPIENNIA



## CVRIATIA



## CVRTIA



# TAB. LV.





CVRTIA



TAB. LVI



# DIDIA.



# DOMITIA







# DOMITIA







DOMITIA.



D V I L I A



D V R N I A



TAB. LIX.



DURMIA.



E G N A T I A



E G N A T V L E I A



E P P I A



TAB. IX.





FABIA



TAB. LXI.





# FABIA





FABRICIA



FABRINIA



FABRINIA



FANNIA



FARSVILIA



*J. P. Laper Fecit.*





# FLAMINIA



# FLAVIA







MONTEIA





# FULVIA.



TAB LXVI.





FULVIA



FUNDANIA



FURIA







FURNIA



FURNIA

GABINIA



GALLIA





# GELLIA



# IIATERIA



# HELVIA



# HERENNIA



# HERIA







# HORATIA



## HORTENSIA



## HOSIDIA



## HOSTILIA







# HOSTILIA



ITILIA



ITILIA





# INFLA



TAB. LXXII





# IVLIA



TAB. LXXIII.









IVLLIA



TAB. LXXV.














TAB. LXVII





















IVNIA



LAELIA



LAETORIA



LICINIA













# LICINIA



TAB. LXXXIII.



# LICINIA







LIVIA



LIVINEIA







LIVINEIA



LOLLIA







LOLLIA



LYCILIA



LYCRETIA







LVCRETIA



L V R I A



L V T A T I A



TAB. LXXXVIII.






# MAECILIA



## MAENIACU MAINIA



## MAMILIA







MAMILIA



MANILIA



MANLIA













M A R C I A







# MARCI







# MARIA







MARIA



MARIA



MARIA







MESCINIA



METTIA



MINATIA







MINVCL







MINV CIA



MV CIA



MVM MIA



MVNATIA








MVNATIA



MVSSIDIA








MVSSIDIA



NAEVIA







NAEVIA



FF. RAVI



NASIDIA



FF. RAVI



FF. RAVI



NERIA



FF. RAVI



NONIA



FF. RAVI



FF. RAVI




FF. RAVI



NORBANA



FF. RAVI



FF. RAVI







# NORBANA



# NUMITORIA



# NUMOMIA







# OCTAVIA



# OGVLNIA



# OPEIMIA







OPEIMIA







# PAPIA



## PAPIRIA







# PAPIRIA







PAPIRIA.



PEDANIA.



PEDIA.



PERPERNA.



PETILLIA.







# PETILLIA



ERII



## PETRONIA



ERII



ERII



ERII



ERII



ERII



ERII



ERII



ERII



ERII



ERII



J. Mulder

fecit





PETRONIA



PINARIA













# PLAUTIA







POBLICIA



POMPEIA







# POMPELA



TAB. CXIII.





# POMPEIA



# POMPONIA













POMPONTIA



PONTINIA




POPILLIA







POPILLIA



POPPAEA



PORCIA







PORCIA



POSTVMIA







# POSTUMIA







PROCILIA



PROCVLEIA



PVPIA



QVINCTIA













QVINCTILIA.



RABIRIA

RENIA



ROSCIA

RVBELLIA



RVBERIA



TAB. CXXII.





RVBRIA



RVFILIA



RVSTIA



RVTILIA



SALVIA







SANQVINIA.



SATRIENA



SAVFEIA



SCRIBONIA







SCRIBONIA



SEMPRONIA.







# SEMPRONIA.







# SEMPRONIA.







# SENTIA



## SEP VLLIA








SEPVLLIA.



SERGIA



SERVILIA







## SERVILIA







## SERVILIA



## SESTIA



SENTIA







SICINIA



SILIA



SOSTIA







SOSIA



GAI



SP VRILLA

STATIA



PAI



PAI



STATILIA



GAI



GAI



GAI



PAI



PAI



PAI



GAI



PAI



TAB. CXXXIII.





SVILLIA



SVLPICIA







SULPICIA







SVLPICIA.



TARLIA



TARQVITIA



TERENTIA



TAB. CXXXVI.





# TERENTIA



## THORIA







# TITLE



TITINIA



# TITVRIA







TITVRIA.



TREBANIA.



TREBONIA.



TVLLIA.







TVLLIA



VALERIA



*Ed. M. S. S. S.*

TAB. CXL.



VALERIA.







VALERIA.





Vertical text along the left margin, likely a library or collection stamp, written in red and black ink.



VALERIA.



VALGIA



VARGVNTIA



VARIA






VATINIA




VENTIDIA



VERGINIA



VETTIA



VETVRIA







VETVRIA



VIBIA







VIBIA



TAB. CXLVI.



VIBIA



VILLIA



VINICIA



VIPSANIA













# VITELLIA



## VMMIDIA



## VOCONIA



## VOLCATIA



## VOLTEIA






# VOLTEIA.



## VOLVIA



## INCERTA







INCERTA  
RSINI



INCERTA  
PITHI







INCERTA  
PATINI



TAB. CLII.





## A B U R I A.

**A**BURIA gentis, ut opinor, plebeia, unus (quod sciam) *Livius* facit mentionem, *lib. 41. & 42.* inquit *Ursinus*, sed in multis illius exemplaribus AMBURIUS malè legitur. Gentile nomen ab aburendo voce vetusta deductum videtur, ut GEMINUS cognomen, quod uno partu cum fratre editus sit Marcus & Caius, qui ambo variis temporibus Tribuni Plebis fuere.

### I.

Primus Tabellæ denarius exhibet Romæ caput cum voce GEMINUS, in cuius averfa parte Sol capite radiato in quadrigis, d. flagrum, s. equorum habenas, cum epigraphe M. ABURIUS ROMA. argenteus est.

Ad Marcum Aburium spectat nummus, qui apud *Livium* Tribuni plebis anno, U. C. 560. se Fulvii triumpho de Ætolis & Cephallenia, Æmilii Consulis nomine opposuit, sed tandem Tib. Sempronii collegæ victus oratione, cessit. Is etiam Prætor inter cives & peregrinos jurisdictionem sortitus, an. 577. obtinuit. Solis symbolo capite radiato à postica parte in quadrigis signato cum flagro, ad gentile suum nomen, ab aburendo deductum, Aburius alludere videtur.

### II.

Secundus denarius idem Romæ caput galeatum, cum simili voce GEMINUS. In averfa Mars in quadrigis, d. trophæum, s. hastam, cum epigraphe. C. ABURIUS ROMA.

*Volum. I.*

A

Num-



Nummus hic argenteus Caii est Aburii fratris, ut opinamur, superioris, ut indicat Gemini cognomen. Hunc *Pighius*, *Annal. lib. 10.* inter Plebis Tribunos anni U. C. 568. duobus annis seriùs quàm fratre recenset. *Livius* eum P. Licinio Crasso, C. Cassio Longino Coss. an. U. C. 588. Legatum ad Massinissam & Carthaginienses missum narrat lib. 41. In eam rem Legati ad Massinissam Carthaginiensesque missi L. Postumius Albinus, P. Terentius Culeo, C. Aburii & c. Quadriga in postica parte, nummi argentei nota fuit, ut tradit Plinius lib. 33. cap. 3. Nota, inquit, argentei fuere bigæ atque quadrigæ, & deinde bigati, quadrigatique dicti. In istis autem Deum quem præcipuo honore colebant, exhibere soliti, ut C. Aburius hîc Martem signare videtur, sicut M. Aburius frater Solem ad gentile nomen alludens, cuderat, sed Martem etiam ad gentilitium ipsius nomen etiam spectare existimat *Pighius lib. Annal. 10.*

## III.

Caput Mercurii petaso seu galero alis ornato insigne, supra collum caduceus, cum duabus notis versus ambitum. In averfa prora navis cum duabus itidem notis & litteris, C. A B U R I I U S.

Ad Caium Aburium spectat etiam nummulus iste æreus seu primæ formæ, ut indicant duæ illæ notæ in utraque parte signatæ ad indicandum pretium monetæ, quæ sextans erat, id est, sexta pars assis, seu uncia duæ: Rostrum verò navis, nota erat ærei nummi, ut notat *Plinius lib. 33. cap. 3.* Nota æris, inquit, fuit ex altera parte Janus geminus, ex altera navis, ast usus postea invaluit, ut pro Jano quisque Deum, quem vellet, cudere posset, ut hîc Mercurium C. Aburius apposuit.

## IV.

Caput Herculis pelle leonina amictum, pone quod tres notæ. In postica navis & tres iterum notæ cum epigraphe, C. A B U R I R O M A.

Æneus ille nummus paulò grandior superiore, ut indicant notæ utraque in parte signatæ, quod quarta esset assis pars, quadrans, Ratitus dictus, ad C. Aburium etiam spectat. Ratiti meminit *Pomp. Festus*. Ratitum, inquit, quadrantem dictum putant, quod in eo & triente ratis fuerit effigies, ut navis in asse, sed *M. Varro lib. 4. de lingua latina*, quadrantem, quod pro vectura solveretur ab iis, qui ratibus ex Urbe in Aventinum montem, paludibus

tunc

# A B U R I A.

tunc disclusum veherentur, ratitum à Lucilio vocatum scribit. Hujusmodi quadrantes in funere Valerii Poplicolæ collatos fuisse tradunt *Livius lib. 3. & Plutarchus in vita Poplicolæ.*

Hercules in hoc nummo à C. Aburio percussus est, ut in superiore Mercurius, quòd illi dii ex Romanis essent antiquissimi, nam Romulus Mercurium ex Albanis, & ab Arcadibus Herculem receperat, teste *Dione Halycarnasseo.*

## V.

Quintus verò nummus caput idem Herculis, sed cum clava humero & tribus notis. In postica parte cum rostro navis & litteris M. ABURIUS. M. F. id est, *Marci filius, GEMINUS.*

Ad Marcum Aburium Marci Aburii filium pertinet hic æreus mediæ formæ nummus, ut testantur hæ notæ M. F. *Marci filius.* Hic autem à *Pighio lib. 12. Annal.* inter Tribunos plebis anni v.c. 598. adscribitur, & ipsi Propr. Sardinia prorogato Imperio an. 604. obtinuisse refert.

De quadrante tertia assis parte, de navis rostro, ut de Hercule in superiori nummo dictum est.



## A C C O L E I A.

**A**CCOLEIA gens, ut arbitratur *Ursinus*, plebeia est, cuius nulla extat mentio, nisi in duabus antiquis inscriptionibus, ubi scribitur ACCULEIUS pro ACCOLEIUS, uti antiquitus Agricula, Poplicula, pro Agricola & Poplicola. *Antoninus Augustinus dial. 4.* Accoleiam dictam esse ab Accola, vicino, ab accolendo, id est, juxta habitando: ut accola Padi, qui juxta Padum habet domum. Lariscolus autem cognomen, ab abundantia laricis arboris quæ juxta ædes erant.

Caput feminae cum epigraphæ P. ACCOLEIUS LARISCOLUS, in aversa parte, tres Nymphæ, quæ in larices arbores mutari videntur.

P. autem Lariscolus à Julio Cæsare si *Ant. Augustino* credimus, civis Romanus, & quidem Triumvir monetalis factus est, qui, ut ait *Ursinus*, majores suos ex aliquo prope Padum fluvium loco oriundos indicaret, tres illas mulieres quæ in arbores, ut apparet, vertuntur, ex una parte, etsi nobis conjecturæ locus, Clymenes eorum matris caput in anteriore parte, illas verò feminas Phaëthontis sorores & in larices arbores non autem alnos vel populos, conversas esse significare Lariscolus voluit: in quo veteris alicujus auctoris commentum secutus videtur; ut ex iis quæ *Palladius lib. 12. cap. 15.* de Larice scribit, „ Conjicere possumus. „ Resina, inquit, illa liquida est, lachrymæ similis, non recipit „ flammam, quasi odio prosequatur ob combustum Phaëthontem. Apud *Vitruvium* etiam *l. 2. cap. 9.* *Plinium lib. 16. cap. 10.* Larices pino simillimas, nec alibi notas, quàm in Padi ripa: prætereà flammam non recipere, & resinam habere liquidam mellis Attici colore, scriptum legimus.





## A C I L I A.

**A**CILIAM gentem plebeiam fuisse satis constat ex veterum Scriptorum autoritate, apud quos corruptè multis locis ATHLIA pro ACILIA scriptum reperitur. Opinamur autem Acilios à Græco verbo ἀνέμα, id est sano, quemadmodum Æmilii ἀπὸ τῆς ἀμολίας; à festivitate, ut *Plutarchus* inquit, gentis nomen traxisse.

Ex ea in nummis duo tantum reperiuntur cognomina, Glabrio nempe & Balbus. Glabrones, dicti sunt qui corpus glabrum, & pilis nudum habet: Balbi verò, qui vitio linguæ non bene possunt exprimere verba, & obscure loquuntur hæsitantes.

### I.

Primus tabellæ nummus exhibet ab una parte caput Jani bifrontis barbati in averſa illius parte; corona laurea, in cujus medio legitur *Manius ACILIUS Quæstor*.

Nummus ille æreus primæ formæ videtur à Manio Lucii F. Glabrione in Quæstura sua percussus anno v. c. 540. ubi eam assignare videtur *Pighius lib. Annal. 9*. Plurima enim moneta in ære tunc cudebatur ob auri & argenti inopiam, nam ante tres annos post pugnam Cannensem Ti. Minucius Augurinus Trib. Plebis legem nummariam tulit de III Viris mensariis creandis, qui pecuniam publicam curarent, autore *Livio*.

Antiqua moneta Romanorum Janum exhibebat bifrontem, sed cum rostro seu dimidia navi in averſa parte, quod dicerent Janum vetustum Italiæ Regem monetæ usum reperisse, teste *Athenæo*; sed Manius Aburius illum tamquam peculiare numen signare videtur. Bifrons pingebatur, quod exitus veteris & ingressus novi anni in Jani esset tutela, hinc Janitor cæli pingebatur. Corona in nummi postica parte ad Janum spectat, quod illum coronarum inventorem veteres existimaverint, id quod *Dragon Corcyraus* apud *Athenæum* pluribus docet, *lib. 15. cap. 14*.

## II.

Caput Æsculapii barbatum & laurea insigne, pone quod nota seu littera S. in averſa parte roſtrum navis cum epigraphe M. ACILI. ROMA, & littera pariter S.

Hunc liceat nobis ſecundum revocare etiam ex ære nummum ad eundem Man. Acilium Lucii F. qui poſt Quæſturam anno tertio Legatus ad Ptolemæum Ægypti Regem miſſus eſt apud *Livium dec. 3. lib. 7.* anno v. c. 543. „ Alexandriam ad Ptolemæum „ Cleopatramque Reges M. Atrilius & Man. Acilius legati ad „ commemorandam renovandamque amicitiam miſſi dona tulere. Acilius caput Æſculapii ad indicandam nominis originem, utpote ſanitatis Deum percuffit.

Rates ſeu navis roſtrum ut ſolitus nummorum ex ære ſymbolum videtur ſignatum. In utraque nummi parte appoſita eſt littera S. id eſt ſemi, ad indicandum mōnetæ pretium quod arguit ſemilibram quæ ſex uncias primò pendeſcit, ſed bello Punico primo anno <sup>483</sup>/<sub>90</sub> quum impenſis Reſpublica non ſufficeret, imminui cœpit, & ſextantario pondere, id eſt, duabus uncias cudi, & poſteà Annibale urgente Q. Fabio Max. Dictat. an. <sup>536</sup>/<sub>7</sub> unciales facti ſunt, ut probat hic nummus hoc pondere conſtans.

## III.

Caput idem Æſculapii laureatum in cujus poſtica parte baculus cui ſerpens involutus & litteræ M. ACILI.

Subdubitat *Urfinus* ad quem Acilium ſpectet hic nummus, ex pondere quidem veruſtior eſt ſuperiore, ergo ante Punicum primum bellum quo tempore imminutam diximus fuiſſe mōnetam cuſus eſt, nomen verò Manii præfert, & licet nulla ſit huius appellationis apud autores mentio. Acilia gens veruſtiſſima erat, laudatur enim, C. Menenio, P. Sextio Coſs. anno 301. „ lex Acilia apud *Livium dec. 1. lib. 3.* his verbis. Admiſceren- „ tūrne plebei controverſia aliquamdiu fuit. Poſtremò conſeſſum „ patribus; modò ne LEX ACILIA de Aventino, aliæque ſacræ „ læ leges abrogarentur.

De Æſculapii baculo & ſerpente ita ſcribit *Julius Hyginus* in Ophiucho: „ Quum Æſculapius Glaucum ſanare cogeretur, inclu- „ ſus quodam loco ſecreto, bacillum tenens manu, quum quid „ age-

„ ageret, cogitaret, dicitur anguis ad bacillum ejus arrepsisse:  
 „ quem Æsculapius mente commotus interfecit, bacillo fugien-  
 „ tem feriens sapius. Postea fertur alter anguis eò venisse,  
 „ ore ferens herbam, & in caput ejus imposuisse, quo facto  
 „ fugisse. Quare Æsculapium usum esse herba eadem, Glau-  
 „ cum revixisse: itaque anguis in tutela Æsculapii esse dicitur.

## IV.

Caput Herculis pelle leonina amictum, pone quod tres notæ in averfa parte rates & litteræ, M. ACILI. ROMA.

Quantum ex are denarium, quadrantem esse denotant tres illæ notæ in utraque ejus parte signatæ, & pro quo quatuor uncias haberi, quæ quarta pars esset assis, sed tunc non ejusdem ponderis, quippe hic nummus unius tantum est, & à Manio Acilio quodam ante Punicum bellum Romæ quidem percussus, ut arguit vox ROMA quum superior, extra urbem signatus videatur.

## V.

Caput Romæ galeatum ante quod vox GLABRIO, & pone illud ROMA. In averfa parte vir togatus in quadrigis, d. equorum habenas, f. Scipionem eburneum in cujus apice aquila, victoria per aëra volitans ipsi coronam porrigit, in uno M. ACILIUS.

Quintus hic argenteus nummus ob Manii Acilii Glabronis triumphum exhibet de Rege Antiocho cognomine Magno, & Ætolis anno v. c. 563. de quo *Livius* inquit, magno consensu decretus est triumphus, isque triumphans de Rege Antiocho & Ætolis urbem est inductus, ob hanc victoriam Glabrio voti compos ædem Pietatis Romæ in Foro Olitorio extruxit, quam postea filius ejus Man. Acilius Glabrio II vir dedicavit & in eadem, antea nec Romæ nec ulla in parte Italiæ visam inmauratam Statuam patris equestrem primus posuit, qui etiam hunc nummum argenteum in ejus honorem percussisse videtur.

## VI.

Caput Romæ galeatum in circulo circa quem M. ACILIUS M. f. in averfa Jupiter Feretrius nudus in quadrigis, d. fulmen, f. trophæum.

Sextus



Sextus ille denarius ad Manium Acilium Manii filium Glabri-  
nem spectat, ut ipsa epigraphe arguit, licet dubitarit *Ursinus*  
ex Apicis defectu in littera M. quæ sic Marcum designat, ex quo  
prænomine nullus extitit Acilius, sed illi Manii dicti sunt, in  
quo inquit, si erratum qui monetam cudit, ut plerumque fit,  
posset denarius hujusmodi ad M. ACILIUM GLABRIONEM refer-  
ri, qui an. <sup>563</sup> de Ætolis triumphavit, sed ille Manius filius erat  
Lucii, qui Tribunus Plebis fuit anno <sup>525</sup> apud *Livium*, & hic  
Manius Manii qui Antiochum devicit, filius appellatur.

Ut Manium Manii Acilii Glabris filium superiorem num-  
mum in Triumphipatris memoriam cudisse diximus, sic ipsum  
in hanc rem signavit, pro patris imagine in quadrigis supra po-  
suit, in hoc Jovis Feretrii signum exhibet, quod pater ejus, qui  
de Antiocho Rege triumphaverat, ejus vestem magnificam in  
templo Jovis, tamquam opimum spoliū tulisset.

## VII.

Caput muliebre laureatum Salutis; in postica tripus, supra  
quem vas diorum, hinc & inde stella, cum epigraphe M. ACIL. M.  
F. C. N. GLABRIO.

Manius Glabrio se Manii, qui scilicet de Antiocho triumphavit,  
filium in superiore denario inscripsit, in hoc se Caii qui ex  
*Livio* Tribunus plebis, anno <sup>525</sup> fuit, nepotem appellat. Is verò  
Tribunus plebis laudatur, anno <sup>522</sup> imò & Consul suffectus ex *Fa-*  
*stis Capitolinis* <sup>599</sup> Postumio Consule in Magistratu mortuo.

Salutis caput est, ut in sequente denario planè videbimus, quæ  
ad indicandam nominis originem Acilii ab ἀνέλοι, quod est sano,  
ab Acilio signatur. Salutis & ejus ædis in Quirinali, meminerunt  
*Livius lib. 9.* & *P. Victor in regione VI.* Æsculapii filia credebatur,  
cujus mentionem facit *Marcianus, lib. 2.* Nuptiarum, harum  
altera ab *Aristophane* Ὑγία, altera Ἴασις, appellatur in *Pluto*.

Tripus in averſa, ad sacra ejus deæ spectat, illud autem instru-  
mentum pedibus constabat tribus, supra quod sacra fiebant: ex  
vase autem dioto supra tripodem posito effundebat liquorem qui  
sacra agebat. An verò stellæ, duas sorores Hygieam, & Jāsum  
Æsculapii filias designent, juxta *Hippocratem* qui duas tantum  
in juramento commemorat? an ad Æsculapium patrem & Co-  
ronidem tamquam Sanitatis numina spectent?

Aureus

Aureus est nummus, quo uti cœperunt Romani C. Claudio Nerone, M. Lucio Salinatore Coss. ann. <sup>545.</sup><sub>7</sub> post annum 62. quando argenteus percussus est: illum autem valuiffe denarios 25. ex *Dione* colligimus, *lib.* 55.

## VIII.

Caput idem muliebre laurea ornatum, cum voce SALUTIS, ex altera mulier stolata stans, d. serpentem, f. columnæ innixa, cum litteris M. ACILIUS III VIR VALETUDINIS.

Manius ille Acilius qui superiorem denarium & hunc haud dubiè percussit, in quo se III virum Valetudinis, id est, tuendæ, ut interpretatur *Onuphrius de Civitate Romana*, ubi ait. „ Hujus „ Magistratûs nulla apud veteres *Auctores*, quod sciam, mentio „ est. In antiquo verò argenteo nummo sic scriptum est, M. AC- „ LIUS III VIR VALETU. Hi nostra ætate pestis causa creari so- „ lent, atque Domini sanitatis vocantur, quibus temporibus „ de morbo suspectis, magna potestas concedi solet. Nummi „ autem verba, sic ego interpreter. M. Acilius III vir valetudi- „ nis tuendæ. Valetudo autem Dea Romanis erat apud *Mar-* „ *cianum*. Venit ex altera Fortuna, & Valetudo, Favorque, „ Pavore & manibus refutatis. Hæcque ut Sanitas existimatur, „ & Bona Valetudo, cui serpens pro symbolo ut patri *Æscu-* „ *lapi*o tribuitur.

## IX.

Caput Romæ galeatum intra lauream, cum vocibus BALBUS, ROMA. In averfa quadrigas agit victoria, in quibus figura galeata, f. hastam, in imo M. ACILI.

Duo Aciliorum tantum cognomina, nempe Glabrionis, de quo diximus, & Balbi, de quo nunc agimus, in nummis reperiri supra observavimus. Manius Acilius qui Tribunus plebis fuit anno 544. Lucii F. Kæsonis Nepos Balbus in *Fastis Capitolinis* inscribitur, ubi Consul renunciatur an. <sup>603.</sup><sub>4</sub>. Filius ejus dictus Manii F. Lucii Nepos Tribunus fuit ann. <sup>618.</sup><sub>9</sub>. & tandem Consul <sup>630.</sup><sub>10</sub>. qui dum Quæstor esset, Triumphi patris sui memoriam in hoc denario restituere voluit.

De G. Quinctio Flaminio & de Manio Acilio Balbo coss. an. <sup>603.</sup><sub>4</sub>. altum est silentium; de illorum rebus bello gestis, nihil ferè certi invenitur. Porro nummus victoriam indicat Acilii Balbi

quum agat quadrigas in quibus ipse galeatus vehitur, nisi Martem dixeris, quod confirmat laurea in anteriore nummi parte, triumphantibus concessa; nec myrtea est, ut refert *Ursinus*, ovantibus tributa, qui non in quadrigis Urbem ingrediebantur, sed pedibus aut equo vecti, ut quidam volunt, ovantes.

## X.

Caput, cui Victoria ante posita stans lauream imponit cum his verbis D. JULIUS CAESAR. In omiſſis ex *Patino* pag. 307. Nos verò similem nummum in Theſauro vidimus, cum epigraphe IMP. CAES. DIVI F. AUGUST. COS. IX. In averſa parte capita Augusti & Liviae adverſa, cum inſcriptione M. ACILIUS GLABRIO PROPR.

Augusti Legatus Propratore fuit Manius ille Acilius Glabrio; qui nummum cudit, is autem ex forma in Hispania signatus est, Augustus verò ex *Dione* in provinciarum eum P. Romano diviſione has habuit, *lib. 53. pag. 503.* „ Caſari autem Hispaniae quod reliquum erat, ut Tarraconenſis Luſitaniaque; nam „ Bætica Senatui erat relicta.

Quis fuerit ille Glabrio non facile est pronuntiare, ultimus ante Augustum Conſul ejus gentis fuit an. <sup>686</sup><sub>7</sub> Manius Acilius, Sulpicio in Achaia provincia ſucceſſiſſe videtur, *Cic. Ep. ad Curium Fam.* „ 7. de quo ait Acilius, qui in Græciam cum legionibus miſſus est, maximo meo beneficio est. : bis enim est à me judicio capitis rebus ſalvis deſenſus. Poſt Augustum alius conſulatum geſſit cum Trajano ſub Domitiano, ab hoc Imperatore necatus. Audi denique Aciliorum nobilitatem ab *Herodiano* „ ſub Pertinace laudatam. Simul Glabriſonem manu comprehenſum protrahens, ſeſſitare imperatoria ſella jubebat: erat „ enim ille omnium Patriciorum nobiliſſimus ad Æneam Veneris & Anchifæ filium, ſeriem generis referens, idemque iterum Conſul.





## Æ B U T I A.

**Æ**BUTIA gentis frequens mentio apud *T. Livium*. Duobus distincta est cognominibus, nempe Elvæ & Cari, quibus Cornicen ab *Onuphrio* additur cum Elva conjunctum. Elva quidem familia fuit Patricia, illiusque primus gentis Consul fuit an. 254. Plebeia verò, cui cognomen CARUS: nam C. Æbutius Carus dicitur Tribunus iterum plebis 489. & nulla amplius iis dignitas apud Historicos assignatur post Tribunatum plebis c. Æbutii, an. 640.

### I.

Caput M. Antonii Triumviri nudum, pone quod CORINT. in averſa, proſa navis L. AEBUTIO . . . VIR. quam ex integriore reſtituimus: P. AEBUTIO C. PINNIO II VIR.

Quis ille fuerit P. Æbutius Corinthi Duumvir, an ex gente Elva, an ex Caro? An ex earum liberto quodam, qui quum deducta eſt colonia ſub Julio Cæſare Corinthus, in hanc urbem tranſiit. Sex. Æbutius accuſavit A. Cæcinam defendente *Cicerone*. Alter M. Æbutius Falcidii affinis laudatur ab *eodem*, in *oratione pro Flacco*, an alteruter, aut alterutrius filius? cui res Romæ tunc tenuis, in Nobilium ordine illic tranſmiſſus eſt, quod ſatis probabile videtur, quum ille Duumvir cum Pinnio, quæ ſumma eſt ut Conſulis in urbe dignitas, ſub Antonio reſeñſeatur.

### II.

Caput Auguſti nudum, cum Epigraphe AUGUSTUS CORINT. in averſa parte, intra lauream P. AEBUTIO C. JULIO HERAC. II VIR. QUI. ITER. id eſt, *Duumviris Quinquennialibus iterum*. *Patinus* alterum exhibet nummum cum capite CORINT. & eadem in averſa parte inſcriptione, quem nummum, ex eo quod detritus ſit, malè iterum M. Antonio tribuit; idem & Auguſtus, ſed ſine nomine.

Prodit alter P. Æbutii nummus Corinthi percuffus, prior quidem cum Duumviri dignitate, quæ eſt ut diximus, loco Conſulis in coloniis; quum urbs illa ſub Antonii poteſtate eſſet, diſiſione Im-

perii inter eum & Augusto facta, & totus Oriens post Sicilium mare Antonio cessisset.

Secundus verò nummus, Augusti effigiem cum hoc nomine exhibet, postquam Antonius occupata à Cæsare Alexandria, sibi violentas manus attulisset, & Cæsar Imperium solus obtinuisset, in hoc P. Æbutius *Duumvir Quinquennalis* recensetur, quæ dignitas in Colonia censoriam Romæ æmulabatur, uti videre in nostro de Colonia libro, & quidem iterum, id est, secunda vice, quum eum jam Magistratum iniisset cum altero Collega, cujus nomen nobis indicabit, si nummus umquam ejus occurrat.

Caput Tiberii laureatum TI. CÆSAR DIVI AUG. F. AUGUSTUS. In averſa SEX. AEBUTIUS L. LUCRETIVS II VIR. C.C.A. id est Duumviri colonia CAESAR AUGUSTA in area Aquila legionaria inter duo signa militaria.

Liceat nobis in gentis Æbutiæ primum nummum Tiberii hîc proferre, quia familiarum Romanarum Numismata stante tantum Rep. Romana, dum ipsæ illa cuderent, nobis *Ursini* exemplo describere proposuimus, illæ autem ad Augusti usque tempora hanc facultatem, sub Triumvirorum cudendæ monetæ titulo, saltem sibi conservarunt, & quidem Romæ: nam Romani illi qui in Colonias sub eo missi sunt, vix nomine suo agnoscuntur, *ut in libro nostro de Colonis* observare est.

De Sexto Æbutio qui A. Cæcinnam accusavit defendente *Cicerone* suprâ diximus, ejus autem filius Cæsaraugustam transiisse potuit, quum hanc Hispaniæ Tarraconensis urbem nomine Saldubam ad Iberum fluvium fecit coloniam Romanam, & postea Duumviratum obtinere sub Tiberio qui illi in Imperio successit, cujus multum in nummo hoc æreo secundæ formæ cum Collega suo L. Lucretio percussit.

Aquila legionaria inter duo signa militaria Cæsaraugustam Colonos ex legionum veteranis accepisse nos edocet, at quum etiam Colonus agens boves alterum Coloniarum symbolum in aliis Cæsaraugustæ nummis reperiatur, cives etiam Romanos cum Veteranis in hanc urbem missos etiam nobis demonstrat, sed dum aliquis Duumvir signa militaria exhibet, eum se ex Veteranorum numero fuisse aut ab illis originem duxisse significat.



## Æ L I A.

**Æ**LIA gens plebeia est, Ælii verò iidem sunt ac Allii. Ex *Capitolinis monumentis* dicti sunt Allii, quibus nupserunt duæ sorores, auctore *Eustachio in Iliad. 2. pag. 162. & Celio l. 15. cap. 24.* Eorum in nummis cognomina sunt Pætus, Catus, Tubero, & Lamia.

Sed alii existimant ab Alliorum cultu Allios fuisse appellatos.

### I.

Caput Romæ galeatum: in averfa Castor & Pollux equites decurrunt astris insigniti, C. A. L. id est Caius ALLIUS. ROMA.

„ Hic denarius pro incerto ab *Ursino* relinquitur, nec inquit  
 „ ad C. Ailium referendum arbitror, qui anno <sup>497</sup> Consul fuit  
 „ cum M. Valerio Potito Maximo, quique primus Pæti co-  
 „ gnomine affectus est, nondum cum argento signato P. Ro-  
 „ manus eo tempore uti cœperat, quo Ailius is Consul fuit,  
 „ sed nonne potuit habere filium aut fratris filium, qui Caius  
 „ etiam appellatus, hunc denarium viderit, quàm primò signatus  
 „ sit <sup>484</sup>, annis quinque ante primum bellum Punicum, quod huic  
 „ tempori congrueret.

Typus nummi plurimùm redolet antiquitatis, nam, ut ait *Pi-  
 gnius Annal. lib. 6.* „ Argentei verò primùm signati, notæ fuerunt,  
 „ deorum atque in primis Romæ deæ, nec non Heroum in uno  
 „ latere, vel bigæ, vel quadrigæ, vel gemini Castor & Pollux  
 „ in equis decurrentes. Nemo nescit in pugna ad lacum Re-  
 „ gillensem commissa duce Postumio Dictatore feliciter eos appa-  
 „ ruisse, & victoriæ nuntium tulisse, in cuius beneficii memoriam  
 „ vota illis est ædes à Postumio, quæ ab ejus filio II viro dedicata  
 „ est, teste *Dionysio lib. 8.*

### II.

Caput Junonis cum litteris BALA C. ex altera Diana Lucifera  
 in curru duorum cervorum d. habenas, s. facem accensam, in  
 imo spica demissa & C. ALLI.



Ad eundem Caium Allium, aut ejus filium spectat secundus hic denarius, qui prolongatis deinde nominis suis litteris *ALLIUS* dicitur; primis enim temporibus Ælia gens, cum pronunciatione aspera est vocata Allia, deinde tenuiore Ailia, & tandem Ælia. Vox BALA seu BALARUS, videtur Allii cognomen, etsi mihi conicere liceat, potius quàm nihil asferre, pro Exule appositum.

*Pausanias lib. 10.* exules à Corfis Balaros esse nominatos narrat. Eos, inquit, patria lingua sua Balaros Corfi appellarunt, quod eodem nomine exules vocant. Alius fortè in insulam exul missus, unde S. C. revocatus est, & hoc illi cognomen BALA seu Balarus tamquam gloriosum est inditum, id quod confirmare videtur littera C. quasi *Corficus*.

Junonis est caput in parte anteriori, at quùm plures essent Romæ Junonis ædes, eam esse Junonem Lucinam in averfa parte Ælius significavit, quæ & Diana dicitur & Luna, unde in curru suo cum face ardente depingitur, à cervis tracto, quùm in illius essent tutela. *Plinius lib. 16. c. 44.* Junonem putat Lucinam dici, quod oculis præsit: vocati autem Ælii cognomine etiam Pati, quia aliquo oculi defectu laborabant; an ideò Ælius in nummo eam signaverit, ob cultum in familia peculiarem?

Nobis superest, ut de spica in nummo exarata loquamur, *Ursinus* noster in gente Cæcilia supra nummum in quo legitur AD FRU. EMU. EX SC. id est, *ad frumentum emundum ex Senatusconsulto*, ubi sunt hinc & inde spica. *Spicis* autem, & Cereris Saturnique imaginibus Magistratus, qui annonam curabat, in denariis uti consuevit: ideò fortè littera C. in anteriore parte *Curator* est.

### III.

Caput Romæ galeatum, pone quod denarii nota †: in averfa Castor & Pollux decurrentes cum hasta, astris insigniti, & epigraphæ P. PAETVS ROMA.

P. PÆTUS, qui in tertio tabellæ denario notatus est, designatur, opinor, is qui Prætor fuit anno <sup>550</sup>, deinde Consul cum Cn. Cornelio Lentulo 552. teste *Ursino*, meliùs hunc etiam nummum *Goltzius* P. Ælio Pato tribuerat, quem incidi curavit pag. 116. Hic in *Fastis Capitolinis* inscribitur Quinti F. Publii N. Pater quidem Quintus Pontifex & Prætor fuit *Livio* teste, & post repulsam consu-

Consulatus periit in prælio Cannensi : Avus autem Publius fuit Tribunus Plebis anno <sup>494</sup>/<sub>5</sub> & iterum <sup>497</sup>/<sub>8</sub> fratrem habuit Sextum Ælium, de quo in nummo sequente.

Romæ caput in anteriore parte, solitum est primorum denariorum symbolum, ut in postica Castor & Pollux, de quibus in superiore diximus : astris sunt supra caput ornati, quod inter astra relati sint ex Fabula, & ideò à navigantibus coluntur, quod quando apparent eorum stellæ, tempestas cessare videatur. Vox autem Roma, quum in parte anteriore cum deæ galeatæ effigie non est exarata, non ad eam denotandam, sed ad monetam in urbe Roma potius signatam spectare videtur, quia nummi plurimi extra urbem sint percussi.

## IV.

Caput Jovis Anxuri laureatum sine barba, cum epigraphe AED. CUR. EX. S.C. in postica Aquila insistens fulmini. SEX. ALIUS Q. F. CATUS.

Ad Sextum Ælium superioris P. Ælii Pati, cujus nummum sumus interpretati, fratrem hîc pertinet, ut diximus; hic cognominatus autem est Catus quasi cautus, quod ob ingenii acumen, atque insignem jurisprudentiam ipsum obtinuisse refert *Cicero Tusc. Quæst. lib. 1.* laudans hunc versum Ennii Poætæ.

*Egregiè cordatus homo Catus Ælius Sextus.*

Nummi epigraphe nummum indicat ab Ælio Cato percussum, quando is fuit Ædilis curulis cum M. Claudio Marcello anno v. <sup>553</sup>/<sub>4</sub> Marcelli illius quinquies Consul, ab Annibale occisi, filio.

*Goltzius* nummum protulit sub ejus Consulatu, sed illum non iniit, nisi post duos Ædilitatis annos v. c. <sup>555</sup>/<sub>6</sub> porrò ejus Magistratus nullas edidit in nummo notas, quum ipsius Collega in suo, quem suo loco videbimus, duas spicas in imo sub biga signaverit, sed Catus tantum Jovem Anxurum exhibuit, ut depingi solet juvenis sine barba quasi *ἀνευ ἑυγῆς*, hoc est sine novacula. Unde urbs Italiæ quam nunc *Terracinam* vocant, dicta est Anxur, teste *Servio*, quod ibi hic Jupiter coleretur, de qua *Virgilius Aneid. 7.*

*Circumque jugum, queis Juppiter Anxurus arvis  
Præsidet.*

Catus

Catus hunc Jovem signasse videtur, ad originem gentis suæ ex hac urbe indicandam.

Aquila Jovis ales insistit fulmini, quod semper huic Anxuro Jovi tribuitur, qui quum sit imberbis & laureatus pro Apolline sæpius accipi posset.

## V.

AUGUSTUS TRIBUNIC. POTEST. In corona civica seu quercea. ex averse SEX. AELIUS CATUS III VIR A. A. F. F. In area S. C. nummus secundæ formæ æreus.

Prodit alter Sextus Ælius Catus, etiam Quinti Filius in *Fastis Capitolinis* appellatus, sed longè ab Æliis Catis, tempore diffitus, ex eadem tamen gente, quem nummus Triumvirum monetalem sub Augusto fuisse denotat; quum verò Julius Cæsar minorum Magistratuum numerum auxisset, nam ex Triumviris, quartum viros instituerat, illos Augustus postea suos ad Triumviros redegit, ut passim in hoc opere videre est, ex eorum numero Sextus Ælius Catus fuit, Consulatum tamen obtinuit cum L. Sentio Saturnino anno v. c. <sup>756</sup>/<sub>7</sub> quum ambo Triumviri monetales antea extitissent.

Moneta ærea in divisione Provinciarum cum Senatu & P. Romano videtur ipsi Senatui concessa ab Augusto, ut hæc nota S. C. ab hoc tempore in omnibus æreis Imperatorum Romanorum nummis usque ad Gallienum est impressa. Corona quercea à Senatu „ Augusto decreta est apud *Dionem lib. 53*. Cæsari quum orationem de ejurando regno, ac dividendis Provinciis habuisset, „ multi erant honores delati, nempe ut ante ipsius domum in „ palatio lauri ponerentur, ac super eas coronæ quernæ suspenderentur, nimirum quod perpetuus hostium Victor, ac „ civium esset Servator.

## VI.

Caput Neptuni laureatum pone quod tridens; in postica Neptunus ipse in quadrigis quatuor equorum marinorum. Q. TUBERO.

Quintus ille Tubero apud *Dionem* Quinti F. indigitatur in ejus consulatu sub Augusto <sup>744</sup>/<sub>3</sub> cujus pater fuit Quintus ille Tubero Lucii F. jurisconsultus, qui Q. Ligarium accusavit apud Cæsarem, defendente



fendente illum Cicerone: At denarius ille videtur esse percussus, dum consulatum gessit Tubero, nam quum apud *Frontinum de Aquæ du-  
ctibus*, sub ejus Consulatu Senatusconsultum fuisset factum de aqua-  
rum tutela, & primus fuisset aquarum curator creatus, Tubero huic  
edicto promulgato alludens, Augustum tamquam alterum Ne-  
ptunum qui aquis imperaret, in nummo repræsentari curavit.

Tubero *Æliæ* gentis cognomen à defectu corporis, ut & alia  
ejusmodi plurima occurrunt in familiis Romanis, videtur inditum  
pro Gibbo: Primus autem *Æliorum* qui hoc cognomen tulit, fuisse  
reperitur L. *Ælius* apud *Livium* Tribunus Plebis an. V. C. 528. &  
Prætor 534. Unde Quintus in nummo descriptus originem trahit.

## VII.

AVGVSTVS TRIBVNIC. POTEST. In corona ex lauro confata:  
ex averfa, SEX. AELIVS LAMIA III VIR. A. A. A. F. F. in area S. C.

Tuberoni succedit aliud *Æliorum* cognomen LAMIA, quod à  
Lamo, qui regnavit Formiis, deductam scribit *Horatius*, *Od. 17. lib. 3.*

*ÆLI vetusto nobilis ab Lamo,  
Quando & priores Lamias ferunt  
Denominatos, & nepotum  
Per memores genus omne fastos  
Autore ab illo ducit originem,  
Qui Formiarum mœnia dicitur  
Princeps, & innantem Maricæ  
Littoribus tenuisse Lyrim  
Latè tyrannus.*

„ Sed, inquit *Glandorpius Onom. Rom.* Quis nescit, Poëtas id  
„ genus assentionibus magnatibus gratificari solere? Nos ut Arvi-  
„ nas à pinguedine, Nervas à robore, Capellas à capillorum hir-  
„ sutia dictos accepimus, sic etiam Lamias à voracitate, vel ab  
„ insigni corporis deformitate nominatos judicamus. Primus ve-  
rò *Æliorum* qui cognominatus est Lamia, Tribunus Plebis fuit  
anno <sup>639</sup>/<sub>40</sub> & gens *Ælia* jam pluribus distincta erat cognominibus,  
nempe Parti, Cati, & Tuberones dicti erant.

Q. *Ælius* Lamia, unus ex Triumviris monetilibus sub Augu-  
sto fuit, ut indicat ejus nummus secundæ formæ æreus, qui

coronam ex Lauro, quod Augustus perpetuus hostium Victor, ex *Dione, lib. 53.* palam fuisset appellatus.

## VIII.

Q. AELIVS L. F. LAMIA III VIR A. A. A. F. F. In ambitu, in area verò S. C. ex averſa quercea corona hinc & inde rami laurus, & epigraphe OB CIVIS SERVATOS.

Hic æreus terciæ formæ nummus nobis iterum exhibet Q. Ælium Lamiam ut in anteriore Triumvirum monetalem, sed eum Lucii filium appellat, qui patrem habuit L. Ælium Lamiam, Clodianis temporibus ob amicitiam quæ ei intercedebat cum *Cicerone* relegatum ab A. Gabinio consule, sed postea ædilitatem <sup>7<sup>9</sup>.</sup><sub>10</sub> & præturam <sup>7<sup>11</sup>.</sup><sub>12</sub> obtinuit.

De ramis lauri & corona civica ante Augusti domum appositis diximus, nimirum quod perpetuus hostium victor, ac civium esset servator; illa autem dabatur ei qui civem in acie, aut in obsidione, aut in alio periculo conservasset, cujus honos argenteis & aureis coronis excelebat.

## IX.

LAMIA SILIVS ANNIVS circa duas dexteras junctas caduceum tenentes: ex averſa III VIR. A. A. A. F. F. in area S. C.

In hoc minuto nummo æreo Triumvirorum monetarium nomina continentur. Lamia nempe, Silius & Annius. Prior nempe, ob ejus cognomen Æliorum genti tribuitur, quum jam cum in duobus anterioribus noverimus. Triumviri autem isti à Senatu legebantur postquam area moneta ab Augusto concessa est, ut alii qui argenteam & auream signari curabant, ab eo nominabantur, & duæ dexteræ cum caduceo ad indicandam pacem & concordiam Augusti cum Senatu indicandam.

## X.

Eadem epigraphe, in area verò Simpulum & lituus, ex averſa III VIR. A. A. A. F. F. in area S. C. ut supra.

Simpulum & lituus signa sunt Pontificalia, & ad sacra facienda spectant, an Augustalia in honorem Augusti tunc instituta denotent? an quod moneta in templo Junonis asservaretur, unde sacra dicta est? nam plurima in iis minutis æreis nummis exarantur, quæ  
ad

ad monetæ officinam pertinent , ut videre est in gente Annia & Silia.

## XI.

Capita Augusti & Julii sociata , ambo sunt laureati. L. LAMIA L. F. In averſa ſella curulis , in vertice duo aſtra, à dextris capis ſeu vas anſatum, à ſin. lituus , in imo C. CANINI. L. F. GALLVS.

L. Ælius Lamia quem ſuprà diximus Ciceronis amicum fuiſſe & præturam geſſiſſe an. v. c. <sup>71.</sup><sub>2</sub> duos reliquit filios, priorem Q. Ælium Triumvirum monetalem ex nummis ſuperioribus, & hunc L. Ælium , quem *Faſti Conſulares* nos docent Conſulatum iniſſe cum M. Servilio Gemino <sup>75.</sup><sub>6</sub> ſed nummus ut Triumvir ſacris conquirendis & donis perfequendis, de quibus *Livius lib. 25.* cum C. Caninio Gallo , quo anno ſellam curulem in ſacrario Julii poſita eſt, & ſic ait *Dio lib. 51.* Julii quoque patris ſacrarium multis in eo ſuſpenſis donariis ex præda Ægyptiaca exornavit. Vas & lituus ad Pontificatum Julii maximum ſpectant. Aſtrum Julii eſt in vertice divinitatem denotans, & alterum eſt Veneris, in cujus templo erat illud ſacrarium in utriuſque honorem, nempe Julii & Auguſti ſociata illorum capita cudi curavit Ælius Lamia. De Caninio ejus collega in gente Caninia dicemus infra.

## XII.

Caput Tiberii laureatum, cum epigraphe TI. CAESAR DIVI AVG. F. AVGVSTVS : in averſa TI. CAESARE V. L. AELIO SEIANO COS. AVGVSTA BILBILIS. corona cívica.

Nummus ille ſecundi moduli ita rarus eſt, ut etiam locum in Ælia gente mereatur, quùm ille Sejanus olim Tiberio gratioſus, ſed poſtea odioſus in hanc familiam tranſierit, ille genitus Vulſiniis patre Seio Strabone equite Romano Prætorianarum cohortium Præfecto, & matre Junia, Junii Blæſi ſub Tiberio Proconſulis Africæ, ſore. Sed à quo Ælio fuerit adoptatus , nullus retulit *Hiſtoricus* , nobis tantùm Ælii nomen, & ejus productum Seiani ſuperſunt.

Nummus quidem Hiſpaniæ cuſus eſt in Municipio Bilbili *Martialis* Poëtæ patria, dum Tiberius Conſulatum V. cum Ælio Seiano gereret, quem tantùm ut per ſpeciem honoris illum à ſe dimitteret, & res novas molientem ſubverteret, acceperat, nam antè Id. Maiis <sup>78.</sup><sub>3</sub> per litteras accuſavit, & capite plectus eſt, idque obſervatum omnes qui Conſulatum iniere, violenta morte periſſe.





## Æ M I L I A.

**Æ**MILIA olim AIMILIA gens Patricia fuit, antiquissima & clarissima, multis dignitatibus domi & militiæ decorata, ita ut inter alias ferè omnes occupaverit Pontificatum maximum, Dictaturas, Principatus, Senatus, Censuras, Consulatus, Magisteria Equitum, Tribunatus militum Consulari potestate & Triumviratum Reipublicæ constituendæ, ut reliquos Magistratus & Sacerdotia præteream.

Unde dicta sit, alii inquit *Festus Pompeius lib. 1.* à Mamercio Pythagoræ filio descendere volunt; quia primi Æmilii vocati sunt Mamerci. „ Alii ad Ascanium hujus gentis originem re-  
„ ferunt, qui duos habuerit filios, Iulum, à quo Julii Cæ-  
„ sares, & Æmylum, Æmilii generis propagatorem. *Plutarchus in Pauli Æmilii vita* à voce Αἰμιλλίας, id est à lepore in dicen-  
do & venustate. Distincta est in plurimas stirpes, Mamercinorum, nempe, qui in nummis non occurrunt, sed Barbularum, Papporum, & Regillorum apud *Goltzium*, Lepidorum, Paullorum, & Scaurorum apud *Ursinum*, additis novis cognomine Bucarum ab utroque.

Inter illos primus post Mamercinos Barbula est, cujus nummus apud *Goltzium* ex illius posteris exhibetur.

### I.

Caput Genii Populi Romani & litteræ ex S. C. in averſa curulis fella, hinc & inde securis, cum fascibus, in vertice M. AIMIL. L. F. BARBVLA COS. in imo C. SERVEILI. P. F. AED. CVR.

Marcus ille Æmilius Barbula qui Consul in nummo scribitur, Magistratum suum gessit cum M. Junio Pera anno v. c. <sup>23</sup>/<sub>4</sub> cujus memoriam expressit in denario C. Servilius Cæpio hoc anno Ædilis curulis qui non modo nomen ejus & dignitatem Consulis in eo apposuit, sed insignia Magistratus exhibuit, nempe fellam curulem, & fasces cum securi, illam quidem eburneam, in qua jus, ut olim reges Romani: nunc dicebant Con-  
fules

fules; & fasces quas ante ipsos ferebant Lictores duodecim ad ple-ctendos facinorosos, virgæ autem quum vitia essent sanabilia quæ his corrigerentur, & secures quum illa essent immedicabilia, ipsis amputarentur.

Barbulæ cognomen huic Æmiliorum stirpi, à parva barba quam gerebat primus eorum L. Æmilius Barbula Quæstor militaris apud *Livium* an. 373. inditum videtur.

Amicus existimat non Genii P. Romani, sed Apollinis caput, ob ludos Apollinares hoc anno à Servilio Capione in Ædilitate sua Senatusconsulto editos, cujus nota circa dei caput, sed illos ludos à Prætoribus celebratos ferunt, alii, dijudicent *Eruditi*.

## II.

Caput Romæ galeatum cum nota denarii & voce ROMA, ex averfa victoria agit quadrigas sin. lauream, in imo L. AIMILI. Q. P. PAPVS, in area XXVIII.

Altera Æmiliæ gentis stirps, cui cognomen Pappus prodit, quippe primus illud tulit M. Æmilius Ædilis curulis cum Follio Flaccinatore an. v. c. 528. Unde verò Æmiliis Papporum cognomen inoleverit, *Grammatici* non tradunt. Verisimile est ab ætatis veneratione inditum esse: Pappum enim *Latini* avum vocant. Vel ab insigni lenitate, quod Pappi carduorum flores, decussi, veluti flocci per ærem volitant, unde *Lucretius* Pappos volantes appellat.

*Vestem, nec plumas avium, Papposque volantes.*

Lucius autem Æmilius Q. filius L. Nepos Pappus, qui denarium cudit, consul fuit cum C. Atilio Regulo an. 528. & ob victoriam insignem, quam non procul Telamone in Etruria contra Gallos reportavit, ubi collega interfectus fuit, de illis III Nona triumphum egit, in cujus memoriam victoria quadrigas agen<sup>s</sup> cum laurea in manu, ille Romæ signatus est, in anteriore cu<sup>s</sup> jus parte galeata exhibetur.

## III.

Caput Romæ galeatum, ante quod vox PAVLLVS, & pone illud S. C. ex altera M. AIMILI. M. F. L. N. in imo ROMA. Navis Prætoria cum remis, supra quam columna & in vertice corona.

Ad Paullorum stirpem ventum est, quod primò ex iis inditum est, ut quidam putant à voce *παῦλος*, Latine modicus, Græcè

quietus. Nam *παῦλα* quies dicitur, littera duplicata ob asperam Romanorum primis temporibus pronuntiationem. Marcus ille Æmilius Paulus habuit patrem M. Æmilium Consulem cum M. Livio Dentre an. v. c. 451. Is verò Quæstor fuit Provincialis Appii Claudii in Sicilia, <sup>489.</sup><sub>90</sub> Ædilis Curulis cum Sp. Furio, & tandem Consul cum Ser. Fulvio Nobiliore <sup>49.</sup>

Ambo Consules in Africam migrare iussi sunt, M. Attico Regulo à Carthaginiensibus in prælio capto, qua fama hi perculsi, à Clypeæ urbis obsidione discedunt, & classe ducentarum navium instructa Romanos ab Afro littore pellendos contendunt; navali itaque prælio concursus est acerrimè non procul à Mercurii promontorio, teste *Polybio*, qui centum quatuordecim naves Pœnorum demersas, triginta captas, & quindecim hostium ferè millia occisa scribit, quamobrem decretus est utrique Consuli triumphus navalis, quem anno sequente inierunt.

SER. FVLVIVS · M. F. M. N. PAETINVS AN. <sup>CDXCIX.</sup>  
CDXCX. Varr.  
 NOBILIOR PRO COS. DE COSSYRENSIBVS  
 ET POENEIS NAVALEM EGIT XIII. KAL. FEB.  
 M. AIMILIVS M. F. L. N. PAVLLVS AN. <sup>CDXCIV.</sup>  
CDXCX. Varr.  
 PRO. COS. DE COSSYRENSIBVS ET POENEIS  
 NAVALEM. EGIT. XII. K. FEBR.

Nummus verò hic in memoriam ejus triumphi navalis videtur percussus, in quo Prætoria navis instructa remis exhibetur, cum corona ipsi ob rem benè gestam decreta. Columna autem in navi erecta est, & monumentum videtur illius quod rostris navium vestitum in Capitolio posuit ob suam de Pœnis victoriam: illam instante bello Macedonico secundo nocturna tempestate disjectam memorat *Livius*.

## IV.

Caput Victoriæ alata, ante quod vox PAULLUS, in averfa parte Pegasus alatus, postremis pedibus in terra anterioribus saliens, cum epigraphe M. AIMILI M. F. L. N.

Æmilius & Fulvius Consules post Carthaginienses mari deletos, exposito ad Clypeam exercitu, terrestri iterum prælio, duos Hannones Pœnorum Imperatores vicerunt, in quo novem hostium



stium millia cæsa sunt juxta *Orosium*, posteaque Clypeensi demum præsidio navibus imposito, in Siciliam deinde Romam navigarunt. In hanc victoriæ memoriam, Deam ipsam victoriam ab una parte signari curavit, hæc autem Romæ colebatur, cujus ædícula fuerat à Porcio Catone seniore dedicata, & in aversa nummi parte Pegasum Africæ symbolum de quo in Maria gente.

## V.

Caput Romæ galeatum, pone quod denarii Nota. In aversa parte Jupiter nudus d. fulmen & s. sceptrum in quadrigis. In imo L. PAV-  
LVS M. F. M. N. & ROMA.

L. Paulus quem exhibet nummus filius dicitur Marci, nempe superioris consulis anno <sup>498.</sup><sub>9</sub> Marci verò nepos itidem consulis, qui anno <sup>451.</sup><sub>2</sub> hunc magistratum gessit, ipse verò post quæsturam exactam an. 524. & ædilitatem curulem an. 529. primum Consulatum cum M. Livio Salinatore obtinuit 534. quibus decreta in Illyrium gerendi bellum Provincia anno primo secundi belli Punici.

Illyrii hoc anno rebellarant, Demetrius Phalereus eorum Rex beneficiorum à P. Romano acceptorum immemor, quum illos & Gallorum & Pœnorum metu attonitos putaret, nec non Philippi Macedoniæ Regis potentia & amicitia fideret, urbes Illyricas imperio Romano subjectas vastare cœpit, ut narrat *Polybius lib. 3.* consules mox in Illyrium venere, & quum oppida sua recuperassent, urbèque excisa quam præsidio munierat, bellum confecere, Rex interea fuga elapsus est, & ad Philippum in Macedoniam confugit.

Utrique consuli decretus est triumphus, & in memoriam L. Pauli triumphus denarius postea signatus est, in quo Jupiter agit quadrigas triumphales tamquam ejus auxilio victoriam de Illyricis reportasset: Jupiter autem sub nomine Victoris colebatur Romæ, quod omnia vincere putaretur, ut scribit *Livius, lib. 10.* & ideo illi consules, ut plurimum illi aliquod vovebant, quapropter illum in quadrigis exhibebant, dies illi sacra celebrabatur Idibus Aprilis, de quo *Ovidius in Fastis.*

*Occupat Aprilem Idus cognomine Victor  
Juppiter, hac illi sunt data templa Æe.*

## VI.

## VI.

Caput Fidei coronatum pone quod littera antiqua F. In averſa ſella curulis cum epigraphe L. AIMIL. M. F. PAVLV. C. TERENT. A. F. VARRO, in vertice ex S. C.

Iterum conſul L. Paulus M. filius fuit triennio poſt, qui tertius erat belli Punici ſecundi an. <sup>537</sup>. Collega illi electus eſt C. Terentius Varro, in cujus memoriam percuffus videtur hic denarius ex decreto Senatus, ut nos docet nota illius S. C. Pro ſtemmate ſignata eſt ſella curulis utriuſque conſulis inſigne, erat autem illa ex ebore, qua in publico & privato loco ſedendi cauſa utebatur conſul. Fides capite depicta eſt laureato, quia Imperatores etiam vincit.

Decretum eſt utrique conſuli bellum contra Hannibalem cum octo legionibus quinum millium peditum & trecentorum equitum ſingulis magnoque ſociorum numero in Apuliam proſecti aliquamdiu hoſtium exercitum coercuerunt, & ad inopiam quum cum redigerent C. Varronis impatientia & fatali temeritate, vel repugnante L. Paulo, prælium tentare volentis, clades illa inſignis ad Cannas accepta eſt, in qua conſul Æmilius interfectus eſt cum quadraginta millibus peditum, & duobus millibus equitum & ſeptingentis; Varro autem cum ſolis ſeptuaginta equitibus, ut tradit *Polybius*, ex ea profugit.

## VII.

Caput Neptuni laureatum ante quod Tridens, in imo vox PAVLV. : in averſa victoria agit quadrigas decurrentes. In area L. AIMIL. L. F. in imo ROMA.

Paullorum ſtirpem Æmiliæ gentis claudit L. Æmilius, filius Lucii ſuperioris, qui bis conſul in prælio Cannenſi occiſus eſt. quaſturam ipſum non petiſſe nec geſſiſſe narrat *Plutarchus in ejus vita*. ædilis cum Æmilio Lepido electus fuit an. <sup>560</sup>. Prætor Hiſpaniam ulteriorem ſortitus obtinuit cum proconſulari imperio <sup>562</sup> prorogato imperio infeliciter cum Luſitanis in Vaſcetanis pugnavit, at quum exercitum in agrum paratum reduxiſſet, decretus eſt triumphus, de quo nummi non occurrunt.

Anno V. C. 571. tandem poſt tres repulſas conſulatum ægrè obtinuit cum Cn. Bæbio Tamphylo, at quum novi motus in Liguria

guria essent oborti, decretum est utrisque Consulibus contra Ligures bellum cum quatuor legionibus & sociorum auxilio; rogatum est anno sequente Proconsulis nomine L. Æmilio Imperium, quum autem ab Ingaunis, quorum urbs Albingaunum in ora Ligustica sita erat, pacem petentibus, intra induciarum tempus in castris repente obsessus fuisset, post aliquot dies, hostem derepente aggressus, in fugam eos fudit & castris exiit, supraque quindecim millia eo die occisa sunt, quapropter triumphus P. L. Æmilio decretus est.

L. AEMILIUS L. F. M. N. PAVLLVS ANN. DLXXII.  
DLXXIII Varr.

PROCOS DE LIGVRIBVS INGAVNEIS.

In Æmilii Paulli triumphii monumentum signatus est hic denarius, in cuius anteriori parte exhibetur Nepruni, caput ad designandum Ligures Ingaunos esse littoralis inter montem Apenninum & mare Ligusticum constructos, quorum regio hodie dicitur, *la Riviera di Genoa*. Alii verò mediterranei erant, qui Montem Ferratum Ducatum, magnam partem Principatus Pedemontani, partemque Ducatus Mediolanensis continebant. Victoria dea agit quadrigas currentes quod velox & prompta fuerit de Liguribus victoria. Caput ejus Neptuni iterum exhibetur in nummo P. Mutii Scaevolæ, qui de iis cum Liguribus post sex annos<sup>578</sup> triumphum egit.

### VIII.

Caput Romæ galeatum ante quod vox PAVLLVS, & retrò ROMA, ex averſa Figura virilis togata in quadrigis triumphalibus d. habenas, s. scipionem eburneum. L. AIMILI L. F.

L. Æmilius Paulus anno decimo quarto postquam primum consulatum gessisset, iterum Consul factus est cum Licinio Crasso V. C.<sup>579</sup> Æmilio autem Macedonia evenit. *Plutarchus* extra sortem ei datam fuisse narrat, cum Octavio Prætore qui classem fortitus erat contra Perſen Macedoniae Regem. Roma profectus est Kal. Aprilis & ad Pydnam urbem cum Rege prælio dimicavit III Non. Septembris, illiusque exercitum profligavit, & Æmilius intra biduum totum ejus regnum in deditionem accepit, Perſes autem in Samothraciam se recepit, ubi ab Octavio Prætore cum liberis & uxore captus, ad Consulem missus est.

Volum. I.

D

Pro-



Prorogata Æmilii provincia anno sequente, Macedonas pronuntiavit liberos esse, sed tributum illis dimidium quod pependissent Regibus, imperavit; legibus deinde Macedoniae datis. Postremò ludis epulisque magno apparatu datis, exercitu in naves imposito in Italiam rediit. ex *Livio* & aliis. Triumphus illi à Senatu decretus est, & inter pulcherri-  
mos, quos Roma vidit umquam, numeratus est; æternum  
cujus monimentum exhibet denarius hic, in averſa cujus par-  
te stat in quadrigis triumphalibus consulari habitu L. Æmi-  
lius, scipionem eburneum gerens, solemne Consulum insigne.  
triduum autem *Lucius* in hoc triumpho impendit.

## IX.

Caput muliebre velatum cum epigraphe CONCORDIA PAVLLVS  
LEPIDVS. In averſa trophæum cui dextram apponit Figura toga-  
ta, ex adverſo à dextris ſtant Perſes, & duo ejus filii manibus  
poſt terga revinctis, cum epigraphe TER PAVLVVS.

Habet expreſſum hic denarius L. Æmilii de Perſe Macedoniae  
Rege trophæum ex *Urſino*. Trophæa erant corpora trunca cum  
ſpoliis hoſtium in loco ubi hoſtes in fugam converſi, ſeu emin-  
tiore Provinciae aut Regni bello ſubacti, ad æternam memoriam  
erecta. Ei dextram apponit Viſtor quaſi illud poſuerit; ex  
altera trophæi ſtat cum duobus liberis Philippo & Alexandro Per-  
ſes, ad indicandum quod illo capto, & filiis Romam addu-  
ctis, Macedoniae regnum non ampliùs ejus poteſtati ſubjacet,  
ſed Imperio Romano tributarium eſt. De Paulo Æmilio qui num-  
mum ſignari curavit, & de Concordia in ſequentibus denarium  
agemus. vox TER. id eſt quod Lucius Ter, ut ſuprà diximus,  
triumphaverit, ut eſt in antiquo marmore.

L. AEMILIUS. L. F. PAVLLVS.

COS. II. CENS. AVGV.

TRIVMPHAVIT. TER.

## X.

Caput iterùm Concordiæ velatum cum eadem epigraphe CON-  
CORDIA PAVLLVS LEPIDVS in averſo trophæum, à dextris Per-  
ſeus ſtans & Bithus Coryois regis Thraciæ filius cippo inſidens,  
uter-

uterque nudus, & manibus post terga revinctis: à sin. suggestus in quo Lucius stans togatus dextram trophæo apponens, & pone eum figura pariter togata, sed minùs alta.

Cognomen Paulli & Historia Persei impulerunt nos, ut illos nummos & sequentem potiùs ad seriem Paullorum quàm ad Lepidorum stirpem revocaremus, eò quòd ille Æmilius qui eos fingnari curavit ex Paullorum stirpe in Lepidorum familiam adoptione transivit. De illis verò nummis qui ad Lucii Æmilii Historiam non spectant, suo loco, id est in Lepidorum stirpe exhibebimus.

Paullus ille Æmilius qui historiam Persei in suis denariis restituit, de Paullorum stirpe haud dubiè fuit, ut indicat illud cognomen: *Ursinus* ait, Paullus Lepidus adoptatus à patre M. Lepidi Triumviri fuit, & ex Æmilio Paullo, Paullus Æmilius, Lepidus dictus est. At quùm esset ejusdem gentis, nomen, suum, ut mos erat, producere non poterat, sed cognomen Paulli quod servare debebat, anteposuit gentis nomini, quasi esset prænomen & sic utrumque & Paulli & Lepidi cognomen tulit.

Ipse qui in suggestu est, pone L. Paillum videtur esse M. Paullus ejus frater, à quo originem trahebat Paulus Æmilius Lepidus, ut se ab illo progenitum esse denotaret, quem ita parvulum post fratrem fama minùs celebrem collocavit; non est enim aliquis ex filiis L. Pauli, quùm omnes eum stirpem nullam masculam reliquisse norint.

Qui à dextris visuntur manibus post terga revinctis, prior est Perseus, stans, in æternum captivus futurus, alter cippo insidet, ut belli socius, nempe Bitis quem teste *Livio* in triumpho ductum pater Cotys Rex Thraciæ à Romanis pro lytro per legatos postulavit. Senatus eum à Carseolis accersitum patri filium remisit, dicens beneficia gratuita esse P. Romani.

Caput Concordiæ deæ selegit Paullus Lepidus, ut concordiam suam cum fratre adoptivo M. Lepido denotaret, quæ maximè inter fratres optanda; nam Paullus Lepidum P. Romani hostem judicavit, & Lepidus tandem Triumvir Reipublicæ constituendæ factus eum proscripsit, quem milites servavere honoris causa & passi sunt eum ad Brutum in Asiam confugere; quem Octavius Cæsar postea revocavit.

## XI.

Caput Romæ galeatum. ROMA. In averſa Trophæum, à cuius dextris liſtor Perſeo genibus nixo, manus poſt terga revincit: à ſiniſtris autem L. Paullus togatus dextram trophæo apponens, pone eum duo pueri prætexta inſignes.

Iterùm & iterùm prodit de Macedonia trophæum quod erigit L. Paullus coram Perſeo, cui manus poſt terga revincit liſtor, ad triumpum, de quo vide *Livium*, *Plutarchum*, & *alios Romanæ Hiſtoriæ Scriptores*: ſed qui ſint illi prætextati, non videntur L. Pauli eſſe majores filii, quùm prior natu datus ſit Corneliæ genti in adoptionem, qui poſteà dictus eſt P. Cornelius Scipio Æmilianus Africanus, nempe minor: & junior Fabiæ familiæ, poſteaque vocatus Q. Fabius Maximus Æmilianus: nec duo filii, quos domi reliquit in bello Macedoniæ; nam ex iis major, triduum ante parentis triumpum, & alter triduum poſt, etiam mortuus, & ſic orbus filiis remanſit.

Veriſimile videtur Paullum Lepidum ab hac tam celebri ſtirpe ut genitum ſe gloriabatur, in ſuperiore nummo Marcum Lucii Proconſulis fratrem exhibuiſſe, & in hoc ejus filios prætextatos, ingenuos nempe pueros, ex quibus duæ iterùm Paullorum familiæ ſunt ortæ, percuffit; ex Marco enim majore filio genitus eſt ille M. Æmilius Paulus, qui Conſulatum geſſit anno <sup>703</sup>/<sub>4</sub> & ex Lucio natu minore ipſe fuit nepos, & Conſulatum etiam, ſed ſuffectus iniit Kal. Jan. <sup>512</sup>/<sub>20</sub>.

Romæ caput ſolemne eſt denariorum Romanorum typus.

## XII.

PAVLVS LEPIDVS, CONCORDIA. Caput Concordiæ velatum: ex averſo latere CLEMENTIA. Clypeus in cujus medio deæ Clementiæ caput directæ fronte.

Iterùm prodit Concordiæ deæ caput à Paulo Æmilio Lepido ad denotandam ſemper cum M. Lepido fratre adoptivo concordiam & vox *Clementia* in gratiam L. Paulli, à quo originem trahere ſe gloriabatur: hac enim virtute præſertim præditus erat ille vir inſignis, ut ejus abnepos in nummis illius memoriam conſignare voluerit, teſtes fuere præcipuè Macedones, quibus debellatis & victis pro ſervitute libertatem conceſſit; ideò in medio clypei

Ma.



Macedonici Clementiæ caput percussit, in æternum rei monumētum, de summa cujus virtute L. Paullo innata hæc ait *Plutarchus in ejus vita.* „ Neque enim solū quo tempore victor fuit, omnibus se præbuit clementem benignūque, sed per vitam suam „ reliquam non destitit de iis benè mereri & præstare iis, ut si „ familiares essent & propinqui, patrociniū. „

## XIII.

Caput Veneris victricis laureatum, ante quod simpulum, & pone corona: in averſa parte figura in equo, d. trophæum ſpoliis onuſtum, cum epigraphe, M. LEPIDVS AN. XV. PR. H. O. C. S. id eſt, *annos quindecim prætextatus, hoſtem occidit, civem ſervavit.*

A Paullorum familia ad alteram Lepidorum tranſimus, quæ eam antiquitate ſequitur; nam M. Lepidus ejus cognominis primus, Quæſtor fuit militaris an. <sup>459.</sup> & Conſul cum Claudio Canina <sup>468.</sup> de Lepidi autem cognomine ait *Ant. Auguſtinus lib. de Famil. Romanorum,* „ non reticebo videri eo voluiſſe exprimere, quid Æmilii nomine ſignificaretur, ut cū familia dicitur „ Æmilia, à voce Αἰμυλίας, id eſt, *Lepore*, idem latinè expri- „ mere voluit. „

Ut ſuperiores nummi à L. Paullo Æmilio Lepido ad memoriam illuſtrem de L. Paullo gentili ſuo revocandam ſunt percuſſi; ita M. Lepidus ejus per adoptionem frater, Marci illius Lepidi, qui bis Conſul fuit, Ptolemæi Ægypti Regis Tutor, Princeps Senatus, & de Gallis Liguriſque triumphavit geſta inſignia, monimentis publicis in æternum ad illuſtrandam Lepidorum ſtirpem conſignare voluit.

In hoc denario primum indolis ejus & virtutis militaris ſpecimen habes, quū prætextatus tantū annorum quindecim; (erat autem prætexta toga, ita dicta, quòd ei purpura prætextabatur, qua cum bulla ingenui pueri utebantur uſque ad annum 17.) M. Æmilius Lepidus M. F. hoſtem occidit, civem ſervavit, illius, inquit, *Val. Maximus lib. 3. cap. 1.* „ Æmilius Lepidus „ puer etiam tum progreſſus in aciem, hoſtem interemit, civem ſervavit, cujus tam memorabilis operis index eſt in Capito- „ lio ſtatua bullata & incincta prætexta Senatuſconſulto po- „ ſita. „

Equestris statua cum trophæo ad eundem Lepidum spectat, sed non ob idem factum; de qua in sequente nummo. Solùm corona quæ pone caput Veneris Victricis ei tribuenda, ex quercu, quam ei Senatus decrevit ob servatum civem; nam major erat honos, quàm occidere mille hostes: unde idem *Valer. Maximus* addit loco laudato. Inter quæ *Æmiliæ* Gentis pueritia, coronam mereri, spolia rapere valuit. Simpulum nota est M. Lepidi Pontificis, Maximi, qui nummum cudit. De Venere Victrice in sequente denario.

## XIV.

Idem Veneris victricis caput, ante quod simpulum: in averſa parte eadem figura equestris cum trophæo, ut ſuprà & epi-  
graphie M. LEPIDVS.

Voces illæ M. LEPIDVS, ſunt ancipites vel ad M. LEPIDVM Triumvirum qui nummun cudit, referri poſſunt, vel ad M. Lepidum, qui prætextatus adhuc meruit ſtatuam bullatam, ut nos docuit *Val. Maximus*, & qui alteram equeſtrem habuit, poſt triumphum quem egit de Gallis & Liguribus, ut ex *Faſtis & Marmoribus* eruimus.

M. AEMILIUS M. F. M. N. LEPIDVS. ANNO DLXXIX. Porro.  
COS. DE LIGVRIBVS ET GALLIS.

Poſteaquam *Livius lib. 41.* enarravit, quosnam Ligurum populos M. Lepidus in plana deduxiſſet, de P. Mucio Scævola ejus in conſulatu & exercitu collega adjicit. „ Inter Audenam P. Mucius cum iis qui Lunam Piſasque depopulati erant, bellum geſſit, omnibusque in deditionem redactis, arma ademit. Ob eas res in Gallia Liguribusque geſtas duorum conſulum ductu auspicioque Senatus in triduum ſupplicationes decrevit, & quadraginta hoſtiis ſacrificari juſſit.

Denarius ille nos docet etiam Statuam ob illas victorias in æternam rei memoriam à Senatu equeſtrem fuiſſe erectam; unde in anteriore ejus capite Venerem Victricem quòd ea diceretur omnia vincere, exhibuit M. Lepidus qui denarios percuſſit, victorias confirmat trophæum quòd figura equeſtris dextra gerit, terreſtre quidem ob Gallos, porro qui fuerint, ignoratur, quod prorsus inter-

interciderint horum Consulium res gestæ in Gallia, & navale ob Ligures littorales qui Pefas, Lunam, & Albingaunum, ut supra diximus, habitabant: id etiam confirmare videtur extremum trophæi, quod bisulcum est, in duas nempe partes divisum, duas ideò diverfi generis victorias denotans.

Simpulum ex parte Veneris ad Pontificatum M. Lepidi Triumphum spectat, ut nota illius qui denarium signari curavit.

## XV.

Caput galeatum pone quod vox ROMA. & antè LEPIDVS: ex averfa parte M. AIMILIUS M. F. M. N. Jupiter in quadrigis triumphalibus d. vexillum, f. habenas.

Quadrigæ in hoc denario expressæ, M. Lepidi triumphum de Gallis designare videntur, quippe in iis stat Jupiter summus Romanorum deus, & d. erecta vexillum gerit, denotans Lepidum ejus auxilio equitum Gallorum turmas profligasse; Galli enim equitatu valido pollebant, ut *Hirtius* scribit de *bello Alexandrino*, his verbis, quos idoneos ex equitibus Gallis arbitrabatur. Equitum autem insigne erat vexillum; quod tamquam eorum trophæum gestat Jupiter.

## XVI.

I. S. M. R. id est, *Juno Sospita Magna Regina*. Caput Junonis pelle caprina amictum: ex altero latere M. LEPID. M. F. in imo TI. SEMP. P. F. GRAC. Sella curulis. S. C.

Duo hæc nomina in denario inscripta cum sella curuli M. Lepidum & TI. Sempronium Aediles Curules haud dubiè denotant, hic verò P. Filius appellatur, & ludos illos magnificentissimè edidisse tradit *Livius*, ut videre est infra in gente Sempronia num. 11. quos assignavimus an. 571. M. Lepidus M. F. ejus collega investigandus: non ille est qui consulatum gessit an. 566. quia Aedilis Curulis esse hoc anno non potuit, sed ille M. Lepidus esse videtur Filius M. Lepidi Prætoris an. 535. & qui repulsam consulatus anno sequente passus est. Is verò Quæsturam provincialem iniit an. 565. & inter III viros qui Mutinam Parmamque colonias an. 570. deduxere, à *Livio* recensetur *libri 30. fine*, & sequente 571. Aedilis curulis creatus est cum TI. Graccho P. filio, ut testatur denarius iste, ipsorum nominibus ornatus cum sella curuli ejus magistratûs insigni.

Ca-



Caput Junonis Magnæ Reginae Megalesios ludos in ejus honorem ab illis editos indicat, illi erant scenici, & pridie Nonas April. celebrari solebant per sex dies, ut *Livius* indicat, de quibus sparsim egimus, quum plurimi magistratus eosdem celebrasse in hac nummorum serie notentur.

## XVII.

Caput muliebre velatum & turritum cum epigraphe ALEXANDREA. In postica parte M. LEPIDVS PONT. MAX. TVTOR REG. S. C. Figura togata stans d. diadema regium imponit puero pariter togato d. scipionem eburneum gerenti.

Alludit M. Lepidus Triumvir, quum esset Pontifex maximus huic dignitati, quam etiam M. ille Lepidus qui Tutor Regis Ptolemæi Epiphanis fuit, obtinuerat : nam Lepidus senior non adhuc Pontifex Maximus erat, quando mortuus est Ptolemæus Philopator, qui moriens filio quinquennali, ex *Epiphania lib. 1.* tutorem testamento P. Romanum reliquerat, sed Agathocli per interim, ex *Polybio*, & Alexandrini illud Romam non tulerunt, nisi postquam Antiochus Magnus Syriae Rex Cœlesyriam ingressus esset, de quo *Justinus lib. 30. cap. 2. & 5.* Legatos ad Romanos miserunt, orantes ut tutelam Regis susciperent, tuerenturque Regnum Ægypti, quod jam Antiochum & Philippum facta inter se pactione divisisse dicebant.

Quum jam à Senatu Legati ad illos Reges missi fuerant C. Claudi-  
dius Nero, P. Sempronius Tuditanus, & M. Æmilius Lepidus qui  
Pontifex Maximus non adhuc erat, qui nuntiarent iis ut regno  
Ægypti abstineant, ob istam verò Alexandrinorum legationem  
M. Lepido mandatur à Senatu, ut tutorio nomine in Ægyptum  
appellat, regnumque pugilli Regis administret, etsi Legatorum  
minimus natu : nam de indole dum prætextato adhuc Statua à Se-  
natu in Capitolio erecta fuerat, & de animi sui magnitudine spe-  
cimen jam dederat, quum duorum illorum legatorum consensu  
ad Philippum Macedoniæ obsidentem Abydum missus fuerat.  
Igitur Alexandriam tendit, & Ptolemæi tutelam suscepit : quare  
à M. Lepido Triumviro ejus abnepote diadema Ptolemæo puero  
imponens in denario exhibetur, ad honorem, quem ei Senatus  
detulerat posteris revocandum, & ut M. Lepidus proavus Pon-  
tifex Maximus, postquam Tutor Regis extitit, renuntiatus fue-  
rat,

rat, & ille qui tunc, quum denarium cudit, Pontifex maximus etiam erat, duo illa maxima Sacerdotia in duobus ejusdem gentis & nominis M. LEPIDVS, in eodem denario reponere voluit.

*Valerius* quidem *Maximus* M. Lepidum Regis Tutorem jam Pontificatum maximum fuisse adeptum, antequam in Ægyptum proficisceretur, narrat *lib. 6. cap. 6.* sed haud dubiè hoc denario, quem fortè viderat, delusus, cujus sensum non accepit: adde quod Pontifici maximo abesse Roma non licebat, ut testatur *Plutarchus in Fabio*: unde *Pighius ex Val. Maximi* verbis, Lepidum non Ptolemæi Epiphanis, sed Philometoris ejus filii, tutorem fuisse, quod tunc non esset adhuc hoc Sacerdotio summo ornatus, sed hic jam erat Ægypti Rex coronatus quando Romam venit, ut videre est in nostra horum *Regum Historia*.

Sed ut qui nummum tractaret, & cujus Regis Lepidus fuisset Tutor, nosceret, caput urbis Alexandria in ejus parte anteriore signari curavit, ad indicandum eum Regis Ægyptum fuisse, & notam S. C. apposuit, ut Lepidum Senatusconsulto ejus Principis nominatum fuisse significaret.

## XVIII.

Caput Vestæ velatum, pone quod simpulum LEPIDVS: in averfa templum Vestæ rotundum, in quo duæ sellæ curules & epigraphæ VESTA. Q. AIMILIVS.

A M. Lepido Ptolemæi olim Tutore ad Q. Lepidum M. Lepidi Triumviri avum descendimus: hic illum nummum in memoriam Ædilitatis curulis, quam gessit cum P. Cornelio Nasica anno 67. percussit, in eo Vestæ caput & illius templum, quod in magistratu refici curaverunt exhibuit, quod duæ sellæ curules in templo positæ abundè confirmant. Ædiliū autem curulum erat officium ut templa magnificis operibus reficerent, & ornarent: nam Ædiles dicti, quod ædes sacras & privatas procurarent, teste *Varrone lib. 4. de lingua latina*. Curules verò, à sella curuli qua utebantur: quæ ideo positæ sunt in templi aditu.

De Vestæ templo narrat *Tacitus lib. 15. Annal.* in quod se receperat Piso à Galba electus, qui Othonis jussu extractus, est occisus, *Plutarchus in Numa* ait, Ferunt ædem quoque Vestæ sa-

cro igni orbicularem circumivisse. *Phornutus* ipsam Vestam rotundè etiam effingi solitam prodit, quod ut ipsa pro Terra, quæ rotunda est, existimata, capiat omnia. Simpulum Vestæ pro insigni datur, ut videre est in Claudia gente Vestalem id d. gerentem, quia in eo ignis inextinguibilis asservari credebatur: antiqui verò Romani, ut refert *Procopius*, ignem Vestam vocabant.

## • XIX.

Caput muliebre velatum Concordiæ MAM. LEPID. LIVIAN. *Mamercus Lepidus Livianus*. Ex altera AP. CLAUDIVS AP. F. PVLCHER. Sella curulis.

Temporis ratio in recensenda Lepidorum stirpe postulet, ut ad Mamercum Lepidum Livianum divertamus, qui ex Livia gente plebeia in Lepidorum patriciorum familiam transiit, is M. Livii Drusi filius fuisse dicitur, adoptatus à Mamercio Æmilii Senatus Principis filio: unde illi Mamerti pronomen, Oscurum autem lingua à Marte deductum est, quem illi Mamertem appellarunt, & nomen gentis Liviae producendo dictus est Æmilius Lepidus Livianus.

Is nummum cudit, ut ejus epigraphe denotat, & Concordiæ caput adoptionis Symbolum ex una parte, ut in Paulli Æmilii nummis superioribus observavimus, exhibuit, nam adoptati cum iis in quorum familiam asciti erant, concordissimè vivere se jactabant; ex altera sellam curulem, quod ille Prætor Urbanus an. 671. creatus esset cum Appio Claudio Pulchro. Alii volunt in Quæstura sua urbana cum eodem Claudio an. 666. nummum signasse, sed Quæstoribus sella curulis numquam data fuit, quæ erat proprium Præturæ ad jus dicendum insigne. Tanta erat inter eos concordia, ut dum Lepidus Livianus Consul esset an. 676. Claudius inter Patricios creatus est interrex, nequid detrimenti eo absente in urbe reciperet, vide in Claudio.

## XX.

Caput Apollinis laureatum, ex altera templum tetrastylum in conum desinens, in quo cippo insidet Apollo nudus d. patera s. lyram: ante quem Victoria stans ei coronam porrigens, cum epigraphe. MAM. AEMIL. LEPIDVS LIVIANVS.

Alte



Alterum Præturæ Lepidi Liviani testimonium prodit per hunc nummum Apollinem ex parte anteriori exhibentem qui in eo signatus est ob Apollinæ ludos à Prætore Urbano Lepido Liviano in magistratu celebratos; illi autem ex vaticinio Marci vatis apud *Livium lib. 25.* orti sunt. „ His, inquit, faciendis præerit Prætoris, qui jus populo plebique dabit. Itaque factum est Senatusconsultum quo ludos Prætor in circo maximo facturus esset, inde omnes deinceps Prætores Urbani hos ludos ediderunt.

Templum Apollinis ex altera parte, de hoc dubitare non finit, in eo autem sacra fiebant, antequam in circo agerentur. Apollo infidet cippo, ut in Augusti nummo representatur in nostro *Præstantiorum libro ex argento edit. 2. pag. 33.* & quidem cum patera ad sacra quæ illi fiebant indicanda, sinistra verò lyram gerit, quæ illi à Mercurio data est; sed in hoc denario victoria porrigit coronam, quia Marcus ille vates P. Romano victoriam de hostibus pollicitus erat, si Apollini voverent ludos, & sic *Pomp. Fests* narrat, P. Sulpitio Cn. Fulvio coss. M. Calpurnio Pisone Prætore urbis facientes ludos, quum Romani subito ad arma „ exiissent nunciato adventu hostium, victores in theatrum re- „ dierunt. Ergo ludorum Apollinariū origo victoriæ causa est. „

## XXI.

Caput Veneris Victricis laureatum, ante quod ROMÆ, in averfa Pons cum tribus fornicibus, supra quem statua equestris d. hastam, cum epigraphe M. AEMILIO LEP.

Sublicius est ille Pons in denario exaratus, quem *Plutarchus in Numa* nos docet, lapideum multis post sæculis ex ligneo ab Æmilio Quæstore esse factum: dictus autem erat sublicius, quod ligneus esset, & subliciis fulciretur. Ita enim vocant palos ad pontis sustentationem in aqua defixos, postea ab instauratore dictus est Æmilius, cujus adhuc hodie reliquæ in Tiberi. Ad quem verò pertineat statua equestris supra pontem erecta, ex epigraphe Manio Lepido dicata videtur, de qua ait *Ursinus*, „ illi qui „ pontem fecit, vel Lepido alicui ob rem benè gestam à Senatu decretam, impositam esse: Qui pontem fabricari jussit, Manius vocabatur, & quæsturam gessit. an. 675. & consulatum cum L. Vol-

catio Tullo 687. gessit, de quo inquit *Ant. Augustinus*. Hujus parentes ignorantur.

## XXII.

Caput Dianæ cum crescente Luna, & pone dorsum arcus & pharetra EX. S. C. ex averſa templum rotundum, in quo ipsa Diana cippo insidens, d. tenet arcum cum epigraphe M. LEPIDVS. M. MARCEL. AED. CVR. Ædiles curules.

Primus est M. Lepidi qui Triumvir Reipublicæ constituendæ fuit nummus, quum Ædilis Curulis magistratum iniit cum M. Marcello V. C.<sup>791</sup> id epigraphe abundè testatur. Diana in parte anteriore & ejus templum in postica ab iis restitutum ex Senatusconsulto denotant: nomen enim Ædilis ab ædibus tum sacris tum privatis derivatum, eorum autem erat officium illas curare. Dianæ templum quod restituisse videntur Lepidus & Marcellus, erat in Aventino monte qui ex illo dictus est collis Dianæ apud *Martialem lib. 7. ad Maximum*.

*Esquiliis domus est, domus est tibi colle Dianæ.*

Primum hoc Dianæ templum antiquissimum erat, siquidem exstructum fuit à Populis Latinis Servio Tullio regnante, ait enim *Dionysius*, convocatis Latinorum optimatibus, suasit eis, ut templum cum inviolabili refugio communi sumptu constituerent. Collatis deinde oppidatim pecuniis, Dianæ templum ædificavit in Aventino eminentissimo urbis tumulo.

## XXIII.

Caput Romæ galeatum ROMA: ex averſa clypeus M. AIMILI. M.F. Q. N. LEPIDVS PRAEF. VRB.

Lepidus in hoc denario inscribitur Marci filius, ut quum haberit Marcum Lepidum Consulem cum Q. Catulo an. 5. qui acta Syllæ rescindere voluit, & à collega victus, & ex Italia pulsus est, Quinti verò nepos, qui tantum Prætor fuit Provincialis anno 638. Lepidus autem noster Præturam urbanam potitus an. 704. C. Cæsaris partibus adhæsit, à quo Urbi etiam est Præfectus, quum fugato extra Italiam Pompeio Romam occupasset, & rebus ibi constitutis in Hispaniam properare vellet.

Præfectus Urbis erat magistratus extraordinarius, qui non singulis

lis annis creabatur, sed quum ejus necessarius videbatur usus, ille à Romulo institutus, quando ex urbe proficiscebatur Rex ad bellum, ut ea non sine imperio non maneret, ejectis Regibus, etiam à Consulibus ante institutam Præturam, quotiescumque ad bellum properandum ipsis erat, Præfecti Urbis declarabantur, qui illis absentibus, munus Consulare obibant, & jus dicebant, & à Regibus & Consulibus eligebantur. At post introductum Prætura magistratum defuit Præfectus Urbis, nisi quod Latinarum feriarum causa profectis Urbe Consulibus.

Lepidus verò ut Præfectus Urbis magistratum cum Prætoris Urbani dignitate conjungeret ac retineret, Cæsarem debellatis in Hispania Pompeianis partibus, lege ad Populum promulgata, Dictatorem dici curavit, quia seditionis domesticæ causa, hic magistratus creari solebat, & ideò videtur clypeum votivum in Jovis templo appendisse, ut illius victoriis omnia tranquilla redderentur, in cujus rei testimonium plurimi illi clypei votivi in nummis argenteis Augusti scalpti observantur.

## XXIV.

Caput Romæ galeatum LEPIDVS ex averfa parte Jupiter in quadrigis triumphalibus, d. fulmen, f. sceptrum & habenas equorum  
M. AIMIL. M. F. M. N. PROPR.

Lepidus ex Prætura Hispaniam citeriorem obtinuit anno <sup>705</sup> à Cæsare in eam missus, de quo *Dio lib. 43.* Ut enim primum à Lepido Dictator proditus fuit, statim eum ex Prætura in Hispaniam citeriorem misit, de qua anno sequente „ 705. triumphum egisse nos docet hic denarius, ut & *Dio*, hoc „ loco. Reverso ex Hispania, triumphum quum neque vicisset quemquam, neque omnino signis collatis dimicasset, concessit, ea causa prætexta quod is à Longino & à Marcello gestis adfuisset. Ceterum in triumpho suo nihil intulit, præter eas pecunias, quibus socios spoliaverat, ideò forsan ille in quadrigis non invehitur, sed Jupiter Victor, qui omnia vincere dicebatur.

## XXV.

Caput Julii Cæsaris laureatum & velatum cum lituo ante caput



CAESAR. P. M. DIC. TER. ex averſa parte M. LEPIDVS IMP. caput Lepidi nudum.

Cæſar an. <sup>708.</sup><sub>9</sub> ut inquit *Dio lib. 43.* „ Dictaturam Conſulatumque tertio, utrumque magiſtratum, collega in utroque geſſit. Hic denarius utrumque repræſentat Cæſarem cum titulo Dictatoris tertio, & Lepidus dictus eſt Imperator, nempe poſt triumphum primum, nempe propr. de Hiſpania citeriore, in qua provincia hic titulus ei datus eſt: dum autem *Dio* refert in utroque magiſtratu collega, intelligit illum ſecum Conſulem nominaffe, & quando fuit creatus Dictator iterum, cum fecit Magiſtrum Equitum: nam quum Dictator quis erat creatus, eligebat ſibi ipſe Magiſtrum Equitum.

## XXVI.

Caput M. Lepidi nudum M. LEPIDVS IMPER. ex averſa parte figura equeſtris habitu pacificatoris, d. in altum ſublata cum litteris S. C.

In ſuperiore denario Julii Cæſaris ab una parte effigiem & Lepidi vultum ex altera, quum ambo fuiſſent Conſules an. V. C. <sup>707.</sup><sub>8</sub> an non iidem: Lepidus nempe, cum imagine qui nummum ſignari curavit ex Senatuſconſulto, & Julius Cæſar equo ſublimis Pacificatoris habitu, quando Romam ex Albano monte rediens in urbem poſt ovationem redit an. <sup>709.</sup><sub>10</sub> ut inquit *Dio lib. 44.* inter alios honores à Senatu decretos Cæſari permiſſum ipſi eſt, ut poſſet Feriis Latinis in monte Albano peractis, curru lictoribusque laureatis invehì, ſed ille equo uſus eſt, quem in ovatione conſcenderat, in cujus rei memoriam Lepidus, qui illius erat magiſter Equitum ut collega percuffit: nam abſente Dictatore ejus officium obibat magiſter equitum, ſed *amicus* Lepidi ſtatuum ſuſpicatur eſſe, ſed Lepido tantum togata pro roſtris erecta ob rem benè geſtam in Hiſpania poſt Julii mortem, quæ poſteà quum declaratus eſt hoſtis P. R. dejecta eſt: inſtat verò, ille eſt ut magiſter Equitum, ſed ea figura Pacificatoris habitu, adventum in urbem denotat, quæ Cæſari convenit, & quidem Senatus decreto.

## XXVII.

M. LEPID. IMP. ITER. PRO. COS. Lepidus togatus in quadrigis triumphalibus d. habenas equorum, ſ. ſcipionem eburneum,



re ex prora navis procuravit; nam inquit *Dio eodem loco*: Hi ita „  
que eo modo, primò Cæsar, dein reliqui duo, Romam seor- „  
sum unusquisque cum his omnibus militibus ingressi. „

## XXIX.

M. LEPIDVS III VIR. R. P. C. Caput M. Lepidi nudum: in postico latere L. MVSSIDIVS T. F. LONGVS III VIR. A. P. F. Mars nudus & galeatus d. hastam, f. parazonium, pedes. clypeo imposito.

Cæsar initio ann. <sup>709</sup>. Lepido Galliam Narbonensem & Hispaniam finitimam concesserat, in eamque progredi paratus ille erat, quando Cæsar in Senatu Idib. Mart. à conjuratis confosus est. Lepidus tunc apud exercitum in suburbio erat, & res valdè turbatae sunt. Lepidus cum Antonio hujus anni Consule societatem inter se pacti sunt, & hic filiam suam Lepidi filio nuptam dedit, ipsumque Lepidum patrem constituit Pontificem Maximum.

Creatis coss. Hirtio & Pansa an. <sup>710</sup>. Lepidus in provinciam à Cæsare decretam abierat, & Antonius, cui Macedonia obtigerat, Galliam cisalpinam sibi vindicare cupiens, D. Brutum, hujus provinciae rectorem Mutinae obsedit: sed à Consulibus, & ab Octavio Cæsare praelio profligatus ad Lepidum se recepit, unde ambo in Italiam contra Cæsarem venere, qui simul congressi in insula parva fluvii qui præter Bononiam labitur v. Kal. Decemb. se æqua potestate & summo imperio Triumviros R. constituendæ in quinquennium renuntiaverunt.

Mussidius Longus T. filius Quatuorvir monetalis an. <sup>711</sup>. Lepidi effigiem percussit, cum his notis A. P. F. id est, argento publicè feriundo, ut monetam ex ærario, non impensis Triumviri signatam esse denotaret: addidit Martem Gradivum quidem, nam contra Julii percussores bellum decreverant, alter verò est Mars tranquillus & mitis ad urbem custodiendam, cujus templum in ea erat; sed Gradivi in via Appia extra illam prope portam ad arcendos hostes. Hasta & Clypeus illius sunt insignia.

## XXX.

M. LEPIDVS PONT. MAX. III VIR. R. P. C. Caput M. Lepidi



di nudum : in postico latere, L. MVSSIDIVS T. F. LONGVS. IIII VIR. A. P. F. Duæ dexteræ junctæ caduceum alatum tenentes.

Alter prodit denarius cum M. Lepidi effigie ab eodem Mussidio T. filio Longo Quatuorviro monetali percussus, ex argento publico ad concordiam & pacem inter Triumviros R. constituendæ denotandam, cujus symbola sunt nempe concordix, dexteræ illæ junctæ, & pacis caduceus, unde qui pacem denuntiant, ipsi caduceatores appellantur : additæ sunt alæ quia verbis quæ volare videntur, pax pronuntiatur.

## XXXI.

Caput, M. LEPIDVS PONT. MAX. IIII VIR R.P.C. COS. ITER. pone caput lituus : in averfa parte, C. VIBIVS VARVS. Mulier stolata stans, d. victoriam, f. cornucopiæ.

Epigraphæ capitis nummum Lepido percussum denotat, anno quo consulatum gerebat cum Planco V. C. <sup>712</sup> dum custodia urbis illi esset commissa, quum Antonius & Cæsar Dictatoris percussores bello prosequerentur. Mulier togata in posteriore parte, Concordia est, ad illam inter Triumviros arguendam; læva cornucopiæ gerit, ad rerum omnium abundantiam declarandam, sed pro patera solita, victoriæ signum gerit, quam dum nullam in consulatu suo retulit, ad Philippensem spectat, quam Antonius & Cæsar hoc anno de Bruto & Cassio obtinuerunt: Triumviri enim antequam hi Roma proficiscerentur, omnes simul decreverant, teste *Dione, lib. 47.* si qua esset victoria aliunde nunciata, supplicationes seorsim pro victore, at quum illa esset de hostibus, tunc communis esset: ideò in Lepidi nummis Philippenfis fuit etiam signata. De Vibio Quatuorviro Monetali, in ejus gente dicturi sumus.

## XXXII.

LEP. IMP. Instrumenta Pontificalia, nempe simpulum, aspersorium, Secefpita, & albogalerus : ex altera, ANT. IMP. Præfericulum & gallus gallinaceus.

Hic denarius ad concordiam inter Lepidum & Antonium indicandam signatus est. Insignia Pontificatus maximi quem gerebat Lepidus, exhibet. Simpulum autem vas erat parvum, quo vinum in sacrificiis libabatur à sumendo dictum, ex *Varrone, lib. 4. de lingua latina.* Aspersorium, quo aquam lustralem aspergebant, secefpita, à secando dicta, instrumentum scilicet ferreum, quo

ad sacrificia utebantur Pontifices. Apex, pileus erat Pontificis, quia in conum desinebat, sic appellatus. Averſa pars ad Auguratum M. Antonii pertinet, præfericulum ſcilicet, vas quidem æneum quo utebantur in ſacrificiis, quod illud præferre ſolebant, apud *Festum*; gallus autem gallinaceus exhibetur, quia præter alias aves, iis præſertim utebantur Augures: unde qui eorum custodiam habebat, pullarius erat appellatus.

## XXXIII.

Caput Lepidi nudum ſine inſcriptione: ex averſo latere, M. LEPIDVS PONT. MAX. III VIR. R. P. C. Præfericulum, lituus, ſimpulum & culter.

Signa hæc ſunt rurfus Pontificalia, ad ſummum Pontificatus Lepidi Triumviri ſacerdotium denotandum; ſed inſtat *Amicus*, in nummo, inquit, Antonii cum Lepido, præfericulum ad illius auguratum ſpectare diximus, ut & lituum illius ſacerdotii inſigne, quod verum eſt: cur igitur ante vel poſt Julii Cæſaris caput, qui Pontifex Maximus erat, modò præfericulum, modò lituus, & aliquando ambo occurrunt; cui reſpondemus, Pontificem Maximum omnia ſacerdotia in ſe continere, & ideo indiſcriminatim ſacerdotiorum ſymbola illi tribuuntur.

## XXXIV.

M. LEPIDVS IMP. ITER. PONT. MAX. III VIR. R. P. C. circa caput Lepidi, pone verò illud præfericulum: in poſtica parte tripus, cui ſerpens in gyros circumflexus ſe ſuper eum erigit, à dextris lituus, à ſiniſtris ſimpulum, & EX S. C. per tranſverſum.

Tripus etiam ad Pontificatum Lepidi maximum cum aliis ſacerdotalibus ſignis ſpectat; inſtrumentum quidem erat tribus pedibus conſtans; non inſtar eorum, quibus ſuperſedebant Phæbades, dum vaticinari volebant, factum: ſed in horum vertice vas erat concavum, in quo carbonες erant accenſi, ſupra quos è patera Pontifex ſuffimentum pro ſacris effundebat, ut obſervare licet in plurimis Imperatorum nummis. At ſi conſicere audemus, cum in hoc denario expreſſum fuiſſe, ad revocanda ſacrificia, quæ Lepidus ut Pontifex Maximus pro victoria de Julii percufforibus Romæ fecerat, quod ſerpens victo-

ria

riæ felix augurium & nota ex. S. C. Senatusconsultum arguens arguere videntur.

## XXXV.

LEPIDVS PONT. MAX. III VIR. R. P. C. Caput Lepidi : ex altera, CAESAR IMP. III VIR. R. P. C. Caput Cæsaris Junioris.

Effigies Lepidi ab una parte, & vultus Cæsaris ab altera eorum concordiam denotare videtur, & si aliqua exterior emicuit, illa notata est, quando Lepidum molestè ferentem se sua imperii parte spoliatum, Augustus in Africam misit, ut narrat *Dio, lib. 48.* ut sibi cum eo amiciorem haberet, quod à se solo, & non Antonio, eam Provinciam accepisset: nam Cæsar & Antonius statim à victoria Philippenſi Lepidum, qui ejus victoriæ socius non fuerat, non solum antecelluerunt; sed inter se Imperium statim partiti erant, ac Cæsari quidem Hispania & Numidia, Antonio Gallia & Africa assignatæ sunt, ea tamen conditione, ut si id animo iniquo Lepidus ferret, Africa ei cederetur.

## XXXVI.

M. LEPIDVS IMP. ITER. PONT. MAX. III VIR. R. P. C. Caput Lepidi, pone quod lituus: ex altera parte, SALVS PROVINCIARVM AFRICAE S. C. Lepidus in equo, pacificatoris habitu.

Africa Lepido ab Augusto data, duas, ut diximus, provincias, nempe Numidiam, & alteram propriè Africam complectebatur. T. Sestius qui illam regebat, Antonii rebus studens, Cornuficium & Lælium pro Cæsare in hac stantes debellaverat, & post pugnam Philippenſem Fulviæ Antonii uxoris instinctu Phangone & Arabione deletis & mortuis, solus Africam iterum occupavit usque ad Lepidi adventum: Sestius autem Lepido, quem ex Antonii sententia advenire existimans, sive quod longè majores is copias haberet, non repugnavit, id quod necessario faciebat, gratificari Lepido simulans, quievit: Lepidus itaque utramque Provinciam recepit in suam potestatem, quod ubi recepit Senatus, denarium hunc in Lepidi honorem percuti curavit, Pacificatoris habitu, & quasi ob tot in his provinciis seditiones fuisset Africæ salus.



## XXXVII.

LEPIDVS PONT. MAX. III VIR. ITER. R. P. C. Caput Lepidi, hinc lituus, inde urceus : in altero latere, P. SEPVLIVS MACER Tripus inter duas fasces cum securibus.

Sepulius Macer Quatuorvir monetalis Lepidum exhibet, postquam in alterum quinquennium Triumviri Reipublicæ constituendæ causâ se denunciaverant, primùm autem quod pridie Kal. Jan. Ap. Claudio & C. Norbano coss. exire debebat an. <sup>715</sup> non asperarunt, ne adversariorum spem erigerent. Adjecit lituum & urceum ad summum sacerdotii gradum indicandum, quo Lepidus gaudebat. Tripus in averâ parte ad Pontificatum maximum etiam spectat, ut suprâ diximus. Fasces cum securibus summam Triumvirorum ut Consulum denotat, quùm jus vitæ & necis haberent illi primi magistratus.

## XXXVIII.

PAVLLVS LEPIDVS CONCORDIA. Caput Concordiæ velatum: in averâ parte, PVTEAL. SCRIBON. LIBO. Ara encarpis ornata, in cuius imo malleus.

De Paullo Æmilio Lepido ex Æmiliorum familia quæ Paulli cognomen tulit, suprâ diximus, quùm nummos in L. Æmilio, qui de Perseo Rege triumphavit, retulimus, & quia ab illo originem ducebat, aliquot denarios ipsius egregia facta renovantes percussit: nunc de illo ordine suo agimus, nam à M. Æmilio Lepido Triumviri patre adoptatus, M. Lepidum Triumvirum pro fratre per adoptionem habuit, & in ejus memoriam usus est cognomine pro prænomine, & sic appellatus est PAVLLVS ÆMILIVS LEPIDVS, porrò ut Lucius nominabatur, Lucii & non Paulli filium se nuncupavit; ille Concordiæ caput signavit, ad concordiam cum fratre arguendam expressit, & L. Libo, qui denarium percussit, ad antiquitatem nominis sui revocandam, puteal, de quo in Scribonia gente dicturi sumus, exhibuit.

## XXXIX.

Caput Libertatis laureatum & velatum : in averfo latere, ÆMILIA REF. id est, *refecta*, S. C. M. LEPIDVS. Basilicæ Æmiliæ prospectus.

Ad M. Lepidum pertinere denarium demonstrat Epigraphe, non quidem ad Triumvirum, sed ad filium ejus fratris adoptivi qui Paullus prænomen accepit, de hoc ait *Cicero ad Atticum lib. 4.* duas basilicas, veterem restituit, novam magnificentissimam extruxit. M. ejus filius Quæstor in memoriam patris, hunc denarium percussit cum prospectu resectæ Basilicæ, ut inscriptio docet, AEMILIA RESECTA, additur S. C. quia resecta est decreto Senatus. De Basilica nova, quam pater, *Dione teste lib. 49. pag. 416.* perfecit, non nobis superstites sunt denarii, Porticum, inquit, quæ Pauli dicitur, Æmilius Lepidus Paulus propriis impensis perfecit, & in consulatu suo, gerebat enim eum cum in parte istius anni <sup>719</sup>/<sub>20</sub> dedicavit. Unde novimus eum bis consulatum egisse, nam primum inierat cum Claudio Marcello an. <sup>703</sup>/<sub>4</sub> & post duos illos consulatus, Augustus eum Censorem cum Munatio Planco nominavit an. <sup>731</sup>/<sub>2</sub> in quo magistratu mortuus est.

Idem *Dio* ad annum <sup>735</sup>/<sub>40</sub> inquit, Paulli porticus incendio absumpta est, ignisque ab ea ad Vestæ ædes usque grassatus est. Hæc postea porticus verbo quidem ab Æmilio, qui ab eo, qui primus hanc fecerat, genus suum trahebat, re autem ab Augusto & Paulli amicis resecta est: sed hic denarius ad hoc tempus non spectat, ut putat Amicus, quia non amplius denarii cum familiarum nominibus nisi Triumvirorum monetaliū, & quidem cum Augusti effigie, nec minus sub Tiberio quo iterum ex *Tacito* ab alio Lepido resecta est, percussus est denarius, ut *Fulvius* arbitratur. Caput Libertatis à M. Lepido L. filio expressa quidem est, quum illa adhuc quo tempore signatus, non omnino extincta adhuc esset.

## X L.

II VIR. Caput Jovis Capitolini laureatum: ex averso latere. M. LEPIDVS L. F. in vertice, COL. JVL. AVG. Colonus capite velato agens boves, d. stivam, f. flagrum.

Ab eodem M. Lepido L. filio percussus est nummus, quum Duumvir deducendæ coloniae ab Augusto nominatus, & ut solus nominatur, ideo deductionis ejus princeps fuisse videtur, ab illo fuit in honore habitus, nempe vir moderatus & sapiens, & ad consulatum perductus an. <sup>737</sup>/<sub>8</sub> Tot autem colonias constituit

Augustus, ut quæ sit illa Julia Augusta in nummo scripta, ignoretur, *Lapis Ancyranus* de illo sic ait. Unus & solus omnium, qui deduxerunt colonias militum in provincias ad memoriam ætatis meæ, tamen ex illius Juliæ Augustæ inscriptione unam fuisse ex iis quas Julius Cæsar in tabellis designaverat ante mortem. Caput Jovis Capitolini in anteriore parte expressum est, quod in coloniis Romanis illius cultus constituebatur. Colonus agens boves, coloniæ deductæ symbolum ut videre est in nostro coloniarum libro.

## XLI.

REGILLVS. Caput Junonis caprina pelle amictum : ex averfa parte, L. AIMILI. M. F. PR. P. figura togata in quadrigis triumphalibus, d.equorum habenas.

Descriptis Æmiliæ gentis in Lepidorum familia nummis, hunc tandem alterius nempe Regillorum proferimus, quem ad L. Æmilium L. filium Regillum pertinere nos docet ejus epigraphe: Marcus autem pater Lucii, Flamen Quirinalis & Prætorius apud *Livium*, lib. 34. indigitatur & Consul cum T. Otacilio <sup>538.</sup><sub>9</sub> adversus Annibalem, dissuadente Q. Fabio Maximo magistratum tamen non iniit : Scipione verò Consule an. <sup>549.</sup><sub>50</sub> decessit, relictis duobus filiis L. & M. Æmiliis Regillis.

L. Æmilius primò Quæsturam accepit an. <sup>556.</sup><sub>7</sub> Præturam verò peregrinam <sup>563.</sup><sub>4</sub> classẽ contra Antiochum Syriæ Regem fortitus obtinuit, quam C. Livius Prætor habuerat, in Provinciam veniens, adjuncto sibi Rhodiorum auxilio, ad Myonesum navali prælio Polyxenidam classis regiæ Præfectum profligavit, & possessione maris expulit, ut narrat *Livius*, & anno sequente Romanam rediit, extraque Urbem in Æde Apollinis Senatus illi datus est, & auditis ejus rebus, cum quantis hostium classibus dimicasset, quot inde naves demersisset, aut cepisset, magno consensu Patrum triumphus ei est decretus.

Ille in denario quadrigis triumphalibus invehitur, scipionem eburneum, in cujus apice erat aquila, insigne triumphantium gentes, ad æternam splendidissimi ejus de Antiocho Rege triumpho, quem legere est apud *Livium* lib. 37. M. Æmilius ejus frater cum eo profectus Sami, ante ejus victoriam decessit. Cur

autem



Æ M I L I A.

47

autem Junonis Sospitæ caput denarii partem occupat; illa dea videtur diem, qua triumphum egit Romæ L. Regillus, de- notare. Si quidem *Fasti* eum Kal. Feb. triumphasse referunt.

L. AEMILIUS M. F. N. REGILLVS PRO. PR. AN. DLXIV. DLXV. Varr.

NAVALEM EGIT DE REGE ANTIOCHO. KAL. FEBR.

Kalendis autem Februariis festum erat dedicationis templi Junonis Sospitæ, ut fert Kalendarium, de quo ita canit *Ovidius*.

*Principio mensis Phrygiæ contermina matri  
Sospita delubris dicitur aucta novis.*

XLII.

Caput Apollinis laureatum, SCAVRVS: in postica Pegasus, sub cujus pedibus crescens luna, M. AIMILI. M. F.

Tam illustris Æmilii gentis tot fuerunt stirpes & quidem in- signes, ut inter Scauros emicuerit præsertim M. Æmilius Scau- rus qui Consul triumphalis, princeps Senatus & Censor fuit. Is quum neque Marcus pater, neque avus, neque etiam proavus honores, ob rei familiaris tenuitatem adepti essent, autore *Pæ- diano*, dubitavit, honores peteret, an argentariam faceret, sed elo- quentiæ consultus ex ea gloriam peperit.

Is Ædilis fuit anno 630. quem in hoc magistratu magis juri reddendo quàm muneri edendo studuisse, testatur, *Victor de vi- ris illustribus cap. 72.* quia cum hos ex officio facere debebat, eo- rum magnificentiam nihil auxit, gratiam sibi justitia atque æqui- tate tantum comparans. Prætor deinde factus Urbanus, an. 633. ludos Apollinares celebravit, cum aliis Prætoribus qui iis præsent, quandoquidem hi ex publicis impensis eduntur. Prætor in Circo Maximo cum facturus est, edicit ut populus per eos ludos sti- pem Apollini, quantam commodum esset, conferat. Vulgò aper- tis januis in propatulo epulantur.

Scaurus in memoriam ludorum Apollinarium quos ut Prætor celebraverat, caput ipsius Apollinis exhibuit, uti plures alii Præ- tores eam ob rem iterum signaverant, in hac familiarum Histo- ria observare est. In averſa parte Pegasus cudit, Apollini allu- dens Musarum comiti, imò & patri, quarum Pegasus Symbo- lum est, hic enim in Helicone Boetia monte, in quo habitabant  
foro-

forores, ungula saxum feriens illis fontem aperuit, qui ex ejus nomine Hippocrene est dictus, inde Pegasus in ærem evolans inter astra constitutus est, quod indicat crescens Luna sub ejus pedibus, ad denotandum illam ei esse inferiorem, de quo *Aratus*

*Sed Pegasus æthere summo  
Veloces agitat pennas, & fidere gaudet.*

Pegasus famæ symbolum dicitur, apud *Fulgentium*: idèò alas habet, quia volat.

### XLIII.

Caput Mercurii cum galero alato, ante quod spica in averfa quadrigæ aurigante victoria d. coronam, M. AIMILI M. F. SCAVRVS.

Sequitur alter M. Æmilii Scauri denarius, quem in triumphii sui de Gallis Karnis memoriam signari iussit, is postquam consulatum cum M. Cæcilio Metello gessisset, anno V. C. 638. Consulibus decretæ sunt provincia Gallia atque Sardinia. M. Scaurus Galliam sortitus est, Cæcilio Sardinia. Novi in Gallia exorti sunt tumultus, Gallia hæc erat comata, quam Karni inhabitabant Venetis vicini, eorum regio hodie *Carniola* dicitur, eos celeriter domuit Scaurus, cujus rei index est etiam victoria in quadrigis, quam signare solebant, quum haud valdè difficilem expeditionem habuerant, sic habet *Marmor Capitolinum*.

M. AEMILIVS M. F. L. N. SCAVRVS COS. A. DCXXXIIX.

DE GALLEIS KARNEIS V.

Postica nummi facies exhibet Mercurium galero alato ornatum, quem peculiari cultu colebat Scaurus, quum inter alia ejus attributa dictus esset deus facundiæ, quod hominibus eloquentiam præstare putabatur: nam Scaurus, ut suprà diximus ex *Aur. Victore*, „ eloquentiæ consultus ex ea gloriam peperit: Mercurii autem galero alas addunt veteres, volucrem per aëra ferri sermonem significare volentes.

Nobis superest ut de spica ante illius caput exurgente dicamus; illa videtur regionis, quam domuerat Scaurus, fertilitatem frumentique copiam indicare. *Pighius* autem Celtica lingua vetere, quam eandem cum Germanica fuisse putat, voce, (*Karnen*) grana significari refert, hæc Germanis adhuc etiam temporis

ris tenuiore tamen cum pronuntiatione in usu est.

Scauri cognomen ab insigni tumore & pravitate talorum desumptum videtur, quo laboravit hujus stirpis autor, ad posteros transit: Hi enim *Grammaticis* Scauri dicuntur, vel *Horatio* teste, *l. Sermon. Sat. 3.*

.... *Scaurum, pravis fultum malè talis.*

## XLIV.

M. SCAVR. AED. CVR. in imo, REX ARETAS, per transversum, EX S. C. Camelus, ad cujus pedes Rex genuflexus ramum profert. In altera, P. HYPŒAEVS AED. CVR. in imo, C. HYPŒAEVS COS. PREIVER. CAPTV. Jupiter in quadrigis currentibus, d. fulmen s. habenas.

Marcus ille Scaurus, qui denarium cudit, se Marci filium inscribit, re quidem vera, quum filius fuerit M. Scauri principis Senatus, cujus supra nummos exhibuimus, is Pompeii in Asia & Mithridatico bello Proquaestore fuit, anno V. C. 690. confectis deinde rebus & Syria in provinciam Romanam redacta, Pompeius Scaurum ad tempus ei praefecit, relictis duabus legionibus an. <sup>691</sup><sub>2</sub> anno sequente <sup>692</sup><sub>3</sub> bellum Arabibus intulit, & Aretam eorum regem ad pacem impulit: anno <sup>694</sup><sub>5</sub> accepto successore L. Marcio Philippo viro Praetorio à Senatu misso, Romam rediit, Aedilitatem postea petiit & obtinuit.

Scaurus & Plautius anno <sup>695</sup><sub>6</sub> Aediles curules creati, in rei memoriam communi nomine signarunt, hinc & inde AED. CVR. Celeberrima quidem fuit Scauri aedilitas, ob raram ludorum & muneris magnificentiam, de qua lege *Autores*; sed illa tanta magnificentia gesta est, ut in ejus impensas absumpserit opes suas, magnumque æs alienum contraxerit, primus hippopotamos Romæ exhibuit, nihil quidem de tam celebri Aedilitate in denario expressit, sed Aretam Arabiae regem ad pedes sui cameli supplicem cum oleæ ramo, quasi pacem à Romanis postulantem, de quo vide *Josephum*, qui ait eum trecenta talenta dedisse, ut Scaurus exercitum ex Arabia deduceret.

Praetor anno <sup>697</sup><sub>8</sub> factus, quaestionem inter sicarios sortitus anno <sup>698</sup><sub>9</sub> Sardiniam Proprætor obtinuit, anno <sup>699</sup><sub>700</sub> è provincia rediit ad consulatus petitionem, Sardis conquerentibus à P. Valerio



lerio Triario postulatus est repetundarum; sed ob vetustissimam nobilitatem & recentem memoriam patris absolutum, refert *Pædianus in argum. orationis, quam Cicero habuit in Scauro defendendo.*

## XLV.

L. BVCA. Caput Veneris in postica parte; Sulla dormiens, adest Diana cum Luna crescente in capite, velo circumdata sedens in nubibus, ut videtur, in medio stat Victoria, d. palmam gerens, in imo litteræ incognitæ.

Atque ut omnes Æmiliæ Gentis familias absolvamus, denarios ecce Æmilii Bucæ. Hic qui denarium cudit, L. BVCA appellatur, at quia ejus filius ejusdem prænominis L. Buca Quatuorvir monetæ sub Julio Cæsare fuit, *Fulvius* existimavit eum hunc denarium signasse, quem ideo in Julia gente reposuit. *Triflanus* noster ut & *Patinus* ex eo ad Cæsaris originem retulerunt, & ipsis Venus ad Anchisen in Ida monte jacentem deduci à Genio Romanæ gentis visa est, cujus interventu compressa Venus Æneam edidit; sed ipsa Diana est ut Luna bicornis in ejus capite denotat, & ad Corneliam gentem pertinet ut & ad Æmiliam, ad Corneliam quidem quia somnium Sullæ exponit.

*Plutarchus in vita Sullæ pag. 457.* narrat, quum ille è Nola movisset an. <sup>671</sup>/<sub>2</sub> exercitum quidem promptum videbat ad petendam Romam, sed fluctuabat animo secum & timebat periculum, & Posthumium aruspice[m] victoriam illi portendisse, se, & inquit. Dicitur etiam ipsi Sullæ in somniis se obtulisse, dea, quam ex disciplina Cappadocum Romani colunt, sive ea, Luna, sive Minerva, sive Bellona sit. Hæc Sullæ visa est assistere, & fulmen ei tradere, jussisseque singulis nominatis inimicis ejus ferire: & C. Sulla ostento erectus Romam contendens ea potitus est cum victoria; in cujus memoriam L. Buca pater ut Quæstor ejus hunc denarium percussit, qui Dianam quæ eadem est cum Luna, ut symbolum ejus supra caput demonstrat, & sic Minervam & Bellonam excludit; signavit, & victoriam adjecit tamquam assistricem Sullæ.

Caput Veneris in anteriore denarii parte expressum est, ut numen Sullæ tutelare quod summo cultu venerabatur, quum se Epaphroditum ex *Plutarcho* appellaret. Litteræ in imo denarii incogni-

Æ M I L I A.

51

cognitæ an *Scalptoris* ignorantia, ut sæpè solet? an nomen deæ, lingua quadam vetere exprimat. Vide in Cornelia gente.

XLVI.

L. AEMILIUS BVCA. Julius in suggestu togatus adloqui videtur; hinc Fascis cum securi, inde Aquila legionaria: in imo, DIC. III. ex averſa parte IMP. III. Cæſar in quadrigis triumphalibus, d. lauri ramum, ſ. habenas equorum.

L. Æmilius Buca L. Æmilii Bucæ filius Quatuorvir monetalis factus, quum ex Africa redux Julius Cæſar magiſtratus minores auxit; ex *Suetonio*, hunc denarium initio anni <sup>708</sup><sub>9</sub> dum unusquisque munus inire incipit, percuffit, quod nos, IMP. III. titulus edocet, quem de Africa tulit, & triumphum egit, ut testantur *Marmora Capitolina*.

C. IVLIVS C. F. C. N. CAESAR IV. COS. III. ANN. <sup>DCCVII.</sup>  
EX AFRICA DE IVBA REGE. <sup>DCCVII. Parr.</sup>

Ipsè in quadrigis triumphalibus vehitur, d. lauri ramum ob victoriam gerit; in anteriore verò parte in suggestu ſtat alloquens, ut innuere videtur *Dio, lib. 43.* dum ait, Cæſar poſtquam Romanam advenit, ſuamque potentiam Romanis, & animi altitudinem ſuſpectam eſſe, eoſque ſibi de ipſo non minora, quam olim perpeſſi fuerant, mala polliceri; itaque non benevolentia, erga ipſum motos, ſed adulandi cauſa immodicos iſtos honores decreviſſe: conſolandi eos, inque ſpem adducendi gratia, hæc in Senatu verba fecit, &c.

Inſcribitur Dictator III. quam Dictaturam in decennium illi, videlicet poſt Africanam victoriam, decreverunt: at ipſa die quo erat accepta numerabatur, ut poſteà Tribunicia poteſtas Imperatorum: unde bis in anno numeratur aliquando. Fascis cum ſecuri ſummæ potentia, ut ſæpè diximus, inſigne eſt, Aquila verò legionaria ſummi exercitus ducis ſymbolum. De L. Buca in ſequentibus.

XLVII.

CLEMENTIA L. BVCA. Caput Clementiæ, ante quod lauri ramus: ex averſo latere, C. CAESAR PARENS PATRIAE. Templum  
Volum. I. G 2 rotun-

rotundum, in quo Clementia supra cippum stans, d. cornucopiæ  
f. hastam puram, in imo, EX. S. C.

Quum Julius Cæsar multis, qui contra eum bellum gessissent, ignovit, ut legere apud *Historiæ Scriptores*, ideò *Plutarchus in ejus vita*, inquit, „Ac Clementiæ quidem ædem tunc non immeritò ad honorandam lenitatem Cæsaris decrevisse eos dicas. Quippe „hostibus suis multis salutem dedit, nonnullis honores & magistratus, velut Bruto & Cassio, addidit. In cujus rei memoriam L. Buca hinc Clementiæ deæ caput expressit, & ex altera parte ejus templi iconem exhibuit, de Clementia ita *Claudianus* :

• *Nonne vides ut nostra soror Clementia, tristes  
Obtundat gladios.*

*Onuphrius* de illo templo sic ait; Templum Clementiæ Cæsar, qua regionis parte reponeretur, non liquet, illud tamen agnoscit.

#### XLVIII.

CAESAR IMP. P. M. Caput Julii Cæsar, laureatum, pone quod Luna crescens: ex averſa parte, L. AEMILIUS BVCA. Venus Victrix stans, d. Victoriæ, f. hastam.

Ex superioribus denariis L. Bucam ex Æmiliorum familia fuisse non liquet, quum tantum ejus cognomen inscriptum est, sed in hoc L. AEMILIUS BVCA nominatur, eumque ut propinquum adfuisse L. Æmilio Scauro reo narrat *Asconius Padianus in arg. Orat. quam Cicero habuit pro illo*, his verbis : ad genua judicum, „quum sententiæ ferrentur bifariam se diviserunt, qui pro eo „rogabant : ab uno latere Scaurus ipse ; & M. Glabrio fororis „filius & Paullus, & P. Lentulus, Lentuli Nigri Flaminis filius, „& L. Æmilius Buca filius, & C. Memmius Fausto natus supplicaverunt : ex altera, &c.

Crescens Luna pone caput Cæsar, nobis magni momenti esse videtur, quippe nihil frustra in denariis signatur, illamque ob annum à Julio Cæsare reformatum ac restitutum fuisse expressam rerum ; cujus rationem *Dio* asserere videtur, „jam, inquit, quum „annorum dies invicem sibi non satis congruerent, (eo enim „tempore etiamnum Lunæ revolutionibus menses æstimabant )



annum constituit, intercalatis septem ac sexaginta diebus. Imperator appellatur honoris loco non addito numero. Litteræ P. M. Pontificatum ejus Maximum notant. De Venere Victrice vel Genitrice in sequente denario.

## XLIX.

CAESAR DICT. PERPETVO. Caput Julii Cæsaris laureatum :  
L. BVCA. Venus Victrix stans ut supra.

L. Buca Quatuorviratus monetalis magistratum anno <sup>708</sup> quo Julius Cæsar ex Africa redux anno superiore Dictaturam tertiam inierat, ideò in primo ejus denario ille inscribitur, DIC. III. at quum hoc anno quarta Dictatura illi fuisset decreta, *Dio*, inquit, *lib.* 43. non ut ad tempus Rempublicam constitueret, sed ut quamdiu viveret, potestate Dictatoria regeret & administraret, quare à L. Buca dictus est DICT. PERPETVO. Sed post ejus mortem Consules legem tulere, ne quis in posterum Dictator crearetur, executionesque addidere, ac mortem ei qui mentionem Dictaturæ fecisset, aut eum magistratum in se recepisset, pecuniamque ei qui talem occidisset, constituere, & sic abolita est Romæ Dictatura.

Signum Veneris in posteriore denarii parte expressum à L. Buca videtur, quod Julius Cæsar ab ea originem trahere gloriaretur, & templum hoc anno dedicasset, de quo *Dio Cassius*. „ Forum verò & templum Veneris (quam sui generis autorem ferebat) à se conditum Cæsar statim tunc consecravit : multa ibidem & varia „ spectacula edidit.

## L. LI.

CAESAR DICT. PERPETVO. Caput Cæsaris laureatum. Alter sine epigraphe : in utroque latere averso Fascis & caduceus, decussatum, globus, duæ dexteræ & securis, in ambitu.

Hos denarios mirè explicat *Fulvius in Julia gente*, Globus, inquit, imperium quidem totius orbis terrarum Cæsari delatum, Falces, justitiam, Dextræ concordiam cum Senatu scilicet, Caduceus, pacem, Securis religionem significare videntur, quæ omnia Cæsar, ut est apud *Dionem*, *lib.* 43. in ejus oratione ad Senatum P. Romano in Reip. gubernatione se præstiturum pollicitus fuerat.

## LII.

CAESAR IMP. Caput Julii laureatum: ex altera parte, L. AEMILIVS BVCA IIII VIR. Duæ dexteræ junctæ.

Iterum prodit Julii Cæsaris caput ab Æmilio Buca, cum titulo *Imperatoris* solo, percussum: non enim eo modo, quo appellabantur omnes qui alicui bello præerant, quum acclamatione inclytum re benè gesta, atque aliquot millibus hostium cæsis, aut Senatus decreto hunc titulum semel, bis, aut ter, erant consecuti: ipse enim Cæsar Imperator sextum vocatus erat; sed pro prænomine accepit, ut auctor est *Suetonius, in illius vita*, cap. 76. „ Prænomen, inquit, Imperatoris, cognomen patris patriæ sumpsit.

Duas dextras junctas concordiae symbolum esse quis nescit, sed cur in Julii Cæsaris nummo expressæ, haud dubiè cum Senatu, qui ei tam multos decrevit honores, apud *Historie Scriptores*.

## LIII.

PAXS. Caput muliebre: ex altera parte, L. AEMILIUS BVCA IIII VIR. Duæ dexteræ junctæ.

Caput deæ Pacis in hoc quinario L. Buca exhibuit, ad indicandam eam quam cum Senatu habere optabat Jul. Cæsar: nam ipse pacis studiosus semper fuit, & eam sæpè cum Pompeio frustra tentavit, uti narrat *Appianus lib. 3. de bello civ.* sed illam summopere desiderasse demonstrat apud *Dionem lib. 42. in oratione, quam habuit in Senatu post Scipionem & Catonem in Africa debellatos Romam redux.* „ Proinde, ait, confidenter P. C. in gratiam redeamus, omniumque, quæ necessitas quædam divinitus imposita attulit, recordatione projecta agendum omni suspitione omiſsa, mutuo amore nos invicem complecti, tamquam novos incipiamus.

Vox Paxs antiquam Romanorum scripturam ostendit, ut *Maximus* & alia verba.

## LIV. LV.

CABE. Caput muliebre in postero latere, LEPI. Cornucopiæ in laurea.

COL. Caput galeatum, CABE ex altera parte, caput muliebre idem in laurea.

De priore nummo, scribit *Fulvius*; Cabæ, ut opinor cufus fuit,

fuit quæ civitas est Africæ provinciæ, cujus administratio, diviso in Triumviratu imperio, M. Lepido obtigerat, ex averso corona Lepido decreta est, & Cornucopiæ ad indicandam loci ubertatem, impressum est: sed sequentem protulit *Patinus* ex eadem, ut videtur urbe.

De posteriore addit *Fulvius*, „ hancque coloniam fuisse facit, ut credam, octavus nummus litteris COL. scriptis: Nos verò Cambam Africæ urbem non coloniam accepisse remur, sed hos nummos ad coloniam Cabellionum, quam *Ptolemæus lib. 2. cap. 20.* collocat in Gallia Narbonensi apud Cavaros, hodie *Carvaillon*, spectare arbitramur, quæ antequam Lepidus in hanc provinciam abiisset, deducta erat, & ita nummi ad Æmiliam gentem non attinent, etsi vox LEPI, uno vocabulo, vel forsan diviso.

LE. PI.

Caput muliebre videtur esse deæ illius coloniæ, ad quam pertinet corona in qua expressa est. Caput verò galeatum, fortasse Martis, qui in Gallia summo honore colebatur.

## LVI.

Caput M. Antonii, pone quòd labyrinthus, C. I. N. C. EX DD. id est, *Colonia Julia nova Carthago*. Ex averfa parte caput Augusti, M. AIMILIO T. FVPIO. II VIR. Idem est subsequens tertius Q. tab.

*Patini nummos* ex integriore refarcimus in nostro *de Coloniis libro pag. 10.* & præsertim *pag. 38.* ubi M. Antonii & Augusti capita exhiberi diximus, à colonis Novæ Carthaginis in Hispania Tarraconensi percussa, postquam Lepidus imperii parte privatus est à pugna Philippenfi, & ipsi ut concordēs novis provinciis gauderent, ideò M. Æmilius & T. Fufius Duumviri in eorum honorem hunc nummum devoti percusserunt, sed quis ille M. Æmilius fuerit, difficile est pronuntiare, an ex illa Æmilia gente nobilissima, an aliquis ex ea libertus, ideò ejusmodi nummi inter Consulares haud reponendi sunt.





## A F R A N I A.

**A**FRANIA gens plebeia fuit, cujus frequens mentio apud *Scriptores*, si quidem C. Afranius C. filius tribunus plebis renunciatur an. <sup>591.</sup><sub>2</sub> & ædilis plebis <sup>594.</sup><sub>5</sub>, cujus pater Prætor fuerat <sup>568.</sup><sub>6</sub> quàm Prætores ex plebe jam ab anno <sup>416.</sup><sub>7</sub> creati fuissent.

### I.

Caput Romæ galeatum, ex altera s. AFRA. ROMA. Victoria in bigis, d. flagrum, f. equorum habenas.

Spurius Afranius qui denarium hunc argenteum cudit à *Pighio* existimatur Quæstor Urbanus fuisse anno <sup>760.</sup><sub>1</sub> quia etiam sequentem percussit æreum primæ formæ nummum, publicæ vulgatæque signatura, nempe cum Victoria bigas agente, & Jano bifronte in altero. Primis enim temporibus, nempe annis quinque ante primum bellum Punicum, argenteos nummos auctis opibus signare cœperunt Romani, in iisque Romæ capite galeato ab una parte expresso, & in postica modò bigis & quadrigis eas agente Victoria, unde hi denarii dicti sunt Bigati & Quadrigati imò & Victoriati, qui decem asses valerent: ex his autem Spurius ille Afranius vetustior esse posset, quàm existimat *Pighius*; ad sequentem transeamus.

### II.

Caput Jani bifrons, ex altera parte, s. AFRA. navis.

Ab eodem Sp. Afranio nummum hunc æneum fuisse percussum indicat eadem, s. AFRA. inscriptio, sed illius pondus ex duabus unciis constans sextantarium esse, sextam nempe assis partem: quùm autem bello Punico primo impensis non sufficeret, asses librales imminui cœpere, &, ut refert *Plinius lib. 33. cap.*, constitutum ut sextantario pondere ferirentur, postea autem Annibale urgente Q. Fabio Maximo Dictatore, unciales facti sunt: possetque inter utrumque tempus Afranius in magistratu suo sextantarium illum assem cudisse.

Janus bifrons depingitur, quod superiorum & inferiorum janitor

nitor sit, seu, quod ait *Servius*, Romulum & T. Tatium quum in fœdera convenirent, simulacrum duplicis frontis effecisse, quasi ad duorum populorum imaginem. Numa postea Janum consecravit, ut narrat *Plinius*, tamquam pacis bellicue indici ei templum dedicavit; & ut primus æs rude signasse dicitur, in illo ejus bifrontis effigiem percussit: vel Jani Italiæ olim regis sequutus est exemplum, hinc visa narrat *Macrobius*.

Nam in averſa Jani signati navis. Sic narrat ille, *Saturnal. lib. 1.* Quum Janus Saturnum classe pervectum excepisset hospitio & ab eo edoctus peritiam ruris ferum & rudem ante fruges cognitum in melius redegeſſet, regni cum ſocietate remuneravit. Quum primus quoque æra signaret; ſervavit & in hoc Saturni reverentiam ut, quoniam ille navi fuerat advectus, ex una quidem parte ſui capitis effigies, ex altera verò navis exprimeretur; quo Saturni memoriam in poſteros propagaret.

## III.

Caput Mercurii cum galero: in averſa parte navis cum duobus globulis infra, s. AFRA.

Ad eundem Sp. Afranium ſpectat nummus æreus minutus, cum duobus globulis notatus ad indicandum ſextantem valere, id eſt pro duabus unciiis, etiamſi minor eſſet pondere, ob rationem ſuprà allatam de diminutione monetæ in primo & ſecundo bello Punico. Mercurius in anteriore parte tamquam deus mercium creditus; nam *Festus* ait, Mercurius à mercibus dictus eſt: hunc etenim negotiorum omnium exiſtimabant eſſe deum; at moneta commercii nervus eſt, illa autem omnes emuntur merces.

Pondus illius ſextantis ab Afranio percuſſi, ſextantarii partem eſſe ſextam demonſtrat, & nummum in prima monetæ diminutione percuſſum arguit: nam ſextans, poſt diminutionem in ſecundo bello Punico inſtitutam, longè minor & levior, ut eorum quoſdam nobis obſervare licuit.

## IV.

Caput Romæ galeatum, in averſa, L. AFRA. ROMA. Victoria in bigis, d. ſlagrum.

L. Afranius qui denarium cudit, Auli filius perhibetur à *Cicerone epiſt. ad Atticum, lib. 1.* de quo ait, uno vitio minùs vitioſus, Volum. I.

fus, quod iners, quod somni plenus, quod imperitus, quod ἀπεκτότολος, κακήγη, ex Spurii Proqu. Afranii progenie ut videtur ortus. Pompeii M. in Asia legatus, quem reliquit ad præsidium Armeniæ, & ipse postea subjugavit Arabas qui Amanum incolebant, eum postea Romam misit, ut consulatum peteret, & ut refert *Plutarchus*: „ Interea quærens Pompeius Afranium consulem faceret, nummos pro eo in Tribus pronuntiavit, atque ad eos accipiendos venerunt in hortos Pompeii, sperans per eum omnia quæ habebat in animo confecturum, ut tradit *Dio*, 37. lib.

Consul itaque fuit cum Q. Cæcilio Metello Celere, V. C. 693. & licet *Cicero* Afranii consulatum Pompeii ὑπώπιον vocet, nihil ei adjumento fuit, quippe, ut ait *Dio*, saltationibus homo quàm rebus gerendis aptior, postea legatus Pompeii in Hispania cum Petreio pacem petere, & copias suas dimittere per Cæsarem coactus est: unde postea apud Pompeium prodicionis accusatus est, victo tandem Pompeio ad Catonem fugit in Africam, nullam in Cæsare salutis spem habens, quod vita à Cæsare donatus, iterum arma contra eum cepisset; at post pugnam Thapsitanam quum victoriam retulisset Cæsar, Afranius fuga in Mauritaniam perlatus à Sittio comprehensus cum Fausto Sylla, eos indicta causa Cæsar tamquam captivos occidit.

Afranius similem denarium quem Spurius cuderat, & ipse signavit ad denotandam generis sui ab eo antiquitatem.

Tertium *Urfini* denarium ex Afranii familia sustulimus, quod ille sit nummus Gothicus, & litteris ignotis, ut alii frequenter occurrunt.





## A L B I A.

**G**ens Albia quæ ab albo corporis habitu dicta videtur ut Albinus, plebeia fuit, si quidem C. Albius anno <sup>562.</sup><sub>3.</sub> Tribunus Plebis renuntiatur, ut & Sextus Albius ejus nepos an. 635. quem etiam magistratum plurimi gesserunt eorum posterii. Carrinas illis cognomen fuit, an quod in Carinis Romæ maneret: nam Carinæ loci nomen fuit, quo in loco Pompeius M. ædes habuerat. Cicero Sext. Albius vocat Quirinatem, an pro Carinate? unde illi à quiri, seu hasta Sabinis, ut Romulus dictus Quirinus quòd ea semper uteretur, datum cognomen Carrinas.

### I.

Caput Jani bifrontis: ab altera, C. CARRIN. ROMA. navis.

Caius ille qui tantum suo Carrinatis cognomine in nummo inscribitur, Albius est: nullam enim gentem præter Albios reperimus cum eo cognomine, si secundum *Oratorem* sub Caligula dictum Carrinam excipias, qui forsitan ex hac erat familia. Nummus pondere sextantarius, nempe duarum unciarum primo bello Punico percussus videtur, ut fuerunt illi ejus ponderis, & sic ad Caium Albius, qui pater fuit C. Albii Tribuni Plebis an. <sup>562.</sup><sub>3.</sub> spectaret: nam secundum bellum Punicum, in quo unciales facti sunt asses, cœpit tantum an. <sup>535.</sup> De Jano bifronte & navi in averfa parte vide in Afrania.

### II.

IMP. CAESAR DIVI IVLI F. Caput Augusti nudum. C. CARRINAS C. F. PROCOS. Victoria supra proram navis, d. coronam, f. palmæ ramum.

Alter C. Albius Carrinas ex eadem stirpe prodit: nam Caius illius pater dictus erat, qui Marianæ factionis dux, quum Sulla victor cum exercitu Romam veniret, prælio bis victus, ac in fuga captus occisus est. Hic verò Tribunus fuit an. <sup>703.</sup><sub>4.</sub> Ædilis plebis <sup>705.</sup> Prætor <sup>708.</sup> Hispaniam ulteriorem obtinuit. Præfectus à Julio Cæsare ibidem post devictos Pompeios, ex *Appiano*,  
*Volum. I.* *H 2* *lib.*

*lib. 4.* „ De his rebus edoctus Cæsar ad eum debellandum „ misit Carinatem cum majoribus copiis. Anno verò, 710. postquam Octavianus consulatum occiso in magistratu Vibio Pansa accepisset, & ipse postea abdicavisset, in ejus locum suffectus est C. Carrinas.

Post consulatum obtinuit Galliam ulteriorem, de quo ait *Dio, lib. 51.* „ Nam C. Carinas Morinos aliosque eorum rebellionis „ socios domuerat, Suevosque Rhenum magno numero transgressos profligaverat : itaque & ipse triumphum ( quamvis pater ejus à Sulla interfectus, & ipse cum aliis proscriptis sui filii milibus magistratum gerere prohibitus fuerat ) duxit & Cæsar : „ quoniam victoria ad summæ rei præfectum Imperatorem re- „ ferri solebat. Quod evenit, anno <sup>725</sup>/<sub>6</sub> in primo Cæsaris triumpho : nempe per tres continuos dies triumphavit.

C. Albius, in memoriam triumphi sui, eodem die quo Cæsar suum etiam egit, ab una parte Cæsaris caput, cum titulo Divi Filii, quem prius quàm Augusti nomen fuisset illi inditum, gerebat exhibuit, ex altera verò victoriam proræ insistentem, ut indicaret illam, quam de Suevis qui Rhenum transire vellent, ipse reportavit.



## A L F I N I A.

**P**Lebeia gens fuit Alfinia, si quidem primus illius nominis Sutor fuit, ut scribit *Horatius, lib. 1. serm. 3.*

——— *Ut Alfinius vaser omni  
Abiecto instrumento artis, clausaque taberna  
Sutor erat.*

*Acron Grammaticus* ejus enarrator, urbanè satis illum ridet, qui abjecta sutrina, quam in municipio suo Cremonensi exercuerat, Romam venit; magistroquè usus Ser. Sulpitio Jurisconsulto, ad tantam pervenit scientiam, ut & consulatum gereret, & publico funere efferretur.

Caput Herculis laureatum, d. humero exuvias & clavam in averfa, P. ALFINIVS P. F. VARVS III VIR. Templum rotundum, cujus quatuor visuntur columnæ.

Publius Alfinius vocatur à *Dione, lib. 5.* Publii filius, cui suffragatur denarius ille argenteus; relicta autem urbe Cremona Romam venit, Servii Sulpitii discipulus, ita jurisprudentiæ studuit, ut inde gloriam & magistratus sit consequutus: per eos omnes ad Consulatum pervenisse nos edocent *Fasti Consulares*, quem gessit cum P. Vinicio anno 754. Alfinius ita celebris evasit *Jurifconsultus*, ut reliquerit *Digestorum libros 40.* quos *Paulus in epitomen redegit.* Alfinii Jurisc. meminit *A. Gellius*, quem rerum antiquarum non incuriosum appellat, *lib. 6. cap. 5.*

Alfinius Varus cognomen fuit ex illo gentis primo, qui introrsum pedes vel crura obtorta habuit, unde *Horatius, lib. 1. sat. 3.*

——— *Hunc Varum distortis cruribus, illum  
Balbutit Scaurum, pravis fultum malè talis.*

Alfinius, quem alii Alfem & Alphenum appellant, hunc denarium non cudit tamquam Consul, ut putavit *Goltzius* (nihil enim continet quæ in consulatu gerere potuit) sed antequam consulatum obtinuisset, nempe quando fuit Triumvir, ut indicat nummus; non autem monetalis, verùm ædibus Sacris incendio



consumptis restituendis : de his *Livius lib. 25.* ita scribit. „ Comitia deinde à Prætorè Urbano de Senatu sententia, plebisque „ scito sunt habita, quibus creati sunt Quinqueviri ; muris turribusque reficiendis, & Triumviri bini, uni sacris conqui- „ rendis, donisque præsignandis, alteri reficiendis ædibus, Fortunæ & Matris Matutæ intra portam, quæ priore anno incendio consumptæ fuerant. Sed quùm tot Romæ Ædes Herculis erant, nesciremus adhuc quæ illa fuerit incendio consumpta, & quæ ab Alfinio curante reparata sit, nisi Hercules laurea coronatus nos indicaret Herculis Victoris ædes fuisse; sed quùm duæ erant, una ad portam Trigeminam, altera in foro Boario, nummus hanc Alfinium refecisse nos edocet, & *P. Victor* in VIII. regione, qui eam narrat fuisse rotundam & parvam, uti ejus icona manifestat.



## A L L I E N A.

**A**LLIENÆ gentis nomen, inquit *Ursinus*, ab Allia ductum esse, ut à NASIDIA, CLVVIA, SATRIA, NASIDIENAM, CLVVIENAM, SATRIENAM, credendum est: inter plebeias verò numeratam fuisse vel eo constat, quod Allienus is qui legem de Terminis tulit Plebeius fuit, & ipse Allienus tribunus plebis. Alliam autem gentem suprà diximus, Æliam extitisse quæ priùs Allia.

Caput Veneris circa quod, C. CAESAR IMP. COS. ITER. In averſa parte mulier nuda pede, d. proræ imposito, d. triquetram, f. demissa, & ima strophio implicita.

A. Allienus, qui nummum cudit, Tribunus fuit an. <sup>700</sup>. Ædilis Plebis an. <sup>702</sup>. Præturam obtinuisse urbanam videtur an. <sup>704</sup>. ex *Cicerone ad Atticum*, & Siciliam proconsul anno 706. de quo *Hirtius*, de Africano bello, inquit, Cæsar deinde Allieno Prætori, qui Siciliam obtinebat, de omnibus rebus præcepit, & de reliquo exercitu celeriter imponendo datis mandatis ipse navem conscendit ad VI. Kal. Januar. & reliquas naves statim est consecutus. Allienus hoc anno igitur nummum signavit, ut ejus inscriptio docet, C. CAESAR. COS. ITER. nam Kal. Jan. an. <sup>704</sup>, secundum consulatum iniit cum Servilio Vatia.

Ex una parte caput Veneris signavit Allienus, ut Cæsari blandiretur, à qua se originem trahere gloriabatur: in altera Neptuni non est, sed ipsius Siciliæ provinciæ figura, quæ trium fœmorum symbolo suo, uno veluti vertice connexorum, dignoscitur, & ex situs specie, Triquetra à tribus nempe promontoriis appellata: proræ navis insistit figura, ad denotandum non nisi navi ad eam eundum: seu maris imperium.



## A N I C I A.

**G**entem Aniciam plebeiam fuisse denotat Tribunatus Plebis quem gessit an. <sup>540.</sup> L. Anicius pater illius qui sequentem nummum cudit, & ipse etiam Tribunus plebis fuit anno <sup>579.</sup> Anicia verò gens videtur nomen habuisse à verbo *anipit*, id est Invictus, quod primus eorum feliciter semper pugnasset. Gallus ei cognomen; at quum in duodeviginti P. Romani gentibus illud occurrit, non idem semper eadem de causa omnibus datum est, liceat tamen mihi conijcere, quod quum semper de Gallis Anicius victoriam retulerit, ideò dictus Anicius Gallus, & ipse, de quo nunc dicturi sumus, ad nominis antiquitatem renovandam, ludos Romæ victorales edidisse videtur, ut narrat ex *Polybio lib. 30. Athenæus 14. c. 1.*

### I.

Caput Veneris Victricis laureatum, circa quod, GALLVS PROPRI-  
EX S. C. In averfa bigæ, aurigante Victoria cum flagro, L.  
ANICI. L. F.

L. Anicius L. filius, ut in denario perhibetur, Tribunus plebis fuit anno <sup>570.</sup> Ædilis plebis cum P. Fonteio Capitone <sup>582.</sup> Prætor peregrinam jurisdictionem & si quo Senatus censuisset fortitus est <sup>585.</sup> at quum ex S. C. jurisdictionis provincia, collegæ C. Carboni tradita, Illyricum & bellum cum Rege Gentio obtinuit, bellumque intra 30. dies, & ut tradit *Appianus* intra 10. confecit, capto Rege, uxore, liberis & Caravantio illius fratre & principibus Illyriorum, ei supplicationes in triduum Senatus decrevit.

XIII. Kal. Februar. Quirinalibus anno <sup>586.</sup> Anicius ex decreto Senatus triumphum egit de Illyriis, & quia nuper L. Æmilius Paulus consul de Perseo Macedoniæ rege triumphaverat, & celeberrimus quidem fuerat triumphus, hic par non videbatur, tamen per se intuentibus nequaquam contemnendus fuit: ante currum Gentius Rex, Leva ejus uxor, Scerdilus Pleuratusque



# A N I C I A.

65

que eorum filii, & Caravantius Gentii frater ducti sunt.

In ejus triumpho à L. Anicio Gallo gesti memoriam cusus est hic denarius, cum capite Veneris Victricis, cui votum fecisse videtur; quod ea vincere omnia diceretur: ejus ædes Romæ in regione IX. & templum in XIII. In altera Bigæ expressæ sunt, ob celerem de Illyriis victoriam, quibus solebant uti in denariis triumphalibus, quando bellum breviter erat confectum: vel potius quod sit frequens denariorum symbolum.



## A N N I A.

**E**X plebeis gens Annia fuit, si quidem primus ex illa, cujus mentio est apud *Livium*, Tribunus Plebis fuit an. <sup>517</sup><sub>8</sub> & ad colonias Placentiam Cremonamque deducendas unus ex Triumviris fuit <sup>533</sup><sub>4</sub> ipsi cognomen fuit Luscus quod fuerit altero captus oculo. Alia fuere in hac familia cognomina, sed hoc tantum in nummis occurrit.

### I.

Caput Romæ cum spica ad galeæ caput, LVSCVS : in averſa Caſtor & Pollux decurrentes, T. ANNIVS ROMA.

Annius ille qui denarium ſignavit, perhibetur fuiſſe filius Titi Plebis Tribuni an. <sup>573</sup><sub>4</sub> & nepos alterius Titi, Tribuni etiam Plebis an. <sup>517</sup><sub>8</sub> qui poſt tribunatum exactum an. <sup>590</sup><sub>1</sub> Adilis Plebis factus <sup>593</sup><sub>4</sub> eo anno frumenti copiam & annonæ laxitatem Romæ procuraviſſe videtur, ex ſpica galeæ capiti deæ inſerta. Caſtor & Pollux frequens eſt denariorum ſymbolum.

Luscus ei cognomen ut & majoribus; Præturam egit an. <sup>595</sup><sub>7</sub> & conſulatum adeptus eſt cum Q. Fulvio Nobiliore an. <sup>600</sup><sub>1</sub> illum inter Oratores recenſet *Cicero in Bruto*, quem non indiſertum fuiſſe ſcribit.

### II.

Caput Junonis Monetæ cum monili & inauri, C. ANNI. T. F. TI. N. PROCOS. EX S. C. In averſa parte figura in bigis cum ſtagro, C. TARQVIITI. P. F. in area, Q. id eſt *Quæſtor*.

Patri ſuccedit filius, Caius nempe Annii Titi ſuperioris, qui Luſcus appellabatur filius, imò & nepos Titi, quem diximus fuiſſe Tribunum Plebis an. <sup>633</sup><sub>4</sub> Ille poſt Tribunatum exactum an. <sup>66</sup><sub>6</sub> & Præturam ad publicas quæſtiones agendas geſtam <sup>671</sup><sub>2</sub> Hiſpaniam utramque proconſulari cum imperio obtinuit, an. <sup>672</sup><sub>3</sub> A Syl-la Dictatore miſſus contra Sertorium Hiſpanias occupantem, & ideo proſcriptum Romæ, jugo Pyrenæo ſuperavit, occiſo Julio Salinato-

re,

re, magnamque secum trahens militum copiam obfistentes populi. Quare impar viribus Sertorius refugit cum tribus millibus militum Carthaginem Novam in Tarraconensi provincia. Ibi conscendit, trajectoque pelago in Africam est ad Mauritaniam delatus.

C. Tarquitius ejus Quæstor ut littera Q. indicat, denarios exercitu solvendo præfectus cudi curavit, in quo ex una parte Junonis Monetæ expressit imaginem ad denotandam illam monetæ esse præsidem; nam in ejus templo erat officina monetæ: ita cognominata est, quod P. Romanum monuisset non ipsi pecuniam defuturam. Bigæ autem erant, ut sparsim diximus, pro nota denariorum Romanorum solita, unde dicti illi sunt bigati.

## III. IV.

Caput Monetæ, ante quod bilanx & retro caduceus, circum verò, C. ANNI T. F. T. N. PROCOS. EX S. C. Quadrigæ in quibus Victoria cum palma, L. FABI. L. F. HISPA. Q. Alter similis typus litterarum positione tantum diversus exhibetur, ad augendam Anquariorum seriem, qui hac varietate delectantur.

Hic denarius à L. Fabio C. Annii etiam Quæstore, ut indicat eadem littera Q. percussus omnino demonstrat Annium in utraque Hispania, nempe ulteriore & citeriore, imperium Proconsulare habuisse, quum in utramque diversi solebant Roma Prætores quotannis mitti: quare ex Senatusconsulto Quæstores duos habuit ad vectigalia utriusque Hispaniæ colligenda, ad denarios ab ærarie Romano & militibus solvendis, extrahendos.

L. Fabius in denariis quos signari curavit, ex una parte Junonem Monetam, cui galerum in capite solitum dearum insigne adhibuit, ad illam cum Moneta ipsa, quæ in Carisia gente signata est, distinguendam expressit, ut Junonem Monetæ præesse denotaret, cum ea in Junonis Monetæ templo asservabatur. Lanx ante caput, monetæ symbolum est, quia ut illa valeat, justi debet esse ponderis; caduceus felicitatis typus est, sic qui moneta abundat, felicitatem consecutus fuisse putatur. *Ursinus* ea symbola ad pacem & justitiam significandam expressa refert.

## V.

ANNIVS LAMIA. SILIVS. Sympulum & lituus, III VIR. A. A. A. F. F. In area, S. C.

*Volum. I.*

I 2

Re



Redeunt nummi Annii Triumviri monetalis, quos in Ælia gente in Lamiarum stirpe jam exhibuimus, & ut quis fuerit ille Lamia in hac familia, sic in hac quis sit Annii ille sub Augusto Triumvir, ut ait *Ursinus*, nihil me apud veteres Scriptores legisse memini. Vide ibi quid de simpulo & lituo diximus, cui addimus tres illas litteras, A. A. A. Æs, Aurum & Argentum exprimere, ex quibus monetales nummos conficere solent. Alias duas F. F. interpretantur Flando, Feriundo. Flare est fundere, quod æs, sive argentum flando, hoc est flatu calefaciendo fundatur. Fusa deinde materia illa ad usum monetæ feritur.

## VI.

Eadem epigraphe; in area incus, idem in averſa parte typus.

Incus in nummo expressa instrumentum ferreum est, super quod fabri monetales cudebant nummos, prius in terra sigillata expressos, in quam fundebant materiam, ut nuper novimus ex formis illis Lugduno allatis, in quibus seorsim effigies totius L. Septimii Severi familiæ sunt impressæ. Deinde illos cum typo adhuc candentes cum forcipe tenentes malleis supra incudem feriebant: quæ instrumenta omnia videre est in Carisia gente. Nec magno libramento ut nunc in vento utebantur, unde illos amplius in formam fundere non opus est.

## VII.

Eadem epigraphe; in area duæ dexteræ junctæ caduceum tenentes. In averſa eadem inscriptio, & in area S. C.

Dexteræ junctæ concordiam designant, quam in Ælia gente Augusto cum Senatu tribuimus. Dea Romæ erat Concordia quæ daret concordiam, cui templum Camillus Dictator in Capitolio vovit, sedata seditione se templum Concordiæ dedicaturum, in cuius memoriam extruxit Livia Augusti.

Post tot seditiones ædes Concordiæ posita est; nisi sit eadem antiquissima, quam fecerat Camillus, reparata ab ea quod vetustate laberetur, de qua *Ovidius*:

*Te quoque magnifica Concordia dedicat æde  
Livia quam caro præstitit illa viro.*

Caduceus symbolum pacis & felicitatis, ex concordia autem Pax & Felicitas.



## A N T E S T I A.

**A**NTESTIAM gentem esse eandem cum Antistia ex *Veteribus* quas affert *Inscriptionibus* existimat *Ursinus*, sed nobis videtur vox Antistia vetustior Antestia, si quidem Antistia gens nomen accepisse videtur à verbo antiquo Antisto pro Antesto, quòd primus gentis ante staret aliis, id est, excelleret, unde dictus est Antistius, & adhuc Antistes. Plebeia autem fuit; Marcus enim Antistius jam ab anno V. C. 333. Tribunus plebis perhibetur, sed nullo cognomine distinctus.

### I.

Caput Jani bifrontis, supra quod nota I. ex averſa navis, & desuper canis currens, C. ANTESTI. ROMA.

In tanta vetustarum Romanæ gentis familiarum caligine, ad quas spectant, augurari, & earum nummos interpretari non facile est, præsertim primis temporibus, quùm nec prænomen, nec cognomina inscriberent, aut se filios & nepotes gentis esse notarent, ita ut sæpè sint conjecturæ ex autoribus, & nummorum formis: porrò ut aliquam ex iis regulam sequamur, non alienum videbitur, si de moneta quid sentiamus, hoc loco dixerimus.

Æs grave quidem à quinquaginta annis, quibus rei nummarie studemus, & post duodecim Romam peregrinationes, quo antiqui pro moneta utebantur, in museis non observavimus; sed æs cui bos aut vacca erat insculpta ex uncis duodecim, & alterum cui porcus erat insculptus, ex pondere sex unciarum, unde hæc moneta ita pecu signata, dicta est pecunia, quæ Romæ in usu fuit, usque ad tempora Serv. Tullii Regis, quibus *Plinius* monetam cum Jano Bifronte atque Saturni navi fuisse signatam refert, numquam duodecim unciarum illa fuit, sed tantum ex uncis quatuor, ut ex vetustissimis à nobis observatis nummis quales hodie etiam occurrunt Ptolemæorum. In iis autem primis temporibus nulla erant nomina, sed tantum in illis qui librales dicti erant, quod in libræ locum facti essent. Nota I. ad eam

designandam, & in aliis nota s. ad dimidiam partem; octo enim uncias pro signata moneta erant lucrati: Bello autem Punico primo, quum impensis respublica non sufficeret, imminui cœpere asses, quod vocabant librales ex nota l. unam libram denotante & sextantario pondere cudi placuit, unde dimidiam partem lucrata est, & tandem secundo bello Punico Hannibale urgente, asses illi facti sunt unciales cum eadem semper nota l.

Placuit etiam eo tempore denarium argenteum xvi. assibus permutare, & pondus quod in ære erat diminutum ex dimidia parte. In argento ob ejus penuriam non quidem materia est minuta, sed pretium auctum est, quod postea ad pristinum scilicet pro decem assibus; quod in ærea moneta non accidit quæ semper ab hoc tempore in eo statu permansit: unde ærei nummi sextantarii qui occurrunt ab anno V. C. <sup>489.</sup><sub>90.</sub> usque ad <sup>535.</sup><sub>6.</sub> quo cœpit bellum Punicum secundum percussi sunt, & unde eruendæ sunt familiæ ad quas spectant: nam typus Jani & inde navis non permutatus est, imò ferè semper constitit, ex his ad Antestii nummum explicandum pergimus.

C. Antestius, ex temporum intervallo, videtur esse abnepos M. Antestii Tribuni plebis an. <sup>333.</sup><sub>4.</sub> qui nummum hunc libralem ex nota, & ex pondere sextantarium, ex duabus nempe uncis, cudit tempore belli Punici primi ab anno <sup>485.</sup><sub>6.</sub> ad annum <sup>535.</sup><sub>6.</sub> Hic verò habuit filium prænomine Sextum & nepotem nomine Caium, & cognomine Labeonem, à labiorum magnitudine, Tribunum plebis anno <sup>581.</sup><sub>2.</sub> De Jano bifronte & de navi in averfa parte abundè diximus in Afrania. De cane in sequente.

## II.

C. ANTESTI. Caput Romæ galeatum, in averfa, ROMA. Castor & Pollux equites: in imo canis currens.

## III.

Caput Romæ galeatum, pone quod canis currens; in averfa, C. ANTESTI. ROMA. Castor & Pollux decurrentes.

Ad Caium Antestium, de quo supra, pertinent hi duo denarii, qui nihil inter se differunt quàm varia inscriptionis litterarum hinc & inde positione. Caput Romæ, solitum est primorum dena-



# A N T E S T I A.

71

denariorum argenteorum symbolum, ut & Castoris & Pollucis imagines decurrentes in averſa, ob eorum in pugna ad lacum Rhegillenſem pro Romanis contra Latinos apparitione, quem typum ſolebant apponere qui origine Latini, quod ſœdus hac occasione hi cum Romanis pepigerant.

Canis in argenteis & æreis C. Antestii nummis vel ad Dianam ſpectat, quia currit ille, & venaticus eſſe videtur. Idibus verò Auguſti Dianæ ſacra fiebant Romæ, de quo *Martialis lib. 12. epigr. 68.*

*Auguſtis redit Idibus Diana.*

Hac die Venatores canes morbo aut ſcabiæ affectos infulis velatos deæ ſiſtebant, omneque inſtrumentum venatorium ante eam collocabant, ut narrat *Gratius de Venatione*: ſed Diana his feriis emeritos, quietosque à venatione & immunes habere credebatur, ut innuit *Statius Papinius 3. Sylvarum*. Antetiſtus his feſtis forſan præfuit, aut inſtituta illius magiſtratus tempore. Sed canis pertinet ad aliquam familiæ hiſtoriam, quam *Dio* dedit nobis, quum ille Antetiſtium quemdam ſervavit navigantem, per fenestram latrans, unde Antestia gens ſemper in ſigillo habuit.

## IV.

Caput Romæ galeatum, pone quod dimidiata vox, GRAC. in averſa Jupiter fulminator in quadrigis, L. ANTES. in imo, ROMA.

Ut hunc denarium L. Antestio M. F. M. nepoti tribuamus, qui Tribunus fuit an. 531. cum Sempronio Graccho, efficit ipſa vox dimidia, quæ cognomen Sempronix gentis eſt, nos enim docet denarius utrumque Antetiſtium & Gracchum ſimul magiſtratum geſſiſſe, in quo nummus eſt ſignatus. Jupiter Fulminator in quadrigis pro victoria apponebatur, dum Romani bellum gerebant contra ſœdifragos, ut tunc contra Hannibalem in ſecundo bello Punico; quia in ejus templo, ſcilicet Capitoliſino, ſœderum æneæ tabulæ cum Regibus, populis & civitatibus initorum, cuſtodiebantur.

## V.

Caput Romæ galeatum, pone quod, M. VARG. in averſa idem Jupiter in quadrigis, ut ſuprà, L. ANTES. In imo, ROMA.

Duplicem damus L. Antistii denarium, cum eodem Romæ capite, ſed in priore vox dimidia Sempronium Gracchum designat; in hoc M. Vargunteius perhibetur. Idem typus Jovis Fulminatoris in quadrigis, pœnas intentantis contra fœdifragos nos docet utrumque nummum ab Antestio percussum eſſe: ſed in ſuperiore eum cum Graccho magistratum geſſiſſe, in hoc cum Vargunteio. Sed ſi mihi conjicere liceat, alter mortuus eſt in magistratu, & alter in ejus locum ſuſſectus, quum denarius haud dubiè ſpectet ad Antestium.



## ANTISTIA.

**A**ntistiam gentem eandem esse cum Antestia ex *Ursino* diximus, à verbo antiquo antisto pro antesto; Plebeia quidem fuit, & quidem nullis per duo sæcula cognominibus distincta: sed quùm Antistius quidam etiam plebeius, vocatus esset Labeo à labiorum magnitudine sive ex eadem gente, sive novus; gens Antestia videtur Antistia fuisse dicta, & quasi vox ista esset antiquior ob Labeonis stirpem versus finem quinti sæculi vocata illa Antistia Vetus; nam Rhegini sunt recentes, à Rhegio nempe oppido oriundi.

### I.

Caput Vestæ turritum & velatum, C. ANTISTI. C. F. COS. In averſa Vesta cum tympano, in curru à duobus leonibus tracto, CN. PISO. CN. F.

Hic denarius à Cn. Pisone Ædile plebis percussus est, sub consulatu C. Antistii Veteris, qui patrem habuit C. Antistium Quæstorem in Syria, ex *Dione lib. 47.* Ille Legatus fuit Augusti bello Siculo, & tandem Consul ex Kal. Jul. Licinio Crasso suffectus est, ex *Tabula Capuana*, sed vix consulatum gessit, quùm ex Idib. Sept. ejusd. an. <sup>722.</sup> M. Cicero ipsi successit: Porrò Cn. Piso, de quo in Calpurnia gente, Ædilis Megalesios ludos edidit, in cujus memoriam percussus est hic denarius.

Megalesios dictos volunt Matris Magnæ ludos, ex templo Pessinuntis urbis nomine Megalesio; unde à Romanis illa est advecta, apud *Festum*. C. Atilius, & L. Scribonius Libo Ædiles, primi illos fecerunt, ex *Livio*. Scenici erant, & edebantur in palatio, ut ait *Cicero Orat. de Harusp.* „Nam quid ego de illis ludis loquar, quos in palatio nostri majores ante templum „ in ipso conspectu Matris Magnæ Megalensibus fieri celebrari- „ que voluerunt. Hos per sex dies à Prid. Non. Apr. ad 5. Id. fuisse *Fasti veteres* demonstrant.

Vesta Saturni & Rheæ filia structuram domus apud *Diodorum* invenisse fertur: unde caput turritum ipsi datum est, *Phor-*



*nutus* verò ei turres esse traditas, propter urbes & arces, quæ in summitate montium fiebant antiquitus: unde *Lucretius de rerum Nat. lib. 1.*

*Muralique caput summum cinxere coronam.*

Illa à leonibus trahitur, quia illi sacri sunt. *Augustinus de Civ. vit. Dei*, inquit, Leonem ei adjungunt solutum ac mansuetum, ut ostendant nullum esse genus feræ tam remotum ac vehementer ferum, quòd non subijci cuique conveniat.

## II.

C. ANTISTIVS VETVS III VIR. Caput Veneris: ex altero latere, IMP. CAES. AVGVST. COS. XI. signa pontificalia, simpulum, lituus, tripus, & patera.

Patrem sequitur filius hic Triumvir Monetalis ab Augusto factus, ut indicat denarii epigraphæ: ex anteriore parte Veneris effigiem exhibuit in Augusti gratiam, qui in Juliam gentem adoptione transierat, quæ originem ex hac dea se trahere gloriabatur, & ex postica parte ad antiquitatem nominis sui declarandam, nempe Antistiam à primo nominis autore, quòd esset antistes seu sacerdos dictus est Antistius: unde signa pontificalia expressit. Alii volunt quòd ille esset Pontifex, teste *Paterculo*, alii in patris memoriam qui etiam ipso autore erat Pontifex: unde quis eligere potest.

Antistius verò ut Triumviratus sui Monetalis tempus adnotaret, consulatum Augusti adjecit XI. sed quum illum iniisset an. <sup>730</sup><sub>1</sub> & tantum XII. cœpit an. <sup>48</sup><sub>9</sub> non certum est, quod indicant omninò posteriores duo Tribunicia potestate insigniti.

## III.

IMP. CAESAR. AVGVST. TR. POT. IIX. Caput Augusti: ex altera parte, C. ANTIST. VETVS III VIR. APOLLINI ACTIO. Apollo tunicatus stans supra fabricam portus, d. pateram super arulam, s. lyram.

C. Antistius in hoc denario patris C. Antistii Consulis memoriam revocare voluit, quando ille hunc magistratum gessit, nempe an. <sup>722</sup><sub>3</sub> quum Augustus M. Antonium superavit ad Actium, IV. Nonas Sept. quare in nummo Apollinis Actii in portu sacra agen-

tis

tis figuram expressit, cui Cæsar templum majus extruxit, ludos mulicos, & Gymnicos, certamenque equestre cum sacro Quinquenniali, ut refert *Dio lib. 51.*

Annus Tribuniæ potestatis Augusti VIII. in denario percussus ab Antistio, Urbis conditæ an. <sup>737.</sup> respondens, nam eam an. <sup>729.</sup> Kal. Jul. illam acceperat, ut nomen Dictatoris perpetui, quod ei à Senatu erat datum, tamquam invidiosum vitaret, porro contentus potestate, vocem plebis omisit, de qua *Dio lib. 53.* Ea propter Senatus Augusto hos honores decrevit, ut Tribunus plebis perpetuus esset. Inde exortum est, ut Augustus, quique eum secuti sunt Imperatores, & ab ipso primo die susceptæ Trib. potestatis, Imperium aliorum est numeratum.

## IV.

CAESAR AVG. TR. POT. VIII. Caput Augusti: ex altera parte, C. ANTIST. VETVS HIVIR. FOEDVS P. R. CVM GABIN. Duo Feciales togati dextras jungentes super aram, sub qua porcus occisus.

Ab eodem Antistio Vetere signatus est hic denarius, an. <sup>737.</sup> quo superiores, ut denotat eadem Trib. potestas Augusti Octava, & quidem ad antiquitatem gentis Antistiae revocandam; nempe quum Fœdus P. Romani initum est cum Gabinis, aut ipse Antistius ex Gabiis Romam migravit, ut ipse Fecialis erat ad hoc fœdus iniendum: unde forsân illi cognomen Vetus ab antiquitate temporis, narratque *Cicero lib. de leg. fœderis feriundi ritum.* POPVLVS ROM. PRIOR NON DEFICIET. SI PRIOR DEFECERIT PVBLICO CONSILIO DOLO MALO. TVM DIESPITER POP. ROMANVM SIC FERITO VT EGO HVNC PORCV M HODIE FERIAM. TANTOQVE MAGIS FERITO. QVANTO MAGIS POTES POLLESQVE QVIBVS DICTIS PORCV M SAXO SILICE PERCVTITO. Ille porcus super aram immolabatur, ut arguit ara, supra quam extensus est. Duo Feciales seu sacerdotes velati pro sacrificio dextras jungunt ad pacem denotandam: Gabiorum autem urbs erat Albanorum colonia apud Volscos, cujus historiam describit *Livius*, quo modo sub Tarquinio Superbo Romanis accessit.

## V.

CAESAR AVGVSTVS. Caput Augusti: ex altera parte, C. ANTIST.

*Volum. I.*

K 2

TIS-

ſacra in Ara Maxima peregit, in cujus memoriam illius ſignum in denariis expreſſit, ut infrà dicemus.

## II.

DEI PENATES. Capita duorum juvenum ſociata: in averſa, c. ANTIVS C. F. Hercules, ut ſuprà.

C. Antius, ut patris eſſigiem in priore denario, ad denotandam ex quo natus eſſet, ſic in posteriore Deos Penates, ad indicandum ex Lavinio urbe gentis ſuæ originem exhibuit, quæ urbs antiquior Roma: ſi quidem Æneas deos Penates quos ſecum attulerat Latino regi in fœderis pignus, quum Laviniam ejus filiam duceret uxorem, dedit, & Lavinii poſuit, poſtquam eam urbem de ſponſæ nomine condidiſſet, Deorum Penatium juffu; qui bis ex ea civitate avulſi, bis in eam remigrarunt, itaque tertio nemo auſus eſt amovere eorum ſimulacra.

De Hercule vide quæ in ſuperiore denario & infrà dicturi ſumus.

## III.

C. ANTIVS. Caput bovis infula redimitum, in averſa, RESTIO. ara accenſa.

*Urſinus* bovis illius caput in denario ſignatum ad ludos ſæculares, quibuſid animal ſacrificabatur, haud dubiè referendum putat, quibuſque ex Reſtionum familia Quindecimvir aliquis interfuerit, ſed illud ad Herculem in denariis anterioribus expreſſum ſpectat. Ara accenſa eſt illa, quæ Maxima apud autores appellatur, quam Hercules recuperatis bovis, quos illi ſubripuerat Cacus, Evandri juffu reddidit, & ſub Aventino, Inventori patri dedicavit, appellavitque Maximam, & apud eam decimam ſui pecoris profanavit.

Hercules Potitios & Pinarios docuit ſibi ſacrificandi ritum, Potitiis extinctis, ſuperſtes manſit gens Pinaria, ex qua unus eorum quotannis apud hanc aram juvencum indomitum mactabat, & ritu Græco id peragebat, ſed *Dionyſius* ait, nunc tamen illorum poſteritas non habet curam horum ſacrorum, ſed operantur eis ſervienti ære publico: ex quibus verbis colligere poſſumus, ut ex his C. Antii denariis, in quibus præſertim caput bovis eſt expreſſum & ara Maxima ſignata, hoc Herculi ſacrum Antium peregiſſe, in cujus memoriam illos cuderit.





## A N T O N I A.

**F**uit, ut *Plutarchus* inquit, vetus fama ducere ab Hercule Antonios genus, atque esse ab Antone Herculis filio prognatos. Inter familias nobilissimas quæ à primis Senatoribus sub Romulo patriciæ majorum gentium appellatæ sunt, reperitur Antonia gens; sed hæc sub cognomine Merenda extincta, reliqua processione temporis ad plebem videtur transiisse.

### I.

Caput Junonis Sospitæ, pelle caprina amictum; pone quod tripus: in averfa, M. ANTONI. C. F. Ipsa Juno stans, capite caprino tecta, d. vibrans spiculum, f. clypeum, ante eam serpens in gyros, pone autem sella matronalis.

Marcus est Antonius Triumviri pater, Orator disertissimus, quem *Cicero* multis laudibus, ad quem spectat denarius: ille Caii filius perhibetur anno <sup>640</sup>. Quæstor Asiam sortitus, jam Brundisium pervenerat, inquit *Valerius Maximus*, quum in urbem recurrit, ut se incesti crimine purgaret, quo erat ante L. Cassium Prætorem severum judicem accusatus, Tribunatum Plebis gessit an. <sup>645</sup>. Inter Prætores urbanos relatus <sup>549</sup>. hunc denarium percussit.

Caput Junonis Sospitæ, & ipsa spiculum vibratura, in averfa nummi parte ad Lupercalia festa pertinent, hæc die XI. Februarii celebrabantur, quem februaturn appellabant, id est purgamentum, & ab expiationibus nomen habet. Lustratione tunc facta dicata erant Junoni Lanuvinæ quæ caprina pelle caput amictum habebat, & sacerdotes Luperci dicti pariter amiculo Junonis caprino ornati februebant feminas, quare apposita est sella matronalis in denario, ut & tripus ad denotanda sacra ante peragenda.

Feriæ illæ, seu festa publica, indicebantur & proclamabantur singulis mensibus à Rege sacrorum, & à Prætore, ab hoc quidem vacationis à Forensibus negotiis, ab illo autem sacrorum ritè peragendorum gratia. M. Antonius quod illa indixerit in-

inter alios Prætores, ejus memoriam in denariis exhibere voluit.

## II.

Caput Romæ galeatum, in averſa, M. ANTONI. C. F. PR. in imo, ROMA. Victoria in quadrigis, d. flagrum.

Ex prætura urbana M. Antonius peregrinam ſortitus eſt, & Aſiam obtinuit, & ipſi decretum eſt ex S. C. bellum piraticum cum Proconſulari imperio an. <sup>650.</sup><sub>1</sub> de quo *Cicero in Oratore*, „ cum Proconſule Antonio in Ciliciam proficiſcens, Athenas „ veniſſem. *Livius in Epitome lib. 68.* Antonius Prætor in „ Ciliciam maritimos prædones proſequutus eſt, Cilices ſublatis „ commerciis maria invaſerant, quod etiam teſtatur *Tacitus Annales lib. 12.* quando commemorat Byzantios Piratico bello adjuviſſe Antonium.

De Cilicibus pyratibus M. Antonium navalem egiſſe triumphum an. <sup>551.</sup><sub>1</sub> probant & *Plutarchi* verba, & quadrigæ triumphales in denario percuſſæ. *Plutarchus in Pompeio*, filiam Antonii Triumphalis viri in agrum ac villam euntem interceptam & captam à pyratibus fuiſſe, & magno pretio redemptam. *Cicero in Orat. pro lege Manilia*, ad montem Miſenum id accidiſſe indicat. Quadrigæ triumphales illæ, in quibus Victoria agit equos currentes, victoriam fuiſſe celerem, & bellum breviter conſectum indicare jam diximus.

M. Antonius ad conſulatum pervenit an. <sup>555.</sup><sub>6</sub> cum Poſthumio Albino. Quidam exiſtimant ex verbo Proconſulis apud *Ciceronem* in Ciliciam proſectum eſſe poſt conſulatum, ſed in conſulatu oporteret bellum jam inchoaſſe, nam litteræ PR. in denario Prætorem denotant. Antonius cenſuram cum Valerio Flacco geſſit an. <sup>656.</sup><sub>7</sub> ſed tanto viro calamitoſa obtigit, nam in civilibus Marii & Syllæ cum ſe in fundum amici abſcondiſſet, detectus à Caupone, caput ejus amputatum ad Marium eſt miſſum: duos filios reliquit Marcum & Caium; de Marco Triumviri patre denarii nobis non ſuperſunt.

## II.

Caput Herculis pelle Leonina indutum, ROMA: in averſa, C. ANTONIVS M. F. Clava, arcus, & phæretra.

C. An-

# A N T O N I A.

21

C. Antonius M. Antonii Oratoris filius natu minor, Syllam in bellum Mithridaticum secutus, egregiam quidem operam navavit, sed postea avaritiæ studens, & potius prædo Græcorum bona dilapidavit, à quibus accusatus est apud M. Lucillum Prætorem, deinde à Senatu motus quòd ob æris alieni magnitudinem prædia mancipasset, bonaque sua in potestate non haberet. Tribunus plebis tamen fuit & Ædilis, Præturamque cum Cicerone petiit, sed cum illo Consul creatus est anno 690.

Quùm C. Antonii magistratus tempus non notent *Historici*, nec ejus denarii aliquid indicent, unde in quibus percussi sint affirmare possimus, ad revocandam ejus ab Hercule originem videntur tantum signati: ex anteriore parte, ille caput leonina pelle amictum, ob leonem ab eo in Nemea sylva interfectum, cujus semper ab hoc tempore pellem pro spoliis gessit, de quo *Ausonius Idyll.* 19.

*Prima Cleonæi tolerata ærumna leonis.*

Clava & arcus cum pharetra illius sunt arma, quibus in occidendis Tyrannis & monstris usus est.

## IV.

M. ANTONI. IMP. Caput Antonii nudum, pone quod lituus; ex altera, CAESAR DIC. Caput Julii Cæsaris laureatum, pone quod urceus.

## V.

Alter cum epigraphe, M. ANTO. IMP. R. P. C. & Julii caput idem.

Hic est M. Antonius Triumvir M. Antonii Cretici filius, cujus nobis non supersunt denarii, & M. Antonii Oratoris nepos, cujus vitam habes in *Plutarcho*; illius nec magistratus, nec gesta ordine referemus, sed ex ejus denariis satis innotescunt: in his expressus est cum Julio Cæsare, quem sequutus est in Gallias proficiscentem, & ei adhæsit ob affinitatem: nam ejus mater vocabatur Julia, Cæsar quæstorem suum sine sorte legit, & postea Antonius illius commendatione Auguratus sacerdotium obtinuit anno <sup>703.</sup> <sub>4</sub> quamobrem lituum seu baculum auguralem ejus dignitatis insigne, pone caput percussit.

*Volum. I.*

L

Ab



Ab eodem Cæsare magister Equitum anno <sup>706.</sup> factus est, quum ille Dictaturam accepisset, licet adhuc nondum Præturam gessisset, in cujus memoriam nummum cudisse videtur cum his litteris R. P. C. id est, *Reipublicæ constituendæ*, quod ad id Cæsar Dictator esset renuntiatus, & quia absente Dictatore magister Equitum vices ejus gerebat, ideo Cæsar Imperatorem appellavit Antonium, ut Sylla pridem Pompeium appellarat, ut testantur ipsi denarii. Hac de re *Dio* inquit, „ ineunte hoc anno insolens „ fœdus, ac probè miserabilis fuit Urbis aspectus, non habitis „ ante comitiis ob Dictatoris absentiam, præterquam Tribuno- „ rum plebis, nullis nec consulibus, nec prætoribus principio „ anni solenniter magistratum ineuntibus. M. Antonius quidem „ prætexta atque listoribus usus Senatum convocando, quam- „ dam speciem popularis Reipublicæ status repræsentabat, armis „ tamen & militum præsidiis septus, quum omnia ferè solus „ obiret magistratuum munia, insuetam tyrannidem præ se fe- „ rebat. Quumque ea magistrum Equitum facere videret civi- „ tas, longè graviora à Cæsare Dictatore ipso expectabat. Præferi- „ culum insigne est Pontificis Maximi, ut in Æmilio Lepido dixi- „ mus, qui Cæsari in hac dignitate successit.

## VI.

Caput M. Antonii sine epigraphe : in averfa, M. ANTON. IMP. securis, fasces, caduceus, duæ dextræ, & globus in medio.

Similem typum in denario Julii Cæsaris Buca Quatuorvir ab eo factus in Æmilia gente expressit; Cæsar autem Triumvirorum monetarium numerum ad quatuor usque auxerat, & ille in gratiam Cæsaris, qui postquam ex Africa victor Romam redierat, se religionem, justitiam, & concordiam servaturum in oratione ad Senatum promississet, hunc denarium cum rerum istarum attributis percussisse diximus. Similem autem Antonio tunc Equitum magistro quasi cum eo gubernanti, & eadem se servaturum pollicenti signasse videtur: nam denarius Antonio Imperatoris tantum titulum & non adhuc Triumviri dignitatem tribuit.

## VII.

M. ANTON. IMP. ITER. Caput Antonii, pone quod lituus : in averſa , L. MVSSIDIVS T. F. LONGVS IIII VIR. A. P. F. *Ædificii genus, cum cancellis & porta, ad quam gradus in cujus imo, CLOACIN. In illo videntur duæ figuræ togatæ cum tabellis, quas in urnas conjiciunt.*

Plura ſunt in hoc denario perpendenda: primò titulus Imperatoris iterum Antonio datus: ille autem ut patribus ac Senatui omnem de ſe ſuſpicionem affectatæ dominationis eximeret, de tollenda funditus è Republica Dictatura retulit : unde omnium conſenſu factum eſt in hanc rem Senatuſconſultum, quod Antonius ipſe à ſe deſcriptum domo attulerat : ipſoque collaudato, traditiſque legionibus, eodem Senatuſconſulto Macedonici exercitus Imperator appellatus eſt: qui titulus jam, ut diximus, ipſi primum à Julio Cæſare erat conceſſus, unde Imperator iterum à Muſſidio in ejus denariis nominatur, ut in prioribus, quum magiſter Equitum factus eſt; ex una parte Julii Cæſaris eſt effigies, & ex altera Antonii imago cum epigraphe, M. ANTONI. IMP. ITER.

Secundò, quid ſit illud ædificium : haud dubiè ex epigraphe denarii comitium, de quo plura in gente Muſſidia: ſed cur illius proſpectus in denario Antonii? eadem ratio videtur quæ in altero Muſſidiæ gentis denatio in illa deſcribendo, ubi caput Julii Cæſaris expreſſum, & in altera parte idem comitiorum proſpectus: quod Cæſar ex *Suetonio cap. 40.* „ Comitia partitiſ erat cum populo, in cujus memoriam illius proſpectum Muſſidius expreſſit, quem in M. Antonii gratiam iterum exhibuit, „ ut omnem à ſe ſuſpicionem affectatæ dominationis eximeret, „ ut ſuprà diximus: niſi dicamus, ut erant Conſules eodem anno „ ſic Muſſidius ambobus eundem typum percuffit : porrò dubium movet titulus IMP. ITER. M. Antonio tunc datus, quem verè tantum poſt Ventidii ſui legati de Parthis victoriam accepit; vide, quæ ſumus in ſimili denario gentis Muſſidiæ, *num. 12.* dicturi; ſi magis arident, obſervet Lector. Vox CLOACIN. ad aliorum comitiorum diſtinctionem; quæ in campo Martio habebantur, hæc verò in foro Romano.

## VIII.

IMP. ANTONIVS. Caput Antonii galeatum : in averſa, III VIR. R. P. C. Aquila legionaria inter duo ſigna militaria.

Galeatus hic exhibetur Antonius, ut jam Lepidum in Æmilia gente protulimus, quo habitu Triumviri facti in agro Bononienſi Romam armati contenderunt. Legionum ſigna earum inter Triumviros diſtributionem & imperium denotat, quibus ſtipati in Urbem profeſti ſunt, & provincias inter ſe partiti. Nec te, moveat, ſi Antonius in hoc denario ſe tantum Imperatorem inſcribat, & in anteriore dictus ſit Imperator iterum: Imperatoris autem titulus à Senatu decreto conceſſus ipſi altero ſublatus eſt, & hoſtis P. Romani poſtea declaratus eſt, nec Macedonicum exercitum obtinuit. *Mezabarbus fol. 14. ex Dione* exiſtimat Antonium allato in Urbem Catilinæ capite, Imperatorem fuiſſe appellatum, ſed *Dio* de C. Antonio Triumviri patruo id refert.

## IX.

M. ANTONIVS III VIR. R. P. C. Caput Antonii : in averſa, Mars nudus ſtans galeatus, pede clypeum calcans, d. haſtam, ſ. parazonium, L. MVSSIDIVS TI. F. LONGVS III VIR. A. P. F.

Muſſidius Longus à Cæſare Quatuorvir factus eſt monetalis, quum tantum tres ante fuiſſent, de quo *Suetonius*, Senatum ſupplevit, patricios allegit, Prætorum, Ædilium, Quæſtorum, minorum etiam magiſtratum numerum ampliavit: Muſſidius autem eundem Martis typum in cunctis Triumvirorum Lepidi, Antonii & Cæſaris denariis expreſſit: ideò Martem Ultorem eſſe ſuſpicamur, quem omnes illi pro vindicta de Julii Cæſaris percufforibus denotanda exhibuerunt. Notæ A. P. F. an argentum primus flavit, quod ille primus Quartumvir monetalis factus fuerit, ut cum Clodio & Lunnerio, quia Æmilius, Buca & Flaminius eas notas habent? an illæ *Argento publico feriundo* explicandæ?

## X.

M. ANT. IMP. Lituus, vas, præfericulum & gallus gallinæus. LEP. IMP. Instrumenta Pontificatus Maximi, ſimpulum, aſperſorium, ſecuris & apex.

Hic



# A N T O N I A.

85

Hic denarius in quo nomina Antonii & Lepidi Triumvirorum inscripta leguntur, ad eorum concordiam arguendam signati sunt, pars Antonii signa Auguris, altera Lepidi, insignia pontificatus Maximi exhibet, de quibus in *Æmilia* gente simili ferè typo abundè diximus; si de lituo qui non in illo occurrit, addamus. Lituus, insigne augurale erat, baculus sine nodo à summo inflexus à parte qua robustior est, quem manu tenens Augur cæli regiones describebat, & designabat metas, intra quas se observaturum signa constituerat, ut quod dextrum esset, quodve sinistrum oculis animoque metiri posset.

## XI.

M. ANTON. IMP. III VIR. R. P. C. AVG. Caput Antonii ex averſa, CAESAR IMP. PONT. III VIR R. P. C. Caput Cæsaris.

## XII.

ANTONIUS IMP. Caput Antonii, ex averſa, CAESAR IMP. Caput Cæsaris.

Duo hi denarii, hinc Antonii, Cæsaris inde effigiem exhibent, ad denotandam concordiam: nam milites ad eam conciliandam ut Antonii, privigna Clodii & Fulviæ uxoris Antonii filia uxor daretur, Cæsari autores fuere, de quo *Dio, lib. 47. in fine.* „ Neque id Cæsar detrectavit, quia arbitrabatur eas nuptias nullo sibi obstaculo futuras in ea re, „ quam contra Antonium animo jam perceperat, quum alio „ quin Julium Cæsarem patrem suum cognovisset nihil mora „ tum affinitatem cum Pompeio initam, in suis contra eum „ actionibus fuisset.

## XIII.

M. ANTON. III. R. P. C. Lituus, & Præfericulum seu urceolus. L. PLANCVS IMP. ITER. Guttus seu vas oblongum, inter fulmen à dextris, & caduceum à sinistris.

L. Munatius Plancus M. Antonii nomen in hoc denario cum Auguris insignibus in illius honorem percussit, & eo quidem anno quo consulatum nempe 71. cum Lepido gessit. Quis ille fue-

rit in Munatia gente dicturi sumus; cur M. Antonio denarium signavit, hic proferre contenti. *Paterculus* inquit, „ Plancus deinde dubia, id est, sua fide (quia hic postea deseruit Antonium) diu, quarum esset partium, secum luctatus, ac „ sibi difficile consentiens, & nunc adjutor Decii Bruti, designati consulis collegæ sui, Senatuique se litteris venditans, mox „ ejusdem proditor; Asinius item Pollio firmus proposito, & „ Julianis partibus fidus, Pompeianis adversus: uterque exercitus tradidere Antonio.

Itaque Plancus Consul cum Lepido, qui D. Bruti locum occupavit, denarium non in Lepidi, sed M. Antonii gratiam, cujus partis erat, cudit, & Triumviri illius, qui Augur erat, insignia expressit, quum ille etiam Septemvir Epulorum esset: unde cultum hujus sacerdotii insigne in illo exhibuit, inter fulmen, nempe quod Imperii symbolum est, & caduceum, qui Felicitatis est typus; utrumque ad Triumviratum referens.

## XIV.

M. ANTONIVS III VIR R P. C. Caput Antonii: in averfa, P. CLODIVS M. F. Mars nudus stans, galeato capite, d. hastam, f. scipionem, seu sceptrum.

Quis fuerit ille P. Clodius M. filius, in gente Claudia erit inquirendum, nunc nobis Antonii partium studiosus denarium in ejus gratiam exhibet, tamquam Quatuorvir, ut ex sequente liquet. At quum in hoc & in aliis, quos Julio Cæsari & Octaviano Triumviro percussit, Martem eodem modo expresserit, ut iis conveniat, nobis investigandum.

Duo præcipua apud Romanos Martis nomina fuerunt, nempe Gradivus, dum ad bellum properat & graditur, alter Quirinus nominatus, dum tranquillus & mitis est. Prior templum habuit extra urbem prope portam in via Appia, quasi bellator, & ad arcendos hostes, ideò exhibetur gradivus, ut supra in denario Mussidii, & hasta curva quam manu agit eam gerendo: posterioris templum erat intra urbem ad tranquillitatem custodiendam & Romæ custodiam, ideò in his nummis stans quietus, d. innixus hasta, f. scipionem seu sceptrum, ad tranquillitatem arguendam.

Per hoc Martis Quirini seu Tranquilli signum in Julio, post  
supe-

superatos omnes & debellatos hostes, illum Romæ statum quietum urbi restituendæ & conservandæ attentum, demonstrat Clodius; ut per idem Martis Quirini seu quieti signum in Antonii & Augusti denariis, alludit iis omnibus post victos in campis Philippensibus: quasi unusquisque esset Mars alter tranquillus ad urbem in pace administrandam, debellatis & interemptis Julii percussoribus.

## XV.

M. ANTONIVS III VIR. P. C. Caput Antonii, P. CLODIVS M. F. IIII VIR. A. P. F. Victoria alata nudo corpore stans, pede globo imposito, d. caduceum, læva sceptrum, ad pedes à dextris aquila, à sinistris clypeus erectus.

En P. Clodius cum Quatuorviri monetalis titulo, quem supra non expressit, qui postquam Martem exhibuit, ejus comitem in hoc denario Victoriæ repræsentat: illos communes deos appellat *Virgilius*, *Aneid. lib. 11.*

*In mediosque focos & dñs communibus aras.*

Ubi *Servius* inquit, Dei communes sunt Mars & Victoria, quod ii in bello utrique parti possunt favere.

*Isidorus* Martem scribit nudo corpore effingi solere, quod quifque in bello sine formidine objicere se debet: an ideò victoriæ nudam exhibet Clodius, quod Antonius sine formidine victoriæ de hostibus in campis Philippensibus retulerit? Ipsa caduceo pacem indicat, quam ex hac pugna sperabant Triumviri; ut orbis imperium, quod per globum terrarum orbis quem ipsa pede premit, designatur; ut per aquilam Romani Imperii symbolum, ad pedes ejus apposita.

Sceptrum videtur Marti Tranquillo seu Quirino datum, quod erat baculus regni insigne, quo reges majestatis gratia utebatur, ut quasi alter Quirinus Romæ esset dominus, sic victoriæ sceptrum tribuit Clodius, tamquam per eam Antonius & Triumviri Romani orbis Imperium adepti fuerint. Propriè autem Jovis sceptrum erat, ab eo ad reges & principes, de quo *Ovidius* 13. *Metam.*

*Datique*

*Summa movet sceptri. Id est, Imperii.*

Re-



Reverà autem post Philippensem Victoriā, Triumviri totum orbem Romanum partiti sunt, saltem Antonius & Cæsar.

## XV.

C. ANTONIUS M. F. PRO. COS. Caput juvenile pileo ornatum: ex averſa parte, PONTIFEX. Duo ſimpula adverſa cum ſecuri.

*Urſinus* hunc C. Antonii denarium poſt nummorum L. Antonii Triumviri fratris ſeriem adjungit, quaſi eſſet eorum frater minor, ut epigraphæ annuere videtur, Caius Antonius Marci nempe Oratoris filius: cui lubenter aſſentimur, de quo ne verbum quidem protulit, ſed quod præterit, an quaſi offendiculum? nihilominus pro viribus aggredimur.

Caius ille Antonius in denario proconſul appellatur, id eſt, prætor proconſulari poteſtate. Tres autem illi fratres anno <sup>709.</sup> quo Cæſar in Senatu occiſus eſt, Triumvir nempe Conſul fuit, Lucius Tribunus Plebis, & Caius, Prætor urbanus, Bruti collega. Ex prætura hic præmiſſus eſt à fratre M. Antonio ad exercitum in Macedoniam, quæ ipſi erat decreta, & quidem fratrem miſerunt cum Proconſulari imperio, ſortitionis titulo, ut & alii in alias provincias ſine auctoritate Senatus, quam quùm Marcus obſideret Mutinam, fecit irritam. Caius porro in Macedoniam proſectus, à Bruto circumventus eſt cum Hortenſio qui Prætorius provinciam anno anteriore adminiſtrabat, Caio quidem pepercit, ſed quùm nova moliri diceretur, in cuſtodiam miſit, quæ Clodio commiſſa eſt, & quùm illum Apolloniæ ſervare non poſſet, occidit; dicunt Bruti jūſſu, quùm accepiſſet Marcum ejus fratrem D. Brutum interfeciſſe.

Qui denarium cudit ad Pontificis dignitatem, qua in eo inſignitur, reſpexit; nam ex anteriore parte Camillum puerum ingenuum Pontificis miniſtrum galero ſuo ornatum expreſſit, & in poſteriore inſtrumenta pontificalia nempe bina percuſſit, & ſecurim. Simpulum autem erat vas fictile, quo vinum in ſacrificiis libabatur: ſecuris ad ſecundas viſtimas appoſita; ſed de illo C. Antonii ſacerdotio ſilent *Autores*, à Julio Cæſare qui eorum numerum, teſte *Suetonio*, auxit, forſan factus.

## XVII.

Caput velatum Antonii, ante quod simpulum, pone autem præfericulum, sine epigraphe: in averſa, P. SERVILIUS MACER. Eques bigas agens cum ſtagro, pone eum corona.

Velum quo amicitur M. Antonius ut Augur, *Urſinum* induxit, ut hunc denarium ad Lepidum ſummum Pontificem adjudicaret; ſed vera eſt Antonii effigies, ad quem etiam lituus & præfericulum, Auguratus inſignia ſpectant. P. Sepulius Macer Quatuorvir monetalis à Julio Cæſare creatus, eum cum velo, ut videre eſt in gente Sepulia, in ſuis denariis expreſſit, ut ſummum Pontificem; pariter poſt ejus mortem Antonium, qui conſul erat cum eo, in habitu Augurali nempe velo circumdatum exhibuit.

Sed qua de cauſa denarius illè percuffus fuerit, indicat pars averſa, in quo figura bigas agit cum ſtagro, ad ludos Apollinares ſpectans. C. Caſſius Julii Cæſaris percuffor, ut Prætor urbanus hos ludos celebrare debebat, coactus urbem deferere, C. Antonius Marci frater ejus collega, illos ejus loco in circo, ante diem Prid. Non. Julius edidit de quo *Dio, lib. 47.* Erat quidem tunc Prætor urbanus Caſſius, necdum Apollinares ludos, curaverat: verùm eos per collegam C. Antonium, abſens etiam, ſplendidiffimè peregit.

C. Antonius, quùm non ſuis, ſed Caſſii impenſis ludos edidiſſet, nomen in denario non appoſuit, ſed eorum memoriam ad poſteros propagare volens, M. fratris tunc conſulis effigiem cum typo illos designante, per Sepulium Macrum denariis cudentis præfectum exhibuit; & quidem Auguris habitu, ut etiam illum hoc ſacerdotio illuſtrem repræſentaret cum inſignibus Auguratus: quæ agnoſcit *Urſinus*, & ideò de hoc Lepidi ſacerdotio ſe apud *Scriptores* quidquam legiſſe fatetur. Corona Victoris eſt præmium.

## XVIII.

M. ANT. IMP. AVG. III VIR. R. P. C. L. GELL. Q. P. Caput M. Antonii, pone quod Guttus. CAESAR IMP. PONT. HI VIR R. P. C. Caput Cæſaris.

Hunc denarium cum Antonii capite ab una parte, & ex altera

*Volum. I.*

M

cum

cum Cæsaris effigie percussit L. Gellius, ut prioris Quæstor : sed littera P. alii Provincialis, alii Prætorianorum interpretantur ; utrumque Triumviratum signavit ad denotandam non modò eorum concordiam, verùm ad utriusque potentiam significandam. Lucius ille Gellius cognomine Publicola, primò à partibus Bruti, deinde Cassii stetit, sed postea ad Antonium & Cæsarem relictis benefactoribus transit ; imò in civili bello Antonii cum Cæsare, ex illo ad hunc transfugit : uti in Gellia gente sumus dicturi. Guttus pone caput Antonii spectat ad illius augurale sacerdotium, quo illeungebatur.

## XIX.

M. ANT. AVG. III VIR R. P. C. M. BARBAT. Q. P. Caput Antonii, CAESAR IMP. PONT. COS. III VIR. R. P. C. Caput Cæsaris, pone quod lituus.

M. Barbatulus ex *Appiano lib. 5*. Quæstor fuit M. Antonii ; in Macedonia quidem suspicatur *Pighius*, post pugnam Philippensem inter Triumviros, sed ut plures habebat Quæstores Antonius in Triumviratu Barbatulus Quæstor provincialis recensetur, & denarium eadem ratione qua *Gellius* supra, nempe ad communem utriusque potentiam arguendam, percussit : *Appianus* autem narrat, Antonium contra Barbatum, quem malè appellat Barbatium, quùm sit prænomen M. Valerii Messalæ, aliquo modo offensum, post pugnam Philippensem dimisisse, sed ille Romam reversus id dissimulavit, & in gratiam L. Antonii fratris consulatum adepti denarium percussit.

## XX.

Caput Victoriæ cum alis in dorso : ex averſa parte, LVGVDVNI, per transversum, A. XL. Leo gradiens.

## XXI.

Caput idem Victoriæ cum litteris, III VIR. R. P. C. in altero latere, ANTONI. IMP. per transversum, A. XLI. Leo gradiens.

Duo illi quinarîi in gratiam M. Antonii, quùm esset Triumvir Reipublicæ constituendæ, haud dubiè Luguduni signati sunt,  
ut



ut ferunt eorum inscriptiones, sed annus XL. in priore, ut XLI. in posteriore dubium quibusdam movent. Victoriæ imago ad aliquam Antonii victoriam spectat, & Leo ejus urbis ut & Triumviri insigne est: de quibus dicturi sumus, postquam in gratiam Lugdunensium de illorum urbium originibus aliquid præmiserimus.

Duæ fuerunt urbes ex *Dione*, ubi nunc celebris illa civitas sita est; altera in colle, de qua *Clitophon Historicus Rhodius*, qui *ῥωδίων* scripsit apud *Plutarchum lib. de fluv. in Arari*; non autem erat ex Rhodo insula ortus, sed ex Rhoda urbe Galliæ, unde Rhodani fluvio nomen, ex *Plinio*: narrat ille Momorum & Atepomarum fratres ex sedibus suis dejectos in colle ex oraculi præcepto urbem condidisse, & corvis subitò apparentibus civitatem Momorum appellasse Lugudunum à verbo *lugu* lingua Celtica corvum significante, & voce *Dunum*, quæ locum eminentem sonat; quasi urbem corvi.

Altera civitas inter Araris & Rhodani confluentes à Munatio Plancio Senatus jussu condita est, ut innuit *Dio*, lib. 46. Senatores enim quum audivissent Silanum Antonii rebus favere, Lepidum ac L. Plancum timentes, ne hi quoque se Antonio adjungerent, ad eos, qui dicerent, nihil jam eorum Remp. opus habere. Ac ne quid sinistri suspicarentur, facinusque aliquod perpetrarent, jussi sunt à Senatu iis, qui quondam Vienna, quod est provinciæ Narbonensis oppidum, ab Allobrogibus expulsi, ad confluentes Rhodani, Ararisque fluviorum confederant, urbem condere. Itaque illi subsistentes Lugudunum, ædificarunt, Lugdunum nunc vocatum.

Lepidus per Silanum se conjunxit Antonio. Plancus verò, qui urbem expulsis condiderat emeritis militibus, in Italiam venit, ubi circa Bononiam Lepidus, Antonius, & Cæsar Triumviros Reip. constituendæ causâ se nominarunt, & provincias inter se dividerunt.

Lepido Hispania omnis evenit ac Gallia Narbonensis, Antonio reliqua Gallia, nempe Cisalpina & Transalpina, in qua erat Lugudunum. *Seneca* eam urbem nobis indicat, *Satyr.* esse municipium, dum post mortem Claudii, Luguduni nati, introducit Fæbrem Herculi dicentem, *Marci municipem vides*. Per Marci vocem intelligit M. Antonium, nam Claudii mater erat Antonia,

hæc verò filia Marci Triumviri, sed de hoc non est accipienda; nam Lugudunum ut fieret municipium non curavit, sed Marcus ejus pater Oratoris filius, ut innuunt anni XL. in nummo signati, tempus illud designantes.

Gallia Transalpina facta est provincia Romana an. <sup>633</sup>/<sub>4</sub> postquam Fabius dictus Allobrogicus, Allobroges & Arvernos domuisset. Lugudunum tunc esse cœpit sub Romanorum potestate; M. autem Antonius Oratoris filius & Triumviri pater Quæstor fuit provincialis an. <sup>673</sup>/<sub>4</sub> quum lege Cornelia primùm creati sunt viginti, apud *Pighium*, tom. 3. pag. 273. & Senatusconsultum Lugudunensibus, quo municipes essent sed sine suffragio, attulisse videtur, nam *Livius*, *Breviario libri* 90. illum legatum pro Quæstore L. Manilio in Gallia Narbonensi fuisse anno sequente <sup>23</sup>/<sub>4</sub> nos edocet. Lugudunenses Antonix genti idèò devoti, quod illa ab Hercule originem traheret, memores, pro insigni, Leonem quam ipsa gestabat, acceperunt. Quod Leo Antonix gentis insigne sit, non sinunt dubitare *Cicero*, qui ad *Atticum* ep. inquit, *pertimesce Antonii leones*; *Plinius*, qui M. Antonium dum triumpharet, primùm leones curru gestasse narrat, lib. 8. denique tot nummi ipsius Triumviri, in quibus Leo exhibetur: nihil mirum igitur, si Lugudunum ejus nomine quinarior, monetam suam cum Leonis stemmate signavit.

Victoria pro capite M. Antonii in illis expressa nobis victoriam de Parthis relatam indicat; nam si annos XL. & XLI. à Luguduno municipio facto anno <sup>673</sup>/<sub>4</sub> ut suprà diximus, dinumeres in annum <sup>714</sup>/<sub>4</sub> quo Ventidius Antonii legatus Parthos Syria, Cilicia & Tauro monte expulit, incidet. Sic voces A. XL. à *Fulvio Ursino*, & aliis primæ notæ *Antiquariis* explicantur, nec alia interpretatio ad nummos spectare potest. Lugudunum autem latinè scribit, ut municipium Romanum, quod confirmant *Æneæ Tabule* in basilica hujus urbis adhuc servatæ, dum Claudius Imperator, in iis ait; Ex Luguduno habere nos, nostri ordinis viros non, pœnitet.

Ut autem de duabus urbibus Luguduno & Lugduno absolvamus, nobis superest aliquid de hac proferre, postquam à Munatio Planco expulsis è Viennâ, in Araris & Rhodani confluente condita an. <sup>710</sup>/<sub>4</sub> ille verò Romam cum Triumviris reversus exeunte anno de Gallia triumphavit, ut ferunt *Marmora*

*Capr.*

*Capitolina.* Julius Cæsar Ulteriori Galliæ cum tribus legionibus præfecerat, sed de rebus illius in ea gestis, parum memoriaræ proditum est ab *Historicis*. Anno sequente <sup>71.</sup> cum Æmilio Lepido Consulatum gessit, quo Senatusconsultum habuit de Lugduno Colonia Romana, ut indicat ejus denarius cum colono boves agente, de quo in Munatia gente: sed illa Colonia quàm non esset, ex civibus Romanis in eam deductis, Jus Latii tantùm habuit.

Denique Claudius quod Luguduni esset natus, urbem civitate Romana donari voluit, Senatuque proposuit, ut de hoc Senatusconsultum fieret, quo factò, illa ab eo appellata, ut ferunt plurimi *Lapides antiqui*, C.C.C. AVG. IVC. id est, Colonia, Claudia, Copia, Augusta, Lugudunum, ut R. P. *Claudius Menestrierius* rectè explicuit, & sic municipium Lugudunum Colonia facta est cum omnibus civium Romanorum privilegiis, & Lugdunum coloniam cum jure tantùm Latii, unam eamdemque civitatem esse factam credibile est, quæ longo tempore Lugudunum, & tandem Lugdunum, ut adhuc vocatum est; imò ex Leonis antiquo stemmate, quod adhuc pro insigni gerit, Gallicè *Lion* nuncupatum videtur.

## XXII.

M. ANT. IMP. AVG. III VIR. R. P. C. M. BARBAT. Q. P.  
Caput Antonii, CAESAR. Trophæum, ad cujus pedes hinc captivus manibus post terga revinctis, & mulier<sup>9</sup> lugens.

Trophæum illud cum capite Antonii, & nomine Cæsaris videtur ab iisdem simul fuisse erectum, nempe post pugnam Philipensem de Bruto & Cassio relatam: in qua libertas ad ejus imum luget, & captivus, manibus post terga revinctis, turbam eorum qui pro ea & percussoribus Julii Cæsaris steterunt, repræsentans, in cujus victoriæ monimentum Barbatus Antonii Quæstor denarium cum illius effigie, & nomine tantùm Cæsaris percussit.

## XXIII.

M. ANT. IMP. AVG. III VIR. R. P. C. M. BARBAT. Q. P.  
Caput M. Antonii, L. ANTONIVS COS. Caput L. Antonii Consulis.



M. Antonius L. Antonium fratrem post exactum plebis Tribunatum, secum ad obsidionem Mutinæ, in qua erat D. Brutus, duxit: unde ambo hostes P. Romani declarati sunt; sed Marcus per Triumviratum cum Lepido & Cæsare initum, eum Consullem designavit pro anno V.C. <sup>712</sup>/<sub>13</sub>. Barbatus verò, quum ab Antonio Triumviro dimissus fuisset id dissimulavit, & denarios in honorem novi Consulis L. Antonii percussit, & postquam veteranos ex coloniis Antonii contra Cæsarem in bello Perusino, ex L. Antonii partibus ad Cæsarem traduxisset, eum postea sequutus est, ut inquit *Appianus*, lib. 5. „ Interea Barbatus „ Antonii Quæstor, ab offenso dimissus, sciscitantibus militibus respondit. Eum irasci gerentibus bellum contra Cæsarem & communem potentiam, quo factum est, ut quotquot „ dolum Barbatum non senserunt, à Lucio deficerent ad Cæsarem.

## XXIV.

M. ANT. IMP. III VIR. R. P. C. M. NERVA PROQ. PR. *Proquæstore Provinciali*, L. ANTONIUS COS. Caput L. Antonii.

Lucius Antonius consulatum gessit cum P. Servilio Vatia Isaurico II. anno <sup>712</sup>/<sub>3</sub>. Marcus Cocceius Nerva, quem Lucium appellat *Appianus*, sed cujus denarii constanter Marcum nominant, Proquæstore Triumviri, in honorem L. Antonii tunc Consulis denarios cum ejus imagine expressit. Nomen autem Proquæstore, eum in quæstura, quæ, etsi ignoratur, prorogatum ab Antonio Triumviro Cocceium Nervam hoc anno fuisse demonstrat. Ejus dexteritatem in componendis amicorum dissidiis in Cocceia gente exponemus.

## XXV.

ANT. AVG. IMP. III VIR. R. P. C. Caput M. Antonii, PIETAS COS. Mulier stolata stans, d. temonem transversum, s. cornucopiæ: pro pedibus, ciconia avis.

L. Antonius, quum in stirpe sua Antoniorum nullum inesset cognomen, ob arctam quam cum Marco amicitiam habebat, & beneficia ab eo accepta, Pietas cognomen assumpsit, teste *Dione*, lib. 48. „ Sed L. Antonius causæ societate cum Fulvia contracta, ac si id fratris sui Marci causæ faceret,

# A N T O N I A.

25

ceret. Διὰ τὸ πρὸς τὸ ἀδελφὸν εὐσεβεῖαν καὶ ἐπωνυμίαν ἑαυτῷ Πίετας ἔπειθετο. Nam Pietatis quoque cognomen sibi propter suam in fratrem pietatem sumpserat. Ideò Consul factus, fratris imaginem, & in averſa parte, Pietatis ſignum, cognomini ſuo alludens, in denario expreſſit. Acerra in manu Pietatis, ad deos ſpectat, nam pietas erga parentes inchoat à pietate erga deos.

## XXVI.

ANTONIUS IMP. III VIR R. P. C. Caput M. Antonii, in poſtica, PIETAS COS. Mulier ſtolata ſtans, d. acerram, ſ. cornucopiæ, in cujus vertice duæ ciconiæ.

Alterum ecce denarium L. Antonii Conſulis cum cognomine PIETAS, & ipſius Pietatis ſigno cum ejus ſymbolo, ciconia. Pietas dea fuit, & ipſa culta, qua & cæteros deos colebant antiqui, cujus ædem dedicavit M. Acilius Glabrio in foro Olitorio apud *Livium*, lib. 10. Dec. 4. Ciconia pro ſymbolo Pietati tribuitur, quod illa pietatem erga parentes denotat, ſi quidem illa avis patrem ſenio conſectum ſuper alas gerere, & illi eſcam afferre dicatur; etiam ciconiæ apud Augures concordiam denotabant, unde ex pietate & concordia naſcitur abundantia, cujus ſymbolum eſt cornucopiæ.

## XXVII.

ANT. IMP. III VIR. R. P. C. Caput Antonii, pone quod lituus, CN. DOMIT. AHENOBARBUS IMP. Navis, in vertice aſtrum.

Cn. Domitius Ahenobarbus hunc cudid denarium, poſtquam Antonii partes ſequutus eſt anno V. C. <sup>713</sup>/<sub>4</sub> Is ex *Dione*, lib. 48. unus, ex Cæſaris interfectoſibus ex Philippienſi pugna effugerat, parataque claſſe aliqua mare aliquamdiu jam tenebat, ac multa rebus hoſtium damna inferebat, *Appianus* lib. 5. Quùm ad Caſſium Brutumque ſe propinqua ſibi cognatione conjunctos contuliſſet, poſt utriuſque interitum claſſem olim commiſſam retinuit, auxit etiam. At quùm videret bellum Peruſinum conſectum, ſuis viribus diffidens ad mare Ionium tenendum, M. Antonio ſponte & ingentis meriti loco claſſem tradi- dit. A militibus Imperator appellatus, ejus titulum in denariis acce-

accepit. Stella verò nomen navis, quam conscendebat, designare videtur.

## XXVIII.

III VIR. R. P. C. Caput concordiae velatum, M. ANTON. C. CAESAR. Duæ dexteræ tenentes caduceum.

Videtur hic denarius cum capite Concordiæ ad illam denotandam inter Antonium & Cæsarem percussus, præsertim quum utriusque nomina in eo inscripta sint; sed dexteræ tenentes caduceum per eam cuius symbolum illæ sunt, pacem inter eos factam etiam arguunt: nam post Perusinum bellum Fulvia Antonii uxor ad eum se recepit, & ipse Brundisium ex Oriente, qui illi cesserat, quum veniret, à Cæsaris militibus urbis ingressu prohibitus est; unde bellum inter eos exortus est, & Cocceii Nervæ utriusque amici interventu pax, exercitu utriusque eam exoptante inita est, & Fulvia Sicyone tunc mortua, Octavia Augusti soror in uxorem Antonio ad eorum concordiam & pacem firmiorem reddendam, communi utriusque partis consensu data est; quæ forsitan sub deæ Concordiæ in denario representatur.

## XXIX.

M. ANTONIVS IMP. Caput Antonii, ex averſa parte, CAESAR IMP. Caduceus alatus.

## XXX.

CAESAR IMP. Caput Cæsaris, ex altera parte, ANTONIVS IMP. Caduceus alatus idem.

## XXXI.

Alter cum simili capite Cæsaris, in postico latere duæ dextræ tenentes caduceum, M. ANTON. C. CAESAR.

Antonius & Cæsar ut se verè pacem simul fecisse demonstrarent, denarios cudi curant, ut modo ab una parte caput Antonii & nomen Cæsaris, modo Cæsaris imago, & nomen Antonii, imò utrumque ab altera videretur; cum pacis symbolo nempe caduceo. Post ictum hoc postremum fœdus, in urbem deinde reversi nuptias celebrarunt, & quum ad res urgentes obeundas prospexissent,



spexissent, bellum contra Pompeium Cæsari obvenit, Parthicum verò Antonio, ad ulciscendam illatam Crasso injuriam. Hic Ventidium in Asiam dimisit, & Cæsar exercitum Salvidieni quem occidit, ut suspectum, dedit Antonio, apud *Appianum*, quæ omnia sunt veræ pacis & concordiae signa.

## XXXII.

Caput Antonii: ex altera parte, M. ANTONIVS III VIR R. P. c. Duo cornucopiæ, intermedio caduceo alato supra globum.

Antonius ut pacem verè cum Cæsare initam demonstraret, denarios etiam signari iussit cum caduceo pacis symbolo; sed illo globo imposito, ut se totum terrarum orbem cum Cæsare divisisse significaret, & sic per pacem inter eos sancitam, omne genus abundantiae in utramque orbis sui partem futuram, de quo *Appianus lib. V.* „ Tum Antonius & Cæsar totum Romanum imperium inter se denuò partiti sunt, feceruntque terminum „ utriusque ditionis Scodran, oppidum Illyricum, quod vide- „ batur situm in intimo sinu Adriatico, ab hoc versus Orien- „ tem, ut omnes Antonius haberet tam insulas quàm provin- „ cias usque flumen Euphratem: versus Occidentem verò Cæ- „ sar usque Oceanum.

## XXXIII.

ANTONIVS AVGV R COS DES. ITER. ET TER. Caput Antonii M. SILANVS AVG. Q. PRO. COS. in area.

Pace inter Antonium & Cæsarem per matrimonium prioris cum Octavia, posterioris sorore, Romæ inita, fames in urbe populum premebat, ob Sex. Pompeium Siciliam occupantem, Populus, ut pacem etiam cum eo facerent illos adegit: itaque Antonius & Cæsar Baias profecti sunt, & ad Ænariam insulam colloquio cum Sexto admissi anno 717. inita est, & sequenti die, inquit *Appianus, lib. 5.* coss. designati sunt in quadriennium ante omnes Antonius & Libo, ut tamen Antonio liceret alium pro se substituere; post illos Cæsar & Pompeius, tum Ænobarbus & Sosius: deinde rursum Cæsar & Antonius. Ista verò Consulium designatio apprimè facit ad

distinguendos Antonii pro anno in quo cusi sunt ejus denarii, distinguendo.

M. Junius Silanus Lepidi Tribunus se Antonio, postquam in pugna Mutinensi debellatus ad Lepidum confugerat, adjunxit: ab hoc deinde tempore illius partes semper sequutus est & pro quaestore factus in aliqua Antonii provincia cum proconsulari potestate, denarios cum designati iterum consulis titulo, ut conveniant in pace cum Pompeio inita, percussit, quibus etiam Silanum fuisse Augurem factum docemur.

## XXXIV.

IMP. ANTONIVS AVG. III VIR. ITER. R. P. C. Caput Antonii, pone quod lituus: in averfa, Victoria coronam imponens trophæo.

## XXXV.

ANT. IMP. Guttus & gallus gallinaceus: in postica typus idem.

## XXXVI.

ANT. IMP. Lituus, Guttus & gallus gallinaceus, ex altera parte typus idem.

Qua de causa erectum sit trophæum illud à Victoria coronatum, in hoc denario & quinario, demonstrat Triumviratus Reipublicæ constituendæ iterum ab Antonio & Cæsare in quinquennium prorogatus, in fine anni consulatus Gellii & Nervæ. Postquam autem fœdera Cæsaris & Pompeii fuissent turbata, ex Syria redierat in Italiam Antonius, tamquam ad hujus societatem, sed interventu Octaviæ, Cæsar & Antonius rediere in gratiam, & antequam ex ea ad bellum Parthicum discederet, inquit *Dio, lib. 49.* „ Sexto Pompeio consularum & sacerdotium, „ quæ ei destinata fuerant, ademerunt: ac in aliud sibi quinquennium (jam enim exierat prius) principatum prorogaverunt. Deinde Antonius in Syriam profectus est.

Ventidius Antonii legatus Pacorum Phrahatis regis filium in Syria Cyrrestica prælio iniit, & trans Euphratem Parthos compu-

compulit: in cuius memoriam trophæum in Syria erectum est, & tum denarii, tum quinarii in Antonii honorem cum novo Triumviri iterum titulo percussi sunt.

## XXXVII.

M. ANTON. IMP. Caput M. Antonii, pone quod lituus; in averſa, III VIR. R. P. C. cista; ſupra quam Bacchus muliebri habitu, d. cantharum, ſ. thyrfum, hinc & inde ſerpens in gyros ſeſe attollens.

Nummus ille argenteus tetradrachmalis cum effigie Antonii, ſignatus eſt in Aſia, in modum Cistophororum, ut illi moneſtam argenteam maximam cudere ſolebant. De iis loquitur illatis in ærarium, triumpho M. Acilii de Antiocho, *Livius Dec. 4. lib. 7.* „ Præſata ſunt in eo triumpho ſigna militaria CCXXX. & argenti infecti tria millia pondo: ſignati tetradrachmum Atticum „ CXIII. millia: Cistophororum CCXLII. Cistophori verò diſti erant à cista in iis ſignata in medio duorum ſerpentum, ut norunt antiquarii, & ut quinaris Auguſti, in quo circa hunc typum legitur inſcriptum, ASIA RECEPTA. Cista verò ad Bacchum ut & ſerpentes ſpectant, at quum Aſiani acceperant, Antonium hieme præcedente Athenis Bacchum ſe alterum nominaffe (teſte *Dione, lib. 48.* Ibi inter alia quæ contra patrium morem agebat, Bacchum ſe alterum appellavit) Bacchum ipſum ſupra ciſtam in nummis exhibuerunt.

## XXXVIII.

M. ANTONIVS IMP. COS. DESIG. ITER. ET TERT. Capita M. Antonii laureati & Cleopatæ jugata: in averſa, III VIR. R. P. C. Typus idem.

Non modo in Ægypto ubi regnabat Cleopatra, perculli ſunt nummi, in quibus caput ejus cum Antonii effigie exhibetur, ſed etiam Aſiani totius provinciæ nomine in Cistophoris ſuis eorum imagines cuderunt, præſertim quum accepiſſent, Antonium ſtatim à Corcyra in Italiam remiſiſſe Octaviam, ne fui in Parthico bello periculi conſors ea foret, prætexentem.



## XXXIX.

Eadem epigraphe in corona ex hederæ foliis, cum uvæ botris implexa, cum capite Antonii, in cujus imo lituus, III VIR. R. P. C. Caput Cleopatæ supra solitam cistam, cum serpente hinc & inde in gyros circumvoluta.

Asiani in aliis Cistophoris effigiem Antonii percutiunt cum lituo, Auguratus ejus insigni, sed tamquam Bacchum venerantes, idè illius imaginem intra coronam hederaceam huic deo sacram exhibent; hederæ verò sacra Baccho, quæ contra ebrietatem facere putatur, vel quia Cissus puer fuisse in ejus comitatu dicitur, qui quùm saltaret cum Satyro, humi lethaliter afflictus, ab eo deo est in hederam transformatus: at ut Asiani in superiore cistophoro Bacchum pro Antonio posuerunt, in hoc Cleopatæ thoracem illi honoris gratia imponunt.

## XL.

Caput idem Antonii in simili corona, cum eadem epigraphe: pharetra, in qua arcus & sagittæ, cum duobus illis serpentibus, ut suprâ.

Alter prodit Cistophorus ab Asianis signatus cum eadem corona, in qua Antonii etiam effigies, sed pro cista solita inter angues, in hoc exhibetur pharetra inter arcus & sagittas. Invaluit usus, ut hic etiam tetradrachmus ex argento nummus Cistophori nomen ob formam & pondus habuerit: at si mihi conjecturæ locus, angues sunt Asiæ insignia, quæ modò cum cista Bacchi cum quo conveniunt, ad ejus cultum apponuntur: nam Bacchi sacris moris fuit cistulam ferre, in quo illius arcanorum mysteria abscondita erant, serpentes etiam gestabant Bacchantes: de quibus, *Catullus in Epith. Thetidis & Pelei*:

*Pars sese tortis serpentibus inungebant,  
Pars obscura carvis celebrabant orgia cistis.*

modo pro cista pharetram cum arcu, ob cultum quo Herculem prosequerantur; ad quem angues spectare possunt, quùm ille puer geminos angues eliserit.

## XLI.

## XLI.

M. ANTONIVS M. F. M. N. AVG. IMP. ITER. Antonius galeatus stans, pede sinistro supra proram, d. hastam, læva parazonium. III VIR R. P. C. COS. DESIG. ITER. ET TERT. Leo pede ensem, desuper astrum.

Antonius ut Mars tranquillus depictus est, post Parthos ex Asia & Syria à Ventidio ejus legato profligatos, pede calcit proram navis, tamquam trans Euphratem repulsos. Unde Imperatoris iterum verè tulit titulum. Leo in averſa parte ejus inſigne eſt, ut diximus in quinariis à Lugdunensibus percussis, in memoriâ Herculis, à quo originem trahere se jactabat: habet autem ensem, nolimus dicere, quòd eo sic armato pro sigillo utebatur, à tempore quo Julius Cæsar ei forſan dederit anulum quem gerebat Pompeius, cujus meminit *Plutarchus*, „ in illius vita; eum qui caput Pompeii sibi obtulit, ut detestabilem averſatus est. Anulum „ ejus accipiens illacrymavit. Inſculptus leo erat ensem tenens. „ Astrum ad leonem spectat, quem in gratiam Herculis à Jove inter astra constitutum, ut refert *Hyginus*.

## XLII.

Caput Antonii laureati, & Cleopatrar sine epigraphe, in averſa, Leo, ANTON. detritæ sunt litteræ.

Ex vultibus Antonius & Cleopatra dignoscuntur, sed Antonius præsertim, ut nobis eum describit *Plutarchus in ejus vita*: „ Formæ ei ingenua dignitas & barba promissa, frontisque amplitudo, & nasus aduncus faciem virilem repræsentare pictis & sculptis Herculis simulacris germanam videbatur. \* Fuit etiam ventus fama ducere ab Hercule Antonios genus, atque ab Antone Herculis filio esse prognatos. Nil mirum, si pro stemmate leonem tulerit Antonius, cujus spoliū semper Hercules gessit, quod illum in sylva Nemea inermis pro primo labore occiderit.

## XLIIL.

M. ANTON. AVG. IMP. III VIR. R. P. C. Caput Antonii, M. BARBAT. PRO PR. PR. A. *Marcus Barbatas Propratore Provincie Achaie*. Triremis cum velo & remigantibus.

*Goltzianus* hic nummus inter Antonii nummos sculptus Vale-

rium Barbatum ab Antonio irato dimissum, apud *Appianum*, confirmat illum in gratiam cum eo rediisse & provinciam Achaiam postea obtinuisse, forsan Fulviam cum Planco in Græciam sequutus est, & quum illa Sicyone mortua esset, in ejus officii gratitudinem ab eo hanc provinciam accepit, quæ postea pace cum Sex. Pompeio inita, ipsi cum Sicilia & Sardinia data est, ut narrat *Dio*, lib. 48. „ Quinquennale ei esse imperium in Siciliam, „ Sardiniam, & Achaiam. Barbatus autem se Proprætore „ Achaiam gubernasse demonstrat, & navem seu triremem in nummo signat, seu ut præfectus classis Antonii, seu quod navale in Achaia etiam Antonius haberet, cui etiam præesset.

Hic Barbati nummus non descriptus est secundum historiarum Antonii tempora, sed in gratiam Antiquariorum omnes illius Triumviri nummos, in quibus naves seu triremes occurrunt, simul & continenter proferre statuimus, ut eorum inscriptionem qui postea incident, assequi possint.

## XLIV.

C. FONTEIVS CAPITO PROPR. Capita Antonii & Cleopatrarum jugata. III VIR. R. P. C. Navis cum remis velo expanso. M. ANT. IMP. COS. DESIG. ITER. ET TECT.

## XLV.

Alter cum eadem inscriptione, ex antica parte in postica translata.

A Caio Fonteio Capitone percussus est nummus, non modò cum Antonii effigie, sed sociatam habet Cleopatram, quam adduxit ad Triumvirum ejus jussu, teste *Plutarcho*, quum Octaviam ex Corcyra Romam dimiserat, nam, inquit, „ Cleopatrarum amor, qui sopitus melioribus consiliis atque extinctus videbatur, eluxit ex integro & excitatus est, eo Syriæ appropinquante, Καπίωνα Φοντήιον ἔπεμψεν ἄξοντα Κλεοπάτρας εἰς Συρίαν. „ Fonteium Capitonem ad Cleopatram adducendam in Syriam misit. Fonteius se Proprætore inscribit, nomen provinciarum forsan erasum est, quod in Barbati nummo legitur, & Præfecti classis titulum non adscribit, quem fortasse habuit. Alios nummos in gente Fonteia proferemus.

## XLVI.



## XLVI.

M. ANT. IMP. COS. DES. IT. ET TER. III VIR. Capita Antonii & Cleopatrar sociata, M. OPPIVS CAPITO PROPR. PRAEF. CL. Navis Prætoria cum velo expanso, cum littera A. in vertice.

Quis fuerit ille M. Oppius Capito, altum est apud *Autores* silentium; illius tamen nummi, & quidem tres diversi cum legatum pro prætore in aliqua Antonii provincia fuisse demonstrant, & si mihi conjecturæ locus, ex eorum quibusdam in Sicilia parte existimo, postquam ipsa inter Cæsarem & Antonium, post expulsum ex ea Sex. Pompeium, divisa est. Pars quidem illa videtur fuisse versus meridiem, cujus præcipua urbs erat Panormus, ut solenne ejus oppidi insigne in Oppii nummo signatum demonstrat, ut fusè in illius gente demonstrabimus: interea *Dio, lib. 50.* Antonium Siciliae portionem habuisse profert, quum illum „ milites alloquentem ante pugnam Actiacam narrat. Denique „ quanta tandem portio Sicilia est, nostri imperii Oppius etiam Præfecti Classis titulum assumit, quod Panormi navale haberet Antonius.

## XLVII.

M. ANT. IMP. IT. COS. DESIG. ITER. III VIR. R. P. C. Capita averfa Antonii & Cleopatrar, pone quam prora navis, M. OPPIVS CAPITO PROPR. PRAEF. CLASS. F. C. *Fieri curavit.* Navis Prætoria cum velo, in imo littera B.

*Patini* nummum ex integriore restituimus: in hoc Antónius Imperator iterum appellatur, nempe post Ventidii legati sui de Labieno & Parthis victoriam: Oppius autem Capito nummum fieri curavit, ut ipsemet scribit, pro militum scilicet stipendio. De littera A, in nummi superioris vertice, nihil quidem protulimus, sed altera B, in hujus imo signata, nos edocet Oppium Capitonem annum secundum classis præfecturæ designare, ut videris in tertio nummo quem sumus in gente Oppia producturi, litteram Γ, tertium etiam in hac præfectura annum, quem ille, nisi perfecit, eum tamen inchoasse demonstrat.

## XLVIII.

M. ANTON. IMP. COS. DES. ITER. ET TER. III VIR. R. P. C.  
Capita Antonii & Cleopatraz sociata, L. PINAR. SCARPVS IMP.  
AF. *Imperator Africanus*. Navis Prætoria cum velo.

De L. Pinario Scarpo loquitur *Dio lib. 51.* „Ceterum Antonius  
„ in Africam quosdam misit ad Pinarium Scarpum & exercitum,  
„ quem is jam ante ibi conscriptum ad tuendam Ægyptum te-  
nebat. Ex iis verbis Scarpum Africæ præfectum pro Antonio  
fuisse colligimus, qui dum fidus ei esset, nummos ipsi & cum  
Cleopatraz imagine percussit, in quibus se Imperatorem Africa-  
num nominat, ex aliqua victoria quam ibi reportavit; ut indi-  
cat denarius, de quo in Pinaria gente dicturi sumus.

## XLIX.

M. ANT. IMP. TER. COS. Capita Antonii & Cleopatraz  
averfa, L. ATRATINVS PRAEF. CLASS. *Fieri curavit*. Duæ na-  
ves cum velis.

Alter iterum ex *Patino* per integrum refarcitus prodit, & qui-  
dem à L. Atratino è gente Sempronia percussus, is consulatum  
anno 719. ab Antonio absente suffectus, cum L. Scribonio Li-  
bone, ut ex fœdere cum Cæsare & Pompeio an. <sup>717</sup> erat sanc-  
tum, quod Antonius in ejus locum substitui posset, & hic  
ex eo tempore factus iterum consul, non legitur in ejus nummis,  
COS. DESIG. ITER ET TERT. sed COS. ITER. DESIG. TERT. quem  
tamen Romæ non iniit, quum hostis sit indicatus. Quum verò  
ex consulatu Atratinus Kal. Jul. suffecto in ejus locum C. Mem-  
mio, exiisset, Oppii Capitonis classium præfecturæ successisse  
videtur.

## L.

Eadem inscriptio cum iisdem capitibus, L. ATRATINVS PRAEF.  
CLAS. F. C. *fieri curavit*. Antonius & Cleopatra, stantes in cur-  
ru, à quatuor equis marinis tracto.

Mutilum etiam *Ursinus* nummum protulit, quem etiam de-  
scriptum scalptor non benè expressit; sed idem L. Atratinus classis  
Antonii præfectus eum fieri curavit, postquam Triumvir, Impe-  
ratoris

ratoris tertio titulum ex Armenia capta, Artuafde illius rege secum in Ægyptum abducto, de eo Alexandria triumphavit, ut narrat *Dio*, 49. Artuafdem cum conjuge & liberis secum abducens in Ægyptum reversus est, eosque inter alios captivos ante se in triumpho Alexandriam introduxit; curru ipse inventus, forsan à leonibus tracto, ut refert *Plinius* 8. lib. 16. cap. At quum denarii, in quibus trophæum cum spoliis & prora navi esset erectum, percussi fuissent ad denotandum quod pars exercitus per mare fuisset transvecta: Atratinus triumphum marinum, ut classis Præfectus, ad potentiam Antonii & Cleopatæ in mari demonstrandam, signare voluit.

## LI.

M. ANT. IMP. COS. ITER. DESIG. TERT. III VIR. R. P. C.  
Caput Antonii, P. CANIDIUS CRASSVS. LEG. A. P. legatus  
*Armeniae provinciae*. Navis Prætoria cum velo.

Nemo nescit Canidium Antonii ducem Armeniam occupasse, siquidem *Plutarchus* inquit, *in ejus vita*. „ Canidiusque ab eo in finibus Armeniæ relictus hanc domuit, Iberorumque & Albanorum regibus subjugatis usque ad Caucasum progressus est: quibus rebus nomen & fama inter barbaros Antonii potentiae est amplificata. Nil mirum igitur, si Antonius Canidium Armeniæ provinciae, postquam Artuafdem illius regem postea victum Alexandriam in triumphum duxerit: sed cur illa navis prætoriae in nummo? audias eundem *Plutarchum*: „ quum Antonius Cæsarem eum in Senatu, & crebrò ad populum criminari accipisset in Armenia. Ex templo, inquit, Canidium igitur cum XVI legion. ad mare descendere imperavit; ipse trahens secum Cleopatram concessit Ephesum, quò classis undique cogeatur. Canidius in memoriam, quod tot copias per mare transmississet, navim hanc Prætoriam in nummis suis, ad militum stipendium cufis, signavit.

## LII.

M. ANT. IMP. TER. DESIG. TERT. III VIR. Caput Antonii,  
L. BIBVLVS PRAEF. CLASSIS. Navis Prætoriae.

L. Bibulus ex Calpurnia gente M. Bibuli collegæ Julii Cæsaris  
*Vol. I.* O ris



ris in consulatu, filius fuit, & quùm pater Pompeianæ classis præfectus ex morbo apud Corcyram decessisset, à Triumviris proscriptus, in Macedoniam ad Brutum se recepit, & in gratiam Antonii & Cæsaris post prælium Philippense receptus, tandem classi Antonii præfectus est, ut narrat *Appianus lib. bel. civ.*  
 „ Βίβυλος δὲ ἐσπέσατο ἅμα τῷ Μεσάλα, καὶ ἐναυάρχησεν Ἀντωνίῳ. Bi-  
 „ bulus quoque simul cum Messala in gratiam receptus, & classi præfectus est ab Antonio, in cuius honorem cum hujus dignitatis titulo nummos signavit.

## LIII.

Eadem epigraphe cum M. Antonii & Cleopatrarum capitibus, in averſa, L. BIBVLVS M. F. PRO. SIC. *Propratore Siciliæ.* Navis velo expanso.

In secundo hoc nummo Bibulus nominatur Propratore Siciliæ, ut suprâ diximus in Oppii nummis Antonium, post Sex. Pompeii ex hac provincia expulsionem, illius partem, & si vera est nostra conjectura, quæ ad meridiem spectat, obtinuisse, cujus navale erat Panormus ex triquetra præcipuo ejus urbis insigni, in eo nummo impressa: nam classis Antonianæ præfectus semper provinciam, in qua naves stationem habebant, administrasse videtur, nummus verò iste Siciliæ portionem tenuisse Antonium confirmat, & postea Syriam ab eo accepisse narrat *Appianus*.  
 „ Κἀσσεὶ ἐς ἀλλήλους ἐπόρθμευσε, καὶ στρατηγὸς Σπιδείχθη Συρίας ὑπὸ  
 „ Ἀντωνίῳ. Copias ejus transvexit contra Cæsarem, acceptaque ab  
 „ illo provincia Syriæ. Καὶ στρατηγῶν ἐπὶ αὐτῆς, ἀπέθανον, & in ea  
 „ gubernans mortuus est.

## LIV.

M. ANT. IMP. TER. COS. DESIG. TER. III VIR. R. P. C. Caput Antonii, L. GELL. L. F. POPLICOLA M. OCTAVI Q. PRAETORI. ANT. *Lucius Gellii Lucii filius Poplicola. M. Octavius Quæstor Prætorianorum Antonianorum.* Navis cum velo & remigantibus.

L. Gellium Poplicolam consulatum gessisse an. 717. cum Cocceio Nerva nos edocent *Fassi Capitolini*; sed ex hoc nummo eum classi Antonianæ præfectum fuisse colligimus, quod confirma-

re videtur *Plutarchus*, in *vita Antonii*; quando eum in Aëtiaca pugna dextro cornu cum M. Antonio præesse scribit : Ἀντωνίου μὲν, τὸ δεξιὸν κέρας ἔχων καὶ Ποπλικόλας. Antonius cum Poplicola in dextro eorum egit. M. Octavius, qui in hoc nummio Quæstor Prætorianorum Antonianorum dicitur, etiam à *Plutarcho* in prælio Aëtiaco navali memoratur. Εἰς μέσῳ δὲ Μαρκῶ καὶ Οὐκταβίου, καὶ Μάρκου Ἰούλιου, mediam aciem M. Octavius, & M. Iulius obtinere.

## LV.

ANTONIUS CLEOPATRA. Capita Antonii & Cleopatræ jugata, ALEX. CLASS. *Alexandrina classis*. Navis cum duobus velis.

Hic nummus in gratiam Cleopatræ videtur percussus, quasi tota classis Antonii esset Alexandrina; porro *Plutarchus* narrat illum in pugna Aëtiaca naves bellicas non minùs quingentas, in quibus octo & decem ordinum erant, frequentes habuisse, & tantum numerat sexaginta Alexandrinas cum Cleopatra ex prælio fugisse, quarum regia appellata erat Antonias in gratiam Triumviri.

## LVI.

ANTONIUS AVGV. COS. DES. ITER ET TER. Caput Antonii: in averſa, IMP. TERTIO III VIR. R. P. C. Cidaris, arcus & sagitta, pone decussatim.

Cidaris seu tiara erat regum Armeniæ capitis tegumentum, & insigne, ut Tigranes ipsa decorus in suo nummo visitur, qua Parthorum reges non utebantur, sed tantum diademate: ergo denarius iste haud dubiè ad Armeniam ab Antonio aut fraude aut vi occupatam spectat, ex qua triumphum & titulum Imperatoris tertio accepit, ut nobis ille indicat; sed observandum illam Antonium anno <sup>718.</sup>9 invasisse, quum adhuc esset consul designatus iterum; nam consulatum secundum iniit tantum Kal. Januar. <sup>719.</sup>20

## LVII.

ANTONI ARMENIA DEVICTA. Caput Antonii, pone quod Cidaris, CLEOPATRAE REGINAE REGVM FILIORVM REGVM, ante quod prora navis.

Devictæ Armeniæ symbolum, cidaris est, pone caput Antonii expressa, ut & ipsa epigraphe denotat, qua de causa Antonius epulum populo dedit post triumphum de ipso regno, & rege Artabaze Alexandriae actum, & concione ad eum habita, inquit *Dio, lib. 48.* „Cleopatram Reginam Regum & Ptolemæum, „quem Cæsarionem cognominabant, Regem Regum appellari „jussit, in cujus memoriam denarius ille signatus est. Prora navis ante caput Cleopatraz, ejus in mari potentiam denotat, ut Cidaris in terra Antonii imperium arguit.

## LVIII.

M. ANTΩNIOΣ ΑΥΤΟΚΡΑΤΩΡ ΤΡΙΤΩΝ ΤΡΙΩΝ ΑΝΔΡΩΝ. Caput M. Antonii, ΒΑCΙΑΙCΣΑ ΚΛΕΟΠΑΤΡΑ ΘΕΑ ΝΕΩΤΕΡΑ. Caput Cleopatraz.

Cleopatra haud superbo Regina Regum nomine, quo se Arfacidæ insigneabant, contenta, vesanæ deæ appellationem usurpavit, patris exemplum sequuta, qui Νέος Διόνυσος vocatus est, sed ille ut frater in nummis etiam Bacchi insignia tantum prætulere; illa verò ΘΕΑ ΝΕΩΤΕΡΑ, id est, Dea Junior in tetradrachmalibus nummis ad hoc veluti percussis dici voluit: nam ut ait *Plutarchus*, ἡ νέα Ἰσὶς ἐκγεμνίη, & nova Isis. Antonius verò, ut Græcos adulates sibi Bacchi nomina tradere audiebat, ut refert *Plutarchus in ejus vita*. Διόνυσος νέος προσεγενομένης, Bacchus novus dicebatur. Sed ne Romanos irritaret, Triumvirum nomen tamquam supremi fastigii titulum sibi tantum adoptabat.

## LIX.

Caput Antonii, pone quod lituus. Al. similis cum voce IMP. In utriusque parte averfa, M. ANTONIVS III VIR. R. P. C. Caput juvenile comatum, & corona radiata insigne.

Caput illud pro Sole habetur, nempe juvenis depingebatur, quod



quod quotidie renascitur, & ob radios quos continuò emittit, corona radiata cingitur: sed cur Sol in Antonii nummis, nam quùm ille Bacchus alter vocaretur, ut ait *Plutarchus*, cum appellabant Bacchum benignum, & Sol idem esset apud Ægyptios, Solis figuram in ejus nummis illi exhibuerunt: Solem & Bacchum *Macrobius* eundem esse probat, *lib. 1. Saturnal.* Osiris verò qui Sol ab Ægyptiis appellatur; ab iis etiam Ægyptius Dionysus dictus est, ut *Diodorus* & ipse *Plutarchus* pluribus ostendunt.

## LX.

M. ANTONIVS M. P. M. N. AVGV. IMP. TER. Antonius stans, augurali habitu, in averſa, COS. DESIG. ITER. ET TERT. III VIR. R. P. C. Caput, ut ſuprà, juvenile & radiatum.

Augurali habitu Antonius in hoc denario non ſine cauſa exhibetur, & quidem velatus lituum dextra tenens, tamquam augurium capturus hoc baculo, quo cæli regiones deſcribebant, & deſignabant augures: at quùm in averſa parte caput Solis radiati expreſſum eſt, & in ſequente denario idem caput in templo viſitur, liceat mihi etiàm augurari Antonium pro loco inquirendo ad delubrum idoneo, quod illi ſub Solis imagine Ægypti extruere volebant, auſpicia captare. Nummus quùm Imperatorem tertio Antonium appellet, & conſul tantùm deſignatus iterùm, annum <sup>718.</sup><sub>9</sub> denotat, quo illum titulum ob deviſtam Armeniam accepit, antequam conſulatum ſecundum iniret, Kal. Jan. an. <sup>719.</sup><sub>20</sub>.

## LXI.

M. ANTONI. IMP. Caput Antonii: in averſa, III VIR. R. P. C. Caput Solis radiatum, in templo duarum columnarum.

Ægyptii Bacchum & Osirin unum eſſe exiſtimabant, ut refert *Plutarchus de Iſide & Oſiride.* „ Præſtat autem Osirin cum Baccho eundem facere: unde ipſi hederam Baccho ſacram vocant phenosirim, id eſt Oſiridis plantam: illi verò Osirin appellant Solem, eodem teſte *Plutarcho.* Sunt, inquit, qui Osirin diſertè aiunt eſſe Solem: at quùm templum Antonio ædificare vellent ſub Bacchi nomine, ita in illo Solis, quem Bacchum vocabant, effigiem collocarunt, in cujus memoriam & templi iconem, & Solis radiati imaginem ſæpè in denariis Antonii

exhibuerunt, præsertim quùm Alexandrum primogenitum, quem è Cleopatra filium sustulerat, Solem cognominasset apud *Plutarchum in ejus vita*, ἐπέκλησεν δὲ Ἀλέξανδρον τὸν μὲν Ἥλιον.

## LXII.

IMP. ANTON. AVG. COS ITER. DES. TER. III VIR. ITER. R. P. C. Caput Antonii, pone quod lituus, in averſa, IMP. TER. Trophæum, ad cujus imum, hinc prora navis, inde clypeus.

Quùm *Goltzianos* consulares nummos explicare simus aggressi, licet à multis pro suspectis habeantur, quod plerique non repellantur: sed hæc non sufficit ratio, modò Historiæ non repugnent. In hoc autem denario, inquit *Amicus* Imperatoris titulus Antonio datur, non qualis propter victoriam tribui more vetusto solebat, sed quo summa imperii demonstraretur, ut postea datum est Augusto; quod non videtur Antonio concessum, id Julio à Senatu fuisse concessum, ut *Dio* narrat his verbis *pag* 424. Quod patri ejus Julio fuerat decretum, & docent ipsius numismata, cur Antonius, qui Orientis & tot provinciarum erat dominus, hunc etiam titulum sibi non arrogare potuerit. Consul iterùm & Imperator tertio renunciatur, cum trophæo Armeniæ devictæ, id denotat Armeniam universam non fuisse subactam, nisi sub secundo consulatu, id est initio anni <sup>719.</sup><sub>20</sub>

## LXIII.

M. ANT. AVGV. III VIR R. P. C. Caput Antonii: in altera, IMP. TER. Trophæum in cujus imo hinc & inde clypeus, cum telis.

Trophæum seu trophæum de Armenia iterùm prodit: victoria illa de Artabaze nimis Antonio celebris videbatur, ut acquisitæ ditioni suæ regni memoria ad posteros non transfirer: unde frequens in ejus denariis illud insigne de Armenia subacta monumentum, quod hostium spoliis decoratum est, & in loco ejus regni, montibus excelsis referti, eminentiore erectum.

## LXIV.

ANTON. AVG. IMP. III. COS. DES. III. III VIR. R. P. C. ex averſa, ANTONIVS AVG. IMP. III. in medio arcæ.

M.

# A N T O N I A.

III

M. Antonius dictus est cos. designatus usque ad annum 719. quo Kal. Jan. consulatum suscepit, de quo *Dio, lib. 49. pag. 414.* inquit, hoc tempore Antonius eadem die & iniit consulatum, „ & deposuit, substituto in locum suum L. Sempronio Atriatino; „ ergo ab hoc tempore in nummis deinceps tantum perhibetur „ designatus tertium, ex foedere cum Caesare inito, ut saepius diximus. Hoc etiam observandum, quod Antonius in suis denariis dignitatem Auguris semper praeferebat, quia erat illa perpetua: nam Augures dum viverent, licet maximorum criminum convicti, sacerdotio tamen potiebantur, neque umquam privari poterant.

## LXV.

ANTON. ut supra, cum ejus capite, in postica verò, M. ANTONIVS M. FIL. Capita M. Antonii Triumviri filii.

Antonius Triumvir duos reliquit ex Fulvia uxore filios, natu majorem, vocatum etiam M. Antonium & blando nomine Antyllum, minorem verò M. Julium Antoninum; secum priorem in Asiam, Syriam & Aegyptum duxit, cui togam virilem post Actiacam pugnam Alexandriae dedit, ut refert *Plutarchus in ejus vita*: Cleopatrae & Caesaris filium inter ephebos adscripsit, togam puram, „ & virilem Antyllo dedit suo ex Fulvia filio: quamobrem agita- „ verunt convivia per multos dies, commensationesque, & festum „ Alexandrini, quo tempore etiam in gratiam Antylli percussi „ denarii, cum ejus effigie in averfa Triumviri sui patris, sed id misero fraudi fuit, & in ejus perniciem: nam Caesar, capta Alexandria, illum simulacro Divi Julii ad quod confugerat abreptum, etiam si ei Juliam despondisset, ex *Dione*, interimi jussit, ex *Suetonio*.

## LXVI.

IMP. ANTON. AVG. IMP. IIII. COS. DES. III. III VIR. R. P. C. Caput Antonii, pone quod lituus: in averfa, ALEXANDER. AEGYPT. Palma arbor, in corona ex hedera & corymbis conflata.

Ab Alexandrinis percussus est hic tetradrachmalis argenteus nummus, postquam M. Antonius & Cleopatra in Graciam contra Caesarem profecti essent, in quo Imperator IV. appellatur



tur, seu in augurium victoriæ quam relaturus erat : nam inquit *Dio*, „ *lib.* 50. Victoriæ quidem sibi certam promiserat, seu ob pri-  
 „ mum levis alicujus certaminis à suis reportati nuntium, ut in-  
 „ nuere videtur idem *Dio* : tamen Antonius hanc ipsam causam  
 „ habuit, cur non statim periclitandam pugnae fortunam cogita-  
 „ ret, levibusque certaminibus tantum vires hostium compluri-  
 „ bus diebus exploraret. Palma arbor Alexandriae urbis insigne  
 fuit, quod iis Ægyptus abundaret : corona ex hedera in gratiam  
 Antonii qui se Bacchum, ut sæpè diximus, appellabat.

## LXVII.

M. ANTO. COS. III. IMP. II. Caput Jovis Ammonis  
 cum cornibus arietinis, in altera, SCARPVS IMPERATOR. ANTO-  
 NIO AVGVRI. Victoria gradiens, d. coronam, l. palmam.

Hic denarius non modò Imperatoris quartò titulum Antonio,  
 quem numquam jure habuit, sed & consulatum III. ipsi etiam tri-  
 buit, quem Romæ numquam iniit; quum fuisset hostis P. Ro-  
 mani declaratus, & in ejus locum Valerius Messala anno <sup>723</sup><sub>4</sub> crea-  
 tus fuisset; sed cur ille à Scarpo cum his titulis percussus, id ex  
*Dionis & Plutarchi* verbis eruamus, *Dio, lib.* 51. *pag.* 446. inquit,  
 „ Cleopatra ex Actiaca pugna contendente in Ægyptum, ne cla-  
 „ des audita novos ibi tumultus concitaret. Hæc ut tuto in Ægy-  
 „ ptum adnavigare posset, victoriæ mentita proras coronave-  
 „ rat, cantionesque victoriæ obtenta usurpari consuetas, tibiis  
 concini jusserat. At ex *Plutarcho* priùs Parætonium Marmaricæ ur-  
 bem, in qua Antonius quatuor legiones ad Ægyptum tuendam  
 reliquerat, appulit, hoc nempe apparatu. Porro, ait, Antonius  
 „ in Africam delatus, præmissa in Ægyptum ex Parætonio Cleo-  
 „ patra. Antonium autem se non modò victoriæ reportasse, &  
 inde Imperatorem IV. esse vocatum, sed & consulatum III. sibi  
 delatum fuisse mentitum, verisimile est : unde Scarpus illicò dena-  
 rios ejus jussu cum his titulis ad victoriæ suadendam percussit.

Parætonii nummos fuisse cufos confirmat caput Jovis Ammo-  
 nis, cujus erat celebris ejus in hac urbe cultus : si quidem illa ex  
*Strabone lib.* 17. & ex *Stephano*, ex illius Dei nomine Hammonia  
 „ vocabatur, καλεῖται δὲ οἱ μὲν Παρεατόνιον τὴν πόλιν, οἱ δὲ Ἀμμονίαν. Vo-  
 „ cant verò alii Parætonium urbem, alii Hammoniam. At Scar-  
 pus

pus iratus quòd Antonius victoriam esset mentitus, ob cujus memoriam denarios cuderat, ab illo descivit, ut innuit *Plutarchus*. Postquam Præfectus copiis Africanis descivit ab eo, institit sibi manus inferre: verùm interpellatus ab amicis, delatus est Alexandriam, & quùm accepisset Scarpum, quando Cæsar in Ægyptum appulit, legiones suas Cornelio Gallo tradidisse, mox illuc venisse tradit *Dio, lib. 51*. Antonius cognito Cornelium Gal- lum accepto Scarpi exercitu, subito Parætonium occupasse, ad Parætonium contendit, sed frustra.

## LXVIII.

M. ANTONIVS AVG. IMP. IIII. COS. TERT. III VIR. Caput Antonii, in altera, D. TVR. & non PAR. Victoria stans, d. coronam, s. lauream.

Has notas D. TVR. non facile est interpretari, vel Decimus Turannius, vel Decimus Turulius explicari possunt. D. Turannium nominat *Cicero Ep. 5. lib. 4. ad Atticum*, sed altera major est conjectura. P. Turulius Cassii quæstor fuit, postea præfectus Antonii ex *Valerio Maximo lib. cap. 2*. Turulius in denariò signatus aut hujus frater vel filius potuit esse Scarpi quæstor, qui similem denarium cum titulo Imperatoris quartum consulisque tertio, & victoria cudit, & deinde cum Scarpo ab Antonio defecit: unde iratus Antonius P. Turulium patrem aut fratrem ad Cæsarem misit, de quo *Dio, lib. 51*. Denique P. Turulium Senatorem, unum ex Julii Cæsaris percussoribus amicum tum suum Cæsari tradidit, quem hic in insula Co occidit.

## LXIX.

C. ANTONIVS M. F. PRO. COS. Caput Camilli juvenile pileo ornatum: in averfa parte PONTIFEX. Duo simpula adverfa cum securi.

Hic C. Antonii fratris M. Triumviri denarium, cujus interpretationem leges *num. 16*. ne ut bis eadem repetamus, ordine familiaræ & non Historico sicut supra, adjecimus.

## LXX.

Caput Pietatis ante quod Ciconia: ex altera parte, L. ANTON. M. F. L. Antonius in bigis leonum, d. hastam, s. ha-  
Volum. I. P be-

benas, Victoria per aëra volitans, illi coronam porrigit.

Hic denarius plurimum *Dionem* illustrat, qui solus *Capitolinis marmoribus* suffragatur triumphum L. Antonii Triumviri fratris natu minini memorantibus.

## LXXI.

L. ANTONIVS M. F. M. N. COS. EX ALPIBVS. K. JAN. A. <sup>DCCXII.</sup>  
<sup>DCCXIII. Parr.</sup>

Is inquit, *lib.* 48. „ Ipse L. Antonius, quum de quibusdam  
„ Inalpinis à se victis triumphare vellet, quamdiu Fulvia contra-  
„ dixit, ei triumphus à nemine concessus : ubi ea demulsa con-  
„ cessit, ab omnibus decretus est : ita verbo quidem L. Anto-  
„ nius de iis, quos vicisse aiebat (neque enim aut triumpho ali-  
„ quid dignum egerat, aut omnino cum magistratu ullo ibi lo-  
„ corum fuerat) triumphavit : re autem et triumphus iste & ho-  
„ nor fuit. Consul designatus erat Lucius, & cum K. Jan. con-  
sulum iniisset cum Servilio Vatio II. triumphum egit, & in  
ejus memoriam denarium hunc percussit.

Ex anteriore parte Pietas expressa est, nam ipse *Dio*, *loco lau-*  
*dato* ait de *Lucio loquens* : „ nam Pietatis quoque cognomen sibi,  
„ propter suam in fratrem pietatem sumpserat. Ciconia Pietatis  
symbolum est; quia parentes super alas senectute debiles fert.  
Aversa pars exhibet Lucium à Leonibus in curru tractum, quod  
leo à fratre Triumviro pro stemmate haberetur, & iis summo-  
perè delectaretur, ut videre est in ejus nummis. Victoria ei coro-  
nam per aëra volitans porrigit, ad victoriam quam aiebat retu-  
lisse, indicandam.

## LXXII.

L. ARRVNT. L. F. II VIR. Caput Jovis Capitolini laureatum:  
in postico latere, JVL. ANTON. M. F. Q. MAX. AFR. Caput  
bovis insulatum, cum tæniis dependentibus.

M. Antonii Triumviri ex Fulvia filii duo, major Antyllus à  
*Plutarcho* appellatus, Augusti jussu post patris mortem occisus  
est, alter junior non modò conservatus, verum etiam sacerdo-  
tio, & quum adolevisset Prætura & Consulatu decoratus est,  
quem gessit cum Q. Maximo Africano an. <sup>743.</sup> ut denarius ar-  
guit,



guit, qui eos simul nominat, ab Arruntio iuviro, ut videtur, sacris ædibus reficiendis; qui quum *Jovis Capitolini* templum restituisset, illius caput in rei memoriam expressit, & ex posteriore parte bovis infulati pro sacrificiis caput, in sacrificii, quod consules dum magistratum inibant, monumentum exhibuit. Vide in Arruntia gente.

Octavia Augusti soror Julio Antonio Marcellam suam filiam natu majorem, ab Agrippa dimissam, collocaverat, & quum eum Juliam filiam adulterasse cognovisset Augustus, quo facinore sibi totique domui suæ perniciem maturavit, etsi filium ex Marcella L. Antonium superstitem reliquit: illius meminit *Seneca de brevitate vite*.

## LXXIII.

s. c. Caput Jovis barbatum & laureatum, ex averſa parte, q. ANTO. BALB. PR. Victoria in quadrigis, d. palmam, f. coronam.

Altera prodit Antoniorum familia cum cognomine Balbi, qui ita dicti sunt, quod linguæ vitio verba benè exprimere non possent. Hic quintus fuit filius Q. Antonii Balbi Qu. provincialis an. <sup>643</sup> paulo post quam M. Antonius Orator Quæsturam gessisset; at quum Antonia gens ante hæc tempora aliquamdiu latuisset, ignoratur quando hæc è patricia in plebeiam transiit, Q. Balbum de quo hic agimus, tantum novimus Tribunum plebis fuisse, an. <sup>664</sup> Prætozem rerum capitalium quæstionem sortitum an. <sup>669</sup> <sup>70</sup> *Autor epitomes Livii lib. 85.* illum Sardinia Prætozem bello civili Mariano, quum Cinnæ partium esset à L. Philippo, L. Sullæ Dictatoris legato, cæsum fuisse nos edocet, his verbis: „L. Philippus legatus Sardiniam, Q. Antonio prætoze pulso & occiso, occupavit.

Caput Jovis & non Triumphi, ut quidam existimant, cujus effigies in gente Papia juvenis & imberbis visitur, hic exhibetur. Victoria in quadrigis: solemne est denariorum symbolum: unde illi sunt dicti quadrigati: nota verò S. C. adest, quod eo in Sardinia Prætura ad illos signandos opus erat.

LXXIV.  
LXXV.  
LXXVI.  
LXXVII.  
LXXVIII.  
LXXIX.  
LXXX.

ANT. AVG. III VIR. R. P. C. Navis cum remis : in averſa  
Aquila legionaria inter duo ſigna militaria , LEG. PRI. LEG. II.  
LEG. III. LEG. IV. LEG. V. LEG. VI. LEG. VII. LEG. VIII.

Exercitus Romanus conſtabat ex legionibus ſuis & auxiliis fo-  
ciorum. Legionum autem numerus ut & militum equitumve ,  
qui eam conſtituebant, non ſemper idem fuit : primis enim tem-  
poribus ad quatuor millia hominum aucta eſt legio, unde qua-  
drata dicta eſt, duas quiſque conſul ad bellum proſecturus ſor-  
tiebatur; hic fere ſemper uſus uſque ad C. Marium, qui eas au-  
xit ad ſex millia peditum, legioni additi erant trecenti equites. At  
quò nò nobis ſit hic de Antonii legionibus ſermo, quot habuerit  
inquirendum. *Appianus lib. 5.* narrat in ſœdere Mutinenſi XLIII  
integris Triumviros præmia promiſiſſe, in tantum acciſus erat  
tunc legionum numerus; idem *Autor* refert, *lib. 4.* poſt bellum  
contra Brutum & Caſſium decretum Triumviros conſtituiſſe, ut  
Lepidus hoc anno conſul Romæ maneret cum tribus legioni-  
bus, & Antonius & Cæſar viginti legionibus ſinguli bellum ge-  
rerent.

Deinde *Appianus pag. 640.* quando refert Brutum & Caſſium  
copias ſuas ad Melanem ſinum recensere, compertum eſt, ait, præ-  
ſto eſſe legiones undeviginti, tot Antonio & Cæſari assignat,  
*pag. 646.* in adlocutione ad milites. Quanto res noſtræ potiores  
ſint quàm hoſtium, nunc diſcite. Numero legionum pares ſu-  
mus, quamvis multis locis reliquimus opportuna præſi-  
dia. *Idem pag. 652.* „ Paulò ante pugnam, inquit, pari-  
„ ter utrumque undeviginti legiones conſtiterant. Poſt præ-  
„ lium autem Philippenſe, *pag. 673.* ſcribit, ſupererant, annu-  
„ meratis qui à Bruto defecere, legiones undecim, ex quibus  
„ Antonius propter ſuſceptam expeditionem ſex legiones af-  
„ ſumpſit.

Poſtea

Posteà pag. 674. in Asiam profectus, Græcos allocutus Ephefi ostentans octo legiones esse sibi & Cæsari, quibus & stipendium & præmium, & quibus civitates divisurus, Cæsar abierat in Italiam, quum ad Mutinam, ut diximus, 43 numerus fuisset. Denique pag. 679. *Appianus* inquit, etsi Cæsaris legiones ex pacto in colonias tantum deduci deberent, cessit tamen Cæsar in gratiam Antonii, atque ita legiones Antonianæ in colonias deductæ sunt, sed Manius qui res Antonii curabat, questus est Cæsarem non pro xxviii legionibus, quæ pro suis partibus pugnant, sed pro xxxiiii, quæ ex fœdere Mutinensi manebant; nam in bello Perusino Calenus Antonii dux, ex eodem *Appiano*, undecim legiones pro Lucio ejus fratre produxit, sex Lucius ut Consul ex delectu habebat.

Cæsar Lucium Perusiæ obsedit, & Fulvia ad Antonium fugit, hicque Brundisium, bellum inter utrumque videbatur futurum, ni pax amicorum interventu post Fulviæ mortem inter eos inita esset, & Antonio pacta in matrimonium Octavia Cæsaris sorore, denuò Imperium Romanum diviserunt, & ut liceret utrique Imperatori habere in Italia novos delectus pari numero legionum convenerunt, & unde in Parthos profecturus Antonius.

LXXXI.  
LXXXII.  
LXXXIII.  
LXXXIV.  
LXXXV.  
LXXXVI.  
LXXXVII.  
LXXXVIII.

ANT. AVG. III VIR. R. P. C. Navis cum remigantibus in averfa; Aquila legionaria inter duo signa militaria, LEG. IX. LEG. X. LEG. XI. LEG. XII. LEG. XIII. LEG. XIV. LEG. XV. LEG. XVI.

Quanta lux Historiæ ex nummis effulget; ubi enim illa deficit; hæc sæpe in subsidium venit. *Appianus*, quem legionum numerum Antonius & Cæsar tunc conscripserint, non refert; nummi Antonii viginti quatuor illum confecisse nos edocent, & ut legionarii sibi faverent, in eorum gratiam denarios conflare jussit, quo numerus pro quotidiano cujusque stipendio esset, Julius Cæsar



far ad septem asses constituerat, & ut Augustus ad decem auxit, colligere possumus ex iis Antonii denariis, cum legionum nominibus, illud etiam ad decem asses stabilisse. At quum ille trans mare provincias suas haberet, in legionum suarum denariis ex una parte aquilam legionariam & signa militaria, & ex altera navim cum remis, ut illis terra marique operam suam daturos significaret: nisi dixeris illorum ministerio se arbitrorum maris & orientis futurum.

LXXXIX.

XC.

XCI.

XCII.

XCIII.

XCIV.

XCV.

XCVI.

ANT. AVG. III VIR. R. P. C. Navis cum remis: in poltica, Aquila legionaria inter duo signa militaria, LEG. XVII. LEG. XVIII. LEG. XIX. LEX. XX. LEG. XXI. LEG. XXII. LEG. XXIII. LEG. XXIV.

En viginti quatuor Antonii legiones ex illius nummis, ab ordine quo unaquæque constituta est; unde milites primani, secundani, tertiani, & tandem vicesimani quarti sunt appellati, quem utrumque Imperatorem numerum tunc conscripsisse ex fœdere credere est; si quidem Augustus apud *Dionem lib. 55.* devicto & mortuo Antonio, viginti tantum quinque servaverit quas ita nominant: Leg. Prima .... II. Augusta, altera Adjutrix, Pia, Fidelis, III. Augusta, altera Gallica & tertia Victrix, IIII Scythica, V. Macedonica, VI. Ferrata & altera Victrix, Leg. VII. ... & altera Gemina, Pia, Felix, VIII. Augusta, IX. Hispaniensis. X. Fretensis & altera Gemina, Pia, Fidelis. Leg. XI. ... XII. Fulminatrix. XIII. Gemina, Pia, Fidelis, XIII. Gemina Martia Victrix. XV. Apollinaris. Leg. XVI. ... leg. XIX. ... XX. Valeria Victrix, XXII. Primigenia, Pia, Fidelis.

Observandum legionis primæ denarium nec in *Ursino*, nec in *Patino*, nec in *Thesauo Regio* reperiri; *Patinus* verò vicesimam quartam proferre, quam numquam inspeximus, nec eam etiam profert *Ursinus*.

XCVII.

## XCVII.

ANT. AVG. III VIR. R. P. C. Navis : ex altera parte, LEG. PRIM. ANTIQVAE. Aquila legionaria inter duo signa militaria.

Inter legionum Antonii numerum, quarum nummi nobis superstites sunt, aliæ continuato numero usque ad vigesimam quartam occurrunt, aliæ verò cum legionis numero & vetus nomen retinuerunt, inter illas hæc apud *Goltzium* prima Antiqua descripta est, de qua in sequente denario.

## XCVIII.

ANT. AVG. III VIR. R. P. C. Navis cum remigantibus : in averſa, LEG. XII. ANTIQVAE. Aquila legionaria inter duo signa militaria.

Dum nobis veterum Scriptorum Historia nihil ad nummorum interpretationem suppeditat, ad conjecturas licet confugere, & quidem nostra forsan vana non existimabitur, si Antonium in civili bello contra Cæsarem, quinque ex nummorum fide novas constituisse proferamus, duasque ex veteranis, apud quos inclytum semper nomen erat Antonii, quas primam ANTIQVAM & alteram XII. Antiquam nuncupasset, & ne præscriptum viginti quatuor numerum excedere videretur, eam sub duodecimæ nomine numeravit, vel quod illæ ante legionum partitionem inter Triumviros illæ legiones jam Antonii essent.

## XCIX.

ANT. AVG. IMP. R. P. C. Navis cum remigantibus : in altera, LEG. XVII. CLASSICAE. Aquila ut suprâ.

Tertia hæc est Antonii nova legio ab eo appellata Classica, quod illa scilicet in classe sola stipendia merere deberet, vel quod ad classis navale servandum esset conscripta : nam Forum Julii civitas in Provincia Narbonensi apud *Plinium lib. 3. cap. 3.* dicta erat Colonia Classica, quia erat deducta in urbem ubi classis Romana stationem habebat, & illa legio sub numero XVII. ab Antonio est collocata.

## C.

ANT. AVG. III. R. P. C. Navis cum remigantibus : in poetica , LEG. XVIII. LIBYCAE. Aquila ut supra.

Dubium non est, quin hæc legio à regione ex qua aut in qua circumscripti essent milites, nuncupata sit, sed sub Libyæ nomine latè sumpto, Antonius Marmaricam, Cyrenaicam & Libyam propriam quæ ejus dominio erant subjectæ intellexit, quum nihil illi Cæsar ex Africa quam Lepido abstulerat, dedisset; hæc autem novæ viginti quatuor primis additæ efficiunt viginti novem, nam numerus viginti quatuor videtur ex nummis fuisse completus, si quidem legiones XII. XVII. XVIII. imò & XX. sine illis nominatæ sint.

## CI.

ANT. AVG. III VIR. R. P. C. Navis : ex averfo latere, LEG. XX. HISPANICAE. Aquila legionaria inter duo signa militaria.

Nomen hujus legionis quæ XX. Hispanica nominatur sententiam nostram de nova legionum ab Antonio pro bello contra Cæsarem constitutione oppugnare videtur : nam quomodo ex Hispania tam longè remota quæ ipsi non parebat, instituisset, illa potius Antonii legiones vetus nomen servasse indicat, etsi nummi illius eas per numerum exhibuerint; nisi dicamus ex tot legionibus nomine Hispanicæ quæ apud *Wolphangum Lazium* recitantur, unam confectam fuisse, vel XX. esse restructam, ejus inscriptionis reperiæ in Hispania Citeriori meminit ille *Autor*, lib. 5. cap. 26.

## CII.

ANT. AVG. III. VIR. R. P. C. Navis cum remis, ANTONIVS ET VERVS AVG. REST. LEG. VI. Aquila ut supra.

Nummus in quo legitur LEG. VI. cum epigraphe, REST. non legionem sextam M. Antonii ab Antonino & Vero restitutam fuisse, sed illos Imperatores legionum Antonii denarios restituisse denotat; nam Imperatore mortuo, ejus moneta non amplius in usum erat, nisi aliquo decreto Princeps illum prorogabat, & restitutione in iis signata sit, nummos consulares plurimos in hoc opere ab Augustis Principibus cum inscriptione REST, observabis, ut & num-



nummum quintæ legionis à Vespasiano se vidisse testatur ipse *Ursinus* cum litteris VESP. IMP.

## CIII.

ANT. AVG. III VIR. R. P. C. Navis cum remigantibus: ex altera, CHORTIVM PRAETORIARVM. Aquila legionaria inter duo signa militaria.

Cohors à cohortando dicta, quod se mutuò ad pugnam hortaretur, legionem constituebat, quæ ex decem Cohortibus constabat, & in manipulos dividebantur, sed cohortes à Mario institutas putant viri docti, quia in tota *Livii Historia* Cohortium nulla fit mentio; Ex Sex. Pompeio Prætoria cohors dicta est, quæ à Prætore non discedebat. Scipio enim Africanus primus fortissimum quemque delegit, qui „ ab eo in bello non discederet, & cetero munere militiæ & sescui „ duplex stipendium acciperet.

*Dio* de Julio Cæsare, lib. 38. sic narrat. Cæsar Cohortem prætoriam sibi delegit quod illorum benevolentiam peculiarem quamdam semper senserat. *Appianus* lib. 11. de bello civ. Cohortes prætorias à se amovisse narrat ex Pharsalica pugna, & ex Ægypto „ Romam redux. Cohortes etiam prætorias, quibus bellorum tempore pro satellitio usus fuerat, amovit à sui custodia, contentus Solis apparitoribus publicis.

Duæ erant Proconsulum Cohortes prætoriæ, una Evocatorum, qui militia perfuncti & emeritis stipendiis tamen rursus militatum evocabantur. Altera Voluntariorum. *Appianus* lib. 3. de bello civ. Prætorianos Antonii & Prætorianos Cæsaris memorat; sed hæc Prætoriæ cohortes ad Antonii in terra satellitium, & ut navis Prætoria Antonii ex eodem Autore recensetur, ipsæ in Antonii denario signatæ ad ejus etiam in mari satellitium spectari videntur, quot autem Prætorias habuerit cohortes, ignoratur; illæ verò Aquilam legionariam tamquam ex legionis corpore, pro symbolo præferebant, ut indicant ipsi denarii.

## CIV.

ANT. AVG. III VIR. R. P. C. Navis cum remigantibus: in averfa, CHORTIS SPECVLATORVM. Tria signa militaria cum pro-  
ra navis in quolibet.

Cohors & Chors ex *Varrone* dicitur, 4. de lingua Latina. Sed  
Volum. I. Q ista

ista speculatorum dicitur, speculatores autem à specula dicti, id est loco edito; unde aliquid eminùs videri & prospici potest, ideò ab Antonio instituta est, ut in navium excelsiore loco explorarent, & excubias agerent: & sic Cæsaris Romæ institutum quodam modo superaret, nam ille postquam ex Sicilia Sex. Pompeium expulisset, Romam reversus, Vigilum cohortes instituit ex *Appiano lib. 5. pag. 746.* „ Et ex illo tempore institutas aiunt cohortes „ vigilum, quæ durant nunc quoque.

Cohortis istius insigne non ut cohortium Prætoriarum Aquila legionaria est, quod in legionem non cooptaretur, sed ut equites in terra specularentur, & præcurrerent, signa militaria præferunt, & quùm in mari etiam specularentur, navium proras adhibent: de speculatoribus loquitur *Appianus, lib. 5. pag. 584.* „ Hi „ in Antonianos inciderunt equites, sive præcursores Lucii, sive „ speculatores etiam, confertisque manibus occiderunt aliquos.



## A P P U L E I A.

**A**PULEIA seu APPULEIA gens, nam utroque modo inscribitur, plebeia fuit & quidem consularis: Cn. Apuleius Panfa Tribunus plebis jam renuntiatur ab anno <sup>308</sup>, aliud ei cognomen fuit, nempe Saturninus, sed neuter eorum in nummis reperitur: unde verò gens illa dicta sit Apuleia, liceat nobis augurari. An ex Apulia provincia, unde originem ille habuerit? Græci autem Apuliæ nomen deducunt, ἀπὸ τῆς ἀπολείου, id est *decidere*, cur non potius ἀπὸ ἀπλεύειν, id est *liberare*, quod Apuleius liber factus sit: nec te moveat vox Apuleius pro Apulius, nam <sup>ei</sup> pro, olim usurpari nemo nescit.

### I.

Caput Jani bifrontis: in averfa, L. AP. prænomine cum gentis nomine in forma monogrammaticis conjuncto: Navis in imo, ROMA.

Antiquitatem redolet hic nummus, scripturæ forma nempe prænominis cum nomine conjuncta, id arguit, cui nummi pondus adjiciendum. As ille uncialis est, & factus postquam sub Fabio Maximo Dictatore in secundo bello Punico, non sufficiente impensis Republica, quum As ad sestertiarium in primo jam esset diminutus: idè ad L. Apuleium Saturninum Tribunum Plebis an. <sup>181</sup>, & postea Prætorem factum Provinciale <sup>187</sup> in cujus prætura nummos illos percussit. De Jano bifronte Assium Romanorum frequente symbolo, abundè diximus.

### II.

Caput Herculis pelle Leonina amictum, pone quòd tres globuli: In averfa navis, in vertice, L. AP. in imo, ROMA, ad latus dextrum tres globuli.

L. Apuleius ut asses cudit unciales pro moneta ordinaria, sic & minutos bidrachmales, id est quadrantes pro usu faciliore signavit, in his Herculem exhibuit, cujus cultum Romulus ex Ar-



cadibus vicinis adsciverat, & sacra in foro Boario, ritu Græco ab Evandro constituta instituit. Hercules autem pelle leonina ornatus est, ob primum in leone Nemeo occidendo laborem, cuius pellem exinde semper gestavit.

## III.

Caput Romæ galeatum, cum tribus globulis: in averſa AP. Navis, cum tribus etiam globulis, in imo, ROMA.

Ab eodem L. Apuleio cuſum fuiſſe hunc ex ære nummum demonſtrat eadem ſcripturæ nominis cum prænomine formula. Tres illi globuli tres uncias valere & quadrantem denotant, nempe bello ſecundo Punico, quando aſſes librales ad ſextentarios diminuti, urgente nempe Hannibale, facti ſunt tandem unciales, & ſic Romæ caput, ſolitum eſt monetæ ſymbolum ut Romanam illam eſſe indicaret, quod etiam in denariis sæpè obſervatur.

## IV.

Caput Jovis Capitolini laureatum: in averſa, SEX. APPVLEI. SEX. F. ſimpulum, aſperforium, tripus, lituus, & patera, ſuper tripodem fulgur.

Sex. Appuleius Sexti filius fuit qui Tribunatum plebis geſſit anno <sup>668</sup>, ipſe verò proſcriptus per uxorem ſervatus eſt ex *Appiano lib. 4.* „ Apuleio, inquit, interminata eſt uxor, indicaturam ſe eum ſi ſolus fugeret: atque ita invitus eam ſecum duxit. Id multum ad evitandam fugæ ſuſpicionem profuit, quod uxore, ſervis, ancillis comitatus per publicam viam iter fecit, ad conſulatum per honorum gradus & triumphum venit: itaque anno 724. factus eſt Conſul cum Cæſare V.

Caput Jovis & instrumenta in parte averſa, pro ſacris faciendis, videntur ſignata in memoriam ſacrificii, quod propter adventum Cæſaris Urbem ex Græcia ubi Sami conſulatum inierat, intrantis fecit in conſulatu ſuo Apuleius: uti ejus initio decretum fuerat referente *Dione*, nempe ut dies qua in Urbem intraſſet, ſacrificiis publicis celebraretur ſemperque feſta eſſet; ſed ille *Autor* „ id à Valerio Porito quem Apuleio ſuſſectum ait, factum tradit. „ Is igitur publicè pro S. P. Q. R. propter adventum Cæſaris ſacri-

sacrificavit, quod ante id temporis pro nemine umquam factum fuerat.

Hæc omnia ab Apuleio confecta fuisse probat hic denarius: nam præter instrumenta pro sacris solita, additur tripus, supra quem Consul sacrificavit, & quidem super illum fulmen ad indicandum quod sacrificium Jovi Capitolino sit factum, quod confirmat imago ipsa hujus dei in parte anteriore expressa: nummio adstipulatur *Tabula Capuana*, quæ hoc anno Consules suffectos nullos adjicit. *Xiphilinus* Apuleium cum Mæcenate inter amicos Cæsaris refert in *Augusto*: non verisimile est, quod adventum suum ipsi consulem suffecerit, nec primus est *Dionis* lapsus, nisi dicamus, ipso die quo in Senatu decreta sunt illa pro Cæsare sacra, illico nummum hunc cudisse Apuleium quod litteratorum, Antiquariorum judicio submittimus.

## V.

Caput Neptuni coronatum, & tridens humero dextro per transversum: in averſa, SEX APVLEI. PR. COS. EX S. C.

Hic denarius ad Appulei triumphum de Hispania citeriore spectat de quo *Capitolina fragmenta* hæc habent.

## VI.

SEX. APPVLEIVS SEX. F. SEX. N. PROCOS. A. DCCXXVII.  
DCCXXVIII. Varr.  
EX HISPANIA VII. K. FEBR.

*Dio* narrat anno <sup>725</sup>/<sub>6</sub> Cantabros, Vaccæos, Asturesque in armis fuisse, quos Statilius Taurus domuit, sed denarius & *Faſti* eos illa reſumpſiſſe demonſtrant, in quos Proconſul Appuleius miſſus eſt anno <sup>726</sup>/<sub>7</sub> & denarius quàm Triremem Prætoriam & Neptuni caput exhibeat, illos exercitum navalem formaffe, quem prælio ſuperavit & proſtigavit Proconſul, in cujus rei memoriam Senatum Apuleio triumphum decreviſſe, & nota S. C. & *Faſti* confirmant.

## VII.

CAESAR AVGVSTVS TRIBVNIC. POTEST. Caput Auguſti nudum. SEX. APPVLEIVS SEX. F. III VIR. A.A.A. F. F. in circulo. S. C. in medio arcæ.

Q 3

Sextus

Sextus ille Appuleius est superioris filius, qui à Cæsare in gratiam patris factus est Triumvir monetalis; nam post Actiacam pugnam, & postquam Tribuniciam potestatem accepisset, ad veterem formam Triumviros monetales reduxit, quos Julius Cæsar ad quatuor auxerat, ut suprà diximus. Sex. Apuleius etiam Consulatum ut pater, obtinuit anno <sup>766</sup><sub>7</sub> illoque Consule mortuus est Augustus, ut nos docet *Dio, lib. 56.* „ Namque anno infelicitatis Sex. Apuleio, Sex. Pompeio consulibus in Campaniam profectus Augustus exhibito Neapoli spectaculo, Nolæ morti concessit.

## VIII.

AVGVSTVS TRIBVNIC. POTEST. in medio coronæ querceæ, M. APPVLEIVS SEX. F. III VIR. A. A. A. F. F. circa ambitum in medio aræ, s. c.

M. Appuleius frater fuit Sexti Apuleii, qui Consul fuit anno <sup>724</sup><sub>5</sub> superiorisque patruus. Quæsturam egit in Asia, unde rediens cum pecuniis Romam profecturus anno V. C. <sup>709</sup><sub>10</sub> M. Brutum amicum & familiarem sibi reperit, in Græcia jam bellum molientem cui pecunias & naves tradidit, ut *Plutarchus* tradit in *vita Bruti*, anno sequenti <sup>710</sup><sub>11</sub> inter proscriptos numeratus, ex *Appiano lib. 4.* sumpta centurionis persona, & servis ornatis militanter, per portam cursu cum Arruntio evaserunt, quasi persequerentur alios, Appuleius tandem ad Brutum, ut Arruntius ad Pompeium navigiis delati sunt; hic cum Pompeio in Urbem rediit, ille Bruti auspiciis rexit Bithyniam: quo cæso & tradita Antonio provincia, reditum impetravit; tandem à Cæsare factus Triumvir monetalis, hunc nummum in ejus honorem signavit, consulatum etiam gessit anno <sup>733</sup><sub>4</sub> novem seriùs quàm frater.





## A P R O N I A.

**A**PRONIA gens plebeia & consularis, plebeia quidem, quùm Cn. Apronius renuntietur Tribunus plebis an. <sup>127</sup> unde verò nomen, an ab ἀπρονος, id est *incautus*, an ab apro famoso interfecto, ut quidam autumant.

### I.

SISENNA APRONIUS. III VIR. Inter Incus quadrata, in averfa, GALVS MESSALLA A. A. A. in area, s. c.

Inter quatuor illa monetaliū nomina legitur Apronius, qui ex iis recensetur. Tres alii cum folis cognominibus Apronius cum gentis tantum nomine appellatur, haud dubiè quòd ille cognomen non haberet, & nummus videtur spectare ad L. Apronium, qui consulatum obtinuit, de quo postea sumus dicturi. Incus in nummo apposita, quod supra eam cuderetur primò moneta in templo Junonis signata est, unde illa Juno moneta appellata est, deinde juxta templum monetæ officina constructa est.

### II.

MESSALLA. APRONIUS III VIR. Incus, ut suprà. In averfa, GALVS SISENNA. A. A. A. in area, s. c.

Non semper observatus inter monetales nominum ordo, aut à Scalptore procedit, aut quod qui monetam signabat in officina sua, primus ab artificibus scribebatur; sed altera ratio cur quatuor monetales leguntur, & tantum dicti sint Triumviri, magis Antiquarios torquet: ideò Apronio unum ex iis cognominibus tribuerunt; alii illum Sisennam, alii Gallum appellarunt, sed cognomen ante Apronii nomen scriptum huic refragatur; dicendum igitur nummum fuisse cūsum à Quatuorviris monetilibus, ex quibus unus extra ordinem ob aliquam monetæ cudendæ necessitatem sub Triumvirorum nomine solito ut sæpè in iisdem Augusti nummis duo nomina Triumvirorum apponuntur, & tamen III VIR. signatur, ut C. GALLVS. C. LVPER-  
CVS

CVS III VIR. A. A. A. F. F. & plurimi alii. De Incude vide in nummo gentis Carisiæ.

## III.

GALVS. MESSALA. III VIR. Cuneus: in averſa, SISENNA APRONIVS, in area, s. c.

Diverſo adhuc ordine prodeunt Monetaliū nomina, ut in diverſis officiis moneta ſignata, cui alter ex Monetaliſus præerat, ut ejus nomen aliis præponeretur. In his minutis æreis, modò incus, modò cuneus inverſus exhibetur ad denotandam his instrumentis monetam eſſe ſignatam: materia autem æris, argenti, aut auri ſtabatur, id eſt, ſtatu calefaciendo fundebatur, deinde feriebatur, unde in nummis A. A. A. F. F. Ære, argento & auro ſtando feriendo.

## IV.

Caput Herculis pelle leonina tectum & barbatum, cum clava ſupra humerum lævum, EX s. c. In averſa, Elephas, L. APRONI. IMP. In vertice, M. MVTIL. PR. P. *Marcus Mutilus Proprætor*, in imo.

L. Apronius in hoc denario Imperator appellatur, haud dubiè quando legatus Germanici ob res proſperè geſtas in Germania inferiore illi ornamenta triumphalia à Senatu decreta ſunt, ut tradit *Tacitus*. „ Decreta eo anno nempe <sup>767</sup>/<sub>8</sub> triumphalia inſignia A. Cecinæ, L. Apronio. C. Silio ob res cum Germanico geſtas. Primò autem Agrippæ triumphalia ornamenta conceſſa eſſe tradit à Tiberio, & *Suetonius* forſan Senatusconſulto ut nota | S. C. in denario confirmat.

M. Papius Mutilus tunc in Germania inferiore legatus Cæſaris Proprætor an. <sup>767</sup>/<sub>8</sub> L. Apronio Germanici præfecto conſulari: nam conſulatum geſſerat.

Suſſectus Cal. Jul. an. <sup>760</sup>/<sub>1</sub> & ipſe L. Mutilus Kal. etiam Jul. ſed anno ſequenti <sup>761</sup>/<sub>1</sub> conſulatum inierat, denarios Senatusconſulto percuffit, ut voces ex S. C. denotant, quò jam exercitus eum Imperatorem appellaret, & ipſe Senatus ob res benè geſtas ornamenta triumphalia decreviſſet. Quod Germania inferior à Proprætorè regetur, lege *Dionem*, quò illa eſſet Cæſaris pro-

provincia, & *Tacitus Annal.* 5. id de ipso L. Apronio refert. Quod, inquit, ubi L. Apronio inferioris Germaniæ Proprætor<sup>780.</sup> cognitum: nam ipse hanc etiam provinciam rexit an.

<sup>1</sup> Elephas in Denario, ut eum referremus, ad res in Africa à L. Apronio gestas, quando contra Tacfarinatem missus est, tamquam ejus provinciæ insigne suadebat; sed Imperatoris titulus, & M. Muti Proprætore dignitas in Africa repugnant, qui provinciam Africæ regit, Proconsul appellatur; quippe hæc Populi Romani est, & Proconsularis vocatur sicut Asia, ut videre est apud *Dionem*: sed *Appianus* ænigma solvit, qui nos docet, legionem V. Elephantem pro insigni habuisse. „ Cæsariani, inquit, in tantum receperunt animos, ut quintani elephant<sup>780.</sup> tis se opponi deposcerent: eoque impetrato egregiè vincerent: unde hodieque ejus legionis elephant<sup>780.</sup>es sunt insignia. „ Hæc autem stationem habebat in Germania Inferiore, ut *Tacitus* & *Dio* narrant, eaque videtur Imperatorem appellasse L. Apronium, in cujus memoriam L. Mutilus in denario percussit.

## V.

TI. CAESAR DIVI AVGVSTI F. AVGVSTVS. Caput Tiberii, hinc simpulum, inde lituus: ex averſa parte.... APRONIVS.... Caput nudum.

*Patinus* ex epigraphe nummi circa ambitum, APRONIVS caput esse Apronii Africæ Proconsulis existimat, sed quum illud non satis notum & detrita litteræ sint, nihil certi indicari potest.

## VI.

Caput Drusi filii Tiberii, DRVSO CAESARI. In averſa, caput Mercurii, pone quod caduceus, PERMISSV L. APRONI. PROCOS. III.

En numisma L. Apronii Proconsulis Africæ permissu cumsum, in quo, ut diximus, Provinciæ rectores se Proconsules nominabant & non Proprætore: de illius Proconsulatu sic ait *Tacitus Annal.* 3. „ Postquam L. Apronio (nam Camillo successerat) comperta, sed ille *Autor* de illius administratione provinciæ compendiosè loquitur: nummus autem triennio ei præfuisse



nos edocet : unde ex iis quanta lux Historiæ. Camillus quidem Tacfarinatem Numidarum regem devicerat , sed quum ille an.  
<sup>772.</sup><sub>3.</sub> denuò per latrocinia bellum moveret, cum Apronius profligavit, & in desertum compulit.

Aliquid de voce, *permissu*, nobis dicendum videtur. Postquam autem Augustus monetam æream Senatui tamquam Romanæ libertatis umbram Senatui reliquisset, ille in provinciis suis cudendæ monetæ ut Augustus in illis quas habebat certis urbibus potestatem concedebat : unde in hoc PERMISSV PROCOS. & in altero ejusdem provinciæ nummo PERMISSV DOLABELLAE PROCOS. & in aliis, PERMISSV DIVI AVG. & PERMISSV CAESARIS TIBERII. Mercurius urbis, in qua signatus est nummus, videtur esse deus tutelar.



## AQUILIA.

**A**QUILIA gens inter patricias & plebeia divisa est, sed Plebeiarum cognomine Flori superstites tantum nobis sunt nummi, ejus nomen ab aquilo colore, id est, nigro desumptum est, ex *Sex. Pompeio lib. 1.* Flori cognomen à cultura florum, aut à flore quodam Romam primum allato qui hodie in nummis ab Herbariarum peritis non agnoscitur. C. Aquilius Florus primus ex hac stirpe indigitatur Tribunus plebis an. <sup>426.</sup><sub>7</sub>

### I.

Caput Dianæ, pone dorsum arcus & pharetra, PROCOS. Victoria in bigis, C. AQUILI FLORVS.

Caius hic Aquilius Florus indigitatur Marci filius & Caii nepos, Ædilis plebis fuit an. <sup>494.</sup><sub>5</sub> & Consul cum L. Cornelio Scipione an. <sup>494.</sup><sub>5</sub> Floro Sicilia, L. Scipioni classis obvenit, prorogatumque imperium Floro, de quo *Zonaras Hist. lib. 2.* urbes Amilcari plures ademisse, & ita Pœnos domuisse, ut se prælio deinceps committere non auferit; unde illi triumphus decretus ut arguunt *Fasti Capitolini.*

C. AQUILIUS M. F. C. N. FLORVS AN. <sup>CDXCV.</sup><sub>CDXCVI Varr.</sub>

PROCOS. DE POENIS IIIL. NON OCT.

In denario exhibetur Diana Venatrix, ut tutelaris Siciliae, ad denotandam Syracusarum urbem esse receptam, in qua celebris erat Dianæ cultus, ut meminit *Plutarchus in vita Marcelli.* Festum Dianæ Syracusani agebant, qua urbe capta triduo quo Marcellus fuit in ea festa fuerunt solemnia, ut tradit *Livius, lib. 30.* sed locupletes sunt nobis testes, tot Augusti denarii post recuperatam Siciliam, & ex ea depulsum Sex. Pompeium, in quibus ipsa Diana Venatrix impressa est cum voce SICILIA, & titulo, IMP. VIII. IX. X. XI. XII. Victoria in bigis, solemne est denariorum illius temporis symbolum, unde illis nomen, *bigati.*

## II.

M. AQVILI. M. F. Caput Apollinis laureatum : in averſa Pegafus, pedibus anterioribus infiliens, ſub quibus aſtrum.

Manius Aquilius, qui denarium cudit, Manii filius in eo perhibetur, ſed Flori cognomen non præfert, & ſi mihi conjicere liceat, illum ex primo genitorum ſtirpe qui gentis nomen tantum ferebant, fuiſſe ſuſpicio, is Prætor urbanus recenſetur anno <sup>619.</sup><sub>20</sub> quo ludos Apollinares edidiſſe videtur, in cujus memoriam Apollinem capite laureato expreſſit, & in averſa Pegafum, in hujus dei ſymbolum, quod quum in Heliconæ avolaſſet ſaxum ungula feriens, fontem aperuit novem ſororibus, quibus ipſe Apollo præeſt, teſte *Macrobio lib. Saturn. c. 19.* apponitur aſtrum ad denotandum illum poſtea inter ſidera receptum : unde *Manilius.*

*Aërius naſcetur equus, cæloque volabit.*

Ex Prætura Aquilius ad Conſulatum venit cum Sempronio Tuditano an. <sup>624.</sup><sub>5</sub> Aſiam ſortitus eſt Perpennæ ſucceſſor, de quo *Juſtinus lib. 36.* & *Florus lib. 2.* Reliquias belli Aſiatici conficere juſſus de Ariſtonico poſtea triumphum egit, & Aſia ſubacta nova fuit Romana provincia.

## III.

Caput radiatum Apollinis ſub imagine Solis : in averſa, M. AQVIL. in imo, ROMA. Dea in bigis, cum aſtro bicorni & tribus ſtellis.

Ejuſdem M. Aquilii Prætoris Urbani denarius eſt, ad ludos Apollinares ſpectans, in quo caput Apollinis radiatum ſub imagine Solis, qui idem eſt teſte *Macrobio Saturn. 1. cap. 17.* Virtutem igitur Solis, quæ divinationi curationique præeſt, Apollinem vocaverunt. Idemque apud *Plutarchum lib. de Iſide & Oſiride.* Apud eoſdem Apollo qui & Sol; ex averſa Lunam quæ eſt Diana: nam diverſis nominibus appellata eſt: unde

*Luna, Proſerpina, Diana.*

De qua etiam *Ovid. Metam. 15.*

*Nec par, aut eadem nocturnæ fama Dianæ.*

Iplis



Ipsis erant dicati ludi Apollinares ut Latonæ filiis uno partu editis, qui pridie Nonas Aprilis celebrabantur.

## IV.

VIRTUS. III VIR. Caput Virtutis galeatum, M. AQVIL. M. F. M. N. in imo, SICIL. Vir paludatus, d. sublevat mulierem genuflexam & procumbentem, f. clypeum gerit.

Ad Manium superioris filium spectat denarius, in quo ille Manii filius & Manii nepos indigitatur. Hæc vox III VIR, non intelligenda est de Triumviro monetali, ut quidam putarunt, quum illi non inscriberentur, sed de Triumviro reficiendis ædibus sacris, ut videre est in gente Alfinia: de quibus *Livius*, lib. 25. ita scribit: „ Comitia deinde à Prætore urbano de Senatus sententia, plebisque scito sunt habita, quibus creati sunt Quinquaginta viri, muris turribusque reficiendis, & Triumviri bini, „ uni sacris conquirendis, donisque præsignandis, alteri reficiendis ædibus. At quum Virtutis templum incendio forsitan esset consumptum aut vetustate laberetur, M. Aquilius restituit, in cujus memoriam caput ejus dei, & Triumviri titulum in denariis signavit.

Aquilius plebis Tribunus fuit an. <sup>641.</sup><sub>2</sub> Ædilis plebis, <sup>644.</sup><sub>5</sub> Præturam urbanam gessit, <sup>647.</sup><sub>8</sub> Prætor Provincialis <sup>648.</sup><sub>9</sub> Consul cum C. Mario v. an. <sup>652.</sup><sub>3</sub> Proconsul Siciliam obtinuit contra servos fugitivos qui bellum grave in hac insula excitarant, Rupilio successit, qui Eunum eorum ducem prostraverat, ille Athenione altero illorum duce capto, fugitivorum bellum confecit prorogatus Proconsul, de quibus ovans in Capitolium ascendit.

M. Aquilius. M. F. M. N. Procos. anno <sup>DLIV.</sup><sub>4</sub> ovans de Serveis fugitiveis ex Sicilia.

In cujus memoriam ille in denarii averfa parte armatus depingitur, dextra sublevans exangue corpus muliebri prostratum, tamquam imaginem adflictæ Siciliæ, à fugitivis spoliata, & ad interuersionem usque vastata, cui subscriptum est nomen, SICIL.

Nec præterire possum infelicem hujus Aquilii mortis exitum, quem consularem legatum Mithridates captum, per contumeliam miserè excruciatum occidit.

## V.

CAESAR AVGVSTVS. Caput Augusti, L. AQVILIVS FLORVS. III VIR. Flos.

L. Aquilius Florus videtur esse filius minor Aquilii illius Flori qui in pugna Actiaca an. <sup>723</sup>/<sub>4</sub> captus cum filio majore, quorum alteruter, in quem fors incidisset, mori à Cæsare iussus fuisset, uterque periiit. Nam inquit *Dio*, filius priusquam fortiretur, se percussori præbuit ultro, & pater dolore rei permotus sibi ipsi necem intulit. Filius minor factus Triumvir monetalis, ex una parte Cæsarem percussit, & ut antiquitatem cognominis denotaret, Florem exhibuit, unus enim à quo originem ducebat, Florus dictus est à cultura florum, vel quod florem novum aliquem produxerit; nam ille in denario expressus à rei herbariæ peritis non agnoscitur.

## VI.

CAESAR AVGVSTVS. Caput idem Augusti, L. AQVILIVS FLORVS III VIR. in imo, SICIL. Imperator galeatus sublevat mulierem genuflexam & procumbentem, s. clypeum gerit.

Alludit Aquilius inter Augustum & M. Aquilium avum suum, qui ambo Siciliam bello oppressam sublevarunt, Augustus nempe quando Sex. Pompeium ex illa expulit an. <sup>718</sup>/<sub>9</sub> & eam anno <sup>734</sup>/<sub>5</sub> constituisset, ut narrat *Dio*, Augustus in Siciliam profectus est, ut eam ut omnes alias ad Syriam usque provincias constitueret, & proavus Aquilius fugitivos Servos qui eam occupaverant, interneccione delevisset an. <sup>653</sup>/<sub>4</sub> nam quem figuræ procumbentem ab Imperatore sublevatæ typum M. Aquilius in denariis cum capite Virtutis galeato expressit, ille cum Augusti imagine, in anteriore eundem in averſa exhibet anno <sup>734</sup>/<sub>5</sub>

## VII.

L. AQVILIVS FLORVS III VIR. Caput Apollinis radiatum, CAESAR AVGVSTVS SIGN. RECEPTA. Parthus genuflexus, d. elevata signum militare.

Augustus rebus in Sicilia ordinatis in Græciam transmisit, & Sammu navigavit, ibique hyemavit, & vere anni <sup>735</sup>/<sub>5</sub> in Syriam profectus venit, ut *Dio* inquit, Phrahates, quia nihil dum eorum quæ pa-

ctus

Ætus fuerat, perfecisset, veritus ne bello ab Augusto impetere,, tur, signa ei militaria & captivos omnes misit. L. Aquilius,, tunc monetalis Triumvir nummos in hujus rei memoriam expressit, & Parthum supplicem genuflexum militare signum porrigentem exhibuit, ut & in aliis hujus anni Triumvirorum denariis videre est. Aquilius verò hac occasione ut majorum antiquos honores renovaret in gratiam Proavi sui M. Aquilii qui pro ludis Apollinaribus in Prætura sua editis, ut suprà diximus, caput Apollinis sub Solis imagine in denariis exhibuerat, ipse renovavit.

## VIII.

L. AQVILIVS FLORVS III VIR. Caput Apollinis radiatum, CAESAR AVGVSTVS. in imo, s. C. Currus triumphalis, in quo flos.

Idem Apollinis radiati caput, typum aversæ partis ad res etiam Parthicas spectare indicat, quadrigæ sunt triumphales, in memoriam nempe decreti à Senatu triumphis Augusto, quod confirmat nota S. C. in imo signata, ovans tamen modestia in urbem tantum intravit; ideò nemo in quadrigis exhibetur: Cæsar autem captivos & signa, inquit *Dio lib. 53.*, quasi bello aliquo Parthum vicisset, accepit. Nam hanc rem magnæ sibi laudi ducebat, quod præliis prius amissas res, citra ullum certamen recepisset. Itaque & sacrificia ejus rei causa decerni iussit; equo etiam ovans in urbem inVectus. Florem in curru ad antiquitatem Flori nominis indicandum exhibuerunt.

## IX.

AVGVSTVS CAESAR. Caput Augusti. L. AQVILIVS FLORVS III VIR. Scorpio.

*Dio* denarium Aquilii Flori cum Scorpione interpretatur, *lib. 53.* dum nobis narrat, quidquid Augustus in Syria egerit, postquam Phrahates Parthorum rex ei captivos & signa militaria misit: nam, inquit, Mithridati cuidam Commagenem, quod ejus Rex *Antiochus*, patrem hujus Mithridatis occidisset, puero etiamnum attribuit; quod nobis indicare voluit Aquilius Florus tunc Triumvir monetalis, quum in Augusti denario Scorpionem Commagenis regni insigne expressit, id norunt *Antiquarii*, qui Antiochi Commagenes regis Epiphanis Magni aut Jotapæ illius tra-

Ætus



ctus Reginae nummos tractarunt; in quibus Scorpio idem exhibetur, cum epigraphe, KOMMATHNON.

## X.

L. AQUILIVS FLORVS III VIR. Caput Virtutis galeatum, CAESAR DIVI F. ARME. CAPTA. Mulier genuflexa capite tutulato & habitu patrio, brachiis expansis.

Quum Armeniae majoris populus, inquit Dio, lib. 53. Artabazem, quem verius Artaxiam, qui Artabazis filius erat, *Tacitus* appellat, Ann. 2. „ accusaret Tigranemque fratrem ejus, „ qui tunc Romae erat evocaret. Augustus Tiberium accersivit, „ ut Artaxiam regno pelleret, Tigranemque ei praeficeret: Tiberius ab Armeniis ante ejus adventum occiso Artaxia, eum deduxit: unde nummi percussi, in quibus ARMENIA RECEPTA ET ARME. CAPTA. Mulier ab Aquilio Floro genuflexa in hoc brachiis expansis supplex, Armenia regem deposcens, depingitur.

Primis autem temporibus, quibus denarii percussi sunt, in iis frequens Romae caput & Jupiter, deinde eorum successu multis modis variarunt typi, ex arbitrio magistratum, & tandem Triumvirorum. Aquilius qui majorum honores & gesta renovare voluit, in prioribus proavi sui Manii Praetoram per Apollinis radiati caput, in qua ludos Apollinares inierat, in his sequentibus, ut ab altero Manii Praetoris filio & avo suo templum Virtutis restauratum indicaret, idem ipsius dei caput, quod in denariis ille exhibuerat, ipse restituit.

## XI.

L. AQUILIVS FLORVS III VIR. Caput Virtutis galeatum, CAESAR AVGVSTVS. Figura tunicata, stans in bigis Elephantorum, d. ramum olivae, s. scipionem seu sceptrum.

Triumviris monetaliis, inquit *Pighius*: visum fuit, & nomina & titulos curasque suas singularibus notis tanto cum ingenio in nummis exprimere, ut & Hieroglyphicis Aegyptiorum cum litteris certare non solum, verum etiam in multis illas elegantia & doctrina exuperare videantur: nam causas cur cusi fuerint, tacitis signis saepius exprimunt, provinciarum, gentium & familiarum origines, stirpes, nobilitatemque primam

scam ostendunt : atque plurimùm ad Historiæ Romanæ intel-  
lectum & antiquæ doctrinæ scientiam conferunt. Quis enim ad  
pacem cum Indis hoc anno quo Aquilius Florus fuit Triumvir  
Monetalis, ab Augusto sancitam, hunc denarium indicare pos-  
set, nisi *Dio* nobis lucem præferret : de qua sic ait *lib. 53.* „ Fre-  
quentes enim ad ipsum legati commearunt, ac Indi pacem,  
quam antea per Oratores petierant, tunc interposito fœdere  
sanxerunt, missisque donis, inter quæ tigres etiam, animalia  
tum primùm Romanis ac Græcis etiam, ut existimamus visa.  
Nec te monet epigraphe, CAESAR AVGVSTVS, quùm ille hoc  
anno non triumpharit, nec umquam in bigis Elephantorum,  
sed quia sub illo Orator Indus Romam venerit.

Bigæ illæ Elephantorum Oratoris Indi in Urbem adven-  
tum exhibent, ille in curru à duobus Elephantis, regionis suæ  
animalibus solitis, ad indicandam legionem vectus est : dextra te-  
net ramum olivæ, pacis symbolum, quam cum Augusto Re-  
gis sui nomine sancire debet ; læva Principis Sceptrum tenet,  
quo illius fides Oratori suo plenior habeatur, aut quod per illud  
pacem jurare debeat.

Aquilius verò caput Virtutis expressit in memoriam Aquilii suæ  
gentis, qui Triumvir reficiendis ædibus sacris ejus templum, ut  
suprà diximus, restaurari curaverat.



## A R R I A.

**A**RRIA gens plebeia est : nam Q. Arrius, clamofus Orator in foro, ex *Cicerone in Bruto*, Tribunus plebis fuit an. 677. Arrii nomen alii deducere à verbo Ἀρρῖς, ex aliquo *naſi defectu*, quod πῖς Græcè ſit *naſus*; alii à verbo Ἀρρεῖν, id eſt *bellicofus*, de quo in ſecundo denario; huic verò de quo agitur cognomen Secundus à filiorum numero inditum.

### I.

M. ARRIVS SECVNDVS. Caput M. Arrii ſecundi; in averſa corona, haſta, & ara ignita.

*Urſinus*, quis fuerit Marcus ille Arrius Secundus, pro incerto relinquit, hæc gens quidem non ita celebris fuit Romæ, ut magiſtratus geſſerit ordinarios : nam Arrius de quo agimus nullo honoris titulo inſignitur, nec pars averſa denarii quid contineat, probè denotat; *Urſinus* coronam, haſtam & clathrum eſſe refert; clathraque eſſe ligna, quibus tranſverſis caſtrorum portæ muniabantur, exiſtimat: unde qui denarium cudit, factum inſigne alicujus majorum ſuorum indicare putat, unde haſta pura & corona donatus fuerit in expugnatione caſtrorum vel oppugnatione, hoc quidem typo ſatis feliciter putavit *Urſinus*.

### II.

M. ARRIVS SECVNDVS. Caput Fortitudinis. P. Romani, uti tres hæ litteræ denotant, F. P. R. in averſa corona, haſta, & clathrum.

Marcus ille Arrius Secundus alludere videtur ad cognomen Arrii, quod *bellicofum* ſonat, quùm caput Fortitudinis Populi Romani exhibet; poſtquam Arrium ipſum, qui genti nomen dedit, in priore denario expreſſit. *Paſinus* noſter has tres litteras F. P. R. interpretatur *Fecialis Populi Romani*; ſed ſi gentis Siciniæ denarios parumper examinaret idem muliebre caput cum epigraphe, FORT. P. R. haud dubiè reperiſſet, quod bellicoſi Arrii fortitudinem

in-



ingentem, corona & hasta donatum ob castrum hostium oppugnatum, ut clathrum ipsum incensum, igne consumptum ab eo demonstrat.

## III.

C. ARRI. A. F. Q. AQ. C. IVL. T. ANC. *Caio Arrio Auli F. Caio Aquilio. C. Julio, Tito Ancharo.* Caput Julii II VIR. QVINQ. EX D. D. *Duumviris Quinquennialibus ex decreto Decurionum.* Aratrum.

*Patinus* nummum mutilum exhibuit, quem integrum ex libro nostro *Coloniæ* tibi refarcimus, Caium Arrium ex quatuor viris Quinquennialibus primum nominat, Romanam quidem Arriæ gentis familiam in coloniæ transmissam: sed quis fuerit ille C. Arrius non edocet, unum ejus nominis suum appellat vicinum *Cicero lib. 2. ep. 15. ad Atticum*: an ille aut alius. Quatuorviri illi videntur fuisse Censores, qui in coloniis ut Romæ quinto quoque anno nominabantur, unde Quinquennales dicti: at quum refert *Livius lib. 4.* Alios magistratus annuos esse, Quinquennale censuram gravem esse, in quibusdam coloniis, forsan Corinthi, ubi videtur cusus nummus, ob caput Julii Cæsaris, qui eam deduxit, quatuor creabantur pro censura, ut videmus in aliis coloniis Quatuorviros pro Duumviris nominatos.

## IV.

M. IVNIO BALBO II VIR. Caput Augusti. L. ARRIO PEREGRINO. II VIR. COR.

Esse alterum *Patini* nummum ex integro restitutum, cum alterius Arrii nempe Lucii prænominem, sed cum adjuncto Peregrini cognomine, an prioris filii, incertum, ut & ex eadem familia, nam in colonias cives libertini generis ut plurimum mittere solebant; sed quum illarum urbium nummi parum aut nihil præter gentis nomen nos doceant, & ad seriem nummorum consularium, qui ex argento seu auro ejusdem formæ esse debent plurimos proferre, quos in nostro *Coloniæ* libro videre est, possemus, *Ursinianos* & *Patinianos* hinc describere tantum statuimus. Corinthus à Julio Cæsare deducta est Colonia, nil mirum si Augusto nummos dedicant ejus Duumviri, & quidem cum Templi in Fundatoris honorem erecti iconæ.




## A R R U N T I A.

**A**RRUNTIA gens consularis & cui Lucii prænomen, omnibus ex illa inditum reperitur: nomen verò ab Arrunte prænomine dictum traxisse.

L. ARRUNTI. L. F. II VIR. Caput Jovis laurea coronatum: in averſa, IVL. ANTON. M. F. Q. MAX. AFRICAN. Caput tauri miſtrati, ſeu ad ſacrificium ornati.

L. Arruntius L. filius denarium hunc aureum, ut Duumvir percuffit Julio Antonio M. filio, Quinto Fabio Maximo Africano conſulibus, an. V. C. <sup>744.</sup><sub>5</sub> ut indicat *Dio*, ſed obſervandum *Dionem* in annis computandis unum annum *Varronem*, quem ſequimur antevertere. Quis autem fuerit ille Arruntius, inquiramus, eum conſulatum cum Æmilio Lepido geſſiſſe reperimus ex eodem *Dione*, an. <sup>759.</sup><sub>60</sub> qui poſteà Proconſul Hiſpaniam per legatum abſens in decennium apud *Tacitum*, *Ann.* 1. obtinuit anno <sup>764.</sup><sub>5</sub> ſed tandem accuſatus ſe ipſum necavit, *Ann.* 4.

Caput Jovis ex una parte & caput tauri inſulati ex altera, ſacrificium in illius dei honorem indicat, & quùm adſint nomina Conſulum ſupra denarium exarata, in eorum memoriam, illud factum declarant. Quo autem die Conſules nempe Kal. Januar. magiſtratum inibant comitati frequenti populo in Capitolium aſcendebant, & Jovi Optimo Maximo injuges juvencoſ maſtabant; quod obſervatum fuit ab an. V. C. <sup>301.</sup> quo Q. Fulvius Nobilior, & T. Annius Luſcus Conſules fuerunt. Ab eo enim anno regulariter actum fuit. Arruntius autem ut Duumvir ſacris inquirendis, de quibus loquitur *Livius*, lib. 25. huic præfuit, in cujus memoriam, caput Jovis & caput Tauri cum nominibus conſulum, & titulo dignitatis ſuæ in denario percuffit.



## A S I N I A.

**A**SINIA Gens plebeia, sed consularis, ab Asinis dicta, ut Porcia à Porcis, in plures stirpes divisa, de quibus duo tantum in nummis supersunt cognomina, unum Pollio, alterum Gallus. Polliones tamquam Pilliones dicti sunt portitores mortuorum, *Gloss. Isidor.* Galli verò &c.

### I.

POLLIO. Caput Apollinis radiatum. C. ASINI. C. N. F. Luna bicornis cum septem trionibus.

C. Asinius Pollio Cn. filius perhibetur. Tribunus plebis fuit anno <sup>706</sup>/<sub>7</sub> in quo legi Corneliae de tabulis novis intercessit, & optimatum ac nobilitatis partes contra debitores & inopem multitudinem defendit, deinde Prætor urbanus ex quatuordecim numero, quos Julius Cæsar nominavit, ludos Apollinares fecisse videtur ex denario in quo caput Apollinis sub Solis imagine exhibetur, & cum Luna bicorni, & septem stellis spectantibus ad Lunam quæ eadem est cum Diana spectantibus, in quorum gratiam utpote fratris ac sororis eodem partu genitorum, celebrabantur.

Ex Prætura Hispaniam ulteriorem cum duabus legionibus obtinuit an. <sup>709</sup>/<sub>10</sub> ut refert *Cicero lib. 10. Famil.* Consulatum gessit cum Domitio Calvino II. an. <sup>713</sup>/<sub>4</sub> Procos. obtinuit Illyricum 714. de Parthis triumphavit, C. ASINIVS CN. F. POLLIO. PROCOS. an. DCCXIV. EX PARTHINEIS. VIII. K. NOV. Insignis Orator fuit Augusti Cæsaris amicus, docuit Romæ temporibus Pompeii M. successitque scholæ Timagenis. Scripsit bellum Cæsaris & Pompeii. Omnium primus Romæ Bibliothecam fecisse dicitur *Plin. l. 35.* plura de eo vide apud *Vossium.*

### II.

C A E S A R A V G V S T V S T R I B V N I C. P O T E S T. Caput Augusti, C. ASINIVS GALLVS III VIR. A A. A F. F. in ambitu, s. C. verò in area.

C. Asinius Gallus C. Asinii Pollionis filius, primùm Trium-



vir monetalis fuit Senatus, quod distinguitur ex nummis & denariis, nam quum Cæsar in Senatu se velle imperium deponere simulasset, multis omnes eum verbis precati sunt, ut solus summam Imperii gereret, & à Senatu tandem populoque confirmatum est, ut solus principatum teneret. Is verò ut popularis status opinionem sibi nihilominus aliquam pararet, recepta in se omni reipublicæ cura, negavit se omnes velle provincias obtinere, & eas divisit inter se & Senatum, ut narrat *Dio, lib. 53*.

Sed ut umbra potestatis adhuc in Senatu videretur, moneta supremæ potestatis indicium nos docet, illum eam inter se & Senatum fuisse partitum, nam voluit ut Senatus nummos areos percuti juberet, unde in nummis areis ab hoc tempore nota S. C. semper signata fuit, & Triumviri monetales constituti sunt à Senatu qui eam curarent. Augustus verò Auream & Argenteam cudendam accepit, in qua nulla videtur amplius S. C. nota, & suos etiam Triumviros monetales nominavit, qua de causa quum eorum numerum auxisset Julius Cæsar, ille ad pristinum reduxit, quod opinionem hanc confirmat; observandum est, monetales quorum nomina in nummis areis occurrunt, in denariis non reperiri, & vicissim qui denarios cuderunt, eorum nomina in areis haud reperiri.

## III.

OB CIVIS SERVATOS, corona quercea inter duos rami lauros,  
C. ASINIVS C. F. GALLVS III VIR. A. A. A. F. F. circa ambitum,  
S. C. in area.

Hujus nummi aversæ partis interpretationem habemus apud *Dionem, lib 503. pag. 507.* nam tradit Augusto Romæ lauros & coronas à Senatu esse decretas his verbis, „ nempe ut ante ipsius „ domum in palatio lauri ponerentur, ac super eas coronæ „ querceæ superadderentur, nimirum quod perpetuus hostium „ victor, ac civium esset servator: nam corona ei qui civem servasset, ex quercu concedebatur, ut victori ex lauro concedebatur. Hæc omnia eo ferè tempore in gratiam Augusti sunt instituta.

## IV.

AVGVSTVS TRIBVNIC. POTEST. In laurea, C. ASINIVS III  
VIR.

VIR. A. A. A. F. F. circa ambitum, s. c. in area.

Asinius Gallus ut Triumvir, quidquid in magistratu suo annuo in Augusti honorem decretum est, in nummis quos signavit, ille expressit, nempe Augusti titulum ei attributum, coronas ex ex lauro tamquam victori, ex quercu tamquam civium servatori concessas, in hoc Tribuniciam potestatem qua deinceps usi sunt Imperatores, exhibet: illos etiam Augusto decretos honores ceteri ejus ævi Triumviri monetales in suis nummis omnes signarunt: ita ut ignoretur quis primus eos expresserit, licet ex *Dione* anno <sup>727</sup>/<sub>8</sub> Augusto delatos fuisse certum sit.

## V.

Caput Victoriæ cum alis: in averſa, C. ASINI. C. F. GALLVS, Victoriola in bigis.

L. Asinium Gallum refert triumphasse procos. de Sauromatis, *Goltzius* an. <sup>738</sup>/<sub>9</sub>, in cujus rei memoriam cūsum fuisse hunc denarium, de quo nihil apud *Historiæ Scriptores* reperimus, sed quis fuerit ille C. Asinius C. F. inquirendum. Illum idem *Autor* Cnei nepotem appellat, si verum est, C. Tiberio Vipsaniam Drusi matrem duxit uxorem, quare Miſer sub Asinii Galli fratrem fuisse oportet, cujus erat pater C. Pollio & Cn. F. Si tamen nobisliceret *Goltzium* suspicari ex obtusa littera prænominis C. *Caius*, alteram L. *Lucius* substituisse remur; & id confirmare videtur typus, qui his temporibus non congruit, quibus nummi ita consulares vix sub Augusto cudebantur: porro videant eruditi *Antiquarii*. L. Asinium Gallum porro sub Nerone Consulem an. <sup>814</sup>/<sub>5</sub> reperimus, qui potuit esse vel illius filius, sed potius *Caii*, qui tres habuit filios consulares.



## A T I A.

**A**TIA gens plebeia, cujus nomen ex Ati puero Trojano, in gratiam Augusti *Virgilius* deducit :

*Parvus Atis . . genus unde Atii duxere Latini.*

Cognomina illius duo in nummis occurrunt, Balborum & Labienorum, unum à vitio linguæ, alterum à labiorum mala conformatione.

### I.

ATIVS BALBVS PR. Caput Atii Balbi: in averſa, SARD. effigies dei, vel Herois.

M. Atius Balbus, ad quem ſpectat nummus, hic ex Julia Atiam habuit, quæ Octavii uxoris, uxor & Auguſti Cæſaris mater renunciatur, ab Aricia originem paternam apud *Suetonium* traſiſſe dicitur, & ejus nummus cum litteris PR. fuiſſe Prætorem nobis demonſtrat; litteræ verò SARD, in averſa parte exarata, in inſula Sardinia præturam exercuiſſe indicant, & ad id confirmandum, ſi noſtra vera conjectura eſt, effigies illa quæ in averſa nummi parte exhibetur, eſt Sardi, Herculis filii qui inſulæ nomen dedit, quæ priùs Ichnuſa vocabatur, adde quod nummus non modò peregrinus eſt, ſed rudis & omninò in hac inſula percuſſus apparet.

### II.

Q. LABIENVS PARTHICVS IMP. Caput Labieni: in averſa equus cum ſtrato.

*Carolus Sigonius* omnia familiarum nomina in ius deſinere tradit, *cap. 4. lib. de nom. Roman.* nonnulla autem cognomina gentili nomine oblitterato eorum vicem occupare tentaverunt, ſed ſemper in iis quærenda antiquum familiæ nomen ut in cognomine Labieno Atiæ nomen tandem reperitur, qua de cauſa poſt *Patinum* Q. Labienum genti ſuæ reſtituimus: cujus ratio eſt quod Atia lex de ſacerdotiis, & Cornelia Dictatoris Sullæ abrogata, Labieno Plebis Tribuno veteres tribuant.

T. Atius.



T. Atius Labienus Tribunus Plebis an. 71<sup>o</sup>. C. Rabirium perduellionis accusavit, à Cæsare subornatus quod ejus patruus Q. Labienus cum Saturnino occisus fuerat. Hic primùm Cæsaris partes secutus, legatus etiam ipsius in Gallia fuit. Pompeianus deinde factus, Cingulum oppidum ædificavit, postremò Pompeio devicto ad Catonem proficiscitur cum Afranio in Africam; superato postea Catone cum classe in Hispaniam ivit cum Varo & Sex. Afranio ad Pompeium.

Q. Labienus hujus Q. filius, in bello civili Bruto & Cassio adhæsit, & ad Parthos sollicitandos ab iis missus, clade eorum annuntiata, quum adversariorum nemini veniam daturus Triumviros, præfertim quia pater ejus à Julio Cæsare, ut diximus, confugerat ad Pompeium, potius sibi cum barbaris vivendum ratus, quàm in patria periculum experiri, apud Parthos remansit. At ille quum Antonium in Ægypto Cleopatraz amoribus indulgere, persuasit Orodi, ut provincias Romanas tunc invaderet, Rex autem ingentes copias collegit, cui Pacorum filium præfecit, & Mesopotamiam trajecto Euphrate facile invaserunt Parthi. Profecto, inquit *Appianus, lib. Parth.* „ deinde Parthorum exercitu in Mesopotamiam, regii duces Labienum appellarunt Imperatorem Parthicum.

Labienus ut Romanas provincias sollicitaret se Imperatorem Parthicum appellavit, inquit *Dio*, ratione à more Romano diversissima. Quos enim adversum Romanos ducebat, ab iis nomen sumebat, quasi verò ejus, ac non cives suos vicisset: itaque denarios cum hoc titulo Imperatoris Parthici percussit, in cuius averſa parte equum signavit, ut eorum in equo peritiam demonstraret; sed tantum Ventidius Antonii legatus Pacorum in Syria profligavit & occidit, & Labienus in Cilicia captus à Deme- trio, Cypri & hujus partis provinciæ præfecto, interfectus est.



## A T I L I A.

**A**TILIA gens apud *Scriptores*, partim Patricia, partim Plebeia fuit, sed Patriciæ, cui cognomen erat Longus, nummi non sunt superstites; Plebeia autem in Bulborum, Calatinorum, Regulorum, & Seranorum stirpes distincta. Ab Atiis dici volunt Atilii: cognomina, Bulbus ab eximio bulborum cultu vocatus est; Calatinus à Calatia Campaniæ urbe ex qua originem traxerunt; Regulus à regula, qua pastinator fulcum facit; Seranus à serendo, ut docet locus *Virgilii* 6. *Æneid.*

*Et te fulco Serane serentem.*

Alii, quia in nummis legitur SARAN. Saranos seu Sarranos nominant, quasi Tyrios seu Pœnos à Sarra, quo nomine Tyrus, unde Carthaginienfes oriundi erant, appellata fuit: sed hæc orthographia SARAN pro SERAN, processit illo tempore, quo orthographiæ consuetudo diversa erat ab usu, vel quia non rarò eodem quo pronuntiabant antiqui, modo scribebant, ut videre est in antiquis hujus ævi *marmoribus*.

### I.

BVLBVS. Caput Romæ galeatum. C. ATIL. A. F. in imo, ROMA. Castor & Pollux, astris supra caput insigniti, decurrentes in equis cum hastis.

C. Atilius Bulbus Atiliæ gentis nummorum agmen primus aperiet, licet forsan familiæ non sit princeps; sed in ista Romanarum gentium caligine, Alphabetico cognominum ordine, eorum stirpes ut nummos exhibebimus: nam C. Atilius Bulbus in *Faustis* A. filius, & A. nepos indigitatur, de quibus nulla fit apud *Historiæ Scriptores* mentio; ille verò Tribunus plebis fuit anno <sup>500</sup><sub>1</sub> Prætor urbanus an. <sup>506</sup><sub>7</sub> consul cum Fabio Buteone, an. <sup>508</sup><sub>9</sub> & iterum anno <sup>518</sup><sub>9</sub> quia decem anni inter unum & alterum consulatum requirebantur, & tandem Censor cum A. Postumio Albino an. <sup>519</sup><sub>0</sub> & ab iis lustrum Urbis quadragesimum fuit ex *Capitolinis marmoribus*. Atilius Bulbus filium reliquit prænomine Lu-

Lucium. Denarius illius nihil habet peculiare, & simili modo quo alii ejus temporis signati nempe cum Romæ capite, & in averſa cum Dioscuris occurrunt.

## II.

Caput Jani bifrontis cum cippo in averſa, A. ATILI. CALAT. in imo, ROMA. Navis.

Ad Atilium Calatinum quem *Cicero in Catone* primum virum appellat, nummus revocatur. Is per omnium magistratuum gradus ad ampliffimos Reipublicæ honores pervenit: nam *Ædilis Plebis* fuit an. <sup>491</sup>/<sub>2</sub> *Tribunus plebis* an. <sup>493</sup>/<sub>4</sub> consul cum Sulpicio Paterculo <sup>495</sup>/<sub>6</sub> Aquinio Floro ſuccedens obtinuit Siciliam. Nummos ſextantarios ex ære percuffit, qualis eſt hic ejus ponderis, ut jam diximus, ob primum bellum Punicum an. <sup>489</sup>/<sub>50</sub> inceptum demonſtrat, in quo ſolitum Aſſium Romanorum ſymbolum, nempe Janus bifrons ab una parte & navis ex altera exprimitur.

## III.

CALATINVS. Caput Romæ galeatum, pone quod ROMA. in averſo, A. ATIL. A. F. C. N. Vir togatus in quadrigis elephantorum dextra lauream.

Ecce Calatini æternum de Pœnis triumphantis monumentum. *Autor* de viris illuſtribus res geſtas A. Calatini breviter complexus inter alia refert totam Siciliam Victore exercitu pervagatum fuiſſe, & poſt munitiffimas aliquot urbes captas, & periculum in quod inciderat ingens, ad Camarinam evitatum, glorioſè triumphaffe; denarius verò illum in quadrigis elephantorum ſupra Pœnos captorum triumphum egiffe nos docet, in iis coronam quam Jovi Capitolino traditurus eſt de manubiis, dextra gerit alterum, vidit ferè ſimilem *Pighius* in Muſeo Card. Granvellanum, cui inſtabat Victoria coronam oſtentans triumphanti in quadrigis elephantorum.

Atilio Calatino *Valerius Maximus l. 4. c. 4.* Agrum ſerenti delatum fuiſſe conſulatum tradit, ſed alii Regulo tribuunt: unde Serani illi cognomen adſcribunt, quòd *Valerius* id de Calatini ſecundo conſulatu intelligat, qui niſi poſt decennium deferreſatur, at tantum quatuor anni interſuere inter primum Calatini anno <sup>495</sup>/<sub>6</sub>



& alterum <sup>499.</sup><sub>580.</sub> Calatinus ob grande classis Romanæ sub Consuli-  
bus naufragium ex Africa redeuntis, accersitus est.

## IV.

Capita jugata Penatium, laureis ambo cincta, in corona  
etiam ex lauro composita: in averſa parte, A. ATILI. A. F. CA-  
LATIN. Tripus ex quo exurgunt duo rami lauri, à dextris spica  
recta, sub tripode raphanus jacens.

Ad eundem Atilium spectare denarium denotat eadem no-  
minis epigraphæ, sed cur in eo dii Penates exhibeantur, no-  
bis suggerit *Macrobius*, qui *lib. 3. Saturn.* Consules, Præ-  
tores, Dictatores Lavinii rem divinam solemniter Dis Penati-  
bus pariter & Vestæ scribit facere consuevisse, quum magi-  
stratum inibant, quod Tripus Apollinis signatus in  
editorum à Calatino ludorum Apollinarium memoriam confir-  
mat, quando is Prætor fuit urbanus, quia nemo ad consulatum ex  
plebe ascendere poterat qui Præturam non gessisset, & ab anno  
<sup>416.</sup><sub>7.</sub> Q. Publicius Philo primum ex plebe creatus fuerat, quum  
anteà solis patriciis ad eum magistratum aditus pateret.

Spica erecta & bulbus raphani jacens adjecta sunt ad cogno-  
mina Serani & Bulbi gentis Atiliæ indicanda, quibus symbolis  
demonstratur antiquum illius studium agriculturæ, ex qua ac-  
cersitum à Senatu Atilium tradit *Valerius Maximus* ad suscipien-  
,, dum P. Romani Imperium, quem semen aspergentem vide-  
,, runt: sed illæ, inquit, rustico opere attritæ manus salutem  
,, publicam stabilierunt, ingentes hostium copias pessumdede-  
,, runt: quæque modò arantium bouum jugum rexerunt, trium-  
,, phalis currus habenas retinuerunt: nec fuit iis rubor, eburneo  
,, scipione deposito, agrestem stivam aratri repetere.

## V.

ROMA. Caput Romæ galeatum: in postica, M. ATIL. M. F.  
L. N. REGVLVS. Consul togatus in quadrigis triumphalibus, d.  
habeas, s. scipionem eburneum, in cujus apice aquila, victo-  
ria ei coronam retrò imponit.

Ex Calatinis Atiliis ad Regulos transimus ordine cognominum  
alphabetico: nam M. Atilius M. F. M. nepos appellatus vetustior  
erat

## A T I L I A.

149

erat Calatino, ille tribunus plebis fuit an. <sup>478.</sup><sub>9</sub> Ædilis plebis <sup>492.</sup><sub>3</sub> Trib. plebis iter. <sup>493.</sup><sub>4</sub> Consulatum iniit cum Julio Libone an. <sup>496.</sup><sub>7</sub> & contra Salentinos Italiæ populos, quorum regio Mesapia & Brundisium in ea, versus ostium maris Adriatici, multi sunt capti Brundisini cum eorum civitate, & de iis triumphatum est teste *Eutropio*.

M. ATILIVS. M. F. L. N. REGVLVS. AN. CDEKDCVI. CDXXCCVII. Farr.  
COS. DE SALLENTINEIS. VIII. KAL. FEBR.

Exhibetur Atilius Regulus in quadrigis triumphalibus cum scipione eburneo consulum insigni, victoria tamquam celebris relata sit, quod Brundisium hoc prælio Porusiam urbem occuparent, ex qua facilis est in Illyrium & Græciam trajectus.

### VI.

Caput Jovis barbatum & laureatum cum littera s. in averfa, M. ATILI. in imo, ROMA. à sinistris, s.

Ut ad M. Attilium Regulum revocemus nummum hunc æreum, impellit pondus, est enim uncialis, sextantarii assis dimidia pars, ad quod *Festo* teste, bello primo Punico Assis libralis reductus est, scilicet ad uncias duas; & dimidia ejus pars ad unciam, uti pendet hic nummus, porro licet uncialis sit, notam semper habet ex utraque parte s. id est *semi*, quasi adhuc sex uncias penderet, vel potius sex unciarum pretium designaret. Caput Jovis Capitolini hisce temporibus in uncialibus nummis signari cœpit, quum præcipuus sit Romanorum deus, & hic nummus percussus etiam videtur sub consulatu secundo M. Reguli, quando & superior nummus æreus signatus est. Atilius cum Vulsone in Africam transiit, ubi hieme remansit, dum collega ad Comitia Romanam rediit, sed Regulus tandem victus & captus ibi miserè & crudeliter periit, ut omnes norunt.

### VII.

Caput Dianæ cum crescente Luna supra frontem, & pharetra & arcu dorso appensis: in averfa victoria in trigis, d. palmam, M. REGVLVS M. F.

Hic denarius à M. Attilio Regulo iterum Consule cum Man-

lio Vulsone an. <sup>497</sup> quando suffectus in locum Q. Cæcidicii in magistratu mortui percussus est, dum utrisque Consulibus Sicilia & Africa decretæ sunt, nam hi Siciliam petiere, & contra Amilcarem & Hannonem prælium navale tripartitum non procul Heraclea inierunt, unde Victores evaserunt. Diana Siciliae præcipua dea, in denario signata, eum in Sicilia ab Atilio percussum denotat, propterea in illo solita vox ROMA deest. Victoria cum palma Consulum victoriam arguit.

## VIII.

Caput Jani bifrontis sine cippo, in averſa, M. ATILI. Navis, in imo, *Roma*.

Forma & pondus hujus nummi, ut illum M. Atilio Regulo M. Atilio apud Pœnos mortuo adjudicem impulit: pondus quidem quippe As cum Jani bifrontis capite signatus, est uncialis, & *Plinius lib. 33. cap. 33.* Bello secundo Punico ab anno <sup>535</sup> incoepto, Annibale urgente propter bellicas clades & classium naufragia, sextantarios esse factos unciales: forma verò non amplius cippum supra Jani caput exhibet, nec as etiam litteram I, libram designantem, non amplius præfert, quàm revera nummus pro libra sit uncia. De Jano & navi sæpè dictum est.

## IX.

Caput Victoriæ pectore tenus cum alis: in averſa, C. ATIL. REGVL. in imo, ROMA. Victoria in bigis, d. habenas, s. coronam sub equorum pedibus, prora navis.

C. Atilius M. filius M. nepos, à *Zonara* dictus est M. Reguli à Pœnis occisi frater, sed error est, nam alter hic dicitur Lucii nepos, hic alter verò M. nepos, ut testantur *Marmora Capitolina*. Tribunus plebis fuit an. <sup>489</sup><sub>90</sub>. Ædilis plebis <sup>492</sup><sub>3</sub>. Prætor urbanus <sup>494</sup><sub>5</sub>. Consul cum Cornelio Blafione iter. an. <sup>495</sup><sub>7</sub> ex *Cassiodoro* Blasio Siciliam sortitus est. Atilius classem Atiliorum continui ferè Consulatus & Victoriæ nonnihil obscuritatis in Historiam ejus temporis intulerunt: nam *Autor de viris illustribus* Atilio Calatino anno superiore consuli attribuit victoriam navalem de Pœnis & Amilcare, quam *Polybius* & *Zonaras* M. Atilio Regulo adscribunt, quod ambo hoc anno triumpharint ex Pœnis, nempe Calatinus ob res in Sicilia imperio prorogato ge-  
stas,



# A T I L I A.

151

stas, & Regulus, ob Pœnorum classem sub Tyndaride promontorio partim profligatam, & partim demersam, de qua *Fasti*.

C. ATILIVS M. F. M. N. REGVLVS COS. AN. <sup>CDXVI.</sup>  
DE POENIS. NAVALEM EGIT. VIII.... <sup>CDXVI. L. Parr.</sup> deficit dies.

Quod confirmat C. Atilii, denarius cum victoriæ imagine, & ipsa in bigis decurrente, cum corona : sed navalem fuisse victoriam omninò convincit prora navis, sub equorum pedibus.

## X.

Caput Romæ galeatum, pone quod ROMA : in averfa, M. ATIL. M. F. M. N. REGVL. Victoria in bigis, d. flagrum in area, XXXXIII.

Quin hic denarius ad eundem Atilium Regulum non pertineat non finit dubitare epigraphe *Marci nepos*, quippe ejus pater indigitatur Lucii nepos : sed notæ numerales id penitus confirmant. M. Atilius Regulus à Pœnis crudeliter necati filius major ex Marcia, teste *Silio Italico lib. 6. Punic.* Tribunus plebis fuit <sup>517.</sup> Ædilis plebis <sup>520.</sup> Prætor urbanus <sup>523.</sup> Consul cum Valerio Flacco 526. Consul iterum cum Servilio Gemino, sed suffectus Flaminio nepoti II. in prælio occiso, an. <sup>536.</sup><sub>7</sub>

Post cladem Cannensem an. <sup>537.</sup> ob penuriam pecuniæ, ex *Livio*, creatus est Triumvir mensarius, ut ille inquit, L. Æmilius Papus qui Consul Cenforque fuerat; M. Atilius Regulus qui bis consul fuerat, & L. Scribonius Libo qui tum Tribunus plebis erat. Eodem tempore, ut tradit *Zonaras*, nummus argenteus, qui adhuc purus fuerat, ære admixto propter argenti adulterari primùm cœpit. Atilius anno <sup>539.</sup><sub>40</sub> creatus Cenfor cum Furio Philo, ut indicant *Livius* & *Valerius Maximus*, sed *Polybius* in pugna Cannensi occisum scribit : porro denarii favent prioribus ; nam quum iniit censuram, hunc bigatum cudit, in quo notæ numerales XXXXIII. indicant lustrum fuisse 43. à Cenforibus cœptum, uti numerare est apud *Historiæ Romanæ Scriptores*, sed non finitum, nam quum Furius Philus in magistratu fuisset defunctus, abdicavit Atilius, ut narrat *Livius*.

## XI.

## XI.

Caput Jani bifrontis : ex averſa navis & vocibus , C. ATIL. REG. ad latus dextrum , ROMA.

Ad C. Atilium Regulum, M. Reguli apud Pœnos mortui filium & ſuperioris fratrem natu minorem, ſpectare nummum ſextantarium nos docet *Plinius* ; nempe as libralis ad duas uncias reductus eſt primo bello Punico. Is Tribunus plebis fuit an. <sup>519</sup>/<sub>20</sub> Ædilis plebis <sup>522</sup>/<sub>3</sub> Prætor peregrinam ſortitus eſt juridiſtione-  
nem <sup>525</sup>/<sub>6</sub> De Jano bifronte, & de navi, in qua Italiam appulit, ſat dictum.

## XII.

Caput Romæ galeatum, pone quod numerales notæ XVI. in averſa, L. ATILI. Victoria in bigis cum ſtagro, in imo, ROMA.

Lucius ille Atilius fuit filius Lucii, & nepos Lucii, qui patruus erat Attilii Reguli à Pœnis necati, ut indicant *Fragmenta Capitolina*. Ergo ex ſtirpe Regulorum, & ſuperioris nempe patrueſis. Avus legem tulit de Tribunis militum comitiatis, L. Atilius ejus filius, & pater hujus Quæſtor in pugna Cannenſi cecidit, nepos Tribunus plebis an. <sup>543</sup>/<sub>4</sub> rogavit ut Campanis omnibus Senatui Romano juſ ſententiæ dicendæ eſſet, ex *Livio*. Hunc ille ſignavit denarium, in quo notæ numerales XVI. quod poſt Cannenſem pugnam, an. <sup>537</sup>/<sub>8</sub> Annibale urgente, & magna argente penuria placuit, juxta *Plinium*, Q. Fabio Max. Dictatore, „ denarium XVI. aſſibus, quinarium octonis, ſeſtertium quaternis „ permutare, atque ita, inquit, reſpublica quaſi dimidium lucrata eſt : unde pro nota X. denarii ſolita apponeretur XVI. ut in hoc bigato videtur.

## XIII.

Caput Romæ galeatum, pone quod SARAN. In averſa, M. ATIL. Dioſcuro decurrentes cum haſtis, in imo, ROMA.

Caius Atilius Calatinus duos reliquit filios, Marcum Caii filium, & Caium Caii filium; qui, ut Romani ſerentem patrem invenerant, dum illi conſulatum ſecundum detulerunt, ejus filios Seranos vocaverunt; nam, ut ille jam Calatinus dicebatur, non potuit vocari Calatinus Seranus: at quum *Valerius Maximus* dixe-

dixerit, *lib. 4. c. 4.* Attilium Regulum ejusdem sanguinis esse cum Atracino, quidam Attilium Regulum Serranum appellarunt, qui duobus cognominibus insigniri non potuit, uti moris non erat, sed cognomini addebatur aliquando cognomen illustre. V. G. Africanus & etiam adoptionis, ut Metellus, Scipio.

Marcus verò Atilius, qui nummum cudit, Tribunus plebis fuit, an. <sup>528</sup> & cognomen Sarani forsàn à serendo, ut *Virgilius lib. 6. Æneid.*

*Et te fulco Serane serentem.*

Et *Plinius lib. 27. cap. 3.* Serentem invenerunt, dati honores. „ Seranum unde cognomen. At *Ursinus* ait, ex denariis & inscriptionibus, cum *Fulio Obsequente lib. de prodigiis*, Saranus pro Serrano reperitur, quod fortasse ea familia Sarani cognominis, aliam haberet originem, non autem eam quæ à serendo ducta fuisset. An reclamabunt *Antiquarii*, si à sariendo agros, non à serendo dicam illud cognomen Atiliis inditum; unde Sarani vocati sint? De Dioscuris, solito denariorum symbolo, sæpius dictum est.

XIV.

Caput Jani biffontis laureatum : in averfa, SAR. Navis, in imo, ROMA.

Ad eundem M. Attilium Saranum pertinere indicant, & cognomen Sarani & pondus nummi : quippe sextantarius est ex duabus uncis constans, ad quod assem libralem fuisse reductum supra diximus in primo bello Punico, quod cœpit anno V. C. <sup>489</sup><sub>90</sub>. At Saranus ille Tribunatum plebis adeptus est <sup>528</sup>, & secundum bellum Punicum tantum exarsit an. <sup>537</sup><sub>6</sub> quo durante, as Sextantarius uncialis tandem factus est. Si verò aliquis ad C. Attilium Saranum spectare potius contenderit, libenter ei suffragamur, quum desit prænomen.

XV.

Caput Romæ galeatum : in averfa bigæ aurigante victoria, C. ATIL. in imo, ROMA.



## XVI.

Caput idem Romæ galeatum : in averſa, eadem bigæ cum victoria, SAR. in imo, ROMA.

Duo iſti denarii cum eodem Romæ capite, & eadem victoria in bigis, unum C. Atilium Saranum efficiunt, in quorum prior nomen gentis C. Atilii, in poſteriore verò cognomen Sarani exhibetur : fuit ille frater ſuperioris, & uno anno ſeriùs Trib. plebis, nempe <sup>529</sup>/<sub>30</sub> Ædilis Plebis <sup>532</sup>/<sub>3</sub> Prætor inter cives & Peregrinos juridiſtionem ſortitus, Ligures provinciam obtinuit an. <sup>535</sup>/<sub>6</sub> Tumultu Gallico nunciato cum una legione Romana & quinque milibus ſociorum, L. Manlio collegæ à Gallis obſeſſo, auxilium ferre juſſus eſt Anni ſerè exitu vota ex S. C. ſuſcepit publica ſi in decem annos Reſpublica in eodem ſtatu ſtetiſſet, ob bellum hoc anno cum Annibale redintegratum. *Livius* etiam C. Atilium Augurem fuiſſe teſtatur, *lib. 11. Dec. 3.* At anno <sup>536</sup>/<sub>7</sub> poſt Præturam exactam Conſulatum petens repulſam, paſſus favore plebis C. Varrone prælato, ut idem narrat *Livius*, ſed Caius ille Varro conſul an. <sup>537</sup>/<sub>8</sub> temeritate ſua Cannenſis cladis autor fuit. M. & C. Atilii Serani fratres ex eodem *Livio*, Duumviri creati, id eſt ædibus dedicandiſ, ædem Concordiæ, quam L. Manlius Prætor voverat, eo anno dedicaverunt. De denario bigato, Romanæ argenteæ monetæ ſymbolo, ſat actum eſt.

## XVII.

Caput Cereris corona ſpicea ornatum : in averſa parte, SEX. ATIL. M. F. SERRAN. C. MANCIN. A. F. Duo viri togati in ſellis ſedentes, inter duos modios ſpiciſ repletos.

Sextus Atilius in denario Marci F. indigitatur, at quidem illius eſſe videtur, qui Prætor anno <sup>579</sup>/<sub>8</sub> Sardiniam ſortitus, tandem in Corſicam tranſire juſſus fuit, ex *Livio*, *lib. 41.* & ex ſtirpe Seranorum, qui filius erat C. Atilii, ſuprà Sarani vocati, cujus nepos hic Sextus fuit, & plebis tribunatum geſſit cum C. Hoſtilio Mancino anno <sup>607</sup>/<sub>8</sub> factus Ædilis plebis cum eodem Mancino an. <sup>609</sup>/<sub>10</sub> & ambo nummum hunc argenteum cudi curaverunt in memoriam annonæ frumentariæ, largiter procuratæ. Prætor cum eodem Mancino, ſortiti quæſtionem rerum capitalium obtinuerunt.

# A T I L I A.

155

nuerunt an. <sup>612</sup>/<sub>3</sub>. Sex. Atilius tandem consul creatus est cum P. Furio an. <sup>617</sup>/<sub>8</sub>. Horum meminit *Cicero ep. ad Atticum, l. 12. ep. 5*. Hispaniam citeriorem sortitus est Furius, Italiam Atilius, cui prorogata provincia est ad agros dividendos & controversias inter populos foederatos, ut testatur hæc inscriptio:

SEX. ATILIVS M. F. SERRANVS PROCOS. EX. S. C.  
INTER ATESTINOS ET VEICETINOS TERMINOS STATVIT.

Vide orthographiam pro diverso tempore inter cognomen Serranum, & Serranum.

## XVIII.

C. ATILIVS M. F. SERRAN. Caput Genii P. Romani imberbe & laureatum: in averfa modius spicis refertus, in imo, EX S. C.

C. Atilius Serranus M. Filius in denario appellatus Sexti superioris frater fuit, Tribunatum plebis iniit an. <sup>612</sup>/<sub>3</sub>. Ædilis curulis factus an. <sup>615</sup>/<sub>6</sub>. cui quum cura frumenti Romam advehendi esset, & caritas annonæ supervenisset, ille magnam ejus vim ex S. C. tum ex omnibus provinciis, tum ex pecunia publica collegisse videtur, unde totius anni abundantia P. Romano parta, sibi ejus gratiam conciliavit, & tamquam Genius populi Romani appellatus est, cum ideò effigiem in denario ex una parte, & modium spicis plenum ex altera cum nota S. C. ad id facti expressit. Atilius deinde Præturam obtinuit an. <sup>612</sup>/<sub>3</sub>. quo frater Sextus consulatum gessit, & publicam quæstionem sortitus est, annoque sequente Prætor fuit provincialis. Quidam existimant caput Genii, esse caput Apollinis, ad notandum in Prætura Atilium Serranum ludos Apollinares edidisse.



## A T T E I A.

**A** TTEIA gens plebeia, Cneus enim Capito Tribunus plebis citatur apud *Appianum*, an. <sup>698</sup><sub>9</sub>. Lucius verò Atteius Capito refertur à *Cicerone lib. 8. ep. ad Cælium*, ep. 8. unde liquet Atteios ad tribum Aniensem pertinere. Illius cognomen fuit Capito; à vicio capitis, qui caput habet magnum.

CAESAR AVGVSTVS TR. POT. Caput Augusti laureatum: C.  
ATTE. CAPITO. C. PONTIO. P. OREST. II. VIR. BOS.

*Goltzii in Fastis Consulium*, nummos in eorum consulatu cufos non exprimere fuit, sed eorum tantum qui hanc dignitatem consequuti erant, nomina colligere: unde ne credas hunc C. Attei Capitonis nummum in consulatu ejus signatum; sed quando ille Triumvir deducendæ coloniae ab Augusto lectus est. Hic verò plurimas in Italia extra Italiam colonias constituit, plebeias quidem quum ille solus imperium tenuit, at Augusti nomen, Tribunicia potestas, & bos, coloniam quam duxit Atteius Capito, plebeiam fuisse denotant; nec te moretur vox Duumviri, quum tres in nummo scripti sint; illi verò Duumviri coloniae deducendæ appellati erant, etsi plures essent missi, & primi monetam in colonia cudi curabant, ut ipsi eam cudendi potestatem ipsi concessam docerent, sed in ea nomen Coloniae non inscripta: porro nummi forma eam in Hispaniam deductam denotat: adde quod Latii Coloniae nummos, ut in nostro *Coloniarum libro* diximus, non percutiebant.

C. Atteius Capito, ex *Tacito Annal. 3. avo* centurione Syllano, patre Prætorio, quem initio Tribunum plebis fuisse diximus, an. <sup>698</sup><sub>9</sub> consul suffectus fuerat, Kal. Jul. an. <sup>758</sup><sub>9</sub> ei consulum acceleraverat Augustus ob principem in civitate locum, quem studiis civilibus adsecutus erat, & id ut Labeonem Antistium iisdem artibus præcellentem dignatione ejus magistratus anteiret. Idem *Tacitus Ann. 1. coercendi Tiberis remedium* Ateio Capitoni & L. Arruntio, cui postea suffectus est in consulatu, mandatum narrat, & nummus Duumviratum coloniae deducendæ ei tradit. Capito autem anno 8. Tiberii Imperii mortuus est.

AU.





## A U F I D I A.

**A**UFIDIA gens Plebeia, quum plurimi ex ea & *Orestum cognominibus* Tribuni Plebis fuerint: ex nummis illius cognomina Rusticus & Orestes; an verò ex Aufidiana in Aprutio urbe oriunda nomen traxerit, non certum est.

### I.

Caput Romæ galeatum, pone quod XVI. ante RVs, id est Rusticus: in averso Jupiter in quadrigis, d. fulmen, s. hastam & habenas equorum, M. AVF. in imo, ROMA.

Nemo dubitat ex epigraphe, quin Marcus Aufidius denarium cuderit, sed notæ numerales XVI. quæ illum pro XVI. assibus permutari nos docent, quum bello secundo Punico pecuniæ penuria ad eam monetæ auctionem egisset Remp. Romanam illo durante signatum esse demonstrant, ea autem cœpit an. V.C. <sup>535</sup>/<sub>6</sub> & pax cum Carthaginensibus inita est, an. <sup>552</sup>/<sub>3</sub> sicque annos XVIII. duravit, ita ut paulo pòst moneta ad pretium solitum videatur reducta; at M. Aufidium reperimus Quæstorem an. <sup>612</sup>/<sub>3</sub> & Tribunum plebis an. <sup>685</sup>/<sub>6</sub> an ipse est vel potius illius filius, qui Tutelæ Capitolii redemptor dicitur sub Q. Fulvio, L. Manlio Acidino cos. an. <sup>574</sup>/<sub>5</sub> sic refert *Plinius, lib. 35. cap. 3.* Tunc denique compertum est à M. Aufidio, qui tutelam Capitolii eo lustro redemerat, argenteos esse clypeos, qui pro æreis per aliquot ante lustra fuerant habita & assignata.

Jupiter quadrigas agens, in ejus rei memoriam signatus videtur, & denarius sic tempore belli Punici secundi à patre M. Aufidio cusus reperiretur. Cognomen Rustici satis cum Oreste convenit: nam à voce Græca ὄρετης, id est, *montanus* & agrestis, quod idem sonare videtur Rusticus: porro id Antistiis, Fabiis, Junii, Oviniis inditum est.

### II.

Capita Saliorum jugata, ante illa ancile seu clypeus: in aversa, CN. ORESTES. Navis cum remis.

Orestes cognomen erat Aureliorum stirpis, at quum Cn. Aufidius Historicus & Prætorius jam senex & orbus adoptasset unum ex Aurelia gente & cognomine Orestem, dictus est ille Cn. Aufidius Orestes Aurelianus, prænomen Cnei gentis Aufidia cum nomine servans & cognomen Orestes ex Aurelia gente cum ejus nominis productione ex Aurelio Aurelianus dictus est.

Cn. Aufidius Orestes Aurelianus ad Tribunatum plebis an. <sup>669.</sup><sub>70</sub> repulsam passus, illum tamen iniit <sup>670.</sup>; Ædilis plebis factus <sup>672.</sup>; Præturam urbanam obtinuit <sup>676.</sup><sub>7</sub> ex *Valerio Maximo* Procos. Illyricum ex *Sallustio*, ubi gravissima bella gessit, & nummus per navem victoriam navalem in mari Illyrico & Dalmatico obtinuisse denotat, pauca *Sallustii lib. 2.* verba sunt hæc. „ Eam deditionem Senatus per nuntios Orestis cognitam, approbat.

Saliorum autem capita cum ancilio in anteriore denarii parte expressit, videntur ob felicem belli eventum : nam moris erat ei, qui belli alicujus curam habebat, ut antequam ad illud proficisceretur, sacrarium Martis apud Salios ejus sacerdotes adiret, & ibi ancilia primò commoveret, & post hastam simulacri ipsius dei, dicens. Mars vigila, ut narrat *Servius lib. 8. Æneid.* Non erat enim Salius sacerdos Cn. Aufidius, quia Aufidia & Aurelia gens erat plebeia, & Salii debebant esse ex Numæ constitutione, omnes Patricii.



## A U R E L I A.

**A**URELIA gens plebeia, tamen nobilis & consularis è Sabinis oriunda, ac à Sole Aureliam putant dictam, quòd publicè ei à Populo Romano datus locus sit, in quo sacra Soli fierent; ex *Festo*. Hi priùs Aufelii, ut *Valesii*, postea commutatione litteræ s, m, r, appellati sunt Aurelii. Quatuor distincta est cognominibus Cottarum, Orestarum, Ruforum & Scaurorum. Cottas ab iracundia & torvitate dictos volunt, certè Græci *κότον* iram vocant. Hinc lusum est:

*Iraſci faciles Cottas, vultusque ſeveros  
Fama refert domui nomen & inde datum.*

Orestes à Græca etiam voce *ὄρετης*, quod agreſtis eſſet, & quaſi *montanus*. Rufus quod rufos haberet capillos, & Scaurus à vitio pedum dictus, ſeu qui talos pedum haberet tumentes ac porrectos, vel cui pedes inflexo talo tardè gradus eſt.

### I.

Caput Jovis laureatum & barbatum : in averſa, c. COTTA trophæum galeatum cum thorace clypeo & haſta, coronatur à victoria, pone illud ſtante.

*Goltzius* ad Caium Aurelium Cottam refert hunc denarium qui Tribunus plebis fuit an. V. C. <sup>493.</sup><sub>4</sub> dum bellum arderet primum Punicum, Ædilis plebis an. <sup>496.</sup><sub>7</sub> Tribunus plebis iterùm <sup>498.</sup><sub>9</sub> & tandem Conſul cum Servilio Gemino an. <sup>501.</sup><sub>2</sub> ambobus cùm eſſet decreta Sicilia, Aurelius ex ea in Liparam trajecit, eamque cepit, & de illo *Oroſius lib. 4. cap. 9.* Cotta conſul, inquit, in „ Siciliam tranſgreſſus, plurimis præliis adverſus Pœnos & Sicu- „ los terra marique pugnavit, & per totam Siciliam partim ho- „ ſtium, partim etiam ſociorum in humanas ſtrages reliquit, „ de quibus triumphavit, ut docent *Columnæ Capitoliæ*.

C. AVRELIVS L. F. C. N. COTTA. COS. AN. DI.  
DE POENEIS. ET. SICVLEIS. IDIBVS. APRIL.

Cui ſuffragatur denarius cum capite Jovis triumphalis, & vi-  
cto.



Storia coronam trophæo imponente, in quo alluditur ad cognomen Cottæ; nam trophæum insignitur galea, cui victoria coronam porrigit. C. Cotta iterum consulatum cum eodem Servilio Gemino iterum anno <sup>505</sup>.

Quidam hunc nummulum ab Aurelio Cotta cūsum in Quæstura arbitrantur ad usum monetæ, cujus erat Victoriatus seu quinaris, & omnes Victoriatos ejusdem esse typi.

## II.

C. AVR. COT. P. C. *Caius Aurelius Cotta Proconsul.* Caput Romæ galeatum, in averſa, EMPOR. Pegasus alatus, pedibus anterioribus erectis; pone illum astrum.

C. Aurelii Cottæ nomen cum titulo Proconsulis ad superiorem Cottam pertinere demonstrat: nam ipsi & Servilio iterum Consulibus decreta est rursus Sicilia, Pœnosque Lylibæum & Drepanum infestantes prohibuerunt. Prorogata anno sequenti Cottæ provincia est: unde Proconsulis nomen in nummo; sed ubi cūsus fuit EMPOR. id est Emporii, epigraphe docet.

Emporium urbs multiplex apud *Stephanum*, Celticæ, Macedoniæ, Sicilia, & Campaniæ: sed in Sicilia sola quatuor numerantur à commerciis, quibus frequentabantur, denominatæ. Prima urbs Emporium Segestanum dicitur, alterum Selinontinorum, tertium Agrigentinum, quartum verò Leontinorum; ad tertium verò spectare nummum putamus, medio ferè inter Lilybæum & Pachynum promontoria spacio, quod maximo totius Africæ commercio & mercatorum conventu celeberrimum fuerit: ab Afris quidem conditum, ex Pegaso Africæ symbolo, ut jam dictum est. Plurimi observantur ejus urbis nummi in *Theſauro Regis Christianissimi*, cum eodem typo & nomine EMPOR. & diversis Romanis nominibus; unde colligere possumus Sicilia retores in hac urbe monetæ officinam habuisse, ut confirmat caput Romæ galeatum in iis signatum, hocque C. Aurelii Cottæ Proconsulis jussu percussum, sextantarii quidem pondere, ut Romæ, ob bellum contra Pœnos erat constitutum.

## III.

## III.

VESTA. Caput Vestæ velatum : in averſa, C. AVREL M. F. COTTA AED. CVR. Sella curulis, ſupra quam ſimpulum & patera.

M. Aurelius Cotta, quo die togam virilem ſumpſit, C. Carbonem, à quo M. Cotta pater damnatus fuerat, accuſavit, & iudicio afflixit, apud *Valerium Maximum lib. 5. cap. 4.* Ille filios tres reliquit, Caium, Marcum & Lucium; ad primogenitum Caium pertinet nummus, hic ſummus fuit ſui temporis Orator limatus, & ſubtili inventor, de quo *Cicero in lib. de Oratore*, Tribunatum plebis geſſit, & denarius ædilem curulem fuiſſe denotat: quippe ſella curulis ad id denotandum in eo percuſſa eſt; ſed caput Veſtæ in anteriore parte & ſimpulum cum patera in parte poſtica, Veſtaliū templi reſtituendi & Veſtaliū diei curam ſumpſiſſe, Cottam nos edocent: v. Idus Junii celebrantur Veſtalia, & his diebus penus, id eſt, locus templi intimus aperiebatur, & virgines Veſtales deæ Veſtæ ſacra faciebant: unde in denario ſimpulum & patera.

C. Cotta poſt Ædilitatem curulem conſulatum geſſit cum L. Octavio anno <sup>678.</sup><sub>9</sub>

## IV.

Caput Romæ galeatum, COTTA. in averſa Hercules, d. ſpolum leonis, in curru à duobus Centauris tracto, d. ſpiculum, ſ. palmæ ramum tenentibus, M. AVRELI.

## V.

Caput idem Romæ ſine voce COTTA: in averſa idem videtur typus & epigraphe.

Hi denarii vario modo cuſi ad M. Cottam, M. Cottæ filium, & Caii ſuperioris fratrem natu minorem, ſpectant; is antequam Tribunus plebis fuiſſet, Duumvir reſciendis ædibus ſacris, de quo in Alphinia gente diximus, creatus videtur. *Livius lib. 25.* ita ſcribit. Comitia deinde à Prætore urbano & Senatu ſententia plebis ſcito ſunt habita, quibus creati ſunt Quinqueviri, muris turribuſque reſciendis, & Triumviri bini, uni ſacris conquiſcendis, doniſque præſignandis, alteri reſciendis urbibus. Ita-

que Hercules Victoris in foro Boario restaurasse, ex denario auguramur: nam Deus in curru à centauris vehitur, ob illius in Centauros victoriam. Illius templi iconem & Hercules contra Centauros victoriam vide in nostris *Numismatum maximi moduli Abb. de Camps interpretationibus*, pag. 25. ut & *Diod. Siculum*, de hoc Heroe differentem, lib. 4. pag. 154.

M. Aurelius Cotta Tribunatum plebis gessit an. <sup>68.</sup><sub>9</sub> Præturam urbanam Quæstiones publicas sortitus an. <sup>67.</sup><sub>8</sub> & tandem consularum cum Licinio Lucullo uno anno seriùs quàm frater nempe <sup>69.</sup><sub>8</sub>.

## VI.

Caput Romæ sub Martiæ ac bellatricis imagine sine alis, in imo, ROMA: in averfa, Eques galeatus singularis decurrens, d. hasta submissa, L. AVRELI. COTTA.

Non ad L. Aurelium Cottam superiorum fratrem & gentem Cottarum consulem, sed ad L. Aurelium Cottam Tribunum plebis, an. <sup>594.</sup><sub>5</sub> qui patrem habuit Tribunum militum legionis III. sub L. Paulo consule, an. <sup>578.</sup><sub>9</sub> dum obsideretur in castris à Liguribus: unde illius insigne aliquod in hoc conflictu factum renovare voluit, de quo *Livius Dec. 4. lib. 10.* inquit, „ equitibus dato „ signo, ut conscenderent equos, nec effugere quemquam sinerent... supra quindecim millia Ligurum eo die occisa, ca- „ pra duo millia & quingenti. *Amicus* hunc equitem ludos Circenses designare, quorum quinta species; erat decursio equestris *Alter* ad Consuales Neptuno equestri dicatos spectare, cujus dei effigiem sic equestrem in ludorum memoriam aequatam contendit; ludorum enim curam habebant Ædiles curules, cujus magistratum Aurelius Cotta, quando Ædilis curulis gessit, an. <sup>602.</sup><sub>3</sub> cum Cæcilio Metello & aliis: nam Ædiles curules magnos ludos curabant. Consulatum etiam obtinuit cum Sulpicio Galba, an. <sup>603.</sup><sub>10</sub>.

## VII.

Caput Vulcani in laurea, cum pileo corona ex lauro insigni, pone caput forceps & desuper astrum: in averfa, Aquila insistent fulmini, L. COT. in laurea.

Ab eodem L. Aurelio Cotta denarium fuisse signatum denotat



rat ejus Ædilitatis curulis magistratus, in quo videtur restaurandi Vulcani templi curam habuisse: nam Ædilis dictus est apud *Varronem lib. 4. de lingua Latina*, qui ædes sacras & privatas curaret; & Ædiliū curulium erat officium, ut templa & alia ædificia publica magnificis opibus reficerentur: quare L. Cotta Vulcanum in denario ad ejus templi restorationis memoriam signavit. Vel forsā quod esset Triumvir monetalis, ut ex sequente nummo suspicamur. Cur pileo insignitur, *Eusebius in præp. Evang.* ignis virtutem Vulcanum appellatam dicit, & in forma hominis ei simulacrum constitutum, in cujus capite pileus esset cæruleus, cælestis symbolum volutionis: ideò astrum pone illum additur, ad indicandum ignem è cælis delapsū. Forceps, quia faber credebatur; quare in averſa parte fulmen, quod Jovi ille cuderet; & ideò aquila, quū illa huic deo id subministraret. Laureā videtur apposita, quod fulmen non timeat.

## VIII.

Caput Vulcani, ut suprà, cum pileo laureā ornato, pone quod astrum: in averſa caput muliebri laureatum, pone quod forceps, L. COT.

L. Cotta qui superiorem denarium & æreum hunc nummum percussit, eundem Vulcanum pileo cæruleo ornatum expressit; sed quæ illa mulier in averſa parte? si vera est conjectura nostra, Juno vocabitur, Vulcani mater, quem sola genuisse canit *Hesiodus, hoc carmine*,

*Juno Vulcanum nulli commixta in amore  
Edidit*

conjecturam auget forceps pone caput, quia Juno Moneta est appellata, & forcipibus, ad cudendos nummos, ut ad feriendum æs & ferrum, opus sit: ideò Triumvirum monetalem fuisse Cottam auguramur. Monetæ Junonis templum, Kal. Jun. dedicatum est, ex *Ovidio & Macrobio*; & x. Kal. Sept. Volcanalia, id est feriæ Vulcani, celebrabantur, & eo die populus pro se animalia in ignem mittebat.

## IX.

Caput Romæ galeatum, in averſa parte, L. ORESTES. Ca-

*Volum. I.*

X 2

stor

stor & Pollux, aëtris insigniti, decurrentes cum equis.

## X.

Caput idem Romæ: ex averſa, L. ORESTES, in imo, ROMA. Victoria in bigis, d. flagrum, f. habenas equorum.

Similis denariorum forma & eadem epigraphe, in utroque L. ORESTES ab Aurelio Oreste, qui fuit Tribunus plebis, an. <sup>587</sup>/<sub>8</sub> Ædilis Plebis, <sup>590</sup>/<sub>1</sub> Prætor provincialis, <sup>593</sup>/<sub>4</sub> & tandem consul cum Sex. Julio Cæsare, anno <sup>596</sup>/<sub>7</sub> at quum de rebus illius bello gestis nihil in *Historiæ Scriptoris* reperitur, fortasse in ejus nummis nihil præterquam solita in denariis symbola ut bigæ & Dioscuri, signantur; de quibus sæpè dictum est.

## XI.

Caput Junonis Sospitæ seu Deæ Magnæ, pelle caprotina velatæ: in averſa, L. AVR. L. F. ORESTES. Aper.

Hic denarius à L. Aurelio Oreste, Lucii Aurelii superioris Consul filio videtur cusus, ex denarii forma, & Lucii filii epigraphe. Is ad consulatum etiam pervenit cum M. Æmilio Lepido, an. <sup>617</sup>/<sub>7</sub> Goltzius Junonem Matrem Magnam cum Apro ad ludos Sæculares sub his consulibus, ex *Censorino*, celebratos; sed ipsi in honorem Dianæ edebantur: an non potius Megalenses respiciunt in honorem Junonis Matris Magnæ factos, in cujus memoriam ejus effigies in denario ab Aurelio Oreste expressa est: nam ejus originem, à Lanuvio ubi etiam colebatur, si quidem Aurelia gens à Sabinis erat, ut dictum est, non denotat.

At cur Aper in averſa parte? cum ipsi dicatum auguramur, ab altero nummo Thoriæ gentis; in quo ab anteriore parte visitur ipsa Juno capræ exuviis amicta, ΝΙΚΟΜΗΔΕΩΝ, & in postica idem aper, cum inscriptione ΕΠΙ ΑΝΘΥΠΙΑΤΟΥ ΘΩΡΙΟΥ; qui alludit ad Historiam ipsius deæ; nam Nicomedia erat regia Attali regis, qui permisit Romanis, ut Pessinunte, ubi erat templum Megalesion ejus deæ, ex quo extracta ejus imago & Romam advecta: unde Megalesia ludos Matris Magnæ appellarunt, ex *Livio & Festo*. Forſan in ejus luco Romæ nutriebantur apri, ipsi dicati. De quo *Ovidius in Fastis*.

*Monte sub Exquilio multis incæduis annis  
Junonis Magnæ nomine lucus erat.*

## XII.

Caput galeatum Romæ, pone quod, ROMA M. AVRELI. In averfa, SCAVR. in imo, L. LIC. CN. DOM. Vir in bigis, d. spiculum jacturus, f. baculum, ex cujus apice caput asininum, cum clypeo in brachio.


Tria exhibet Romanorum nomina hic denarius, sed præcipuum est M. Aurelii Scauri, qui eum cudit: porro non solus est qui hæc L. Licinii & Cn. Domitii nomina in suis denariis scribunt; in quatuor Gentibus ea *Ursinus* recenset: „ hæc sunt illius verba: Cn. autem Domitii & L. Licinii Censorum nomina „ non in hoc tantum denario signata sunt: sed in aliis quatuor item argenteis, in quorum uno præter Censorum nomina in altera parte, M. AVRELIVS SCAVRVS, in altero, C. MALLEOLVS M. F. in tertio, L. POMPONIVS CN. F. in quarto autem, L. PORCIVS LICINVS notatus est. Addere potuisset „ quintum in eadem Domitiæ gentis tabella, ab eo descriptum, C. COSCONIVS M. F.

Sed qui fuerint illi magistratus qui denarios cuderunt, & qui sint alii? nempe Cn. Domitius & L. Licinius; Censores nominat *Ursinus*, sed cur idem typum superiores signarint, investigandum. Omnes illi magistratus videntur esse Triumviri monetales, qui idem factum percutiunt sub L. Licinii & Cn. Domitii censura, an. <sup>661</sup> quo incæpit, gestum, nempe monimentum victoriæ contra Hispanos, à C. Valerio Flacco relatæ. Mars nudus, ut pingitur, in bigis, d. hastam vibraturus, & f. clypeum, sua symbola, contum præfert; cui præfixum est caput asini, quo utebantur Hispani, ut observari in plurimis denariis ad res Hispaniæ spectantes; at amicus instat, tres erant tantum Triumviri, & quinque recenset. Censura autem, quum non esset annua, tres monetales Triumviri, in fine anni magistratus quum advenit de victoria nuntius, denarios suos percutere potuerunt, & alii eundem typum, ut P. Romano gloriosum initio anni repetere, ille verò, qui hunc cudit, M. Aurelius Scaurus, videtur fuisse filius M. Aurelii Scauri consulis, anno <sup>645</sup>.



Caput Romæ galeatum : in averſa Jupiter in quadrigis curren-  
tibus, d. fulmen, ſ. ſceptrum, AV. RVF. in inſo, ROMA.

*Patinus* hunc denarium Aureliæ genti tribuit, in qua neminem  
cum hoc cognomine reperimus; quare ex ea in gentem Anniam  
illum eſſe rejiciendum arbitror, in denarioque legendum, AN. RV-  
FVS: ſed nullum alium quàm Annium Rufum, Judææ Procurato-  
rem ab Auguſto miſſum, ad cujus majores nummus ſpectare po-  
tuit, quùm ex illius forma antiquus eſſe videatur.



## AUTRONIA.

**A**UTRONIA gens consularis cognomine Pæti, qui dicebatur is, qui obliquatis oculis in altum respicit, vel qui alterum oculum minorem habet.

### I.

Caput Romæ galeatum : in averſa, AVTR. in imo, ROMA. Caſtor & Pollux, aſtris inſigniti decurrentes cum aſtris. *Ex Theſ. Regis Chriſtianiſſimi.*

Ampla non videtur fuiſſe tunc temporis Autronia gens, quàm nec prænomen ad diſtinctionem nominis, nec cognomen ad diſviſionem ſtirpis in denario adſcribantur. Is qui illum cudit ex forma, & ex typo, nempe hoc tempore ſolito, videtur fuiſſe L. Autronius, pater P. Autronii, qui conſuldeſignatus cum P. Sulla, ambitu damnatus non iniit: quos magiſtratus ille geſſerit, altum eſt apud *Hiſtoriæ Scriptores* ſilentium.

### II.

PAETVS. Caput Jovis laureatum & barbatum : in averſa parte, P. AVTRON. L F. Colonus velatus, d. ſtivam aratri quod trahunt boves, ſ. ſlagrum.

Publius ille Autronius dicitur Lucii filius, & Pæti cognomen gerit; in quæſtura *Ciceronis* collega fuit an. <sup>678</sup> audax, petulans, libidinoſus, ut ait in *Oratione pro Sulla ex Curione Oratore*, ubi de moribus multa, ut Lilybetanæ provinciæ Quæſtor tunc fuit *Cicero*, ſic Autronius Syracuſanam obtinuit, & ut Syracuſas coloniã eſſe Romanorum, uti tradunt *Plinius* & *Ptolemæus*, ſymbolum deductæ coloniæ, nempe aratorem qui coloniæ novæ pomerium indicare videtur, in tanta *Hiſtoriæ Romanæ* caligine id pro certo deſignantem expreſſit: caput autem Jovis Capitolini, ut præcipuum Romani Imperii numen, ſignavit: Publius verò Autronius cum P. Sulla, anno <sup>687</sup> deſignati conſules, ambitu lege Calpurnia accuſati, damnati à L. Cotta &

& L. Torquato non inierunt, sed hi ad se magistratum transtulerunt. Autronius postea in suspicionem conjurationis Catilinæ venit, cum P. Sulla & Julio Cæsare, de quo in *Suetonio*. „ Si „ quidem ante paucos dies quam Ædilitatem iniret, venit in „ suspicionem conspirasse cum M. Crasso, consulari, item P. „ Sulla, & P. Autronio post designationem Consulatus ambitus condemnatis.

## III.

Caput Jovis Capitolini laureatum & barbatum, ante quod fulmen: in averſa, L. AVTRON. P. F. PAETVS M. CRASSVS M. F. EX. S. C. Sella curulis, supra quam duæ coronæ, vase anſato inter medio.

Patri succedit filius; hic Lucius Publii filius dicitur, hocque prænomen habet à patre. Pauca de illo nobis protulerunt *Historie fragmenta*, si quidem ejus denarii superſtites Ædilem curulem fuiſſe cum M. Licinio Crasso Marci filio, & M. nepotis apud Parthos occiſi nos edoceant; de quo in Licinia gente. Sella quidem curulis pro ambobus exprimitur, sed duæ coronæ ex lauro compositæ demonſtrant eas fuiſſe Jovi Capitolino, cujus effigies in anteriore parte expreſſa eſt, ab unoquoque Duumvirorum curulium oblatas; in ludis Capitolinis hoc anno ab iis celebratis, poſt ſacra Jovi facta; ut indicat vas anſatum inter illas coronas poſitum. Hos verò ludos Romulus Jovi Fereſtrio inſtituit in Tarpeio, quos Tarpeios dictos & Capitolinos, ut tradit *Piſo*.

## IV.

Caput Romæ galeatum, PAETVS PR. COS. in averſa parte vir togatus in quadrigis triumphalibus, d. habenas equorum, ſ. ſcipionem eburneum, L. AVTRONIVS.

Ad eundem L. Autronium pertinet denarius.

*Tabulæ Capuanæ* exemplar, in quo omnes ejus anni conſules deſcribuntur, P. Autronium Kal. Januar. anno <sup>722</sup><sub>3</sub>. Cæsari Divi filio iter ſuſſectum prodit, sed L. pro P. reſtituendum. Hic Africam provinciam rexit; & ex ea triumphaffe nos edocet *Fragmentum hoc Capitolinum*.

L. AV-



L. AVTRONIUS P. F. L. N. PAETVS PRO A. DECEXIV.  
DCCXXV. P. A. P.  
COS. EX AFRICA. XVII. K. SEPTEMBR.

T. Statilio Tauro post consulatum, an. <sup>716</sup>/<sub>7</sub> successerat, qui Africam administravit triennio, & ipse Africæ præfectus est, altero quadriennio (de quo tamen altum est apud *Scriptores* silentium) missus à Cæsare, ut provinciam Lepidi occuparet, quam illum sine pugna faciliè obtinuisse, refert *Dio*.



## A X S I A.

**A**XSIA gens, plebeia fuit, ut eruitur ex inscriptionis fragmento, in quo Axsius Naso Trib. plebis nominatur: cognomen autem *Naso*, quod magnum nasum haberet, hujus nominis primus.

### I.

Naso, caput Mercurii cum pileo, ad cuius latus lauri ramus hinc & inde affixus: in averſa parte Diana Venatrix, d. haſtam; vehitur in curru à duobus cervis tracto, ante eam canis, duo alii ſubſequentur, L. AXSIVS L. F.

Vox AXSIVS, antiqua ſcribendi ratione pro AXIVS, poſita eſt ut MAXSVMS pro MAXIMVS; nam in libris editis legitur tantum AXIVS, qui citatur à *Suetonio*, cap. 5. „ de hac, inquit, „ ſignificare videtur & *Cicero*, in quadam ad *Axium* epiſtola, pro „ quo vulgati codices ad *Atticum* legunt; ſed libri omnes Mſ. habent Axium, quam vocem *Turnebus* & *Læv. Torrentius* retinent, ſi quidem ipſe *Cicero* ep. 9. ad *Atticum*, Axium nominat, & *Gellius* lib. 7. cap. 3. narrat, Tironem Ciceronis libertum epiſtolam conſcripiſſe ad Q. Axium familiarem patroni ſui, ſed Q. pro L. eum appellat, & hic tantum vocatur Naso ab *Appiano*, qui inter proſcriptos eum refert, lib. 4. *bel. civ.* „ Naso, inquit, à li- „ berto, quem in deliciis habuerat, proditus, cuidam militi extorſit „ gladium, & ſolo proditore occiſo, percuſſori jugulum præbuit.

*Urfinus* Axium, de quo loquitur *Cicero* in epiſtola ad *Atticum*, ſuſpicatur ſceneratorem; ideò, ſi noſter eſt, Mercurium videtur coluiſſe, quare illum exhibuit cum duobus laureis termitibus, uti pingebatur, quando iv. Id. Maii die ejus feſto, quod eo die ejus dedicata eſſet ex *Livio* an. C. U. 259. ad portam Capenam mercatores eum aſpergebant ex aqua cum lauri ramo, unde *Ovidius*:

*Eſt aqua Mercurii, portæ vicina Capenæ,  
Si juvat expertis credere, numen habet.  
Huc venit incinctus tunica mercator, & urna  
Purus ſuffuſa, quam ferat, haurit aquam.*

Uda

*Uda fit, huic laurus, lauro sparguntur ab uda  
Omnia, que dominos sunt habitura novos.*

Axius autem Ædilis curulis fuisse videtur, & sacra Dianæ curasse; in cujus memoriam illam expressit in denario. Hac die Venatores, nam venationibus Diana præest, canes suos morbo aut scabie affectos ante eam collocabant, ut refert *Gratius de Venatione*; imò hac die Diana emeritos canes, quietos & immunes habere credebatur ex *Statio 3. Sylvarum*. At quum sacra Dianæ etiam iv. Id. August. celebrabantur, ut iv. Id. Maii, sacra Mercurii, ut testatur *Martialis epigr. 68. lib. 12.*

*Maie Mercurium creastis Idus,  
Augustis redit Idibus Diana.*

Et *Ausonius, Eidyllio de feriis Romanis*:

*Et medias Idus, Maii, Augustique recursu,  
Quas sibi Mercurius, quasque Diana, dicat.*

Hinc L. Axius in eodem denario, hinc Mercurium cum lauri ramis, inde Dianam cum canibus expressisse videtur. Cervos in Dianæ tutela fuisse nemo nescit.

## II.

Caput Jovis barbatum & laureatum: in averfa, NASO. Mars nudus & galeatus st. d. ramum olivæ, s. hastam, retrò eum clypeus.

Plurimi monetarii Romani solum cognomen in nummis, ut & *Historici* in libris apposuerunt, quia ipsi suis temporibus ab aliis ut magistratus agnoscebantur; ita Axius in hoc nummo Naso tantum nominatur, ut illum appellat *Appianus, lib. 4. civ. bell.* In æreis etiam pauca ad historiam spectantia Rep. stante exhibere solebant, tamquam in moneta minimi pretii dei alicujus caput signare contenti: ecce caput Jovis Capitolini, ut præcipuum Romani Imperii numen, in altera parte exhibetur Mars, non Gradivus & in armis, sed mitis & Pacifer, ad denotandam Rempublicam nullo gravi bello detineri.



## III.

Caput Jani bifrontis imberbis, ex altera parte, NASO. Hercules dextra innixus clavæ, s. cornucopiæ.

De Jano in sequente nummo, nunc dicamus de Hercule. Romulus quidem, postquam divisit populos in Senatores, Equites & Plebem, de Religione instituenda cogitavit, ille ab Albanis suis eisdem ferè quos habebant deos, Jovem, Junonem, Janum, Saturnum, Martem, Palladem, Mercurium, à vicinis autem Arcadibus, qui Palantium condiderant, Herculis in foro Boario, sacra recepit: hinc à Romanis sæpè cultus, & ut loquitur *Sallustius in Jugurtha*, verus Dux atque Imperator vitæ mortalium est. Hic Pacifer ut Mars depingitur, & pace rerum omnium abundantiam in Imperio futuram denotat.

## IV.


Caput Jani bifrontis barbati, in postica parte, NASO, in laurea. Janus ut in superiore nummo diximus, deus erat apud Albanos cultus, & quidem bifrons, ut refert *Virgil.* 1 2. *Æneid.*

*Latonæque genus duplex, Janumque bifrontem.*

At jam diximus inventorem fuisse monetæ, idè Numam in priscis nummis ejus effigiem adhibuisse; quod sequuti sunt alii usque ad hunc diem quo Axsius eum etiam exhibet: sed cur modò barbatus, modò imberbis depingitur? Qui barbatum illum depingunt, antiquum sequuntur modum, quùm barba nutriebatur, unde *Ovid.*

*Sic apud intonsos nomen habebat avos.*

Qui verò imberbem exprimunt, ut tempore Axsii, Romani erant sine barba. Vox NASO in corona est, quod Janum coronarum quoque inventorem Veteres existimarunt, id quod Dracon Corcyreus apud *Athenæum* pluribus docet. Ex lauro, est quod P. Romanus omnium gentium victor haberetur.



## B Æ B I A.

**B** ÆBIA gens, fuit plebeia, cujus nomen ab ululatu ovium bæ, bæ, derivatum videtur, cognomen verò Tampilus pro Tamphylus, ut TRIVMPVS pro TRIVMPHVS & alia, à verbo Græco Αμφιράδω, utraque manu lævus.

### I.

Caput Jani bifrontis in vertice l. ex àversa parte, Q. B. in Corona ex lauro.

A. Q. Bæbio Tamylo percussum opinamur nummum, quando Quæstor fuit provincialis, anno <sup>520</sup> etiam si solis initialibus literis Q. B. sit scriptus; forma ejus ex pondere imminuta ex primo bello Punico incepto, an. <sup>587</sup> demonstrat. Filius Cn. Bæbii Ædilis plebis, <sup>501</sup> Pater duorum consularium Cn. & M. Tampilorum Præturam gessit, an. <sup>531</sup> legatus cum P. Valerio Flacco consulari pro Saguntinis ad Annibalem, & deinde cum aliis Carthaginem ad bellum indicendum est missus, ut *Livius*, lib. 21. narrat.

Janus bifrons solito modo pingitur, & quum fuerit coronarum inventor, ut apud *Athenæum* diximus, ea in denario signatur, & quidem ex lauro, ad indicandum Romanos semper esse victores; si quidem laurus victoris præmium est.

### II.

Capita Deorum Penatium jugata & lauro redimita, TAMPILVS, in àversa, vir paludatus stans, d. innixus hastæ, laurea à dextris palmæ ramo alligata, à sinistris victoria coronans paludatum, CN. BÆBII. Q. F.

Q. Bæbii filius natu major, appellatus est Cnæus; à quæstura inita an. <sup>544</sup> ad Tribunatum plebis accessit 549. Ædilisque plebis factus est an. <sup>553</sup> cum L. Torrentio Massa, qui ludos plebeios ter totos instaurarunt; ut habet *Livius in fine lib. 31*. Præturam deinde gessit, an. <sup>564</sup> Galliamque Cisalpinam sortitus, Ariminum venit, & cum quinque militibus sociorum, & exercitus Aur. Cottæ, ante Lentuli consulis adventum, triumphus ambitio-

sus Insubrium fines temerè ingressus, prope cum toto exercitu est circumventus, supraque sex millia & sexcentos milites amisit, & à Consule superveniente Romam turpiter abire iussus est.

Ob rem sic malè gestam consulatus repulsam passus est, & Triumvir agris dandis tantum missus, tandem post alteram consulatus repulsam, illum obtinuit, an. <sup>571</sup> cum L. Æmilio Paulo, qui in prælio Cannensi occisus est. Illis nulla, præter Ligures, provincia quæ decerneretur, erat: Consules ambo in Ligures, quæ tum una consularis provincia erat, proficiscuntur, & quia prosperè ibi res gesserunt, supplicationem in unum diem decretam esse refert *Livius*. Sed Bæbio statuam esse erectam nos denarius docet, in cujus memoriam in eo expressa est. Laureæ & palma, Victoris symbola, ei adjecta sunt. Dii Penates, ad indicandam forsitan ex Lanuvio oppido Bæbiorum originem.

## III.

Caput Romæ galeatum, TAMPIL. Apollo nudus cum strophio, in quadrigis currentibus, d. rimum, f. arcum & habenas equorum, M. BÆBI. Q. F. ROMA.

Quinti etiam Bæbii Pratoris an. <sup>531</sup> filium fuisse M. Bæbium, denarius refert, is Quæsturam suscepit, an. <sup>554</sup> Tribunatum plebis, <sup>559</sup> Præturam peregrinam <sup>561</sup> fortitus obtinuit Hispaniam citeriorem, cui S. C. & plebiscito permutata fuit provincia, & Brutii illi decreti sunt, an. <sup>564</sup> prorogata provincia Græciam obtinuit, & Philippo regi junctus est. Consulatum denique iniit cum Cornelio Cethego, an. <sup>572</sup> decreti in Ligures consulibus exercitus, prorogatum est iis imperium, <sup>574</sup> & Apuanos Ligures ex proviso adorti, ad deditionem plurimos compulerunt, & eorum in Samnitum agrum transmigrationem à Senatu obtinuerunt, transacta re quàm veterem exercitum Romam deduxissent, triumphus ab Senatu est decretus.

M. BÆBIVS. Q. F. CN. N. TAMPILVS AN. DLXXIII.  
PROCOS. DE LIGVRIBVS.

Hi, inquit *Livius*, omnium primi nullo bello gesto triumpharunt tantum hostes deducti ante currum: quia nec quid ferretur, neque quid duceretur captum, neque quid militibus daretur,



retur, quicquam in triumphis eorum fuit; hæc *Livius*. Ideò forsan in Bæbii denariis non consul in quadrigis, sed Apollo expressus est; quod hoc anno propter pestilentiam, quæ jam annum tertium urbem Romam atque Italiam vastabat, Apollini, inquit idem *Livius*, Æsculapio, & salutis dona vovere & dare signa inaurata consul vovit. Decemviri supplicationem in biduum valetudinis causa in Urbe, & per omnia fora conciliabulaque edixerunt, qua in minuta Apollo videtur ipse triumphare.

## IV.

Caput Jani bifrontis : ex averſa tria navium roſtra , M. BAE-  
BI. in vertice, ROMA.

Hic æreus nummus, ob Marci Bæbii epigraphen, superiori tribui solet; hoc autem habet particulare, quod alii nummi cum Jano signati navem tantum exhibeant, hic verò tria rostra : ob id in ejus proprætura signatus videtur, quum classe in Græciam transiit Bæbius; nam in æreis nummis pauca ad historiam exprimuntur.

## V.

L. BAEBIVS POLLIO II VIR. QVIN. Victoria, d. coronam,  
f. palmam : in averſa, C. AQUINVS MELA. II VIR. QVIN. duo  
signa militaria.

Quis fuerit ille Bæbius Pollio, altum est apud *Historiæ Scriptores* silentium, ut de Aquino Mela. Ex hoc igitur nummo nihil aliud erui potest, nisi quod illum in colonia quadam Romana, in quam deducti sunt Veterani duarum legionum, ut indicant signa militaria, percussum fuisse noscamus, & quidem sub censura L. Bæbii Pollionis & C. Aquini Melæ, ut docet ex utraque parte Duumvir Quinquennalis inscriptio : nam Censores in Colonia, Duumviri Quinquennales appellabantur, quod omni quinquennio eligerentur. Victoria ad alicujus Imperatoris victoriam spectat, aut Veteranos hujus coloniae post insignem aliquam victoriam in coloniam fuisse deductos arguit.



## BETILIENA.

P. BETILIENVS BASSVS. In area, s. c. in averfa, III VIR.  
A. A. A. F. F. Aliis incus, aliis typus ipse.

**B**ETILIENA gens videtur fuisse nota, si quidem Romæ Triumvir sub Augusto P. Betilienus nominetur, nulla tamen illius in *Scriptoribus* mentio: sed si mihi conjicere liceat, ex cognomine Bellieni à primitivo velut per diminutionem deflexum est. Betilienus relicto Annæ gentis nomine, in gentem Betilienam transiit; ut plurimis contigit. Nempe Perperna & Norbanus, qui etiam cognomina postea sibi adscripserunt, ut Vibii: qui Passieni cognominabantur, postea Passienus transiit in nomen gentilitium, & dictus L. Passienus Rufus. cos. anno 749. nonne etiam Salvidienus appellatus est L. Salvidienus Rufus, qui consul designatus, an. 723. occisus est.



## C Æ C I L I A.

**C**ÆCILIA gens seu nobilis seu plebeia, cujus à Cæculo Vulcani filio, Prænestinæ urbis fundatore, cui nomen id à parvitate oculorum inditum fuit, nomen deductum volunt; vel ut quibusdam placet, à Cæcade Trojano Æneæ comite; at aliis à cæcutientibus oculis: in plurima cognomina divisa est, princepsque fuit Metellus, qua voce in re militari quasi mercenarii dicti sunt: unde est illud *Accii*:

CALONES FAMVLI, METELLIQVE CACVLÆQVE.

### I.

Caput Vestæ velatum, METELLVS: in averfa consul in quadrigis triumphalibus, d. habenas equorum, f. scipionem eburneum, coronatur à victoria, L. CAECIL. L. F. L. N. PR. COS. in vertice, EX. S. C.

Lucius Cæcilius Metellus fuit filius Lucii Metelli consulis, an. U. C. <sup>459.</sup><sub>70</sub> secundus Cæcilie gentis princeps meritò habetur, per omnes minores magistratus ad maximos ascendit; nam fuit Quæstor prov. an. <sup>489.</sup><sub>90</sub> Tribunus plebis <sup>496.</sup><sub>7</sub> Ædilis plebis <sup>496.</sup><sub>7</sub> Tribunus plebis iter. <sup>500.</sup><sub>1</sub> consul cum C. Furio Pacilo <sup>502.</sup><sub>3</sub> Siciliam ambo contra Pœnos profecti, an. <sup>503.</sup><sub>4</sub> prorogato imperio in Sicilia Metello, dum obsidere vult Lilybæum Asdrubal, ingentem de illo victoriam retulit, magna clade Pœnorum facta, nempe ad viginti tria hominum millibus cæsis & elephantis sex, cum centum & quatuor vivis captis, de quo Metellus triumphavit.

L. CAECILIUS L. F. CN. METELLVS PROCOS. A. <sup>DIII.</sup><sub>DIIII.</sub> Varr.  
DE POENIS. VII. IDVS SEPTEMB.

Denarius hunc triumphum confirmat: nam consul in quadrigis, quas vocamus triumphales, quando equi lento gradu & non citò incedunt, vectus est, scipionem eburneum, in cujus apice aquila est, consulis symbolum gerit: coronatur à Victoriâ, ob insignem illam, quam de Pœnis retulit. Si quis, ob caput Vestæ,

*Volum. I.*

Z

dena-



denarium in ejus dictatura cūsum, quū jam esset Pontifex Maximus, libens assentior; cui astipulari videtur nota S. C. ut memoria triumphī tam celebris iterū renovaretur.

## II.

Caput Romæ galeatum, pone quod, ROMA: in averſa Jupiter in quadrigis triumphalibus, d. fulmen, f. ſceptrum, L. METEL. L. F. C. N.

Ad L. Cæciliū Metellū etiam ſpectat hic denarius, etiam ſi tantū per Metelli cognomen exprimatur; ut ſolebant Romani modò nomen modò cognomen ſcribentes, ſed id confirmat epigraphe, L. F. C. N. quæ nulli Metello quā hūc congruit. Jupiter pro conſule in quadrigis perhibetur, quod ejus auxilio Metellus victoriā retuliſſe agnoſcat, ad cujus etiam templum in Capitolio triumphus ſolemni ſacrificio peragebatur.

L. Metellus agris dandis xv factus eſt magiſter equitum ſub Dictatore Atilio Calatino an. <sup>506</sup>/<sub>5</sub>.

L. CAECILIUS L. F. C. N. METELLVS MAG. EQ.  
REI GERVNDÆ CAVSSA.

Iterū conſul creatus cum Fabio Buteone, an. <sup>506</sup>/<sub>7</sub> & exercitum in Sicilia ad Lilybæum contra Amilcarem Barcam Pœnorum ducem tenuit. Pontifex Maximus an. <sup>510</sup>/<sub>1</sub> creatus eſt an. <sup>512</sup>/<sub>3</sub> quū templum Veſtæ flagraret, ut Pontifex Maximus, inter ipſos ignes raptum Palladium incolume ſervavit, cæcus à ſumo factus eſt: ob quam cæcitatem illi Dictaturæ honos Metello datus eſt an. 529.

L. CAECILIUS L. F. C. F. N. METELLVS DICT.  
N. FABIVS M. F. M. N. BVTEO. MAG. EQ.  
COMIT. HABENDOR. CAVSSA.

Quum ſacris civilibus ut Senator & ut Pontifex Maximus operam ſuam impenderet, illi conſeſſum eſt, ut quoties in ſenatum iret, curru veheretur ad curiam; ut jam Appio Cæco, his etiam muneribus fungenti, conſeſſum fuerat: tandem Metellus annis fractus, quū centeſimum ageret, mortuus eſt.

## III.

## III.

Caput Herculis, pone quod tres globuli in averſa navis cum tribus etiam globulis, ROMA.

Nummus iſte æreus ex nota trium globulorum dicitur quadrans, quod tertiam partem Afſis, nempe quatuor uncias quando pro librali habebatur, ſed jam diximus imminutum fuiſſe, primo bello Punico ab anno U. C. <sup>489.</sup><sub>50</sub> cœpto ad ſextantarium: itaque hîc quarta pars eſt ſextantarii pro triente tamen antiquo more notati, & ex pondere ad L. Cæcilium Metellum ſpectat. Caput Herculis ob ejus cultum Romæ admiſſum, ut caput Jani bifrontis in moneta ſignabatur cum navi quæ exinde ſolita fuit eorum pars averſa.

## IV.

Caput Romæ galeatum, pone quod, ROMA, in averſa parte victoria in bigis, M. SALINATOR, in vertice, Q. METELLVS, in imo, CN. FOVL. in area.

Ad ſuadendum ut Q. Metelli Pontificis Max. filii mentionem faciat hic denarius, M. Salinatoris nomen in vertice ſcriptum impellit, ille ex *Goltzii* mente ad Dictaturam M. *Livii* Salinatoris, & magiſterii equitis Q. Metelli ſpectat annis, U. C. <sup>546.</sup><sub>7</sub>

M. LIVIVS M. F. M. N. SALINATOR. DICT.

Q. CAECILIVS L. F. L. N. METELLVS. MAG. EQ.  
COMIT. HABENDORVM CAVSSA.

Q. Cæcilius Metellus Quæſturam provincialem aſſequutus eſt, an. <sup>536.</sup><sub>7</sub> Tribunatum plebis geſſit <sup>544.</sup><sub>2</sub> Ædilis fuit plebis, an. <sup>545.</sup><sub>4</sub> cum Servilio Pulice, & ambo ludos plebeios inſtaurarunt. Ædilis curulis cum eodem Ludos Romanos per biduum inſtauravit, magiſter Equitum à M. Livio Salinatore factus, anno <sup>546.</sup><sub>7</sub> conſulatum geſſit cum L. Veturio Philo, anno <sup>547.</sup><sub>8</sub> Ambobus Brutis contra Annibalem provincia decreta eſt, prorogatum eſt ſorte ei imperium, an. <sup>548.</sup><sub>9</sub> & in fine anni comitiorum habendorum cauſa Dictator creatus eſt, S. C. à Licinio Craſſo, ob peſtem in exercitu graſſantem.

Q. CAECILIUS L. F. L. N. METELLVS DICT.  
L. VETVRIVS L. F. L. N. PHILO MAG. EQ.  
COMIT. HABEND. CAVSSA.

Ille inter ejus temporis eloquentes recenſetur à *Cicerone in Bruto*; Patrem L. Metellum oratione funebri erudita laudavit ex *Plinio*. Pater fuit Q. Metelli Numidici, & L. Metelli Calvi, de quo poſt fratris progeniem nobis erit ſermo. Superſt ut huic denario finem imponamus, ſi Cn. Fulvium cognomine Flaccum, ut Triumvirum monetalem, illum percuffiſſe dicamus, ſed *Amicus* tres illos magiſtratus in eo memoratos ſuſpicatur Triumviros monetales; de quo in Fulvia gente diſſeremus.

## V.

Caput Romæ galeatæ, Q. METE. in averſa parte Jupiter in quadrigis triumphalibus, d. ſceptrum, ſ. fulmen & habenas equorum, in imo, ROMA.

*Goltzius* ad Q. Cæcilium L. filium revocat hunc denarium, ſed ejus typus nempe Jupiter in quadrigis, ad Quintum Macedonicum ejus filium potiùs ſpectare nobis ſuadet; primò Jupiter in quadrigis non denarium eſſe quadrigatum vulgò vocatum, in quo victoria exhibetur, triumphum indicare videtur; ſecundò quadrigæ lento gradu, ut in triumphis incedunt, & Q. Cæcilius Macedonici pater non triumphavit, ſed ejus filius, ut infrà dicturi ſumus.

## VI.

Caput Jovis laureatum & barbatum: in averſa parte, Q. METE. in imo, ROMA. Navis.

Eadem nummi epigraphe, Q. METE. ac in ſuperiore denario, me, ut illum eidem Q. Metello aſſignem, maxime, quando idem nummi pondus, ut iis temporibus conveniens, ſollicitat. Jupiter Capitolinus in ære frequens ut præcipuus Romanorum deus ſignatur, ut Janus biſrons cum navi ſolet.

Q. Cæcilius, Q. Filius & L. nepos Quæſturam provincialem geſſit, anno <sup>593.</sup> 4. Tribunatum plebſ videtur adeptus fuiſſe <sup>598.</sup> 9. Adilis curulis factus eſt, <sup>602.</sup> 3. Prætor peregrinus Macedonia ſortitus obtinuit, <sup>605.</sup> 6. inſigni victoria, Macedonas & Pſeudophilippum regem bis ſuperavit, unde nomen Macedonici retulit. Ipſi prorogatum eſt  
impe-



imperium,<sup>606</sup> & cum Achæis pugnavit, Critolaum eorum ducem debellavit, & alterum ipso occiso Diaum interfecit, & Thebis Megaraque captis, pax Achæis ab illo præscripta est. Proprætor usque in adventum successoris, Macedoniam obtinuit, an. 607. Illam tributariam in provinciæ formam redegit cum Thessalia & Bocetia.

## VII.

Caput Herculis, pone quod tres globuli: in averſa Q. METE. in imo, ROMA. Navis, à dextris tres globuli.

Eadem scribendi ratio, Q. METE. eidem Q. Metello quadrantem hunc assignat; tres enim globuli pro nota, cum apertè designant, licet pondus sextantario, imò solùm uncix pro libra respondeat. Sparſim autem diximus faviente ſecundo bello Punico aſſem libralem ad unciam unam fuiſſe reductum, ut ex *Plinio* didicimus. Hercules, ut Jupiter & Janus biſſons ſupra monetam Romanam, iſdem de cauſis, quas ſæpè retulimus, ſignati ſunt, cum navi ſolita in omnibus: ſed ad magiſtratus, quos ordine geſſerit Q. Cæcilius, redeamus.

## VIII.

Caput Victoriæ pectore tenus alatum, EX. S. C. in poſtica parte Navis Prætoria, Q. METE. MACEDONIC.

Inſigne eſt hic denarius triumphî Metello ob Macedoniam devictam, ex Senatuſconſulto decreti monumentum. Specioſiſſimus fuit, Andriſcus ille Pſeudophilippus catenis onuſtus in eo ductus eſt, & in pompa inſignis illa Alexandri M. ſtatua à Lyſippo ſingulari artifice facta, eſt traducta: Victoriæ imago ex una parte expreſſa ut ſolemnis in terra relata eſt; ex altera navis Prætoria quæ ſcenicum illum & imaginarium Macedonum regem cum manubiis Romam exportavit.

Q. CAECILIUS Q. F. L. N. METELLVS MACEDONIC. AN. <sup>D CVIT.</sup>  
<sup>DC / III.</sup> Farr.

PROPR. EX MACEDONIA DE PSEVDOPHILIPPO.

Conſulatum adeptus eſt Cæcilius Macedonicus cum Apelaudio Pulchro, anno<sup>610</sup> poſtquam bis repulſus fuiſſet, de quo *Valerius Maximus*, lib. 7. c. 5. Q. Cæcilium Metellum repulſa conſulatus „  
aſſatum, paucis & mœſtis animis comitatum, ac rubore ple- „  
Z 3 „ num

„ num è campo bis rediisse, quem Senatus universus triumphan-  
 „ tem de Pseudophilippo lætum & alacrem in Capitolium profe-  
 „ quutus erat. Hispania Citerior Cæcilio consuli obvenit. Proroga-  
 „ taque illi provincia, <sup>611</sup>/<sub>2</sub> in qua res feliciter gessit. Censor electus  
 cum L. Valerio Flacco, anno <sup>622</sup>/<sub>3</sub> quo primi duo fuerunt plebei,  
 & tandem princeps senatus lectus est, anno <sup>633</sup>/<sub>4</sub>. Ipse habitus pro elo-  
 quente, ut refert *Cicero in Bruto*, & ut ejus orationes apud *Suetonium*  
*in Augusto* testantur. Mortuum illius corpus in funebri pompa  
 humeris extulerunt quatuor filii, Quintus, Lucius, Marcus, &  
 Caius, quorum nummos infrà sumus relaturi.

## IX.

Caput Jovis barbatum & laureatum, Q. in averſa parte, Q. ME-  
 TEL. BALEARIC. Victoria, ſ. palmam, d. coronam porrigit tro-  
 phæo ante illam erecto.

Primum ecce Q. Metelli Balearici, Q. Cæciliæ Macedonici pri-  
 mogeniti filii, denarium, in memoriam insulæ Balearicæ, ab eo in  
 P. Romani potestatem redactæ percussum: jam trophæum à Ro-  
 manis victoribus in regionibus quas bello acquirebant, solitum  
 esse ex spoliis hostium erigi protulimus. Baleares duæ sunt insulæ in  
 mari mediterraneo Hispaniam versus, *ὑπὸ τῇ Γαλλίᾳ*, hoc est à  
 mittendo dictæ, quod Balearici essent periti funditores,  
 una major, altera minor dicta, inter se 25. mill. passibus distat.

Q. Metellus Quæsturam provincialem obtinuit, anno <sup>614</sup>/<sub>5</sub>; Tribu-  
 nus plebis factus, <sup>619</sup>/<sub>20</sub>; Ædilis plebis, <sup>622</sup>/<sub>3</sub>; Consul cum T. Quinctio Fla-  
 minio, <sup>630</sup>/<sub>1</sub> contra Baleares piraticam exercentes, mare inferum  
 infestantes, missus, prorogato imperio insulas bello pervagans  
 edomuit.

## X.

Caput Libertatis, P. RVPILI. P. F. EX. S. Q. in averſa consul  
 togatus, dextram porrigit homini nudo, cum pallio ab humeris  
 retrò pendente, ſ. hastam, pone eum navis, in qua temo & an-  
 cora inverſa, Q. METEL. Q. F. Q. N.

Ad Q. Metellum qui Balearicus dictus est spectare num-  
 mum, epigraphe Q. F. & Q. nepos nos edocet; pacem  
 dextra juncta inire videtur, & si vera est nostra conjectura, cum  
 Balearibus. Id confirmat navis, in qua temo & ancora inverſa  
 sunt,

sunt, \*ad notandum se non ampliùs mare infestaturos promittere : nam si *Straboni* credimus, *lib.* 13. Pàucis quidam quùm societate facta cum piratis conspirassent, Metellus universos criminatus; sed re cognita pacem eis dedit, & coloniæ postea in insulas deductæ sunt Romanæ, unde pax cum iis facta videtur : P. Rupilius P. Rupilii Rufi, Tribuni plebis, anno <sup>618.</sup><sub>9</sub> Marci nepos Quæstor urbanus denarium ex Senatusconsulto post pacem initam percussit, anno <sup>631.</sup><sub>2</sub>

## XI.

FIDES. Caput deæ, olea corona insigne : in averfa Fides ipsa stans, d. calathum fructuum plenum, f. spicas, Q METEL. Q. F. BALEARICVS.

Nomen Balearici non finit dubitare quin denarius sit Q. Cæcili Metelli, qui Balearici cognomen assumpsit, & superiorem confirmat ad eum spectare, quùm expressa dea Fides sit in memoriam, Balearibus datæ fidei, unde apud *Virgilium*, *lib.* *Æneid* 8.

*Accipe daque fidem.*

Et *lib.* 12.

*Iunximus hospitio dextas.*

Fides ut Dea à Romanis culta fuit cujus ædes erat in Capitolio, ut *Plinius*, *lib.* 35. innuit : ipsa tunicata exprimitur in nummis Domitiani, cum epigraphe, FIDEI PVBLICAE, & Plotinæ FIDEI AVGVST. ambo cum eadem figura, d. fructus & f. spicas ad rerum omnium ubertatem & copiam fide parta denotandam : Fides olea coronatur, quod ea sit pacis conservatrix.

Quintus autem Cæcilius Metellus Quæsturam accepit provincialem, anno <sup>614.</sup><sub>5</sub> Tribunatum plebis adeptus est, anno <sup>619.</sup><sub>20</sub> Ædilis plebis factus, anno <sup>622.</sup><sub>3</sub> Consul cum Quinctio Flaminio, <sup>630.</sup><sub>1</sub>

Q. CAECILIVS P. F. D. F. METELLVS A. <sup>DLII.</sup>  
<sup>DLIII. 1747.</sup>

BALEARICVS PROCOS. DE BALEARIBVS PR....

Censuram iniit cum L. Calpurnio Pisone anno, ut videtur *Pighio*, <sup>633.</sup><sub>4</sub> nec ejus pater Macedonicus tunc mortuus erat. Ipse verò summus fuit & clarissimus orator, apud *Tullium in oratione pro Domo sua*, & illum multis locis commendat.

Observandum est ejus Metelli nummos præferre in epigraphe, METEL. ut pater ejus, METE.

## XII.



## XII.

Caput virile, cincinnis longis pulchrè comptum, cum serpente in frontis capillitio, pone RO MA.

## XIII.

Caput Romæ galeatum, pone quod etiam Roma: in ambobus idem clypeus, in cujus medio caput Elephantī, M. METELLVS, Q. F. in laurea.

A Balearico ad tertium Macedonici filium, prætermisso secundo cognomine Diademato, si quidem, ex *Pighio* ille non dictus est Delmaticus, sed patruelis ejus L. Metellus L. Metelli Calvi filius, ut infrà videbimus.

Marcus igitur Cæcilius Metellus, Q. Cæciliū Macedonici tertius filius, fuit Quæstor anno <sup>622</sup>/<sub>3</sub> & Proquæstore <sup>623</sup>/<sub>4</sub> quo tempore videtur hos denarios cudisse cum capite Romæ, & alterum cum effigie dei Triumphī, qualem videre est in denariis Claudiæ gentis num. 8. & Fabiæ num. 7. in quibus littera T. denotat nomen triumphī, is similis iterum conspicitur in fam. Papiæ, ut serpens in frontis capillitio, tamquam heroici genii insigne. Uterque exhibet in averſa parte clypeum Macedonicum, in memoriam triumphī avi sui de Macedonia; cujus symbolum est clypeus, ut videre est in plurimis Macedonum nummis: in medio autem caput elephantī in memoriam proavi sui L. Cæciliū Metelli qui de Pœnis triumphum agens primus in curru ab elephantis egit.

## XIV.

Caput Jovis, pone quod s. in averſa navis, in imo, ROMA, in vertice caput elephantī, ad latera s.

Nota s. cum eodem Jovis capite, eadem navī in averſa parte, cum simili nota s. nummum etiam hunc ad M. Cæciliū Metellum revocare videntur: nam si nomen deſit, caput elephantī, ut in medio clypeo nummi superioris signatum, proculdubio supplet.

## XV.

## XV.

Caput Romæ galeatum : in averſa parte figura in bigis, d. pal-  
mam, ſ. equorum habenas, in imo, caput elephantis. ROMA.

Anonymum denarium ad Marcum etiam Metellum adjudica-  
re liceat. Caput Romæ, ut in ſecunda tabella expreſſum, & in  
ſuperioribus caput elephantis, id ſuadent : in bigis videtur ipſa Ro-  
ma, unde denarii dicti ſunt bigati.

## XVI.

Caput Herculis pelle leonina amiſtum, cum tribus globulis re-  
tro : in averſa navis, in qua M. METELLVS, in imo, ROMA, in  
vertice laurea.

*Urſinus* ad M. Metellum hunc nummum revocat, uti nos ei ſu-  
periores tribuimus : quadrantem indicant tres globuli, quartæ-  
que aſſis eſſe partis. De Hercule & navi dictum eſt.

## XVII.

METELLVS. Caput Neptuni, pone quod tridens : in averſa, M.  
CAECILI. Q. F. Q. N. Neptunus in quadrigis triumphalibus, d.  
femori admota, ſ. tridentem & habenas equorum.

M. Metellus poſt Quæſturam, anno <sup>622.</sup> ; Tribunus plebis fuit, <sup>627.</sup> ;  
Ædilis plebis, <sup>630.</sup> ; Prætor urbanus, <sup>633.</sup> ; Provincialis <sup>634.</sup> ; Conſul  
cum M. Æmilio Scauro, <sup>638.</sup> ; quo anno Q. Metellus Macedoni-  
cus mortuus eſt, & eruitur ex *Velleio* Marcus Sardiniam fortitus  
eſt, prorogatum ei eſt illius imperium, <sup>639.</sup> <sub>40</sub> ipſique triumphus  
ex ea decretus eſt.

M. CAECILIUS Q. F. Q. N. METELLVS. PRO. A. <sup>DCXL</sup> <sub>DCXLI</sub> Varr.

COS. EX SARDINIA....

At quia Sardinia eſt inſula, ideò caput Neptuni exhibitur, &  
tamquam ejus auxilio eam in P. Romani poteſtatem redegerit,  
Cæcilius Neptunum ipſum in quadrigis triumphantem expreſſit.

## XVIII.

Caput Cereris corona ſpicea ornatum, CN. MANLIUS CN. F.  
MAXIM. in averſa Ceres ipſa tunicata, ambabus facem ardentem  
oblongam, C. METEL. Q. F. CAPRARIVS.

*Volum. I.*

Aa

C. Cæ-

C. Cæcilius Metellus, quartus & ultimus, Q. Macedonici filius ad summos pervenit honores ob patris merita, nam illi rustici & inconditi, in adolescentia mores fuere; unde *Caprarius* agnomine nuncupatus videtur. Quæsturam quidem gessit, an. <sup>623</sup>/<sub>4</sub> Tribunus plebis <sup>630</sup>/<sub>1</sub>. Ædilis plebis cum Cn. Manlio Maximo, an. <sup>633</sup>/<sub>4</sub> ambo Cereales ludos fecerunt; in cuius memoriam datam corona spicea, ob fruges quas ferere docuit, & in averſa faces ardentes gerentem ad quærendam Proſerpinam à Plutone raptam effingerunt. Hi ludi à matronis Romanis deæ luctus repræſentabantur. Romani in toga alba ſpectare ludos, mulieresque in veste candida facere solebant, ut inquit *Alex. ab Alexandro, lib. 6. c. 19.* incipiebant à pridie Id. April. per dies octo in circo, proximo poſt Circenſes die, quod *Ovidius* teſtatur, *lib. 4. Faſtor.*

*Circus erit pompa celebr, numeroque Deorum,  
Primaque ventosis palma petetur equis.*

*Hinc Cereris ludi, non est opus indice causæ  
Sponte deæ munus, promeritumque patet.*

## XIX.

Caput Jani bifrontis barbatum, cum cippo: in averſa, C. METEL. CAPRAR. in imo, ROMA.

Præturam urbanam fortitus C. Caprarius, quæſtionem rerum capitalium obtinuit, anno <sup>635</sup>/<sub>6</sub>. Prætor provincialis, anno <sup>636</sup>/<sub>7</sub> prorogataque provincia, <sup>637</sup>/<sub>8</sub> Consul factus eſt cum Cn. Papirio Carbone, anno <sup>640</sup>/<sub>1</sub>. Macedonia Metello evenit propter bellum Thracicum, proſecturusque in provinciam, aſſes cum capite ſolito, & navi ipſius ſolemni averſa parte ad milites ſolvendos. De his & pretio eorum, ſat dictum eſt.

Cæcilius contra Thracas feliciter gessit, & à militibus Imperator appellatur; ex *Statuæ baſi mutila.*

C. CAECILIUS Q. F.  
METELLVS IMP.

.....

A Senatu C. Cæcilio triumphus decretus, & eodem die quo frater ejus Marcus ex Sardinia triumphavit; & ille de Thracibus, ut *Paterculus lib. 2.* ſuffrogatur. „ Circa inquit, ea-  
„ dem



dem tempora M. & C. Metelli fratres uno die triumpharunt.

M. CAECILIUS Q. F. Q. N. PRO. A. DCLX.  
COS. EX SARDINIA.

C. CAECILIUS Q. F. Q. N. METELLVS CAPRARIVS A. DCXL.  
COS. DE THRACEIS EX MACEDONIA.

## XX.

Caput Genii laureatum, METEL. CALVVS: in averſa Colonus capite velato, d. ſtivam aratri quod trahunt boves jugati, ſ. flagrum.

L. CAECIL. Q. F. L. N. in vertice, CXXXIII. ſub iis litteris, EX S. C.

Prolatis Q. Cæcilii Numidici filiorum nummis, priuſquam ad ejus nepotes descendamus, de illius fratre C. Cæcilio, cognomine Calvo, loqui libuit. Q. Cæcilii conſulis fuit minor filius, & avum cum Macedonico communem habuit L. Cæcilius, bis conſulem & Dictatorem, ut antiquitatem ſui generis ita illuſtrem renovaret, denarium hunc Quæſtor anno <sup>596.</sup><sub>7</sub> ad proavi L. Metelli etiam conſulis, ad arguendum pro deducenda colonia Triumviratum, ſignavit: nam colonus agens boves illius ſymbolum eſt; & litteræ numerales CXXXIII. nihil aliud quàm annos deductæ coloniae ſignificare poſſunt. Lucius autem Cæcilius Metellus ante conſulatum cos. anno <sup>469.</sup><sub>70</sub> inter quæſturam & tribunatum, anno <sup>463.</sup><sub>4</sub> videtur fuiſſe unus ex illis Duumviris, de quo *Florus ex Livio*. Coloniae deductæ ſunt Caſtrum, Sena, Hadria, anno <sup>CDLXIII.</sup><sub>CDLXIV.</sub> cui ſi adjungas annos <sup>133.</sup><sub>4</sub> in denario cuſos, habebis annum <sup>596.</sup><sub>7</sub> quo quæſtor provincialis fuit, & ut magiſtratus, quos geſſit, proferamus, Tribunatum plebis geſſit, anno <sup>601.</sup><sub>2</sub> Aedilitatem plebis, <sup>604.</sup><sub>5</sub> peregrinam, <sup>606.</sup><sub>7</sub> & Conſulatum cum Q. Fabio Maximo Serviliano, anno <sup>601.</sup><sub>2</sub>

*Pighius* ob coloniae ſymbolum in denario cuſum, Italiàm Cæcilius obtinuiſſe, & colonias deduxiſſe exiſtimat, de quibus nulla eſt in *Hiſtoria Romana* & apud *Paterculum lib. 1.* qui de iis accuratè ſcripſit, mentio; ſed ut Lectori ſit judicium, addam litteras numerales, CXXXIII. quas ſilentio prætermiſit, non poſſe intelligi in hoc caſu, niſi de aggeribus 133. ab equitibus in colonia acceptis, ut ſolebat, quod de una tantum accipiendum, ſed ut liberè loquamur, id non eſt in nummis ſolitus; litteræque numerales, ut plurimum de annis accipiuntur. Cenſor

fuisse existimatur, anno <sup>627</sup>/<sub>8</sub> cum eodem Q. Fabio Maximo Serviliano, suo in consulatu collega, sed abdicarunt; Cæcilius verò reliquit duos filios consulares, L. Cæcilium Delmaticum & Q. Cæcilium Numidicum.

## XXI.

Caput Romæ sine galea, DELMATICVS, in averſa parte, L. METELL. consul in quadrigis triumphalibus, d. ſcipionem eburneum, in cujus apice aquila, ſ. habenas equorum.

Ad Lucium Cæcilium Metellum cognomine Delmaticum pertinet ex inſcriptione denarius; ſed an is fuerit, ut vulgò, creditur L. Diadematus Q. Cæciliæ Macedonici ſecundus filius, quaſtio eſt: huncque L. Cæciliæ Calvi filium, *Pighius* contra omnes contendit, & probat ex triumphorum *Capitolinis columnis*, eumque ideò ſequimur. Diademati autem cognomen cum alterius Delmatici appellatione, unum & eundem forſan confuderunt, nam alter Q. filius fuit, hic verò Lucii.

Lucius L. F. Q. N. Metellus, qui poſteà Delmaticus eſt appellatus, patrem habuit L. Metellum Calvum, quaſturamque egit, anno <sup>612</sup>/<sub>9</sub> Tribunatum plebis, anno <sup>623</sup>/<sub>4</sub> Ædilitatem plebis, <sup>626</sup>/<sub>7</sub> Prætor urbanus quaſtionem publicam ſortitus eſt, anno <sup>630</sup>/<sub>1</sub> Præturam provincialem obtinuit, anno <sup>631</sup>/<sub>2</sub> prorogatum ei eſt in provincia, <sup>632</sup>/<sub>3</sub> conſulatum iniit cum L. Aurelio Cotta, anno <sup>634</sup>/<sub>5</sub> Metello Illyricum, ubi populi ad rebellionem ſpectare viderentur, forte obvenit. *Appianus* narrat, iis quietis illum intuliſſe bellum ſola triumphandi cupiditate. Porrò *Livius* L. Metellum Delmatis ſubegiffe refert, & *Aſc. Pædianus* illum Ædem Caſtoris ex Delmaticis manubiis extruxiſſe ſcribit: qua de re decretus eſt illi triumphus, quem egiffe confirmant & denarius, in quo ipſe in quadrigis vehitur cum ſcipione eburneo conſulis inſigni, & *Marmora Capitolina*.

L. CAECILIUS L. F. Q. N. METELLVS AN. <sup>DCXXXV</sup>/<sub>5</sub>  
DELMATIC. PRO. COS. DELMATEIS III. NON...

Convincunt ergo *Columnæ Capitoline* L. Cæcilium L. Calvi filium eſſe qui triumphum egit, ideò Delmaticum fuiſſe cognominatum, & non L. Cæcilium Q. Macedonici filium, cognomine Dia-

Diadematum, ob ulcus in fronte sic ludibrii causa appellatum. *Glandorpius* L. Calvum filium habuisse prænominē Lucium prodit. Iique patruēles erant, quasi ejusdem ætatis. Tandem L. Cæcilius Delmaticus Pontifex Maximus fuit.

## XXII.

Capita jugata Neptuni cum tridente & Jovis laureati, EX S. C. in averſa navis cum remis, Q. METEL. NVMDICVS PR. COS.

Q. Cæcilius L. F. Q. N. in denario appellatus non poteſt eſſe filius L. Delmatici, ut putant, ſi Cæcilius Calvus ejus avus Lucius etiam, ut diximus, vocabatur. Sed illius haud dubiè fuit frater ut confirmatur ex *Cicerone* plurimis locis, Quæſtor provincialis, anno U. C. <sup>618</sup> Tribunus plebis, <sup>633</sup> Ædilis curulis, <sup>636</sup> Prætor urbanus quæſtiones publicas fortitus, anno <sup>639</sup> Provincialis Prætor, <sup>640</sup> Consul cum M. Junio Silano, <sup>644</sup> Q. Cæcilio decreta eſt Numidia cum bello Jugurthino, diſciplinam militarem in Africa reſtituit, Vacca regni emporio capto, bis prælio Jugurtham ſuperavit. *Salluſtius* hæc ampliùs; prorogatum eſt in Africa ei imperium, anno <sup>645</sup> Ex *Velleio* & *Autore*, de *viris illuſtribus* & alijs, tacente *Salluſtio* triumphum egit.

Q. CAECILIVS L. F. Q. N. METELLVS AN. <sup>DCXLVI.</sup>  
NVMDICVS PROCOS. DE NVMIDEIS. <sup>DCXLVII. Varr.</sup>  
ET REGE IVGVRTHA...

Virtus Cæcilii ei nomen Numidici indidit, Senatus & Plebs eum lætans excepit, & ejus triumphi & nominis æternum eſt denarius monumentum; in quo vehitur, dextra conſulis inſigne ſcipationem eburneum gerit. Cæcilius Numidicus tandem cenſuram geſſit cum patruēle C. Cæcilio Metello Caprario. Ex *Fragmentis Capitolinis*.

CENSS. Q. CAECILIVS L. F. Q. N. METELLVS NVMDICVS  
C. CAECILIVS Q. P. Q. N. METELLVS CAPRARIVS  
*Luſt. ſec.* LXIV.

Studioſus ac doctus fuit orator, eum *Velleius* ob eloquentiam inter ejus ſæculi eximios oratores enumerat: laudaturque ejus elegantiffima *Oratio de ducendis uxoribus & conjugio colendo*, in ejus cenſura habitæ.



## XXIII.

Caput Neptuni laureatum, in imo tridens transversus; in aver-  
sa, Q. METEL. NEPOS EX S. C. Navis cum remis.

A patruelibus ad sobrinos transeamus: Quintus autem Cæcilius Q. Cæcilii Macedonicis nepos fuit filius Q. Cæcilii Balearici, dictus cognomine Nepos in tanti avi memoriam; alii verò quod progeniem illam Metellorum illustrem contaminaverit, propter luxus atque morum nequitiam, quum dilapidaret largiter; habuit ipse filium ejusdem prænominis Quinti, & qui etiam ab eo cognominatus est Nepos; unde dubium an ad patrem vel ad filium spectet denarius: uterque consularis; Pater quidem cum T. Didio, anno <sup>655</sup> hinc Hispaniam evenisse constat; de Cæcilii provincia ignoratur, ut in caligine hujus temporis duorum subsequentium consulum, at quum denarius triumphum denotat, suspicor Q. Nepotem ob Neptunum & triremem, cum collega res prosperè gessisse in Hispania, & Cæcilium propter comitia Romanam venisse, & triumphum egisse; quando prorogatum est Didio in Hispania imperium, qui ex ea etiam triumphavit, anno <sup>660</sup> nam Q. Cæcilius Nepos ejus filius consul, anno <sup>666</sup> res malè gessit in Hispania, quod in causa fuit, ut ei facilius successor Cn. Pompeius in annum sequentem decerneretur ex *Dione lib. 39.*

## XXIV.

Caput Romæ galeatum, pone quod ROMA, in averſa, C. METELLVS. COS. in bigis Elephantorum cui victoria per aërem volitans, coronam porrigit.

Ex primo Q. Cæcilii Metelli Macedonici Nepote ad quartum transimus, nempe Caium Metellum Caii Cæcilii Caprarii triumphalis filium, qui Quæstor provincialis, anno <sup>652</sup> Q. Cæcilii Macedonici avi sui memoriam renovare voluit, dum illum in bigis elephantorum de Pœnis, ut diximus triumphantem expressit: hinc tantum Præturam attingit urbanam anno 662. & provincialem, <sup>663</sup> magnæ & ingenuæ liberratis fuit, si quidem ex *Plutarcho* Syllam ausus est rogare in Senatu, ut à cædibus abstineret.

## XXV.

Caput Romæ galeatum : in averſa parte, Q. METEL. PIVS, in imo, ROMA, bigæ aurigante Victoria, d. ſlagrum.

Ex Q. Cæcilii Macedonici ſtirpe ad minoris ejus fratris Cæcilii Calvi progeniem revertamur, cujus filii Numidici denarios exhibuimus : nunc ordine redeunt ejus nepotis, nempe Q. Cæcilii Pii nummi argentei. Hic verò Pii cognomen meruit, quod patrem Numidicum precibus ac lacrymis affiduis ab exilio revocavit, *Autore de viris illuſtribus*. Tribunus plebis geſſit, anno 656. & Præturam, anno <sup>664</sup> ante legitimum tempus obtinuiffe narrat *idem Autor*. Prætor autem Provincialis Apuliam habuit, Proprætor Africam proconſulari imperio, <sup>677</sup> Conſul cum Corn. Sylla, anno <sup>673</sup> illi decreta eſt Hiſpania Ulterior, <sup>674</sup> Pontifex fuit & in petitione conſularibus viris prælatus eſt. Cenſor creatus, anno <sup>689</sup> cum L. Aurelio Cotta, & mortuus in magiſtratu abdicavit Cotta.

## XXVI.

Caput Jovis laureatum & barbatum, pone quod nota s. in averſa navis, Q. MET. PIVS, in imo, ROMA.

Hujus nummi inſcriptio haud dubiè eum Q. Metello Pio Cæcilii Numidici filio adjudicat: nullus enim præter illum cognomen Pii tulit: nam ejus filius adoptivus cognomini Pii agnomen Scipionis adoptivum ſibi attribuit; de quo in ſequenti dicturi ſumus. De nota s. id eſt ſemi libra, quæ erat dimidii aſſis, ſæpiùs egimus, ut de Jove Capitolino, præcipuo Romæ numine, & de navi, primo monetæ Romanæ ſymbolo.

## XXVII.

Caput Pietatis, ante quod ciconia: in averſa, Q. C. M. P. L. *Quintus Cæcilius Metellus Pius Imperator*. Elephas.

Ad Q. Cæcilium Metellum Pium Scipionem à Q. Metello Pio, Cæcilii Numidici filio adoptatum, pertinere contendit *Urfinus*. Vox *Imperator*, ipſi favet, ſi reverà Metellus Pius, de quo denarium ſuperiorem, ex *Goltzio*, cum triumpho ex Hiſpania ſymbolo protulimus. Imperatoris nomen exinde non retulit: nam Pietatis caput & ciconia ejus inſigne æquè alludit ad cognomen Pii, quod  
ſibi

sibi assumpsit Metellus Numidici filius, & Metellus Scipio, in adoptionis memoriam, signare potuit: de Elephante infra.

## XXVIII.

Caput idem Pietatis, ante quod Ciconia, ut supra: in averſa urceolus & lituus. IMPER. in laurea.

Ambiguus etiam est hic denarius, qui ad patrem Cæcilium Pium, vel ad Cæcilium Pium Scipionem, ab eodem adoptatum; referri potest: corona autem ex lauro ambobus convenit, si uterque *Imperator* appellatus. Urceolus & lituus, signa pontificalia, dubium non tollunt; nam Metellus Pius pater Pontifex fuit maximus, cui successit Julius Cæsar; ex *Dione lib. 37.* ergo Metellus Scipio, ex *Suetonio in Tiberio, c. 4.* Pontifex renuntiatur. Pater Tiberii, inquit, Pontifex in locum P. Scipionis constitutus: de quo meminit *Asconius in Corneliانا*.

## XXIX.

Caput Neptuni laureatum & barbatum, Q. METELLVS PIVS SCIPIO IMP. Elephas.

Ad Q. Metellum Pium Scipionem pertinere hunc denarium non dubitare sinit adoptionis cognomen *Scipio*; nam P. Cornelius Scipio Nasica testamento adoptatus à Q. Metello Pio Pontifice Maximo, & in censura defuncto, an. <sup>689</sup>/<sub>90</sub> ob adoptionem dictus est Q. Cæcilius Metellus Pius: sed cognomen *Scipio* retinuit, ut indicaret se ex Cornelia gente in Cæciliam transiisse. Imperator dictus erat jam in Syria, quando Proconsul illam provinciam obtinuit, ut testatur *Julius Cæsar de Bello Civ. 3.* „ His temporibus, inquit, Scipio de „ trimentis quibusdam circa Anianum montem acceptis, sese Imperatorem appellarat: & postea, quando Pompeio in Pharsalicis campis devicto se in Africam recepisset, & Cato ei exercitum cessisset, ab eo Imperator appellatus, monetam signavit; in qua una parte Neptunum, & ex altera Elephantem, ut se in Africa esse Imperatorem denotaret.

## XXX.

Caput Africae elephanti proboscide ornatum, ante quod spica, in imo aratrum, Q. METEL. SCIPIO IMP. in averſa Hercules,



es, d. ad femur apposita, humero clavæ innixo, cum spoliis leonis, EPIIVS LEG. F. C. id est, fieri curavit.

Q. Cæcilius Metellus Pius Scipio; testamento Metelli Pii mortui adoptatus, anno <sup>689.</sup><sub>90</sub> Quæsturam urbanam adeptus, anno <sup>690.</sup><sub>2</sub> Tribunatum plebis, anno <sup>694.</sup><sub>5</sub> Ædilitatem plebis, anno <sup>696.</sup><sub>7</sub> & ludos gladiatorios in honorem patris adoptivi edidit. Præturam urbanam, <sup>698.</sup><sub>9</sub> provincialem, <sup>699.</sup><sub>700</sub> collega à genero suo Pompeio Magno in extremos quinque menses anni <sup>1.</sup><sub>2</sub> in consulatu assumptus est, & legem de censoria potestate tulit, ex *Dione, lib. 40.* Proconsul Syriam obtinuit, anno <sup>704.</sup><sub>5</sub> Multa gessit in civili bello: Litteris Pompeii revocatus per Macedoniam ad generum properare cum legionibus tentavit: sed eo in Pharfalicis campis devicto, primum in Corcyram, ubi erat classis Pompeii, fugit, classequè inter ejus factionis duces divisa, Scipio in Africam ad Varum confugit, & à Juba Numidiæ rege honorificè & humaniter acceptus est, quo audito etiam Cato in Africam iter instituit, ubi Scipio Imperator exercitus acclamatur, & M. Eppius ejus legatus factus denarios cudi curavit in ejus usum. Ex una parte igitur signavit caput Africæ: ex altera Herculis signum, quod in Africa colebatur, ut notavit *Ursinus, ex Herodoto, lib. 2. Histor.*

## XXXI.

Caput Jovis Terminalis, sub quo caput Aquilæ, METEL. PIVS SCIP. IMP. Ex altera parte sella curulis, in vertice bilanx cum cornucopiæ, in imo spica, P. CRASSVS IVN. LEG. PROPR.

Alterum nobis licet parùm notum in Africano bello Cæcili Scipionis Imperatoris Proprætore legatum exhibent superstites denarii non pauci P. Crassum Junianum; de quo in Licinia gente, ad quam pertinet, dicturi. Dum Scipio & alii Pompeii duces, Julio Cæsare in Alexandrino bello detento, in Africa sub auspiciis Jubbæ Numidiæ regis nutantis Reipublicæ partes tamquam justas & ad pacem tendentes, sustinere satagunt: ideò in moneta sub Scipione signata exhibent Jovem Terminalem fasciæ redimitum, cum aquilæ capite, pacis præsidem & arbitrum justitiæ, ut tradit *Plutarchus, in Numa*; in averfa bilanx justitiæ, symbolum & cornucopiæ, cum spica pacis notæ visuntur. Sella curulis adest, ad denotandum quod in consulari Scipionis imperio nihil aliud optatur.

Caput muliebre turritum, sub quo prora navis, ante illud caduceus, pone spica, CRASS. IVNI. LEG. PROPR. in averſa trophæum inter lituum & urceolum.

Caput illud muliebre turritum repræſentat Adrumetum Africæ urbem, & prora navis ſub eo, illam ad mare ſitam denotat; in qua denarii erant cuſi: nam illud oppidum tenebat Scipio, cum majori exercitus copia, ac univerſis ferè primi nominis Pompeianarum partium ducibus & ſectatoribus, dum Cato cum parte copiarum & univerſæ claſſis, totiuſque adeò oræ maritimæ Uticæ (ubi commeatus & pecunia, ceterique apparatus bellici erant) in præſidio erat, cum trecentis ex omni numero electis, qui bellicis conſiliis præerant. Juxta caput urbis, hinc ſpica, etſi abundantiam frumenti copiam denotat, exinde caduceus, pacem optare arguit.

In averſa parte trophæum demonſtrat locum Adrumeto poſitum, ubi caſtra poſuerat Julius Cæſar, dum in Africam appulſus, urbis oppugnationem fruſtrâ tentaverat, & ex iis exutus erat, Ruſpinam, 40 mill. ab Adrumeto diſſitam in ortum exercitum ducere coactus fuit, in illo loco ad victoriæ monumentum erectum. Lituus & urceolus ſpectant ad Scipionis pontificatum.

Iſis, more Ægyptio veſtita, ſtans, flore loti in capite ornata, d. ſubmiſſa ſiſtrum, ſ. ad pectus admiſſa, cum litteris in vertice, G. T. A. & ad latera, Q. METEL. PIVS SCIPIO IMP. in averſa Victoria ſtans, d. caduceum, ſ. clypeum, P. CRASSVS IVNI. LEG. PROPR.

Sub Iſidis forma, quæ G. T. A. id eſt Genius Tutelaris Africæ appellatur, Q. Metellus Scipio exhibetur; ob vaticinium & ex inveterata opinione, qua vulgò Scipionum nomen in Africa invictum credebatur, certam ſibi fatalemque quodam modo victoriæ pollicebantur omnes, quod apud ipſos ſummæ rerum Scipio præceſſet: quare in averſa parte Victoriæ ſignum eſt expreſſum, ſive quod Cæſar caſtris exutus fuerat: ſed Victoria caduceum tenet, ad denotandam ſe pacem optare, quæ non obvenit: nam licet præ-

præter equitatum ferè infinitum, maximumque levis armaturæ multitudinem, regias legiones quatuor, Scipionis verò decem, elephantos præterea centum viginti: navium autem eam multitudinem, ut etiam in plures classes essent tributæ, victor evasit Cæsar, & postquam in Hispaniam ad Pompeium Scipio, conscensus XII navibus apertis, diu tempestate jactatus, Hipponem invitus defertur, ab hostibus, in navem suam irrumpentibus, atque ubi Imperator esset interrogantibus, Imperator, respondit, benè se habet - simul ferro se trajiciens, seipsum in mare præcipitavit.

## XXXIV.

Caput Apollinis, CELER; in averfa parte cornucopiæ, & caduceus, & infrà globus terrestris.

*Pighius* hunc aureum nummum *Goltzii*, in Quæstorio collegio à P. Canidio, P. F. Crasso, & Q. Cæcilio Celere Quæstoribus, anno <sup>701</sup> signatum suspicatur. De Canidio in ejus gente dicitur: Cæcilium Celerem existimat *Pighius* fortasse filium fuisse Q. Cæcilii Celeris, consulis cum L. Afranio, anno <sup>693</sup> observatque non refragari temporis rationem & Apollinem præ se ferre pacis notas, nempe cornucopiæ & caduceum refert; Cæcilius autem Celer, à quo hic originem trahit, cognominatus est apud *Plutarchum in Coriolano*, quod paucis post patris obitum diebus insigni munus gladiatorium dederit, quàm omnes celeritatem tanti apparatus admirarentur, alii hunc fuisse Cæcilii Diademati filium, alii Q. Cæcilii Nepotis.

## XXXV.

Caput Romæ galeatum: in averfa parte Victoria in bigis, d. coronam, f. habenas equorum, CN. FOVL. M. CAL. Q. MET.

*Ursinus*, ob tria hæc nomina denario inserta, illum in tribus familiis recenset, & in Fulvia eos Triumviros monetales fuisse existimat, at quàm in iis M. Calidii nomen habetur, quia hic fuit coetaneus Ciceronis, versus illa tempora denarium signatum esse suspicatur: nam quis fuerit ille Q. Metellus, pronuntiare difficile videtur. De denariis à bigis dicti bigati, sat dictum est.



## XXXVI.

Caput Honoris laureatum , L. METEL. A. ALB. S. F. in aver-  
sa parte Honos ipse, insidens clypeis, coronatur à Victoria, pone-  
eum stante, d. hastam, C. MAL. in imo, ROMA.

Ob tria etiam nomina in denario scripta, *Ursinus* illum in tri-  
bus familiis repetit; sed eos inter Triumviros monetales ut superio-  
res non adscribit: liceat igitur nobis illos Triumviros adibus sacris  
reficiendis fuisse suspicari, ad plurimos quos jam sparsim observa-  
vimus, qui Honoris templum vetustate collabens refici curave-  
runt, de quo *Cicero*, lib. 2. de Nat. deorum. „ Vides, inquit,  
„ Virtutis templum, vides Honoris à M. Marcello renovatum,  
„ quòd multis antè annis erat bello Ligustico à Q. Maximo de-  
„ dicatum. In via Appia erant, ex *Valerio Maximo*, extra portam  
„ Collinam, *Cicero* 2. de legibus, hîc, inquit, nostis extra por-  
tam Collinam ædem Honoris. Honos laurea ornatus, in nummis  
Galbæ Vitellii & Vespasiani, ad latus Virtutis depingitur, brachio  
sinistro nudo, pede supra galeam: hîc insidet clypeis, quo tempo-  
re nummum illi Triumviri signarunt, incertum est, sed vide  
in gente Poblícia.

## XXXVII.

Capita jugata Julii & Augusti, ambo laureata, CRETICVS: in  
aversa templum 6. columnarum, in cujus aditu cippus, supra  
quem duæ statuæ togatæ visuntur, à latere dextro templi simpu-  
lum, à sinistro lituus, Q. METELLVS.

Q. Cæcilius Metellus Creticus, qui in denario Julii & Augusti ca-  
pita expressit, consulatum gessit cum A. Licinio Nerva, an.  
<sup>759.</sup><sub>60.</sub> an verò filius Q. Metelli Cretici Tribuni plebis, qui Crassum  
ad bellum Parthicum diris devovit, & nepos Q. Cæcilii Cretici  
ob triumphum ex Creta cognominati? Simpulum & lituus ad Ju-  
lii & Augusti pontificatum spectant, & idè statuas eorum to-  
gatas esse denotant, sed in quo templo positæ sint, incertum  
est. Q. Cæcilius Metellus post consulatum Syriam administrare  
cœpit, anno <sup>765.</sup><sub>6.</sub>

## XXXVIII.

## XXXVIII.

Caput Jovis barbaturum : in averſa parte , ΕΠΙ ΣΙΛΑΝΟΥ ΑΝΤΙΟΧΕΩΝ B. M. in alio , Γ. M. in alio Δ. M. in alio , ΕΜ. Aries decurrens, pone ſe reſpicit, in vertice ſtella.

In gente Junia *Patinus*, *Glandorpium* ſequutus ſuum annum expoſuit, ſed eum in Cæcilia, ad quam pertinet, recenſemus; nam is Silanus, ut eſt Junia gentis, à Cæcilio Metello, illius qui ob Cretam debellatam Cretici cognomen habuit filio, adoptatus, dictus eſt Q. Cæcilius Metellus Creticus Silanus; ut alter Cæcilius ſuprà, ex Cornelia gente pariter in Cæciliam adoptatus, vocatus eſt Q. Cæcilius Metellus Pius Scipio.

Ille, ut ſuprà diximus, ab Auguſto poſt provinciarum inter ipſum & P. Romanum diſiſionem, ut videre eſt apud *Dionem*, lib. 55. in Syriam miſſus eſt Præſes Quirinio Succellor, poſt ejus conſulatum, anno  $^{759}_{60}$  quinquennio nempe  $^{761}_{6}$  ut nos docent litteræ numerales B. M. id eſt, anno 42 Æræ Antiochenæ, quæ cœpit anno  $^{722}_{3}$  menſe 23 Septembris, quo Auguſtus in pugna Actiaca Antonium devicit; junctis igitur annis 42 & 723. habebis annum  $^{765}_{}$  quo Creticus Silanus cœpit Syriam adminiſtrare.

Ceteri numeri in diverſis nummis Silani ſignati, annos quibus in provincia illa moratus eſt, arguunt, litteræque ΕΜ. annum 45 designant ejus adminiſtrationis quartum. Caput Jovis ab Antiochenſibus præcipuum ejus cultum demonſtrat. Aries & retro aſtrum ad annum à Julio Cæſare reformatum ſpectant: ille enim plurimas immunitates Antiochiæ urbi conceſſerat; ut legere eſt apud *Jo. Malelam Antiochenum*: ita ut Epochæ à Pompeio ob conceſſam ipſiſ *ἀντωνομίαν* relicta, Julianam ab anno  $^{705}_{}$  aſſumerant: ſed poſt Actiacam pugnam ipſam etiam antiquarunt, quam tamen ſub Tiberio iterum revocarunt.

## XXXIX.

ΣΕΒΑΣΤΟΣ ΣΕΒΑΣΤΟΥ ΚΑΙΣΑΡ. Caput Tiberii laureatum in averſa parte , Γ. ΕΠΙ ΣΙΛΑΝΟΥ ΚΕΛΕΥΧΕΩΝ. ΕΜ. an. tertio ſub Silano; Antiochienſium, an. 47. in laurea.

Ad Creticum Silanum ſpectat etiam hic Tiberii nummus, annum ejus in Syriæ adminiſtratione ſextum ſub tertio ejus Impera-

toris anno inchoantem, demonstrans : nam Augustus qui Silanum in Syriam miserat initio anni <sup>765.</sup> mortuus mense Septembri anni <sup>766.</sup> & tertius jam erat Tiberii, anno <sup>768.</sup> correspondens anno 47. æræ Antiochenæ ab Actiaca pugna incæptæ, ut suprà diximus, & in nummo Silani signatæ, annumque ejus sextum in Syriæ administratione demonstrans : nam Tiberius ex *Tacito Ann.* 2. amovit Silanum ex Syria, C. Cælio & L. Pomponio cons. <sup>769.</sup> „ ut Pisonem in ejus locum mitteret. Sed inquit, Tiberius demo- „ verat Syria Creticum Silanum, per affinitatem connexum Ger- „ manico, quia Silani filia Neroni vetustissimo liberorum ejus „ pacta erat, præfeceratque Cn. Pisonem ingenio violentum.

## XL.

Caput Veneris, cum epigraphe, CORINT. in averſa parte, Pegasus alatus, Q. CAECIL. NIGRO C. HEIO PAMPHYLO II VIR.

*Patinus* hunc & ſequentem nummum cum Cæciliî nomine, familiis Romanis Cæciliæ gentis adjecit. Apud *Ciceronem in Verrem* memoratur Q. Cæcilius Niger, domo Siculus, Quæſtor Verriſ in Sicilia, an ejus filius, aut Libertus Corinthum tranſiit, quum urbs deducta eſt à Julio Cæſare Colonia. Ejus cognomen à nigro corporis habitu inditum videtur. Pegasus, ἀπὸ τῆς πηγῆς, id eſt, à fonte dictus moneta fuit Corinthiorum, quam Pullum vocat *Ful. Pollux* : unde ad antiquitatem denotandum urbs adhuc in nummis percutit : de Heia gente loquitur etiam *Cicero in Verrinis*, à quo C. Heius Siculus Mamertinus memoratur : ſed hic Pamphylus cognominatur.

## XLI.

Caput galeatum Romæ cum epigraphe, AMIΣΟΥ, in averſa parte, ΕΠΙ ΓΑΙΟΥ ΚΑΙΚΙΑΙΟΥ ΚΟΡΝΟΥΤΟΥ, in imo, ΡΩΜΗ. Roma ipſa inſidens clypeis, d. victoriam, ſ. femori admota.

Inſignes ſunt illi Græci nummi, qui nobis adhuc ſub Imperatoribus familiarum nomina revocant. Hic C. Cæcilium Cornutum exhibet, quem Prætorium appellat *Tacitus, Ann. 4.* & poſt Præturam Pontum adminiſtraſſe, quæ Populi provincia erat Prætoria, nos edocet; & Amiſus urbs, quæ illum percuſſit ejus Propr. nomine, id nobis adhuc demonſtrat, quum ex una parte Ro-  
mæ



mae ipsius caput pro Imperatoris effigie, & ex altera ipsam sedentem tamquam Provinciæ dominam. Cornutus denique sub Tiberio accusatus sua ipsius manu cecidit, teste eodem *Tacito*.

## XLII. XLIII.

Caput Veneris: in postica, CORINT. Caput Veneris: ex aver-  
sa parte, eadem epigraphe, Q. CAECIL. NIGRO C. HEIO. II VIR.  
Pegasus Bellerophon in Pegaso decertans contra Chimæram.

Caput Veneris in honorem Julii Cæsaris, à quo deducta fuit  
colonia Corinthus, in nummo expressum est: quippe originem  
à Venere per Julium Æneæ filium trahere se jactabat. Corinthii in  
priori nummo monetam solitam nempe Pegasus; in altero Belle-  
rophontem ut heroem suum depingere solebant. Glauci Ephyrae  
regis filius credebatur; sed apud *Palæphatū de Fab. lib. 1.* vir erat  
Corinthius, bonus pulcherque satis, ex quo fabula de ipsius con-  
tra Chimæram decertatione conficta est. Vide sparsim in *nostro de*  
*Coloniis libro*. Hæc Cæcilia cognomine Niger & Heia gens, vi-  
dentur ex *Cicerone* Siculæ esse, quarum progenies Corinthum se  
transtulit, & ejus urbis Decurionatum, ut Romæ consulatum,  
adepta est.



## CÆCINA.

CÆCINA quibusdam nomen gentilicium, aliis verò cognomen habetur; quia nomina omnia quibus familiæ significantur in *jus* proferuntur, at quia, inquit *Sigonius, lib. de nom. Roman.* nonnullos gentilicii nominis esse expertes reperimus, ut M. Perpernam & C. Norbanum: quibus addere potuisset A. Cæcinam, consulares, quos ita & in *Libris*, & in *Capitolinis marmoribus* nominari videmus, id tamen contigisse videtur, aut quod ii cognomine magis quàm nomine delectati sunt; ut M. Agrippa, cujus gentilicium nomen in omnibus *Lapidibus* omissum est, quum tamen ex Vipstaniorum eum gente fuisse *Corn. Nepos*, & *Dio* tradiderint: aut certe quòd ea nobis ignota sint. Hæc ille; sed ita Cæcinam fuisse cognomen ejus reperimus, ut M. Octavius Cæcina, & A. Licinius Cæcina. Alii familiam à Cæcina flumine Volaterrano, alii à cæcitate, nomen habere volunt.

Caput Jani bifrontis imberbe: in averſa, A. CÆ. in imo, ROMA. Navis.

*Ursinus*, hunc nummum ad Cæcinam gentem revocans, dum dubitat an ad A. Cæcinam equitem Romanum, Volaterris in Etruria natum ad quem *Ciceronis* extant *epistolæ* aliquot, *lib. 6.* quique pro Pompeio contra Cæsarem pugnavit, pertineat: an ad A. CÆCINAM, hujus, ut putat, filium qui consul Augusto suffectus fuit in XIII consularu; æquè mihi obscurum est, inquit; sed quum hic, ex *Ursino*, consul tantum fuerit, an U.C.<sup>751</sup> forma illius nummi ærei cum potius ad patrem pertinere posse innuit, quum Romæ ejusmodi moneta hoc tempore non ampliùs signabatur; nam divisione provinciarum inter Augustum & Senatum facta anno <sup>729</sup>/<sub>30</sub> moneta ærea cum effigie Imperatoris, & nota s. c. exinde percussa est. Sed si nobis conjicere liceat ex forma & scriptura, nummum esse antiquiorem existimamus; & non ad Cæcinam gentem ex Volaterrano Etruriæ oppido originem habentem; sed Cæcinam vocem esse familiæ alicujus cognomen, seu ut supra Octaviæ seu Liciniæ diximus: at quia Marci prænomen in Octavia sæpè occurrit ad Liciniam potius spectare posset, cujus prænomen Auli legimus.

CÆ.



## C A E D I C I A.

**C**AEDICIA gens plebeia, attamen consularis. L. Cæditius gentis primus perhibetur, Tribunus plebis anno U. C. <sup>278</sup>. Lucius ejus filius Tribunus etiam plebis, anno <sup>309</sup>. Lucius ejus nepos, Tribunus plebis, anno <sup>340</sup>. unde quum in plurima prænomina eorum progenies abiisset, ne ipsa confunderetur, Quintus cognominatus est Noctua? an quod illa avis pro sapientiæ symbolo Minervæ data sit, Cæditio sit ob sapientiam ita inditum cognomen? Cæditius verò cognomen à Cædicia colonia, de quo hoc vetus epigramma, DVOVIR MVLSVM ET CRVSIVM. COLONIS SENVISSANIS ET CAEDICIANIS. Cædicia Tabernæ in via Appia ab uno ex ea gente videntur ædificatæ, teste *Festo*.

Caput Pici Herois capillis cincinnatis in averſa parte, Q. CAEDICI. Q. F. EX S. C. in imo, ROMA. Duæ figuræ stantes, togatæ, pone alteram fasces quibus securis alligata; dexteras porrigentes.

Ingeniosè *Pighius* hunc denarium interpretatus est; ab anteriore parte Picum Saturni filium, gentis Picentium ex Sabinis oriundorum ductorem atque conditorem, existimat; ita capillis concinnatis depictum facie juvenili decora, quemadmodum heroes, quos immortales non senescere credebant; in altera stat Consul aut Prætor Romanus togatus insigni magistratus securim virgis alligatum, juxta se habens; qui Picenti dextra junctâ fidem dare videtur.

Q. Cædicus Quæstor, an. <sup>485</sup>. filius Q. Cædicii Tribuni plebis, anno <sup>458</sup>. Nepos Q. Cædicii Tribuni plebis, anno 419. qui primus Noctuæ nomen accepit, quum sub ejus Quæstura P. Sempronius Sophus, & P. Claudius cos. Picentes ingenti & atroci prælio superassent, & quum de iis ex *Eutropio* triumphassent, ut *Fragmenta Capitolina* docent.



P. SEMPRONIUS P. F. P. N. SOPHVS COS. AN. CDXXCV.  
CDXXCVI. Varr.

DE PEICENTIBVS.

AP. CLAVDIVS AP. F. C. N. CRASSVS AN. CDXXCV.  
CDXXCVI. Varr.

COS. DE PEICENTIBVS.

Picentes, ut pacem cum Romanis haberent, se in deditio-  
nem iis dedere, quos libenter accepere: nam *Plinius* CCCLX.  
hominum ex iis in fidem P. Romani venisse scribit, in cuius me-  
moriâ Senatus denarios argenteos Quæstoribus urbanis, ex quo-  
rum erat numero Q. Cæditius, cudi iussit, hic verò post Quæ-  
sturam iniit Tribunatum plebis, an. <sup>450</sup>. Ædilis fuit, anno <sup>463</sup>. iterum  
Tribunus plebis, anno <sup>465</sup>. & tandem consul cum L. Manlio Vul-  
sone Longo, anno <sup>467</sup>. in cuius Magisterio mortuus est.



## C A E S I A.

**C**AESIA gens plebeia fuit, si quidem M. Cæsius Prætor, de quo loquitur *Cicero, lib. 3. in Verrem, & ep. 2. & 12. lib. 13. ad Memmium*. Tribunus plebis fuit, anno U. C. <sup>671</sup>. Nomen autem Cæsiæ gentis deductum videtur à cæsiis oculis.

Caput Apollinis laureatum dorso tenus, sagittam d. vibraturus, in area, AP. junctis litteris: in averſa, L. CAESI. Duæ figuræ sedentes, ferè nudæ cum pelle, ambæ s. hastam (sinisterior cani intermedio ablanditur: hinc LA, illinc RE junctis pariter litteris, in vertice caput Vulcani, pone quod forceps.

L. Cæsius qui denarium percussit, quo tempore vixerit, ignoratur; nisi sit is, cujus meminit *Cicero ep. 2. lib. 1. ad Q. Fratrem*. Erat cum M. Cæſio, de quo supra, coetaneus, & ut Marcus Præturam gessit, anno <sup>678</sup>. Lucium etiam Prætorem fuisse declarat hic denarius, qui compitalitios ludos curavisse arguit; in cujus memoriam deos Lares in eo exhibuit, quibus erant illi dicati. Compitalia, inquit *Varro*, dies attributus Laribus, ut alibi: „ idè ubi viæ competunt, tum in compitis sacrificatur: quot „ annis is dies concipitur: his verbis ludos compitalitios ex viis „ Compitorum, in quibus agitabantur, Compitalia esse appellata nos edocet. De his *Dion. Halicarnassæus lib. 4.* scribit, ea paucis post Saturnalia diebus celebrata fuisse, (nempe IV. Non. Maii) sacrificium: que ministrantibus servis peractum, addit, non ingenuos: sed servos ministrare voluit Tullius rex, quasi hoc gratius esset Laribus.

Lares erant dei domestici, pro ædibus, ut Penates. Vulcani caput super positum est, proptereà quod in foco coluntur: eisque canis datur, quod Lar familiaris ab antiquis, teste *Plauto*, in canis figura efformabatur: de quo etiam *Plutarchus, in Problematis*, inquit, Laribus, quos propriè Præstites vocant, canis „ assistit; ipsi autem canum pellibus vestiuntur. Cur verò in compitis, ludi Laribus dicati agitabantur, nos edocet *Arnobius*, „ quia Lares vicorum atque itinerum deos esse scribit, ex eo quod „ Græci vicos cognominant Lauras. *Varro* autem addit, quin & „ quod Lares vicos, & compita servarent, in quorum honorem ludi

Compitalitii celebrabantur. Larium ædes Romæ erat Via Sacra, teste *Solino*. Quidam & in campo Martio ab Æmilio Rhegillo Prætore dicatam alteram statuunt.

A Prætore nempe L. Cæcio procurata Compitalia; in cujus memoriam denarium cudit, & non ad Augustum respexisse, probat *Gellii* locus, qui has Ferias quo modo Prætor concipiebat, nos edo-  
 „ cet, nam scribit, *lib. 10. cap. 24.* Jus autem erit perpetuæ vete-  
 „ rum consuetudinis demonstrandæ gratia, verba solemnia PRAET.  
 „ ponere, quibus more majorum ferias concipere solet, quæ  
 appellantur Compitalia. Adde quod marmora Augusto dicata,  
 alterum Volcano, in Tribunicia ejus potestate XIII. alterum Lari-  
 bus in Trib. pot. XIX. erecta sunt: & his temporibus non am-  
 pliùs denarii consulares, sed cum effigie Augusti cudebantur.

Vejovis signum in anteriore parte existimat *Ursinus*, & locum *Gellii* affert, *lib. 5. cap. 12.* „ Simulacrum igitur Vejovis, quod  
 „ est in æde sita inter arcem & Capitolium, sagittas tenet, quæ sunt  
 „ videlicet paratæ ad nocendum: quippe eum deum plerique  
 „ Apollinem esse dixerunt, quem denarius apertè demonstrat  
 ex litteris AP. id est Apollo, ut in averſa parte disjunctæ LA. &  
 RE. licèt simul connexæ. An Apollinis caput ad Lares respicit,  
 quod restituti sint ex Apollinis responſo Ludi compitalitii à Tar-  
 quinio Superbo.



## C A L I D I A.

CALIDIAM gentem patriciam fuisse refert *Fulvius*, quàm Q. Calidius clarus Tribunus plebis, anno <sup>654</sup><sub>5</sub> lege sua reditum Q. Metelli Numidici procuravit; uti qui per injuriam civitate pulsus fuerat, revocatus in integrum restitueretur. Alter etiam Cn. Calidius Cn. F. Tribunus fuit plebis, anno <sup>672</sup><sub>3</sub>.

Caput Romæ galeatum, pone quod ROMA. Ex altera parte, M. CALID. Q. MET. CN. FOVL. Victoria in bigis, d. flagrum, f. equorum habenas.

Jam prodit hic denarius in Gente Cæcilia ob cognomen Q. Metelli ad eam pertinens; ubi eum diximus Triumvirum monetalem fuisse cum M. Calidio. Hic verò fuit filius Q. Calidii Tribuni plebis, anno <sup>654</sup><sub>5</sub> de quo in præmio diximus, & ipse Tribunatum plebis gessit, anno <sup>672</sup><sub>3</sub> unde plebeius & non patricius, ut opinatus est *Fulvius*. Prætor fuit, anno <sup>696</sup><sub>7</sub> cui *Cicero* gratias agit in *Oratione post reditum in Senatu*, his verbis: M. autem Calidius „ statim designatus sententia sua, quàm esset chara sibi mea sa- „ lus, declaravit, & orator oratori favit; nam Calidius inter eos „ disertus fuit, qui, teste *eodem Cicerone*, non fuit unus ex multis, „ potius inter multos prope singularis. *Quintilianus* autor est, lib. 10. cap. 1. M. Calidium tunc quoque pro domo Ciceronis dixisse, & orationem scripsisse; enarrat ille vim Cæsaris, indolem Cælii, subtilitatem Calidii. *Velleius* lib. 2. eum etiam inter celebres oratores adscribit. Prætor Provincialis fuit, anno <sup>698</sup><sub>8</sub> illum Galliam Cisalpinam rexisse, refert *Eusebius*; ad Cæsarem ivisse cum Curione & Antonio, narrat *Orosius*.



## CALPURNIA.

**C**ALPURNIA gens ab omnibus Scriptoribus inter plebeias numeratur, licet à Calpo Numæ Pompilii Regis filio duxerit originem, ut narrat *Plutarchus in vita Numæ*: unde *Ovidius ad Pisonem*.

*Nam quid memorare necesse est,  
Ut domus à Calpo nomen Calpurnia ducat?*

Hæc in familias Bestiarum, Bibulorum, Cæseninorum, Pisonum, Frugi in antiquis divisa nummis reperitur, ordine alphabetico. *Bestia* videtur dictus, quod vir acer dictus fuerit, teste *Cicerone*. Bestiæ autem, apud *Isidorum*, dicuntur à vi, qua sæviunt; lumen ut bibit oleum, id est, ardendo consumit, inde *Bibulus* cognomen dictum putant: *Cæseninus* diminutivum ab altero cognomine *Cæso*; sed per adoptionem Pisonum familiæ. *Piso* à ferendis optimè pis. *Frugi* verò ob mores, nempe à frugalitate.

### I.

PISO CAEPIO Q. id est, *Questores*. Caput Saturni, pone quod falx: ex averſa parte, AD FRV. EMV. EX S. C.

Hic denarius duo exhibet cognomina, primum Pisonis, ad Calpurniam gentem spectans; alterum Cæpionis, de quo in Servilia dicturi sumus. Non autem hic numerosam Calpurniæ gentis familiam ordine alphabetico, ut aliquando solemus in illis, sed ad Pisonum antiquiorem, cujus denarii nobis sunt superstites: hic Caius Piso cum Cn. Servilio Cæpione Quæsturam urbanam obtinuit, anno 108. qui quum annonæ caritas extaret Romæ, Senatusconsulto missi sunt ad procurandum & emundum frumentum; ut fert epigraphe, AD\*FRV. EMV. EX S. C. unde in rei memoriam hunc denarium cuderunt; in cujus averſa parte sedent inter spicas, ad frumenti copiam indicandam: in anteriore verò parte Saturnum, propter agriculturæ rationem, cujus ipse reper-

tor

ror fuit, exhibuerunt. Falx Saturni symbolum; unde ab *Ovidio* Falcifer appellatur. Tridens, frumentum per mare translatum arguit; Quæstores verò sedent, tamquam ad frumenti distributionem præsentés.

C. PISO ex Quæstura Urbana Tribunatum plebis adeptus est, an. <sup>512.</sup><sub>3</sub> & postea nulli ipsius magistratus Historiæ penuria reperiuntur: Caium reliquit filium, cujus denarii non occurrunt, sed sequens hujus est nepotis.

## II.

Caput triumphii laureatum, antequod sceptrum; in averfa parte, C. PISO C. F. C. N. Senator in quadrigis triumphalibus, d. equorum habenas, f. scipionem eburneum.

Ab avo ad nepotem descendimus, hic filius C. Pisonis Tribuni plebis, anno <sup>536.</sup><sub>7</sub> perhibetur, ille verò quæsturam urbanam accepit, an. <sup>558.</sup><sub>9</sub> Tribunatum plebis, an. <sup>563.</sup><sub>4</sub> Prætor autem provincialis Hispaniam ulteriorem obtinuit, <sup>567.</sup><sub>8</sub> prorogatum est ei imperium cum altero Prætorè L. Quintio Crispino, <sup>568.</sup><sub>9</sub> ubi tumultuario prælio fusi sunt, qui tacitè castra nocturna fuga reliquerunt; sed reparato exercitu Hispanos ad Tagum atroci prælio superarunt, quam ob rem anno sequente decretus utrique triumphus, & de C. Pifone tradunt *Marmora Capitolina*.

C. CALPURNIUS C. F. C. N. PROPR. AN. <sup>DLXIX.</sup>  
<sup>DLXX.</sup> *Varr.*  
DE LVSITANEIS ET CELTIBEREIS. III. III. III.

In æternum ejus triumphii monimentum percussi sunt à C. Pifone denarii; in anteriore cujus parte expressum est caput Triumphii, quem ut deum colebant Romani laurea coronatum, quia coronabantur hac triumphantes, & pro symbolo sceptrum habet, quia victoria imperium acquiritur: ex altero latere C. Pifo quadrigis triumphalibus invehitur, scipionem eburneum, Prætorum & consulum insigne, in cujus apice est aquila, Imperii Romani symbolum.

Tandem C. Pifo consulatum gessit cum A. Posthumio Albino, anno <sup>578.</sup><sub>9</sub> utrique Senatus provinciam Ligures esse jussit; sed pestis jam annum tertium Italiam vastans, Romæ, eo morbo correptus moritur. L. & Q. Calpurnios filios reliquit. De Lucio  
nulli



208. C A L P U R N I A,  
nulli decurrunt haecenus nummi, de Quinto sequens.

### III.

Caput Romæ galeatum: in averſa parte, Q PISO C. F. in imo, ROMA. Dioſcūri aſtris inſigniti, decurrentes cum haſtis.

Q. Calpurnius Piſo filius fuit Caii, ut fert epigraphe, Q. PI-  
so C. F. ſed natu minor. Is Quæſturam provincialem iniit, an-  
no <sup>603</sup>/<sub>4</sub> in qua hunc denarium percuffit Romæ, pro uſu provinciæ;  
in averſa cujus parte Caſtorem & Pollucem, ad indicandam fratrum  
concordiam, ut ſæpè fratres ſolebant, exhibuit. Tribunatum plebis  
poſtea geſſit, anno <sup>608</sup>/<sub>9</sub> Ædilitatem urbanam, an. <sup>611</sup>/<sub>2</sub> Præturam ur-  
banam <sup>613</sup>/<sub>4</sub> & tandem conſulatum cum Ser. Fulvius Flaccus, an-  
no 618. Piſoni, Numantini & Hiſpania Citerior obvenit.

### IV.

Caput Apollinis, pone tres globuli, ex averſo latere, L. PISO  
temo & ancora.

De hoc quadrante anxii, epigraphe L. Piſo impulit, ut illum  
L. Piſoni C. Piſonis qui ſuprà de Luſitanis triumphavit ne  
poti, & cujus Q. Piſo jam deſcriptus, patruelis erat L. Piſonis  
patris ejus tribueremus, antequam ille *Frugi* cognomen accepif-  
ſet, Quæſturam provincialem adeptus, anno <sup>599</sup>/<sub>600</sub> hunc nummu-  
lum percuffit, in quo ab anteriore parte caput Apollinis, in me-  
moriam C. Piſonis abavi, qui ludos Apollinares ſecundos edidit,  
anno <sup>542</sup>/<sub>3</sub> & poſtea perpetuo celebrati ſunt, & in poſtica temo-  
nem & ancoram, in memoriam victoriæ, quam avus C. alter  
Piſo de Celtiberis retulit ad Tagum.

Poſt Quæſturam, Tribunatum plebis geſſit L. Piſo, anno  
<sup>604</sup>/<sub>5</sub> quo legem de reperundis contra magistratum Rom. avaritiam  
rapacitatemque tulit. Præturam urbanam obtinuit, <sup>613</sup>/<sub>4</sub> provin-  
cialem ſortitus eſt Siciliam, <sup>614</sup>/<sub>5</sub> & pecuniæ reliquum, ad anno-  
nam comparandam, remiſit Romam, unde *Frugi* cognomen  
accepit. Deinde Conſul creatus eſt cum P. Mucio Scaevola, anno  
<sup>617</sup>/<sub>10</sub> Piſoni Sicilia & bellum cum Fugitivis obtigit, ubi res proſ-  
perè geſſit ex *Julio Frontino*, lib. 4. cap. 1. ibique ob abſtinentiam  
*Vall. Maximus* *Frugi* cognomen adeptum reſert, lib. 4. cap. 3.  
deni-

denique Cenfor factus est cum Q. Cæcilio Metello Balearico,  
anno <sup>633</sup>.

## V.

Caput Jani barbatum : in parte postica, L. PISO FRVGI. Navis,  
supra quam Victoria, coronam prætendens.

Ad L. Pisonem Frugi superioris filium, pertinere videtur hic  
nummus uncialis secundæ magnitudinis. Hic Quæsturam iniiit  
provincialem, an. 630. & cognomen Frugi patri inditum assum-  
psit in assibus quos percussit. Victoria supra navim insinuare vi-  
detur, quod ille fuerit Q. Cæcili Metelli consulis qui hoc anno  
Balears insulas adortus expugnavit, in cujus memoriam Victoriæ  
signum apposuisse videtur. Nisi velis in monumentum illius quam  
retulit in Sicilia pater illius dum consularum gereret.

## VI.

Caput Jovis barbatum, pone quod littera S. id est *Semis*, in  
aversa, L. PISO. FRVGI. Navis.

Ab eodem L. Pifone Frugi consulis filio, hunc semissem per-  
cussum denotat eadem epigraphe, ac superior L. PISO FRVGI.  
nam ut asses ad provinciæ usum Quæstor sic semisses signavit.  
Ex Quæstura Tribunatum plebis obtinuit, anno <sup>630</sup>. Ædilis deinde  
plebis fuit, anno <sup>638</sup>, urbanamque sortitus est provin-  
ciam, anno <sup>640</sup>, quo ludos Apollinares edidisse, & ipsis equo-  
rum decursiones addidisse, denotant sequentes ipsius filii denarii fre-  
quentes.

## VII.

L. PISO. Caput Apollinis: in averfa parte, L. PISO. FRVGI.  
Equus defultorius sinephippiis decurrens.

*Fulvius* hunc denarium & sequentes, ad L. Pisonem L. F. Frugi  
consulem cum P. Mucio Scævola, anno <sup>620</sup>, revocat; de quo  
plura diximus suprâ, quem in Quæstura percussisse dicit in me-  
moriam avi sui C. Pifonis Prætoris, anno <sup>624</sup>, quo referente ad  
Senatum ex *Livio*, ut Ludi Apollinares antea votivi & incerti in  
perpetuum voverentur: sed illi ex *eodem Autore*, scenici erant,

*Volum. I.*

Dd

ut

ut ex his verbis liquet. P. Sulpicio, Cn. Fulvio coss. C. Calpurnio Pisone Prætoris urbis, facientes ludos quum Romam subito ad arma exiissent, nunciato adventu hostium, victoresque in theatrum rediissent solliciti, ne intermissi religionem adferrent, instaurandique essent, inventus ibi sit C. Pomponius libertinus, Mimus magnus natu qui ad tibicinem saltaret.

Epigraphe partis anterioris, L. PISO, pone caput Apollinis, L. & non C. Pisonem indicat; qui ludos Apollinares ediderit: ex averfa parte equus defultorius, non scenicos, sed equestres ludos arguit: itaque altera inscriptio, L. PISO FRUGI ex postica nos edocet, L. Pisonem Frugi hunc denarium in memoriam ludorum equestrium ludis Apollinaribus à patre L. Pifone institutorum; & is fuit L. Pifo Frugi, L. Pisonis Frugi superioris filius.

## VIII.

Caput Apollinis laureatum ut supra, in area littera N. in averfa parte, L. PISO FRUGI. Defultor in equo currente, d. habenas, s. humero palmam, in vertice digamma inverfum.

Ad memoriam Ludorum Apollinarium ob equorum cursum, à L. Pifone Prætoris, anno <sup>640</sup> editorum spectat hic denarius à L. Pifone Frugi ejus filio percussus. In superiore quidem equus solus sine ephippiis decurrit, forfan ut in prima parte instituta decursione, & in hoc decurfor apparet, ut à filio, dum Prætor fuit addita: hic eques palmam humero præfert, vel ob præmium relatum, vel ob equi nempe Victoris nomen: nemo enim nescit equos apud antiquos, ut hodie adhuc apud Principes viros, nomina tulisse. Littera N. videtur esse scalptoris nomen; ut digamma in averfa parte ejus forfan nota.

## IX.

Caput idem Apollinis, pone quod tripus: in averfa parte, L. PISO FRUGI. CXXXXV. Idem eques cum palma.

Non differt hic denarius à superiore in averfa ejus parte, nisi quod in eo additæ sunt numerales litteræ CXXXXV. an denotent annos ab eo tempore quo ludi Apollinares primùm celebrati sunt, nempe Q. Fulvio Ap. Claudio coss. & P. Cornelio Sulla Prætoris,



# C A L P U R N I A.

211

re, anno <sup>541</sup> quibus si addideris annos 145. ibi notatos in annum devenies <sup>686</sup> quo L. Piso Frugi Prætor videtur fuisse sicut ex ejus Ædilitate plebis, anno, <sup>677</sup> colligere possumus; an verò ad numerum denariorum, qui ex eo typo percussi sunt, ut aliquando retulimus? Tripus pone caput Apollinis, illius symbolum est, vel nota sculptoris.

## X.

Caput idem Apollinis, pone quod ancora: in averſa parte, L. PISO L. F. FRUGI. Sessor in equo, d. tridentem, s. equi habenas, in vertice tridens alter, supinus.

Tridentem, quem dextra erecta gerit decursor, equi nomen ex aliis symbolis quæ diversa præ manibus ferunt alii, designare suspicamur; nam equi Neptuno sacri sunt, quod primus illos conscendisse dicatur: inde equus ille videtur *Neptunus* fuisse cognominatus, & ideò ejus dei insigne præfert: equi autem ita celeres, dicti sunt alii Pegasi, Volucres, Phœnices, Coraces, Aquilæ, imò & Ventosi, ut notat *Ovidius*.

*Primaque Ventosis palma petetur equis.*

Hoc est, juxta *Silium*, de equo idem Circensi:

*Et ventos post terga relinquit.*

Tridens in vertice potest esse & insigne Neptuni; ut supra tripus Apollinis symbolum, vel etiam nota sculptoris.

## XI

Caput idem Apollinis, pone quod bipennis, ante verò astrum: ex postico latere, L. PISO FRUGI. in imo, ROMA. Sessor in equo, d. lampadem ardentem, s. equi habenas.

Tæda ardens equi nomen etiam indicare videtur, qui lucifer dictus sit, ad quod alludit *Cassiodorus in epist.* dum inquit, equi desultorii sunt, per quos Circensium ministri missos denuntiant exituros, ut *Luciferi* quadam in astris similitudine præcursorias velocitates imitari videantur. Unde *Luciferi* nomen equo. Bipennis in anteriore parte sculptoris nota est, an astrum

*Volum. I.*

*Dd 2*

ad

ad Apollinem spectat, qui modò pro Sole sumitur?

## XII.

Caput Apollinis, ut suprà laureatum; ex averſa parte, L. PISO FRVGI. in imo, ROMA. Decurſor in equo, d. ſlagrum, in vertice, aquila.

Quùm nihil in nummis ſine cauſa ſignetur, aquilam in hujus area cuſam, equi nomen nobis indicare ſuſpicamur, à qua ille Aquila dictus ſit; Seſſor quidem, quùm d. avem non geſtare poſſet, ideò ſlagrum tenet, & aquila ſupra equum exhibetur. Ill. *Spanhemius Diff.* 3. ejus volucris nomen equum ferre refert ex veteri epigrammate.

Ὅπρην ἀλλοπείδων λάμπας πλέον ΑΙΕΤΟΣ ἵππων.

Plures alios denarios cum diverſis ejuſmodi ſymbolis, ut ad rem non omninò ſpectantibus, prætermiſimus.

## XIII.

Caput Apollinis ut ſuprà, in altera parte, Q. PISO FRVGI. Victoria gradiens, d. ſubmiſſa, ſ. humero palma.

## XIV.

Caput idem, pone quod cornucopiæ: epigraphe altero modo poſita, & eadem Victoria gradiens.

Victoriæ ſignum in utroque quinario ex averſa Apollinis parte percuſſum, non ad victoriæ quorundam Piſonum memoriam ſpectare nobis videtur; ſed ad Apollinares ludos pertinere contendimus, ex *Livii* verbis de origine illorum, *lib.* 35. Hæc eſt „ origo, inquit ille, ludorum Apollinarium *Victoriæ*, non va- „ letudinis ergo, ut plerique rentur, quod confirmat *Macrobius*, „ *lib.* 1. *Saturn. cap.* 17. Quùm ludi primo Romæ Apollini ce- „ lebrarentur, repentino hoſtis adventu plebem ad arma excita- „ tam hoſti occuſſiſſe, eoſque tempore nubem ſagittarum in ad- „ verſarios viſam ferri, & hoſtem fugaiſſe, & *Victores* Romanos „ ad ſpectacula dei ſoſpitalis reduxiſſe. Cornucopiæ pone caput Apollinis in poſteriore quinario ſignatum, ſcalptoris nota videtur.

## XV.

## XV.

Caput Apollinis, pone quod palmæ ramus: ex averſa parte, C. PISO L. F. FRUGI. Decurſor in equo, d. flagrum, ſ. equi habenas.

L. Piſoni patri ſuccedit C. Piſo Frugi, ut fert denarii hujus epigraphe, C. PISO L. F. FRUGI. Ille primus Ciceronis gener exitit & Tulliolum duxit, dum verò Quæſturam adeptus eſt, anno <sup>695</sup> hunc denarium in ludorum Apollinarium ab avo editorum quibus equeſtres ut ſcenicos addiderat, memoriam percuffit. Ideò Apollinis caput ab una parte & ſeſſorem in equo cum flagro exhibuit: ſed quum ejus ſocer in judicium adductus eſſet à Clodio, in provinciam Bithyniæ & Ponti quam ſortitus erat, non ivit, ſed illi adfuit ad iudices ſupplex, ut ipſe teſtatur *Tullius, in oratione quam reverſus ab exilio in Senatu dixit*, & C. Piſo juvenis paulò poſt reditum ſoceri mortuus eſt. Palmæ ramus, aut ad victoriam ludorum ſpectat, vel eſt ſcalptoris nota.

## XVI.

Caput Romæ galeatum: ex averſa, CN. CALP. in imo, ROMA. Caſtor & Pollux decurrentes cum haſtis, in vertice ſtellæ.

Alia prodiſt Piſonum ſtirps, à *Frugi* diverſa; nam iſ Cneus Piſo appellatur, & in Faſtis L. F. L. N. dictus eſt, quippe patrem habuit L. Piſonem apud Achæos legatum, anno <sup>557</sup> ex *Livio*, & avum L. Piſonem filium C. Piſonis hujus familiæ principis Quæſtoris, anno <sup>512</sup>; Cneus autem Calpurnius è Piſonum familia quod ſolus vocaretur Cneus, non ſe Piſonem appellavit & Quæſturam adeptus, <sup>599</sup>/<sub>600</sub> hunc denarium percuffit cum ſolito typo Romæ galeatæ & Caſtorum.

## XVII.

Caput velatum & turritum, pone quod ROMA. in altera parte, CN. PISO COS. EX S. C. Conſul togatus in ſubſellio, d. extenſa, ſ. decempedam inter duas ſecures coronis ornatas.

Ad eundem Cn. Calpurnium pertinet hic denarius cum epigraphe, CN. PISO: nam, ut ſuprà diximus, quum primus Cnei prænomen ferret modò Cn Calpurnius, modò Cn Piſo appel-



latur ex Quæstura Tribunatum plebis adeptus est, <sup>604</sup>/<sub>5</sub> eodem anno, quo L. Piso Frugi postea dictus legem de repetundis tulit, ut diximus, postea Ædilis plebis factus est, anno <sup>607</sup>/<sub>8</sub> Prætor urbanis rerum capitalium quæstionem sortitus est, <sup>610</sup>/<sub>1</sub> Provincialis, anno <sup>611</sup>/<sub>2</sub> & tandem consul cum M. Popilio Lænote, anno <sup>614</sup>/<sub>5</sub> Calpurnio Italia obtigit: at quum esset pacata veteranis agros & divisisse cum imperio ex s. c. denotat denarios, in cujus memoriam cusus est hic denarius in suggestu ipso alloquens, & agros assignans: adsunt fasces cum securibus ad denotandam consulis Romani potentiam, quibus suspenduntur coronæ, strenuè decertantibus distribuendæ, & secundum quas veterani ampliora obtinent agrorum jugera: in anteriore Roma turribus ornata est, ut urbs metropolis, ex qua deducuntur coloniæ: nam milites debebant omnes esse Romani cives: cos. decempedam gerit, ad jugera unicuique metienda.

## XVIII.

CN. PISO PROQ. Caput Numæ Regis diadema ornatum, supra quod NVMA legitur: in averſa parte, MAGN. PROCOS. id est Magni Proconsule. Navis.

Prodit alter Cn. Piso, an superioris nepos, ut ratio temporis innuere videtur, non omninò certum est, ut ut sit Proquæstore fuit Cn. Pompeii Magni in bello, quod is contra Piratas gessit, anno <sup>686</sup>/<sub>7</sub> de quo ait Appianus: „ Βιθυνίαν & Θράκην & Προποντίδα & τὴν „ Πόντον ἡμὰ Γνέοι, & malè, Πέπλι, scribit Πείσαν. *Bithynia, Thracia, Propontis, os Ponti Cn. Pisoni*. In cujus memoriam Numæ gentis suæ autoris caput, ut diximus supra, ex *Plutarcho*, ex anteriore parte, & navim Prætoriam ad arguendam classem suam expressit. Hoc autem bellum summa celeritate confectum est, Cn. Piso Tribunatum plebis accepit, anno <sup>693</sup>/<sub>4</sub>.

## XIX.

C. ANTISTI. C. P. COS. Caput Cybelis velatum & turritum: ex averſo latere, CN. PISO CN. F. Ipsa dea, in curru à duobus leonibus tracto, d. ad pectus, f. tympano innixa.

Patri succedit filius, Cn. Piso, ut fert epigraphe, CN. F. Is ludos Megalesios Ædilis plebis edidit cos. C. Antistio C. F. anno

no<sup>722</sup> in cuius memoriam hunc denarium percussit, in cuius anteriore parte Cybelem seu Matrem magnam, turribus ornatam, & ipsam à duobus leonibus in curru tractam; quod illi essent dicati: nam hac Pessinunte Romam allata ludi, ipsi in ejus honorem celebrati erant in templo *μεγαλειῶν* dicti, & ipsi in Urbem translati dicti Megalesii ceu Megalenses. Cn. verò Piso Consulatum obtinuit cum Augusto, anno <sup>730</sup><sub>1</sub> ut nos edocet *Lapis effossus* in cacumine montis Albani.

Cn. Calpurn. PISONE COS

..... IVL.

CAESAR IN MONTE FVIT

CAESAR COS. ABDICAVIT.

K NOV.

Cn. Calpurn. PISONE COLLEGA.

COS.

XX.

CN. PISO CN. F. III VIR AAA. F. F. Caput Numæ Pompilii, diademate insigne & barbatum: ex altera parte, CAESAR AVGVSTVS TRIBVNIC. POTEST. Caput Augusti nudum.

Patrem sequitur filius; Cneus autem Piso, qui hunc nummum secundæ magnitudinis, filius fuit Cn. Pisonis supra descripti, consulis anno <sup>730</sup><sub>1</sub> & ipse etiam consulatum obtinuit, ut infra dicturi sumus: nunc Triumvir monetalis pro Senatu, ut indicat epigraphe, nota s. c. in sequentibus nummis. In hoc ut avus Cn. Piso iterum caput Numæ exhibuit ad indicandam Calpurniorum originem, nempe à Calpo Numæ filio, ut jam protulimus, ex *Plutarcho*, in *vita Numæ*, & ex altera effigiem Augusti: nam hoc tempore Senatus, aut illius nomen, aut imaginem in nummis, quos cudi curabat, semper apponebat.

## XXI.

CAESAR AVGVSTVS TRIBVNIC. POTEST. Caput Augusti nudum: ex altero latere, CN. PISO CN. F. III VIR. A. A. A. F. F. circa ambitum, s. c. in area.

Ab eodem Cn. Pifone, ut Triumviro monetalis Senatus percussus est hic nummus cum Augusti vultu; sed cum nota Senatus-  
consulti

consulti in area averſæ partis, nempe illius decreto, quàm ei in diviſione cum Auguſto monetæ, ceſſiſſet areæ cudendæ poteſtas. In hac verò nova rerum adminiſtratione non ampliùs Jani bifrontis aut Jovis, vel aliorum deorum imagines, ſed ſola Auguſti imago, vel illius, ut ſuprà diximus, nomen.

## XXII.

AVGVSTVS TRIBVNIG. POTEſT. in laurea : ex altera parte, CN. PISO CN. F. III VIR. A. A. A. F. F. circa ambitum, s. c. in area.

Pro Auguſti effigie, illius nomen cum titulo Tribunicie poteſtatis, quam ſibi aſſumpſerat pro magiſtratu Tribuni plebis in perpetuum, ut ſacroſancta ejus eſſet perſona, inſcriptum eſt in nummis ſecundæ magnitudinis, ut vocant *Antiquarii*, ſed an ipſi pro ſemiſſibus priſci Reipublicæ temporis mutarentur, non ampliùs nota ſ. ſed ſola forma diſtincti, ſatis apparet, quàm etiam primæ, ut illi appellant, percutiuntur, qui pro aſſibus, & minimæ, qui pro quadrantibus exhiberi potuerunt.

## XXIII.

OB CIVIS SERVATOS, in quercea corona, hinc & inde lauri ramus : ex averſa parte, CN. PISO CN. F. III VIR. A. A. A. F. F. circa ambitum, s. c. in area.

In hac nova monetæ areæ Romanæ reformatione tres tantùm formæ ſunt obſervatæ, primæ quidem cum Auguſti effigie, ſed hi nummi ſunt rariffimi, & alii cum hoc lemmate, ambo cum s. c. nota in averſa eorum parte cum nomine Triumviri monetælis, qui mos : quàm obſervatus Reipublicæ imago, & Familiarum nomina in monetis adhuc permanſerunt; ſed paulatim & ſub Auguſti imperii finem ejus imago in anteriore parte, & s. c. notacum ejus titulis in averſa prævaluit, & ſub Tiberio tandem extincta ſunt Familiarum in monetis nomina. De corona quercea quotannis Auguſto ob cives ſervatos oblata, vide apud *Dionem*, lib. 54.

Cn. Piſo legatus Auguſti Procos. in Hiſpania fuit, anno ut videtur <sup>751</sup> poſteà conſul cum Tiberio II. anno <sup>756</sup> ab eodem Tiberio Syriæ præfectus, <sup>760</sup> ſucceſſor Q. Cretici Silani, homo violentus ingenio & obſequii ignarus, ob Germanici mortem veneficii in Senatu accuſatus, ſibi met mortem conſecivit apud *Tacitum*, lib. 3.



## XXIV.

CAESAR AVGVSTVS TR. POT. Caput Augusti laureatum : in averſa parte , L. PISO CN. F. T. TAVRO AP. PVLCHRO II VIR. BOS.

*Goltzius* hunc nummum assignat L. Pisoni Cnei filio, qui tandem post magistratus ad consulatum pervenit cum Cossio Cornelio Lentulo, anno <sup>752</sup>/<sub>3</sub> an verò filius fuerit Cn. Pisonis qui consulatum gessit cum Augusto, anno <sup>730</sup>/<sub>1</sub> & superioris frater ? si id ita fuerit, consulatum gessit ante fratrem, qui natu major videbatur ob Cnei prænomen; quod primogenito ferè semper imponebatur. Coloniae deducendæ Triumvir extitit, cum Statilio Tauro & Appio Claudio; ut ex nummo apparet, quem in colonia percurserunt, ad indicandum illi ab Augusto potestatem monetæ cudendæ concessam fuisse : sed quùm plurimæ ab Augusto conditæ sint, quænam illa fuerit, ignoratur. L. verò hunc Pisonem fuisse Augurem refert *Goltzius*; an ille fuerit, qui accusatus à Tiberio majestatis, opportuna morte, ne perageretur, evasit? Vide *Tacitum*, lib. 4.

## XXV.

Caput Jovis barbatum & laureatum sub quo fulmen. EX. S. C. per transversum : in averſa parte, L. PISO L. F. CAESONIN. L. DOLABELLA. Templum quatuor columnarum in conum desinens, intra quod visitur porta.

Ne Pisonum familiam citò defereremus, hîc in eam adoptatum Cæsoninum adjecimus. L. autem Calpurnius Piso qui Proprætore de Lusitanis triumphaverat, anno <sup>69</sup>/<sub>70</sub> ut suprâ diximus, quemdam ex obscura Cæsonia familia in suam celebrem adoptavit, qui dictus est L. PISO CAESONINVS. Hic filium habuit L. Calpurnium Pisonem consulem, anno <sup>64</sup>/<sub>2</sub> cujus est filius L. noster Piso Cæsoninus, qui hunc denarium percussit, quùm esset Duumvir. Sacris reficiendis ædibus cum L. Dolabella, ob restauratum Jovis templum, cujus imaginem & fani iconem in rei memoriam expressit : sed quis cognomine Jupiter ille sit, non facilè est pronunciare, quùm tot Joves Romæ colerentur, nisi dicamus fuisse Capitolinum. Adest nota, s. c. quod templum sit Senatusconsulto refarcitum.

## XXVI.

Caput Jovis barbatum & laureatum : in averſa parte , L. CÆSONINVS C. IVNI. SILANVS EX S. C. Sella curulis, ſupra quod fulmen.

Ad eundem L. Piſonem Cæſoninum ſpectat hic alter denarius: ſella curulis eum , quùm eſſet cum C. Junio Silano Ædilis, cujus magiſtratus illa inſigne eſt, cuſiſſe denotat. C. Junium Silanum appellat Ædilitium *Cicero, in Cluentiana*. Quo anno non notat, ſed verſus <sup>678</sup>/<sub>9</sub> quo etiam cum eo L. Cæſoninus Ædilis fuit, cujus Urbanam Præturam, anno <sup>692</sup>/<sub>3</sub> colligimus ex *eodem Oratore, in Inveſtigatione contra eum*, his verbis : Præturam nomini ac majoribus non virtutibus eſſe delatam. Provinciam obtinuit anno ſequenti, ex qua redux repetundarum accuſatus eſt à P. Clodio, ſed Julii Cæſaris, cujus erat ſocer, tunc Conſulis gratia abſolutus; qui illum ad conſulatum evexit, anno <sup>695</sup>/<sub>6</sub> & deinde Proconſul Macedoniam avarè geſſit, anno <sup>697</sup>/<sub>8</sub> ut idem *Cicero in Oratione ad Senatum de mutata Prov. Conſularium*.

Fulmen ſellæ curuli ſuperpoſitum indicat, uti caput Jovis, ludos magnos, in ejus honorem cui erant dicati celebratos fuiſſe ex Senatuſconſulto; quemadmodum nota ſ. c. in anteriore denarii parte expreſſa.

## XXVII.

Caput Romæ galeatum, pone quod BESTIA: ex altera parte, L. CALPVRNI. in imo, ROMA. Caſtor & Pollux decurrentes cum haſtis & ſtellis ſupra capita.

L. Calpurnius Beſtia qui hunc denarium percuffit, in *ſaſtis Capitolinis* dicitur L. filius C. nepos, & ideò fuiſſe videtur adoptione frater L. Piſonis Cæſonini filii illius qui adoptatus erat à C. Piſone qui Propr. de Luſitanis triumphavit, & ſic patruus L. Cæſonini cujus duos ſuprà denarios protulimus, quare cum Cæſoninis colloca- vimus. Hic Quæſturam iniit, anno <sup>626</sup>/<sub>7</sub> quo hunc denarium percuffit cum capite Romæ & Caſtore Polluceque fratribus ad arguen- dam ſuam cum L. Cæſonino fratre concordiam.

Vir acer teſte *Cicerone*, unde illi Beſtiæ nomen. Tribunatum plebis adeptus eſt, anno <sup>631</sup>/<sub>3</sub> quo rogatione ſua P. Popilium Læ-  
na-

natem Consularem ante biennium urbe expulsum restituit. Prætor fuit Provincialis, anno <sup>618</sup><sub>9</sub> & tandem Consul cum P. Cornelio Scipione Nasica, anno <sup>642</sup><sub>3</sub> Calpurnio decreta est Numidia provincia & bellum Jugurthæ indixit, de quo vide *Sallustium*. Ipse *Cæsar Bell. Civil. lib. 3.* refert Bibulum iracundia summa fuisse atque habuisse secum privatas inimicitias ex Ædilitate & Prætura conceptas. Missus est hoc anno in Pelignos in quarta regione Italiæ populos Bibulus Prætor, ut novos motus ex Catilinaria conjuratione suscitatos à Marcellis patre & filio per L. Vectium proditos comprimeret, ut *Orosius narrat lib. 6. cap. 6.* sed denarius rem feliciter gessisse & Imperatoris titulum senatusconsulto obtinuisse nos edocet: in cujus memoriam ille percussus est cum capite Libertatis ab eo vindicatæ, & in averfa parte expressa est sella curulis insigne prætoris, sub qua sunt Pontificalia vasa, eum Pontificem etiam esse indicantia. De Servio Sulpitio Rufo Triumviro in gente Sulpitia dicitur.

## XXVIII.

**BIBVLVS.** Capita Jovis, & ut videtur Neptuni jugata: in latere averfo, M. CALPVRN. L. F. Delphin insistens tridenti, supra caput ejus lauri ramus.

M. Bibulus non modò Ædilitatem Præturamque cum Julio Cæsare gessit, sed tandem consulatum, anno <sup>654</sup><sub>5</sub> provinciamque illi forte concessam omisisse innuit *Cicero, in orat. pro Domo sua.* & tandem Procos. ex s. c. & lege Pompeia Syriam obtinuisse, anno <sup>702</sup><sub>3</sub> in quam seriùs, mense scilicet Octobri, venit & Romam rediit, anno <sup>703</sup><sub>4</sub>. At quùm civile bellum inter Cæsarem & Pompeium exarsisset, anno <sup>704</sup><sub>5</sub> provinciis extra ordinem ex s. c. decretis, Bibulus oræ maritimæ præfectus est, & sub eo legati præfectique plurimi fuere: ideò in denario tridens & Delphin maris, imperium designantes exhibentur. Lauri ramus ad victoriam aliquam jam antea in terra partam, aut in mari brevi obtinendam spectat. Capita Jovis qui jam Bibulo contra Pelignos faverat, & Neptuni maris supremi dei tamquam ejus tutatoris expressa sunt: sed Bibulus laboribus in mari & miseriis absumptus paulò pòst obiit, reique navalis administratio ad Libonem devenit.



## XXIX.

M. ANT. IMP. TER. COS. DES. TER. III. VIR. R. P. C. Caput M. Antonii Triumviri, L. BIBVLVS PRAEF. CLAS. Navis cum remis.

L. Bibulus M. Bibuli, rei maritimæ contra Iulium Cæsarem pro Republica præfecti filius, fuit, Bruti & Cassii partes contra Triumviros sequutus est, sed post prælium Philippense impetrata venia in gratiam receptus est cum Messala, ut refert *Appianus, de Bell. Civ. lib. 4.* deinde Antonio adhæsit, qui illum tandem uni ex classibus præfecit: cujus rei memor plurimos nummos percussit, in quibus M. Antonii effigiem expressit; quum jam tertium esset Imperator appellatus post Armeniam captam, & consulatum gefisset secundum, & designatus esset tertium, ut per quatuor annos Antonius & Cæsar consulatus disposuerant: in averfa se præfectum classis nominat, ideò navim cum remis percussit.

## XXX.

Eadem epigraphe circa capita M. Antonii & Cleopatæ Reginæ jugata: in averfa idem typus & inscriptio.

Hunc & superiorem nummum in *Ursino* mutilum refarcimus ex integrioribus, quos in *nostra de Ptolemeis Aegypti Regibus Historia* vulgavimus. Antonius ita Cleopatæ amoribus erat detentus, ut neglecta Octavia uxore Octaviani Cæsaris sorore, hanc Reginam in nummis suis signari voluerit; quas effigies L. Bibulus Triumviro blandiens expressit.

## XXXI.

M. ANT. IMP. III. COS. DESIG. TER. III VIR. R. P. C. Capita adverfa Antonii & Cleopatæ, ex altera parte, L. BIBVLVS M. F. PROC. SIC. Navis cum velo & remis.

Insignis est hic nummus qui, quum superiores nummi L. Bibulum appellaverint Præfectum classis, illum Proc. Sicilia nominat cum ejusdem navis symbolo; & sic nobis aperit arcanum Triquetra in nummo Oppii Capitonis etiam Procos. Sicilia signato nempe Panormi, cujus erat symbolum; ut in *nostro de Græcis urbibus*, in Augusto retulimus, confirmatque locum Dionis ita alloquentis de Antonio lib. 54. Denique quanta tandem portio Sici-  
lia

*lia est nostri Imperii.* Præterire tamen non possumus similem ferè nummum in *nostra Regum Ægypti* quem infrà protulimus, PRO. SIC. quam vocem PRO. explicuimus Propratore, sed regius nummus constanter habet PROC. & ita Proconsul Bibulus Siciliam seu ejus partem sub Antonii nomine administrabat, ubi erat Antonii etiam navale.

Bibulus ex Sicilia ad Syriam gubernandam missus est, de quo inquit *Appianus, Bell. Civ. 4.* Bibulus classi præfectus ab Antonio, copias ejus transvexit contra Cæsarem, acceptaque ab illo Syria provincia, in ea mortuus est: id autem accidit circa pugnam Actiacam.

Observandum est nos duos *Ursini* denarios M. Pisonis, M. F. qui adoptione in Pupiam gentem transiit, in eam transportasse; de quibus suo loco.



## C A L V I S I A.

**C**ALVISIA gens Plebeia, sed consularis, C. Calvisius gentis princeps fuit Tribunus plebis, anno 699. eorum nomen à calvitie desumptum videtur, & cognomen Sabinus quòd inter Sabinos originem duxerit.

### I.

Capita jugatà Castoris & Pollucis, pileis<sup>1</sup>ornata, SABINVS, in averfa parte ipsi astris insigniti decurrentes in equis, C. CALVISIVS C. F.

Calvisius novushomo videtur, ex Sabinis oriundus, quem magni judicii hominem vocat *Cicero ep. ad Plancum*. Primò Quæsturam gessit, anno 694. Tribunatum plebis, anno 699. Præturam urbanam, anno 701. Proprætore Bithyniam & Pontum ex s. c. & lege Pompeia obtinuit, anno 704. cum Pharnace Mithridatis regis filio bellum gessit, quo tempore Cæsar & Pompeius in Pharfalicis campis decertabant, teste *App. in Mithrid.* Africam Proc. cum Imperio obtinuit, anno 710. Consulatum iniit cum L. Marcio Censorino, anno 714. Præfectus fuit classis Cæsarianæ, anno 715. & sub se T. Statilium Taurum Sex. Pompeium, & Sex. Libonem Menam legatos habuit apud *Orosium*.

Castor & Pollux fratres gemini erant Jovis ex Leda sub Cygni forma compressa filii, quos colebant præcipuè Sabini, ut in „ nuit his verbis *Varro, lib. 4.* ut Græci Διδάσκαλον, & putabant „ hunc esse Sanctum ab Sabina lingua : unde eos, ut Sabinus in denariis expressit Calvisius, nisi dixeris, eos in ludorum Circensium memoriam ab illo editos : nam *Isidorus lib. x.* agens de illis „ Itaque, „ inquit, Castori & Polluci deputantur hæ ludorum species, quibus à Mercurio equos distributos historiæ docent : quod confirmare videntur ipsi adhuc in equis ; astris verò insigniuntur, ob felix augurium navigantibus, si Itellæ eorum apparerent.



## II.

OB CIVIS SERVATOS. Corona civica, hinc & inde lauri ramus: in averſa parte, C. CALVISIVS C. F. III VIR. A. A. A. F. F. in area, S. C.

Hic nummus ad C. Calviſium Sabinum ſuperioris C. Calviſii conſularis filium ſpectat; nempe quum pater ejus conſulatum geſſerit, anno <sup>714</sup>; filius Triumvir fuit monetalis Senatus ſub Auguſto, poſtquam hic ut ſparſim diximus, ipſi monetam æream ſignandam in partitione provinciarum reliquiſſet, anno <sup>726</sup><sub>7</sub>; Corona quercea quotannis offerebatur Kal. Martiis Auguſto, tamquam civium ſervatori: & lauri ante ipſius domum in palatio, tamquam hoſtium victori, perpetuo ponebantur; idcirco omnes Triumviri monetales quotannis in rei memoriam eundem typum pro moneta cum nomine ſuo. Caius verò Calviſius filius conſularum etiam obtinuit cum L. Paſſieno Rufo, anno <sup>749</sup><sub>50</sub>; reliquitque filium ejusdem nominis conſulem, anno <sup>778</sup>;



## CANIDIA.

**C**ANIDIA gens plebeia, sed consularis, cognomine CRASSVS à corporis habitu, & nomen an non à canitie; ut supra Calvisius à calvitie.

Caput Apollinis, CELER. in averſa parte cornucopiæ, cui alligatus eſt caduceus per medium quaſi decuſſatim, in imo globus, P. CANIDI. P. F. CRASS. Q. METEL.

Nummi duarum Familiarum nomina præferentes ſæpè in qualibet familia reponuntur; quare hic denarius jam in Cæcilia gente prodiit num. 35. ſub Q. Metello Celere: nunc de illius collega P. Canidio P. filio Craſſo dicendum. Ejus familia aut latuit, aut non multùm illuſtris fuit. M. Canidium reperimus Proquæſtore Catonis in Cypro bona Ptolemæi regis ſub hæſta venundantis, & nihil de illo ampliùs; nec de P. Canidio patre ejus qui denarium hunc cudit. Hic verò per magiſtratus honores ad conſulatum aſcendit, illum Quæſtorem Urbanum nominat *Pighius*, anno <sup>701</sup>/<sub>2</sub> cum Q. Metello Celere; quis ſuſpicatur denarium hunc percuffiſſe in hoc Quæſtorio collegio, cum Apollinis capite & Pacis notas præ ſe ferente, cornu ſcilicet copię & caduceum; ſed pace tanti Viri duo Quæſtores ſua nomina in eodem denario non ſolent apponere, & ſi idem factum exhibent, illud in unoquoque ſuo ſeparatim ſignant. At potiùs hunc denarium cum capite Apollinis Ludos Apollinares designare putamus, quos Canidius & Metellus Prætores fecerint, anno <sup>708</sup>/<sub>9</sub>, quo à Julio Cæſare deviſtis in Hiſpania Pompeii liberis, pax per totum orbem Romanum eluxit; quæ designatur per globum & caduceum & cornucopiæ, ut ſimiles denarii in Muſſidia gente cum capite ipſius Cæſaris ſunt percuffi. Non autem refragatur temporis ratio: nam P. Canidius inter Tribunos plebis, an. <sup>706</sup>/<sub>7</sub> recenſetur, & duobus annis poſteà Prætor renuntiatus eſt, quùm hoc tempore 14. facti ſint. Poſteà conſul ſuffectus eſt Aſinio Pollioni, an. <sup>713</sup>/<sub>4</sub> Proc. legatus M. Antonii in eam miſſus, an. <sup>714</sup>/<sub>5</sub> eam ſubjugavit. Terreſtres Antonii copias ad Aëtiacam pugnam ducebat, an. <sup>723</sup>/<sub>4</sub> quas deferuit, & ad eum Alexandriam profugit; eum Cæſar capta Alexandria anno 724. occidi juſſit.



## CANINIA.

**C**ANINIA gens plebeia, sed consularis, duobus distincta cognominibus, nempe Galli, qui à candore ut sparsim diximus, dicti; alii Rebili, an verò à voce rebilis & rebile quod opinabile est? Nomen Caninii à dentibus caninis supereminentibus derivant.

### I.

Caput Veneris: in averſa parte, C. CANINI. REBILVS IIII.

C. Caninius Rebilus filius fuit C. Rebili Prætoris Siciliae, anno <sup>682.</sup><sub>3</sub> Quæſturam accepit, anno <sup>694.</sup><sub>5</sub> eodem tempore quo Lucius frater: ambo Tribunatum plebis gesserunt, anno <sup>700.</sup><sub>1</sub> Deinde videtur factus Quartumvir à Julio Cæsare; quum hunc magistratum ex trium numero ad quatuor ampliasset, ut indicat denarii inscriptio IIII VIR. Quare Caninius, ut Julio Cæsari blandiretur, caput Veneris, ex qua originem per Julium Æneæ filium trahere se gloriabatur, expressit: tripus autem ob id referri videtur ad ejus Pontificatum maximum.

C. Caninius consul fuit, anno <sup>708.</sup><sub>9</sub> suffectus C. Trebonio, in magistratu mortuo, qui cum C. Fabio Maximo etiam suffecti fuerant C. Julio Cæsari IIII. initio anni sine collega facto: sed Caninius Rebilus uno die tantum consul fuit, quum festinarentur belli civilis præmia. Quod Cicero cavillatus, tanta virtute ac vigilantia consulem in suo magistratu usum dixit, ut ne brevissimum in eo somnum admiserit, ex *Dione, lib. 43.*

### II.

AVGVSTVS TRIBVNLC. POTEST. In corona quercea, C. CANINIVS REBILVS III VIR AAA. F. F. in area, s. C.

A patre ad filium descendimus, de quo pauca sunt apud *Historiae Scriptores*: hic tamen nummus æreæ formæ Trumvirum monetalem Senatus sub Augusto fuisse: sæpè autem diximus monetam Romæ signandam fuisse divisam inter Augustum

*Volum. I.*

FF

&c



& Senatui; Augustus verò sibi auream & argenteam retinuisse, eam Senatui permisisse, ita ut tamen cum sua effigie & suo nomine cuderetur cum autoritate Senatus; cujus ad Galienum usque perpetua fuit nota, s. c. Ab omnibus Triumviris monetaribus sub Augusto corona ex quercu in nummis formæ mediæ, quæ ob civem servatum concedebatur, signata est, quod hæc quotannis Kal. Martiis ei proferebatur. Caninius Rebilus tandem consul suffectus est C. Valgio qui abdicaverat, & ipse suffectus erat, M. Valerio Messalæ Barbato in magisterio mortuo, anno <sup>714</sup> quod etiam accidit Caninio Rebilo, qui in magistratu vita functus est: illius consularis pecunias ad Ludos oblatas recusasse Jul. Græcinum scribit *Seneca. de Benef. l. 9. c. 21.*

## III.

Capita Julii & Augusti laureata, L. LAMIA L. F. in averſa, Sella curulis cui superposita sunt duo astra, à dextris simpulum, à sinistris lituus, C. CANINI. L. F. GALLVS.

Duo nomina in denario inscripta ut bis recenseantur, postulant; jam de Lamia in gente Ælia diximus, num. 10. nunc superest, ut de C. Caninio Gallo agamus. Hic cum L. Lamia videtur fuisse Triumvir sacris conquirendis & donis persequendis apud *Livium* recensitis, *lib. 25.* nempe anno <sup>725</sup> quo sella curulis posita est in sacrario Julii, de quo *Dio*, *lib. 51.* Julii quoque patris sacrarium multis in eo suspensis donariis ex præda Ægyptiaca exornavit: sella curulis in ejus memoriam in denario cussa est. Duo astra, alterum est Veneris, in cujus templo Julii sacrarium erat, alterum ad eum spectat, sicut ad ejus Pontificatum Maximum simpulum & lituus. Capita Julii & Augusti in rei memoriam percussa sunt.

C. Caninius Gallus videtur fuisse L. Caninii Galli consulis, an. <sup>77</sup> qui reliquit duos filios.

## IV.

AVGVSTVS caput Augusti, L. CANINIVS GALLVS III VIR. Parthus genuflexus, d. signum militare.

Ad L. Caninium Caii Caninii superioris fratrem spectat denarius, qui eum Triumvirum monetalem sub Augusto, cujus caput

put in illius anteriore parte exhibuit. Nominat is Parthum supplicem cum signo militari præ se fert in memoriam eorum quæ Augusto remisit Phrahates Parthorum rex, an. 734. Veritus, inquit *Dio*, ne bello impeteretur, signa ei militaria, & captivos omnes remisit. Itaque & sacrificia ejus rei causa & templum Martis Ultoris in Capitolio ad imitationem Jovis Feretrii, qua signa ea militaria suspenderentur, decerni jussit, ac deinde perfecit: quæ de re ejus monetarii Parthum genuflexum signum militare gerentem, expresserunt, ut videre est in Aquilia & Petronia, de quo *Ovidius*, lib. 2. *Trist.*

*Nunc petit Armenius pacem, nunc porrigit arcus  
Parthus eques, timida captaque signa manu.*

## V.

AVGVSTVS. Caput Augusti. L. CANINIUS GALLVS III VIR. mensa seu lectisternium.

Eodem anno, quo superior cusus est denarius, & hic signatus à L. Caninio Gallo: nam Triumviratus monetalis ut erat inter magistratus minores, quotannis, ut alii, mutabatur: itaque quidquid ipso anno illustrius ad honorem Augusti spectabat, in denariis exprimebatur. *Ursinus* inquit; Prætorium verò tabernaculum, quod est in secundo denario signatum, oppidi alijus oppugnationem sub eodem Augusto designat. Sed *Dio* hoc anno loquens de Augusto nullum bellum attigit, Caninius autem Romæ erat monetalis Triumvir, nec prætorium tabernaculum, id est, tentorium ita depingi nequit; sed mensa seu lectisternium esse videtur, pro epulo Jovis, quod Idibus Novembris in Calendario Rom. quotannis celebrabatur à Septemviris Epulorum; è quorum numero Caninius erat: in cujus rei memoriam mensam seu lectisternium in denario expressit.


## VI.

ROMAE ET IMPERIO. Caput muliebre turritum: in averfa parte, L. CAN. AGRIPPA II VIR. Victoria stans, d. coronam, f. palmæ ramum.

Prodit L. Caninius, sed vario cognomine, nempe Agrippa,  
*Volum. I.* *Ff 2* *attamen*

attamen prænomen Lucii ab eo originem duxisse innuit, quia Duumviratus Corinthii præcipua quædam dignitas fuit, quod eo munere honestati non renuerint Augustus & Tiberius, ut jam *Se-  
guinus* probavit, *Sel. num. pag. 79.* at ex nummo à nobis allato in *lib. Colon. pag. 185.* ipsi L. CAN. AGRIPPÆ II VIR. dicato à Corinthiis sub Galbæ nomine, illum Romæ honoris causa tantum Duumviratum Corinthi gessisse, auguramur; quod confirmare videtur caput ipsius Romæ tamquam coloniae Corinthi matris & imperii expressum. De L. Caninio Agrippa apud *Historiæ Scri-  
ptores* altum quidem silentium.





## C A R I S I A.

CARISIA gens à nullo veterum Scriptorum, inquit *Ursinus*, quod sciam, nominatur; præterquam à *Dione*, qui *lib. 53. & 54.* facit mentionem T. Carisii: sed addere potuisset *Florum & Orosium*. An nomen à voce antiqua carissa, quod *vasrum & litigiosum* appellabant, desumptum est?

### I.

Caput Victoriæ cum alis: in averfa parte Victoria in bigis, d. coronam, f. habenas. T. CARISI.

### II.

Caput idem Victoriæ cum alis: pone s. c. in averfa parte Victoria in quadrigis, d. coronam, f. equorum habenas.

Horum denariorum formæ & typi ætatem antiquiorem quam Titi Carisii fratris Publii Carisii redolentes, ut illos ad eorum patrem revocemus, impellunt: nam sub Augusto, cujus erat Titus Triumvir monetalis, & Publius, ejus in Hispania legatus, non amplius denarii ob bigas equorum in iis signatas, bigati nuncupati; ut alii ob quadrigas etiam quadrigati, ut Reipublicæ florentis tempore, cudebantur. Victoriæ simulacrum aliquam victoriam, dum Titus ille Carisius erat pro Quæstore, relatam denotat.

### III.

Caput Romæ, pone quod vox ROMA: in averfa parte, T. CARIS. Decempeda, globus, cornucopiæ & temo in laurea.

Denarius hic ad T. Carisium patrem superioris spectare haud dubiè confirmat: nam ejus typus eadem ferè symbola, quæ Musfidius in Julii Cæsaris Quatuorviri honorem exhibuit, profert: nam per globum denotat terrarum orbem, per temonem maritimum imperium; per cornucopiæ, abundantiam rerum omnium; per decempedam, veteranis agrorum divisionem:

nem: hæc omnia in laurea, id est per Julii Cæsaris victorias parta.

## IV.

T. CARISIVS. Caput Fauni, ut videtur: in averſa parte Tigris, pede ſiniſtro gerit Bacchi thyruſum.

Quos cudit in Quæſtura denarios Carifiſus, protulimus; nunc prodeunt in ejus Ædilitate ſignati. Caput illud Fauni eſſe videtur ad Liberalia ſpectans Bacchique ludos; cujus ſymbolum eſt tigris, ejus præcipuè thyruſum gerens. De his *Cicero ad Cornificium*, „ lib. 12. Liberalibus, inquit, accepi litteras tuas, ſed *Act.* 7. „ in *Verrem*, Ædilitatis munus explicat. Nunc ſum designatus Ædilis, habeo rationem, quod à populo Romano acceperim, mihi ludos ſanctiſſimos maxima cum ceremonia Cereri, Libero, Liberæque mihi faciendos: Liberalia autem celebrabantur ex Kalendario Romano xvi. Kal. Aprilis, & hoc die toga libera adoleſcentibus pueritiam aggreſſis dabatur, ut innuit *Ovidius*.

*Reſtat ut inveniam, quare toga libera detur  
Luciferis pueris candide Bacche tuis.*

## V.

CAESAR AVG. TRIB. POTEST. Caput Auguſti: ex averſa parte, P. CARISIVS LEG. AVGVSTI. in area.

P. Carifiſus perperam in *Dione* Titus appellatus, ſe legatum Auguſti nominat. Hic fuit L. Carifi filius qui ſuperiores denarios cudit, Præturam Urbanam geſſit, anno <sup>722</sup>/<sub>3</sub> & quum Antonii Triumviri bellum premeret quinquennio poſt ex lege Auguſti provinciam Luſitaniam obtinuit, an. <sup>718</sup>/<sub>9</sub>. At quum Cantabri & Aſtures rebellaffent (hi quidem propter factum ac crudelitatem Carifiſi) Auguſtus bellum contra eos ſuſcepit: nam jam Hiſpaniam anno <sup>726</sup>/<sub>7</sub> ordinaverat, & in tres diviſerat provincias, ex *Dione*, Bætiæ P. Romano conceſſerat, Tarraconem & Luſitaniam accepit. Priori Antiftium veterem conſularem præfecit, poſteriori verò Prætorium P. Carifiſium, ideò in nummis ſe Auguſti legatum inſcribit.

## VI.

IMP. CAESAR AVGVST. Caput Augusti : in postica parte , P. CARISIVS LEG. PRO PR. Galea depressa, inter gladium Hispanicum & bipennem.

Quùm Augustus in Hispaniam Cantabros & Astures domiturus venisset , Tarracone morbo detentus est, & Carisio Furnius in subsidium missus, de quo ait *Dio* , lib. 54. „ Verùm hunc longè alium utrique experti sunt, quùm auxilio veniens, acie utrosque victos in servitutem redigeret. In cujus memoriam ex una „ parte Augustum cum titulo Imperatoris , & ex altera arma, quibus utebantur Cantabri, expressit; nempe gladium acutum, & galeam integram quibus faciem tegebant, cum bipenne quam etiam gerebant.

## VII.

IMP. CAESAR AVGVSTVS. Caput Augusti nudum: ex altera hasta, clypeus, & acinacis brevis, P. CARISIVS LEG. PRO PR.

Carisius ut Cantabros esse graves hostes & bellicosos ob varia generum arma quibus in bello utebantur, significaret, illa in denariis expressit: hic exhibet hastam, clypeum parvum, & brevem acinacem incurvum, de quibus *Lucanus* lib. 6.

*Cantaber exiguis, aut longis Teutonus armis.*

Unde *Horatius* ut Cantabri erant timendi denotat, lib. 1. ep. 19.

*Militiam puer & Cantabrica bella tulisti.*

## VIII.

IMP. CAESAR AVGVSTVS. Caput Augusti, P. CARISIVS LEG. PRO PR. Trophæum cum armorum spoliis.

Cantabros & Astures devictos trophæum, diverso armorum genere, nempe spiculis, clypeis & hastis ornatum denotat, nam iis prælio devictis Carisius ut narrat *Dio*, lib. 53. Lanciam quæ est maxima Asturiæ urbs, desertam occupavit, multaque alia in potestatem redegit : itaque finito hoc bello trophæum erectum, ut indicat denarius.

## IX.



## IX.

IMP. CAESAR AVGVSTVS. Caput Augusti: ex averſa parte trophæum, cui Victoria coronam imponit, P. CARISIVS LEG. PRO PR.

Trophæa in nummis exarata, ſemper facta ſunt ex trunco arboris, cui pars altera per medium alligatur, & ad effigiem crucis, quibus arma & ſpolia hoſtium appenduntur; & quando per aliquam victoriam barbari ſunt debellati, Victoria ipſa ex variis eorum armis trophæum adornans exprimitur, ut denotat denarius hic argenteus.

## X.

AVGVST. Caput Augusti laureatum: ex averſa parte, P. CARISIVS LEG. Victoria coronam imponens trophæo.

Quinarius alter eſt ut ſuperior à P. Carisio in Hiſpania cuſus: nam legati Propratore monetam ad exercitus uſum ſignare ſolebant, præſertim quum in provincia quam adminiſtrabant, bellum erat exortum: unde Carisius denarios pro decem aſſibus, & pro militis quotidiano ſtipendio, ut & quinarios pro dimidia denarii parte, nempe quinque aſſibus ad publicam commoditatem ſignari juſſit. Altera ſola epigraphe ab altero differt, nam caput Augusti modò laureatum, modò ſine laurea, pro ſcalptoris libito exhibetur.

## XI.

IMP. CAESAR AVGVSTVS. Caput Augusti nudum: ex averſa parte, P. CARISIVS LEG. PRO PR. Porta urbis cum duobus fornicibus, ſupra peristylium, EMERITA.

## XII.

IMP. CAESAR TRIBVN. POTEST. Caput idem & typus idem ex averſa.

Dio mirè illuſtrat duos illos nummos, priorem argenteum, alterum æreum; nam libro 53. „ finito bello Cantabrico, Auguſtus emeritos milites exautoravit, urbemque eos in Luſitania, Auguſtam Emeritam nomine condere juſſit iis, qui mili-

militari etiamnum erant ætate. In æternum cujus monumētum P. Carisius prospectum portæ urbis Emeritæ in nummis utriusque metalli, & variæ formæ expressit; unde bienio in Provincia moratum fuisse auguramur: postea ipsi Cantabri ob absentiam Augusti iterum rebellaverunt, sed iterum perdomiti sunt. Vide quæ de colonia Emerita in *nostro Coloniarum libro* diximus pag. 51.

## XIII.

Caput Sibyllæ Phrygiæ seu Helleponticæ: in averſa parte, T. CARISIVS III. VIR. Sphinx alata.

Disertè Ill. *Spanhemius* caput muliebre in denario Carisæ gentis expressum, de quo silet *Ursinus*, Sibyllam Phrygiam exhibere ex *Phlegontis* verbis apud *Stephanum*, in verbo *Γέγυς*, nos edocuit, de quâ hic autor, à quo Gergithia Sibylla oraculorum interpres, cujus imago in Gergithiorum numismate, ipsa & Sphinx. Gergis autem erat Troadis urbs, ex qua erat oriunda Sibylla, cujus libri fuere apud Romanos magna in veneratione, atque à Decemviris ad id institutis consuli soliti: Titus verò Carisius Titi F. & P. Carisii frater, Augusti monetalis ad id respexisse videtur, quod narrat *Suetonius* ex ipso Imperatore cremavisse illum supra duo millia librorum fatidicorum, ac solos retinuisse Sibyllinos, hos quoque delectu habito. In cujus rei memoriam T. Carisius caput Sibyllæ expressit, & ut indicaret illam esse Phrygiam, addidit & Sphingem, ut in Gergithiorum nummis illa depingebatur. Scio Augustum Sphineg pro sigillo usum fuisse, sed *Suetonius* initio fuisse notat.

## XIV.

MONETA. Caput Junonis Monetæ: in averſa parte, T. CARISIVS. Incus, supra quam pileus hinc forceps, inde malleus in laurea.

Utamur *Ursini* verbis in hoc denario explicando. Secundus tabellæ denarius cusus ab eodem Carisio fuit, cum monetilibus instrumentis incude, malleo & forcipe; ad indicandum cudendæ monetæ munus, quo tuncungebatur.

Volum. I.

Gg

Quod

Quod verò ad Junonis Monetæ effigiem in ejus altera parte signatum attinet, scribit *Suidas Grammaticus*, Romanos, quum aliquando in bello contra Pyrrhum & Tarentinos pecunia indigerent, Junoni pro pecunia comparanda vota fecisse: illam verò eos monuisse, ut justitiæ armis uterentur, ita enim pecuniam eis non defuturam. Voti compotes facti, Monetam Junonem adorarunt, atque in ejus rei memoriam numisma MONETA inscriptum in templo Junonis asservandum dedicarunt.

## XV.

MONETA. Caput Junonis Monetæ: in averfa parte, SALVTARIS. Eadem instrumenta monetalia.

*Patinus* alteram suggerit Monetæ Junonis appellationem ex *Cicerone, lib. de Divin.* „ Post ingentem à Gallis Senonibus „ acceptam cladem, audita vox ex arce Junonis fuit, ex quo „ Juno illa appellata MONETA est, fortassis à monendo. Monetæ Junonis templum fuisse, ubi domus fuerat Tatii, *Plutarchus* refert in Romulo: Moneta dicta videtur à monendo, quòd nos signi impressione, vel auctoris, vel pretii moneat; SALVTARIS respectu Junonis in denario appellatur, quod illa Romanis pro bello contra Tarentinos suis consiliis salutem attulerat. Salutares litteræ dicuntur apud *Ciceronem*, quæ consolationem afferunt: moneta plurimis est ejusmodi salutaris.

## XVI.

Caput Dianæ cum bicorni luna supra frontem, humero lævo pharetra & arcus: in altera parte, T. CA. Canis venaticus decurrens.

Ut T. Carisius pater in memoriam ludorum Liberalium, quos in honorem Bacchi ediderat, Ædilis, denarios cum ejus symbolis expressit, ita T. Carisius filius, ut Triumvir monetalis, ludorum sæcularium in magistratu suo ab Augusto editorum, anno <sup>736</sup> memoriam celebravit, per Dianam ex una parte, & canem ipsius, ut Venatricis symbolum ex altera: nam illi ludi, ex *Zozimo*, dicati erant Apollini & Dianæ, ut *lib. 2.* inquit, Apollini & Dianæ ludos faciunt; & addit, Octavianus Augustus ludos



C A R I S I A.

235

dos instauravit, de quibus *Dio*, *lib. 54*. Sæculares ludos quin-  
to perfecit. Horum etiam memoriam in denariis Augusti reco-  
luit; alter Triumvir in cippo legitur. IMP. CAES. AVG. LVD. FEC.  
XV. S. F. L. MESCINIVS RVFVS III VIR. T. Carisus paulò post  
reditum fratris ex Hispania Triumvir monetalis fuit. De Diana  
Venatrice sparsim.

Observandum est nos sextum denarium, Carisæ genti ab *Urfs-  
no* adjudicatum, in sequentem Carviliam transtulisse; quia Carisia  
gens nova non convenit cum Ogulnia & Verginia antiquioribus:  
nam Carisæ ante Julii Cæsaris tempora nihil reperitur.



## C A R V I L I A.

**C**ARVILIA gens plebeia, & consularis, cognomine Maximij, ob virtutem scilicet, quod ab U. C. an. 305. jam tulit.

### I.

Caput Romæ galeatum, MAXIM. in imo, ROMA. ex altera parte, Castor & Pollux astris insigniti, decurrentes in equis, cum hastis, SP. CARVIL. SP. F.

Spurius ille Carvilius, qui denarium percussit, Spurii filius cognominatur, idè ad Spurium Carvilium, qui bis consul & bis triumphavit, eum *Goltzius* revocat; & forma & typus denarii id confirmare videntur: nam caput Romæ & Dioscuri, solita erant hujus temporis monetæ Romanæ symbola. Sp. Carvilius Quæsturam Provinciale[m] accepit, anno 505. in qua denarium cudisse videtur, Tribunus plebis fuit, anno 510. Ædilis plebis, an. 514. Prætor urbanus cum L. Posthumio, an. 517. cum quo etiam primùm consul fuit, an. 519. huic Sardi & Corsi provincia obtigit.

### II.

Caput Veneris Victricis, MAXIMVS. in imo, ROMA. in averfa parte Victoria in bigis, d. palmam, f. habenas equorum, SP. CARVIL. SP. F.

Quùm P. Cornelius Prætor in Sardinia mortuus esset, & Sardi, ob ejus ægritudinem, Romanos vexarent, Carvilius consul ex Corsica trajecto exercitu illos ingenti prælio subegit, teste *Zonara*. In ejus rei memoriam denarius Sp. Carvili, cum Victoria palmam gerente videtur percussus, nempe in bigis, ut tunc moris erat: de Sardis consulem triumphasse nos docent *Marmora Capitolina*.

SP. CARVILIUS SP. F. C. N. MAXIMVS AN. <sup>DRIX.</sup>  
COS. DE SARDEIS K. APRIL. <sup>DXX. l'art.</sup>

Ille primus divortium intulit, ex *Gellio*, lib. 4. cap. 3. Carvilius, inquit, traditur uxorem quam dimisit, egregiè dilexisse, castissimamque morum ejus gratia habuisse, at jusjurandi religionem

„ nem animo atque amori prævertisse, quia jurare à Cenforibus  
 „ coactus erat uxorem se liberorum quærendorum gratia habi-  
 turum. Carvilius iterum consulatum gessit cum Q. C. Fabio Maxi-  
 mo Verrucoso II. anno 525. Caput Veneris Victricis, cui devotus  
 se ipsius ope victoriam retulisse putavit Carvilius.

## III.

Caput Jovis imberbis in *Regio denario*, fulmen est sub ejus capite.  
 in averſa parte, CAR OGVL. VER. Jupiter imberbis in quadrigis,  
 d. fulmen, f. equorum habenas.

Si è Carisia gente in Carviliam transferimus hunc denarium,  
 quod in nostras partes descenderit Cl. *Perizonius* diff. 3. plurimum  
 lætamur: sed si de tempore & ad quos referat Triumviros mo-  
 netales, cum illo haud conveniamus, non doleat. Si quidem Car-  
 vilii Q. F. Maximi Ædilis, & Cn. & Q. Ogulniorum Tribuno-  
 rum & Verginii ab eo nominati, tempore non adhuc denarii ar-  
 gentei signabantur. Sed ad Sp. Carvilium filium, ejus sunt su-  
 periores denarii, pertinet, quandoquidem Q. Ogulnius, Q. F.  
 L. nepos Gallus fuit Tribunus plebis, an. <sup>509.</sup> T. Verginius A. F. A. N.  
 fuit Quæstor provincialis Sp. Carvilius Sp. F. C. nepos Maximus  
 Tribunus etiam plebis fuit, an. <sup>510.</sup> qui simul Triumviri moneta-  
 les denarium, cum epigraphe CARSIUS OGVLNIUS VERGILIUS.

Verum non loquitur de denario argenteo *Perizonius*, sed de  
 æreo nummo, quem mox proferemus, quum de Jove Axure  
 pauca dixerimus. Jupiter imberbis depingitur; vocatus Axur in  
 gente Vibia, quasi *ἀξυρ ἔργων*, id est, *sine novacula*, quia barbam  
 numquam rasisset: sed cur signatur ab his Triumviris mone-  
 talibus, quum illius Ædes non Romæ fuit & Terracinæ colere-  
 tur; inde suspicamur illum ex Triumviris monetilibus, ad indi-  
 candam originem suam forsan percussisse.

## IV.

Caput Jani bifrontis barbatum: in averſa parte, CAR. OGVL.  
 VER. Navis. In theſauro *Regio*.

Nummus ille est, de quo loquitur Cl. *Perizonius* cum simpli-  
 ce & vulgari antiquissimorum symbolo Jani bifrontis, quem ad  
 alterutrum Cn. vel Q. Ogulnios Tribunos plebis, anno <sup>454.</sup> cum  
 Sp. Carvilio Q. F. Triumviros monetales revocat: sed non vi-



dit forsan nummum, qui uncialis est, & pro semi sextantario mutabatur, quum sit percussus primo bello Punico ab an.  $485\frac{5}{6}$  incæpto, postquam impensis Reipublicæ non sufficientibus asses librales imminui cœpere, & sextantario pondere cudi, quod convenit Sp. Carvilio, Sp. F. Q. Ogulnio, & L. Vergilio Triumviris monetaribus, hoc tempore institutis; nempe ab anno  $510\frac{1}{4}$  ad  $515\frac{5}{6}$  vel paulo plus aut minus. Vide in Ogulnia & in Vergilia.

## V.

Caput Jovis barbati cum nota s. in averfa parte navis & astro desuprà. CAR. & nota pariter s.

Ad Carviliū spectat hic nummus æreus, sed non ad superiorem, nota s. pro semilibrali asse eum quidem permutari indicat; pondus verò illius semiunciale ad Sp. Carviliū superioris filium Quæstorem Provinciale, anno  $539\frac{39}{40}$  illum revocat: nam in secundo bello Punico cæpto, anno  $535\frac{5}{6}$  quum Annibal magis urgeret, asses sextantarii facti sunt unciales, Q. Fabio Maximo Dictatore. De Jove Capitolino, Romæ tutelari deo, pro Jano percussio dictum est.



## C A S S I A.

**C**ASSIA gens, cujus nummi supersunt, plebeia est, sed antiqua, nobilis, & consularis; cognomine *Longinus*, diminutivum *Longi*, à corporis habitu: nomen verò à *cassi*, id est *galea*, desumptum videtur: de quo *Isidor. lib. 18. Origin. cap. 14.* Cassidem autem à Tuscis denominatam dicunt: illi enim cassim nominant: credo à *capite*.

### I.

Caput Jani bifrontis barbatum: in averſa parte, **L. CASSI. LONGIN. Navis.**

Forma & pondus nempe sextantarii, ad quem as libralis primo bello Punico, an. <sup>485</sup>/<sub>6</sub> incœpto, reductus est, ut sparsim diximus, nos quidem impellit, ut L. Cassium ab illo tempore quæramus usque ad ann. <sup>535</sup>/<sub>6</sub> quo secundum exarsit; quia tunc as ex sextantario uncialis factus est, & hic de quo agitur, duas pendet uncias: Reperimus autem Q. Cassium Longinum Quæstorem Provinciam, anno <sup>515</sup>/<sub>6</sub> cujus potuit esse frater L. Longinus, qui pariter Quæstor nummum signavit sextantarium cum capite Jani bifrontis, & in averſa parte navis; solitis assium symbolis.

### II.

Caput Romæ galeatum: in postica parte, **C. LONGIN. C. F.** in imo, **ROMA.** Victoria in bigis, d. flagrum.

Caius ille Longinus cognomine, Caii F. appellatus, Cassiæ gentis est, & C. Cassius Longinus indigitatur, qui Quæstor Provincialis, an. U. C. <sup>569</sup>/<sub>70</sub> hunc denarium cum solito Romæ capitis & bigarum typo percussit. Is Tribunatum plebis accepit, anno <sup>574</sup>/<sub>5</sub> ejus Prætura Urbana desideratur apud Livium, quæ fuisse videtur, anno <sup>579</sup>/<sub>80</sub> nam consulatum triennio post gessit cum P. Licinio Crasso, anno <sup>582</sup>/<sub>3</sub> C. Cassio Italia obvenit, & censuram tandem cum Valerio Messala iniit, anno 599. ut eruitur è *Marmoribus Capitolinis.*

CENS. M. VALERIUS M. F. M. N. MESSALA. C. CASSIVS  
C. F. CN. LONGINVS. LVSTR. F. LV.

## III.

Caput Vulcani cum pileo laurea coronato: & add. humerum forcipe. Nota s. in area, ex averſa, C. CASSIVS. In imo, navis & nota s.

Ad eundem Cassium pertinere videtur hic nummus æreus ex Caii prænomine, seu ex ejus forma, conjecturam Vulcani signum auget; idem à L. Aurelio Cotta cufum vidimus: quem ideo Triumvirum monetalem sumus suspicati: at eundem Cottam reperimus Tribunum plebis, anno <sup>599</sup>/<sub>600</sub> quo censuram gessit, C. Caius cum Valerio Messala ut in superiore denario diximus, qui tamquam monetæ Præfectus Censoris nomen in nummo signare potuit.

Vulcanus à monetæ Præfecto signari videtur, quia Fabrorum deus creditur, & quòum sine igne nullum metalli genus quale est aurum, argentum & æs, ex quibus conflatur moneta fundi extendique potest: unde hæ notæ A. A. A. F. F. *Auro, argento, ære*, „ *flando, feriundo*, in nummis exhibentur, Vulcano pileus quidem cæruleus, ex *Eusebio, lib. præp. Evang.* tribuitur. Cælestis, „ ut ait symbolum volutionis, Corona laurea quia fulmen supra laurum non cudit. Forceps fabro quod sit ad metalla cudenda necessaria. Nota s. pro semi asse monetam denotans.

## IV.

Caput Jani bifrontis barbatum: in altera parte, C. CASSI. L. SALIN. Navis.

Pondus nummi unciale pro asse, ut & illius forma minùs rudis quàm anteriores, ut eum ad C. Cassium superioris Cassii filium potius quàm ad Caium patrem revocemus, impulerunt. Vox autem SALIN, id est *Salinator*, cognomen est unius Livie gentis; ideo quærendi sunt eodem tempore, C. Cassius & L. Salinator. Reperimus autem C. Livium Salinatorem eodem anno 515. Tribunum plebis quo Caius Cassius Quæsturam gessit: unde conjicimus Lucium Salinatorem Tribuni plebis fratrem extitisse, qui simul Ædiles aut Prætores hunc nummum cudere potuerunt. Nostram confirmat conjecturam Regius alter eorum num-



nummus in quo præponitur inscriptio, L. SALIN. C. CASSI. cum eodem typo.

## V.

Caput Vestæ, pone quod simpulum: in averfa parte, L. LONGINVS III VIR. Senator togatus tabellam, in qua littera v. tenet; adstat illi cista.

A L. Longino L. Longini Ravillæ filio, cufus est hic denarius Triumviri monetalis officio fungens, ut docet epigraphe. Is patrem exhibet Tribunum plebis, ob leges quas in magistratu tulit, insignem. *Ursinus* in tabula quam Cassius immittit in cistam, notam inscriptam manifestè videri asserit: at pace tanti viri, manifestiùs in ea littera v. apparet, quam nos in denariis perspicuis & integris sæpiùs vidimus. Quia inter leges plurimas, quas ille tulit, Tribunus Libertatis Vindex Tabellaria recensetur. Uti P. Romano in omnibus judiciis, perduellione excepta, per tabellam suffragium esset, in qua hæ notæ esse deberent A. C. NL. Exinde *Ursinus* una ex illis, nempe A. esse existimavit, sed ejus filius Cassius non hanc patris, sed plures quas ille tulit, indicare voluit, ideò litteram per quam omnes inchoant, nempe v. id est VTI. vel VTIQVE. in tabella tenet, adest cista in qua repositæ leges asservantur.

## VI.

Caput Veneris, corona myrtea insigne: ex averfa parte, L. CASSI. L. F. Q. N. LONGINVS. Sella curulis, supra quam corona altera myrtea,

Ad eundem L. Cassium Longinum L. Cassii Ravillæ dicti, consularis & Censoris, filium spectat denarius. Superiorem is ut Triumvir percussit, hunc verò ut Ædilis. Quæstor quidem provincialis fuit, anno <sup>640</sup> Tribunus plebis, an. <sup>645</sup> Ædilis autem an. <sup>648</sup>, in quo magistratu festum diem Veneris Kal. Aprilis celebrans, sacra Veneri fecisse videtur, qua mulieres myrto coronatæ lavabantur. In cujus rei memoriam L. Cassius Venerem, corona myrtea ornatam ex una parte expressit, & ex altera sellam curulem magistratus insigne, cum ea corona, quæ Veneri offerebatur, exhibuit.

## VII.

Caput Romæ, pone quod urna: in averſa parte, C. CASSI. in imo, ROMA. Figura Libertatis in quadrigis, d. pileum, ſ. virgam.

Duo ſuprà prodierunt Caſſii cognomine Caii, pater nempe & filius; ſed tertius hic eſt ſuperioris Lucii frater minor, Lucii Caſſii Longini, agnomine Ravillæ ob tot Caſſios dicti à ravis oculis, filius. Is, ut frater, legum quas tulerat pater, memoriam revocare voluit per Senatorum tabellam, in qua litteram v. à qua inchoant omnes, nempe *uti*: ita per Libertate mramquam triumphantem, deſignare voluit patrem illam vindicaſſe, ut innuit Cicero de illo ita loquens, in *Orat. pro Cornelio*. „ Ponam principi vim „ juſtiſſimæ libertatis Caſſiam, qua lege ſuffragiorum vis poteſtaſ „ que convaluit: nam antea ſuffragia voce publica non videbantur libera virorum principum metu. Pileus & virga libertatis ſymbola ſunt; qui manu mittebatur raſo capite pileum geſtabat. Virga ſeu vindicta capiti impoſita Prætor eum liberum eſſe, more Quiritum, dicebat.

## VIII.

Caput Bacchi ſeu Liberi, hederacea corona cinctum, ſupra humerum lævum thyruſus: in averſa, L. CASSIVS Q. F. Caput Liberæ, pampinis redimitum.

Ut Caii prænominis ſæpiùs repetita in gente Caſſia inſcriptio, dubium aliquod in Caſſiis diſtinguendis attulit, ita Lucii alterum cognomen non minùs implicat; porrò hunc Lucium Quinti filium in denario vocatum, patrum habuiſſe L. Caſſium Tribunum plebi: illum famoſum legis Tabellariæ latorem exiſtimo; cujus pater erat frater natu major, & ille fuit patruelis, eorum qui ſuper denarios cuderunt. Quæſturam accepit provincialem, anno  $63\frac{2}{3}$ . Tribunatum plebis, an.  $63\frac{6}{7}$ . Ædilitatem verò, an.  $69\frac{9}{10}$ . in qua videtur ludos Liberi & Liberæ celebraſſe, de quibus Cicero, *Att. 7. Verrina*. „ Nunc ſum deſignatus Ædilis, habeo rationem, quid à P. Roma „ no acceperim, mihi ludos jucundiſſimos maxima cum ceremonia „ Cereri, Libero, Liberæque faciendos. Unde in eorum memoriam Bacchi caput ab una parte cum thyruſo ejus ſymbolo, & ex altera Liberæ pampinis coronatæ ſunt expreſſa.

Porrò

# C A S S I A.

243

Porro denarium hunc pertinere contendit ad dedicationem ædis apud *Dion. Halic*, l. 6. Δημητρίῳ καὶ Διονύσιῳ, καὶ Κόρῳ ὁ τῷ μεταξὺ χρόνῳ καθιέρωσεν. A Spurio Cassio anno <sup>260</sup><sub>1</sub> sed hæc nimis antiqua sunt; & Cassius ille erat Viscelinus, & ex familia patricia; sed redeamus ad alios magistratus quos iniit L. Cassius. Post Ædilitatem factus est Prætor Urbanus, anno <sup>642</sup><sub>3</sub> & C. Memmii Tribuni plebis rogatione in Numidiam ad Jugurtham regem missus, cui ut Romam secum veniret, persuasit. Quadriennio post, consulatum iniit cum C. Mario: anno <sup>646</sup><sub>7</sub> huic extra sortem Numidia data est, L. Cassio Gallia Narbonensis decreta cum bello Cimbrico, cuius initio à Tigurinis victus in prælio occisus est.

## IX.

Caput Apollinis, pone quod sceptrum solitum: in postica parte, Q. CASSIVS. Aquila insistentis fulmini, inde lituus, inde præfericulum.

Quintus ille Cassius, qui denarium cudit, Quinti F. & Lucii N. à *Pighio* appellatur, eumque Prætorem refert, anno <sup>678</sup><sub>9</sub> in quo magistratu Ludos Apollinares celebravit; in cuius memoriam Apollinis caput cum solito sceptro percussit; sed nihil de signis Pontificalibus refert, quæ ejus auguratum denotant, cuius sunt insignia lituus & præfericulum, ut in denariis Antonii Triumviri observare est: at inter illa signa visitur aquila Jovis ales fulmini insistentis, quod ea huic deo illa ministret; & Collegium Augurum Jovi sacrum sit, ut nos edocet verus *inscriptio* apud *Onuphrium*, lib. de Civit. Rom.

IOVI. O. M. SACR.

COLLEG. AVGV.

## X.

Caput Cereris spicea corona ornatum, CAECIAN. in averſa parte, L. CASSI. Jugum boum.

L. Cassius à Cæcio cujus meminit *Cicero ad Atticum*, lib. 9. ep. 12. adoptatus est, & Cæcianus dictus, inquit *Ursinus*; sed è contrâ L. Cæsius Cæcium adoptavit, ut nos docet nomen Cæcianus à voce Cæcius, prolongatum in adoptionis gratiam: nam

*Volum. I.*

Hh 2

ado-



adoptati gentis suæ nomen haud perdebant, sed illud producebant: ut Æmilius, in Corneliam adoptatus, est dictus Cornelius Æmilianus.

Sed qui illi fuerint, L. Cassius qui adoptavit, & Cæcius ille adoptatus de Cæcio: nulla est mentio præterquam apud *Ciceronem* his verbis. „ De suo autem consilio C. Cæcio mandata ad me dedisse. De iis sollicitus est *Ursinus*, & ad quos denarium referre, dubitat. Liceat igitur nobis, ut illi conijcere nomen idem Cæcii & Cæsii, quorum pauci occurrunt, esse existimamus; itaque M. Cæsium Prætorem, anno <sup>678.</sup> reperimus datum adiutorem Q. Cassio Longino eodem tempore Prætori, in cognitione factorum rectorum apud *Ciceronem* 3. *Verr.* unde pacta inter eos amicitia. Cassius amisso L. filio petiisse videtur à M. Cæcio unum ex filiis in adoptionem, qui L. Cassius Cæcianus postea dictus est.

Caput Cereris & præsertim jugum boum respicere videntur ad agrorum divisionem, ex lege quam Julius Cæsar in consulatu suo cum Bibulo tulit anno <sup>694.</sup>; nempe ut ager Campanus plebi divideretur, suatore legis Pompeio, ut inquit *Paterculus*. Ita circiter xx. millia civium eò deducta. L. Cassius, Q. Cæsii qui superiorem denarium cudit, filius adoptivus Duumvir illius coloniarum deducendarum potuit esse, in cujus memoriam Cererem ad indicandam Campaniam frumento cui præest illa dea abundare, & ex altera parte jugum boum deductarum coloniarum symbolum signavit.

## XI.

Q. CASSIUS VEST. Caput Vestæ velo ornatum: in altera parte templum rotundum, in cujus medio sella curulis, à dext. templi urna, à sin. tabella cum litteris A. C.

Q. Cassius frater fuit C. Cæsii percussoris Julii Cæsaris uterque Quæstor provincialis eodem anno <sup>699.</sup> <sub>700</sub> Quintus in Hispania Ulteriore Pompeii, quem sine sorte delegit, Caius M. Crassi Proc. in Syria. Quintus in Quæstura hunc denarium ut avi sui L. Cæsii Rarillæ insignium factorum memoriam renovaret, signavit, quæ duobus variis Cæsiis tribuit, quàm ad unum & eundem spectent L. Cassium, ut jam ostendimus. Primum est lex tabellaria, quam tribunus plebis tulit anno <sup>605.</sup> <sub>7</sub> uti P. Romano in omnibus

nibus judiciis, perduellione excepta, per tabellam suffragium esset; nam publicè per vocem dabatur: itaque factæ sunt tres tabellæ, una in qua esset littera A. id est, *Absolvo*, altera C. id est, *Condemno*, & tertia, in qua N. L. id est, *Non liquet*, pro ampliacione: in cujus monumentum Q. Cassius à dextris urna inest, in quam à iudicibus tabellæ conjiciebantur, tabellas expressit, sed per foramen unde eas nemo nisi per clavem extrahere posset, & non erat aperta ut cista, in quibus reponebantur leges, ut in quinto denario vidimus. A sinistris verò tabella est, in qua visuntur litteræ A. C. *Absolvo*, *Condemno*. De altero L. Cassii factò in sequente argenteo nummo.

## XII.

Q. CASSIUS VEST. Caput Vestæ velo ornatum: ex altera, IMP. CAES. TRAIAN. AVG. GER. DAC. P. P. REST: Templum ut suprà; hinc urna, inde tabella, in qua A. C.

Q. Cassius ex Quæstura Hispaniæ ulterioris Tribunus plebis, eodem an.<sup>704</sup>, quo Caius frater factus est, ex Pompeii partibus ad Cæsarem transiit, qui eum in eandem provinciam cum quatuor legionibus, extra ordinem contra leges misit, Præturam provinciam accepit, anno <sup>710</sup>, omniaque avarè administravit. Trajanus ejus denarios, non ob præclara ejus facta restituit, sed propter optimam legem tabellariam, quam tulit L. Cassius Tribunus plebis; à quo originem ducebat, & propter ejus de Vestalium incestis justitiam: nam optimus Imperator omnes, ut arbitramur, *Familiarum* pro monetæ usu restituere voluit; & sunt illi denarii pro raris habiti.

## XIII.

Q. CASSIUS LIBERT. Caput Libertatis: in averfa parte idem Vestæ templum.

Alterum explicandum aggredimur L. Cassii factum de templo Vestæ purgato, ob Virginum Vestalium incestum. Multorum erat opinio Pontificum collegium leviter & negligenter de stupris Vestalium quæsisse, idèò Tribunis plebis instigantibus populus inquireretur, ut diligentius quæstionem renovaret, & creatus est plebisci-

to extra ordinem. Prætor iterum Cassius L. Longinus Ravilla dictus, qui Liciniam & Marciam, à Pontificibus absolutas, in judicium revocatas damnavit, ut & complures alias, ut narrat *Ascon. Pædianus in Orat. Ciceronis pro Milone*.

Vesta Romanorum erat dea, cui sex primùm serviebant sacerdotes ignem sacrum servantes, deinde plures, velum præferens depingitur, ut monialis ejus templum extruxit Numa, & quidem rotundum, ut ait *Plutarchus*, in cujus medio posita est sella curulis Prætoris L. Cassii, ad indicandam in eo de Vestalibus sententiam latam. Erat in regione VIII. cum atrio. *L. Antistius Labeo*, qui de Vestali virgine capienda scripsit, minorem quàm annos sex, majorem quàm annos decem, quæ non fuerit patrima & matrima, & casta & incorrupta maneret; si verò parùm pudica, incesti convicta, defodiebatur viva juxta portam Collinam intra urbis muros. Vestales publicis sumptibus alebantur.

Nobis superest, ut de Libertatis imagine in hoc & in altero de Vestæ capite pauca dicamus. Vestæ effigies ad Vestalium factum respicit. Libertatis caput ad legem tabellariam pertinet, quia ut inquit *Cicero* pro Cornelio, lex Cassia justissimæ Libertatis principium fuit, qua lege suffragiorum vis potestasque convaluit.

## XIV.

C. CASSI. IMP. Caput Libertatis, M. SERVILIUS LEG. ACIOSTOLIUM navis.

Ad C. Cassium Cæsaris percussorem pertinet hic denarius: quibus verò parentibus prognatus sit, non traditur; frater tamen ejus Q. Cassius, de quo suprà diximus, ex illo L. Cassio plebis Tribuno insignis tabellariæ legislatore, per denarios quos in ejus memoriam signavit, originem traxisse demonstravit. Ille eodem anno <sup>699.</sup>/<sub>700</sub> quo Quæsturam frater accepit, ipse cum M. Crasso Procos. in Syriam profectus est, ubi legionum reliquias post ejus cladem conservavit, anno <sup>700.</sup>/<sub>1</sub> Parthos in Syriam incurstantes repressit, anno <sup>702.</sup>/<sub>2</sub> in provincia usque in adventum Bibuli Procos. anno <sup>707.</sup>/<sub>3</sub> cui victor & pacatam provinciam tradidit. Tribunus plebis factus est, anno <sup>704.</sup>/<sub>5</sub> Pompeii partes in pugna Pharsalica sequutus, anno <sup>705.</sup>/<sub>6</sub> Syriacis navibus præfectus; postquam verò Pompeium profligatum esse cognovit, Cæsari se tradidit, à quo liberaliter confervatus



vatus est. Prætor factus, anno <sup>709</sup><sub>10</sub> & quod primus in Præ-  
turis locus datus esset Bruto cognato, eum seduxit, & contra  
Cæsarem conjuravit, & vulnus ei inflixit in faciem: ex *Ap-  
piano*.

Cassius, cui decreta erat à Julio Cæsare Syria, eam etiam obtinuit  
Senatus autoritate, & bellum gessit cum Dolabella consule, quum in  
eam venisset quem cum Q. Basso, Marco & Marcio & Crispi exerciti-  
bus ad mortem coegit, qui cum suis legionibus se ei permiscere, & Im-  
perator tunc appellatus est: nam, ut ait *Plutarchus in Bruto*, Cas-  
sium accersivit Brutus Sardes, appropinquant proceffit cum „  
amicis obviam, totusque exercitus utrumque Imperatorem con- „  
salutavit: quippe jam erat uterque appellatus, & Brutus in Ma-  
cedonia & Cassius in Syria; ut colligere est ex eorum gestis.

Denarii verò ubi cusi sint, ocrostolium arguit Sidonis insigne; ut  
videre est in plurimis Syriæ Regum nummis, *lib. nost. de eorum  
Historia*. Hunc in illa Phœniciæ celeberrima urbe percussum de-  
notat, M. Servilio Cassii legato procurante: nam hîc non agitur de  
classe Cassii, & si ob rem maritimam esset signatus denarius, na-  
vim exhiberet; ut solent in re navali illas repræsentare legati. Ca-  
put Apollinis exprimitur ob ludos Apollinares Romæ per absen-  
tiam Prætorum editos: nam Brutus & Cassius Prætura adhuc non  
erant functi. Vide in Junia & in Servilia.

## XV.

Caput Apollinis laureatum, C. CASSEI IMP. in altera parte,  
M. SERVILIUS LEG. Gammarus marinus, inter duo parva acro-  
stolia, in imo malum punicum.

De Cassio nunc dicere superfedemus, ut ad explicationem de-  
narii accedamus. Suprà videramus ex insigni Sidonis acrostolio,  
superiorem in hac urbe ad exercitus Cassiani usum esse percus-  
sum: sed hic, qui Gammarum exhibet, Cassium, ut ab om-  
nibus regibus & urbibus in bellicos sumptus postulabat, eum à  
Sampficerano & Iamblici ejus filio, qui genti Emesorum impe-  
rabant, cujus erat Arethusa regni sedes, accepisse nos docet: nam  
*Strabo l. 16. p. 518.* scribit Cæcilium Bassum, ab iis exercitibus ob-  
sessum Apameæ, diutiùs usque ad Cassii in Syriam adventum restitit-  
se, quod finitimi reguli eidem suppetias ferebant: quare postquam  
Cæci-

Cæcilius Bassus se subjecit Cassio, Sampficeranus huic Imperatori pecuniam subministrasse videtur; ex qua facti sunt illi denarii.

Gammarus est insigne urbis Arethusæ, ut jam diximus in nostro *de Græcis num. libro*, ex *Strabone loco citato*, quum prius Gammarus diceretur, Ἀρέθουσα ἢ Γαμβάρου. *Arethusa quæ Gambari est*, ubi etiam nominatur eidem *Sampficerani Arethusa*. Additur in imo acrostolium insigne Sidonis; ad denotandum denarium in ea urbe ex pecunia Arethusæ esse percussum: an alterum sit acrostolium parvum, quod acetabulis tenet ad arguendam Arethusæ cum Sidone societatem. In imo flos granati, abundantiam ejus fructus in his tractibus demonstrat.

## XVI.

C. CASSI. IMP. LIBERTAS. Caput Libertatis: in averſa præfericulum & lituus. LENTVLVS SPINT.

## XVII.

Eadem epigraphæ. Caput Libertatis velatum: ex altera idem typus. LENTVLVS SPINT.

Hi denarii ad P. Cornelium Lentulum Spintherem attinent, is quum non adfuisset Julii Cæsaris cædi, teste *Appiano*, quamvis non esset facinoris conscius, inquit ille, tamen plurimi cupientes videri participes illius gloriæ & in his Lentulus Spinther. Is fuit extra ordinem Proquæstore & Proprætore missus à Senatu in Asiam ad vestigalia in potestatem redigenda, cogendas pecunias & provinciam præſidiis muniendam. Dolabella hoste judicato, ejus equitatum ad Rempubl. traduxit, & Cassio tradidit: delectus in Asia habuit, quem ei etiam tradidit, quare Cassio Imperatori appellato denarios signavit, cum capite Libertatis, ad denotandum se omnia pro re restauranda effecturum.

Lituus & præfericulum ad Pontificatum seu Auguratum P. Servilii Spintheris, cujus meminit *Cæsar*, lib. 1. *de Bello Civi.*

## XVIII.

G. CASSI. IMP. Tripus cum cortina desuprà: in averſa parte, LENTVLVS SPINT. Præfericulum & lituus.

De P. Cornelio Lentulo Spinthere in primo ejus denario dictum est, in secundo de ejus Pontificatu seu Auguratu. nam lituus præcipuum est Auguratus symbolum, & sublato nomine Pontificis potest etiam intelligi illius sacerdotium; nunc de tripode, ad ludos Apollinares spectante. Brutus & Cassius Prætura non adhuc erant defuncti; &, inquit *Appianus*, lib. 3. *Bell. Civ.* Jamque instabant ludi, quos pro Bruto prætor Caius Antonii, Frater editurus erat, & in ceteris rebus collegæ absentis vicarius, eratque apparatus sumptuosus admodum, ea spe, quasi spectaculis delinita plebe revocaturus esset Cassianos. Cortina erat illud regumentum, quod Apollinis tripodi superponebatur, è corio Pythonis serpentis factum.

## XIX.

M. AQVINVS LEG. LIBERTAS. Caput Libertatis: in averſa parte, Tripus cum cortina. C. CASSI. IMP.

Marcus ille Aquinus unus fuit ex iis, apud *Appianum*, qui particeps gloriæ cædis Cæsaris Dictatoris videri voluit. Currebant, ait, cum eis etiam aliquot alii gladiis arreptis, quamvis non essent facinoris socii, tamen cupientes videri participes gloriæ, & in his Lentulus Spinther, Favonius, AQVINVS, Dolabella, Marcus, Peticus, quibus quidem gloria frui non contigit; sed pœnas dederunt easdem cum fontibus. Is videtur fuisse M. Aquinius, pro Aquino dictus, homo novus & Senator partium Pompeianarum in Africa cui pepercit Jul. Cæsar. *Id. de Bel. Afr.* De tripode Apollinis ad ludos Apollinares pro Prætura Bruti & Cassii editos spectante, dictum est, ut de ejus cortina.

## XX. XXI. XXII.

Caput Augusti, CAESAR AVGVSTVS TRIBVNIC. POTEST. In averſa parte, C. CASSIVS CELER. III VIR. AAA. P. F. in area, s. C. ut alii duo sequentes.

*Volum. I.*


*Ii*

*C. Caf-*



C. Cassius Triumvir monetalis Senatus sub Augusto, dicitur Caii filius, & cognomine Celer; ob Prænomen videtur fuisse ex Cassiorum vetere familia, sed cognomen illum non in historia detegit: equidem minor ille Triumviri monetalis magistratus non eum multum attollit. Porro sub Augusto adhuc consularem L. Cassium L. F. L. N. Longinum reperimus, qui consul successus fuit ex Kal. Jul. anno <sup>763</sup><sub>4</sub>.

Observandum est nos tertium secundæ tabellæ gentis Cassiæ denarium, in *Ursino* descriptum, in Juniam transtulisse.



## C E S T I A.

**C**ESTIA gens plebeia est; eadem videtur cum Sestia, licet malè scribatur Sestia pro Cestia: quod nomen desumptum est à cestu, id est, à cingulo.

### I.

**L. CESTIVS C. NORBANVS.** Caput Veneris: in averſa parte Cybele, in curru à duobus leonibus veſto.

**L. Cestius** cum **C. Norbano** in hoc denario descriptus **Ædilis curulis**, anno <sup>662</sup>/<sub>3</sub> simul celebrarunt ludos Megalenses: ut indicat Cybele, dea magna vocata; in cujus honorem festum pridie Kal. Aprilis habetur in Kal. Romano, & ludi edebantur scenici per sex dies: de quibus loquitur *Cicero*, in *Orat. de Harusp.* his verbis. „ Nam quid ego de illis ludis loquar, quos in palatio nostri majores ante, templum in ipso conspectu Matris Magnæ Megalensibus fieri celebrarique voluerunt.

Caput Veneris ad indicandam nominis originem à cestu; qua dicebatur Venus sibi Martem conciliaſſe. *Martialis epigr.* 13. lib. 6.

*Ut Martis revocetur amor summique Tonantis*

*A te Juno petit Ceston, & ipsa Venus.*

**L. Cestius** ille videtur fuisse, qui **Sestius** appellatur à *Cicerone*, **Publii** ejus defensoris; quo **Ædilitatem** & **Præturam** cum **Norbano** gestas per denarios reperimus &, apud *Pighium*, anno **U. C.** <sup>669</sup>/<sub>70</sub> **Tribunatum**: de hoc *Cicero*, reliquis honoribus non tam uti voluit, quàm dignus videri. Vixiſſe videtur ad bellum usque civile **C. Cæsaris**; quo decrepitus & claudus **Cn. Pompeium** in **Macedoniam** cum filiis est sequutus; ut refert *Plutarchus* in *Pompeio*.

### II.

Caput muliebre proboscide elephanti ornatum; in postica parte,

**L. CESTIVS C. NORBAN.** PR. S. C. Sella curulis supra quam Cassis.

Prodit alter **L. Cestii** & **C. Norbani** denarius, ab iisdem **Ædilibus** curulibus superioribus cufus, ob ludos Megalenses in Magnæ

*Volum. I.*

li 2

Deæ

Deæ honorem, cujus effigies in curru à duobus leonibus vecto ex eo expressa est, celebratos, hic simul Præturam Urbanam gessisse, & Prætoris nomen & sella curulis ejus magistratus insigne nos edocent, reperio quidem C. Norbanum, anno <sup>659</sup><sub>60.</sub> Prætozem, & eodem anno L. Sestium nominat Tribunum plebis *Pighius*, qui Prætor videtur fuisse.

Sed cur Africæ caput in illorum denario? Si ad commune aliquod Prætorum egregium facinus de Africanis sub P. Romano subjectis ad jus in urbem à Prætoribus petendum missis, magna videtur controversia ab iis dijudicata: unde in ejus memoriam caput Africæ Prætores exhibuerunt ex Senatusconsulto. Si ad peculiare factum, ut quisque denarium seorsim cudit, ut Cestius in superiore caput Veneris ad nominis originem indicandam signavit; ita Norbanus Africæ caput exhibuit in Numidiæ acquisitæ memoriam à C. Mario, cujus partes acerrimè sequutus est, ut in gente Norbana videbimus. Sed de galea sellæ curuli imposita; an quòd Prætores capite puniant? vel Minervæ sacra faciant, antequam magistratum ineant. Non modò Ædilitatem & Præturam simul gesserunt Cestius & Norbanus, ut nobis indicant eorum denarii, sed eodem anno U. C. <sup>654</sup>; Quæstores Provinciarum electi fuere. Vide in gente Sestia, quam eandem cum Cestia fuisse opinamur.





## C I C E R E I A.

**C**ICEREIA gens plebeia; cujus nomen derivatum à cicere, quem haberet in facie; ut Ciceronis cognomen.

Caput Romæ galeatum: in averſa parte, C. T. F. T. N. in imo, ROMA. Victoria in quadrigis, d. ſlagrum.

Cicereius obſcuro etſi genere natus, dignitates tamen & magiſtratus obtinuit; ſcriba & cliens Scipionis Africani fuit, ex *Val. Maximo*. Quæſturam accepit anno 77<sup>o</sup>. Tribunatum plebis, anno 77<sup>5</sup>. Præturam candidatus petens, anno 78<sup>o</sup>. quum videret ſe Cn. Scipionis, domini olim ſui filii centuriis anteferri, ex templo deſcendit, abjectaque candida toga, competitoris ſui ſuffragatorem agere cœpit; ut ſcilicet Præturam melius Africani memoriæ concederet, quàm ſibi vendicaret: etſi maximo verecundiæ pretio, Scipio tunc honorem adeptus, Cicereio tamen magis gratulati ſunt.

Præturam anno ſequenti 77<sup>o</sup>. provincialem obtinuit, ſortitusque eſt Sardiniam, uti *Livius* refert, ſed viſum fuit Senatui, uti cum ſupplemento mille quingentorum peditum Romanorum, & centum equitibus in Corſicam tranſgreſſus M. Atilio ſuccederet. Eò veniens, ſignis collatis pugnavit, ſeptem millia Corſorum occidit, ampliùs mille ſeptingentos cepit. Ex Corſica ſubacta Cicereius in Sardiniam tranſmiſit exercitum.

Anno ſequenti Cicereio ad ædem Bellonæ datus eſt Senatus, antequam conſules irent in provinciam, expoſuit ille quas in Corſica res geſſiſſet; & triumphum petiit, qui quum ipſi negatus eſſet, in monte Albano, ut tum in conſuetudinem venerat, ſine autoritate triumphum egit. *Pighius* ideò exiſtimat Victoriæ quadrigas agitantem in denario, ad ejus memoriæ triumpho denotandam illum expreſſiſſe: at ſi triumphus ei à Senatu negatus, & moneta eſſet publica, id probabile non videtur, ſed ſolitus eſt denariorum typus, in ejus quæſtura ab illo cuſus; unde denarii dicti ſunt bigati & quadrigati; illius tamen triumphum notant *fragmenta Faſtorum Capitolina*.

C. CICEREIVS T. F. T. N. PR. AN. DXXCI.

PR. EX CORSICA IN MONTE ALBANO K. OCTOBR.



## C I P I A.

**C**IPIA gens eadem cum Cispia, fuit plebeia; cujus nomen videtur deductum à Cispio monte, altero nempe Esquiliarum jugo, in quo habitabat: nam Esquilæ, apud *Varronem*, duo montes habiti, *lib. 4. de lingua Latina*: quod confirmare videtur *Festus* his verbis. Cispus mons in urbe Esquilinæ regionis, de nomine cujusdam hominis dictus.

### I.

Caput Romæ galeatum, M. CIP. M. P. in averſa Victoria in bigis.

*Ursinus* Cipia gentis apud veteres Scriptores nullam fieri mentionem refert, & pluribus ostendit eandem esse cum Cispia; quam rectè denarius exprimit antiquata littera s. Is M. Cipius M. filius in illo indigitatur, quem percussit in Quæstura sua cum solis denariorum Romanorum typis; nempe Romæ capite & bigis, unde bigati dicti; anno 691. fratrem habuit C. Cipium natu majorem, si quidem ille fuit Quæstor anno 690. Marcus autem Tribunatum plebis accepit, anno 696. & à Clodianis vi foro depulsus est VIII. Kal. Febr. quod *Ciceronis* revocationi faveret, cum Sestio altero Tribuno, quare ille *Orat pro Sestio*, honorificè loquitur. Quid M. Cispus, cui ego ipsi, parentique fratris, trique ejus sentio quantum debeo; qui cum à me voluntas eorum in privato judicio esset offensa, publici mei beneficii memoria privatam offensionem oblitteraverunt. *L. Plancus* Cispios appellat cognomine Lævos, ad *Ciceronem* scribens, *lib. 10. ep. 21.*

### II.

M. CIP. M. F. Caput Jovis laureatum, & nota s in averſa Navis cum nota s. c.

An

An ad eundem M. Cipium pertineat nummus hic mediæ formæ, an verò ad patrem ejus, qui Marcus etiam vocabatur, incertum est: in re verò dubia eum ob ejus formam patri adjudicamus. Nihil habet peculiare: nam de Jove pro Jano bifronte, in nummis mediocris moduli, cum navi in averſa parte, res est in nummaria ſatis trivialis.





## C L A U D I A.

**C**LAUDIA gens duplex, Patriciorum & Plebeiorum, origine Sabina. Atta Clausus, gentis princeps, ex Regillis Romam cum magna clientum manu commigravit autore Tatio; vel post reges exactos sexto ferè anno à Patribus in patricos cooptata est, teste *Suetonio*: dictus postea Appius Claudius. Patricia distincta est in quatuor stirpes, quorum nummi nobis supersunt; Crassorum à sagina corporis, Pulchrorum à faciei decore, Centonum forsan à velo quo obtegebantur machinæ in bello, ne tormentorum missilibus perfringerentur, Peronum, quod strenuum significat Sabinorum lingua. Plebeix clariores fuisse Marcelli; quod cognomen, ut ait *Plutarchus*, Marcellus est bellicosus, id est, ἀφ' ἑσθ' hoc est, Martius. *Sigonius* putat Marcellum dictum esse quasi Martellum, id est parvum Martem.

A Patricia inchoamus, & quia supradicta ejus nomina ab Appii Claudii Cæci, bis Consulis & Censoris, ut se ab invicem distinguerent, sumpta sunt, aut potius indita sunt. Quatuor autem Cæci filios fuisse, autor est *Cicero*.

### I.

Caput Romæ galeatum: in averſa parte, AP. CLAUD. CRAS. in imo, ROMA. Victoria in bigis, d. coronam, l. equorum habenas.

Ap. Claudius, antequam Cæcus fuisset, altero cognomine dictus fuerat Crassus, quod primogenitus conservavit. Is Quæsturam militarem accepit, anno <sup>475</sup> factus est Prætor, an. <sup>483</sup> consulatum verò iniit cum P. Sempronio Sopho, anno <sup>485</sup> & denarios argenteos cudi curavit; cum Romæ capite & bigis in altera parte, anno secundo quo signari cœperunt: nempe ut refert *Plinius*, lib. 33. quinque an. ante primum bellum Punicum. Caio, „ inquit, Fabio consule Romæ signatum est.

### II.

## II.

Caput Dianæ, pone quod phæretra & arcus: in averſa parte Victoriæ in bigis, d. lauream, ſ. palmam, & equorum habenas.

TI. CLAVD. TI. F. AP. N. & litteræ numerales LXXIII.

Secundus Ap. Claudii Cæci filius, fuit TI. Claudius, cognomine Nero, cujus nobis denarii non ſuperſunt, ſed ille nepotis eſt, ut inſcriptio denotat. Is Quæſturam provinciæ Siciliae Ap. Pulchro & Junio Pullo coſſ. accepit, anno <sup>503</sup><sub>4</sub>. At quum res malè ab iis contra Carthaginienſes geſta eſſent, & prior altero defuncto à Senatu fuiſſet Romam revocatus, TI. Nero in Sicilia moratus ex Senatusconſulto, ut arguit illius nota, ſ. c. denarios cuſiſſe videtur, uti caput Dianæ in ipſa inſula ſummo honore cultæ indicat: ideò nec Romæ effigies, nec urbis nomen in illis occurrunt, ut in ſimilibus Attiliæ gentis obſervare eſt num. 7. Litteras numerales *Pighius* denarios ex argenti pondo LXXIII. Hieronis Syracuſanorum regis tributo fuiſſe ſignatos arguere ſuſpicatur.

## III.

Caput Romæ galeatum, pone quod ROMA. In averſa parte, Jupiter in quadrigis triumphalibus, d. fulmen, ſ. ſceptrum & habenas. C. CLAV. NERO. in vertice XXII.

Patrem TI. Claudium Neronem ſequitur filius C. Claudius Nero Ap. Cæci pronepos. Is Quæſtor fuit provincialis, anno <sup>536</sup><sub>7</sub> Prætor peregrinus Sueſſulam fortitus eſt, anno <sup>541</sup><sub>2</sub>. Pro Prætor Capuam obtinuit, anno <sup>542</sup><sub>3</sub> conſulatum iniit cum Livio Salinatore iter. anno 546. huic Gallia adverſus Aſdrubalem appropinquantem, Claudio contra Annibalem bellum obtigit in Brutiis & Lucanis. Interceptis Aſdrubalis ad fratrem litteris, relictoque contra Annibalem in caſtris ſuis præſidio, ad Senam Galliæ diligenter profectus ad Metauri ripam, cum collega Pœnos ingenti prælio fuderunt, Aſdrubale ipſo cum quinquaginta ſex hominum millibus apud *Livium* occiſis.

Conſules ſub fine Romam venerunt ad triumphum; Senatus utrique illum decreverunt, cujus rei memoriam teſtantur *Columnæ Capitoliæ*.

M. LIVIVS M. F. M. N. SALINATOR. AN. <sup>DXLVI.</sup>  
DXLVI. Part.  
 COS. II. DE POENEIS ET ASDRVBALE DVCE.

C. CLAVDIVS TI. F. TI. N. NERO COS. AN. <sup>DXLVI.</sup>  
DXLVII. Part.  
 DE POENIS ET ASDRVBALE DVCE. III. III.

Id confirmant quadrigæ triumphales ex averſa denarii parte, in quibus Jupiter Triumphator pro Claudio conſule exhibetur; nam quum Senatus, ut ipſi triumpharent in iisdem quadrigis decreviſſet, Claudius Livio Salinatori jam antea conſulari ceſſit modestia, & tantum equo invecſtus eſt: ideò Jupiter in quadrigis exhibetur ut triumpho Claudio à Senatu decreti memoria ſuper-eſſet: ut autem ſimul conſulatum, ſic & cenſuram ſimul geſſerunt, anno <sup>549.</sup><sub>50</sub> ut nos edocent *Marmora Capitolina*.

CENS. M. LIVIVS M. F. M. N. SALINATOR.

C. CLAVDIVS TI. F. TI. N. NERO L. F. <sup>XLV.</sup>  
XLVI. Part.

Litteræ numerales xx. ad argenti pretium, ad denarios conſandos, ſpectare videntur: nam quum his conſulibus P. Romanus auro ſignato uti cœpit, argentei nummi ad xxii. argenti coctionem, quam nos Gallicè *carat* appellamus, conſtituti fuiſſe videntur.

## IV.

Caput Jovis laureatum ex ſ. c. in averſa parte, TI. CLAVD. TI. NERO. Aquila legionaria inter duo ſigna militaria.

Ordo temporis poſtulat, ut ad alteram Neronis ſtirpem paulum divertamus. TI. Claudius Nero Ap. Cæci filius duos habuit filios, nempe Publium natu majorem, à quo originem trahit ipſe Tiberius, & Tiberium natu minorem, ex quo Claudius ille Cenſor & triumphalis progenitus eſt. Tiberius autem, de quo nunc agitur, TI. filius in denario appellatur, & patrem habuit TI. Claudium Neronem Publii F. conſulem, anno <sup>551.</sup> Is Quæſturam provincialem iniit, anno <sup>568.</sup> Aedilis curulis fuit, cum Quinctio Flaminio, an. <sup>573.</sup><sub>4</sub> & tandem Præturam peregrinam ſortitus eſt, anno <sup>575.</sup><sub>9</sub> & extra ordinem obtinuit ex Senatus decreto Piſas cum una legione & ſociorum auxilio, uti eam provinciam, vicinamque tutaretur. Ille diem quo ſui milites Piſas con-



convenirent, edixit, & ipse paludatus in provinciam est profectus proconsulari cum imperio; non prius verò in illam pervenit, quin monetam pro suorum stipendio percussisset: in anteriore cujus parte Jovis caput ut Imperii Romani deum tutelarem exhibuit, cum Senatusconsulti nota s. c. & in altera signa legionis in memoriam illius, quæ ipsi decreta fuerat ex Senatus decreto.

## V.

SALVS. Caput Salutis laureatum: in averſa parte, TI. CLAVD. TI. F. NERO. in imo, Q. NONI. SEX. F. ASPRENAS. circa ambitum. Ara ſupra quam ſerpens in gyros caput erigit; hinc caduceus, inde tridens.

Idem TI. Claudii nomen, & eadem TI. filii appellatio, ut ad ſuperiorem TI. Claudium Neronem, hunc denarium revocaremus, impellere videntur, ſed collegæ Asprenatis non ita vetus in magiſtratibus mentio prohibet, ſicuti typus, qui ipſi non congruit. Ergo in alia Neronum ſtirpe alter TI. Claudius TI. F. Nero quærendus cum Q. Nonio Asprenate coætaneus, & ſi nobis conjecturæ locus TI. Claudio Neroni Tiberii Imperatoris patri tribuendus eſt, qui Quæſturam urbanam cum Q. Asprenate iniiſſe videtur, anno <sup>700</sup> quo tota Italia vota pro ſalute Pompeii M. ſuſcepit, ut narrat *Paterculus*. Si ante biennium... gra- viſſima tentatus valetudine deceſſiſſet in Campania, quoquidem tempore univerſa Italia vota pro ſalute ejus, primi omnium civium ſuſcepit. Vide in Nonia gente.

Salutis nomen & caput in anteriore nummi parte cum ſerpente ſuper aram vota & ſacra deæ Saluti peracta indicant. Serpens ſanitatis eſt ſymbolum *Macrobio*: ille autem in Æſculapii tutela eſſe dicitur, quod herbam attulerit, qua Glaucum reſuſcitaviſſe narrant; & annuas exuvias ponunt, quaſi vitam renovant ſerpentes. Salus lauro, ut pater Æſculapius, coronatur, quia multas virtutes habere exiſtimatur.

TI. Claudius Nero in civili bello Cæſaris partes ſequutus eſt, cujus Quæſtor fuit, teſte *Suetonio*, cap. 3. ſed diverſa erat Reipublicæ Quæſtura. Alexandrino, inquit, bello claſſi præpoſitus, plurimum ad victoriam contulit. Quare & Pontifex in locum P. Scipionis ſubſtitutus, & ad deducendas in Galliam co-

lonias, in quæ Narbo & Arelate erant, missus est, Præturam obtinuit, anno 712. L. Antonii partes sequutus, solus permansit in eis, deinde in Siciliam profugit, deinde ad M. Antonium trajecit, & pace facta, Romam rediit, & Liviam uxorem petenti Augusto licet gravidam concessit; nec multò post diem obiit.

## VI.

IMP. CAESAR AVGVSTVS. Caput Augusti laureatum. TI. CLAVDI. TI. F. NERO COS. ITER. IMP. ITER. Quadrigæ triumphales, supra currum strobilus pini arboris.

Tiberius TI. Claudii Neronis superioris filius, Fundis natus creditur, ob levem, inquit *Suetonius*, conjecturam, quod materna ejus avia Fundana fuerat: sed ut plures tradunt, natus est Romæ in Palatio XVI. Kal. Decembris, M. Æmilio Lepido iterum & Numatio Planco coss. anno 711. uno anno ante patris Præturam; quem defunctum novem natus annos pro rostris laudavit, dum pubescens Actiaco triumpho currum Augusti comitatus est, an. 724. Quæsturam urbanam annum 19. agens ante tempus suscepit, U. C. 731. Prætor fuit urbanus, anno 737. Munus gladiatorum permissu Senatus cum Druso fratre exhibuit. Comaram Galliam rexit anno 638. consulatum cum Quintilio Varo gessit, anno 740. Illyricum obtinuit per triennium extra ordinem 741. Pannonios vicit; unde Imperatoris nomen tulit. Dalmatas pacavit, & Pannonios rebellantes subegit, anno 744. unde illius ovatio coortis in Germania motibus, anno 745. ad bellum missus est ab Augusto, trajecto regno magnis cladibus barbaros affecit: unde Imperatoris iterum ipsi delatus est titulus, & decretus est triumphus, quem iniit eo die quo consulatum secundum suscepit cum Cn. Calpurnio Pisone, anno 746. ut testantur *Fragmen- ta Capitolina*.

TI. CLAVDIVS TI. F. NERO II. COS. II. AN. DCCXLVI.  
DCCXLV & Varr.  
DE GERMANEIS KAL. IAN.

Idem demonstrant aurei denarii in hanc rem signati cum capite Augusti, & quadrigis triumphalibus, cum nomine & titulis Tiberii, at quum in aliis aureis denariis Tiberius in ipsis quadri-

drigalibus, & in hoc pro ejus figura strobilus pini exhibetur, *M. Velferus* ingeniosè illos Augusto Vindelicæ signatos contendit, quod insigne sit urbis strobilus pini; unde suspicamur idè cudisse quod Tiberius Veteranos in urbem Vindelicam colonos deduxerit, unde illa Augusta sit denominata. Cetera Tiberii gesta apud *Historiæ Augustæ Scriptores* legas, quùm hic de Familiarum nummis nobis sermo sit.

## VII.

NERO CLAVDIUS DRVSYS GERMANICVS IMP. Caput Drusi laureatum: in averfa parte, RHENVVS. Fluvius decumbens barbatus, d. arundinem, f. urnæ aquas vomenti innixa.

Duo fuere TI Claudio Neroni Julii Cæsaris Quæstori ex Livia filii, ambo Neronēs vocati; sed Tiberio qui fuit Imperator Romanus pro cognomine, alteri verò minori Druso pro prænomine datum fuit ex parte matris Livix; nam L. Livius Denter sub P. Cornelio Dolabella consule, an. <sup>470.</sup><sub>1</sub> in bello Gallico ducem vel regem hostium nomine Draufum cominus trucidando sibi posterisque suis Drusi cognomen invenit.

Drusus intra penates Augusti natus, mense tertio postquam ejus pater Liviam matrem ei in uxorem concessisset, accepta Quæstura cum fratre Tiberio contra Rhætos missus est. Prætor urbanus anno <sup>737.</sup><sub>8</sub> ex s. c. factus est; nam quùm Augustus Tiberium fratrem tunc Prætorem in Galliam secum duxisset, ejus Præturam in Urbe ad finem usque gessit. Augustus anno <sup>740.</sup><sub>1</sub> reliquit in Germania Drusum, an. <sup>741.</sup><sub>2</sub> Sicambros vicit ac Frisios ad amicitiam P. Romani traduxit, & tunc urbanam Præturam gessit, licet antea honores Prætorios, ut diximus, tulisset: vere ineunte contra Germanos profectus & Rhenum transiit, ubi Imperatoris titulum meruit, & ovatio & triumphalia ornamenta decreta.

Tandem consulatum iniit cum T. Quintio Crispino, anno <sup>747.</sup><sub>7</sub> & bellum Germanicum repetiit, & ob Rhenum toties transfactum, & populos ad ejus ripam habitantes sub P. Romani potestatem redactos, simulacrum Rheni ipsius fluvii in ejus denariis aureis & argenteis expressum est; sed in ipso Victoriæ cursu, ex fractura, equo super crus collapsus, in ipso consulatu mortuus est in æstivis castris. Senatus decrevit mortuo filiisque ejus nomen



Germanici, arcumque marmoreum erexit : unde illi denarii post ejus mortem percussi sunt cum illustri Germanici cognomine, & ipso etiam arcu triumphali ad ipsam rei memoriam : imò & Senatus ipse nummos magnitudinis æreos Druso signavit.

## VIII.

Caput Apollinis laureatum, ante quod sceptrum : in averſa parte, M. CLAVD. GLICIA. Navis cum remigantibus.

Quùm post secundam Ap. Claudii Cæci progeniem, nobis ſit de tertia ſermo, nobis hîc de tertio Claudii Cæci filii, cujus non ſuperſtites denarii ſunt, P. Claudii Pulchri ſcriba dicere liceat : hic verò conſul cum L. Junio Pullo an. <sup>504</sup>; in Siciliam proſectus neglectis Pullorum auſpiciis infeliciter pugnavit, à Senatu Romanam evocatus abdicare cogitur dicto Dictatore, quem Claudium Gliciam ſuum ſcribam *Livius*, viatorem *Suetonio* nominavit. Hic per ludibrium ita factus, mox abdicare coactus ipſe eſt, poſtea tamen à Reipublicæ muneribus non abſtinuit; nam Quæſtor provincialis factus, an. <sup>506</sup>; hunc denarium percuffit.

Ab una parte exhibet Apollinem, cui ſceptrum apponitur, ut putat *Pighius*, ad denotandum Romanos eum in ſacris animatorum corporum regem colere, quem religione Græca Solem exiſtimabant : nam Apollinis nomen Græcum eſt. In altera parte Glicia Quæſtor urbanus navim cum remis exhibuit, ut claſſem privatorum opibus inſtructam maritimas Africæ oras vaſtaſſe, & ad Hipponem ædificia ac naves in portu incendiſſe demonſtraret, dum conſules terreſtribus copiis Pœnos Lilybæum & Drepanum inſeſtantes repulerunt.

Glicia Quæſtura non contentus Tribunatum accepit, an. <sup>511</sup>; legatusque fuit conſulis C. Licinii Vari, an. <sup>512</sup>; & quùm in Corſicam ante ejus adventum veniſſet, pacem cum Corſis iniit, quam Senatus fecit irritam, Varus eos ſubegit, Glicia temeritatis inconfultæ, qua conſulis officium involare auſus eſt, pœnas dedit graviffimas, nam Romam reverſus, eum Senatus in carcere necari juſſit, & corpus unco per Gemonias in Tiberim trahi juſſit. Gliciaæ miſerabilis exitus, & fortunæ inconfantis exempl. *Valer. Max. lib. 6. cap. 4.*

## IX.

P. CLAVD. PVLCHER. Caput Dei triumphi, pone quod littera T. inter duo puncta: in averſa, M. FABI. C.F. LICINVS. Navis cum remis.

P. ille Claudius Pulcher videtur eſſe P. Claudii Pulchri tertius Claudii Cæci filius conſul, an. <sup>504</sup>/<sub>5</sub>, qui Quæſtor ærarii cum M. Fabio C. filio Licino Dorsone, anno <sup>525</sup>/<sub>6</sub> hunc denarium cudērunt. In eo ex una parte Triumphi dei, quem Jovis filium Euhium, id eſt bonum filium, appellant, effigiem exhibuerunt, quod confirmat littera T. inter duo puncta Triumphum ſignificans, ut monogramma AP. Apollinem in Cæſia gente arguere obſervavimus: in memoriam ſcilicet celebris illius triumphi navalis, quem de Illyricis primus fecit hoc anno Cn. Fulvius Centumalus, ut nos docent *Columnæ triumphales*.

CN. FVLVIVS CN. F. CN. N. CENTVMALVS A. <sup>DKXV.</sup>  
DKXVI Part.  
 PROCOS. EX ILLVREIS NAVAL. EGIT X. K. QVINT.

Ideò in averſa parte navis ad rei confirmationem repræſentatur, quòum hæc eſſe nota videatur claſſis, ad cujus inſtructum ſumptus ex ærario publico fuerant deſumpti, & ideò à Quæſtoribus ex argento publico hi denarii percuſſi.

## X.

Caput Concordiæ velatum, MAM. LEPID: LIVIAN. In averſa parte, AP. CLAVDIVS AP. F. PVLCHER. Sella curulis.

Jam prodiit hic denarius in gente Æmilia num. 18. nunc de illo in Claudia dicendum. Ap. ille Claudius, Ap. filius, Ap. Claudii Pulchri cos. an. <sup>611</sup>/<sub>2</sub> Cenſoris, Auguris & Senatus principis fuit nepos, qui Quæſturam urbanam iniit cum Mamercò Lepido Liviano, anno <sup>665</sup>/<sub>6</sub> & ſimul fuerunt Prætores urbani, an. <sup>671</sup>/<sub>2</sub> quod confirmat denarius, in quo ſellam curulem magiſtratus inſigne, in rei memoriam, & caput Concordiæ, in ſignum amicitiae, cudiffe videntur, poſtea quòum Mamercus Livianus conſulatum ſuſcepiffet, an. <sup>676</sup>/<sub>7</sub> ille creatus eſt ex patriciis Interrex, Urbem

bem, cum Procos. imperio ex exercitu obtinuit, s. c. iussus operam dare, quum Mam. Livianus exercitum duceret, ne quid Resp. detrimenti acciperet, ut ex *Orat. L. Philippi* colligimus. Ap. Claudius Pulcher pater fuit Livii Drusi Claudiani, qui genuit Liviam Augusti uxorem.

## XI.

Caput Romæ galeatum, pone quod ROMA, ex adverso, PVLCHER. In altera parte Jupiter, d. quadrigas triumphales agens, f. fulmen gerit. AP. CLAVDIVS AP. F. AP. N.

Quanti desiderantur Claudiorum Pulchrorum denarii, si à P. Claudio patruuele App. Pulchri cos. an. <sup>542.</sup><sub>3</sub> avi illius qui denarium cudit, descendamus. Is Ædilis curulis cum Ser. Fabio Pictore, an. <sup>604.</sup><sub>5</sub> Prætor provincialis, an. <sup>606.</sup><sub>7</sub> Consul cum Q. Cæcilio Metello Macedonico, an. <sup>610.</sup><sub>1</sub> Claudio decreta est Gallia. Cum Salassis congressus in prælio primùm superatus est, teste *Orosio*, l. 5. c. 4. deinde reparato exercitu quinque pariter millia hominum interemit, sed cladis acceptæ non parùm sollicitam reddiderat urbem: quare Romam reversus triumphum non obtinuit, tamen privatis sumptibus triumphavit; quem quum Tribunus plebis quidam è curru detrahare vellet, Claudia Vestalis filia consulis autoritate sacra prohibuit. Igitur, inquit *Valerius Maximus*, lib. 5. cap. 4. alterum triumphum pater in Capitolium, alterum filia in ædem Vestæ duxit. Nec discerni potuit, utri plus laudi tribueretur, an cui Victoria, an cui Pietas comes aderat. *Fragmenta Capitolina* ejus triumphum meminerunt.

AP. CLAVDIVS AP. F. AP. N. PVLCHER AN. <sup>DCK.</sup>  
COS. DE SALASSEIS EX ALPIBVS. <sup>DCKI. VERT.</sup>

En triumphum Claudii monumentum Jupiter, cui votum fecisse videtur, pro illo quadrigas triumphales ducit lento gradu, ut moris est, quo modo exprimuntur denarii triumphales, & non per Victorias quadrigas decurrentes. Tandem Ap. Claudius Pulcher censoriam dignitatem obtinuit cum Q. Fulvio Nobiliore, anno <sup>617.</sup><sub>8</sub> & simul lustrum fecerunt LVIII.



## XII.

Caput Romæ galeatum : in averſa parte, C. PVLCHER. Bigæ aurigante Victoria, d. ſagrum.

C. Pulcher fuit App. Claudii Pulchri filius, & P. Claudii Pulchri, qui primus hoc cognomen tulit, nepos, ex tribus Claudiiis fratribus conſularibus tertius fuiſſe videtur. Quæſturam provincialem ſuſcepit, anno <sup>565</sup><sub>7</sub> in qua hunc denarium ſolito nomine bigatum appellatum cudit; poſteà Præturam urbanam geſſit, anno <sup>573</sup><sub>4</sub> & conſulatum cum Ti. Sempronio Graccho, anno <sup>576</sup><sub>7</sub> denique cenſuram cum eodem Sempronio Graccho, anno <sup>584</sup><sub>5</sub> ut teſtantur *Columnæ Capitolineæ*.

CENS. C. CLAVDIVS AP. F. N. TI. SEMPRONIUS P. F. TI. N.

PVLCHER.

GRACCHVS.

L. F. LII.

## XIII.

C. CLODIVS C. F. Caput Floræ, cui corona ex floribus contexta eſt; & ſlos pone caput: in averſa parte, VESTALIS, Veſtalis ſedens velata, d. ſimpulum, ſ. fellæ innixa.

C. Clodius qui nummum argenteum percuffit, Caii filius indigitatur, & hunc ad C. Claudium C. Claudii Pulchri filium, cos. anno <sup>623</sup><sub>4</sub> revocat *Urſinus*, & Veſtalem in averſa parte depictam, *Patinus* ad alteram, quam protulit ille, referri exiſtimat. Hic ad conſanguineam P. Claudii Pulchri filiam, cujus pietatem, dum Tribunus plebis patrem triumphantem de curru detrahere tentat, *Valer. Maximus* extollit; *Patinus* verò Veſtalem profert antiquiorem nempe anno <sup>548</sup><sub>9</sub> quæ ex *Livio*, navem in medio Tiberis profluente hærentem, qua mater Deum è Peſſinunte arceſſita vehebatur, injecta zona movit; quum libri Sibyllini caſtiſſimam mulierem adhibendam juberent, quo factò illa inceſtus ſuſpicionem delevit in quam inciderat. Nummi ut publica facta potiùs quàm privata exhibere ſolent, nos ut *Patino* potiùs quàm *Urſino* aſtipulemur impellunt, de quo adhuc infrà.

Patre C. Clodio Conſulari, Cenſorio, atque Triumphali C. Clodius Quæſturam accepit provincialem, anno <sup>595</sup><sub>6</sub> Aedilis fa-

*Volum. I.*

LI

ctus

ctus est curulis cum C. Claudio Centhone, consanguineo suo, anno 606. in quo magistratu denarius nos edocet cum Florales ludos edidisse, quum nobis Floræ caput, corona ex floribus contexta, & pone caput flos iterum exhibet. *Cicero* muneris Ædilis eos esse narrat, *Att. 7. in Verrem*. Nunc sum designatus Ædilis...  
 „ mihi Floram matrem populo, plebique Romanæ Ludorum  
 „ celebritate placandam: Floralia autem quum mense Aprili  
 „ primum celebrarentur in Maium translata, quod *Ovidius* his  
 „ versibus ostendit.

*Mater ades florum, ludis celebranda jocosis,  
 Distulerant partes, mense priore, tuas.  
 Incipis Aprili, transis in tempora Maii,  
 Alter te fugiens, quum venit alter, habet.*

Præturam urbanam gessit, <sup>618</sup><sub>9</sub> Provincialem verò 619. & tandem consulatum iniit cum Perpenna <sup>623</sup><sub>4</sub> Claudio Italia decreta est.

## XIV.

AP. CLAVDI. C. F. PVLCHER VESTA. Caput Vestæ velatum, M. TVLLI. M. F. CICERO IIII VIR. Templum Vestæ rotundum.

Duo fratres Appii prænomine reperiuntur filii C. Claudii qui frater erat adversarii Ciceronis, unde unus major, alter minor ob id appellatus, ambo Milonis qui patrum occiderat accusatores ex *Padiano*, an major vel minor Quatuorvir cum Cicerone filio? de quo in gente Tullia dicturi. Non quidem Quatuorviri mone-  
 tales; sed templum Vestæ eos à Senatu Quatuorviros sacris ædificiis reficiendis constitutos denotat, de quibus sic extra ordinem loquitur *Livius l. 25*. Appius hic Claudii filius Pulcher coetaneus erat cum Cicerone juniore, & Quæsturam provincialem gessisse videtur, anno <sup>704</sup><sub>7</sub> ut & missus à Cæsare in Galliam, ut legiones à Cæsare in Syriam mittendas acciperet, consul verò renunciatur cum C. Norbano, anno <sup>715</sup><sub>4</sub> & Cicero junior susceptus, anno <sup>723</sup><sub>4</sub>

## XV.

Caput Apollinis radiatum: in averſa parte, AP. CLAVD. AP. F.

F. PVLCHER. Luna bicornis inter septem triones, in imo octavus.

App. Claudius in denario scriptus App. Claudii filius, fuit primogenitus P. Clodii, Ciceronis inimici, frater. Is Præturam de repetundis sortitus obtinuit, anno 696. quo anno Apollinares ludos celebravit cum aliis Prætoribus: in cujus rei memoriam ex una parte caput Apollinis & quidem radiatum; quod pro Sole haberetur, & quum illi in honorem Dianæ & fratris ejus ex uno partu à Latona matre editorum fierent, sub Lunæ symbolo ipsam expressit cum trionibus. Appius fratri Clodio primum studuit, ut Ciceronis reditum impediret, ex *Dione*, postea tamen non ita est adversatus; at revocationem cum aliis petivit, ut patet ex ipso *Cicerone in Orat. pro Domo*.

## XVI.

Cista aperta ex qua exilit serpens in corona ex hedera & bacis contexta: in averſa, AP. PVLCHER AP. F. PROCOS. à latere, ΛΑΟ. in imo, ΑΠΟΛΛΩΝΙΟΣ ΔΑΜΟΚΡΑΤΟΥ ΖΟΣΙΜΟΣ. Duo serpentes in gyris circumvoluti, in quorum medio pharetra cum arcu; à lævo latere caduceus.

App. Claudius post Præturam urbanam adeptus est provinciam Sardiniam, anno <sup>697</sup>/<sub>8</sub> & tandem consulatum cum L. Domitio Ahenobarbo, anno <sup>699</sup>/<sub>700</sub> P. Lentuli successor ivit Proc. in Cili-  
ciam 700. in cujus administratione illi hoc majoris moduli numisma argenteum, ab Apollonio Sozimo Damocrati filio Laodiceæ præfecto, signatus est, antequam Imperator in provincia fuisset appellatus, ut ipse *Cicero* ex quibusdam *Epistolis*, lib 3. quem illi dedicat, nos edocet. Ex rebus in ea benè gestis triumphum speravit, & obtinuisset, nisi ademisset P. Dolabellæ accusatio, qui eum de majestate & ambitu, frustra licet, postulavit. Postea Censor cum L. Calpurnio Pisone Cæsonino creatus est anno <sup>702</sup>/<sub>4</sub> & lustrum fecerunt simul LXXI. & ipsi ultimi fuerunt Censores libera Respublica.

Hujusmodi nummi tetradrachmales argentei, cistophori appellabantur, de quibus loquitur *Livius Dec 4. l. 7.* in triumpho regis Antiochi. Prælata sunt, inquit, signa militaria 230. & ægenti infecti tria millia pondo, signati tetradrachmum Atticum



113. millia cistophorum 242. Hi habent ex una parte coronam ex hedera & baccis, in honorem Bacchi; & cistam, ex qua serpens exilit ad eundem spectantes: nam in ea continebantur illius arcana & mysteria, & angues in ejus orgiis à Bacchantibus erant gesti, quod ille præcipuus & tutelaris Asiæ minoris deus putabatur; unde Asiani M. Antonium Triumvirum appellabant Bacchum, cui similes cuderunt maximos nummos: hinc serpentes ipsi erant provinciæ insignia, ut nos edocet quinarius Augusti cum epigraphe, ASIA RECEPTA, cum pharetra & arcu in maximis illis nummis; caduceus pacem & felicitatem denotat. Vide *Sequinum in selectis nummis*, de hoc nummo diserte suo modo explanantem.

## XVII.

PVLCHER TAVRVS REGVLVS. Duæ dextræ tenentes caduceum: in averſa, III VIR. A. A. A. F. F. in area, s. c.

Ex primo horum Triumvirorum monetaliū cognomine Pulchri, ad aliquem Appiorum ejus stirpis nummum pertinere cognoscitur: sed quis ille fuerit, indicare non facile est, cum Statilio Tauro & Livineio Regulo ut Triumvir monetalis Senatus, quidem teste s. c. nota, nummum minimæ formæ percussit: nam ut sæpè diximus, Augustus cum Senatu monetæ cudendæ potestatem diviserat, ipse auream & argenteam habuit, Senatus verò æream: unde Triumviri per dextras, concordiam inter utrumque significant, caduceum tenentes; unde pax inter eos.

## XVIII.

CAESAR AVGVSTVS TR. POT. Caput Augusti laureatum, AP. PVLCHRO T TAVRO L. PISO CN. F. II VIR. Bos.

An Ap. Pulcher in hoc nummo Duumvir deducendæ coloniæ appellatus, idem fuerit, qui cum T. Statilio Tauro in superiore Triumvir monetalis dicitur, nemo certò affirmare potest; sed tempori videtur satis congruum: nam divisio provinciarum & monetæ, nomen Augusto datum Tribunicia potestas ab eo accepta, anno <sup>725</sup> obtigerunt, & circa hæc tempora fuerunt consules, nempe T. Statilius Taurus, anno <sup>727</sup> Cn. Calpurnius Piso Cn. F. anno

no <sup>730.</sup> imò & Ap. Claudius Pulcher, anno <sup>715.</sup> ejus filii, ut Triumviri monetales, ita & Duumviri deducendæ coloniae esse potuerunt: sed quum coloniae nomen in nummo non appositum est, eam in Italiam deductam suspicor, hæc urbe in nummis omiſſa tantum Duumvirorum nomina ad distinctionem coloniarum in aliis provinciis deductarum signabant, quasi essent magis notæ: ut in plurimis nummis observare est, qui sine coloniae nomine occurrunt.

## XIX.

C. CAESAR AVG. GERMANICVS. Caput Caligulae: in averſa parte, GER. CAESAR DOSSENO PVLCHRO II VIR. Caput Germanici.

## XX.

Caput idem laureatum: in averſa, GERM. CAESAR PVLCHRO III. VARIO II V. Caput Germanici laureatum.

*Patinus* duos hosce nummos ut familias Romanas potiùs augeter quàm illustraret, adjecit: quid enim quàm cognomen Pulchri habent, de quo nihil erui potest, nisi illum fuisse ex priore Duumvirum cujusdam coloniae in Italia, cujus ideò nomen, ut suprà diximus, reticetur, cum Dosseno cujus cognomen inter Romanos non occurrit; at in posteriore Duumvir tertium perhibetur cum Vario, parum cognomine inter celebres familias Romanas noto. Ejusmodi verò nummi *Historiae Augustae* magis conveniunt; sed eos inter *Coloniarum & municipiorum numismata* collocavimus.

## XXI.

Caput Romæ galeatum: in averſa parte, AP. CL. T. MANLI. Q. VR. Appius Claudius, Titus Manlius, Quintus Marcius. Victoria in trigis.

Ad App. Claudium Appii F. Appii N. qui proavum Ap. Claudium Cæcum habuisse videtur, atque ejus majorem filium, qui Ap. Claudius eos. anno <sup>685.</sup> de Picentibus triumphavit. Is ejus nepos Quæstor urbanus fuit cum T. Manlio cognomine Tor-

quato. Illi hunc denarium percusserunt, ut fert inscriptio, Q. VR. id est, Quæstores urbani, anno 544. De Tito Manlio primo in ejus gente Dictatori; sed quis fuerit ille Appius Claudius Triumvir, & quo tempore vixerit, ob tot hujus prænominis Claudios affirmare non est facile. Trigæ etiam occurrunt in denariis, ut & quadrigæ cum Romæ capite, quæ fuerunt solita denariorum symbola.

## XXII

CENTHO. Caput Romæ galeatum: in averſa parte, C. CLAVDI. AP. F. Castor & Pollux astris insigniti, decurrentes in equis dextris hastas gerunt.

Tandem ad quartam & ultimam Appii Claudii Cæci stirpem, quæ habuit ejus principem C. Claudium cognomine Centhoniem. Is Quæsturam habuit Provincialem, in qua denarios cum capite Romæ & Dioscuris decurrentibus; quibus plerumque nobilitas illa fratrum concordiam inter se & fidem signare solebat.

## XXIII.

ROMA. Caput Dei Fauni laurea cinctum: in averſa parte, C. CLAVDIVS CENTHO. Sella curulis, hinc caduceus alatus, & inde EX S. C.

Claudius Centho post Quæsturam creatus est Ædilis curulis cum Aulo Posthumio Albino, an. 507. Sella autem curulis hujus magistratus insigne, sed cur caput dei Fauni laureatum cum barba hirsuta & facie rustica in anteriore parte; Ædilium autem erat officium curare, ut templa magnificis operibus reficerentur; quod accidisse nos edocet denarius Centhonis qui videtur ex s. c. Fauni templum restaurasse. Id erat in monte Cælio, circulari forma multis in ambitu columnis adornatum, huicque deo ædem in insula Tiberina Domitius Ahenobarbus & Scribonius Ædiles multatitia pecunia condiderunt, ex *Livio*. Faunus apud Aborigenes regnum tenebat, primus loca certis numinibus sacravit, unde fana dicta sunt à fando, quod & ipse vates Faunus est appellatus, unde laurea coronatus. *Plutarchus* eum Mercurii filium fuisse di-



# C L A U D I A.

271

dicit : idcirco expressus est caduceus ejus dei insigne. At quum inter homines esse desisset, antiquitas eum tamquam Deum coluit, & *Dionysius* refert à Romanis post, tamquam unum Indigetum sacris honoratum esse.

Præturæ C. Claudii Centhonis ignoratur annus, sed consulatum iniit cum M. Sempronio Tuditano, <sup>513</sup> quibus cos. pax pro primo bello Punico facta est. *A. Gell. lib. 17. cap. ult.* Censor fuit, anno <sup>528</sup> cum M. Junio Pera, ut testantur *Marmora Capitolina*.

CENS. C. CLAUDIVS. AP. F. C. N. CENHO M. IVNIVS D. F.  
P. N. PERA. L. F. XXXXII.

Quum Consules ad comitia ineunda Romam venire non possent bello intenti, TI. Sempronius Consul Dictatorem dixit C. Claudium Centhonem.

C. CLAUDIVS AP. F. C. N. CENHO DICT.  
Q. FVLVIVS M. F. Q. N. FLACCVS MAG. EQ.  
COMITIORVM HABEND. CAUSA.

## XXIV.

Caput Triumphi laureatum, CENHO. In averfa parte, AP. CLAUD. C. F. Victoria in quadrigis, d. palmam, f. habenas.

Ab avo C. Claudio Consule, Censore & Dictatore ad nepotem descendimus, cujus est hic denarius, qui Quæsturam Provinciam suscepit, anno <sup>669</sup> <sub>700</sub> postea Ædilis curulis factus est cum Cn. Servilio Capione, anno <sup>674</sup> <sub>5</sub> simul ludos Romanos instaurarunt, teste *Julio Obsequente*. Prætor peregrinus Hispaniam ulteriorem est sortitus, anno 678. ad ejus adventum Celtiberi frustra rebellant; prorogata est illi provincia, anno <sup>679</sup> <sub>80</sub> donec successor advenisset: ob res benè gestas Centhoni decreta est ovatio, ut nos docent *Columnæ Capitolinæ*.

AP. CLAUDIVS C. F. C. N. CENHO PRO A. <sup>DEXXIX.</sup>  
PR. OVANS EX CELTIBERIA... <sup>DLXXX. Var.</sup>

An Triumphi caput designet triumphum vel ovationem? Quadrigæ cum Victoria solitum videtur esse denariorum symbolum.

XXV.

## XXV.

CENTHO. Caput Romæ galeatum : in averſa parte, AP. CLAVD. AP. F. Bigæ aurigante Victoria.

Patrem filius ſequitur Ap. Claudius Centho App. Claudii Centhonis filius, Quæſtor Provincialis, anno 605. in cujus magiſtratu hunc denarium cudit cum capite Romæ, & in parte averſa bigas ſolitu denariorum Romanorum ſymbolum. Proquæſtore fuit anno 606. & 607. Hic videtur poſtea mortuus, quum Caii ejus fratris Ædilitatem curulem reperiamus, anno 616. & Præturam urbanam, 619.

## XXVI.

ROMA. Caput Romæ galeatum : in averſa parte Bigæ cum Victoria, d. lauream, M. MARCELL.

Denariis Claudiæ gentis patriciæ prolatis nunc plebeiæ nummos argenteos nobis ſuperſtites exhibemus. Eni bigati quos M. Marcellus, clariffimus ille Imperator, percuffit in Quæſtura ſua provinciali, anno 520. Nihil peculiare habent, præter ſolita denariorum ſymbola cum Romæ galeatæ capite. Marcellus ex Quæſtura factus eſt Tribunus plebis, anno 525. Prætor urbanus, anno 528. & tandem Conſul cum Cn. Cornelio Scipione Calvo, anno 531.

## XXVII.

ROMA. Caput Romæ galeatum : in averſa Marcellus togatus. d. trophæum, & quadrigas triumphales agit, M. MARCELL.

Utrique conſuli Marcello & Scipioni Calvo decreta provincia Gallia. *Plutarchus*, in *ejus vita*, eum regem Viridomarum ad Claſtidium Galliæ vicum manu propria occidiſſe narrat, & inſignem de Gallis victoriam retuliſſe, unde Marcellus ex Senatuſ-conſulto ſolus triumphavit, & denarius rectè cum *Plutarcho* convenit. Ille quadrigis triumphalibus lento gradu gradientibus veſtus trophæum de Regis ſpoliis & armis exhibet. *Plutarchus* ait : „ Triumphus fuit reliqua magnificentia, opulentia, ſpoliis, im- „ manibus corporibus captivorum, quumprimis memorabi- „ lis. Verum omnium gratiſſimum ſpectaculum & rariſſi- „ mum ipſe fuit dux, qui arma barbari detulit. Ex quercu excelfo

excelfo & recto stipite detruncato paravit in modum trophæi „  
 ferculum. Deligavit ex eo & suspendit in orbem spolia, singu- „  
 la aptè & decorè annectens. Prægressa pompa, portans fercu- „  
 lum conscendit currum, ac triumphalis imago ipse illius me- „  
 moriæ pulcherrima speciosissimaque invehctus urbem est. Su- „  
 persunt adhuc rei hujus monumenta in *Marmoribus Capitolinis*.

M. CLAUDIUS M. F. M. N. MARCELLVS DXXXI.  
DXXXII. Varr.  
 COS. DE GALLEIS INSVBRIBVS ET GERMANEIS  
 K. MAR. ISQVE. SPOLIA. OPIMA. RESTITVIT.  
 DVCE HOSTIVM VIRDOMARO. AD CLASTIDIVM.  
 INTERFECTO.

## XXVIII.

Caput Romæ galeatum: ante quod corona ex lauro in averfa parte, M. MARCEL. in imo, ROMA. Victoria agit bigas decurrentes, d. flagrum.

Marcello licet religio consulatum abstulisset, Romani tanto duce gaudentes, ut qui res post Cannensem cladem prosperè solus gesserat, Populus ut Provinciam cum Proconsulari Imperio haberet, voluit: itaque illi Campania, Romæ proxima, decreta est, & quum Annibal ejus excursionibus excitus ad tuendos socios Nolam urbem corona cingeret. Marcellus eruptione facta Pœnos repulit, & eductis ex urbe copiis in aciem ante mœnia justo prælio cum Annibale conflixit, hostemque iterum profligavit, & Campaniam omninò pacavit; comitiaque in fine anni habita sunt, & designatus est consul in annum proximum.

Tertium consulatum cum Q. Fabio Maximo, superiorem computando, quem si per aliquod tempus non gessisset Marcellus, haud computarent Historici, iniisse scribunt, anno <sup>539</sup>/<sub>40</sub> & ambobus coss. decretum est bellum cum Annibale, utpote duobus eximiis ducibus, eum uterque in Italia præliis laceffivit, sed quum bellum in Sicilia, occiso Rege Hieronymo, oriretur, Marcellus in eam proficisci iussus est; ubi Syracusas triennio obsessas tandem expugnavit, quare triumphum petiit, & ipsi negatus est, ovatio tamen concessa: ille verò triumphum in monte Albano, ut moris tunc erat, quibus triumphus Romæ decernebatur, &



ad notandam ejus in Sicilia victoriam in denariis tunc cum ejus nomine cufis coronam ex lauro, in anteriore eorum parte ante caput Romæ exprefferunt.

Marcellus IIII. consulatum cum M. Valerio Lævino iter. suscepit, anno <sup>543</sup>/<sub>4</sub> Marcello Sicilia cum classe decreta est, sed eam ob Siculorum licet improbatam permutavit. Denique consul v. cum T. Quinctio Crispino creatus est, anno <sup>545</sup>/<sub>6</sub> sed consules contra Annibalem certantes periëre, Marcellus in prælio, & Quinctius paulò post ex vulnere.

## XXIX.

Caput Romæ galeatum: in averfa parte, M. MARCEL. Victoria in quadrigis, d. habenas, f. flagrum.

Tanto parenti succedit ejusdem cognominis filius M. Claudius Marcellus paternæ virtutis hæres. Is erat Tribunus militum in prælio, quo pater Annibalis insidiis interceptus periit. Quæsturam provincialem suscepit, anno <sup>544</sup>/<sub>5</sub> Tribunus plebis fuit, anno <sup>549</sup>/<sub>50</sub> Prætor Siciliam sortitus est, anno <sup>555</sup>/<sub>6</sub> Siculis admodum ob patris memoriam gratus, cui statuas ut parenti dedicarunt æneam apud *Ciceronem*, *Act.* 4. *in Verrem*.

Marcellus consulatum gessit cum L. Furio Purpureone, anno <sup>557</sup>/<sub>8</sub> Italia ambobus provincia data est & Marcello ob res præclare in Gallia Comata gestas triumphus à Senatu decretus est de Comensibus & Insubribus, ut *Livius* & *Marmora Capitolina* testantur.

M. CLAUDIVS M. F. M. N. A. <sup>DLVII.</sup>  
<sup>DLVIII. Varr.</sup>

COS. DE COMENSIB. ET INSVBRIB. IV. NON MART.

In ejus triumphhi memoriam cufus est nummus Marcelli, cum Victoria in quadrigis coronam gerens, ut quidam volunt. Marcellus deinde censuram gessit cum T. Quinctio Flaminino, anno <sup>564</sup>/<sub>5</sub> ut testantur *Columnæ Triumphales*.

CENS. T. QVINCTIVS T. F. L. N. FLAMINIVS

M. CLAVDIVS L. F. M. N. MARCELLVS

L. F. XXXXYIII.

## XXX.

Caput Nemeseos tutulo divinitatis ornatum cum monili, FLACCVS: in averſa parte, M. CLAVDI. M. F MARCEL. Q FVLVI. M. F. Caduceus alatus.

Locum hîc habere debuit iſte M. Claudii Marcelli denarius cum Q. Fulvio M. filio Flacco ſociatus; Marcellus quidem ut conſul iterum anno <sup>538</sup> & Fulvius ut Prætor urbanus extra ordinem factus, ob bellum Punicum ſecundum. Conſul ineunte magiſtratu Nemefi, facinorum impiorum Ultrici, ſacra feciſſe videtur, ut Annibalem contra patris ſœdera Romanos laceſſentem & victoria inſolentem puniret, illi verò juſta ſemper bella movebant: idè Conſules ſemper proſecturi ad bellum huic deæ ſacrificabant, ut teſtatur *Amm. Marcellinus*, lib. 2 ſed, reſclamat *Amicus*. Marcellus conſulatum abdicavit, quia tonuerat illo eum ineunte, quod tamen non eo die factum eſt: nam lis fuit inter Augures & illum, qui tandem vitio creatum pronuntiarunt. Marcellus porrò provinciam extra ordinem obtinuit, nec alius M. Marcellus M. filius, cum Q. Fulvio M. filio occurrit in tota *Hiſtoria Romana* ſociatus, qui magiſtratus eodem anno geſſerint, & hic M. Marcellus ſacra Nemefi feciſſe potuit: ſi quidem Q. Fulvius denarios illos nobis ſuperſtites percuffit, nomen Marcelli etiamſi junioris, ſed dignitate Fulvium præeuntis, licet jam bis conſularis, prius ſignatum eſt ut Conſulis, & Fulvius Prætor ſequitur, ut iſ qui denarium cudit. Secundum *Hiſtoriæ Scriptores* hunc conſulatum M. Marcelli numerant; ut in ſequentibus ejus denariis videbimus, ut ipſi etiam quintum ejus conſulatum hunc computando denotant.

## XXXI.

Caput Romæ galeatum, pone quod modius: in averſa parte, Victoria in bigis, d. coronam cum duabus ſpicis in imo. MARC. ROMA.

Magni illius Marcelli quinquies Conſulis ecce dignus nepos ſuperioris filius, Quæſturam Provincialeſ accepit, anno <sup>571</sup> Tribunatum plebis, anno <sup>575</sup> Ædilis Plebis fuit cum C. Servilio Caſca, anno <sup>580</sup> primique Floræ ſacra, & ludos Florales fecerunt. Præturam Provincialeſ obtinuit, anno <sup>581</sup>.

*Volum. I.*

M m 2

Mar-

Marcellus factus Ædilis curulis cum Cn. Domitio Ahenobarbo, anno <sup>585</sup> quum in hoc magistratu annonæ utilitatem & copiam procurassent, ad impensas Ædilitatis demonstrandas denarios cudi curarunt, ideo in anteriore parte modius frumenti mensura, & in averſa spicæ. Vide alterius Ædilis nummos in Domitia gente cum spicis pariter. Marcellus consulatum iniit cum C. Sulpitio Gallo, anno <sup>587</sup>. Illi Gallia, Sulpitio Ligures obvenerunt, & de Gallia Marcellus triumphavit ex Colonis antiquis.

M. CLAUDIVS M. F. M. N. MARCELLVS COS. A. DXCVII.  
DXXCVI. Varr.  
DE GALLEIS, CONTRVDIEIS ET LIGVRIBVS.  
TIBVSQVE INTERK.

In ejus triumphi memoriam volunt denarium sequentem esse signatum; quem Marcello avo tribuitus ob parem cum aliis epigraphen, & similem hujus ævi formam.

## XXXII.

Caput Romæ galeatum, MARCEL. in averſa parte Neptunus in quadrigis, s. tridentem. M. CLAVD. M. F. In vertice, ROMA.

M. Marcellus secundum consulatum iniit cum Scipione Nafica II. anno <sup>591</sup>. Gallia Comata & Ligures Marcello obvenere. Marcellus de Eleatibus & Ingauneis Liguribus triumphavit. Ligures illi fuere maritimi in ora Ligustica, quorum urbs erat præcipua Altingaunum, ut Neptunus cum tridente in quadrigis in vectus testatur, in denario expressus, & *Columnæ Capitolineæ*.

M. CLAUDIVS M. F. M. N. MARCELLVS COS. II. A. DXCI. X.  
DAGIX. Varr.  
DE ELEATIEVS ET INGAVNEIS....

## XXXIII.

ROMA. Caput Romæ galeatum: in pſtica parte, M. MARCEL. M. F. M. N. Senator in quadrigis elephantorum, cum sesforibus. s. scipionem eburneum, in vertice corona.

Quin ad eundem Marcellum pertineat hic denarius, epigraphæ quæ eum Marci filium & Marci nepotem appellat, & *Columnæ triumphales*, quæ eum de Celtiberis & Hispania citerio-



re triumphasse nos edocent, & typus qui illum triumphalem exhibet, dubitare non sinunt. Marcellus tertium consulatum cum L. Valerio Flacco gessit, anno <sup>621</sup>/<sub>2</sub> Marcello Hispania citior obtigit, quam pacatam armis reddidit, ad pacem petendam compulit, pecunias & obsides imperavit. Quibus acceptis libertatem populis iis indulxit, ut refert *Appianus in Tiber.* Romanamque reversus obtinuit, & elephantis, quos secum duxit, in triumpho vectus est, dignus omni laude, sed miserè naufragio in Africa, paulò ante tertium bellum Punicum submersus periit.

## XXXIV.

Caput Veneris myrtea corona insignitum, M. GLAVDI. M. F. MARCELLVS Q. GEMINVS. in averſa parte, C. N. SERVILI. P. F. Navis Prætoria cum remis, in imo, ROMA.

Patrem M. Claudium Marcellum Otaciliani F. sequitur M. Claudius Marcellus filius, cui comes additur Cn. Servilius P. filius Geminus Q. id est, *Quæstores*: Geminus autem cognomen est Serviliorum uno partu genitorum: hi ambo fuere Quæstores urbani, anno <sup>604</sup>/<sub>5</sub> quo tertium bellum Punicum susceptum est L. Marcio & M. Manilio Consulibus, & quùm necessaria esset classis in Africam traducenda, Quæstores sumptus ad eam extruendam suppeditarunt, in cuius memoriam denarii cum trireme Prætoria remis instructa signati fuerunt; in cuius anteriore parte Venus, ut maris dea & Romanorum tutelare numen, & Carthaginienſibus adverſum qui Junonem colebant.

Post Quæsturam urbanam M. Marcellus Tribunatum plebis iniit, anno <sup>609</sup>/<sub>10</sub> Ædilitatem verò plebis, anno <sup>612</sup>/<sub>3</sub> Præturam urbanam, anno <sup>615</sup>/<sub>6</sub> Provinciam sortitus est Africam, anno <sup>616</sup>/<sub>7</sub> sed in navi Terracinæ propinquus fulmine conflagravit.

## XXXV.

MARCELLINVS. Caput M. Marcelli cos. pone quod Triquetra Siciliæ symbolum: in averſa parte, MARCELLVS COS. QVINQ. Templum Jovis tetrastylum, in quo togatus trophæum supra aram tenet.

Alter à Trajano restitutus, cum eodem capite & in averſa parte, typo.

Caput M. Claudii Marcelli quinquies Conſulis poſt tot annos tandem nobis exhibet Marcellinus in familiam Corneliam adoptatus, ut ſe ex gente Marcella oriundum eſſe teſtaretur, ut nomen Marcelli in Marcellinum productus: de hoc ſic loquens *Urſinus*, „ ait: Denarius autem ſine dubio à Cn. Lentulo Marcellino cu- „ ſus eſt, qui quùm eſſet de Claudia gente ex familia Marcellorum „ ortus, in Corneliam poſtea adoptatus, Cn. CORNELIVS LEN- „ TVLVVS MARCELLINVS nominatus eſt, ſed ad patrem ejus Publium M. Marcelli, qui Æſerniæ anno ſecundo belli ſocialis, quùm urbs in Samnitum poteſtatem venit, filium pertinere arbitramur. Ille P. Lentulo Suræ patri in adoptionem datus, habuit adoptivum P. Lentulum Suram atque Germanum C. Marcellum Æſerninum, ſicut ex *Ciceronis Bruto* colligere eſt.

Adoptivi autem etiãſi in aliam gentem tranſirent, familiæ tamen nomen non amittebant, & geſta majorum in denariis renovare ſolebant; videre eſt in Æmilia, ubi Paulus illuſtria familiæ geſta exhibet. Sic P. Cornelius Lentulus Marcellinus in Quæſtura, anno <sup>675</sup> proavi ſui effigiem ad æternam ejus memoriam nobis repræſentat, & illum opima ſpolia de Viridomaro rege in templo Jovis Feretrii collocantem nobis iterùm depingit. Triquetra pone caput ejus Siciliæ ſymbolum eſt in memoriam honorum quos Siculi proavo & ſucceſſoribus ejus in provinciam euntibus deferunt: eos provinciæ patronos appellantes, & feſta quotannis Marcellæ, teſte *Plutarcho*, celebrare ſoliti.

Caput Dianæ cum Luna bicorni ſupra frontem, pone dorſum arcus & pharetra, EX S. C. in averſa parte, M. MARCEL. M. LE- PIDVS. ÆDIL. CVR. Templum rotundum, in quo ipſa Diana cippo inſidet, d. arcum.

Jam prodiit hic denarius in gente Æmilia, num 21. nunc de illo nobis in Claudia ſuper-eſt dicendum. Is filius fuit M. Marcelli Ædilitii, anno 662. M. Marcelli ter conſulis, de quo antè, pro- nepos,

nepos, Tribunatum plebis accepit, anno <sup>699.</sup><sub>700</sub> Ædilitatem curulem gessit, cum M. Lepido Triumviro, anno 701. in quo magistratu ut Ædilium munus erat curare templa, illud Dianæ in denario percussum videntur restaurasse, in cuius memoriam illius iconem posteris commendarunt. M. Marcellus deinde consulatum iniit cum Ser. Sulpitio Rufo anno sequente <sup>701.</sup><sub>3</sub> Ejus patrui ut videtur, Caius Marcellus cum L. Æmilio Paulo, anno <sup>703.</sup><sub>4</sub> & tandem C. Marcellus prioris frater consulatum etiam gessit, anno <sup>704.</sup><sub>5</sub> ita ut tres Marcelli tribus annis subsequen- tibus fuere consules. De ultimo in sequentibus denariis dicturi sumus.

## XXXVIII.

NERI. Q. VRB. Caput Ditis, pone quod uncus seu bidens: in averſa parte, G. MARC. L. LENT. Aquila legionaria, inter duo signa, in quorum priore littera H. & posteriore littera P.

Ad tres familias pertinet hic denarius, & quum inter eas C. Marcellus nominetur, de illo nobis prius erit sermo. Caius hic Marcellus cum Cornelio Lentulo sociatur, ut qui consulatum simul gesserunt, anno U. C. <sup>704.</sup><sub>5</sub> frater fuit M. Marcelli consulis, anno <sup>702.</sup><sub>3</sub> ad quos scripsit *Cicero*, *Fam. lib. 4.* & licet Octaviam Cæsaris sororem duxerit uxorem, Julio Cæsari suo avunculo adversabatur, & quum bellum civile jam instaret nutante Republica, Cn. Neri- us, tunc Quæstor urbanus denarios sub nominibus Marcelli & Lentuli consulum, ut denotaret quas sequeretur partes, percussit. In iis ex anteriore parte Ditem à Græcis Plutonem appellatum, quem præcipuè colebat, exhibuit. Ejus ædes in decima urbis regione *P. Victor* collocat. In averſa legionum signa quod Consules in hoc civilis belli exordio per totam Italiam delectum militum imperassent ad legiones augendas. At quum illæ, ut notum est, componerentur ex Hastatis, Principibus, & Triariis, hi sua signa divisim habebant Hastati, nempe in quibus littera H, Principes verò in quibus nota erat P. at Triariorum erat Aquila signum totius legionis, quam ob certam convenientiam in medio collocant artifices.



## XXXIX.

L. LENT. MAR. COS. *Lentulus Marcellus Consules.* Jupiter nudus & imberbis stans, d. extensa fulmen, f. aquilam; in imo falx messoria: in averſa parte caput muliebre cum tribus cruribus & tribus spicis.

Quùm de pace inter Jul. Cæsarem & Senatum conveniri non posset, Cæſar Rubiconem tranſiit, & plurimis Italiæ urbibus occupatis, Roma Consules fugere coegit. Hos in Siciliam profectos nos docent eorum denarii, aut in ea insula sub eorum nomine primùm illos fuiſſe percusſos; nam Triquetra seu tria crura pro Sicilia typo habentur, quæ tria ſignificant promontoria, Lilybæum, Pachynum & Pelorum; unde Sicilia dicta eſt Trinacria; inter ea tres ſpicæ, ad frumenti in insula abundantiam denotandam, ut & falx messoria in averſa parte ad fruges ſecandas exhibetur. Sed ille Jupiter imberbis, eſt *Zeus*, quem Syracuſani præcipuo honore colentes, ΕΛΛΑΝΙΟΝ Dorica voce pro ΕΛΛΗΝΙΟΝ, Græcanicum vocabant, ut videre eſt in nummis Syracuſarum urbis, tab. 3. apud *Goltziū in lib. de nummis Siciliae & Magnæ Græciæ.*

## XL.

L. LENT. C. MARC. COS. Caput Jovis imberbis, q. id eſt, Quæſtor. Jupiter ſine barba ſtans ad aram, d. extensa fulmen, f. aquilam: pone eum aſtrum.

Syracuſis etiam percusſum à Quæſtore Provinciali denarium cum Marcelli & Lentuli Conſulum nominibus ſatis denotar Jupiter, ut ſuprà depictus, quem ΕΛΛΑΝΙΟΝ vocabant in ſuis nummis, uti docuimus, & hi Græcanicum Jovem dicebant, quod ex Græcia allatum venerarentur, unde aſtrum quaſi ex Oriente veniret, ad diſtinctionem Jovis Olympii barbati quem etiam reverebantur, colerent, cujus templum extra muros erat ab Hierone juniore extructum: in quo erat ſimulacrum Jovis illius Græcanici ab iis appellati, quem Græci ipſi ἑπιοῦν, id eſt, Imperatorem, vocabant, hoc autem ſimulacrum unum erat è tribus in orbe terrarum ſignis uno in genere pulcherrimè factis, de quo *Cicero in 6. Verrina*, ut ex urbe Syracuſana ablatum narrat. Quid inquit, ex  
æde

æde Jovis, religiosissimum simulacrum Imperatoris, quem Græci <sup>ἑπιου</sup> nominant, pulcherrimè factum? nonne abstulisti?

Ara in denario expressa juxta Jovem, illa est Deorum ara juxta Jovis Olympii fanum, unde scyphum fictilem melle, thure, aromatibus, floribusque repletum asportabant navigaturi, quem quùm primùm urbem ampliùs oculis assequi non poterant, in mare effundebant peracto voto, in Neptuni Minervæque honorem, ad prosperam navigationem quæ Consulibus optabatur.

## XLI.

Caput Jovis Olympii: in averſa parte, L. LENTVLVS C. MARC. COS. Diana Polymammia cum adminiculis.

En tertium Syracusis percussum, cum nominibus Lentuli & Marcelli Consulium, insignem denarium. Obscurum fatetur *Ursinus* sibi esse, cur Dianæ Ephesiæ effigiem averſam partem occupat in tabellæ quartæ Cornelii gentis nummo. Priùs de Jove Olympio dicamus, illique templum amplissimum ab Hierone rege fuisse extructum, quem Syracusani summo honore prosequuti sunt: unde nil mirum si in denario Romani illius effigiem exhibuerint. Sed de Diana Polymammia Ætoli ex Ortygia seu Delo insula profecti, mortalium primi urbem Syracusas incoluerunt, vocaruntque eam Ortygiam à nomine insulæ. Nemo nescit Latonam uno partu in ea Apollinem & Dianam enixam fuisse, unde hujus cultum attulerunt, & deæ peninsulam consecrarunt. Siculi Ætolis expulsis urbem auxerunt & adornarunt, cultu Dianæ semper servato, hanc verò sub forma Polymammie deæ, ut imitata est Ephesus: nam, inquit *Tacitus*, *Ann.* 3. in jure Asylorum inter Asiæ urbes conservando. Primi omnium Ephesii adiere, morantes, non ut vulgus crederet, Dianam atque Apollinem Delo genitos, esse apud se Cenchrium amnem, lucum Ortygiam, ubi Latonam partu gravidam, & oleæ, quæ tum etiam maneat, adniscam; edidisse ea numina. Nil mirum si duæ insignes illæ urbes Syracusæ & Ephesus eandem Dianam Ortygiam eodem modo ornatam coluerint.

## XLII.

Caput Apollinis radiatum : in averſa parte, M. MARCEL. M. F. M. N. AISERNIN. Crescens Luna inter ſeptem triones.

Marcellorum agmen claudet M. Marcellus Æſerninus pronepos C. Marcelli Æſernini, qui primus illud cognomen tulit, quod ſecundo anno belli ſocialis, quando Æſernia urbs in Samnitum poteſtatem venit, in ea captus ſit. Noſter autem Marcellus videtur fuiſſe Marcelli Æſernini in Hiſpania Quæſtoris, à Cæſare poſt Pharfalicam pugnam relegati, poſtea ab eo revocati, & ab eodem honoribus tandem affecti filius, cujus meminit *Dio*, lib. 42. Typus denarii Apollinem & ſymbolum Dianæ exhibens, Æſerninum Prætozem urbanum fuiſſe, & in illo magiſtratu Ludos Apollinares celebraſſe nos edocet. *Faſti* verò *Capitolini* ipſum cum L. Arruntio conſulatum geſſiſſe denotant, anno 73½. Ludos verò Apollinares diximus Apollini & Dianæ dicatos, ideò caput Apollinis ut Solis radiati & Luna ut Diana in denario exhibentur.

## XLIII.

C. CAESAR IMP. P. Caput Julii Cæſaris laureatum : in averſa parte: P. CLODIVS M. F. Mars nudus ſtans, galeatus, diſceptrum vel parazonium, ſ. hæſtæ innixus.

An Clodia gens diverſa ſit à Claudia? Quidam nomen Claudiæ ab Appio Claudio primùm dictum, Clauſum deinde Clauſium, & tandem Claudium, ſed Clodiam à verbo Clodus quod eſt curvus, apud *Iſidorum*, exiſtimant. Ut ut ſit non ad Claudii Neronis ſtirpem, cujus in denariis Neronis cognomen ineſt, nec ad Claudii Pulchri, cujus vox pariter ſemper ineſt ad diſtinctionem denarius, hic pertinere videtur; nec minùs ad plebeios Claudios, Marcellienim cognomen ſemper inferebant, adde quod inter illos omnes nullus Publius & Marci filius reperiatur.

Suſpicamur illum fuiſſe Clodium Bithynicum, de quo loquitur *Appianus*, lib. 5. ſic enim ſcribitur Clodius. Hic primò Julii partes ſequutus, ut demonſtrant denarii ſequentes, caput illius expreſſit ex una parte, & Martem tranquilum ex altera. Vide quæ de illo in gente Antonia, num. 15. diximus: nam duo Martes erant, alter Gradius cum hæſta ſubmiſſa



missa ad hostes proficiscens, hic verò quiescit ad urbem in pace debellatis hostibus administrandam, ut sic Julius Cæsar, occiso tandem in Hispania Cn. Pompeio juniore, eam regere videretur, an. U. C. 708.<sub>9</sub>

## XLIV.

Caput Apollinis radiatum: in averſa parte, P. CLODIVS M. F. Luna bicornis inter quinque Triones.

Tot denariorum typi cum Apollinis radiati capite, & Luna inter stellas in averſa parte, illos ad Ludos Apollinares spectare indicarunt, ut id in dubium revocare nemo amplius videatur. Hoc vero anno nempe U. C. 708.<sub>9</sub> quo Clodius superiorem denarium cudit, Apollinares Ludi sunt facti ex *Dione*, lib. 43. & quum ipse narrat, ærarii procurationem à duobus Ædilibus factam esse, quia nullus Quæstor creatus fuerat per absentiam Cæsar. Ille inquit, eo anno duo Ædiles theſauris publicis præfuerunt: alterque horum Cæsar. sumptibus Ludos Apollinares fecit: ex iis autem verbis & ipsis denariis P. Clodius Ædilis ille curulis fuisse videtur qui hos Ludos celebravit, tum ob Cæsar. caput in superiore denario, cum Apollinis & Dianæ symbola in hoc ultimo exhibita.

## XLV.

Caput Apollinis laureatum, sub muliebri effigie, pone quod lyra: in averſa parte, P. CLODIVS M. F. Ceres tunicata stans utraque manu faces accensas tenet.

Quanta lux ex nummis Historiæ affulget! P. Clodium superior denarius Ædilem curulem Ludos Apollinares, quorum meminit *Dio*, celebrasse Julii nomine nos edocuit: sed hic Cereales adhuc edidisse demonstrat, quod Ceres accensis facibus denotat *Cicero*, lib. 5. *Att.* 2. *Verr.* inquit. Nunc sum designatus Ædilis, habeo rationem quid à populo Romano acceperim, mihi Ludos sanctissimos maxima cum cerimonia Cereri &c. Hæc dea gerit faces ex Enna vel ex Ætna accensas, quibus quum Proserpinam filiam à Plutone raptam quæreretur, orbem circuisse dicitur. Ludi autem Cereales à pridie Idus Aprilis per dies octo in Circo, proximo post Circenses die celebrantur. In his representabatur à matronis luctus Cereris ob raptam Proserpinam, & ejus peregrinatio cum face quærantis filiam. Caput Apollinis ad indicandum etiam ab eodem

dem Clodio fuisse celebratos expressum est: non capite quidem radiato, ut dei Solis; quàm Dianæ symbola non adessent; sed juvenis & muliebri facie; ut cui & Baccho perpetua esset juvenus, teste Ovidio.

*Solis perpetua est Phæbo, Bacchoque juvenus.*

Lyra Apolinis symbolum est, ideò eum citharcedum existimabant.

## XLVI.

CAESAR III VIR. R. P. C. Caput Cæsaris nudum: in averfa parte, P. CLODIVS M. F. Mars nudus & galeatus, d. hastæ innixa, f. sceptrum vel parazonium.

Reclamat *Amicus*, quo modo P. Clodius ut Ædilis curulis superiores signavit sub Julio Cæsare denarios, quùm ille magistratus sit annuus, & nummus Cæsaris ejus nepotis caput exhibet, postquam Triumviratum cum Lepido & Antonio inivit? Posset quidem Clodius ut Prætor, sed, ut opinor, tamquam Quatuorvir monetalis sub iis factus, illos signavit. Nec eum moveat quod inscriptio III vir in eo expressa non sit. Vide denarios Æmilii Bucæ, Meltii, Hivinei, Maridiani & aliorum Quartumvirorum sine hac epigraphe. Ille Martem tranquillum, ut in Julii Cæsaris denariis, ad quietum rerum Romanarum statum indicandum expressisse videtur.

P. Clodius, ut in gente Antonia vidimus, similes quàm Cæsari denarios percussit, & *Appianus*, l. 5. eum Antonii partes magis fovisse quàm Cæsaris nos edocet, & in bello Perusino acriter contra Cæsarem L. Antonio ejus fratri adhæsisse, dum tandem pace inter eos  
 „ facta, anno 712 inquit, sequenti die Cæsar fœdus iniit cum om-  
 „ nibus exercitibus: tamen tumultuari contra quosdam non de-  
 „ siit, donec interfecti sunt, qui erant inimicissimi Cæsaris, Ca-  
 „ nutius, C. Flavius, Clodius Bithynicus, & ceteri.



## C L O V I A.


**C**LOVIA seu CLUVIA gens, utroque enim modo in antiquis monumentis scripta reperitur, quemadmodum VOLTEIVS pro VVLTEIVS, plebeia fuit, si quidem C. Cluvius Saxula, Tribunus plebis, anno <sup>572</sup><sub>3</sub> & Sp. Cluvius Saxula ejus frater <sup>576</sup><sub>7</sub> reperiuntur. An nomen habeat à Cluvia, Samnitium oppido, dubium est *Glandorpio*.

Caput Victoriæ alatum medio corpore : CAESAR DIC. TER. in averſa, C. CLOVI. PRAEF. Minerva galeata gradiens, d. humero trophæum, ſ. clypeum serpente ante eam ineunte.

C. Clovius, quem Puteolanum appellat *Cicero*, lib. 13. ep. 56. *ad Thermum*, in Gallia Cæſari operam navaviſſe teſtatur, *altera* lib. 13. ep. 7. quam ad eum ſcribit. Quare non mirum videbitur, ſi eum ex ſex Præfectis quos Romæ cum Lepido ſuo equitum magiſtro reliquit, dum Dictator tertium renuntiatus anno <sup>707</sup><sub>8</sub> in Hiſpaniam contra Pompeii filios proſectus eſt. De quo loquitur *Dio*, lib. 43. Sed poſtquam Pompeii vires augeri, „ ſuos ad bellum ei faciendum non ſufficere animadvertit, ipſe, „ Romæ cuſtodia Lepido octoque, ut nonnullis videtur, (vel „ quod magis creditum eſt ſex) urbis præfectis injuncta, in Hiſpaniam expeditionem ſuſcepit.

Horum omnium nomina in caligine veteris Hiſtoriæ adhuc laterent, ſi eorum nonnulli nobis non ſuppeditarent nummi ſuperſtites, inter quos Livineium, Plancum & Clovium illi cum titulo præfecti exhibent. Hic victoriam alatam in Hiſpaniæ ſubactæ, occiſo Cn. Pompeio majore, memoriam repræſentat, in averſa parte Minervam galeatam, ut belli deam & præſidem, trophæo inſignem poſt Hiſpaniam devictam. Adeſt ſerpens tamquam Victoriæ ſymbolum.





## CLOVIA.

**C**LOVIA sive CLOELIA, nam eadem est gens patricia, si quidem Q. Clælius Siculus consul fuit cum P. Pinario, an. U. C. 254. antequam Canuleius Tribunus plebis legem promulgasset, ut Consul alter ex plebe crearetur, Claudius proposuit, ut pro Consulibus tres Tribuni militum ex patriciis totidem ex plebe, iique consulari potestate Remp. regerent. Et ex patriciis creati sunt, anno <sup>360</sup><sub>1</sub> A. Sempronius Atratinus, T. Clælius Siculus. L. Attilius Longus. Nomen à Clælio illam traxisse auctor est *Dionysius & Festus*, Albaque diruta ab Hostilio rege in urbem & Senatum allecta est. Siculi nomen à patria antequam Albam commigrasset, nam Romani ante ann. 489. in Siciliam bellum non gesserant.

### I.

ROMA. Caput Romæ galeatum, pone quod corona: in averfa parte, T. CLOVLI. Victoria in bigis; in imo duæ spicæ ex eodem tubulo.

T. Clælius, qui denarium cudit, patrem habuit T. Clælium Siculum Ædilem curulem cum Ap. Claudio Crasso, anno 480. & avum Q. Clælium Quæstorem militare, anno <sup>434</sup><sub>5</sub>, qui nepos erat Q. Clælii Censoris, anno <sup>472</sup><sub>3</sub>. Ipse verò Quæsturam accepit urbanam, anno <sup>506</sup><sub>7</sub> quo L. Cæcilio Metello iter & N. Fabio Buteoni cos. Sicilia provincia decreta, alter ad Lilybæum tenuit exercitum, alter Amilcari oppositus ad Panormum. Victoriæ adeptus, Drepanum obsedit, & Columbariam cepit, ut narrat *Zonaras*. Qua de re T. Clovius sub bigatis denariis quos Romæ, ut fert epigraphæ, ROMÆ. Spicæ, Siciliæ symbolum, de argento manuali quod Consules attulere, signavit.


### II.

Caput Jovis barbatum & laureatum cum littera F. in averfa parte, T. CLOVLI. Victoria coronam impositura trophæo, ad  
cujus

cujus imum fedit humi captivus manibus post terga revinctis.

Hic quinaris ab eodem T. Cloulio Quæstore percussus, quid à Fabio consule in Sicilia actum est, ex *Zonara*, nempe quod Amilcari ad Panormum oppositus, victoriam sit adeptus, & deinde Drepanum obsedit, quare Quæstor percussit in denario trophæum, dictum ἀπὸ τῆς τροπῆς, id est, *conversione* hostis & fuga. Nam ab eo quod hostem quis fugasset, merebatur trophæum, quod occidisset, triumphum. Plenæ enim victoriæ triumphus debetur, semiplenæ trophæum, quia nondum plenam est consecutus victoriam. Captivus ad imum trophæi, captivos denotat in ea pugna factos, quorum permutationem hoc anno cum Pœnis factam ex *Liviano Compendio* colligimus. Victoria coronam imponit, quia ex ea numerus Pœnorum captivorum major fuit, quos illi pecunia redemerunt.

In anteriore parte laurea redimitum exhibetur caput Jovis, quem littera F. Feretrium esse denotat, ille diversus est à Capitolino, nam habet capillos non ita amplos, & barbam non adeò prolixam, templumque habebat, etsi proximum, tamen ab altero diversum in 8. regione, in quod Fabius consul trophæum illud in victoriæ suæ memoriam tulit, & ipsi consecraverit.



## C O C C E I A.

COCCEIA gens non satis constat patricia ne fuerit, an plebeia, sed consularis, ex Narnia oppido propagata traditur; an nomen habuerit à verbo Coccus, hoc est granum tinctorum, quod primus ex ea familia tinctor fuerit, cognomen ei Nerva.

## I.

M. ANT. IMP. AVG. III VIR. A. P. C. M. NERVA PROQ. P. id est Proquæstore Provinciali. Caput M. Antonii Triumviri: in averſa, L. ANTONIVS COS. Caput L. Antonii.

M. Cocceius Nerva Marci filius Quæstor fuit M. Antonii Triumviri, & deinde ejus legatus Proquæstore, ut indicat denarius. Quare quùm denarios in ſua provincia cuderet, ut Triumviri familiæ novum decus additum demonſtraret, ejus fratris conſulis facti cum P. Servilio Vatio Iſaurico iterùm anno <sup>712</sup><sub>3</sub> caput in averſa parte Triumviri exhibuit, quo anno ille Præturam urbanam geſſit.

At quùm ſub conſulatu illius L. Antonii bellum cum Cæſare Peruſinum fuerit ortum inſtinctu Fulviæ Triumviri uxoris, unde graves inter M. Antonium & Cæſarem ortæ ſunt ſimultares, eorum pacis Cocceius Nerva, utrique pariter amicus autor fuit, ut videre eſt apud *Appianum*, lib. 5. & *Porphyriionem*, *Horatii interpretem*.

## II.

IMP. CAESAR DIVI F. PONT. III VIR. ITER. R. P. C. Caput Cæſaris nudum, pone quod lituus: in averſa parte, M. COCCEIVS NERVA IIII VIR. Tripus ex qua exiliunt duo rami aſtro intermedio.

Hic denarius nos edocet, M. Cocceium Nervam factum eſſe Quartumvirum monetalem, quem magiſtratum auxiſſe ex Trium numero à Julio Cæſare, ut ſparſim diximus, ut minores magiſtratus remunerandi cauſa eos qui pro illo militaverant, ampliaverat, & ut Proquæstore Antonii ejus caput exhibuerat, ut æqua-

lem



lem cum utroque Triumviro amicitiam se habere demonstraret, Cæsaris caput signavit; pone quod lituus, ad denotandum quòd ille esset Pontifex, ut M. Antonius erat Augur: & sic lituum esse utriusque sacerdotii symbolum cognoscimus.

Tripus ad Apollinem spectare videtur, cujus filius existimari volebat, ut narrat *Suetonius, in ejus vita, num. 70.* & ipsum pro Apolline ornatum, & *num. 94.* Augustum natum mense „ decimo, & ob hoc Apollinis filium existimatum: unde tot „ nummi argentei cum simulacro Apollinis sedentis & citharam „ tenentis cum epigraphe CAESAR DIVI F. in cujus anteriore parte ejus caput visitur, & inscriptio DIVI F. apponitur, ut ambiguum sit, Divine Julii, cujus astrum inter lauros Apollini sacras exhibetur medium, an Apollinis filius esse videatur.

Inscriptio tituli Triumviri iterum circa caput Cæsaris expressa est, postquam in pace Cæsaris & Antonii cum Sexto Pompeio, anno 715. apud *Appianum*, Triumviratum in alterum quinquennium illi suscepissent: & sic denotat initio anni <sup>716</sup> Cocceium Nervam fuisse factum Quartumvirum monetalem, versus cujus finem designatus est consul, nam illum magistratum gessit cum Gellio Publicola, anno <sup>717</sup>.

## III.

AVGVSTO DIVI F. COS. IX. TR. POT. II. IMP. VII. Caput Augusti nudum, M. COCCEIVS M. F. NERVA III VIR. circa ambitum, ASI. EVR. AFR. supra tres globos, S. P. Q. R. in imo.

Ad M. Cocceium Nervam superioris Cocceii Nervæ consulis filium, spectat hic denarius, olim in *Museo Ducis Arschotani* servatus; quem signavit, postquam Augustus eum creasset Triumvirum monetalem suum; cujus numerum ad quatuor à Julio Cæsare auctum, ad tres reduxit, anno U. C. 726. Quum eodem anno ille, ut narrat *Dio, lib. 53.* se velle imperium deponere „ simulasset, effecit, ut ei à Senatu populoque confirmaretur. „ Is ut popularis opinionem sibi nihilominus aliquam pararet, re- „ cepta in se omni Reipub. cura, negavit se omnes velle pro „ vincias obtinere. Hac de causa illas inter Senatum Populumque Romanum divisit, ut narrat *idem Autor.* In cujus rei memoriam

Cocceius Nerva Imperium Romanum per Europam, Asiam & Africam dispersum ab Augusto cum Senatu Populoque Romano, ut indicant illæ litteræ, S. P. Q. R. constitutum fuisse demonstraret.

Conveniunt omnes Cæsari dati tituli, nam Augusti nomen receperat jam ab anno U. C. 726. Imperator Octavius appellatus fuerat in bello Cantabrico, anno 728. Dictator perpetuus appellatus, Dictaturam abdicaverat, & Trib. potestatem sumpserat ante diem v. Cal. Julii, anno 729. Consulatum verò undecimum cum A. Terentio Varrone gessit, anno 730. unde Trib. pot. II. inierat, quum hic denarius est percussus.



## C O E L I A.

**C**OELIA seu COILIA (nam antiquitus diphthongus OE per OI scribebatur) plebeia fuit, sed consularis. Nominis principem fuisse volunt Caelium Vibulenum Etruscum, qui Romulo contra Sabinos cum suis auxilio venit, & in urbe monti Cœlio nomen dedit. *Varro, Festus, & alii.* Alii nomen deducunt à Cœlo, unde Sol in quorundam nummis, & cui cognomen Calvus alludit; porro *Cicero* consulem appellat hominem novum.

### I.

Caput Romæ galeatum : in averſa parte, L. COIL. in imo, ROMA. Castor & Pollux in equis decurrentes.

Eodem ferè tempore C. Cœlius & L. Cœlius in *Historia Romana* reperiuntur. Caius Lucii filius Lucii nepos appellatur, Lucius verò Caii filius, Cai nepos dicitur. Prior Tribunus plebis, anno <sup>630.</sup><sub>1</sub> & Prætor urbanus, anno <sup>636.</sup><sub>7</sub> Posterior Quæsturam Provinciale[m] accepit, anno <sup>633.</sup><sub>4</sub> ad quem pertinet denarius, & cum in Quæstura percussisse videtur cum solito denariorum symbolo, nempe capitis Romæ & Dioscurorum typo. Ipsi prorogata fuit Quæstura anno sequente, & altero, tandemque Tribunatum plebis iniit, anno <sup>638.</sup><sub>9</sub>

### II.

C. COEL. CALVVS COS. Caput Caii Cœlii Caldi consulis, pone quod tabella in qua litteræ L. D. in averſa caput Solis radiatum, pone quod clypeus oblongus, & alter rotundus antè, ut parma, CALVVS III VIR.

Ampla quidem Cœlia stirps, etiamsi C. Cœlium Calvum; C. F. L. N. hominem novum appellet *Cicero*; quem inimicitii nobilium haud parvis contendisse ad summos honores testatur, *Act. 7. Verr.* Hic autem post repulsam obtinuit Quæsturam provincialem, anno 641. factusque Tribunus plebis, anno 646. C. Popilium legatum majestatis ad populum accusavit, quod turpi fœ-



dere in Gallia cum hostibus convenisset, & ut Popilium ad condemnationem duceret, legem tabellariam, quam de Perduellione exceperat Cassius, qui alteram fecerat, ille tulit.

Uti. in. perduellione. ac. in. aliis. judiciis. legibus. feriendis. mandandisve. magistratibus. populò. tabellæ. suffragium. esset.

Ideo factæ sunt tabellæ, & ut in Cassia erant litteræ A. & C. in Cœlia alteræ factæ sunt, nempe L. id est, *Libero*, & D. id est *Danno*; in cujus memoriam C. Cœlius Calvus ejus nepos Triumvir monetalis creatus, caput avi sui in denariis expressit cum hac tabella, in qua visuntur hæ litteræ, L. D. & in parte aversa caput Solis radiatum, adludens Cœlio nomini & cognomini Caldo, quod Sol in cœlo videatur, & calvus sit. Clypeus & Parma spectant ad victorias, quas consul de Hispanis retulit, ut mox sumus dicturi.

## III.

C. COEL. CALVVS COS. Caput Caldi consulis, pone quod signum militare, in quo His. & ante caput aper: in aversa à lateribus, C. CALVVS IMP. AV. X. *Imperator Augur Decemvir. L. CALVVS VII VIR. EPVL.* Supra lectisternium, in quo recumbit Jupiter, ad cujus latera hinc & inde trophæum, CALVVS IIIVIR, in imo.

Tria sunt in hoc denario Cœliorum Caldorum nomina cum variis eorum dignitatibus. Avus C. Calvus ut consul, Lucius ut Septemvir Epulorum, & ultimus tamquam Triumvir monetalis. Avus ex Tribunatu plebis ad Ædilitatem venit, an. <sup>645</sup>/<sub>50</sub> & Præturam urbanam, an. <sup>652</sup>/<sub>3</sub> provincialemque <sup>653</sup>/<sub>4</sub> & consulatum tandem adeptus est cum L. Domitio Ahenobarbo, an. <sup>659</sup>/<sub>0</sub> Quæ verò gesserit silent quidem *Autores*, sed denarius egregia ejus facinora denotat. Vexillum in quo His. Signa militaria de Hispanis relata denotat. Aper si mihi conjicere licet, est signum quod iis apponebatur ob cultum Herculis, quo Hispani eum prosequabantur, ut olim Romani Draconem, Lupum, Minotaurum, Equum, imò & Aprum signabant, antequam Marius jussisset, ut sola Aquila in acie portaretur. Nostram auget conjecturam, quod in aliis denariis in apri loco, aliquando securis vel lancea, Hispanorum tela, hæc omnia ad victoriam consulis spectantia.

In aversa parte duo illa trophæa duas victorias, etsi non integras

gras, tamen insignes, denotant, unde titulus Imperatoris ab exercitu consuli datus; ut fert ejus inscriptio, IMP. Docemurque Cœlii titulis illum Augurem fuisse, & Decemvirum agris dandis à Senatu electum. Ad alterum Caldum transeamus.

L. Cœlius Calvus Caldi consularis consanguineus reperitur, quippe ille Caii F. & Caii N. hic verò Caii F. & Lucii N. Tribunus plebis, anno <sup>646.</sup><sub>7</sub> Ille biennio antè Prætor urbanus, anno <sup>644.</sup><sub>5</sub> ad quem denarium pertinere non arbitror, sed alterum fuisse Lucium suspicor, nempe consularis filium, & Triumviri, qui denarium cudit, patrem: ille autem in eo avi & patris dignitates renovare voluisse videtur. Conjecturam auget Cicero, Triumvirum Siciliæ, Quæstorem suum C. Cœlium Lucii F. appellans, *Ep. lib. 2.* Dignitates sacerdotales tamquam illustriores in nummis & inscriptionibus apponere solebant. Hic verò VII vir Epulorum renunciatur, & sacerdotii munus expressit filius, nempe Iestum in Jovis epulo ipsi pro more à patre stratum. Et hæc sunt quæ Triumvir in gratiam avi consularis renovavit, & ob ejus effigiem prius exhibere putavimus. Nunc ad denarios eo vivente cufos revertamur.

## IV.

Caput Romæ galeatum: in averfa parte bigæ victoriæ, decurren-  
te, C. COIL. CALD. in vertice littera H.

Quin ad C. Cœlium Caldum & quidem consularem pertineat denarius non finit dubitare vetus illa orthographia OI pro OE in eo usurpata, nepotis verò tempore amissa, ut vidimus. Et littera H, in vertice posita, pecuniam, ex qua illa moneta erat facta, nempe *Hispaniensem*, ex vectigalibus Hispaniæ, in qua bellum gerebat Cœlius Calvus consul, significans; nihil enim in denariis sine causa apponitur. Littera autem H, ad solam monetam spectare videtur, quod confirmat altera littera M. in sequente denario exarata. Uterque denarius in Hispania cufus; quare in iis vox Roma non expressa est.

## V.

Caput Romæ galeatum: in averfa parte bigæ, aurigante Victoria, CALD. in imo M.

Nemo in re antiquaria ita tyro est, ut eandem denarii for-

nam, eundem typum, & idem Caldi cognomen ad C. Cælium Caldum consularem pertinere non judicet. At ut littera H. id est *Hispaniensis*, nempe pecunia, unde conflata denarium moneta fuit, à nobis explicata est, si quis refragabitur, quando pro eodem usu altera M. id est *Manubialis*, ad pecuniam hanc ex belli Hispanici manubiis conflata esse significandam, à nobis pariter exponatur, audiat *Suetonium in Augusto*. Quo autem facilius „undique urbs adiretur, desumpta sibi Flaminia via Arimino „tenus munienda, reliquas triumphalibus viris, ex manubiali pecunia sternendas, distribuit.

## VI.

Caput Romæ galeatum: in averſa triumphus in bigis, cui Victoria per aëra volitans porrigit coronam, P. CALDVS. in imo, ROMA.

P. Cælius indigitatus in denario fuit Publii filius, & Caii nepos. Quæſturam provincialem ſumpſit, an. <sup>669.</sup><sub>70</sub> Et, ſi mihi conſiſtere liceat ſub Sylla, cui prorogatum eſt hoc anno bellum cum Mithridate, & pacem iniit: ideò illum in bigis tamquam triumphantem expreſſit, cui Victoria per aëra volitans coronam porrigit. Publius poſt Quæſturam Tribunus plebis fuit, an. <sup>674.</sup><sub>5</sub> Ædilis plebis, anno <sup>677.</sup><sub>8</sub> & tandem Prætor urbanus cum Verre, <sup>679.</sup><sub>10</sub>





## C O N S I D I A.

**C**ONSIDIA gens plebeia & antiqua; si quidem Q. Confidius Tribunus plebis, an. <sup>277</sup> legem Agrariam promulgavit, & alter C. Confidius etiam Trib. plebis 286. & tertius prænominē Marcus plebis Tribunus, <sup>288</sup> Cognomen Pætus datum est, cui oculi leviter declinati sunt, vel cujus oculi huc & illuc celeriter moventur.

### I.

Caput Libertatis, pone quod littera A. in averſa parte, c. CONSIDI. PAETI. Sella curulis.

Caius ille Confidius Pætus, qui denarium cudit, is est qui *Librariorum* errore Longus videtur appellatus. Quæſturam accepit provincialem, anno <sup>692</sup><sub>3</sub> Ædilis plebis factus est, anno 697. Præturam urbanam gessit, anno <sup>699</sup><sub>700</sub> Proprætore Africam ex s. c. & lege Pompeia sortitus est, anno <sup>703</sup><sub>4</sub> decedens verò ex provincia Q. Ligarium, ut ex *Oratione Ciceronis* colligitur, legatum non diu ante bellum civile permanere coëgit; Pompeianas sequutus partes, anno <sup>734</sup><sub>5</sub> Adrumetinam provinciam in Africa legionis unius præſidio obtinuit, *Hirt. de bell. Afr.* in eaque civitate denarios percussit cum signo libertatis & littera A. id est, *Adrumetina*, subauditur pecunia, & quùm esset Proprætore, sellam curulem magistratus insigne, cudit.

### II.

Caput idem Libertatis laureatum, PAETI. In averſa parte Victoria in quadrigis, d. coronam, f. palmam. c. CONSIDI.

Cæſar debellato in Pharfaliciſ Pompeio, an. <sup>705</sup><sub>6</sub> eum sequutus est in Ægyptum, rebusque in eo regno in Syria & Asia constitutis Romanam rediit, anno <sup>706</sup><sub>7</sub> contra Scipionem, M. Catonem & alios Pompeianæ partis duces in Africam transiit, anno <sup>707</sup><sub>8</sub> Postquam, inquit *Hirtius*, Adrumetum accessit, ubi præſidium erat adversariorum, cui præerat C. Confidius, & à Clupea secundum oram, maritimam cum equitatu Adrumeti Cn. Piſo. Ideò Confidius pro stipendio militum & usu denarios cudi curavit cum libertatis capite, ut

ut demonstraret se arma sumpsisse pro ea tuenda, & quasi victoria jam potitus esset, eam in quadrigis, monetæ symbolis, cum corona & palma exhibuit.

## III.

Caput Adrymeti, cum galea & chlamyde ornatum: in averſa parte, C. CONSIDI. Victoria in quadrigis, d. coronam, ſ. palmam & habenas, ut ſuprà.

Hic denarius Adrymeti cuſus eſt, velut ſuperiores. ſed ut populos ſibi gratiores redderet C. Conſidius Adrumetum urbis fundatorem expreſſit, de quo *Stephanus*, Ἀδρύμης, Ἀδρύμητ<sup>ο</sup>, Ἀδρύες πόλις κεκληται ἀπὸ τοῦ Ἀδρύμητ<sup>ο</sup>. *Adrymes*, *Adrumetus*, *urbs Libye*, ſic fuit vocata à quodam *Adrymeto*. Ille galea ut Heros ornatuſ eſt; chlamydem præfert ut regionis Principem. Quadrigæ monetæ Romanæ ſymbola, cum Victoria coronam & lauream gerente, quaſi jam ea parta ſignantur. De Conſidio ita loquitur „ *Hirtius*. Interim Conſidius, qui Acillam & octo cohortes ſtipendiarias Numidis Getuliſque obſidebat, ubi C. Meſſius cohortibus præerat, diu multumque expertuſ, magniſque operibuſ ſæpe admotiſ, & iſ ab oppidanis inceſſiſ, quum proficeret nihil, Acillam, quam obſidebat, deſeruit, atque itinere per Jubæ regnum, factuſ, copias cum Scipione partitiſ, Adrumetum ſe recepit.

## IV.

Caput Libertatiſ laureatum, PAETI. in averſa Victoria gradiens, d. palmam, ſ. coronam, C. CONSIDI.

Conſidius ut quodlibet monetæ genus pro militum ſtipendio & exercituſ uſu denarios etiam ſignari juſſit, cum eodem Libertatiſ capite, quam ut deam venerabantur Romani, & cujuſ acerrimuſ erat deſenſor, nulloque modo in ejus pretium potuit corrumpi; nam Plancuſ, quum petiſſet à Cæſare Africam ingrediente, ut ſibi daret facultatem cum Conſidio agendi, ſi poſſet aliqua ratione perducere ad ſanitatē, litteraſ captivo dat perferendaſ Adrumetum, quaſ occiſo latore nondum perlectoſ ad Scipionem miſit. Sed à Cæſare præcipuiſ Pompeianæ partiſ ducibuſ debellatiſ, Conſidiuſ pecunia onuſtuſ ſe Thyſdra obduxit cum Getuliſ quibuſ præerat; ſed hi prædæ cupidi, in itinere eum conciderunt.

## V.

C. CONSIDI, NONIANI. S. C. Caput Veneris, myrto iusignitum: in averfa templum quatuor columnarum, in vertice montis: in cuius medio legitur, ER VC. ante montem muri cum porta.

C. Confidius Nonianus videtur fuisse aliquis ex gente Nonia, cui erat cognomen Suffenas, in gentem Confidiam à Q. Confidio Tr. plebis adoptatus qui ex more adoptionis nomen Nonii produxit Nonianus, ut in Confidiam transiisse ex Nonia familia demonstraret. C. Confidius anno superiore Quæsturam cum N. Nonio Suffenate accepit, U. C. <sup>692.</sup><sub>3</sub>

Triumvir ædibus sacris reficiendus videtur Nonianus, ex s. c. ut fert ejus denarii inscriptio, ad Veneris Erycinæ restaurandum, nominatur. *Ursinus* illud fuisse, quod prope Portam Latinam extructum erat refert. *Spanhemius* verò quod istud in monte situm appareat in eodem nummo, haud incommodè, ut meo iudicio referri posset ad ipsum Siculum Veneris Erycinæ templum, reverà in colle & arce positum; sed duæ erant Romæ Veneris Erycinæ ædes, prima in Capitolio, quam Q. Fabius Maximus Dictator vovit, ideò prospectus ejus in monte, & muri adsunt cum porta, qua ad Capitolium ascendebatur: altera quidem juxta portam Collinam, à L. Porcio Licino Duumviro dedicata, & à Consule L. Portio Ligustino vota. Erycis nomen huic Veneri datum est in memoriam Erycis filii sui.

Nonianus post Quæsturam Tribunus plebis factus est, anno <sup>699.</sup><sub>700</sub> Prætor urbanus, anno <sup>701.</sup><sub>700</sub> apud quem M. Sausæius Milonis familiaris fuit accusatus, & à Cicerone defensus. Prætor, anno 704. ex s. c. & lege Pompeia Galliam Cisalpinam sortitus obtinuit, in quam non ivit, quia Cæsar eam vi occupaverat.





## C O P O N I A.

COPONIA gens plebeia ex Tibure oppido oriunda, cujus nomen videtur desumptum à copona pro caupona : *Festo copona* taberna dicta.

## I.

Q. SICINIVS III VIR. Caput Tiburti conditoris, fascia redimitum, in imo astrum: in averfa spolia leonis clavæ impofita, ad latera arcus C. COPONIVS PR. S. C.

T. Coponius, ex *Ursino*, fuit filius M. Coponii ejus, quem Q. Scævola apud Centumviros defendit, contradicente L. Crasso pro M. Curio, anno 661. apud *Ciceronem*, lib. 1. & 2. *de Orat.* & in *Oratione pro Cæcina*, cujus gens Tiburte orta, ex *Cicerone in Orat. pro Corn. Balb.* Is Tribunus plebis fuit, anno 698. legatus poſtea M. Crassi in Syria, Carrhis præſidio relictus, apud *Plut. in Crasso*. Præturam gessit, anno 703<sup>4</sup>. *Cæsar* lib. 3. *Bell. Civ.* ejus facit mentionem, & Dyrrhachii classi Rhodiæ præfuisse narrat, & *Cicero de Divin. lib. 1.* ſcribit ad ſe veniſſe Dyrrhachio, quum Prætorio imperio classi Rhodiæ præſeſſet. Ideò cudendæ mone- tæ poteſtas ei ex s. c. ut præfert denarius, conceſſa videtur, quum Q. Sicinius tunc Triumvir ſignavit.

Igitur Coponius ad denotandam ex Tibure originem ſuam, Caput Tiburti, urbis Fundatoris, ex una parte ſignavit, de quo *Virgil. Æneid. 7.*

*Tum gemini fratres Tiburtia mœnia linquunt,  
Fratris Tiburti dictam cognomine gentem,  
Catillusque acerque Corus, Argiva juventus.*

Tres erant fratres Tiburtus, Catillus, & Corus, Amphia-  
rai filii. Hi poſt prodigioſum patris ad Thebas interitum, Ti-  
burem condiderunt, & à Tiburti nomine natu maximi, Tibur  
urbs eſt appellata. In averſa parte clava, arcus & ſpolia leonis.

Her-

Herculis cultum Tibure denotant, ubi templum habebat. *Strab.*  
*l. 5. Τίβυρ ἢ Ἡρακλείων. Heracleum vocat Propert. 2. 32.*

*Curvete in Herculeum deportant effeda Tibur?*

Ejus templi pulchritudinem ostendit *Juvenalis, 14. Sat.* quum ait,

*Vincens Fortunæ atque Herculis ædem.*

Quo modo Coponius ab Antonio proscriptus, fuerit ab uxore servatus, docet *Appianus Bell. Civ. 4.*



## C O R D I A.

**C**ORDIA gens, videtur plebeia, ut parùm nota, ejus nomen deductum à Cordo, ut ait *Sigonius*. Cordii à Cordo, unde M. „ Cordius in nummis argenteis. Cordus autem dicitur de homi- „ nibus, ultra tempus legitimum in utero gestatis.

### I.

RVEVS III VIR. Capita Castoris & Pollucis cum pileis & astris: in averſa parte mulier ſtolata ſtans, d. balancem, f. haſtam tranſverſam, M. CORDIVS.

Cordiæ gentis, inquit *Urſinus*, præter unum *Ciceronem*, haud „ ſcio, an alius veterum Scriptorum faciat mentionem, is enim „ *lib. 4. in Verrem*, L. Cordium nominat honeſtum virorum, qui teſtimonium in Verrem dixit, cujus M. Cordius temporum ratione filius videtur fuiſſe, qui Triumvir monetalis hunc denarium cudit, cùm Penatium capitibus ut ſuam ex Lavinio urbe originem denotaret, & ex altera parte deam Monetam cum balance, ut pecuniam juſto pondere designatam eſſe demonſtret: unde Juſtitia vel Æquitas eodem modo depingitur; læva tranſverſam divinitatis haſtam tenet, ut pro dea eam eſſe cultam demonſtret.

### II.

RVEVS S. C. Caput Veneris: in averſa parte, M. CORDIVS. Cupido inſidens delphino, quem habenis regit.

Hic denarius videtur à M. Cordio Ruſo Triumviro cuſus ex Senatuſconſulto, anno 797. quùm ille vellent Cæſari adulari, quod poſt Pharfalicam pugnam, & res in Ægypto, Syria, & Aſia conſtitutas, Romam victor rediiſſet, & teſte *Dione, lib. 43*. Forum & „ templum Veneris (quam ſui generis autorem ferebat, à ſe con- „ dita Cæſar, ſtatim conſecravit, multaque ibidem & varia ſpectacula edidit. Ideò ex una parte Veneris caput ſignatum, & ad indicandam ejus è mari originem Cupido ejus filius Delphino gaudet, ut illius imperium in eo elemento denotet. Similis typus in gente Lucretia, *num. 4* apud *Urſinum*, exhibetur cum Neptuni capite.

### III.



## III.

RVFVS. Galea cui insistit noctua : in averſa parte, M. CORDIVS. Clypeus, in cujus medio ægis.

Ut Senatus in Julii Cæſaris gratiam denarios cudi curaverat, in quibus Venus eſſet expreſſa, ad indicandam illius ex ea originem, & ex altera parte Cupidinem Delphino inſidentem ad Veneris ipſius ex mari ortum indicandum. Cordius verò Triumvir Cæſaris ſtudioſus Minervæ in utraque denariorum ſuorum parte inſignia expreſſit, ut utriuſque deæ in eum dona ſignificaret. Hanc tamquam belli præſidem exhibet, ut in tot Cæſaris contra hoſtes præliis fuiſſe illius cuſtodem demonſtret, & inde Scientiarum deam, cujus gratia in omni genere eloquentiæ excellebat : nam in Pharfalicis campis victor receſſerat, Ægyptum coercuerat, Pharnacem proſtigaverat, ut ter Romæ triumphum egiſſet. De ejus eloquentia audiendus eſt *Suetonius*, qui ait *Ciceronem*, eum inter Oratores referentem, profert negantem ſe vidiffe, cui Cæſar debeat cedere, & *Corn. Nepotem* alterum teſtem adducit.



## CORNELIA.

**C**ORNELIA in varias stirpes divisa, omnium amplissima & nobilissima fuit Patricia, & licet antiquissimorum Cossorum & Maluginensium denarii nobis non supersint, in eorum tamen memoriam inchoamus ab illis, qui illud nomen postremis Reip. temporibus renovarunt; deinde ad Scipiones, in quibus Africani, Asiatici, Asinæ, Calvi, Hispali, Nasicæ, & Serapiones. Deinde ad Lentulos pluribus etiam cognominibus distinctos, ut Caudinus, Ethicus, Clodianus, Crus, Marcellinus, Sura, & Spinther; & tandem ad minus nobiles, nempe in quibus minus fuere consules, quos ordine Alphabetico, ut in hisce familiis aliquem servemus, prosequemur, nempe Blaciones Cumes, Dolabellas, Merulas & Syllas, addita iis Balborum plebeia ex Hispania gente. De Corneliorum nomine ait *Ant. Augustinus*, in gente Furia, ut à Fusa Furios, postea Fourios sive Furios, Claudio Claudios, à Voleso Valerios, à Cossò Cornelios, an per gradus Corsi, Cornii, & ab iis Cornelii. De eorum cognominibus & agnominibus in unoquoque dicemus suo loco.

MALUGINENSIS.

### I.

Capita Bacchi & Cereris jugata, ad latus lævum cornucopiæ: in averſa parte ancilia. SER. LENTVL. CN. F. MALUGINENSIS.

Non antiquos hîc Cornelios Maluginenses, sed nominis gratia consularem virum ex hac familia post tot sæcula illud reducentem exhibemus. Ille est Servius Lentulus Cn. filius Maluginensis, quem nobis *Faſti Capitolini* fragmentum ex Kal. Juliis anno <sup>702</sup><sub>3</sub> suffectum consulem suggerit cum dignitate Flaminis Dialis.

EX K. IVL. SER. CORNELIVS CN. F. CN. N.  
LENTVL. MALVGIN. FLAM. DIAL.

Denarius quædam adejus sacerdotium spectantia exhibet, nempe Bacchi caput cum Cerere sociatum, ad denotandum Flaminem Dialem ea numina ita venerari, ut eorum muneribus, vino nempe & farina, abuti non deberet: nam inter cerimonias quas ob-

fer-

servare cogeatur, *Gellius* refert, hederam & farinam fermento imbutam non tangere moris esse; eorum causas inquit *Plutarchus in Quæst. Rom.* quòd non farinam fermento imbutam tangere horum Diali liceat, quia videlicet farina alimentum sit imperfectum & crudum, & neque manserit triticum, id quod fuerat, neque factum sit, quod fieri debebat, nimirum panis: sed simul seminis vim amiserit, & usum cibi non sit assecutum. Non tangere hederam, quod ebrietatem à nullo ortam vino inducat. Debere autem Jovis sacerdotem Orgia Bacchi vitare. Quam etiam ob causam scribit eidem vetitum esse transire per viam, ubi vitium propagines in sublimi prætentæ sint; voluerunt videlicet significare, neque eum inebriari, sed vino moderari, nec ab eo vinci; quum, qui ebrii sunt, eorum superius capitibus sit vinum, eaque degravet & premat.

Ancilia in averfa parte, quum illa essent in templo Jovis servata, an s. c. Dialis Flaminis custodiæ data sint. Ancilia apud *Varr. lib. 6.* dicta ab incisu, quòd ea arma ab utraque parte, ut peltæ Thracum, incisa.

Caput Bacchi pampinis redimitum est, quod ille vites colere; Cereris spicis, quod ea fruges serere docuerit: ante eam cornucopiæ, quod Terra mater crederetur, unde Δημήτης appellata est, quasi Γημήτης.

Cornelius Maluginensis post consulatum, anno 774. Asiam Procos. sortitus erat; sed quia Flamen Dialis, more majorum (nam post Syllam nullus Flamen Dialis inauguratus fuerat, & centum ferè anni usque ad Cornelium effluxerant, quum ab Augusto id sacerdotium illi concessum est) urbe & sacris abesse non poterat: Provinciam tamen plurimis rationibus, refert *Tacitus, Ann. 3.* sed frustra postulavit, Tiberio contra censente. Maluginensis verò anno sequente mortuus est, & filius in ejus suffectus est. *Tacit. Ann. 4.* Maluginenses *Glandorpius* ab origine prioris patriæ dictos arbitratur, quo modo plurimi alii.

C O S S I.

## II.

AVGVSTVS COS. XI. Caput Augusti laureatum: in averfa parte, M. AGRIPPA COS. TER. contrario ordine, COSSVS LENTVLVS. Caput Agrippæ, corona rostrata & murali, insignitum.

Vete-



Veterum Cossorum gentis Corneliæ cognomen sub Augusto renovatur, & quidem sub prænominis titulo. Unus ex antiqua Cossorum stirpe in Lentulorum ejusdem Corneliæ familiam adoptatus, Cossi prænomen pro cognomine accepisse videtur; ut alter ex eadem Æmilia gente Paullus cognomine à Lepido adoptatus, dictus est Paullus Lepidus, ut suprà à nobis dictum est, ita ipse, Cossus Lentulus est appellatus. Hic verò ut Triumvir monetalis denarium hunc percussit, ut nos docet epigraphe Augusti cos. XI. cum M. Agrippa cos. tertio conjuncta; nam hic tertium consulatum gessit cum Augusto vir. anno <sup>727</sup> & Augustus consulatum XI. iniiit cum Terentio Varrone, anno <sup>731</sup> sed coss. Lentulus eos conjunxit, quando Agrippa urbi Romæ præfectus est ab Augusto, anno <sup>732</sup> & in ea motus compressit, quare corona murali, tamquam illam conservasset, donatus. Vide in Vipsania gente.

## III.

AVGVSTVS COS. XI. Caput Augusti laureatum: ex altera parte caput Agrippæ, rostrata corona & murali ornatum, cum gemino litterarum circulo, IMP. CAESAR TRAIANVS AVG. GER. DAC. P. P. REST. in secundo, M. AGRIPPA COS. TER. COSSVS LENTVLVS.

Augustus corona ex lauro contexta ornatur ei à Senatu concessa, ut perpetuo hostium Victori, ex *Dione*; corona verò ex navium rostris composita Agrippæ ob navalem victoriam contra Sex. Pompeium in Siculo mari relatam, anno <sup>718</sup>, ut refert *idem Dio*, his verbis: Agrippam aurea corona rostrata donavit, quod neque antè, neque post contigit ulli, & murali, quod Romam motibus agitatam conservasset. Trajanus, Imperator optimus, hunc denarium jam rarum ad monetæ usum quidem restituit, sed eximiæ raritatis ab hoc principe restitutus.

## IV.

AVGVSTVS DIVI F. Caput Augusti laureatum: in postica, COSSVS CN. F. LENTVLVS. Figura paludata, insignis galea, in equo supra basim, navium rostris ornata, d. humero trophæum gestat.

Cossus

Cossus Lentulus à *Paterculo lib. 2.* vir diversis virtutibus celebris appellatur; nam consulatum cum Pilone gesserat, anno <sup>752</sup><sub>3</sub> Passieno in Africa nova sive Numidia ex lege Augusti Proc. successit, anno <sup>758</sup><sub>9</sub> ubi Getulos Jubæ juniore regi rebellantes, provinciamque finitimam vastantes subegit, unde Getuli cognomen & triumphalia ornamenta meruit, ex *Dione, Paterculo, Tacito & Orofio*. Sed redux non hunc denarium cudit, ut putat *Ursinus*, nec potuit, quum non esset amplius Triumvir monetalis. Equestrem statuam, in altera ejus parte impressam, ad Augustum pertinere etiam putat. Sed ejus filius denarium cudit Triumvir monetalis factus, qui, ut à patre Cossio Lentulo distingueretur, Cossus Cn. F. Lentulus est appellatus, & si nobis conjecturæ locus statuam equestrem patri suo erectam, cum Augusti effigie ex altera parte expressit.

De hoc Cossio Cn. F. Lentulo ita loquitur *Paterculus*: Sed Cossus victoriæ testimonium etiam diu cognomen filii contulit, adolescentis in omnium virtutum exempla geniti: quare memor paternæ gloriæ hunc denarium signavit. Stylobates statuæ navium rostris ornata est, ad demonstrandum in sinu Numidico Getulos etiam per mare devictos fuisse. Cossus filius consulatum etiam gessit cum Asinio Agrippa, anno <sup>777</sup><sub>8</sub> & ejus frater, <sup>778</sup><sub>9</sub> & tandem ejus filius cum Claudio Imp. anno <sup>812</sup><sub>3</sub>

## V.

M. MESSALA M. F. III VIR. Capita Honoris & Virtutis jugata: in postica parte, COSSVS CN. F. LENTVLVS. Pons, cum duobus fornicibus & duabus supra eum portis, supra cujus loriam legitur, INSVBRIA. in aqua cymba.

Ecce alterum Cossi Cn. filii Lentuli denarium, in quo M. Valerius Messala, & ille Triumviri monetales sunt appellati; sed potius quasi curatores viarum, ut olim, videntur fuisse. Hi apud *Livium, lib. 25.* Duumviri muris turribusque reficiendis potius quam Triumviri monetales Augusti. Illud innuere videtur Pons. Ab una parte Virtutis & Honoris capita sociata exhibuerunt, ut denotarent ambo, se per virtutem ad honores ascendere velle: nam uterque patrem habuit consularem; imò etiam ambo consulatum adepti sunt: in averfa parte pontem per Ad-

duam fluvium ad Insubriam ingrediendam, ab Augusto tunc structum, ut facilius Mediolanum Insubriæ caput intraret; nam ille, teste *Suetonio*, ob bella, ut ab exercitibus non longè abesset, Ravennam, vel Mediolanum, vel Aquileiam usque, que ab urbe progrediens. Italiam autem operibus ac vectigalibus publicis plurifariam instruxit. Cossi dicuntur apud *Festum*, qui rugosi sunt & aspera facie, à similitudine vermium, qui in ligno nutriuntur. Unde apparet eum; qui primus id cognomen tulit, insigniter fuisse rugosum.

SCIPIONES ASINÆ.

VI.

Caput Romæ galeatum, ASINÆ in averfa parte, CN. SCIPIO. Jupiter in quadrigis triumphalibus, d. equorum habenas, l. sceptrum.

Adtertiā Cornelie gentis, nempe Scipionum stirpem pervenimus: qui verò Scipionis cognomen primus tulit, adolescens patrem luminibus carentem, pro baculo regebat; ex *Macrobio Saturn. lib. 1.* Sed hæc familia in plures ramos divisa, ad distinctionem cognomina accepit; & qui Asina appellatus, inde dictus, ex *eodem Macrobio*, quod nimirum, empto fundo, seu, ut alii volunt, filia elocata, quum sponsores ab eo solemniter poscerentur, asinam pecunia onustam produxerit in forum ad tribunal, quasi pro sponsoribus præfens pignus: eamque ob causam illi agnomen ab Asina vulgò fuit inditum.

Cn. Scipio Asina L. filius, Cn. nepos Quæsturam militarem accepit, anno <sup>483</sup>/<sub>4</sub> Ædilis curulis fuit, anno <sup>488</sup>/<sub>9</sub> Prætor urbanus, anno <sup>491</sup>/<sub>1</sub> consul cum C. Duillio, anno <sup>493</sup>/<sub>4</sub> iis decretæ Sicilia & classis, cum sortiti inter se essent Duillio Sicilia, classis Scipioni, & ad Liparas contendens, ubi ab Annibale circumventus & à classe Punica obsessus, sub speciem colloquii per fraudem captus est; ex *Livio*. Consul iterum cum A. Attilio Calatino iter. creatur, anno <sup>499</sup>/<sub>500</sub> His nova classis & Siciliæ provincia est decreta, Scipio prorogato imperio rem feliciter gessit, & triumphum obtinuit, ut demonstrant *C. Verrius in Fastis & Marmora Capitolina*.

VII.



CN. CORNELIVS L. F. CN. N. SCIPIO ASINA. AN. <sup>DI. Varr.</sup>  
PRO. COS. DE POENIS X. K. APRIL.

Idem confirmat hic denarius, etiam Romæ observatus à *Pighio*, in quo Jupiter in quadrigis triumphalibus sceptrum tenet. Scipio censor fuit cum eodem Duillio, anno <sup>495</sup> lustrum fecerunt XXXVI.

## VII.

Caput Romæ galeatum : in altero latere, P. SCIPIO ASINA. in imo, ROMA. in vertice, CXIII. Quadrigæ decurrentes auri-  
ga Victoria, d. palmam, f. habenas equorum.

Patrem sequitur filius P. Cornelius Scipio Asina. Is verò Quæ-  
sturam provincialem suscepit, anno <sup>521</sup> Edilis curulis fuit, an-  
no <sup>526</sup> <sub>7</sub> Prætor urbanus, anno <sup>529</sup> <sub>30</sub> Consul cum M. Minucio Ru-  
fo, anno <sup>532</sup> <sub>3</sub> Isticum bellum secundum ambobus decernitur, &  
ab iis illud confectum est. An verò triumpharint consules, *Au-*  
*etorum* nemo prodidit, quum *T. Livius* non sit integer, &  
*Fastorum Capitolinorum* triumphus hîc sint interrupti. *Livius* verò,  
*lib. 3*, refert Senatum negasse triumphum Imperatori, qui per-  
duelles domuerit; at quum Istri rebellarent, planè dubitabatur  
inter recentiores; at *Pighius*, quum denarium à *Goltzio* expressum  
ipse viderit, cum hac epigraphe P. SCIPIO ASINA. & quadrigas  
decurrentes pro triumpho arbitratur; sed sæpius diximus, illas tan-  
tùm lento passu gradientes triumphos denotare, & illos denarios  
solum quadrigatos esse appellatos.

## CALVI.

## VIII.

Caput Monetæ. CN. SCIPIO CALVVS COS. in postica par-  
te, L. VETVRI. L. F. PHILO. AED. CVR. Templum octo co-  
lumnarum.

Cn. Cornelius L. filius, L. nepos, Scipio Calvus, superioris  
Asinæ patruelis ut creditur, fuit. Ille Quæsturam provincialem  
accepit, an. <sup>522</sup> <sub>3</sub> Edilitatem curulem, an. <sup>525</sup> <sub>6</sub> Præturam urba-  
nam, an. <sup>528</sup> <sub>9</sub> consulatum cum M. Claudio Marcello, anno <sup>531</sup> <sub>12</sub>.  
Utrique consuli provincia Gallia est decreta. Marcellus, uti di-  
ximus in gente Claudia, Viridomarum ad Clastidium urbem.

occidit, & ejus triumphi denarios retulimus, sed illi qui nobis ex Scipione Calvo supersunt, ab Ædili Curuli L. Veturio cusi videntur, ob Monetæ ædes, ex multata pecunia damnatorum argentiatorum in monetaria fraude deprehensorum, restauratas, in cujus rei memoriam templi iconem nobis exhibuit: uti ex argenteo *Goltzii* nummo *Pighius* existimat.

HISPALI.

IX.

CN. SCIPIO L. F. Capita Jovis & Ditis jugata: in averfa parte, HISPALVS. Cybele capite turrato sedens, d. tympano supra genu imposito innixa, s. brachio supra sellam, pro pedibus ibis.

Ab avo Cornelio Scipione Calvo ad ejus nepotem Cn. Scipionem Hispalum descendimus. Hic patrem habuit L. Scipionem Calvum, cujus denarii ad nos haud peruenerunt. Quæsturam provincialem accepit, anno <sup>567</sup> Ædilitatem ejus non reperimus; sed Idææ matris sedentis typus illum Megalenses ludos, ipsi dicatos, edidisse in ejus honorem declarat. Hi apud *Livium*, lib. 9. Decad 3. Prid. Id. April. celebrabantur, sed corruptus est locus, & Prid. Non. substituendum est, uti in *Festorum* tabulis habetur, quibus adstipulatur *Ovidius*, *Fast.* 4. post tertium Aprilis Berecinthiæ matris festa incipit canere.

*Ter sine perpetuo cælum versetur in axe,*  
*Ter jungat Titan, terque resolvat equos.*  
*Protinus inflexo Berecynthia tibia cornu*  
*Flabit, & Idææ festa parentis erunt.*

Ludi Megalenses erant scenici: nova res, inquit *Livius*, pro bellico populo, sed primi inter alia cælestis iræ placamina instituti dicuntur.

Ibis ad pedes Matris Magnæ apposita; quòd illa sit Terra seu Isis, cui sacra hæc avis perhibebatur, & ut Saturni uxor credebatur deorum mater, ob id forsitan duos ejus filios Jovem & Diem, ut omnia illam posse in cælo & in terrâ, expressit Cornelius Hispalus. Alii duo hæc capita Janum capite jugato pro averso esse existimant. Vide in Julia gente. Sed ad ceteros ejus magistratus progrediamur, peregrinam gessit Præturam, anno <sup>573</sup> consulatum

fulatum veedò iniiit cum Q. Petilio, anno <sup>577</sup> & in magistratu morbo decessit.

## AFRICANI

## X.

Caput Jani bifrontis barbatum : in averſa parte , P. SCIPIO L. F. in imo ROMA. Navis.

Expoſitis Scipionis familiæ, quibus agnomina Aſinæ, Calvi, & Hiſpali inſunt, ſuperſtitibus nobis denariis; ad alteram ejus gentis ſtirpem, ex qua Africani, & Aſiatici fratrem illuſtria & Naſicæ, & ejus nepotis Serapionis jocularia promanarunt, tranſeamus. Primus eorum agmen aperiet P. Scipio Africani, & Aſiatici pater, qui fratrem habuit Cneum Scipionem, ex quo Naſica & Serapio ejus nepotis progeniti ſunt.

Ille Quæſtura provinciali functus eſt, anno <sup>524</sup> in ea autem nummum hunc ſextantarium ex duabus unciis conſtantem, ad quas libralis aſ ob bellum, quod tunc flagrabat Punicum, reductus eſt, uti ſæpius ex *Plinio* retulimus, percuffit cum Jani bifrontis capite & navi, ſolito illius ævi nummorum ſymbolo. Scipio A dilis curulis fuit, anno <sup>528</sup>, Prætor peregrinus, anno <sup>534</sup>, conſul primo belli ſecundi Punicum T. Sempronio Longo creatus eſt, anno <sup>535</sup> Cornelio Scipioni Hiſpania obvenit, ſed quùm Maſſiliæ accepiſſet, Hannibalem Alpes jam tranſiſſe Cn. fratrem conſularem legatum ſuum in Hiſpaniam miſit, ipſe Genuam reverſus, Annibali occuſurus, cum eo congreditur; ubi vulneratus, niſi filii poſteà Africani auxilio è pugna ereptus periſſet.

Anno <sup>536</sup> prorogatum eſt ei in Hiſpania imperium dum in Italia Annibal eſſet, in qua cum fratre inſigni virtute per quinque annos res feliciter geſſerunt, ut videre eſt apud *Livium*; ſed tandem ab hoſtibus circumventus, anno 541. P. lancea dextro latere trajectus cecidit, & Cn. frater in altera pugna occiſus eſt.

## XI.

Caput Neptuni laureatum, pone quod tridens, EX S. C. in averſa parte, P. SCIPIO P. F. PROCOS. Navis, in cujus puppi ſtat paludatus & galeatus Scipio, pone quem Aquila  
Qq 3 legio.



legionaria, dextram porrigit feminæ turtitæ; s. spicas duas sublimas, & temonem submissum tenet.

Patri P. Scipioni in Hispania fortiter pugnanti occiso succedit alter P. Scipio qui sibi immortalem per Africani agnomen illustre patriæ virtutis gloriam conciliavit. Hic per non communem aliorum viam ad munera & dignitates ascendit; nam hic ante Quæsturam & ætatem quàm peteret, obsistentibus Tribunis, dixit; Si me Quirites ædilem facere volunt, satis annorum habeo, & obtinuit. Fratri Cneo majori etiam postulanti prælatus, anno <sup>50</sup>; unde illum præmissimus in denariis exponendis.

Ædilitius etiam Præturam prætermisit, quàm Capua capta Romani Hispaniam tutari vellent, & nullus eam provinciam satis periculosa, peteret, solus Scipio anno 24. postulare ausus est, & Imperator appellatus prudenti oratione ætatis sollicitudinem discussit, anno <sup>542</sup>; res quam in Hispania prosperè & fortiter egit: videre est apud *Polybium*, *Livium*, *Paterculum* & alios, nec Historiam describere, quorum nummos exhibemus, sed tantum eorum interpretationem ad *Antiquarios* sublevandos aggressi sumus. Scipio igitur Hispania in potestatem redacta, anno 5. post provinciam acceptam rediit Romam, triumpho ob magistratus quos non inierat, privatus, anno tamen sequente consul longè ante ætatem adeptus est, anno <sup>548</sup> 9. cum Licinio Crasso Divite.

Siciliam consul obtinuit, prorogatumque ei anno <sup>549</sup> 10. imperium, & in Africam trajiciendi potestas, ubi Annibalem vicit, ad pacem compulit Carthaginem; anno <sup>552</sup> 3. cujus testis nobis insignis est hic denarius, Senatusconsulto impressus, in quo paludatus Scipio dextram porrigit supra navim urbi Carthagini. Ille galea insignis ut victor & in puppi; pone cum aquila legionaria Romanorum insigne. Ipsa turrato capite est, ut solent exhiberi celebres, & quasi aliarum patronæ urbes, s. spicas, ad denotandam soli sui fertilitatem, & temonem, ad indicandum ad mare situm. Caput Neptuni impressum est, ad arguendum maris imperium penes esse Romanos per hanc pacem, quàm solum decem triremes habere deberet.

## XII.

ROMA. Caput Romæ galeatum, P. SCIPIO P. F. L. N. PRO-  
cos. Togatus, in quadrigis triumphalibus vestus, d. habenas, f.  
ramum olivæ.

De Pœnis & eorum duce Annibale & Numidarum rege Sy-  
phace eorum collega triumphum egisse honoratissimum P. Scipio-  
nem, testis est hic denarius. Togatus invehitur curru triumphali, &  
lento passu graditur, ut moris erat, ramum olivæ pacis, quam inierat,  
insigne: ut autem denarius illi Africani agnomen non præbet; &  
*Livius*, an militaris favor; an aura populi ei postea detulerit, in-  
compertum relinquit; existimare potest familiari assentatione cœ-  
ptum fuisse, exemplo Syllæ, qui nec Fœlix; nec Pompeius, qui  
nec Magnus, in nummis suis appellatus est. At ut Scipio pluri-  
mos, quos illi Senatus honores obtulit, ordinarios accepit, nam  
Censor cum P. Cornelio Pæto factus est, anno <sup>554</sup>/<sub>5</sub> & consul iter.  
cum T. Sempronio Longo, anno <sup>550</sup>/<sub>60</sub> sed obscurus fuit illi vitæ  
exitus; nam exul voluntarius Linterni obiit.

## XIII.

P. SCIPIO. Caput Romæ galeatum, ROMA. in averfa parte,  
ÆMILIAN. AFRICAN. Victoria, trophæo porrigens coronam, f. pal-  
mam gerit.

Scipioni Africano majori adoptione avo subjungimus Scipio-  
nem Africanum minorem, ejus nepotem. Ille enim reliquit P.  
Scipionem Prætorium, qui Æmilii Pauli de Macedonia & rege  
Perseo triumphatoris filium, ut in ejus gente diximus, adoptavit,  
& sic P. Cornelius Scipio Æmilianus Africanus appellatus est. Is  
Quæsturam militarem accepisse videtur, anno <sup>601</sup>/<sub>2</sub> & ante legi-  
timam ætatem, quum nec Ædilis nec Prætor fuisset, Populi  
totius consensu, & suffragio consulum tertium cum C. Livio Ma-  
nilianus Druso creatus est, anno <sup>606</sup>/<sub>7</sub> quod bellum tertium Punicum  
longius traheretur; tanta de illius gestis in Hispania & Africa re-  
bus expectatio. Itaque extra sortem accepit, in Africam profe-  
ctus, Carthaginem obsedit, & anno sequente <sup>607</sup>/<sub>8</sub> cepit & diruit,  
atque postquam ignis decem & septem diebus eam consum-  
plisset, in ejus loco trophæum erigi jussit: in æternam cujus me-  
mo-

moriā hic denarius, cum Victoria eum coronante, percussus est; & sic tertium bellum Punicum quarto quo inchoatum fuerat anno, finem habuit, & Romæ Scipio triumphavit.

P. CORNELIVS P. F. P. N. SCIPIO AFRICANVS AEMILIAN. AN. DLXXI. CDVIII Varr.  
PROCOS. EX AFRICA DE POENIS ET ASDRVBALE. . .

Censor cum L. Mummio, anno  $561\frac{1}{2}$  lustrum fecerunt LVII. Iterum consul creatus est cum C. Fulvio Flacco, anno 619. Scipioni Hispania citerior bellumque Hispanicum extra sortem decretum est, Numantiam oppugnavit, anno 620. quam excidit & delevit, anno 621. & de Numantinis triumphum egit, anno 14. postquam primum de Carthagine triumphasset.

P. CORNELIVS P. F. P. N. SCIPIO AFRICANVS AN. DLXXI. DLXXII Varr.  
AEMILIANVS PROCOS. DE NVMANTINEIS EX  
HISPANIA CITERIORE IIII. KAL. IANVAR.

Post tot victorias bello partas, & post tot honores à Romanis acceptos, Æmilianus ereptus ex seditione Triumvirorum agrariorum, postridie mortuus sine vulnere in cubiculo inventus, annum agens 56.

#### ASIATICVS.

#### XIV.

Caput Jovis Capitolini laureatum, pone quod litteræ, O. M. id est, optimus maximus: in averso latere, L. SCIPIO ASIAG. Jupiter in quadrigis currentibus, d. fulmen, s. sceptrum.

L. Cornelius, qui Asiageta in denario inscribitur, P. Scipionis Africani majoris frater fuit natu major; sed quum serius Quæsturam peregrinam, nempe anno  $553\frac{1}{4}$  ut diximus, accepisset: ipsi postposuimus. Ædilis curulis factus est, anno  $558\frac{1}{9}$ . Præturam provincialem, nempe Siciliam obtinuit anno  $560\frac{1}{1}$  consulatum verò cum Q. Lælio nepote, anno  $563\frac{1}{4}$ . L. Scipioni Græciam & bellum cum Antiocho Magno Syriæ rege extra sortem, quum Scipio Africanus ejus frater pro legato eum accepisset, Senatus decrevit; in Græciam transgressus, deinde Hellespontum trajecit, Antiochum in Magnesiis campis profligavit: inde pax, tributo re-



gi imposito, inita est: Scipio Romam reversus, triumphum egit, ut habent *Columnæ triumphales*.

L. CORNELIVS P. F. L. N. SCIPIO ASIATICVS AN. DLXXV. *Varr.*

PROCOS. EX ASIA DE REGE | ANTIOCHO PRIDIE K. MART.

Ex victoria Asiatica L. Scipio cognominatus est Asiaticus, ut frater ejus Africanus erat dictus. Id confirmat hæc *Inscriptio*: sed denarius præfert constanter ASIAG. sed perperam *Pighius* legit ASIAC. & interpretatur *Asiacus*. *Ursinus Ant. Augustini* sententiam profert suam reticendo; existimat, inquit, pro Asiatico Asiage- ,, tem Græca voce primùm in Græcia L. Scipionem dictum fuisse, ,, ejusque cognominis extare affirmat vestigia in veteribus libris ,, *Livii*, & in carmine quodam, *Sidonii Apollinaris*. Et hæc vera sunt, quia hic denarius in Asia ad militum stipendium à Quæstore post victoriam Scipionis tamquam quadrigatus nec designat ejus triumphum, ut sæpe diximus de his denariis cum quadrigis decurrentibus, in quibus Victoria vel Jupiter agit equos. Jupiter in anteriore parte expressus est, ad indicandum illum esse deum Romæ tutelarem, & litteræ O. & M. id est, *Optimus Maximus*, additæ sunt ad nomen ejus arguendum. Sic autem Jupiter est appellatus, quod velit & possit omnibus prodesse; & Optimus quidem antequam Maximus, quia majus est certè, gratiusque prodesse quàm magnas opes habere, teste *Cicerone*. Templum Jovis Optimi Maximi Tarquinius Priscus vovit, quod extruere cœpit Superbus, sed perfecerunt Consules.

## N A S I C A.

## XV.

Caput Romæ galeatum, NASICA. & palmæ ramus: in averso latere, P. SCIPIO CN. F. Victoria in bigis, d. coronam, f. habenas equorum.

A junioris P. Scipionis familia ad stirpem majoris Cn. fratris revertamur. Hæc cognomine Nasicæ ab aliis distinguitur. Cn. frater fuit major Publii, qui pater fuit Africani majoris, sed ejus non occurrunt denarii: nobis tantùm ejus filii supersunt. Hic P. Cor-

nelius Scipio Nasica, ab acuto & magno naso, quem habuit, Cneus pater dictus, & à Senatu civium optimus iudicatus, qui Idæam matrem hospitio reciperet, donec ei templum esset extructum. Filius verò Publius Quæsturam, ut creditur, militarem accepit, anno <sup>590</sup> quo bigatum hunc denarium percussit; Ædilis deinde curulis fuit anno <sup>556</sup><sub>7</sub> Prætor militaris, anno <sup>559</sup><sub>60</sub> Hispaniam ulteriorem sortitus in ea res feliciter gessit. Consul cum M. Glabrione, anno <sup>562</sup><sub>3</sub> Scipioni Italia sorte obvenit, & cum Boiis bellum gerere iussus, de iis illustrem triumphum egit.

P. CORNELIVS CN. F. L. N. SCIPIO NASICA AN. DLXI.  
DLXII. Var.  
COS. DE GALLEIS BOIEIS. ....

SERAPIO.

## XVI.

FIDES. Caput Fidei: in altero latere, P. SCIPIO NASICA SERAPIO. Templum quatuor columnarum, in quo sella curulis.

P. Cornelius Scipio Nasica Serapio filius fuit P. Cornelii Scipionis Nasicæ Corculi, Pontificis Maximi; cujus nobis non supersunt denarii, & P. Scipionis, de quo nos supra, nepos Avorum certè virtutis non degener, licet faciei similitudinem victimario cuidam comparatus, nomine Serapioni à Tribuno plebis, & inde illi nomen inditum, ut *Valerius Maximus* narrat, *lib. 9. cap. 14.* imò illud, tamquam ob reip. injurias gloriosum, etiam sibi arrogasse, nos edocet ejus denarius.

Is Quæsturam militarem accepit, anno <sup>604</sup><sub>5</sub> & in Africam ivisse scribit *Appianus in Liburn.* cum Pœnorum legatis ad arma capienda à Consulibus missum. Ædilis curulis post repulsam ob jocum est factus, anno <sup>608</sup><sub>9</sub> quo Sella curulis Ædilitatis insigne in templo Fidei, illud aut igne consumptum, aut vetustate collapsum restaurasse Serapionem in magistratu nos edocet. Duo erant Fidei templa in urbe, unum in regione sexta, vulgò alta Semita dicta, alterum in Capitolio. *Agathocles Siculus*, *Cyzicenarum rerum autor*, refert Romam Ascanii filiam, Æneæ neptem, omnium primam consecrasse in Palatio Fidei templum, in quo monte postea condita urbs Roma, ab ea quæ Fidei templum ibidem dedicasset, appellata est.

Cor.

C O R N E L I A.

315

Cornelius Serapio Præturam deinde urbanam obtinuit, anno <sup>610.</sup> peregrinam verò, anno <sup>611.</sup> & tandem consulatum cum D. Junio Bruto, anno 615. Ille verò in Italia mansit, dum collega bellorum reliquias in Hispania tollere iussus est.

LENTVLVS CAVDINVS.

XVII.

CAVDINVS. Caput Romæ galeatum : in postica parte, L. LENTVL. Victoria in bigis, d. flagrum, f. habenas equorum.

Ad quartam Cornelix gentis patricix Lentulorum stirpem tandem pervenimus: sed hic denarius ad L. Lentulum, qui primus Caudini agnomen, à Caudio Samnitum oppido, ab eo expugnato, anno 478. pertinere nequit; quum Romani tantum argentum signarint, anno 484. sed ad L. Lentulum, ejus filium, consularem & Cenforium; hic verò Quæsturam militarem accepit, anno <sup>706.</sup> quo denarium hunc bigatum, ut solitum monetæ Romanæ symbolum, in magistratu percussit.

XVIII.

CAVDINVS. Caput Junonis Sospitæ Lanuvinæ, caprina pelle amictum : in altero latere, L. LENT. L. F. C. PAPIRIG. F. MA-  
SO AED. CVR. Sella curulis, supra quam corona.

L. Lentulus Caudinus ex Quæstura ad Ædilitatem ascendit, anno <sup>551.</sup> in qua sacra publica P. Romani solemnia, in honorem Junonis Sospitæ, cum collega Papirio fecisse videntur: nam illa, ex *Livio*, cum Lanuvinis erant communia. Lanuvinis, inquit, civitas data, sacraque sua reddita, cum iis ut ædes, lucusque Sospitæ Junonis communis municipibus cum P. Romano esset templum. Romæ quidem illud erat in decima regione extructum, apud *P. Victorem*, & ejus festa mense Februario celebrabantur; erantque Lupercalia nominata, quod hac die mulieres à Lupercis, amiculo Junonis, id est, pelle caprina tectis, februabantur, seu purgabantur: qua de re Juno Sospita in denariis ita hac pelle amicta, in anteriore ejus parte exhibetur, & in altera curulis sella, ad denotanda ab Ædilibus

*Volum. I.*

R r 2

festa



féta hæc fuiſſe celebrata, depingitur. Supra autem ſellam curulem corona eſt, quæ illa die Junoni Soſpitæ ab iis offerebatur.

## XIX.

Caput Jovis barbatum & laureatum: in altero latere, P. LENTULVS L. F. CAUDINVS. Ovis in laurea.

P. Cornelius Lentulus Caudinus fuit filius minor L. Lentuli, qui primus Caudini agnomen tulit, & frater L. Lentuli, de quo in ſuperiore denario diximus. Is Quæſturam militarem accepit, anno <sup>507</sup>/<sub>8</sub> & nummus ejus argenteus, cum Jove ab una parte, & ove ex altera, Quæſtores in exercitu Sacra & Féta, ut Prætores in urbe curare indicabat; nam ovis cum Jove conjungitur, quod victima fit, quæ huic deo immolabatur. *Ovidius* id demonſtrat.

*Idibus alba Jovis grandior agna cadit.*

Omnes enim Idus Jovi ſacræ erant; & hæc dies, qua aries mactabatur pro feſto à militibus in caſtris habebatur: qua de re P. Lentulus Caudinus Jovem & arietem, ad denotandum munus ſuum, & celebratum à ſe feſtum ſignavit; niſi mavis in Prætura. Vide Treboniæ gentis nummum.

P. Caudinus poſt Quæſturam factus eſt Ædilis curulis, anno <sup>512</sup>/<sub>3</sub> Prætor, ut videtur, anno <sup>515</sup>/<sub>2</sub> conſul cum Licinio Varo, anno 517. & cum eodem Cenſor, anno 517. ſed Lentulus ob collegæ mortem abdicavit.

C E T H E G V S.

## XX.

Caput Jani bifrontis barbatum: in parte poſtica, C. CETHEG. L. F. in imo ROMA. Navis.

Lentulis Caudinis ſuccedunt hic Lentuli Cethegi, quos diverſus amiſtus à ceteris diſtinguebat; ideò *Horatius* eos appellat cinctutos, quod habitus ſeu toga ad cinctum reduſta fuerat. Exerto ſanè brachio conſtat procedere ſolitos: unde & illud *Lucani*.

*Exertique manus veſana Cethegi.*

C. Ce-

C. Cethegus in denario nominatus Lucii filius, Quæsturam militarem suscepit, anno <sup>548</sup>/<sub>9</sub> in qua per multos annos cum imperio mansit, donec in ea designatus Ædilis curulis Romam venit, anno <sup>554</sup>/<sub>5</sub> & Consul factus est, cum Q. Minucio Rufo, anno <sup>556</sup>/<sub>7</sub>

Consules diversis itineribus in Galliam profecti, Cethegus Insubres & Cenomanos ad Mincii fluminis ripas primo impetu prostravit; unde ei triumphus ob illam insignem victoriam decretus est, uti legitur in *Marmoribus Capitolinis*.

C. CORNELIVS L. F. M. N. CETHEGVS AN. DLVI.  
DLVII. Parry.  
COS. DE INSVBRIIVS CENOMANNEISQ. ....

At inter ea quæ ex hostium manubiis Cethegus in triumpho retulit, ducenta triginta septem millia quingenta æris ad ærarium delata sunt; ex quibus nummi sextantarii, cum Jano & Navi solitis eorum symbolis, à Quæstoribus cum nomine Cethegi sunt percussi.

## XXI.

Caput Jovis Capitolini barbatum in laurea: in averso latere Victoria, trophæo coronam porrigit, s. palmam gerit.

C. Cornelius Cethegus, quum, ut apud *Livium* legitur, etiam argenti bigari septuaginta novem millia in triumpho tulisset, postea ad ærarium pariter delata, Quæstores urbani in Cethegi honorem, ex eo denarios cum Jovis capite cuderunt, ut Cethegum huic lauream ex auro, quando triumphans ingressus est Capitolium, obtulisse denotarent; & ex altera denarii parte Victoriam trophæo coronantem addiderunt, in memoriam illius quod in loco pugnae crexerat. Cethegus post consulatum creatus est Censor, cum Sex. Ælio Pato, anno <sup>549</sup>/<sub>10</sub> & lustrum fecerunt XLVII.

## XXII.

Roma, cum galea in pilei Phrygii formam facta, EX S. C. In aversa parte, CETHEGVS. in imo, ROMA. Genius P. Romani nudus cum galea Phrygia, caprae decurrenti insidet, d. palmam in corona hederacea.

Paulisper in hoc Historiæ Romanæ ænigmate, denario Cethegi inserto, hæsimus; sed omnibus in eo contentis attentè observatis, exercitum P. Romani primum per Ægæum mare, sub Scipione consule, transitum denotare opinor. Roma in anteriore parte, non solita galea, sed in pilei Phrygii formam, est ornata, quasi jam, post Antiochum regem ad Thermopylas in Europa debellatum, Asiæ domina. Genius P. Romani, in altera parte, insidet capræ nudus, & eadem galea insignis. Per capram Ægæum mare, unde nomen à voce Αἴξ, Αἴγος, interpretor. Ei insidet Genius P. Romani, ut tunc ejus maris tempestuosi rector, nudus ut fessor, qui flumen equo trajicit, palmam gerit, galea Phrygia ornatus, tamquam Asiæ possessor; quæ omnia confirmat corona hederacea, Baccho tutelari ejus regionis deo sacra, ut ipsa in cistophoris, & Antonii Triumviri nummis expressa conspicitur.

Quùm vellet Senatus hanc expeditionem navalem, per mare ita tempestuosum, & contra potentissimum regem, & jam ex Europa profugum susceptam, posteris commendare; decrevit, ut ea, quæ in denariis publicis per Quæstorem urbanum ejus memoria aliquot symbolis consignaretur. Ille Cethegus, qui denarium cudit, satis erat notus, sed quùm ejus prænomen desit, & duo Publii Cethegi Quæstores occurrant patruales, anno <sup>563</sup> quo L. Scipio in Asiam trajecit, unde Asiatici nomen rerulit; an ad Publium Lucii filium Cethegum deinde consularem, an ad Publium Publii filium Cethegum postea Prætorium pertineat denarius, incertum est.

*Amicus* noster nihil aliud hunc typum quàm ludorum Liberatorum memoriam ab Ædili curuli Cethego denotare contendit; per Genium P. Romani insidentem capræ quæ Baccho, ex *Virgilio*, immolabatur. *Non aliam ob causam Baccho aper omnibus aris*

*Ceditur.*

Et corona ex hedera huic deo peculiaris: quæ sententia omninò non displicet.

### XXIII.

Caput Romæ galeatum CETHEGVS: in averſa parte, P. CORNELIVS. in imo, ROMA. Neptunus in quadrigis decurrentibus, d. tridentem.

Præ-



Prænomen Publii, in superiore denario prætermiffum, unum ad Publium Cethegum Quæstorem, an. <sup>573.</sup><sub>4</sub> illum referremus, anticipes nos reddidit. Sed quum hic nummus Publii cognomen exhibuit, ut ad consularem Cethegum revocemus, impellit Neptunus in quadrigis. Ille autem post Quæsturam Ædilis curulis, anno <sup>566.</sup><sub>7</sub> Prætor peregrinus, anno <sup>568.</sup><sub>9</sub> & consul cum M Babio Tampilo, <sup>672.</sup><sub>3</sub> ambobus exercitus in Ligures decretus est. Prorogatum est iis imperium, donec coss. advenissent, & Romam redeuntibus decretus est triumphus. Hi omnium primi nullo bello gesto triumpharunt, inquit *Livius*: tantum hostes ante currum ducti, quia nec quod ferretur, ducereturve captum, neque quod militibus daretur, quidquam in triumphis eorum erat: porro in denariis eorum, nempe in Babianis, ut retulimus, Jupiter in quadrigis, quasi alter mediterraneos Ligures, & Neptunus in Cornelianis, tamquam littorales alter profligasset, depingitur.

## XXIV.

Caput Deæ Nemeseos, M. CORN. C. F. C. N. CETHEGVS. In aversa parte, EX S. C. Aquila legionaria, inter duo signa militaria, in laurea.

Tam ampla Cethegorum stirps extitit, ut alios ab aliis non distingueremus, nisi se ipsi nominibus suis discernent. Hic igitur Marcus appellatur, filius Caii & alterius Caii nepos. Quæsturam militarem accepit, anno <sup>581.</sup><sub>2</sub> quo exortum est bellum Persicum, seu Macedonicum secundum; nempe contra Perseum regem, orbis terrarum ingente tot regum & sociorum motu. Igitur in tanti belli apparatus quatuor novæ legiones ex S. C. decretæ sunt consulibus. M. Cethegus ideo in denariis legionum signa in laurea, quasi jam essent illæ victrices, expressit, & anteriore denarii parte Nemefim, ἀπὸ τῆς ἐκδορῆς διὰ νεμεσίου, id est, à distributione quæ unicuique fit, dicta: nam hæc dea honorum promotrix non erat, sed facinorum & impiorum ultrix. Romani, quum iusta se semper movere bella profitebantur, profecturi ad bellum, inquit *Pomponius Letus*, Nemefi sacrificabant.

M. Cethegus ex Quæstura ad Ædilitatem curulem pervenit, an. <sup>582.</sup><sub>3</sub> deinde ad Præturam peregrinam, an. <sup>590.</sup><sub>1</sub> & tandem consulatum iniiit cum L. Anicio Gallo, anno <sup>593.</sup><sub>4</sub> Pontinæ paludes à M. Cornelio

Cethego, cui ea provincia obvenit, siccatae sunt, agerque ex iis factus; quum bellum non aliò consulem avocaret.

## XXV.

Caput Apollinis laureatum: ex averfa parte fella curulis, supra quam corona, M. CETHEGVS EX S. C.

Alter prodit M. Cethegus, sed M. filius, & C. nepos. Is Quaesturam peregrinam suscepit, anno <sup>640</sup><sub>1</sub> Aedilis curulis factus est, anno <sup>650</sup><sub>1</sub> Prætorque urbanus, anno <sup>632</sup><sub>4</sub> in quo magistratu ejus denarius illum Ludos Apollinares celebrasse indicat: nempe Apollinis caput, cui, bove aurato & capris duabus albis auratis, & Latonæ, bove femina aurata, in circo sacrificabatur. Ex altera fella curulis, nempe Prætoris insigne; corona verò supra sellam, illa est quæ Deo quotannis offerebatur. Nota ex s. c. impensas ex publico ad ludos faciendos fuisse sumptas demonstrat.

## XXVI.

AVGVSTVS C. V. I. CELSA. *Colonia Victrix Julia Celsa*. Caput Augusti in laurea, SEX. CETHGO. Q. POP. SECVNDINO II VIR. Bos.

Quum ampla admodum, ut suprâ diximus, Cethegorum fuerit familia in colonias; etiam sub Julio Cæsare, à qua fuit Celsa Hispaniæ Tarraconensis ad Bætum fluvium urbs, deducta, transmissos Roma eorum posteros, nos edocet hic nummus Augusti, quem etiam produximus ex cim. Cardinalis Maximi, in *nostro Coloniæ libro*, p. 42. sed ex qua stirpe Cethegorum fuerit ille Sextus, non facile est pronunciare; quum ex iis qui celebres Reipublicæ tempore, nullos cum hoc prænomine observaverimus. Ipsi autem Cethegi, ut habilis valentiusque telum vibrarent, substrictiores erant: unde *Horatius*.

*Cinctutis non exaudita Cethegis.*

## L E N T V L I.

## XXVII.

Caput barbatum, Q. S. C. *Quæstor Senatusconsulto*: in averfa parte Numen seminudum, sedens in curuli, d. cornucopiæ, f. sceptrum

sceptrum vel hastam transversam, Victoria per aërem volitans, ei coronam imponit. P. LENT. P. F. L. N.

Ad Lentulos Corneliae gentis pervenimus, quos ita nominatos *Sigonius* existimat, quod optimè lentem fereret. Is qui primus illud cognomen tulit: denarium autem cudit P. Lentulus, sed plurimi cum hoc prænومine in Historia Romana occurrunt, nullus tamen alter patrem habuit Publium & avum Lucium, præter illum, qui denarium in Quæstura percussit, ut littera Q. id est, Quæstor, indicat. Sed quùm varia esset Quæstura, nempe urbana & provincialis, nota s. c. nummum Romæ percussum ex Senatusconsulto denotat.

Caput illud barbarum variè depingitur: inter *Goltzianos*, pag. 174. fascia caput ejus cingit, quem sequutus est *Ursinus*, pag. 76. tab. 5. den. 4. Prior pro gemina epigraphe, addendo A. scripsit OSCA. Posterior verò Q. C. S. sed rectè *Patinus*, fol. 85. tab. 2. den. 6. veram ejus inscriptionem legit, Q. S. C. & ad vivum sine fascia delineavit, uti denarius in *Thesauro Regio* asservatur. Quis tamen ille Deus, qui etiam sedens conspicitur in Curuli, nam eadem in utroque latere effigies, ut nemo pronuntiat, diu hæsimus, cui illum adjudicarem. Non Jupiter Capitolinus est, quem fascia, vel laurea, aut fulmen denotaret, nec ipsi cornucopiæ daretur; nec est Hercules, quem clava aut leonis spoliū comitaretur; & tamen denarius Romæ cusus, deum à Romanis cultum arguit.

Tandem suspicati sumus, esse Genium Sanguem vel Sancum, Sabinorum deum, quem P. Cornelius Lentulus ad indicandum Corneliā gentem è Sabinis ortam fuisse, ut Cn. Lentulus postea Genium Populi Romani pro deo tutelari signavit. *Lactantius* eundem esse tradit Sanguem, qui Hercules; unde vultus illi admodum similis in anteriore denarii parte; & in averſa signum ejusdem videtur, sed sub forma Genii sedentis, nempe seminudus & pallio divinitatis ad inferiora tectus, superiora enim conspicua & aperta debent habere Numina, & partes inferiores velatas & obrectas, quia minus apparere, nec planè videri putabant à mundanis.

Genius depingitur cornucopiæ gerens, quia, teste *Varrone*, deus erat qui vim habere omnium rerum gignendarum credebatur, ideo cornucopiæ rerum omnium abundantiae symbolo sem-



per insignis est; sceptrum seu hastam gerit ut deus; sedet sit stabilis, & quidem in sella curuli, ut supra nobiliorem magistratum sedem; Victoria ei coronam porrigit, quia Sabinis fuerat semper propitius; unde apud eos Sanctus dicebatur, qui idem est: unde *Varro* ait, à Sabina lingua Sanctum nominari, & Herculem à Græca. Sangi Genii sacellum in urbis regione septima statuit *P. Victor*, in quo hoc dei simulacrum fuisse positum videtur. Huic Herculi Sancto aptè videtur à L. Cornelio posita *vetus Inscriptio*.

HERCVLI PACIFERO INVICTO SANCTO SACR.

VOTO SVSCEPTO L. CORNELIVS L. F. PAL.

TERENTIANVS ET LEMNIVS LIBERTVS FECERVNT.

Sed ad Magistratus quos gessit P. Cornelius Lentulus redeamus. Ex quæstura, anno <sup>531.</sup><sub>2</sub> ad Ædilitatem curulem venit, anno <sup>536.</sup><sub>7</sub> Prætor peregrinus factus est, anno <sup>539.</sup><sub>40</sub> Siciliamque fortitus obtinuit cum duabus legionibus, ex *Livio*, & prorogata illi provincia; cum Syphace Numidarum Rege contra Pœnos ivit, anno <sup>540.</sup><sub>1</sub> prorogato iterum Siciliæ imperio illam tenuit, an. <sup>541.</sup><sub>2</sub>.

## XXVIII.

Caput Romæ galeatum, pone quod ROMA. in averfa parte Senator in quadrigis triumphalibus, d. regit equos, f. lauri ramum, Victoria per aëra volitans, ei coronam porrigit, L. LENTVLVS L. F. L. N.

Is quantum à superiore patris & avi prænominibus distinctus sit, indicant sequentia ab eo diversa, licet ejusdem sint familiæ. Is Lucii F. & Lucii nepos in denario indigitatur. Et Quæsturam peregrinam accepit, an. <sup>535.</sup><sub>6</sub> Ædis curulis factus est, an. <sup>548.</sup><sub>9</sub> Proconsul in Hispaniam citeriorem missus, anno <sup>549.</sup><sub>50</sub> in qua per plures annos imperium ei prorogatum est. At quum Romam esset reversus, anno <sup>553.</sup><sub>4</sub> res à se fortiter gestas in senatu exposuit, & triumphum postulavit. Res quidem triumpho dignas esse censebat Senatus, sed non se accepisse à majoribus, ut, qui neque Dictator, neque Consul, neque Prætor res gessisset, decurreret tamen eò, ut ovans urbe intraret, ita *Livius*. Sed, ut major denario fides, triumphum egit: nam differt ovatio à triumpho, quod qui ovans ingreditur quadrigis non vectus est, ut fert dena-

denarius, sed pedibus & calceis, alii equo existimarunt. Lentulus anno sequente <sup>554</sup>; Consulatum iniit, cum P. Villio Tappulo, & Gallia Provincia ei obtigit.

XXIX.  
XXX.

Caput Jani bifrontis barbatum: in averſa parte, CN. LENTVL. Navis. In altero ſimili, in imo Navis, ROMA.

Cn. Lentulus, qui nummum cudit, videtur fuiſſe frater L. Lentuli, de quo ſuprà dictum: nam Lucii F. Lucii N. in *Fastis Capitolinis* perhibetur. Quæſturam militarem accepit, anno 642. ſub Tiberio Sempronio Graccho proconſule, cujus caput, ab Annibale amputatum, quum ejus inſidiis ad Calorem fluvium in agris Beneventanis exceptus fuiſſet, recepit, & in caſtris funeravit. In Quæſtura hos nummos unciales; alterum in caſtris pro exercitus uſu, alterum Romæ, ut erat proxima, percuffit. De unciali aſſe pro librali ſæpè dictum eſt.

XXXI.

Caput Jovis barbatum & laureatum: pone littera s. in altero latere, CN. LENT. Navis.

Ad eundem Cn. Lentulum ſpectat ſemiuncialis ille nummus cum littera s. antiqua aſſium libralium nota, libram ſemi indicante: nam, ut ſapiùs à nobis indicatum eſt, in hoc ſecundo bello Punico ab anno 635. renovato, urgente tunc Annibale, pro ſextantario ex uncii duabus conſtante, aſ factus eſt uncialis, & ſemī, id eſt, ex uncia dimidia parte, ſignata tamen littera s. ad designandum idem eſſe monetæ pretium, etiamſi materia eſſet imminuta. Jupiter Capitolinus pro Jano bifronte modo percuffus eſt, ſervato tamen Navis typo; ad indicandam à Saturno monetam pro æreo rudi eſſe repertam.

XXXII.

Caput Jovis barbatum & laureatum: in averſa parte, CN. LENT. Victoria, d. coronam porrigens trophæo, ſ. palmam.

Cn. Lentulus è Quæſtura militari ad Ædilitatem curulem, quam obtinuit cum fratre L. Lentulo anno, & eam pro abſente, quum eſſet in Hiſpania, geſſit. Prætor provincialis rexit Sardiniam, an-

no <sup>550</sup> cui prorogatum est imperium cum classe. Consul cum P. Ælio Pato creatus est, anno <sup>552</sup> Cornelius obtinuit classem, & in Africam transeundi potestatem, si pax cum Pœnis non fieret, quæ hoc anno sancita est. Postea Procos. Hispaniam citeriorem extra ordinem obtinuit. Anno <sup>554</sup> prorogatum est illi imperium, anno 555. quum autem rediisset Romam, anno <sup>557</sup> *Livius* inquit, iisdem diebus Cn. Cornelius Lentulus, qui ante Sempronium Tuditanum citeriorem Hispaniam obtinuerat cum s. c. urbem esset ingressus, tulit præ se auri & argenti copiam maximam: sed nihil de ejus gestis, quæ indicat quinarius cum Victoria trophæum coronante; nempe eum hostes debellasse, ubi illud erexit, qua de re illam ovationem obtinuit, uti referunt *Marmora Capitolina*.

CN. CORNELIVS L. F. L. N. LENTVLVS PROCOS. AN. <sup>DLVII.</sup>  
<sup>DLVIII. Varr.</sup>  
 OVANS EX HISPANIA CITERIORE.....

## XXXIII.

Caput Jovis barbatum & laureatum: in averſa parte, Aquila insiſtens fulmini, CN. LENTVL.

Forma rudis ejus denarii aurei nobis planè suadet, ut illum in Hispania citeriore à Cn. Cornelio Proc. signatum fuisse ex auro, quod Romam in ararium retulisse refert *Livius*, existimemus: præsertim, quum in eo vox Roma non observetur, manifestè eum foris, & in provinciis percussum esse denotans: sed audiamus *Livium*. Cn. Lentulus, inquit, præ se tulit Romam ingressus, auri mille & quingenta pondo quindecim. Ex ea autem tanta auri copia verisimile est aureos denarios confasse Cn. Lentulum, in quo Jupiter tamquam Romani imperii Numen, affabre quidem, ut apparet, expressum. Nemo nescit aquilam Jovis esse volucrem, ideo insiſtit fulmini.

## XXXIV.

Caput Martis galeatum: in averſa parte, Victoria in bigis, d. regit equos, s. lauream, CN. LENTVL.

Ut ab eodem Cn. Cornelio Lentulo denarium hunc argenteum cūsum opiner, tum Martis imago, pro solito Romæ capite, cum bigis in averſa parte denariorum Romanorum symbolo, tum ma-



magna argenti copia ex Hispania ab eo Romam allata impulit: nam *Livius* inquit; Lentulus tulit argenti viginti millia pondus, signati denarios triginta quatuor millia, & quingentos, quinquaginta. Mars autem credebatur Romuli pater, & sic urbis conditor & imperii parens, quem magna religione, vario ritu & pompa colebant Romani: nihil mirum igitur si Cn. Lentulus in denariis bigatis eum expresse-  
rit.

## XXXV.

Caput Genii Populi ROMANI. pone quod sceptrum, G. P. R. in averſa parte, CN. LENT. Q. id est Quæſtor, ex ſ. c. ſceptrum, cui corona ex lauro juncta eſt, globus & tenio.

Cn. Lentulus in denario nominatus, Quæſtor eſt appellatus, & quod illum ex ſ. c. percufferit, videtur fuiſſe haud dubiè urbanus, ut confirmat ſequens argenteus nummus cum eodem ex utraque parte typo. Inter autem Lentulos prænomine Cnei nulum alium reperimus, quàm eum qui miſſus anno <sup>703</sup> cum Q. Cretico & L. Flacco ad Gallia civitates, ex *Cicerone*, nullis adhuc populi magiſtratibus functus erat. Quæſturam urbanam ſuſcepit, anno <sup>704</sup> in qua ex una parte has litteras G. P. R. quæ explanantur *Genius Populi Romani*, cum ejus capite fascia cincto.

Genius dicebatur Naturæ deus apud Veteres, & qui omnium rerum gignendarum vim habebat; unde cujuſque rei dicebatur ſuus Genius: itaque P. Romanus ſuum veneratus eſt, & pro deo coluit, & ipſi templum extruxit, cujus meminit *Dio*, lib. 47. & 50. Sed in qua fuerit regione, non benè liquet. Apud *Virgilium* loci Genius, ponitur pro deo topico, & per Genium ſolebant jurare: unde *Horatius* Ep. 7. lib. 1.

*Quod te per Genium, dextramque, pioſque Penates  
Obſecro, & obteſtor.*

Genio tribuunt ſceptrum, quod illum præſidere faciant Veteres. De averſo illius typo in ſequente denario.

## XXXVI.

Caput ejuſdem Genii, LENT. CVR. X. FL. *Lentulus curator denariorum Flandorum*. Idem typus, EX ſ. c.

Cn Lentulus qui in superiore denario Quæstor dicitur, in hoc appellatur Curator denariorum flandorum; ad denotandum Quæstorem urbanum (qui ararii publici, ubi asservabatur pecunia, præfectus erat) cudendæ etiam monetæ curam habere: ita & pecuniæ in provinciis administratio, ut ejus signandæ potestas vulgò penes Quæstores provinciales erat; imò & apud Quæstores militares, sed jam ad typi explicationem accedamus.

Per sceptrum Potentia Romana intelligitur: nam sceptrum baculus est regni insigne, quo Reges majestatis gratia utebantur. Propriè autem Jovis sceptrum, ab eo ad reges, & principes, & magistratus. Globus adest, designans terram; ut temo mare, supra quæ imperium Romanum propagatur. Sed sceptrum cum corona laurea junctum est, ut potentiam suam per victorias esse stabilitam denotarent.

## XXXVII.

Caput Concordiæ velatum, AVGV. in averfa parte, CN. LENTVLVS. Trophæum, ad cujus imum hinc captivus lugens, & illinc alter manibus post terga revinctis.

Ut hunc denarium ad eundem Cn. Lentulum revocemus, ratio temporis suadet, & quod nullus ejus prænominis Lentulus trophæum ex tot victoriis crexerit; sed quum Cn. Lentulus, de quo in superioribus denariis egimus, fuerit Quæstor, anno <sup>703</sup>/<sub>4</sub> & bellum civile exortum sit, anno, <sup>704</sup>/<sub>5</sub> potuit esse Cæsaris legatus, & ejus victorias, ut in similibus Juliæ gentis denariis cum eodem typo visuntur, exhibere. Cæsarem verò cum Veneris, à qua originem se trahere gloriabatur, effigie signavit, Cn. Lentulus cum Concordiæ capite; quam semper optabat Cæsar, aut saltem fingeat. Cn. Lentulus in denario Augur appellatur.

Augur fuit Cn. Cornelius, teste *Suetonio in Caligula*, consulatumque gessit cum M. Licinio Crasso, anno <sup>740</sup>/<sub>1</sub> de quo *Tacitus, Ann. 4.* „Lentulo super consulatum & triumphalia de Getulis; ideo quidam illi tribuunt hunc denarium, sed filius illius potius videtur esse, nec hoc tempore nummi argentei, nisi cum effigie Augusti, signabantur, & post patrem Auguratum etiam obtinere potuit.

## XXXVIII.

## XXXVIII.

AVGVSTVS. Caput Augusti, L. LENTVLVS FLAMEN MARTIALIS. Jupiter stans nudus medio corpore, cum strophio, supra ejus caput astrum. Coronatur à Flamine Martiali, s. innixa clypeo, in quo C. VOT.

L. Cornélius Lentulus in hoc denario Flamen Martialis appellatus, fuit filius L. Lentuli Flaminis Martialis Pratoris, an. 692. cujus meminit *Cicero*, lib. 12. ep. 8. ad *Atticum*: sed videnda est luxuria cœnæ & diei apud *Macrobius*, lib. 2. *Saturn. cap. 9.* qua Flamen Martialis ille pater à C. Julio Cæsare Augure renunciatus est. Ante diem Nonum Kal. Sept. quo die Lentulus Flamen Martialis inauguratus est, domus ornata fuit, &c. Filius patri in sacerdotio successit: nam illud erat & patricium, & ex majoribus à Numa institutum, ut *Dionysius* & *Livius* tradunt, sed à Romulo, ut *Plutarchus*, quod Romuli urbis conditoris Mars pater creditus sit: ideò hic Flamen post Dialem secundus.

Typi verò nunc aggredienda venit explanatio. Narrat *Dio*, lib. 53. Phraatem Parthorum regem, anno 734<sup>+</sup> Augusto signa militaria sub Crasso & M. Antonio capta remisisse: quæ ille, quasi bello aliquo Parthum vicisset, accepit: quare sacrificia ejus rei causa & templum Martis Ultoris in Capitolio ad imitationem Jovis Feretrii, qua signa militaria suspenderentur, decerni jussit, ac deinde perfecit. Templo autem Martis postea confecto, in ejus rei memoriam cusus videtur à L. Lentulo nummus. Ut erat ille Flamen Martialis. Clypeum tenet votivum, quod Augustus templum vovisset, in eo cum signis militaribus appendendum, ut moris erat; quæ omnia nobis argentei nummi Augusti frequentes, in quibus clypeus votivus inter signa militaria visuntur, confirmant. Flamen autem Lentulus Jovem Victorem, signum ob id victoriæ tenentem, coronat, quasi Augustus, teste *Dione*, bello aliquo Parthum vicisset. Astrum, Jovis est supra ejus caput expressum. L. Lentulus Consulatum obtinuit cum M. Valerio Messalino.

## XXXIX.

OB CIVIS SERVATOS. Corona quercea inter duos lauri ramos:

ex



ex averſo latere CN. CORNELIVS LENTVLVS III VIR. AAA. F.F.  
in area ſ. C.

Lentulorum ſtirps etiãſi labente ſub Auguſto Republica, ad multos pervenit honores. Sed quũ denarii argentei & aurei eſſent à Cæſare percuſſi, & nummi arei, licet Senatus decreto cuderentur, tamen Imperatoris effigiem præferebant, ita ut familiarum Romanarum illuſtrium in nummis inter Monetarios non niſi reperiantur. Hic verò exhibet Cn. Cornelium Lentulum, quem nos docet *Dio*, lib. 54. Lucii filium fuiſſe, & Conſulatum geſſiſſe cum P. Lentulo Marcellino P. filio, anno <sup>735</sup> De corona civica Auguſto, quod cives ſervafſet, à Senatu decreta, & de lauris ejus domui appenſis, quod eſſet perpetuus hoſtium Viſtor, ſparſim diximus.

## XL.

OB CIVIS SERVATOS. Corona quercea inter duos lauri ramos :  
ex averſa parte, P. LENTVLVS CN. F. SCPIO. cica ambitum,  
ſ. C. in area.

Patri ſuccedit filius; Publius autem hic dicitur Cn. filius, & eadem quæ patris cognomina Lentulus & Scipio præfert. Triumvir<sup>monetalis</sup> Senatus nummum ex ære Senatui conceſſum, ut parens percuffit, & poſt alios magiſtratus Conſul tandem ſuffectus eſt, ut nos edocet *Onuphrius*, anno <sup>759</sup> hac *Inſcriptione* ab illo prolata.

IMP. CAESAR DIVI F. AVGVSTVS  
PONT. MAX. TRIB. POT. XXX.  
IMP. XV. COS. XIII. PATER PATR.  
P. LENTVLVS CN. SCPIO.  
T. QVIN CAIVS CRISPINVS VALERIANVS  
EX S. C. FACIVNDVM DECREVERVNT,  
EIDEMQVE PROBARVNT.

## XLI.

OB CIVIS SERVATOS. Corona ex quercu inter duos lauros : ex altera parte, P. CORNELIVS P.F.F. SCPIO. circa ambitum, ſ. C. in area.

Hic nummus, tertix formæ, P. Cornelium, qui illum cudit,  
ſuperioris

superioris filium fuisse, & pariter Senatus Triumvirum Monetalem, qui videtur fuisse ejus temporis primus ad Consulatam gradus; an ad illum P. Cornelius Lentulus Scipio pervenerit, desunt *Historiæ*.

## XLII.

Victoria medio corpore cum alis : ex altera parte, CN. LENTUL. CLODIAN. Bellerophon in Pegaso hastam vibraturus.

Lentulorum stirpi adjicitur alter Cn. Lentulus; sed ex Claudia gente in Corneliam adoptatus, & à quo, non inter se consentiunt recentiores. *Sigonius*, quem sequitur *Pighius*, à Cn. Lentulo, qui Consul fuit, anno <sup>656</sup><sub>7</sub> existimat. *Glandorpius* autem à Cn. Lentulo, qui prius consulatam gessit cum L. Mummius, anno <sup>607</sup><sub>8</sub>. Huic favere videntur denarii superstites : nam Cn. Lentulus Clodianus adoptionis memor, ut primum Quæsturam accepit, quidquid illustrius in Consulatam patris gestum, in denariis renovare voluit. Itaque Achaia in provinciam redacta monumentum per Corinthi urbis excisionem exhibuit, cujus Bellerophon, Pegaso insidens hastam vibraturus, insigne erat.

Ille Glauci Corinthi Regis filius, postquam illum bibentem ad Pirenem fontem cepisset, Chimara deinde occisa pro Heroe à Corinthiis suis habitus est, & inde Pegasus ejus urbis monetam vocare Pullum notat *Ful. Pollux*. Sed, inquit *Amicus*, Cn. Lentulus non Corinthum, imò ejus collega Mummius excidit. Dum verò ille in Italia ad suppetias pro exercitu Romano ministrandas distineretur, ut M. Aurelius Romæ, quàm Verus in Syria bellum inferret, ejusdem gloriæ particeps recensetur.

Interea si litem componere velimus inter illos, qui Cn. Lentulum Consulem cum L. Gellio Pöblicola, anno <sup>681</sup><sub>2</sub> adoptatum ex *Gellio*, de ipso Gellio consule loquente, contendunt, his verbis. At Cn. Lentulus Patriciæ gentis collega ejus, cui & cognomentum Clodiano fuit, incertum stolidior an vanior legem, de pecunia, quam Sylla emptoribus bonorum remisera, exigunda promulgavit. Dicemus hunc & Cn. Clodianum fuisse, sed superioris, & de quo agimus, filium, uti temporis ratio indicare videtur.

## XLIII.

Caput Ditis, pone quod uncus seu bidens, NERI. Q. VRB. in postica parte, L. LENT. C. MARC. Aquila legionaria inter duo signa militaria, in quorum dexteriore littera H. & in sinisterrima, littera P.

Ex adoptatis in Lentulorum stirpem, ad alios Lentulos, qui ad Lentulorum distinctionem cognomini aliud adjecerunt, transimus; inter quos Lucius ille Lentulus, ad quem spectant hi denarii & sequentes, primus extat; nam licet cognomen in illis non sit expressum, tamen apud *Historie Scriptores* appellatur Lentulus Crus seu Crusullus, quod crura haberet parva, & eo tantum cognomine ab aliis distinguitur. Illius denarii jam in Claudia gente prodierunt, cum utrumque nomen in iis expressum sit, imò & in Neria gente rursus proferentur, quum unicus sit ex ea denarius.

L. Lentulus Publii filius fuit, & Ædilis Curulis factus est, anno <sup>692</sup><sub>3</sub> cum L. Domitio Ahenobarbo, qui magnificentissimos ludos, ex *Plinio*, edidit; an communibus impensis, non ille refert. Deinde Præturam urbanam cum eodem Domitio gessit, anno <sup>695</sup><sub>6</sub> Peregrinam verò sortitus est, anno <sup>696</sup><sub>7</sub> & tandem Consulatum obtinuit cum Claudio Marcello, anno <sup>704</sup><sub>5</sub>; Neri tunc Quæstor urbanus, ut indicat denarii epigraphe in eo duorum Consulium nomina expressit, ut se eorum partes, quum esset exitum civile bellum contra Julium Cæsarem, amplecti denotaret. Et ut idè pro iis delectus militum per totam Italiam fieret, & arma undique imperarentur, in aversa parte legionum signa expressit. At quum legio ex Hastatis, Principibus, & legionariis constaret, in priore signo littera H. id est, *Hastati*, in altero P. id est, *Principes*, & Aquila legionariorum insigne, in medio satis nota, est apposita.

In anteriore parte Ditis, quem Græci Plutonem appellant, caput exhibuisse videtur, tamquam divitiarum dominum: nam *πλῆτος*, Græcè divitiæ dicuntur; ut Dis, idem sonat, ut impensas ad bellum planè necessarias penes Senatum Romani orbis arbitrum esse demonstraret.



## XLIV.

Caput muliebre, in medio trium femorum, cum tribus spicis inter illa adjectis: in altero latere, LENT. MARC. COS. Jupiter barbatus, stans, nudus, d. extensa fulmen, f. aquilam gerit: in area falx messoria.

Superior denarius L. Lentuli & C. Marcelli consulum nomina exhibens, Romæ saltem ab Urbano Quæstore percussus: sed hunc cum iisdem nominibus Consulum in Sicilia signatum denotat Triquetra ejus insulæ symbolum. Nam exortum quum esset hoc anno civile bellum à Julio Cæsare, & ipse plurimas in Italia urbes occupasset, dum Romam contendit, Consules ex ea aufugere coëgit, quos Brundisium usque prosequutus est, & postquam ex Italia profecti essent, Cæsar Brundisio capto in urbem reversus est.

Consules in Sicilia denarios ad usum exercitus signari curavisse, nos edocent tot nummi in ea cum illorum nominibus percussi. Imprimis hic denarius, in quo expressum est, ut quidam putant, Cereris caput, insulæ tutelaris deæ, cum tribus spicis; ad denotandam illius fertilitatem, ad quam respicit falx messoria ad eas secandas, in altera denarii parte expressa. Tria verò femora tria insulæ promontoria, Pelorum, Pachynum, atque Lilybæum notantia, ejus situm & prospectum demonstrant: unde Trinacria est appellata, & hoc insigni usæ est.

Jupiter ille barbatus videtur esse, qui Olympius Syracusis, ubi cusus est denarius, est appellatus, & cui templum ab Hierone II. Siciliæ Rege, extructum est magnificum. Fulmen Jovi contra Gigantes suos hostes, in Consulum gratiam exhibetur, quasi eo esset contra Cæsarem auxiliaturus; & aquila additur, quæ illi deo ministraret.

## XLV.

L. LENT. C. MARC. COS. Caput Jovis Hellanii: in averfa parte Jupiter, ut suprà, & pro falce adest ara, pone Jovem astrum, & in area littera Q. id est, Quæstor.

Idem Jupiter nudus stans cum iisdem Lentuli & Marcelli  
*Volum. I.* *Tr 2* *Con-*

Consulum nominibus non dubitare finit, hunc denarium Syraculis esse percussum; quod confirmat caput Jovis juvenis, quem Syracusani sub nomine Jovis Græcanici: ut ferunt eorum nummi ærei frequentes cum eodem capite, circa quod legitur, ΔΙΟΣ ΕΛΛΑΝΙΟΣ, cujus cultum ex Græcia Ætoli attulere, quum ex Delo insula in hanc transmigravere; cujus simulacrum erat in templo Jovis Capitolini, unum ex tribus in orbe terrarum in hoc genere pulcherrimè factum, quod *Cicero in 6. Verr.* refert à Præ-tore abtractum. Hunc Jovem *Cicero* vocat Οὐρανίον, qui idem forsitan est ac Οὐρανός, quem designare videtur astrum. Ara verò ante Jovem ea videtur esse deorum nuncupata, quæ juxta Jovis illius templum extructa fuit: unde è Syraculis navigaturi asportabant scyphum fictilem, ex quo mel, thus, & aromata in mare projiciebant pro secunda navigatione.

## XLVI.

Caput Jovis Olympii barbatum: in averfa, L. LENTULVS C. MARC. COS. Diana polymammia, verubus insiftens.

En duo præcipua Syracusarum numina, Jovis Olympii caput, & Diana polymammia cum L. Lentuli, & C. Marcelli consulum nominibus, ad arguendum denarium in sua civitate esse percussum. De Jove suprà dictum est, jam de Diana. Ætoli, quum ex insula Delo Syracusas essent profecti, à Dianæ, nomine Ortygiæ, sic ob insulam Delum vocatæ, Syracusas primùm Ortygiam appellarunt: sed eos sub polymammie habitu illam coluisse, uti Ephesii venerabantur, nos docet denarius; nam illi ex *Tacito, Ann. 3.* Latonam peperisse, apud lucum Ortygiam, urbi suæ proximum, Apollinem & Dianam contendebant, & sic sine Syracusanorum & Ephesiorum nummis, illos Dianam sub polymammie figura esse veneratos nesciremus.

L. Cornelio & M. Marcello extra ordinem ex Senatusconsulto decretæ sunt provinciæ, sed ob bellum non in eas profecti sunt: nam Lentulus adfuit pugnae Pharsalicæ, anno 70. & cum Pompeio ex ea aufugit.

SVRÆ.

## XLVII.

Caput Jovis Capitolini, P. LENT. SVRA. in averſa parte, Aquila inſiſtens fulmini, Q. HORTENSIUS AED. CVR.

P. Lentulus Sura in denario ſcriptus, P. Lentuli Suræ, ſub conſulatu Ciceronis, anno <sup>690.</sup> in carcere cum aliis conjuratis necati, filius fuiſſe videtur. Ædilis curulis perhibetur cum Q. Hortenſio, quem magiſtratum ſimul inierunt, anno <sup>708.</sup> Caput Jovis Capitolini, & aquila fulmini inſiſtens huic deo ſacra, illos Ædiles hoc anno ludos Capitolinos celebraſſe denotant. Hi autem in honorem Jovis Capitolini pro ſervato Capitolio ab hoſtibus Gallis Senonibus, ex Camilli Dictatoris ad Senatum relatione inſtituti ſunt, apud *Livium*. ſed ſæpe interrupti, hoc anno forſan à Julio Cæſare reſtituti. P. Lentulus Sura, poſt Ædilitatem Prætor factus, Siciliam ſortitus eſt, anno <sup>709.</sup><sub>10</sub>

*Plutarchus* Suræ cognomen ejus patri inditum narrat, quum ſub Sylla Dictatore Quæſtor urbanus publicam pecuniam dilapidafſet gnaviter, cujus rationem Syllæ jufſu reddere cogeretur: ita eum ait reſpondiſſe ridiculè: rationes non reddere, ſed Suram præbere poſſum, ut pueri ſolent, qui in ludo ſphæræ peccaſſent. Sed antiquius id Lentulorum cognomen apud *Livium*, lib. 22. reperitur ab anno <sup>536.</sup><sub>7</sub> quod ex *Cicerone* & ex *Aſconio* confirmatur.

## XLVIII.

LIBERTAS C. CASSI. IMP. Caput Libertatis: in averſa parte, LENTVLVS SPINT. Præfericulum & lituus.

In gente Caſſia hi duo denarii prodierunt, & nunc in Cornelia redeunt; ſi quidem Lentulus eſt Corneliæ familiæ cognomen, ut & Spinther pro Lentulis inter ſe dignoſcendis inditum; nempe ab hiſtrione, cui erat ſimillimus is, qui primus illud tulit, ut *Valerius Maximus* & *Plinius* referunt. Hujus autem cognominis duo Lentuli apud *Hiſtoriæ Scriptores* reperiuntur pater & filius; ſed ad patrem prænomine Publium pertinent denarii, qui Publii filius in *Faſtis* perhibetur. *Urſinus* verò ex nummis Lucii filium fuiſſe profert, ſed hos non vidimus. Ædilis curulis fuit, an-



no <sup>690.</sup><sub>1</sub> Prætor urbanus, anno <sup>693.</sup><sub>4</sub> in utroque munere ludos magnificentissimos edidit, & *Plinius* illum amphoras ex onyche, Chiorum magnitudine cadorum, primum ostendisse narrat. Prætor provincialis Hispaniam citeriorem sortitus est, anno <sup>694.</sup><sub>51</sub> & tandem Consulatum obtinuit cum Q. Cæcilio Metello nepote, anno <sup>696.</sup><sub>7</sub> Procos. Ciliciam & Cyprum, anno <sup>698.</sup><sub>9</sub> ubi res prosperè gessit, & in provincia remansit per tres annos, triumphumque egit de Cilicia, anno <sup>702.</sup><sub>3</sub> uti nos docent *Marmora Capitolina*.

P. CORNELIVS P.F. IIII. N. LENTVLVS SPINTHER. AN. DCCII.  
PROCOS. EX CILICIA.

Spinther in bello civili, inter Cæsarem & Pompeium exorto, Pu-teolos in villam suam abiit, & ab eo abstinuit: sed quùm Julius Cæsar à conjuratis fuisset occisus, quamvis facinoris conscius non esset, tamen cupiens videri gloriæ particeps, se cum aliis immiscuit, & extra ordinem Proquæstore & Propratore missus à Senatu in Asiam, ad vectigalia in potestatem redigenda, cogendas pecunias, & provinciam præfidiis firmandam, & omnia quæ potuit, Reipublicæ & Cassio tradidit, ejusque nomine, quùm Imperator est appellatus, denarios signavit.

## XLIX.

Eadem epigraphe, & Libertatis caput idem, sed velatum: Præfericulum & lituus etiam in averfa parte.

Conjurati in plerisque, quos signabant, denariis Libertatis caput exhibebant, ut se ad tyrannidem, à Julio Cæsare occupatam, delendam arma tantùm sumpsisse denotarent, quam pro tessera in vexillis posuerunt. Lentulus verò Spinther, ut sacerdotalem suam dignitatem ostenderet, præfericulum & lituum ejus insignia denariis suis expressit. Quod verò sacerdotium per Julium Cæsarem obtinuisse fatetur *Dio, lib. 1. de Bello Civili.* dum Cæsaris „ in se beneficia exponit, quæ erant maxima: quod per eum in „ Collegium Pontificum venerat, nam Cæsar erat Pontifex Maximus, & provinciam Hispaniam ex Prætura habuerat, quod in petitione Consulatus ab eo erat sublevatus. Cæsar autem se etiam P. Romanum in libertatem vindicare prætexerat: imò *Dio* refert, l. 44. post pugnam Pharalicam Romanos in illius gratiam publico de-

creto

creto Libertatis templum construxisse : itaque omnes pro libertate se decertare profitebantur.

## L.

BRUTVS. Seceſpita, capeduncula, & culter : in averſa parte, ſimpulum & lituus, LENTVLVS SPINT.

Nomen Bruti in hoc denario expreſſum, denotat Lentulum Spintherem non fuiſſe Caſſii Quæſtorem, nec legatum, ut *Plurimi* exiſtimant, ſed Proquæſtore & Proprætore Senatus in Aſia; & ſic pro Reipublicæ exercitus uſu, modò pro Bruto, modò pro Caſſio illius ducibus, quò ei Senatus decreto provincia fuerat prorogata, & ipſis Proconſulatus etiam prorogatus, denarios percuffit. In utroque latere ſacerdotii inſignia ſunt expreſſa. Alii Bruti ſacerdotium in priore, & in altero Lentuli Pontificatum denotare exiſtimant. Seceſpita, quam alii ſecurim æneam dicunt, eſt culter ferreus oblongus, manubrio eburneo, rotundo, vincto ad capulum, quo Pontifices ad ſacrificia utebantur, ſeceſpita autem à ſecando dicta. Capeduncula eſt urnula fictilis poculi genus, à capiendo appellata; quas Numa ad ſacrificia invenit, de quibus *Cicero in Paradoxiſ.* Minuſne gratas diis immortalibus, jure pontificio & more majorum, capedines, capedunculis quas Numa nobis reliquit. Culter erat ferreus, quo Sacerdos viſcera hoſtiæ rimabatur, & miniſtri eam jugulabant. Simpulum à ſumendo dictum, vas erat parvum, non diſſimile cyatho, quo vinum in ſacrificiis libabatur. Lituus erat baculus ſine nodo à ſummo inflexus in parte, & recurvus, quo cæli regiones deſcribebant & deſignabant Augures.

## LI.

AVGVSTVS DIVI F. Caput Auguſti : in averſa parte, LENTVLVS SPINT. Præfericulum & lituus.

Caput, & potius Auguſti nomen, hunc denarium ad Lentulum Spintherem Publii Conſularis & Triumphalis filium pertinere nos edocet. Cæſar enim Divi filius id nomen anno <sup>726</sup>/<sub>7</sub> tantum recepit, de quo *Dio, lib. 53.* Quò ſtatuſſent peculiari eum quodam cognomento inſignire, ac alii alia referrent ac probarent; Cæſar

„ Cæsar, quamvis Romuli nomen vehementer appetebat, tamen  
 „ quum sentiret hinc se suspectum affectati regni fieri, eo omisso,  
 „ Augustus, quasi hominis natura amplior ipse, cognominatus  
 est. Lentulus Spinther videtur ab Augusto Triumvir Monetalis  
 factus, licet dignitatem non scripserit, & denarios cum illius fa-  
 cie, uti moris tunc erat, signavit.

In altera parte præfericulum & lituum, ut pater, in iis exhi-  
 buit, ad denotandum se Publii sui parentis instar sacerdotium esse  
 consequutum, de quo audiendus est *Dio, lib. 39.* Lex quædam  
 „ apertè prohibebat, ne duo quidam ex una gente idem sacer-  
 „ dotium haberent. Spinther autem consul filium suum Corne-  
 „ lium Spintherem inter Pontifices referre cupiens, quum in  
 „ eum ordinem, jam antè Faustum Syllæ filium, qui ex gente  
 „ itidem Cornelia erat, adscriptum videret, suum filium in Man-  
 „ lii Torquati genus adoptandum dedit: eoque modo suis in ver-  
 „ bis servata lex, re tamen ipsa violata fuit. Sed nullum adoptio-  
 nis signum in ejus denario apparet. Præfericulum, ut lituus, sacer-  
 dotii insignia sunt; & licet Auguris præcipuum sit symbolum,  
 tamen in Pontificum nummis promiscuè exhibetur.

## BLASIONES.

## LII.

Caput Martis galeatum & imberbe, pone quod tripus parvus,  
 CN. BLASIO CN. F. in averfa parte Bacchus nudus cum strophio  
 supra brachium lævum, d. thyrsus inversus, s. ramum cinna-  
 momi, à dextris mulier thyrsus & stolam sustinet, à sinistris  
 Roma galeata, inter palmæ ramum & cornucopiæ, Baccho co-  
 ronam ex hederâ & corymbis porrigit, s. palmam, in imo ROMA.

Post Cornelios illustres Patricios ad minus claros, qui propter  
 paucos consulares viros, non ita nobiles sunt, licet patricii, di-  
 vertamur, & à Blasionibus inchoemus; quorum cognomen pri-  
 mus tulit, à lingua blæsa, ut auguratur *Sigonius de Nom. Rom.* Qui  
 verò denarium cudit, ille fuit Cneius Blasio, filius Cn. Blasionis  
 Consularis & Triumphalis. *Ursinus* illum signasse in patris sui me-  
 moriam, qui anno <sup>483</sup>/<sub>4</sub> de Sassinatibus Umbriæ populis trium-  
 phavit; & cujus victoriæ monumentum in altera denarii expref-  
 sum



sum est, refert: sed hæc parum certa esse videntur.

Primum quod figura in medio aliarum posita quæ coronatur à Roma, non ad Romanum virum, qui nec toga, vel militari habitu ornatus est, pertinere nequit; sed nuda est, & ad deum quemdam spectat. Quidam Jovem esse existimarunt, & ei hastam in dextra, & fulmen in sinistra collocant, ob tres velut cuspides quas ei sculptor expressit, pro quinque ramulis in unum desinentibus: nam si fulmen esset, pars inferior desideraretur, sed in denariis rectè conservatis ramus facile observatur, & quidem cinnamomi, cujus frutex, inquit *Dioscorides*, lib. 1. arido similis est, uti conspicitur; secundo quod Jupiter, quando nudus depingitur, non ei strophium supra brachium adjicitur: sed Bacchus est, hac fere semper zonula insignis, & totus denarius ad Liberalia spectat, de quibus ita *Cicero* inquit *ad Cornific. lib. 12.* Liberalibus litteras accepi tuas.

Liberalia erant Liberi festa eadem, quæ Agonia putant. *Varro* autem in *Saliorum libro*, quorum cognomen Agonensium, hunc diem Agonia nominari refert; quia fiebant sacrificia in monte, qui Agon dicebatur; unde mons Quirinalis dictus Agonalis est, & Salii in hoc monte sacrarium tenebant; & quum hic mons tres haberet colles, Salutarem, Martialem & Latiarem. Martialis verò dictus videtur, quod Salii essent Martis sacerdotes. Id confirmat *Mazurius*, lib. 2. *Fastor.* qui hunc diem à Pontificibus Agonium Martiale appellari scribit. Sed *Macrobius*, *Saturn. 1. cap. 19.* Martem ac Liberum unum eundemque esse deum narrat: unde Romani utrumque patris appellatione, venerantur, alterum Liberum patrem, alterum Marsipatrem, id est, Martem patrem cognominantes. Qua de re *Blasio* hinc Martis caput, cum tripode ob sacrificium illi factum, & inde Bacchum cum Liberaliorum festorum attributis, in hoc denario expressit.

Bacchus igitur in medio est; d. inversum tenet thyrsus, cujus mucro latior in imo facile conspicitur, s. cinnamomi aridi fruticem gerit, de quo *Ovidius*,

*Cinnama tu primus, captivæque thura dedisti.*

Baccho Roma galeata porrigit coronam hederaceam, cujus corymbi per totum ejus circuitum erumpentes perspicue conspiciuntur,

ciuntur, quæ corona huic deo peculiaris est, qua illi gratulatur in memoriam ejus, quam magistratus hac die festa ejus capiti imponebat. Stat illa inter palmæ rami, seu ob Martem, qui illi victorias impertitur; & inter cornucopiæ, seu ob Bacchum, qui illi abundantiam suppeditat. Adest à dextris Bacchi mulier stolata, quæ forsan Anum illam repræsentat, de qua sic narrat *Varro, lib. 5.*, Liberalia dicta, quod per totum oppidum eo, die sedent sacerdotes Liberi, hedera coronatæ anus cum libæis & foculo pro emptore sacrificantes; idè mulier illa etiam thyrsum gerit.

Festa illa Romana, feriæ erant publicæ, quas Prætores indicabant; eas autem singulis mensibus proclamabat unus ex iis, & hoc die à forensibus negotiis vacatio erat. Quæ Liberi festa indicasse Cn. Blasonem ut Prætorem urbanum demonstrant ejus denarii, in quorum memoriam plurima ad illa spectantia, ut exposuimus, in iis exprimere voluit.

## LIII.

Caput Jani bifrontis barbatum, ROMA. in averſa parte, CN. BLASIO CN. F. Victoria, ſ. palmam, d. coronam imponit trophæo.

Cn. Blasio Cn. filius, ubi primùm Quæſturam adeptus eſt urbanam, anno <sup>510.</sup> sextantarios ex duabus unciiis cudi curavit, in quibus ad memoriam victoriæ patris de Sassinatibus Umbriæ populis revocandam, victoriam trophæo coronam, ubi eam de iis retulit, imponentem expreſſit. *Columnæ Capitoliæ* ejus triumphum memorant.

CN. CORNELIVS L. F. CN. N. BLASIO. AN. <sup>CCCCXXCIII.</sup>  
COS. DE SASSINATIBVS... <sup>CCCCXXCIII. Varr.</sup>

Ex Urbana Quæſtura, Peregrinam ſortitus eſt Blasio, anno <sup>511.</sup> & ita Siciliam Proquæſtore rexit per tres annos. Ædiliſque factus eſt Curulis, anno <sup>516.</sup> Præturam Urbanam obtinuiſſe videtur, anno <sup>519.</sup>

## LIV.

## LIV.

Caput Jani bifrontis barbatum : in averſo latere, C. BLASIO.  
Navis cum nota 1.

C. Blaſio Cn. filius, aut ſuperioris filius, vel nepos fuit; & Quæſturam provincialem accepit, anno <sup>556</sup><sub>7</sub> in qua hunc aſſem, ad unciam bello Punico ſecundo redactum, ut ſparſim diximus, cum ſolito Jani bifrontis ex anteriore, & navis in poſtiori parte ſymbolo percuffit. In Quæſtura autem provinciali triennio remanſit, poſtquam Præturam accepit, anno <sup>559</sup><sub>60</sub> & Siciliam cum veteri exercitu ſortitus obtinuit, ex *Livio*.

## LV.

Caput Jani bifrontis barbatum : in averſa parte, P. BLAS. Navis cum nota 1.

Publius ille Cornelius Blaſio ex altera Blaſionum ſtirpe fuit; nam Lucii filius & Lucii nepos indigitatur; & Quæſturam provincialem ſuſcepit, anno <sup>578</sup><sub>9</sub> in qua hunc uncialem aſſem, cum ſolito Jani ex una parte, & navis ex altera, ſymbolo, ſignavit.

## LVI.

Caput Herculis, pelle leonina amiſtum : ex altera parte, P. BLAS. Navis, in imo ROMA.

Nummus iſte uncialis cum voce ROMA, ab eodem Publ. Blaſione Romæ cuſum fuiſſe arguit; eadem epigraphe Præturam urbanam, an. <sup>578</sup><sub>9</sub> illum obtinuiſſe nos edocet. Hoc tempore evenit, ut non ſolùm cum Jani capite, aut cum Jovis Capitolini effigie, ſed etiam cum Herculis, Quæſtores modo aſſes ſignarent ex uncia. Sed monetæ æreæ non ut argenteæ poſt bellum Punicum ſecundum : nam hæ ad ſolitum pretium, nempe denarii ex ſedecim aſſibus ad decem reverſi ſunt, & as factus libralis, ad ſextantarium pondus non rediit.

Quùm Carni & Hiſtri Japidumque legati Romani veniſſent, an. <sup>583</sup><sub>4</sub> de Caſſio Præconſule querentes, ex *Livio*, C. Lælius, P. Cornelius Blaſio, & T. Memmius hac de re inquirendi cauſa ſunt à Senatu



natu missi. Idem Quinquevir postea anno <sup>87</sup> qui de finibus inter Pisanos & Lucenses cognosceret, & statueret, à Senatu iterum missus est, *Livius, Dec. 5. lib. 5.*

## CINÆ.

## LVII.

Caput Jani bifrontis barbatum: in averſa parte, CINÆ. Navis. Cornelios Blafiones ſequuntur Cinna, à civitate Cinna, ut eſt apud *Plinium*, in Hiſpania, potiùs quàm ab altera ejus nominis in Theſſalia urbe, ut auguratur *Glandorpius*, dicti videntur: nam primis temporibus bella in illa provincia fuere à Romanis frequentiora quàm in Macedonia geſta. CINÆ in hoc denario ſcriptum eſt, qua ratione SISENA & SVLA, in hac Corneliorum gente, ut infra videbimus; quod *Urfinus* obſervavit ex *Quintiliano*, ſcilicet, quod ſemivocales non geminare uſitatiffimi moris fuerit.

Hic æreus nummus ex ſextantario, nempe unciarum duarum pondere, ad L. Cinna L. Cinna Conſulis patrem pertinere auguramur, qui eum in Quæſtura cum Jano bifronte, ex altera parte, navi, ſolito Romanorum aſſium ſymbolo percuffit: quum aſ libralis primo bello Punico quo ſignatus eſt ad ſextantarium eſſet reductus.

## LVIII.

Caput Jovis Capitolini laureatum cum nota s. ex altera parte, CINÆ, & eadem s. cum navi.

Ut L. Cinna ſuperiorem aſſem ex duabus unciis, ita ſemilibram percuffit uncialem cum nota s. ad ſemi aſſem arguendum. Hiſce autem primis temporibus Janus bifrons ſolitus erat moneta ærea ſymbolum, cum navi ex altera parte; quod Saturnus nave in Italiam advectus, ſignandæ pecuniæ modum docuerat, & qui in regni conſortium ob id à Jano adſcitus fuerat: ideo utriuſque caput in moneta percuffum eſt, & poſtea geminatum caput ſoli Jano adſcriptum; navis autem Saturno relicta eſt.

## LIX.

## LIX.

Caput Romæ galeatum cum quatuor globulis : in averſa parte Navis, in vertice CINA, in imo ROMA, ad latera quatuor etiam globuli.

Pondus hujus nummi ærei, eſſi non reſpondet unciis, pro quibus primis temporibus ſignatus erat, nummi tamen pretium denotat antiquum, quare ſuadet, ut ad Lucium Cinnæ ſuperioris filium illum adjudicemus. Imminuta illa moneta, nempe aſſe ex duabus unciis ad unam reducto, ſecundo bello Punico, Annibale urgente, quo percuffus videtur ille, Triens dicitur, de quo ait *Juvenalis Satyr.* 7.

*Non habet infelix, quem porrigat ore trientem.*

Temporum ſucceſſu multis modis variarunt nummorum ſuorum typos Romani, ex arbitrio nempe eorum qui pecuniam cudebant: nam pro Jano, Jovem ſubſtituerunt, & tandem, ut in denariis argenteis, Romæ caput ut plurimum ſignabant, ſic in minutis æreis exhibere cœperunt.

L. Cinna L. filius Quæſturam provincialem accepit, an. <sup>613</sup>/<sub>4</sub>. Ædilitatem Curulem, an. <sup>618</sup>/<sub>9</sub>. Præturam urbanam, an. <sup>621</sup>/<sub>2</sub>. Peregrinam, an. <sup>622</sup>/<sub>3</sub>. & tandem Conſulatum cum L. Caſſio Longino, an. <sup>626</sup>/<sub>7</sub>.

## LX.

Caput Jovis Capitolini ſub quo fulmen, in area EX S. C. in averſa parte, CINNA COS ITER. Conſul togatus ſtans, inter duas falces.

Denarius ad L. Cinnam ſuperioris filium & alterius, de quo antè, nepotem ſpectat. Is Quæſturam peregrinam aſſumpſit, an. <sup>623</sup>/<sub>4</sub>. Ædilis Curulis factus eſt, an. <sup>627</sup>/<sub>8</sub>. Præturam urbanam <sup>629</sup>/<sub>9</sub>. Peregrinam <sup>630</sup>/<sub>1</sub>, quæ prorogata illi eſt per biennium; licet Marianæ factionis dux, per Syllam populum placare cupientem factus eſt Conſul cum Cn. Octavio, an. <sup>636</sup>/<sub>7</sub>. ſed abdicare coactus: quare iratus Romam cepit, & innumeram civium ſtragem, & ſe cum Mario ſine Comitibus Conſulem fecit in annum ſequentem, anno <sup>637</sup>/<sub>8</sub>.

sed Mario Idibus Januar. defuncto, ei suffecit L. Valerium Flaccum. Et licet Consulatam repetere anno sequente, quo consul quis fuerat, illud ausus fuerat, ideo solus quasi urbis dominus in denario cum epigraphæ COS. ITER. depingitur, inter duas fasces, quum illi duodecim haberent, & sex tantum Pratores, ut & Proconsules.

Cinna Consulatam subsequenter, nempe tertium usurpavit, an. <sup>69.</sup> & Cn. Carbonem sibi collegam assumpsit, imò & quartum consulatam cum eodem Carbone se nominavit: sed quum in Asiam contra Syllam bellum gerere destinaret, Anconæ à suis est interfectus.

## LXI.

CAESARI AVGVSTO. Caput Augusti, ex altera parte, CN. CINNA MAGNVS III VIR. Cippus in quo, S. P. Q. R. IMP. CAES. QVOD V. M. S. EX EA. P. Q. IS AD. A. DE. id est. *Quod viæ munitæ sint ex ea pecunia, quam is ad ærarium detulit.*

Cn. Cornelius Lucii F. adhæsit Lepido, & post ejus mortem, quum fugisset ad Q. Sertorium Julii Cæsaris potentia cui cognatione junctus erat, nam hic ejus amitam duxerat uxorem Cinnae superioris filiam, per legem Plotiam eum patriæ restituit. Lucium superiorem habuit avum, & ex matre Pompeia, habuit etiam Pompeium Magnum pro avo, ex quo Magni nomen ei inditum est, post Cnei & Sexti patruorum nempe mortem.

Ab Augusto factus est Triumvir Monetalis, an. <sup>72.</sup> & quum ille vias vidisset extra urbem aliquamdiu neglectas, Flaminiam ipse procuravit, inquit Dio, lib. 53. Hic autem denarius ex ea pecunia, quam is in ærarium detulerat, illas restaurasse nos edocet: qua de re addit ipse Dio, statuæ Augusto in fornicibus tam in ponte Tiberino, quam Arimini positæ sunt; & nummus eas impensas in cippis forsitan milliaribus inscriptas, nobis denotat, & Cinna impressit, ut alter ejus anni Triumvir Monetalis L. Vinucius idem excudit, imò & triumphalem arcum ob vias munitas Augusto erectum in illo demonstrat.

Cinna tamen insidiarum Augusto postea paratarum præcipuus fuit autor, quas quum Augustus detexisset, & Liviae uxoris clementiam suadentis consilium sequutus, non modò omnes dimisit indemnes, sed Cinna Consule designato sibi amicum devinxit fidem,

&



& nullæ postea insidiæ illi sunt compositæ. Cinna itaque Consulatum cum L. Valerio Messala iniit, anno 757.

## DOLABELLÆ.

## LXII.

LIBERTAS. Caput Libertatis deæ: ex altera parte, L. DOLABELLA PROCOS. Libertas ipsa, d. elata pileum Libertatis tenens, s. equorum habenas, in quadrigis triumphalibus.

Ad Cornelios cognomine Dolabellas pervenimus. Dolabella verò diminutivum est Dolabræ instrumenti ferrei, quo lignum lavigatur. Inter denarios ejus familiæ nobis superstites antiquior occurrit, qui L. Dolabellæ prænomen habet alterius Lucii filius, & Lucii Duumviri navalis, an. 573. nepos. Ille Quæsturam provincialem suscepit anno 645. Ædilitatem curulem, anno 651. Præturam urbanam, an. 653. Militarem in Hispan. Ulter. an. 654. ex qua triumphavit, ut colligere est ex *Ful. Obsequente*, qui in Lusitania prof. „ perè à Romanis pugnatum, & in eadem provincia rebelles „ subactos fuisse, scribit. Ita verò reperitur in *Fragmentis Capitolinis*.

L. CORNELIVS L. F. L. N. DOLABELLA PROCOS. A. DCLV.  
DCLVI. Varr.  
EX HISPANIA ULTERIOR. DE LVSTITAN. V. KAL. FEBR.

Hic verò L. Cornelii Dolabellæ denarius cum triumphali curru equorum lento gressu gradientium, in ejus memoriam percussus est; sed quum rebelles vicisset, & eos in servitutem non rede-gisset, Libertatis caput ex una parte, & ex altera in triumphali denario, ut aliquando Jovem, cujus auxilio se victoriam retulisse profitebantur, & modò Neptunum, dum res in mari acta erat, aut populi quos debellarant, littorales erant, sic Libertatem ipsam pileum demonstrantem exhibuit, ut se rebelles non in servitutem rede-gisse, sed iis libertatem concessisse, palàm demonstraret.

## LXIII.

Caput Romæ galeatum, pone quod corona ex lauro, & in imo, ROMA: in postica parte togatus in quadrigis triumphalibus, d. habenas equorum, s. scipionem eburneum, CN. DOLABEL L. F. PR. COS. Cn.

Cn. Dolabella in denario Lucii filius appellatus, patrem habuit illum quem suprà de Lusitanis triumphasse diximus; & ubi mox Quæstor urbanus factus est, anno <sup>667</sup>/<sub>8</sub> iterum L. Lucii patris denarios triumphales percussit. At quia Libertatis caput, & ex altera Libertatem ipsam in quadrigis triumphalibus expressebat, ille Romæ imaginem ex una parte, & patrem Prætorium cum proconsulari imperio triumphantem in ipsis quadrigis cum scipionis eburneo Proconsulum insigni exhibuit.

Ex Quæstura urbana factus est Ædilis curulis anno <sup>669</sup>/<sub>70</sub>. Præturam verò urbanam obtinuit, anno <sup>672</sup>/<sub>3</sub>, qui jus Quinctio dixit, postulante Nævio ex *Cicer. Orat. pro Quinctio*. Provinciam fortitus Ciliciam obtinuit, anno <sup>674</sup>/<sub>5</sub>. P. Servilio successor & Verrem habuit Quæstorem. Redux è provincia, anno <sup>675</sup>/<sub>6</sub> repetundarum ab adolescente M. Æmilio Scauro accusatus, quum Achaiam, Asiam, Pamphyliam, omnesque quas attigerat provincias, plurimis oneribus impositis vexasset, condemnatus est, & in exilium missus.

## LXIV.

P. DOLABELLA. Caput ipsius Dolabellæ: in averfa parte, C. TREBON. L. SEST. P. F. Tripus, supra quem laurea, in corona ex lauro composita.

Publius ille Cornelius Dolabella Publii filius, Ciceronis gener fuit. Tulliola ejus filia vidua in uxorem ducta, & Julii Cæsaris partium ex Dalmatia ab Octavio & Scribonio Libone pulsus est, anno 704. Quæstor provincialis factus fuerat, anno <sup>701</sup>/<sub>2</sub>. Quum esset magno ære alieno obrutus, à patriciis transivit ad plebem, ut Tribunus plebis fieret, quo facto anno 706. legem de ære scindendo alieno tulit. Unde seditio Romæ excitata, ei Cæsar ignovit, & Consulem eum in locum suum designavit, an. <sup>709</sup>/<sub>10</sub> quum nec esset Prætorius, nec 25. annos attigisset, ut refert *Appianus*. Sed renitente M. Antonio, tunc Julii Cæsaris collega consulatum non obtinuit, nisi post hujus cædem. Et in fine anni Senatus Dolabellæ Syriam decrevit, C. Trebonio in hoc denario laudato, Asiam prorogavit.

Lentè in provinciam abiit, nam iter fecit per Macedoniam & Thraciam, dum res Romæ ob Cæsaris cædem turbabantur in dies, annoque fere circumacto in Asiam venit, in qua Trebo-

nius

nus Præturam finiebat. Ibi commoratus, ut de Senatusconsulto, teste *Dione*, lib. 47. ei annuntiatum est. Trebonius Dolabellæ benevolentiam ita testatus (forsan quod Senatus & non Cæsaris partibus studere fingeret) ut ejus militibus alimenta ultro daret, & cum eo citra omnem metum convictum haberet. Ad quam indicandam concordiam L. Sestius Quæstor Trebonii denarium cum effigie Dolabellæ ab una parte, & nomen C. Trebonii Proconsulis ab altera percussit. Et tripus videtur in eo cusus, quod simul sacra fecissent ad victoriam de hostibus obtinendam, ut denotare videtur laurea. Sed *Dio* Dolabellæ perfidiam ostendens, addit, Quam ad confidentiam, postquam Trebonius devenit, „ ac nulla sui ipsius custodia usus est, Smyrnam, ibi enim „ degebant, repente noctu Dolabella occupavit, Trebonium in- „ terfecit, ejusque caput ad Cæsaris statuum projecit. Omni ipse „ Asia deinde potitus est.

Hæc quum Romani in urbe audivissent, Dolabellam hostem judicaverunt, & Cassius in Syria eum post Apameæ obseffum ad seipsum interficiendum coëgit.

## L X V.

AVGVSTVS TRIBVNIC. POTEST. In corona quercea : in parte postica, P. CORNELIVS DOLABELLA III VIR. AAA. FF. circa ambitum, s. c. in area.

Patrem sequitur filius, si nostra conjectura verà est, pater mortuus est anno <sup>710</sup> : ut suprà diximus, ille verò factus Triumvir Monetalis Senatus, ad consulatum pervenit, anno <sup>742</sup><sub>3</sub> cum Junio Silano. In *Dionis* Indice appellatur P. F. quod nostram conjecturam auget, nam prioris filium id indicat certo fuisse. De corona quercea Augusto à Senatu decreta quotannis loquitur idem *Dio*, quam ideò Senatus Monetales quotannis cudebant in nummis.

## L X V I.

TI. CAE. DIVI AVG. F. AVGVST. COS. IIII. Caput Tiberii Imp. PERMISSV DOLABELLAE PROCOS.... Livia velata, sedens, d. pateram.

Hic Dolabella, cujus permissu urbs quædam vel potius Colonia in Africa, ubi erat Proconsul, videtur fuisse superioris fi-



lius, & ejus, qui se Apameæ occidit, nepos: ut temporis ratio id etiam confirmare videtur, sed non per eodem gradus sub Cæsaribus nempe per Quæsturam, Ædilitatem Curulem & Præturam, Romani ut stante Republica, ad consulatum perveniebant, sed illi ad eum, uti placebat, admovebant. *Vetus inscriptio* Jaderæ reperta apud *Sponium* nos docet eum Tiberii legatum Proprætore fuisse in Dalmatia, anno 772.

TI. CAESAR. DIVI. AVG. F.  
AVGVSTVS T. IMP. PONTIF. MAX.  
TRIB. POTEST. XX. COS. III.  
DESIGNAT. IIII LEG. XI.  
P. CORNELIO DOLABELLA.  
LEG. PROPR.

Junio Blæso deinde successor in Africæ provinciæ administratione ab eodem Tiberio datus est, an. <sup>675</sup><sub>7</sub> ut ex his *Taciti* verbis colligimus. „ Quia Cæsar post res à Blæso gestas, quasi jam „ nullis in Africa hostibus, reportari nonam legionem jusserat, „ nec Proconsul ejus anni P. Dolabella retinere ausus est.

Nummus nos docet colonias & municipia monetam non cudere posse, nisi ipsis facultas à Cæsare aut ipso Proconsule data sit, unde P. Dolabellæ permissu in eo legitur, ut in hoc tractu suprâ in gente Apronia jam observavimus. Figura sedens videtur esse Livia Tiberii mater in ejus nummo expressa, forsan ut narrat *Dio*, lib. 57. Quin etiam epistolis Tiberii, nomen matris „ aliquamdiu adscriptum fuit, litteræque ad Tiberium datæ, Liviæ etiam inscribebantur.

M E R V L Æ.

L X V I I.

Caput Fidei, EX S. C. ex averſa parte in imo, L. MERVLA  
L. P. circa ambitum, P. VILLIVS TI. F. TI. N. TAPPVLVS. Sella Curulis, supra quam corona erecta.

Cognomen Merulæ est gentis Cornelix, quod ab aliqua Merulæ avis occasione desumptum videtur. Hic verò Lucius & Lucii filius in denario, ut in *Fastis* perhibetur, & primus inter magistrat-

gistratus Romanos ex illa stirpe numeratus Quæsturam Provincialem accepit, an. <sup>546</sup><sub>7</sub> & postea Præturam urbanam obtinuit, in qua de obsidibus Pœnorum liberandis, & pluribus occupandis urbibus consilia per indices servos comperta, ad Senatum retulit. Mox ille ad conjurationem detegendam & opprimendam ex s. c. missus est; acceptisque quinque legatis abiit, & feliciter re detecta, de improvviso reos castigavit, & obsides arctiori custodia retinuit.

Senatus in timore ut & civitas, audita prospera L. Merulæ expeditione, sacra diis fecit, & in Prætoris honorem ex s. c. denarios cudi curavit; in quibus Sella curulis, Prætoris insigne, sub qua nomen Prætoris positum est, & in æternam rei memoriam circa ambitum Consulis nomen est inscriptum. Sed apud *Livium* Tappuli consulatus assignatur, anno <sup>554</sup><sub>7</sub> & Prætura illa Merulæ uno anno serius, <sup>556</sup><sub>6</sub> quàm eodem gestum id referant denarii. Corona supra Sellam Curulem videtur illa quam Prætor forsan voverat Fidei in anteriore parte depictæ. L. Merula Consulatum iniit cum.....

SISENNÆ.

## LXVIII.

Caput Romæ galeatum, pone quod SISENA. & antè ROMA: in averso latere Jupiter in quadrigis decurrentibus, d. fulmen, f. sceptrum & habenas: in vertice caput Solis radiati & Lunæ bicornis cum stella pone Jovem: in imo sub equorum pedibus, Triton d. navim, f. supra caput, cauda bifulca, CN. CORNEL. I. F.

Valdè erat utilis in Lentulis dignoscendis tot cognominum varietas. Quis enim Cn. Lentulum L. filium ab aliis distinxisset, nisi illi Sisenæ cognomen esset additum? Illo autem scimus Cn. Cornelium Sisenam provincialem Quæsturam accepisse; an. <sup>616</sup><sub>7</sub> Ædilitatem curulem, an. <sup>620</sup><sub>1</sub>. Præturam urbanam, anno <sup>623</sup><sub>4</sub> in qua denarium percussit cum symbolis solitis, nempe in anteriore parte caput Romæ galeatum, & ex averfa Jovem cum fulmine & sceptro in quadrigis currentibus: unde illi denarii vocabantur vulgò quadrigati.

At quùm esset in usu apud Romanos, præclaræ alicujus rei memoria magistratum quemque suum celebrare, atque eam in nummorum monumentis expressam, posteritati relinquere. Cn. Si-

Volum. I.

X x 2

fen-

senna per caput Apollinis radiatum, & Lunam bicornem cum stella, se ludos Apollinares ( qui erant, ut sæpius diximus, iis numinibus dicati ) in Prætura sua celebrasse decretare voluit. In parte verò inferiore expressit Tritonem bisulca cauda, in memoriam illius quem Romæ primus P. Romani oculis in ipsis ludis, nisi mavis in Ædilitate sua, exposuerat. *Pausanias, lib. 9. de altero*, sic loquitur. Vidi ego & alium Tritonem inter Romanorum, spectacula cetera: sed hoc, qui apud Tanagræos est, magnitudine certè inferiorem.

## LXIX.

MARCELLINVS. Caput Marcelli Consulis, pone quod Triquetra: in averfa parte, MARCELLVS COS. QVINQ. circa ambitum.

## LXX.

Eadem epigraphæ & IMP. CAES. TRAIAN. AVG. GER. DAC. P. P. REST. Templum quatuor columnarum, ad cujus gradus togatus utraque manu trophæum.

Jam in Claudia gente prodiit hic denarius obeffigiem Marcelli quinquies Consulis, à Marcellino restituta, cum è Claudia in Corneliâ gentem adoptatus, Marcellinus dictus sit. Sed quis ille fuerit, jam ibi declaravimus, nempe Claudii Æterni, bello sociali capti filium, in adoptionem P. Cornelio Suræ datum, & ita P. Suram Catilinæ conjurationis reum, adoptione fratrem, & C. Marcellum Æterninum Germanum habuisse, sicut ex *Cicerone in Bruto*, colligere est.

De illo pauca reperimus; ejus tantum Quæsturam notavimus, an. <sup>675</sup> in quo proavi sui effigiem nobis exhibuit cum Triquetra Siciliæ nota, in qua Insula plurima egregia belli & pacis facinora edidit, & quæ ad hoc tempus Marcellos colebat patronos. In averfa parte effigies ejusdem Marcelli Consulis quinquies, illum opima de Viridomaro Rege ab eo occiso spolia in Jovis Feretrii templum ferentem ad æternam rei memoriam exhibuit, quem denarium tum ob tam celebris Romani effigiem, quàm ob insigne factum, ut plurimos alios, restituit.



## LXXI.

Caput Herculis imberbe cum spoliis leonis supra dorsum , f. humero clavam, desuper clypeus, ROMA. in area littera K. in averſa parte ſuccincta & turrita, d. haſtam cum aliquo capitis ornamen- to, cui Genius ſeminudus cum pallio illi coronam porrigit; f. cornucopiæ, LENT. MAR. F. Ad latus littera K. in aliis G. in aliis D. in laurea.

## LXXII.

Caput idem Herculis; ſed pro ROMA in imo; legitur P. E. S. G. & ad latus littera X. in averſa idem typus & littera X.

Inſcriptio LENT. MAR. F. *Lentulus Marcellini filius*, hos dena- rios ad Cn. Lentulum Marcellinum Publii Marcellini, qui à P. Lentulo Sura Principe Senatus, cui ſuperiorem addiximus, filium ſpectare certò denotat. Sed quo pertineat Hercules *Urſino* obſcu- rum; nobis igitur inquirere liceat. Duo hic denarius diverſa Cn. Lentuli Marcellini geſta, ut ſæpe ſolent in iis exprimi, conti- net: primum caput Herculis, ſacra ejus ad aram maximam à Cn. Marcellino ex S. Conſulto eſſe celebrata denotat. Hæc olim à Potitiis & Pinariis edebantur, ſed, ut inquit *Dion. Halycarnaſ- ſeus*. Nunc tamen illorum poſteritas non habet curam horum „ factorum, ſed operantur eis ſervienti ærè publico, quod lit- „ teræ P. E. forſan innuere videntur publico ærè, ſic enim *Ma- „ nutius* hæc ex inſcriptionibus antiquis interpretatur. Huic Her- „ culi, cognominato Defenſori, templum erat in regione Urbis „ XIV. in quo milites honeſta miſſione miſſi, & gladiatores emeriti, „ arma clypeosque ſuspendebant: ideò clypeus ſupra caput Hercu- „ lis in denario eſt expreſſus.

Typus averſæ partis ad Proconſulatum Syriæ Lentuli Mar- cellini ſpectare videtur, de quo *Appianus in Syriac*. Scauro Se- „ natus Marcium Philippum ſucceſſorem miſit, & huic Lentu- „ lum Marcellinum, ambos Prætorios; qui quo biennio pro- „ vincia præfuerunt, conſtitati ſunt cum Arabibus ex vicino in- „ feſtantibus. At quùm illos plurimè victoriis Lentulus proſtigavit, „ Syria illi ſtatuam erexit, & Genius ei lauream porrigit: quod

confirmare videtur corona ex lauro denarium ambiente, quæ tantum victoribus conceditur; *Amicus* verò noster hanc statuat Cn. Marcellino Tyri Syriæ urbi primariæ positam auguratur: unde in anteriore parte Hercules Tyrius, qui imberbis semper exhibetur.

Cn. Marcellinus Ædilis fuit, an. 691. Prætor urbanus, 694. Peregrinus autem fortitus est Syriam, 695. Consulatum gessit cum L. Marcio Philippo, anno 697.

## LXXIII.

Caput Jovis laureatum & barbatum: in averso latere, P. LENT. P. F. CN. MARCELLIN. Figura togata & velata, d. imponit super collum Tauri mithrati, ad aram ignitam; eum subsequitur Camillus, vas tenens utraque manu.

P. Lentulus, dictus adoptione Marcellinus, duos habuit filios natu majorem Cn. Lentulum, ad quem superior denarius spectat, & alium natu minorem prænomine Publium Julii Cæsaris Quæstorem, anno <sup>704</sup>; *Comm. de Bello Civil. lib. 3.* Sed, ut hic habetur, quod valetudine minus commoda uteretur, non diu vixisse videtur. Hic verò reliquit filium, quem denarius Publii filium & Cnei nepotem appellat, qui per omnes gradus, quorum tempus ignoramus, ad Consulatum cum Cn. Cornelio L. filio per venit, anno <sup>735</sup> apud *Dionem, lib. 54.*

Denarius ad Consulatus suscipiendi morem totus est adscriptus. Ex anteriore parte Jovem Capitolinum exhibet, à quo designatus Consul, primo Januarii die, frequenti populo comitatus, in Capitolium ascendebat sacra facturus, ex altera parte juvencus iugis, id est, iugo numquam subditus, mithra, seu infula, ad sacrificium ornatus, prope aram ignitam, ubi immolari debebat, & ubi multa odorem facientia cremabantur. Adest Consul sacerdotis velo coopertus, namque mos ex Ænea inductus est, qui quum rem divinam interrompere nefas crederet, caput velamento obduxit; pone eum Camillus, nempe puer ingenuus, qui Flamini Diali ad sacrificia ministrabat. Unusquisque Consulum idem operabatur, de quibus *Ovidius,*

*Jamque novi præeunt fasces, nova purpura fulget,  
Et nova conspicuum pondera sentit ebur.  
Colla rudes operum præbent ferienda juvenci,  
Quos aluit campis herba Phalisca suis.*

SYLLÆ.

LXXIV.

Caput Romæ galeatum: in averſa parte, P. SYLLA. Bigæ cum Victoria, d. lauream, ſ. equorum habenas, in imo ROMA.

Ad Cornelios cognomine Syllas tandem pervenimus. Hi antequam Syllæ dicerentur, Ruffi ſeu Ruffini erant appellati; illud verò cognomen inditum P. Cornelio Rufo Decemviro, quod illo ſuadente, bello Punico ſecundo ludi Apollinares ex libris Sibyllinis primùm ſunt inſtituti, anno <sup>541.</sup> unde Sibylla dictus eſt, deinde corrupto nomine Sylla de principio cognovimus aliter. Alii ſcribunt, Raviliæ, inquiunt, à ravis oculis, quemadmodum à colore fuſco Sullæ.

Publius illè Sula qui denarium cudit, putat fuiſſe Syllæ Felicis Dictatoris fratris filium, quem *Dio, lib. 36.* Syllæ ἀδελφίδου appellat. Sed ut ipſe denarios, in quibus SYLLA unico L. ſcriptum eſt, ea ſcribendi ratione ex *Quintiliano* antiquiſſimos agnoſcit; ergo Dictatore Sylla vetuſtiores ſunt, in cujus nummis argenteis inſcribuntur LL. SVLLA; & ſic ad ejus avum ſpectatis, qui illum ſignavit in Quæſtura ſua provinciali, anno <sup>509.</sup><sub>70</sub> & erat ille filius P. Syllæ Decemviri.

Ex Quæſtura militari P. Sulla Ædilitatem Curulem adeptus eſt, anno <sup>555.</sup> Præturam Peregrinam ſortitus, Siciliam obtinuit, anno <sup>567.</sup><sub>8</sub>.

LXXV.

Caput Jani biſfrontis barbatum: in averſa parte, SYLLA, & Navis.

Sapiùs diximus, ex *Plinio*, Aſſem Romanum libralem æreum primo bello Punico redactum eſſe ad ſextantarium, id eſt, ad pondus duarum unciarum; hic verò nummus ejuſmodi ponderis eſt, & bellum ſecundum Punicum, anno <sup>535.</sup> inchoavit, quo, idem *Plinius* narrat urgente Annibale ſextantarios eſſe factos unciales; at P. Cornelius Decemvir Prætor eſt factus, anno <sup>541.</sup> & ſic Sullæ cognomen in hoc nummo ſextantario favet *Charifio* loquenti de P. Sulla apud *Prifcianum, lib. 1.* qui inquit, quod  
flavo



„ flavo & compro capillo fuerit, consimiles Syllæ sunt appel-  
 „ lati. Quod videtur confirmare, *Robertus Titius, locorum con-*  
 „ *troversorum, lib. 1. cap. 4.* Qui idem *Fasti* locum, *lib. 16.*  
 „ ad hunc modum legit. Raviliæ à ravis oculis, quemadmo-  
 „ dum à colore fusco Sullæ. Unde desumere possemus, hujus  
 nummi sextantarii autoritate freti, P. Cornelium Decemvirum jam  
 Sulam fuisse appellatum antequam Prætor fuisset, & hunc num-  
 num sextantarium in sua Quæstura signasse, an. <sup>493</sup><sub>4</sub> quàm jam  
 bellum primum Punicum inchoasset, anno <sup>489</sup><sub>90</sub>. Unde Sullæ co-  
 gnomen non à Sibylla videtur derivatum. De Jano & Navi spar-  
 sum dictum est.

## LXXVI.

L. SVLLA. Caput Veneris, ante quam stat Cupido, d. palmæ  
 ramum: in averſa parte, IMP. ITER. Duo trophæa, inter quæ  
 vas & lituus.

L. Sulla, Lucii Sullæ Prætoris Siciliæ filius fuit, & nepos P.  
 Sullæ Prætoris Urbani & Decemviri, de quo suprà diximus, &  
 in juventute potiùs libidine, vino, ludicris artibus & amore deten-  
 tus, quàm magistratuum Romanorum cupidus. Non enim nisi  
 an. ætatis suæ 39. Quæsturam militarem suscepit, anno <sup>646</sup><sub>7</sub> qua-  
 re Marius Consul molestè tulisse traditur, quod sibi asperrimum,  
 teste *Valerio Maximo*, in Africa bellum gerenti, tam delicatus  
 Quæstor sorte obvenisset. Illi tamen præcipua Cirtensis pugnæ  
 victoriæ gloria tribuitur apud *Sallustium* & *Plutarchum*. Prorogata  
 ei provincia Proquæstoris nomine <sup>647</sup><sub>8</sub> Bocchum Mauretaniæ regem  
 ad pacem petendam sollicitavit, & ad Jugurtham focerum sibi tra-  
 dendum compulit. Et anno <sup>648</sup><sub>9</sub> in componendis Africæ rebus in ea  
 remansit prorogato imperio. Legatus Proquæstore Marii fuit in  
 Gallia contra Cimbros, an. <sup>649</sup><sub>50</sub>. Postea à bello abstinuit & militares di-  
 gnitates & ordinarios magistratus petere ob Marium, privatus desiit.

Post decem annos ab initio Quæsturæ Præturam ambiit,  
 & in ea petenda repulsam passus est, quod Ædilitatem præ-  
 teriisset; sed promissis Populo ludis eam obtinuit, anno <sup>660</sup><sub>1</sub> in  
 qua magnificentissimos edidit. Peregrinam sortitus, ipsi evenit  
 Asia & Cilicia ad reducendum Ariobarzanem, ex s. c. adjuncta  
 est, anno <sup>661</sup><sub>2</sub>. Provincia fuit illi prorogata, anno 662. Consulatum  
 cum

cum Q. Pompeio Rufo gessit, anno <sup>665.</sup> Asiæ, & bellum contra Mithridatem gerendum habuit.

Sylla in Græciam profectus, primò ingenti prælio Archelaum, Regis Mithridatis ducem, ad Cheronæam profligavit, unde Imperator ab exercitu appellatus, trophæum eo loco, qui Thurium dicitur, erexit. Deinde contra Dorylaum, Mithridatis novum ducem Archelao conjunctum, ad Orchomenum oppidum, feliciter pugnavit ipsius exercitu planè deleto, castrisque exutis, eo loco alterum trophæum, Imperator iterum appellatus, posuit: unde duo in denario trophæa. Lituus verò & Vas ad ejus sacerdotium spectant, Augur enim videtur fuisse. Alii ad filium illa revocant. Caput Veneris, & ejus filius Cupido palmam gerens, tamquam numina tutelaria sunt expressa: nam ille præcipuo cultu Venerem colebat, ita ut teste *Plutarcho*, quando Græcis scribebat se ἐπαφροδίτου, id est, Veneri gratum, se appellaret, & uni ex trophæis Venerem inscripserit.

*Plutarchus* verò eum denarium à Lucullo percussum insinuat, in ejus vita; nam inquit, Lucullum Sylla comprehendit amicitia, ejusque opera maximisque in rebus perpetuò usus est, in quibus fuit monetæ negotium, si quidem bello Mithridatico magna pars in Peloponneso per eum signata est, à quo Lucullia est dicta, diuque duravit in bello ex usu militari citò permutata: Moneta in castris Proconsulis cudebatur, nec Romæ, ubi tot hostes habebat, in ejus honorem haud dubiè signabatur.

## LXXVII.

Caput Romæ galeatum, pone quod Victoria per aëra volitans coronam imponit: ex averſa parte in vertice ROM. in imo, SYLLA IMP. Roma galeata stans, dextram porrigit Syllæ paludato; pone quem prora navis, in qua temo & ancora inversa.

Sylla, debellatis Mithridatis ducibus, cum iis pacem pepigit, & colloquio in Asia (in quam ad id transiit) cum rege habito, illa confirmata est: itaque, rebus omnibus in Asia & Græcia compositis, Sylla in Italiam reversus Brundisium solvit, ubi quum triginta millia hominum exposuisset, missis ex Roma lega-



tis, qui de pace agerent. Roma dextram Syllæ ex navi exscenso, ut temo & ancora in navi inversa innuunt, porrigens in denario in pacis signum percussu exprimitur, quem Sylla, ut se ejus servatorem contra Consulem Carbonem, qui eam violavit, demonstraret, cudi curavit.

## LXXVIII.

L. BVCA. Caput Veneris: ex averfa parte litteræ incognitæ. Sulla, dormiens ad montis radices, Diana cum Luna bicorni in capite & velo circumdata, sedens supra nubes, ut videtur, Victoria stante & palmam, d. gestante.

Propter caput Veneris in parte anteriore, & nomen L. BVCA, sub Julio Cæsare Quatuorviro Monctali, hunc denarium Juliae genti adscripsit *Patinus*, partem adversam gentis originem à Venere indicare existimans. Ex interpretatione *Tristani*, tom. 1. illum Corneliae adscribimus, ob somnium Sullæ, cujus iconem exhibet. Eumdem *Fulvius* in Æmilia descripsit, ob nomen BVCA, cujus gentis ille est, sed de denarii interpretatione, ut de Sulla, ne verbum quidem.

*Plutarchus in vita Sullæ*, pag. 457. narrat, quum ille è Nola movisset, anno <sup>671</sup> exercitum quidem promptum videbat ad petendam Romam, sed fluctuabat animo secum, & timebat periculum, Posthumium verò aruspitem illi portendisse victoriam, & „ inquit, Dicitur etiam ipsi Sullæ in somniis se obtulisse dea, quam „ ex disciplina Cappadocum Romani colunt, sive ea Luna, si- „ ve Minerva, sive Bellona sit. Hæc Sullæ visa est assistere, & „ fulmen ei tradere, jussisseque, singulis nominatis inimicis ejus, ferire, illi icti concidere, atque è medio dilabi, quo ostento erectus & c. Sylla Romam contendens, ea potitus est cum victoria, in cujus memoriam L. Buca pater hunc denarium cudit, ut Quæstor.

*Asconius Pedianus in Comm. Orat. pro M. Scauro*, inter eos qui Æmilio Scauro reo adfuerunt, nominat M. Æmiliū Bucam his verbis: ab uno latere Scaurus ipse, & M. Glabrio sororis filius, & Paulus, & P. Lentulus, Lentuli Nigri Flaminis filius, & L. Æmilius Buca filius. Hic fuit Quatuorvir sub Julio Cæsare, cujus pater, sub Sylla Quæstor, denarium hunc signavit, qui accuratius nobis Syllæ somnium exponit. Nam Dianam, quæ eadem



dem est cum Luna, suo symbolo supra caput ornatam exhibet, & sic Minervam vel Bellonam excludit, Syllæ obdormienti Victoriæ, cujus erat dubius, palmæ ramum gerentem, tamquam assitricem ostendens.

Caput Veneris in anteriore denarii parte expressit, ut jam supra vidimus, quam ut Numen tutelare venerabatur Sylla, ex *Plutarcho*, quum se Epaphroditum appellaret. Litteræ in imo partis aversæ videntur incognitæ, quas *Cl. Morellius in Specim. tab. 24.* Punicas esse existimat, Dianæ apparitionem in Africa contigisse ratus. Nec Faustus Syllæ filius denarium percussit, quum ejus nomen in eo, ut in sequentibus, non habeatur, & L. Buca fuerit Quatuorvir post Faustum, Julii Cæsaris jussu occisum, anno <sup>707</sup> & Quatuorviri Monetales, cum aliis minoribus magistratibus, ab illo sint tantum instituti, anno <sup>708</sup><sub>9</sub>.

## LXXIX.

Caput Romæ galeatum, L. MANLI PROQ. in aversa parte Sylla togatus, in quadrigis triumphalibus, d. caduceum, sequorum habenas, Victoria, per aëra volitans, ei coronam adfert. L. SVLLA IMP.

Missis belli civilis rebus, ad denarii explicationem minimè pertinentibus, ad Syllæ in Urbe triumphum, quem denarius exhibet, transimus. Sylla autem Dictatura accepta, per biduum de Asia & Rege Mithridate triumphum egit magnificentissimum, de quo etiam *Marmora Capitolina* memorant.

L. CORNELIVS L. F. P. N. SVLLA FELIX DICT. A. <sup>DLEXIII.</sup>  
DE REGE MITHRIDATE EX ASIA PER BIDVVM IV. K. FEB. <sup>DLEXIII. Varr.</sup>

*Plutarchus* illum ita in *Syllæ vita* describit. Triumphus ejus „ magnificencia & raritate manubiarum regiarum grandis, majorem speciem & pulchrum spectaculum præbuit exulum causa: si quidem clarissimi viri & principes civitatis sequuti sunt coronati currum Syllæ, servatorem & parentem eum appellantes, quod illius beneficio essent in patriam reduces, liberosque & conjuges reciperent.

L. Manlius Torquatus, de quo in Manlia gente amplius, in *Volum. I.* Yy 2 ater-

æternam Syllæ Triumphæ memoriam ejus Proquæstore denarium hunc signavit, in quo curru triumphali vehitur. Caduceum Felicitatis symbolum, pro solito scipione eburneo triumphantium Consulum insigni, gerit, quod ipso teste *Plutarcho*, Felicis cognomen accepisset: „ nam, inquit, jussit hac de causâ nominari se Felicem. Victoria lauream ei porrigit, ad denotandas illas insignes quas de hostibus retulit, ut nomen Imperatoris quo insignitur, apertè confirmat.

## LXXX.

SVLLA COS. Caput Syllæ. RVFVS COS. EX altera parte, Q. POM. RVF. F. Caput Rufi.

Hunc denarium ob Syllæ caput quod nobis exhibet, hoc loco exposuimus, quùm ad gentem Pompeiam is pertineat, & Q. Pompeius Rufus, ejus filia natus, illum percusserit in Quæstura sua, ut Pompeium Rufum & Syllam avos suos in consulatu collegas exhiberet; mater enim Cornelia Syllæ filia Pompeium Rufi consulis filium pro marito à Sulpicianis militibus in patris consulatu occiso, habuerat: miror igitur *Ursinum*, in Cornelia gente Faustum dixisse hunc denarium signasse. Non enim apud Romanos caput suum in denariis exhibere licebat, & nulli ante Julium Cæsarem hic honos à Senatu decretus est: ideò Rufus filius his verbis, Q. POM. RVF. F. nomen adposuit.

## LXXXI.

SVLLA COS. in vertice, R. POMPEI RVF. in imo. Sella Curulis, inter lituum & lauream: ex averfa parte, RVFVS COS. in vertice, Q. POMPEI. Q. F. Sella Curulis, inter telum & laurum.

Hæc Curules Sellas in hoc denario expressas, *Ursinus*, alteram in hac Cornelia gente ad Syllæ Præturam, licet urbanam, non gesserit, tamen refert; alteram verò ad Rufi Consulis Præturam in Pompeia gente revocat; cui sententiæ adstipulari non possumus, etiamsi sagitta & laurea Apollinis insignia, Apollinares ludos in Prætura Rufum edidisse denotent. Sed quid tum? nonne in plurimis denariis Ædilitatis & Præturæ, imò & Consulatus, omnia

omnia simul symbola quotidie observamus, quum Romani gesta in iis sua illustria consignare sint soliti. Quid enim lituus in Syllanis, nisi ejus Auguratum, de quo in superioribus jam diximus, denotat? Quid laurea, nisi ejus victorias, ad Consulatum aut Præturam nihil spectantes, arguit? Ergo hic denarius ab eodem Q. Pompeio Rufo, Q. Pompeii Rufi Junioris filio percussus, ad revocandam avorum suorum in eodem Consulatu Collegarum memoriam, ut eorum capita in superiore exhibuit. Nam si eorum Præturam denotare voluisset, eos Prætores & non Consules nominasset, si quidem Prætura Consulatum præcedit, & oporteret illos Præturam eodem tempore, ut Consulatum, gessissent; quæ diversa admodum fuit, nam Sylla Peregrinam gessit, anno <sup>660.</sup><sub>1</sub> Rufus verò Urbanam, anno <sup>662.</sup><sub>3</sub>.

## LXXXII.

FAVSTVS. Caput Dianæ, cum Luna bicorni in fronte, pone lituus: in averfa parte, FELIX. Sulla sedens, inter Bocchum & Jugurtham reges, genuflexos; ille olivæ ramum dextra tenet, hic gemens manibus post terga revinctis.

P. Cornelius Sulla L. Cornelii F. à patre Faustus cognominatus, Quæsturam Urbanam sortitus est, an. <sup>699.</sup><sub>700</sub>. In ea aliquot parentis gesta in denariis suis renovare voluit. Hic quæ inter Bocchum Getulæ & Jugurtham Numidiæ reges evenerint, dum quæstor erat Marii in Africa. Ille à Sylla suscitatus pacem postulat à Romanis, & generum vinctum tradit. Ideò Sulla in sella sedet, ante quem Bocchus, imberbis ut Maurus, olivæ ramum dextra gerit, & Jugurtha pone, proluxa barba & chlamyde ornatus, genuflectit manibus post terga revinctis, ad triumphum servatus. De quo, inquit *Plutarchus*, duxit quidem hac de re Marius, sed facti „ gloria, quam Marii invidia Syllæ attribuit, momordit in oc- „ culto Marium nonnihil, quod facti hujus sculptam in annulo „ imaginem gestaret, quam etiam perpetuò deinceps signavit. Ex- „ primebatur sculptura Bocchus tradens, & Sylla accipiens Ju- „ gurtham, cui alludit hic denarius.

Dianæ caput expressum est, in gratiam patris à Fausto, quod illa fuisset ejus tutelaris dea, ob ejus somnium, de quo supra diximus. Lituus pone Dianæ imaginem, ad Auguratum Fausti



spectat, de quo nobis est testis *Dio, lib. 39*. Spinther, inquit,  
 „ Consul filium suum Cornelium Spintherem inter Pontifices  
 „ referre cupiens, quum in eum ordinem, jam antè Faustum  
 „ Syllæ filium, qui ex gente itidem Cornelia erat, adscriptum vide-  
 „ ret, suum filium in Manlii Tarquati genus adoptandum dedit.  
 Id à Spinthere actum est, an.<sup>697</sup> & jam ante Quæsturam Fau-  
 stus id sacerdotium obtinebat.

*Felix* cognomen ad L. Cornelium Syllam, ut *Faustus* ad Pu-  
 blium ejus filium spectat.

## LXXXIII.

**FELIX.** Caput imberbe diadematum & chlamyde ornatum : in  
 averſa parte, **FAVSTVS.** Diana, cum crescente Luna supra fron-  
 tem in bigis, dextra coronam, cum duabus stellis in vertice, &  
 totidem infra.

Duo in hoc denario, ab eodem Fausto Syllæ F. signato, inquiren-  
 da occurrunt : nempe quæ est illius in anteriore expressa facies; &  
 alterum, an Bocchus fuerit gener aut socer Jugurthæ. De prio-  
 „ re *Fulvius*, in nummi explicatione, Denarius, inquit, nihil ha-  
 „ bet notatu magnopere dignum, nisi quod in eo Fausti Sullæ  
 filii imago expressa est. Hanc *Fulvii* sententiam sequutus est *Jo.*  
*Faber*, ejus commentator; & quum sciret Romano diadema non  
 convenire, de Fausto hæc profert, Diadema denique in capite ejus-  
 „ dem, ad illud alludit, quod *Plutarchus* scribit, Caium scilicet Mi-  
 thridatis collactaneum, cidarim insignis & artificii & pretii Fausto  
 dedisse. *Sequimus in Ep. ad Gottofredi*, vultum Regis cum *Gerar-  
 tio* agnoscit, & Jugurthæ illum adscribit, in quorum partes de-  
 „ scendit *Patinus* his verbis, Placet aliis & merito, non Fausti  
 „ faciem hic exprimi, sed Jugurthæ : superior denarius illam  
 haud dubiè Boccho adjudicat, qui imberbis, ut in hoc depingi-  
 tur, & Jugurtha cum proluxa barba; adde quod Bocchus ut Syl-  
 læ amicus, à quo hic plurima dona receperat, & præsertim cen-  
 tum leonum jubatorum, ad ludos in Prætura edendos, habuisset :  
 Jugurtha autem in triumpho ductus fuerat.

Nobis superest demonstrare, an Bocchus gener aut socer Ju-  
 gurthæ fuerit, *Plutarchus* quidem in Mario inquit, Βόχχης ὁ τῶν  
 ἀνω Βασιλέων βασιλεὺς τῷ πενδερός Ἰγυρθῶ, vox πενδερός est socer, sed  
 tam-

tamquam fuisset eo loco γαμβρός. *Xilander* vertit, Rex Mauritaniae Bocchus gener erat Jugurthæ: nam idem, *Plutarchus* in *Sylla* ait. ὁ δὲ Βοκχὸς ἐτύγχανε μὲν ἔτι γε πάλαι γαμβρόν ὄντα μισῶν, καὶ φοβούμενον τὸν Ἰνγούρθαν, quæ ita *Xilander* exponit. Bocchus autem jam pridem socerum perosus erat, & timebat Jugurtham. Πενθερός & Γαμβρός, ex *Plutarcho* videntur opponi; vetantur, inquit, Romani, παρὰ γαμβρῶ καὶ παρὰ πενθερῶ δῶρα λαβεῖν. Sed rem dirimit, *Sallustius de bello Jugurthino*, his verbis: Etiam antea Jugurthæ filia Boccho nupserat: quod penitus confirmat facies Bocchi in utroque denario, lanugine tantum decorata, & Jugurthæ imago cum barba proluxa.

Diana in bigis, ut tutelarix Sullæ dea exhibetur à filio Fausto, cujus etiam Numen venerari videbatur.

## LXXXIV.

s. c. Caput Veneris Victricis, laurea coronatæ: ex averfa parte, FAVS. in monogrammate: & tria trophæa, inter præfericulum à dextris, & lituum à sinistris.

Ut in Sullæ patris memoriam superiores denarios percussit Faustus, ita duos sequentes in honorem soceri Pompeii M. signavit, Pompeiam enim ejus filiam duxerat uxorem, ut narrat *Plutarchus in Pompeio*, Syllam & vivum perpetuò coluit, & defuncti funeravit, represso Lepido, corpus, filioque ejus Fausto filiam suam nuptum dedit. Ex una parte Venerem Victricem, cujus ædem in theatro Pompeius extruxerat, ut testatur *Porphyrus*; & de quo etiam ipse *Plutarchus, ibid.* Nocte, inquit, visum Pompeio est in somnis theatrum ingresso sibi populum plaudere, templumque se Veneris Victricis multis spoliis exornare. Coronatur ex lauro Venus, quia laurea ipsa victoribus conceditur; ipsi verò sceptrum pone caput adjicitur, quod per victorias sceptrum, id est, regna acquirantur: nam sceptrum regum est insignis.

Ex altera parte adsunt tria trophæa quæ in annulo signata gerebat, ob tres orbis partes à se devictas, & in quibus unum se erexisse, nempe in Africa, Rege Iarba devicto & capto, jactabat, alterum in Europa, tertium verò in Asia. Quamobrem *Cicero pro Sextio* sic ait. Quum vir is, qui tripartitas orbis terrarum

rum

rum oras, atque regiones tribus triumphis adjunctas huic imperio  
 „ notavit. *Dio lib. 42.* hujus annuli mentionem facit. Ne mor-  
 „ tem quidem Pompeii crediderunt antè, quam missum Romam  
 „ annulum ejus, in quo tria erant trophæa insculpta; quod  
 „ Sulla quoque usurpaverat, viderent. At ob illa quæ ad Syl-  
 lam verba spectant, delusus *Ursinus*, hunc denarium ad eum per-  
 tinere existimavit; sed ad exhibenda in superioribus ipsius gesta,  
 non opus fuit Senatusconsulto, quia mortuus erat; quum autem  
 Faustus Pompeii focii adhuc viventis facta in denariis consigna-  
 re vellet, Senatusconsulto indiguit, ut nota s. c. testis est locu-  
 ples. Vas & lituus ad sacerdotium Auguris, quo ornatus erat  
 Faustus; quæ solita sunt illius insignia, ut videre est in frequen-  
 tibus Antonii Triumviri & Auguris denariis.

## LXXXV.

FAVS. In monogrammate & s. c. Caput imberbe, pelle leo-  
 nis amictum: in averfa quatuor coronæ, in quarum medio glo-  
 bus, infrà verò hinc acrostolium, inde spica.

Hic denarius non in patris Syllæ memoriam à Fausto signatus  
 est, nec quatuor coronæ indicant quatuor illius triumphos ex  
 Græcia, Asia, Ponto, & Rege Mithridate, ut existimant; nam  
 per biduum tantum triumphavit Sylla, sed ad insignes quatuor Pom-  
 peii victorias spectant, quas indicare voluit ejus gener, nempe  
 ex Africa, Europa, & Asia per terram, & alteram ex Piratis per  
 mare; unde terræ globus ab iis coronis circumdatus, qui tot  
 triumphos denotare videtur, nempe Africanum, & tres alios, ut  
 ferunt *Marmora Capitolina*.

CN. POMPEIVS CN. F. SEX. N. MAGNVS. III. PROCOS. A. DCXCII.  
DCXCIII. Varr.  
 EX ASIA. PONTO. CRETA. CILICIA. PAPHLAGONIA. CAPPADOC.  
 SVRIA. Ibereis. Judæis. Albaneis. ARMENIA. PIRATEIS.  
 & regibus MITHRIDATE ET TIGRANE. III. & pridie K. Octob.

Cui adstipulatur *Plinius, lib. 37. cap. 2.* Ergo tertio triumpho,  
 quem de Piratis, Asia, Ponto, gentibus & regibus earum pro-  
 vinciarum M. Pisone, M. Messala cons. pridie Kal. Octob. die  
 natalis sui egit.

Acro,



Acrostolium imperium maris ei decretum indicat contra Piratas, lege Gabinia, ut refert *Plutarchus*, Dabat, inquit, imperium ea lex omnis intra columnas Herculis maris, continentis, totius ad quinquaginta à mari millia passuum. Hoc spatium, Romani orbis plagæ sanè quàm paucae excludebant. Per legem Frumentariam, in Pompeii gratiam latam, qua inquit *Plutarchus*, mox placavit Pompeio denatum Cicero, defendensque legem Frumentariam, denuò Imperii Romani terra marique dedit Pompeio quodammodò arbitrium. Ut tot elogia Pompeio viventi socero in denariis daret, non eos sine Senatus consulto cudere potuisset. Faustus, quod eum obtinuisse nos docet, ejus nota s. c. in illo ex parte anteriore expressa.

Caput pelle leonina amictum, vel Herculem, vel Alexandrum, exhibet. Hercules autem vulgò apud Romanos barbatus pingebatur, & eum cum Pompeio convenire non reperimus, ideo Alexandrum esse, quem illi comparat Faustus, qui ferè totum ejus ætate terrarum orbem subegerat, & qui facie non illi absimilis omninò videbatur. Si *Plutarcho* fides, in *ejus vita*. Jam, inquit, modicè surrecta coma, oculorumque lenis modulatio, reddebat faciei ejus usurpatam magis sermonibus, quàm representatam cum Alexandri statuis similitudinem, ob quam nomen etiam multis ei Alexandri in principio tribuentibus, non defugit id Pompeius, de quo alibi. Ætate tunc erat (ut illi volunt qui in omnibus cum Alexandro illum contendunt & conferunt) quatuor & triginta annis minor, reverà attingebat quadragesimum.

## LXXXVI.

FAVSTVS. Caput Dianæ crescente Luna ornatum: in averfa parte, LENT. MAR. COS. Jupiter nudus stans barbatus, d. extensa fulmen, l. aquilam.

Jam prodiit Jovis ille typus in nummis L. Cornelii Lentuli, qui cum Claudio Marcello fuit Consul, anno <sup>704</sup> quo cœptum est bellum civile inter Cæsarem & Pompeium, & Consules ipsi Roma exierunt, & in Græciam fugerunt Dyrrhachium. Plurimos tunc sub eorum nominibus denarios Syracusis Siciliæ, ut peculiare ad hanc urbem spectantes typi demonstrant. Denarios

Volum. I.

Zz

fuisse

fuisse ad usum exercitus Pompeii percussos suspicati sumus, seu quod Marcelli essent in urbe patroni, seu quod Cato ejus partis Insulam tunc Proprætore teneret, antequam à Curione ex ea ejectus fuisset.

Diana bicorni Luna insignis tutelariorum erat Syracusarum dea, quam Ætoli ex Ortygia profecti mortalium primi, qui partem Peninsulæ incoluerunt, Ortygiam vocarunt, vel ab ipsorum patria, vel à Diana, quæ & ipsa *Ortygia* ab una Cycladum cognominabatur. Dianæ namque hanc Peninsulam antiquitas consecravisset; deinde incolæ ædem ei fecerunt, atque adeò urbs Dianæ sacra fuit, auctaque postea civitate templum Jovi extructum est ab Hierone II. Sed quare Faustus denarium cuderit? an potestas cudendæ monetæ ipsi à focero, cujus erat legatus Proquæstore, concessa fuit, ut Lucullo à Sylla in Peloponneso datam suprà diximus?

De Fausto post Quæsturam an. 5. in Senatu relatum, ut Proprætore in Mauretiam mitteretur, *Comm. 1. de Bello Civil.* Sed id impedit Philippus Tribunus plebis, anno <sup>704</sup><sub>5</sub> legatus Proquæstore factus à Pompeio Cn. Domitium Calvinum, Cæsaris partium, è Macedonia expulit, apud *Dionem, lib. 41.* Post Pharsalicam pugnam se Catoni adjungit in Peloponneso, Q. Caleno exercitum adversus eos ducente, naves solverunt, Cyrenemque delati sunt; ubi de morte Pompeii certiores facti sunt, anno <sup>705</sup><sub>7</sub> ex *Dione, lib. 42.* Post Scipionem in Africa à Cæsare debellatum, Faustus qui cum Afranio tendebat in Hispaniam, vivus capitur, & paucis post diebus Cæsaris jussu occiditur; Pompeiæ ejus uxori & liberis, nempe filio & filiæ, incolumitatem suæque omnia concessit, an. <sup>707</sup><sub>8</sub> *Hirt. de bel. Afric.*

## LXXXVII.

IMP. CAESAR DIVI F. AVGVSTVS COS. XII. P. P. Caput Augusti laureatum: ex averfa parte, L. CORNELIVS SVLLA III VIR. A. A. A. F. F. Circa ambitum s. C. in area.

Quis fuerit ille L. Cornelius Sulla? nobis videtur fuisse filius L. Sullæ, qui Consulatum gessit cum Augusto XII. an. <sup>748</sup><sub>9</sub> ut ferunt *Tabulæ Græcæ & Marianus*. Hic verò erat apud *Glandorpium* P. Sullæ filius Ser. Sullæ Nepos, propinquus Sullæ Dictatoris, & si *Diomi* fides, *ἀδελφιδεύς*. Ille verò factus est Triumvir Monetalis Senatus, ut hic areus

æreus *Goltzii* nummus nos edocet, & *Fasti* ad Consulatum sub Tiberio cum Galba pervenisse, an. <sup>785</sup>/<sub>6</sub>.

## BALBI.

## LXXXVIII.

C. CAESAR III. VIR. R. P. C. Caput Cæsaris: in averſa parte, BALBUS PROPR. Clava Herculis.

Explanatis Corneliorum Patriciorum nummis ad aliam Plebeiam hujus nominis Familiam, etſi ad eam nihil pertineat, progredimur. L. Balbus L. filius ex Gadibus Hiſpaniæ urbe oriundus, cum fratre Publio, civitate in bello Sertoriano donati ſunt à Pompeio. Mortuus eſt frater Publius, relicto filio prænomine Lucio, propterea appellato minore. Hic verò major patruus Quæſturam Provincialem ſortitus, anno <sup>639</sup>/<sub>700</sub> Ædilis factus, anno <sup>705</sup>/<sub>6</sub> à bello civili abſtinuit, ne contra Pompeium arma ſumeret, Cæſare non invito. Præturam accepit, an. <sup>711</sup>/<sub>2</sub> Proprætore in provinciam profeſtus, hunc denarium percuſſit in honorem Cæsaris, cujus erat ſtudioſus. In anteriore parte viſitur Caput Cæsaris cum titulo Triumviri Reipublicæ conſtituendæ, quem cum Lepido & M. Antonio ſumpſerat.

In averſa parte clavam Herculis, ad indicandam originem expreſſit: nam ibi Hercules Tyrius, quum nave eò perveniſſet, columnas poſuit, & in ejus honorem templum extructum eſt. Vide quæ de Gadibus Inſula & templo narrat *Strabo*, lib. 3.

Balbus Conſulatum iniit cum P. Canidio ſuffectus, anno <sup>713</sup>/<sub>4</sub>. Pro eo extat *Ciceronis Oratio*, qua illius civitatem defendit.

## LXXXIX.

IMP. CAESAR DIVI F. AVGVSTVS TR. POT. IIII. Caput Auguſti, L. BALBUS PRO. COS. Trophæum ad cujus imum, h neccupivus humi ſedens mæret, & inde alter manibus poſt terga revinctis.

L. Cornelius Balbus minor, Publîi ſuperioris Lucii fratris filius, & ipſe Gaditanus, civitate etam donatus in bello civili u-



lio Cæsari adhæsit, & ab eo ad L. Lentulum Consulem missus, anno <sup>702</sup><sub>5</sub>, quum eum jam Dyrrachium transfretasse invenit, per mare cum litteris ad eum navigavit; unde Pontificatum postea adeptus est, & postea Consulatam; nam Tribunus plebis fuit, anno <sup>706</sup><sub>5</sub>. Ædilis, anno <sup>707</sup><sub>8</sub>. ex *Plinio*, lib. 36. cap. 7. Quæstor fuit sub Asinio Pollione in Hispania Ulteriore, anno <sup>710</sup><sub>1</sub>. *Paterculus* eum Consularem appellat. Africam Proconsule obtinuit, L. Sempromio successor, Garamantas subegit, & in iis locis trophæum erexisse testis est denarius hic. De trophæi erectione sparsim diximus. Augustus Trib. potestatem quartam signat, quam acceperat, anno <sup>729</sup><sub>30</sub> & inde Imperatores Romani per eam Imperii sui annos signarunt.

## XC.

Caput Romæ galeatum, pone quod ROMA: in averfa parte, L. BALBUS P. F. PR. COS. Figura togata in quadrigis triumphalibus, d. equorum habenas, f. scipionem eburneum; Victoria supervolitans ei coronam porrigit.

Balbus junior subactis Garamantibus, triumphum de iis egit, de quo inquit *Solinus*, cap. 32. primus de externis, utpote qui Gadibus genitus accessit ad gloriam nominis triumphalis. Ejus victoriæ & triumphi meminit *Plinius*, lib. 5. cap. 5. ipsum in eo præter Cydamnum & Garamam, omnium aliarum gentium urbiumque nomina ac simulacra duxisse narrat. Ipse in quadrigis triumphalibus vehitur, scipionem eburneum, in cujus apice aquila est majorum magistratuum insigne gerens. *Marmora* verò *Capitolina* triumphum Balbi hoc modo notarunt.

L. CORNELIVS. P. F. BALBUS. PRO. COS. A. <sup>DCXXIV.</sup>  
EX AFRICA VI. K. APRIL. <sup>DCXXV. Varr.</sup>

*Cicero ex Asinii ep. l. 10.* Balbum narrat avarè & crudeliter provinciam Hispaniæ ulteriorem tractasse; sed *Strabo*, lib. 3. tradit eum splendidum fuisse erga urbem Gaditanam, quam novam impensis suis excitavit, & navale extruxisse patriæ, in opposita continente, cui contiguum est versus ortum, Herculis fanum.

## XCI.

CAESAR AVGVSTVS TRIB. POT. IX. COS. XI. Caput Augusti, L. COR. BALBO. M. TITIO. P. QVIN. VARO. II VIR. BOS.

L. Cornelius Balbus, cum M. Titio, & P. Quintilio Varo, ex hoc nummo videtur Duumvir deducendæ coloniae creatus, idque inter annum <sup>739</sup>/<sub>40</sub> & <sup>740</sup>/<sub>1</sub>, quo Augustus Tribuniciam IX. potestatem gessit; sed quum desit nomen urbis, ubinam illa fuerit, indicare difficile est.



## C O R N U F I C I A.

**C**ORNIFICIA aliàs CORNUFICIA, unde ut beneficus à beneficiando, ita cornificus videtur à cornufaciendo dictus, gens Plebeia fuit, sed Consularis.

### I.

Caput Jovis Hammonis cum cornibus arietis : in averſa, Q. CORNIFICI. AVGV. IMP. Augur velatus, d. lituum, coronatur à Junone Soſpita pelle caprina amiſta, ſ. ſcutum.

Cornificius Q. Cornificii filius, Quæſturam Provinciam ſuſcepit, anno <sup>672</sup><sub>3</sub> Prætorius in Conſulatu competitor fuit *Ciceronis*, anno <sup>79</sup><sub>10</sub> ut colligitur *Ep. 1. ad Atticum*, Is ex Julii Cæſaris juſſu Syriam provinciam obtinuit ex *Litteris Ciceronis*, anno <sup>707</sup><sub>8</sub> nam ait, *Ep. 19. lib. 12.* „ Bellum quod eſt in Syria, Syriamque pro-  
„ vinciam tibi tributam eſſe à Cæſare, ex tuis litteris cognovi. Mortuo Cæſare Cornificius Procos. Africam veterem obtinuit, anno <sup>709</sup><sub>10</sub> ut *Ciceronis Epistolæ* declarant. Senatus Provinciam illi pro- rogavit, anno <sup>710</sup><sub>1</sub>.

Cornificius in Provincia vetere ſtabat, quùm Sextius à junio- re Cæſare, poſtquam ei tota Africa ex fœdere Triumviratus in- ter illum, Lepidum & M. Antonium ceſſiſſet, primò Afri- cam novam occupat, & Cornificio denuntiat, ut vetere ſibi decederet. Hic negavit ſe ſcire, quid Triumviri inter ſe diviſerint, æquum eſſe, ne quis Senatus injuſſu decedat provincia, quam à Senatu accepiſſet. Inde grave inter eos exortum eſt bellum, quod legas apud *Appianum*, lib. 4. de Bello Civ.

Imperator à ſuis appellatur, & ipſe denarios mox cudit ad bel- li impenſas, in quibus ſe Imperatorem & Augurem appellavit, quod ſacerdotium cum *Cicerone*, qui eum in *Epistolis* ad eum „ ſcriptis, appellat ubique Collegam. In anteriore parte Jovem „ Hammonem exhibuit cornibus arietinis ornatum, quod, ut „ narrat *Hyginus*, in lib. *Fab.* Liber in Indiam proficiſcens, „ quùm per deſerta Libyæ ſiti laboraret, Jovem rogaveſſet, ut  
arie-



„ arietem, qui ei aquam monstraverat, in cælum collocaret:  
 „ quod quùm factum fuisset, ibi Liber Jovi templum constru-  
 „ xit, quod Jovis Ammonis vocatum; unde ejus cultus per to-  
 ram Africam disseminatus est, & ipsa Africa apud *Stephanum* vo-  
 catur Ammonia. Le averſa parte in denario ſequentē.

## II.

Caput Cereris, corona ſpicea ornatum : ex averſa parte, Q.  
 CORNUFICI. AVGV. IMP. Juno Sospita, coronans Augurem,  
 ut ſuprà.

## III.

Idem Cereris caput, eadem epigraphe in averſa parte, ſed cum  
 reſtitutione Trajani, IMP. CAES. TRAIAN. AVG. GER. DAC. P. P.  
 REST. idem typus.

Ut Jupiter Hammon cuſus eſt in ſuperiore denario ob cultum  
 quo eum proſequuntur Africani, ita Ceres in ſumma veneratio-  
 ne erat apud Africanas mulieres, cujus adhuc meminit *Tertullia-  
 nus*, lib. 2. *ad uxorem*: Ceterùm, inquit, Africanæ Cereri vi-  
 duas aſſiſtere ſcimus. Item *alibi*: Feminas verò Cereris Africa-  
 næ, cui etiam, & ſponte abdicato matrimonio, adſeneſcunt: „  
 nam ut eſt regio frumenti fertiliffima, ita huic deæ, ejus inven-  
 trici, ſummus honos tribuebatur.

Pars averſa dat Junonem Sospitam coronam Auguri porrigen-  
 tem, quam exhibuit Cornuficius, quùm Augur eſſet, ad ſa-  
 crificia Junonis Sospitæ coram Auguribus indicanda. Nam ex  
 Numæ institutione, ritu Aboriginum antiquiſſimo, capra ad Juno-  
 nis aram immolabatur præſente Augure, ut videre eſt in denario  
 Licinii Vari: unde Juno Sospita in hoc coronam Auguri ipſa im-  
 ponit. *Urfinus* cur ab ea coronetur, nondum quidquam, inquit,  
 reperire potui, quod magnopere placeat; niſi fortè Cornuficiam  
 gentem ex Lanuvio proſectam fuiſſe, ubi Sospita Juno colebatur,  
 atque id indicafſe velimus, potuit etiam eſſe Cornuficia gens ex  
 Lanuvio oriunda, cui alluderet adhuc Cornuficius.

Trajanus illuſtre hoc monumentum, ut res priſcas ad religionem  
 & ad hiftoriam ſpectantes, reſtituit, ut videre eſt in omnibus ejus  
 reſtitutionibus: & *Patinus* addit ob raritatem nummi, quia illi diſ-  
 ficile

ficile parantur, ne interciderent, jam suis temporibus rari, eos restituisse.

## IV.

IMP. CAESAR AVGVSTVS. Caput Augusti laureatum, L. CORNIFICIO. C. CENSORINO. N. CELS. II. VIR. BOS.

Quin ad L. Cornificium pertineat nummus, dubium non est, sed an ad fratrem superioris, Consulem cum Sex. Pompeio, an. U. C. <sup>718.</sup><sub>9</sub> valdè dubitamus. Litteras N. CELS. pro C. I. V. CELS. expressas suspicamur, & ideò ad Coloniam Celsam Hispaniæ Tarracensis ad Iberum fluvium spectarunt. Vide plurimos ejus urbis nummos in *nostro de Coloniis Opere*. Et sic Lucius ille Cornificius Duumvir Coloniae Celsae esset; nam quomodo vir Consularis in Coloniam Hispaniensem, ut postea Duumvir esset, & quidem post decem à Consulatu annos; nam Caesar nomen Augusti non nisi ante an. <sup>728.</sup><sub>9</sub> accepit? an verò superioris filius, qui quum contra Sextium Augusti legatum in Africa, ut diximus, gessisset, se illius metu in Hispaniam recepit.




## C O S C O N I A.

**C**OSCONIA gens Plebeia; primusque ejus recensetur M. Cosconius Tribunus militum belli secundi Punici, anno 16. U. C. <sup>550</sup>, apud *Livium*, lib. 30.

L. COSCO. M. R. Caput Romæ galeatum: in averſa parte, figura virilis nuda in bigis currentibus, d. hastam, f. baculum, in cujus apice caput Asininum, & clypeum L LIC. CN. DOM.

L. Cosconius Marci filius, & Cnei Cosconii Pratorii frater, Quæſturam Provinciam accepit, anno <sup>645</sup>. Tribunus Plebis fuit anno <sup>650</sup>. Plurimi autem nummi eum fuiſſe Triumvirum Monetalem demonſtrant, ſub Cenſoribus L. Licinio & Cn. Domitio ab anno 661. uſque ad annum <sup>665</sup> quibus Cenſuram geſſerunt. Porro lege Æmilia Annua & Semestris facta est Cenſura. Quum idem typus in Aurelia, Pomponia, Poplicia & Porcia gentibus, cum nominibus illorum Cenſorum occurrat. Quod factum tribuimus in Aureliæ gentis den. 12. ob res bene geſtas in Hiſpania, ut videtur, hoc anno à C. Valerio Flacco Proconſule, ob cujus victoriam decretae ſunt à Senatu ſupplicationes, & ipſe Imperatoris nomen retulit, ut videbimus in gente Valeria. Vide quæ ibi diximus, & in Domitia gente etiam proferemus.





## C O S S U T I A.

**C**OSSUTIA Equestris Familia & dives. Cossutius à voce Cossus videtur dictus; Cossus autem vocatus est rugosus, vermis instar.

### I.

**CAESAR PARENS PATRIAE.** Caput Julii Cæsaris velatum & laureatum, pone quod apex, & antè lituus, C. COSSUTIVS MARI-  
DIANVS. per transversum, & circa, AAA. F. F.

C. Cossutius, qui filiam Cossutiam Julio Cæsari adhuc prætextato annorum 17. desponsaverat, postquam illam dimisisset Cæsar, ut Corneliam Cinnæ Consulis filiam duceret uxorem, admodum dives Maridium adoptasse videtur, qui juxta adoptatorum morem nomen produxit, & vocatus est C. Cossutius Maridianus. Hic à Cæsare rerum potito factus est Quartumvir Monetalis; qui è trium numero ad ampliandos minores magistratus, quatuor creaverat; & ejus effigiem signavit; nam ut ait *Dio*, inter honores illi decretos, pecuniam ipsius imagine signarunt. Cossutius, ut Cæsar erat Pontifex Maximus, eum velatum exhibuit, cum apice & lituo, sacerdotii symbolis, & addit lauream, quæ illi perpetuò concessa est, ut & illud elogium, PARENS PATRIAE, teste ipso *Dione*, lib. 44. Πατέρα τε τὸν αὐτὸν τῆς πατρίδος ἐπωνόμασι.

### II.

**CAESAR DICT. PERPETVO.** Caput Julii Cæsaris laureatum & velatum: in averſa parte, C. MARI DIANVS. Venus stans, d. Victoriæ, f. cubito innixæ clypeo, supra globum posito.

C. Maridianus, prætermisso nomine familiæ Cossutiæ, in quam adoptatus fuerat, prolongato tantum gentis suæ Maridiæ, cujus magnum est apud *Autores* silentium, se Maridianum inscripsit; effigiemque Julii Cæsaris, sed sub alio titulo nempe Dictatoris perpetuò, quem accepit an. U. C. 71<sup>o</sup> exhibuit; nam quum Dictaturam anno præcedenti quartam accepisset, ut testantur ejus denarii, at quum postea in decennium ei concessa fuisset, illam Monetarii *Perpetuò* inscripserunt, quia non ut ad tempus Remp.

con-

constitueret, sed ut quam diù potestate Dictatoria regeret & administraret.

Venus in Julii Cæsaris denariis percussa erat, ad indicandam ejus ab hac deâ originem. Ille autem genus deduxisse se jactabat ab Julo Æneæ nempe filio, quem Anchises pater ex Venere genuerat. At postquam Pompeium vicit, qui ædem Veneris Victricis in theatro suo dedicaverat; ille jure & merito suam Venerem appellavit Victricem: nam initurus cum illo prælium, ut narrat *Appianus*, ædem deâ vovit in urbe sacrandam, si propitia juvaret victoriam; & Venerem dat suis pro tessera, quam item dedit ad Cordubam. Ideò Victoriæ signum tenet, & innititur clypeo super globum, ad indicandum per hunc victoriis suis, orbi Romano præesse.

## III.

SABVLA. Caput Medusæ, cum alis & serpentibus: in averſa parte, c. COSSVTI. C. F. Bellerophon in Pegaso, d. hastam vibraturus.

C. Cossutius Maridianus *Ursino* videtur esse Julii Cæsaris socer: sed ratio temporum potius illum esse ejus filium denotat, & quidem adoptivum, & C. Cossutium Sabulam esse legitimum, quem ut hic demonstraret, agnomen gentis suæ adscribit, ille adoptionis productum.

Bellerophon in Pegaso ad Corinthum: coloniam à Julio Cæsare deductam an. 709. pertinere videtur, de qua *Dio, lib. 43.* Corinthum verò Carthaginemque urbes antiquas, splendidas, illustres, quæ jam perierant, Colonias Romanorum reduxit. Nam Bellerophonem Corinthii, ut heroem suum, in Pegaso pro symbolo accepere, utpote qui equum conscendere primus docuit; inde depictus cum equo alato. Alii quod Isthmicis ludis equo vicisset, illum equum volantem conscendisse dixerunt.

In anteriore denarii parte Medusæ caput exhibetur, ut Pegasi mater credita: nam aiunt, præter alias formæ insignis dotes, capillos habuisse proximè ad auri colorem accedentes: quorum splendore captus Neptunus in Minervæ templo cum ea concubuit, unde Pegasus equus natus est. Quam injuriam Minerva gravi ac iniquo animo ferens, Medusæ crines, quibus maximè amatori suo placuerat, in angues mutavit.



## C R E P E R E I A.

**C**REPEREIA gens Equestris Familiæ ex *Cicevone*, lib. 1. in *Verrum*, nomen habuisse videtur à Crepera, re dubia apud *Nonium*, cap. 1. unde Creperum bellum, anceps. Cognomen *Roccus*, an à rocca, quæ est apud *Calepinum* colus, quod gentis autor illam fortè tractaverit.

### I.

Caput Veneris Anadyomenes, dorso nudo, & capillis supra illud sparsis: ex averfa parte, Q. CREPER. M. F. ROCVS. Neptunus in curru, à duobus equis marinis tracto, d. tridentem tamquam vibraturus, f. habenas equorum.

### II.

Alter cum eodem capite & typo, sed hac epigraphe CREPEREI. ROCVS.

Q. Crepereius hunc denarium percussit, & Marci filius in eo nominatur. An fuerit filius Marci illius qui inter graves iudices commemoratur *Ciceroni*, in *Verrinis*, videant Eruditi. De illo, inquit *Fulvius*, ex iis quæ in his denariis impressa sunt conjicere, re possumus, Q. Crepereium, vel aliquem ex ejus Familia, rem mari prosperè gessisse: nam Crepereius Venerem Anadyomenem, quasi ex mari exeuntem, in anteriore denarii parte expressit, nudo dorso, capillis supra illud sparsis. *Aphrodite* alio modo à Græcis appellatur: hanc Poëtæ ex spuma maris & Cæli testiculis natam fabulantur, à Saturno excisis, & in mare projectis: unde & ἀπὸ τῆς ἀφῆς, hoc est, à maris spuma, *Aphroditem* appellarunt, *Ovidius*

— Venus orta mari mare præstat eunti.

Unde *Cicero*, de *Natura Deorum*, quatuor Veneres proferens, de illa, inquit, altera spuma creata; & *Plinius*, lib. 35. Venerem, ait,



ait, exeuntem è mari D. Augustus dedicavit in delubro patris Cæ-  
faris, quæ Anadyomene vocatur.

Neptunus maris deus habitus, in curru à duobus equis mari-  
nis tracto pingitur, cujus auxilio & ope Crepereius hostes vicit,  
& eorum classem profligavit: in cujus memoriam illum in aver-  
sa denariorum parte exhibuit.



## C R E P U S I A.

**C**REPUSIA gens, Plebeia videtur, ex eo quod tam parum nota sit, ut illius nulla apud Scriptores mentio. Dubitare quis tamen potest quod ejus nomen à Crepusculo veniat, nam apud *Varronem*, lib. 5. Id, inquit, vocabulum sumpserunt à Sabinis, unde veniunt *Crepusci*, quod eo tempore erant nati, ut *Lucii* prima luce in creatione.

### I.

**L. CENSORINVS.** Caput Libertatis : in averſa parte, **P. CREPVSIVS.** **C. LIMETA.** Figura muliebris in bigis, ambabus equi habenas, cum pileo in sinistra.

### II.

Idem typus, tantùm in nominum positione averſæ partis diversus est.

**P. Crepusius** cum **L. Censorino** ex Marcia gente, & **C. Limerano** ex Mamilia, in eodem denario nominatus, illum cum iis Triumvirum Monetalem fuisse denotat, quùm tres simul hunc minorem cudendæ monetæ magistratum gererent, sed illi per Libertatis caput in anteriore parte expressum, **P. Romani** libertatem indicandam esse, ut & per ipsam deam ambabus regentem in posteriore, & pileum solemne symbolum, omninò testantur. Vide in Mamilia & in Marcia gente.

### III.

Caput Jovis Anxuris laureatum, pone quod sceptrum : in averſa parte, **P. CREPVSIVS.** Eques.

*Ursinus* figuram equestrem, in posteriore denarii parte expressam, in alicujus Crepusiorum honorem fuisse erectam, existimat, cujus memoriam renovare voluerit **P. Crepusius**, non verò ut Triumvir Monetalis nummum percussit, nam in eo aliorum nomina

nomina defunt, sed in Quæstura, quam antea gessisse videtur, licet nulla sit apud Historiæ Scriptores illius magistratus mentio, nec in illo denario ulla sit nota?

Jupiter\* Axur, id est, sine novacula, seu imberbis in Campania cultus, ut & Terracinæ, & in hoc tractu, ut sæpe diximus, an ad indicandam Crepusiorum originem esset appositus.

Notandum, quod secundum in *Ursino* denarium prætermisimus, & cum ad Fanniam gentem, ad quam pertinet, revocavimus.

\* Anxur *in denario pro* Axur.



## C R I T O N I A.

C R I T O N I A gentem esse Plebeiam constat, ex eo quod L. Critonius fuit Ædilis plebis, cujus denarium infra sumus descripturi. Nullum præfert ipsa cognomen.

AED. PL. Caput Cereris, spica corona ornatum: ex altera parte, M. FAN. L. CRITO. Duo Senatores, togati, sedentes; post eos, A. P. & ante spica.

De Critonio mentio est apud *Ciceronem epist. 21. ad Atticum, lib. 13.* his verbis. „ De Pansa etiam si quid certius; credo enim pa- „ lam factum esse de Critonio, si quid esset, certè ne de Me- „ tello & Balbino. Tribunus Plebis fuisse videtur, anno <sup>706</sup>/<sub>7</sub> sed *Appianus* egregiè denarium illustrat, qui eum Ædilem Plebis fuisse scribit, Antonio & Dolabella Coss. anno <sup>709</sup>/<sub>10</sub>. Denarius quidem eum cum M. Fannio Collega annonam procurasse, & argento publico, ut produnt litteræ A. P. frumentum ex provinciis in Urbem asportari curasse, satis demonstrat, quum eos sedentes pro ejus ad populum distributione, ut indicat spica ante eos signata, & Ceres in anteriore parte, quæ dea frugum ab antiquis existimabatur, quum eas serere Triptoleum docuerit. Id omninò confirmat inscriptio, AED. PL. id est, *Ædiles Plebis*.

*Appianus* Critonium in Ædilitate ludos, ut moris erat, celebrasse nos docet; quum in iis quos parabat, Cæsar Octavianus Sellam auream, at coronam auream juxta Senatus decretum, apponere statueret, neutiquam se permissurum ait, ut ad suas impensas Cæsar coleretur. Cæsar eum ad Antonium duxit, ut ad Consulem; hic ad Senatum se relaturum dixit; Cæsar indignatus: Refer, inquit: ego interim sellam proponam; quod Antonius exasperatus prohibuit.



## C U P I E N N I A.

**C**UPIENNIA gens Patricia ne an Plebeia fuerit, incertum. Fortè à Cupia dicta, cujus etiam apud *Historicos* nulla mentio.

### I.

Caput Romæ galeatum, pone quod cornucopiæ : in averſa L. CVP. in imo ROMA. Caſtor & Pollux, decurrentes.

*Cicero* meminit patris C. Cupiennii, *in epist.* 20. *lib.* 16. *ad Atticum*, quam ad eum ſcribit his verbis : Patrem tuum plurimi feci, me, que ille mirificè, & coluit, & amavit. Unde colligere poſſumus denarium hunc forſan ad illum ſpectare, qui Lucius appellaretur, ut ejus proferret epigraphæ. Solitus autem denariorum typus, cum Romæ capite & Dioſcuris in averſa parte, hoc tempore percuſſus, conjecturam confirmat.

### II.

Caput Jovis laureatum & barbatum, cum nota s. in averſa, C. CVP. in imo ROMA. ad latus s. Navis.

C. Cupiennius inſcribitur in nummo æreo. *Cicero* reſcribit C. Cupiennio : an igitur ei illum adſcribemus ? Suadet quidem nomen, & nummi forma, ſi ſecundæ formæ eſt, ſed ſi minutæ, nam eum non vidimus, ad antiquiorem ſpectat, nempe ad illius avum, qui & Caius nominari ut ipſe potuit, revocant. Ut ut ſit, in eorum alterutrius Quæſtura ſignatus, quàm Quæſtores monetæ cudendæ curam haberent ; unde etiam vocabantur curatores denariorum flandorum. Nota s. indicat nummum pro ſemi aſſe mutari. Jupiter modò pro Jano biſfronte paulatim expreſſus, imò frequentius in ſemi aſſibus.

## CURIATIA.

**C**URIATIA gens Plebeia, ab Albanis profecta; à Tullo rege in civitatem adscita; ut indicant Curiatii trigemini cum totidem Horatiis Romanis, iisque trigeminis, ut tradunt *Livius*, lib. 1. & *Dionysius* 3. à Curia fortè dicta.

### I. II.

**TRIGE.** Caput Romæ galeatum : in averſa parte, C. CVR. in altero, C. CVR. F. in imo ROMA. Diana lucifera in quadrigis decurrentibus, d. habenas, ſ. tædam ardentem, coronatur à Victoria ſupra currum ſtante.

C. Curiatius Trigeminus cognomine, Publii filius, & Sexti nepos, Quæſturam Provincialem accepit, anno <sup>610</sup>; & hunc denarium percuffit, in quo victoriæ alicujus Familiæ ſuæ memoriam revocare voluit, dum eum in quadrigis à Victoria coronatum exhibuit. Sed quùm plurima *Hiſtoriæ Romanæ Monumenta*, deperditus libris, in tenebris jaceant, quis fuerit ille Curiatius, ignoratur. Trigemini cognomen habere videtur gens Curiatia ob certamen trium fratrum contra tres alios Horatiæ gentis.

### III.

Caput Jovis laureatum & barbatum cum nota ſ. in averſa parte, C. CVR. F. in imo ROMA. ad latus ſ. Navis.

Inſcriptio C. CVR. F. id eſt, Caius Curiatii filius, non ita in nummis Romanis frequens eſt, quùm prænomen patris potiùs quàm gentis nomen ſcribere conſueverint, porrò ad eundem C. Curiatium ſpectare nos edocet. Hic verò Tribunatum Plebis geſſit, an. <sup>615</sup>; ſub P. Cornelio Scipione, Serapione, & D. Junio Bruto coſſ. quos in carcerem conjici juſſit, quod militum delectum ſeverius facerent, & quùm Scipio duceretur, per ludibrium irriſit, & Serapionem appellavit, quod Viſtimario cuiſdam ſimilem haberet faciem. Vide *Ciceronem*, lib. 3. de *Legibus*. *Val. Maximum*, lib. 3. cap. 7. & *Plinium*, lib. 7. cap. 12.

De



De Jove & navi sæpiùs dictum, ut de nota s. pro semi asse.

## IV.

Caput Herculis, pelle leonina amictum, cum tribus globulis: in averfa parte. C. CVR. F. tres globuli & navis.

Tres illi globuli monetæ pretium designant, & pro quarta assis parte mutari denotant, quæ quadrans appellabatur, ex tribus unciiis olim constans, dum as libram pendebat; sed tandem ille secundo bello Punico ad unciam imminutus est, & sic drachmas duas assequitur. Monetarii in minutis illis æreis monetis Herculem, Romæ Numen antiquum, pro Jano aut Jove signare cœperunt.

## V.

Caput Romæ galeatum, cum tribus globulis, ut suprà: in averfa parte, C. CVR. F. in imo ROMA.

Iidem globuli, idem monetæ, ut in superiori nummo, pretium designant, nempe quadrantem, id est, quartam assis partem, seu quartam uncie partem, ad quam bello Punico secundo as libralis fuit reductus. Romæ caput tandem in nummis æreis, ut in denariis argenteis, exprimi cœpit, quum minuta moneta, ut triens & dodrans ad commercii usum percussa est.



## CURTIA.

**C**URTIA gens, de qua nobis superstites sunt nummi, Plebeia, utpote quæ Tribunos Plebis habeat. Nomen desumptum à verbo curtus.

### I.

Q. CVRT. Caput Romæ galeatum: in averſa parte M. SILA, in imo ROMA. Jupiter in quadrigis currentibus, nudus, d. erecta fulmen vibraturus, ſ. haſtam ſeu ſceptrum.

Q. Curtius in denario ſcriptus cum M. Silano, de quo in Junia gente nobis erit ſermo, Quæſturam accepit, anno <sup>618</sup>, Collegas fuiſſe denotat ille, ſed potius in Triumviratu Monetalī, ut in ſequentibus nummis videbimus, quam in aliis Magiſtratibus, in quibus ſine eorum dignitate præſcripta ſimul conjuncti non prodibant, ut AED. CVR. vel AED. PL. aut COS. vel cum eorum figuris ſtantibus aut ſedentibus delineati. Hi tamen Quæſturam eodem anno, ut arbitramur, Provincialem obtinuerunt, eodemque anno <sup>623</sup> Tribuni Plebis recenſentur. Anno verò <sup>629</sup> Prætores Urbani inter cives & peregrinos juridiſtioneſortiti ſunt. De Romæ capite & Jove in quadrigis, ſolito denariorum ſymbolo, ſat dictum.

### II.

CN. DOMIT. Caput Jovis barbatum & laureatum; pone quod nota s. in averſo latere. M. SILA. Q. CVRTI. temo navis.

Q. Curtio & M. Silano additur in hoc æreo nummo Cn. Domitii nomen, quod ut priorem denarium à Triumviris Monetalibus percuſſum fuiſſe exiſtimemus, ſatis nos ſollicitat; nam in hac nummorum Familiarum Romanarum ſerie, non ſemel aliquando tantum duorum Triumvirorum nomina pro tribus, exarata deprehendimus, at quo anno illi tres hunc mino-

minorem Magistratum gesserint, difficile est pronuntiare, quàm illius mentionem ne quidem faciant *Historiæ Scriptores*, & quem *Numismata* antiqua nos edocent.

De Jove cum nota esse sparsim solito ferè assis semi symbo-  
lo diximus : sed magis novus est in iis typus quàm temo, nisi dica-  
mus pro frequente nummorum insigne navi, hîc exhiberi, aut  
pro usu militum qui in navibus essent.

## III.

CN. DOMI. Caput Herculis, pelle leonina amictum : ex averſa  
parte Q. CVRTI. M. SILA. ſagitta, clava, & arcus.

Redeunt eadem Q. Curtii, M. Silani, & Cn. Domitii nomina,  
cum Herculis effigie ex anteriore ærei illius nummi parte, & illius ex  
altera insignibus. Hercules, ut inter primos deos à Romulo acci-  
tos, à Monetatiis poſt Janum, & poſteà Jovem, ut tutelare Nu-  
men, in nummis percuſſus eſt ; ſed frequenter cum ſolito navis ty-  
po ex Jano aſſumpto. Hic verò illius arma, nempe clavam, ar-  
cum, & ſagittas exhibet, de quibus *Apollodorus*, lib. 2. Her-  
cules, inquit, per Eurytum ſagittandi peritiam anteà conſecutus, „  
enſem à Mercurio, ab Apolline ſagittas, à Vulcano thoracem „  
aureum, & à Minerva peltam accepit. Nam clavam ipſe ſibi in „  
Nemea ſilva cæſam comparavit.

## IV.

CN. DOMIT. Caput muliebre : in averſa parte Q. CVRT. SILAN.  
Lyra.

*Patinus in adlegendis pag.* 311. hunc nummum exhibet : de quo ita  
loquitur. Videtur ad ludos ſæculares pertinere, quos in honorem  
Apollinis & Dianæ exhiberi per ſæcula ſolitos nemo non novit.  
Caput muliebre eſſe Dianæ ſupponit, ſed nulla ejus deæ ſunt in  
eo ſymbola. Porro noſtros Triumviros Monetales, Q. Curtium,  
M. Silanum, & Cn. Domitium eodem anno fuiſſe in Magiſtratu,  
prioris nempe Q. Curtium & M. Silanum anno <sup>623</sup> Tribunatum,  
Plebis geſſiſſe, & Cn. Domitium Ædilem Plebis fuiſſe, reperimus.  
At quàm ex Commentariis xv. Virùm quartos ludos ſæculares M.  
Æmilio Lepido, L. Aurelio Oreſte celebratos fuiſſe Cenſor reſert,  
anno <sup>617</sup> ut ipſe ſupputat. Triumviri noſtri hoc etiam anno Mo-  
netariæ rei præſuiſſe potuerunt. Si quidem Q. Curtius & M. Silanus



postea iidem anno <sup>619</sup><sub>25</sub> Prætores Urbani memorantur.

Si verò *Patini* non aridet opinio, quàm Dianæ effigies esse dubitetur; an Maiæ Mercurii matris caput, quæ cum lyra filii invento conjungitur? Nam quàm Mercurius primùm lyram fecisset in Cyllene monte Arcadiæ, septem chordas instituisse refert *Hyginus*, ad Atlantidum sororum Atlantis Arcadiæ Regis filiarum numerum, quòd Maia una ex illarum numero esset, ejus mater ex Jove. Et sic Triumviri monetales in hoc nummo ambos conjunxisse, ad indicandum quod mense Maio Mercatores Maiæ pariter ac Mercurio sacrificant, in memoriam Mercurii ædium Idibus hujus mensis dedicaturam, ex *Livio*, an. U. C. <sup>259</sup><sub>60</sub> quam diem etiam ipsi Triumviri celebrarent, quod Mercurius commercii esset pater, & moneta esset ejusdem mater, nam per monetam omnes merces comparantur.

## V.

Caput Romæ galeatum: in averſa parte, C. CVRT. Navis. Ex *Theſauro Regio*.

Caius ille Curtius videtur esse qui ex Peduceia gente in Curtiam est adoptatus, & inde C. Curtius Peduceianus fuit appellatus, ut videmus apud *Ciceronem*, ep. 59. lib. 13. *Famil. M. T. C. CVRTIO PEDUCEANO PRAETORI. S. D.* Hic Quæsturam Provinciale[m] accepit, anno <sup>694</sup><sub>7</sub> in qua hunc æreum nummum secundæ magnitudinis signavit pro asse, cum Romæ effigie & navi, solito hujus temporis typo.

Hic observandum duximus, ut Peduceius ille in Curtiam gentem adoptatus est, *Asconius Pædianus in Scaurianam*, meminit alterius Curtii in gentem Peduceia adoptati, & T. Peduceius Olenas Curtianus est appellatus. Quæstor Provincialis ante tres annos, nempe <sup>691</sup><sub>2</sub> quasi alter alteri ex illis Familiis in adoptionem eodem tempore datus sit, ex quodam pacto.

C. Curtius post Quæsturam Provinciale[m] factus est Ædilis Plebis, anno <sup>700</sup><sub>1</sub> & tandem Prætor Urbanus inter cives & peregrinos jurisdictionem sortitus est, anno <sup>703</sup><sub>4</sub> ut ex *Epist. Ciceronis supra laudata*, colligitur.



## D I D I A.

**D** IDIA gens Plebeia, sed Consularis; quippe Didia Lex Sumptuaria à Didio Plebis Tribuno lata est, post Fanniam duodeviginti annis: ex *Macrobio lib. 3. Saturn.*

### I.

Caput Romæ galeatum: in averſa parte, T. D. ſupra litteram T. gallus gallinaceus eſt; in litterarum medio Luna bicornis, ROMA. Diana cum creſcente Luna in capite, bigas agit, d. facem accenſam.

Has litteras T. D. initiales interpretamur, TITVS DEIDIVS. Is Sexti filius Quæſturam Provincialem ſuſcepit, anno <sup>605</sup> quo denarium percuffit. Tribunus Plebis, anno <sup>610</sup> Legem Sumptuariam tulit: cujus duplex cauſa fuit. Prima, ut non ſola civitas Romana, ſed univerſa Italia, Lege Sumptuaria teneretur. Secunda, ut non modò qui convivia majore ſumptu feciſſent, ſed etiam qui ad ea vocati eſſent, atque omninò interfuſſent, poena Legis tenerentur, ex *Macrobio Sat. 3. cap. 17.*

Post Tribunatum Plebis, Didius Siciliam ſortitus Prætor obtinuit. Diana lucifera in bigis ſignata videtur, ad denotandam militum diligentiam & vigilantiam, nam illa facem præfert, ut Luna, ad arguendum omni hora militem ad arma eſſe promptum. Quod confirmat gallus gallinaceus, qui exoriente illa, quaſi divino quodam ſpiritu afflatus, bacchari atque exultare fertur, apud *Ælium, lib. 4. cap. 29.* Oriens autem Solipſum numquam fallit, tum vehementiſſimè vocem contendit, & quidam ad horas omnes cantando vincere videntur.

### II.

Caput Romæ galeatum, pone quod ROMA: ex averſo latere, T. DEIDI. Centurio plectit militem.

Patri ſuccedit filius; Titus autem Didius Titi filius fuit & Sexti nepos; primùm Quæſturam Provincialem ſuſcepit, anno

no <sup>627</sup>/<sub>8</sub> Ædilis Plebis fuit, anno <sup>635</sup>/<sub>6</sub> Prætor Urbanus Quæstionem rerum capitalium obtinuit, anno <sup>638</sup>/<sub>9</sub> Provincialis Illyricum sortitus est, anno <sup>639</sup>/<sub>40</sub> quo Porcius Cato Consul à Thracibus profligatus, & quasi exercitus totus internecone deletus est. At quum Scordisci, ferociore Thraciæ populi, victoria insolentes in Illyricum, & usque ad mare vagarentur, eos repulit in Thraciam.

Sævissimos fuisse Scordiscos refert *Florus*, lib. 3. cap. 4. crudeliter in captivos sævire, litare diis sanguinem humanum, bibere in ossibus capitum, & ejusmodi ludibrio fœdare mortem tam igne quàm fumo. Quæ omnia terrebant milites, ita ut quidam castra desererent. Quos retinuit Centurionum in illos animadversio, quam Didius in denariis expressit, ut exercitum malè obtemperantem in officio castigatione retinuisse, & tandem victoriam retulisse, denotaret.

## III.

Caput Romæ galeatum: in averfa parte, T. DEIDI. T. F. Figura togata in quadrigis triumphalibus, d. equorum habenas, f. lauream.

T. Didius prorogatum habuit Provinciæ imperium, in adventum Cn. Papirii Carbonis Consulis, cui Illyricum fuit decretum, anno U. C. <sup>640</sup>/<sub>1</sub>. At quum Scordiscos, Thraciæ sævissimos populos, repressisset, & Provincias Romanas populantes, in sedes suas cum strage repulisset, ipsi triumphus ex iis fuit concessus; præsertim quum Thraces Catonem Consulem devicissent. Ejus Didii triumphi meminit *Cicero*, in *Oratione contra Pisonem*, & *Columnæ Triumphales*.

T. DIDIVS C T. F. SEX. N. PROPR. AN. <sup>DCLX.</sup>  
DE SCORDISCEIS EX MACEDONIA. . . . <sup>DCLXI. Varr.</sup>

Post Triumphum de Scordiscis Didius Consulatum gessit cum Q. Cæcilio Metello nepote anno 655. Ipsi Provincia citerior obvenit, cui prorogatum est Imperium, & ob res feliciter contra Celtiberos gestas de iis triumphavit, ut testantur *Marmora Capitolina*.

T. DIDIVS T. F. SEX. N. PROCOS. AN. <sup>DCLX.</sup>  
EX HISPANIA DE CELTIBEREIS IIII. IDVS IVN. <sup>DCLXI. Varr.</sup>

Didius



Didius in quadrigis triumphalibus, lento passu gradientibus, exhibetur togatus lauream gerens; an de Scordiscis, an de Celtiberis triumphum Didii exhibeat denarius, ambigitur.

## IV.

P. FONTEIVS CAPITO III. VIR CONCORDIA. Caput velatum Concordiæ. T. DIDI. IMP. VIL. PVB. Ædificium, duplici ordine columnarum.

Ad T. Didium Consularem pertinet hic denarius, ut fertejus inscriptio, & quidem cusus post Triumphum de Celtiberis, in quo bello Imperatoris titulum adeptus est: ut indicat *Sallustius* apud *Gellium*, lib. 2. cap. 27. Et si vera nostra est conjectura, de manubiis Celtiberorum restaurata est labens Villa Publica, in cujus memoriam P. Fonteius Capito Triumvir muris, turribus, ædificiisque publicis reficiendis hoc anno creatus, hunc denarium cum nomine T. Didii, adjuncto Imperatoris titulo, percussit, ut ex ejus victoriis Villam Publicam fuisse resectam denotaret. Villa autem Publica, ex *P. Victore* erat in regione 9. Circus Flaminii dicta, in campo Martio, ubi primum populi census actus est.



## D O M I T I A.

**D**OMITIA gens Plebeia, in duas Ahenobarborum & Calvinorum Familias divisa. An Domitius à domitu dictum? Cognomen Ahenobarbi gentis auctori obvenit. Quum aliquando rure domum reverteretur, occurrerunt illi juvenes duo formæ augustioris, Castoris nempe & Pollucis, jubentes nunciaret P. Romano victoriam, de qua incertum adhuc erat; at quum non crederet, barbam ejus manibus demulserunt, eamque ex fusca flavam reddiderunt: unde Ahenobarbus est appellatus: Calvinus à Calvo diminutivum.

### I.

Caput Romæ galeatum: in averſa CN. DO. in imo ROMA. Caſtor & Pollux decurrentes in equis cum haſtis.

Brevis *Inſcriptio*, primis temporibus in denariis uſurpata Romanis, ſuadet, ut antiqua ejus forma, ut illum Cneo Domitio Lucii filio & Lucii nepoti adjudicem, quem in ſua Quæſtura Provinciali anno <sup>55</sup>o; ſuſcepta, percuffit, cum ſolito Romæ galeatæ & Dioſcurorum typo: niſi dicamus illos in memoriam proavi L. Domitii, cujus tacta barba ab iis ex fuſca flava facta eſt, unde illi Ahenobarbi cognomen, quod in poſteros tranſiit.

### II.

Caput Jovis barbatum & laureatum, cum nota s. in averſa parte, CN. DOMI. in imo ROMA. ad latus s. Navis.

Ad eundem CN. Domitium ſpectat hic æreus ſemi aſſis nummus, ut fert nota s. in eo ex utraque parte impreſſa, ut & pondus ex ſemuncia, quum as libralis ad ſextantarium, primo bello Punico, & uncialis factus ſecundo, anno <sup>53</sup>o incepto reductus eſt. Jupiter in ſemi aſſibus hoc tempore videtur à Monetariis ſæpe

pe pro Jano bifronte signatus. Navis ad Jani memoriam mansisse videtur.

## III.

Caput Herculis pelle leonina ornatum, cum tribus globulis: ex averfo latere, CN. DOM. in imo ROMA.

Forma, pondus, & typus, ut hunc etiam nummum eidem Cn. Domitio tribuamus, impellunt: tres illi globuli, in utraque ejus parte impressi, nummi pretium denotant; nempe esse quartam assis partem, quæ quadrans vocabatur, cujus meminit *Livius*, in epitome pluribus locis. Nihil mirum autem si Hercules inter præcipuos tutelares deos habitus sit à Romanis, quum *Ciceroni Tuscul. Qu. lib. 1.* Hercules tantus & tam præfens dicatur deus.

Ex Quæstura Cn. Domitius Tribunatum Plebis accepit, anno <sup>555</sup> deinde Ædilis Plebis factus cum C. Scribonio Curione, anno <sup>557</sup> Plebeios ludos per biduum instauravit, ex *Livio lib. 35.* Prætor Urbanus, anno <sup>559</sup> Fauni ædem in Insula Tiberina, ex eodem *Livio*, dedicavit. Consul cum L. Quinctio Flaminio, anno <sup>561</sup> Domitio extra Italiam, quo decerneret Senatus Provincia decreta est; postea in Galliam Cisalpinam missus est, quam prorogato imperio tenuit usque ad P. Corneliæ Consulis adventum, anno <sup>562</sup> <sub>3</sub>

## IV.

Caput Romæ galeatum, pone quod spica: ex averfa parte, CN. DOMIT. in vertice ROMA. Victoria in bigis, d. flagrum, s. habenas, sub pedibus equorum; in area, homo nudus cum hasta pugnat contra leonem.

Cneus ille Domitius, qui denarium cudit, Cnei superioris filius existimatur. Is Quæsturam Provinciale iniiit anno <sup>577</sup> cooptatus est Pontifex in locum Q. Fabii Flacci, anno <sup>581</sup> ex *Livio*, Tribunus Plebis factus est, anno <sup>583</sup> Ædilis Curulis, anno <sup>585</sup>. In quo Magistratu leones exhibuisse vivos traditur, cum quibus Afri dimicare solebant, eos hastis excipientes. *Ursinus* hanc venationem tribuit alteri Domitio, ex *Plinio, lib. 8. cap. 36.* sub M. Pisone & M. Messala cos. anno <sup>692</sup> <sub>3</sub> Sed is qui tot Urso in



Circo eo tempore dedit, vocatur Lucius Domitius qui Neronis avus fuit; hic verò Cnei prænominē in denario perhibetur. Spica retro Romæ caput, ad Ædilitatem ejusdem Cn. Domitii spectat, quod in Magistratu annonæ copiam etiam procuraverit.

Domitius ita à Senatu æstimatus est, ut inter 10. legatos, postquam Perseus Rex Macedoniæ bello captus est, constituendæ Macedoniæ nominatus fuerit, anno <sup>586.</sup><sub>7.</sub> ante Præturam, quam postea tardè gessit, anno <sup>588.</sup><sub>9.</sub> quod ante vitio factus fuerat. At anno <sup>691.</sup><sub>2.</sub> Consules Cornelius, Scipio Nasica, & Marcius Fingulus, vitio facti, abdicarunt, & in eorum locum facti sunt Cn. Domitius Ahenobarbus cum P. Cornelio Lentulo.

## V.

CN. DOMI. Caput Herculis, pelle leonina amictum : in averfa parte, Q. CVRTI. M. SILA. Sagitta, clava & arcus.

Tertius est hic ex ordine in Domitia gente prænominē Cneus, superioris filius. Quæsturam Provincialem iniit, anno <sup>616.</sup><sub>7.</sub> Illum oppidò adolescentem factum fuisse Pontificem, ait *Livius*, lib. 42. alii Augurem, imò & illum Triumvirum Monetalem, cum M. Silano & Q. Curtio, declarant ipsius denarii, de quibus in gente Curtia diximus, nempe eos tres eodem tempore in Magistratu fuisse; sed quo anno fuerint Triumviri Monetales, incertum.

De Hercule plura sparsim retulimus; ut in gente Curtia ad hunc denarium. De clava, arcu & sagitta illius armis & insignibus.

## VI.

CN. DOMI. Caput muliebre : in averfa parte, Q. CVRTI. Q. SILAN. Lyræ.

Prodiit jam minutus ille nummus æreus in gente Curtia, quàm tria Monetalium Virorum nomina præferat, Domitii nempe, Curtii & Silani. Hoc muliebre caput *Patinus* eo loco Dianæ tribuit, & ad ludos sæculares spectare auguratur, qui celebrati sunt, ex *Censorino*, anno <sup>627.</sup><sub>8.</sub> quo tempore hi Triumviri Monetales Magistratum suum gerere debuerunt: nos autem diximus, quod si hæc sententia non arrideat, videant *Eruditi*, an non sit Maia Mercurii mater,

# DOMITIA.

389

mater , cum lyra filii impressa in memoriam sacrorum Idibus Maiis *Festo* die eorum celebratorum. Capitis ornamentum ad deam haud dubiè pertinet.

## VII.

Caput Romæ galeatum , ante quod vox ROMA: in averſa parte, CN. DOMIT. Quadrigæ triumphales , in quibus Proconsul togatus, d. palmam , l. scipionem eburneum, in cujus apice aquila & equorum habenas.

Ex Ædilitate Cn. Domitius ad Præturam Urbanam accessit, anno <sup>626</sup>/<sub>7</sub> Peregrinam sortitus est, anno <sup>627</sup>/<sub>8</sub> Consulatum cum C. Fannio Strabone obtinuit, anno <sup>631</sup>/<sub>2</sub> Domitio Gallia Transalpina, & bellum cum Allobrogibus obvenit, ei prorogatum est imperium, anno <sup>632</sup>/<sub>3</sub> quo anno ad oppidum Vindalium , ubi Sulga Rhodano miscetur, cum Allobrogibus , Arvernorum rege Betulto, gravissimo conflixit prælio , & Regem postea captum nave Romam misit, & de Arvernis triumphavit, ut testantur *Marmora Capitolina*.

CN. DOMITIVS CN. F. CN. N. AHENOBARE. A. <sup>DCXXIII.</sup>  
<sup>DCXXXIII. l. Parr.</sup>  
PRO. COS. DE GALLEIS ARVERNEIS XVI. K. ....

Denarius verò in ejus triumphii memoriam percussus cum quadrigis, lento passu gradientibus, in quibus Cn. Domitius palmam ex victoria præfert, & in læva scipionem eburneum, in cujus apice aquila visitur, Consulum & Proconsulum insigne. *Suetonius in Nerone*, Familiam Domitiam unum triumphum obtinuisse narrat, qui locus de hoc intelligendus videtur.

Post triumphum creatus est Censor cum L. Cæcilio Metello Delmatico, anno <sup>638</sup>/<sub>9</sub> acerba quidem fuit eorum censura, duos & triginta Senatu moverunt, lustrumque fecerunt LXII.

## VIII.

Caput Jovis Capitolini laureatum, pone quod s. c. in laurea: in averſa parte CN. DOMIT. CN. F. AHENOBARB. Sella Curulis, supra quam fulmen.

Cn. Domitius post Tribunatum Plebis gestum, anno <sup>622</sup>/<sub>3</sub> Ædilis.

Ccc 3.

lis Plebis fuit anno sequente <sup>623</sup>/<sub>4</sub> in quo Magistratu hunc percussit denarium, in memoriam ludorum Magnorum, qui Jovi Optimo Maximo Capitolino quotannis edebantur ab Ædilibus Curulibus. Ideò in illo Sellam Curulem, Magistratus sui insigne expressit, cum fulmine desuper ad denotandum se illam in Jovis templo gestasse. Pone caput Jovis Capitolini nota s. c. denarium ex argento ad impendia ludorum illorum decreto, fuisse percussum denotat. Corona laurea, in qua Jovis caput, est signata, ut & ipse laurea insignis conspicitur, quod Jupiter omnia vincere putaretur, & laurus victori præferebatur; unde litteræ quæ victoriam denuntiarent, laureatæ dictæ sunt, ita & fasces laureati.

## IX.

Caput Vestæ velatum ante quod simpulum: in averſa parte,  
L. DOMIT. CN. F. CN. N. AHENOBARB. Sella Curulis supra quam corona.

L. Domitius Cn. filius, Cn. nepos inscribitur, & Cnei Domitii superioris filius natu major, ita ut post tres Lucios ordine tres Cnei pariter illos sequuti sint; deinde alternantes, nam ii tantum Lucii, & Cnei prænominibus usi sunt. Lucius Quæsturam ante eum iniit, anno nempe <sup>643</sup>/<sub>4</sub> nam Cneus illam tantum accepit, anno <sup>644</sup>/<sub>5</sub> Tribunus Plebis fuit, anno <sup>647</sup>/<sub>4</sub> Ædilis Plebis, 651. quo anno Sella Curulis indicat denarium hunc signasse, quum sit Ædiliū insigne. Caput autem Vestæ sacra Vestalium eum procurasse denotat: quum illi sacrarum Ædium curam haberent. Sacrorum à Vestalibus factorum indicium est simpulum ante caput Vestæ percussum, quo vinum in sacrificiis libabatur. Sacrum Vestæ erat vi. die Martii, qui est pridie Nonas, & v. Idus Junii feriæ erant Vestæ, diesque Vestalia dicebantur, qua die convivium passim ante focos agitabantur, & cibi Virginibus Vestalibus à civibus mittebantur Deæ Vestæ libandi. Corona supra Sellam Ædilis, eum Senatus P. Romani nomine Vestæ prætulisse denotat.

Post gestam Ædilitatem Lucius Quæstionem Publicam obtinuit, anno <sup>654</sup>/<sub>5</sub> Provinciam adeptus sortitus est Siciliam, an. <sup>655</sup>/<sub>6</sub> Consulatum tandem cum C. Cælio Caldo gessit, anno <sup>659</sup>/<sub>60</sub> duobus annis seriùs quàm Cneus frater iniit.

Hunc



Hunc denarium quidam ad L. Domitium fratris sui Cnei filium, qui & Cn. F. Cn. N. fuit, revocant, sed ut eum patruo tribuamus eadem denarii forma, & ejus temporis scriptura, impellit. Et quum ille in Ædilitate magnificentissimos edidisse ludos *Plinius* & *Solinus* referant, in denariis sub hoc Magistratu cufis, eorum memoriam, potius quam Sacrorum Vestæ curam, à se factam signasset. Porro in magna hac antiquitatis caligine vera pronuntiare difficile est

## X.

Caput Minervæ, CN. DOMI. in vertice tres globuli, in averfa parte, scutum, in quo caput Gorgonæ.

Cneus filius fuit Cn. Domitii Censoris minor filius, & Lucii superioris frater; at ut illi hunc tribuamus nummum impellit Minerva, & ejus in averfa parte clypeus cum Gorgonis capite. Nam temporum successu Quæstores pro beneplacito Numina quæ colebant, signarunt *Cicero* in hoc fuisse, ait, popularem dictionem elegantem, censetque satis in eo orationis & ingenii, quo & Magistratus personam & Consularem, dignitatem mereretur. Quæ sanè mihi suadent, illum Minervam scientiarum deam coluisse potius quam alii Domitii superiores. Ei clypeum dedit pater ejus Jupiter cum Gorgonis capite, ut terroris imaginem tamquam sapiens contra alios eam gereret; & cristam cum galea præfert, ut sapientis cerebrum, & armatum sit & decorum, teste *Fulgentio*, lib. 2. Hunc nummum æreum, quadrantem dictum, signavit in Quæstura sua Provinciali, quam suscepit, anno <sup>644</sup>/<sub>5</sub>.

Post Quæsturam factus est Tribunus Plebis, anno <sup>649</sup>/<sub>5</sub> in quo Magistratu M. Junium Consularem majestatis reum fecit, & M. Æmilium Scaurum Senatus principem in judicium Populi vocare, & multam ei irrogare non dubitavit, Legem de Sacerdotum Comitibus fecit, ei inensus quod eum in Augurum Collegium, quo pater & avus cooptatus non fuerat. Sed tandem Populus, quod ad eum transfulisset Sacerdotum nominandorum jus, Pontificem Maximum hunc deinde nominavit, anno <sup>651</sup>/<sub>2</sub>.

## XI.

VESTA. Caput Vestæ velatum: ex averſa parte, CN. DOMIT. CN. F. in imo, L. MARCI. Q. F. Q. N. PHILIPPVS. in ambitu Sella Curulis, ſupra quam ſimpulū.

Sella Curulis & Cn. Domitii & Marcii Philippi nomina, eos ſimul Ædiles Curules fuiſſe demonſtrant. Ædilitas Marcii Philippi notatur anno <sup>652</sup>/<sub>3</sub>. & Collegæ nomen deest. At quū ante tres annis Tribuni Plebis ſimul fuerant, ratio temporis ſuadet, ut Cn. Domitius cum eo Ædilis fuerit, ſicut nummus hic argenteus nos edocet. Vestæ caput, ſed præſertim ſimpulū ſupra Sellam Curulem, Sacra in Vestæ templo eorum cura celebrata fuiſſe ſignificant: cujus rei memoriam ſuis ſumptibus in denariis revocare voluerunt, quū ex impenſis publicis ſemper adſit nota s. c.

Præturam Urbanam obtinuit Domitius, an. <sup>654</sup>/<sub>5</sub>. Provincialem adeptus fortitus eſt Siciliam; & tandem Conſulatum iniit cum Caſſio Longino, anno <sup>657</sup>/<sub>8</sub>.

## XII.

Caput Romæ galeatum, M. AVRELI. ROMA. ex altera parte, SCAVRI. infrā L. LIC. CN. DOM. Vir nudus in bigis, d. haſtam vibraturus, ſ. clypeum & baculum, in cujus apice caput aſinum.

## XIII.

Caput Romæ galeatum, L. COSCO. M. F. in averſa parte, typus idem.

L. COSCO. M. F. non R.  
ut eſt P. 369.

## XIV.

Caput Romæ galeatum; C. MALLE. C. F. ex altera parte typus idem.

## XV.

Caput Romæ galeatum, L. POMPONI. CN. F. ex altero latere typus idem.

## XVI.

Caput Romæ galeatum, L. PORCI. LICI. in averſa parte, L. LIC. CN. DOM. typus idem.

Scauri

Seauri & L. Cosconii prodierunt, nunc illa visuntur, cum C. Publicio Malleolo, L. Pomponio, ut in eorum gente dicemus. Nunc quum agatur hic de Cn. Domitio, nobis sermo de illo erit. *Ursinus* simul Censores L. Licinium & Cn. Domitium fuisse refert, sed præter eorum nomina, semper adesse aliud, nempe Triumviri Monetalis. *Fragmentum Festorum Capitolinorum*, anno <sup>651.</sup><sub>2.</sub> Censores fuisse illos nobis ostendit.

Censs Cn. Domitius CN. F. CN. N. AHENOBARB.

L. LICINIUS P. E. P. N. CRASSVS. Lustr. Fec. LXVI.

Sed cur quinque illi Triumviri Monetales eundem typum sub iisdem Censoribus signaverint, in Aurelia gente diximus, eos illum in memoriam victoriæ in Hispania à C. Valerio Flacco relatae, ut in gente Valeria sumus dicturi

Tandem Cn. Domitius Pontifex Maximus à Populo in vigorem Lege sua renunciatus est, ut colligitur ex *Cicerone* & *Valerio Maximo*, & quidem anno <sup>671.</sup><sub>1.</sub> ut refert *Ant. Augustinus*; occisus est bello Mariano.

## XVII.

AHENOBARB. Caput Cnei Ænobarbi: in averfa parte CN. DOMITIUS IMP. Navis, supra quam trophæum.

Cneus Ahenobarbus Lucii illius filius fuit, qui magnificentissimos in Ædilitate ludos edidit, & Cnei Consularis, Censoris & Pontificis Maximi nepos, Tribunatum Plebis accepit, anno <sup>695.</sup><sub>5.</sub> Præturam Urbanam inter Sicanos obtinuit, anno <sup>699.</sup><sub>700.</sub> Provincialem sortitus est, an. <sup>700.</sup><sub>1.</sub> Post eadem Cæsaris damnatus inter ejus conscios Lege Pedia, an. <sup>710.</sup><sub>1.</sub> quum insons esset, à Senatu classi præfectus est, quam aliquamdiu tenuit, de quo *Appianus*, lib. 5. Ænobarbus cum 70. navibus & duabus legionibus, adjuncta etiam sagittariorum funditorumque manu, & nonnullis velitibus ac gladiatoribus, vagando per mare Ionium, vastabat regiones agnoscentes Triumvirorum imperium; & quum appulisset Brundisium, triremes Cæsarianas partim cremavit, & Brundisinis intra mœnia compulsis, agros deprædatus est. Qua de re Imperatoris titulum à militibus accepit, & denarios signavit, in quibus, in ejus rei memoriam, trophæum illud navale, ejusque effigies, ut Marci Bruti exemplum imitaretur, expressa sunt.

Volum. I.

Ddd

XVIII.



## XVIII.

ANT. IMP. III. VIR. R. P. C. Caput Antonii Triumviri, pone quod lituus : in averſa parte, IMP. CN. DOMIT. AHENOBARBUS. Navis, ſupra quam in vertice aſtrum.

Cn. Domitius ad Claffis imperium retinendum rebus ſuis diffidens, per Afinium ad Antonii amicitiam pertractus eſt. Et quum ambo certioſorem illum feciſſent per litteras, Antonio commiſit; unde narrat *Appianus*, „ Claffem ingentis meriti loco tradidit, „ ſolusque omnium ex iis qui Lege Pedia damnati erant, reſtitutus in patriam, ampliffimos honores percucurrit. Antonius eum Claffis legatum fecit; unde Domitius mox Antonii nomine; & cum effigie ejus denarios percuffit, ſe Imperatorem ſemper nominans, & Navem ut ſe Claffi præfectum denotaret, ſignavit. In Antonia gente num. 27. Stellam navis quam conſcendebat, forſan nomen eſſe ſuſpicati ſumus.

Cæſari reconciliatus per Cocceium Nervam, quod eſſet cædes Cæſaris inſons, ſed Caſſium Brutumque, propinqua ſibi cognitione conjunctos, ſequutum eſſe affirmavit; & ſic Ænobarbus cum poteſtate in Bithyniam miſſus eſt ab Antonio, donec fœdera redintegrarentur, & in iſtis cum Soſio deſignatus eſt Conſul, anno <sup>719</sup>/<sub>20</sub> quem Romæ iniit, anno <sup>721</sup>/<sub>2</sub>. Et redintegrata diſſenſione inter Antonium & Cæſarem, hujus permiſſu ad illum tranſierunt Alexandriam; ſed poſt, quum ante pugnam Actiacam æger deſeruiſſet Antonium, in itinere mortuus eſt, nonnulla & ipſe infamia aſperſus. Vide *Suetonium in Nerone*.

## XIX.

OB CIVIS SERVATOS. Corona civica inter duos lauri ramos: in averſa parte, L. DOMITIVS AHENOBARB. III. VIR. A. A. A. F. F. in area ſ. c.

L. Domitius Cnei ſuperioris filius, à Senatu factus eſt Duumvir monetæ cudendæ, & ſolitum typum cum quercea, & lauri ramis, in honorem Auguſto decretis, ex *Dione*, ut ſæpè protulimus, percuffit, quo tempore incertum. Ejus Ædilitas creditur, anno <sup>731</sup>/<sub>2</sub> quo *Suetonius in Nerone*, Cenſorem L. Plancum  
via

via sibi decedere narrat. Præturæ functus est honore, anno <sup>734</sup><sub>5</sub> Venationes in Circo, & in omnibus urbis regionibus dedit; munus etiam gladiatorium, sed tanta sævitia, ut & necesse fuerit Augusto clam eum frustra monitum edicto coercere. Tandem factus cum P. Cornelio Scipione Consul, anno <sup>737</sup><sub>8</sub>. Legatus fuit Germanici in bello Germanico, & triumphalia ornamenta ex eo tulit. Ex Antonia majore, Triumviri filia, reliquit Cneum Domitium Neronis Imperatoris patrem.

## XX.

PANHORMITANORVM. Caput senile Augusti radiatum : in averfa parte, CN. DOM. PROCOS. Capricornus in vertice, Triquetra in imo.

Domitiæ Familiæ Ænobarbi cognomine Consularis agmen claudet Cn. Domitius, L. Domitii superioris & Antoniæ majoris filius, comes ad orientem C. Cæsaris juvenis fuit; & per omnes gradus ad Consulatum pervenit, & in Prætura anno <sup>771</sup><sub>1</sub> mercede palmarum aurigarios fraudasse tradit *Suetonius*, in *Nerone*. Proprætore Bæticam obtinuit, anno <sup>780</sup><sub>1</sub> in qua Cordubam, quæ desciverat, recepit. Consulatum cum A. Vitellio iniit, anno <sup>784</sup><sub>4</sub>; Nummus verò cum Proconsulis nomine Siciliam administrasse nos edocet, quem Panormi percussit, de quo diximus in *lib. nostro de Coloniais pag. 58*.

Caput Augusti radiatum exhibuit, ut denotaret se ex ejus Familia originem trahere, de quo *Tacitus Ann. 6.* inter Tiberii progeneros recensetur, ad templi Augusti & scenæ Pompeiani theatri dedicationem. *Quatuor progeneri Cæsaris Cn. Domitius, Cassius Longinus, M. Vinicius, Rubellius Blandus delecti.* Ab altera parte visitur Capricornus, ut Augusti insigne, & in imo Triquetra ut Siciliæ symbolum, sed peculiare ejus urbis, si quidem alterum habemus Augusti nummum cum epigraphe PANOPMITAN. & ipsa Triquetra. Porro à tempore quo huic urbi jus civium Romanorum ab Augusto concessum fuit, Latine illa scripsit nummos, ut videre est loco citato *pag. 57.* in Augusti & Liviae honorem, & hunc in illius memoriam.

## XXI.

CN. DOMIT. M. F. CALVIN. P. ISAVRI. P. F. Caput Jovis Capitolini laureatum, EX S. C. fulmen cum clypeo transverso in medio coronæ ex quercu compositæ.

Ad Cn. Domitium Calvinum Marcii, de quo nihil reperimus filium, & Marci Prætoris Urbani, anno <sup>645</sup> nepotem, qui illum haud dubiè cudit, quùm esset Ædilis Curulis cum P. Isaurico P. filio. Nam caput Jovis ex una parte, & fulmen ejus symbolum in altera expressum, illos simul ludos Romanos seu Magnos edidisse denotant, qui quot annis in ejus honorem celebrabantur ab Ædilibus Curulibus, ut colligitur ex *Cicerone, lib. 5. Act. 2. in Verrem*, „ Mihi, inquit, ludos antiquissimos, qui primi Romani appellati „ sunt, maxima cum dignitate ac religione Jovi, Junoni, Miner- „ væque esse faciendos. In denario cum fulmine additur clypeus Minervæ, qui etiam erat Jovis, ex *Homero Iliad 4. 5.* ad locum *Ciceronis* confirmandum. Corona autem quercea illa est, quam Ædilis, Senatus nomine, in Jovis templo hac die deferabant: nam ut quercea illi concedebatur, qui civem servaverat, sic Jovi qui Romam perpetuò servaret, similis proferebatur: unde Jupiter dictus est Soter & Conservator in nummis Imperatorum. S. C. nota denarium ex impensis ad ludos celebrandos à Senatu factis percussum designat, seu potius illos ludos ex Senatuconsulto editos: nihil enim nisi ejus decreto Romæ peragebatur.

## XXII.

CALVINVS. Caput Veneris, ante quod littera P. in corona ex lauro: in averfa CN. DOMIT. Victoria in bigis.

Cn. Domitius Calvinus ex Ædilitate ad Præturam Urbanam venit, an. <sup>697</sup>. Quæstionem de ambitu sortitus est, Provincialem verò obtinuit, an. <sup>698</sup>, & tandem Consulatum cum M. Valerio Messala, an. <sup>700</sup>. In Magistratu Romæ propter Comiticia vulneratus, & si post Consulatum Provinciam habuerit, obscurum est. In bello civili Cæsaris partes sequutus, & ab eo missus in Macedoniam legatus, rem gessit, anno <sup>705</sup> apud *Dionem, lib. 41.* Post pugnam Pharsalicam, quùm Cæsar esset in Ægypto, Pharnaces Pontum, Mithridatis patris sui regnum, occupavit. Contra illum à Cæsare missus, ab eo vincitur,



tur, anno <sup>706</sup>7, Consulatum iterum iniit cum Asinio Pollione, anno <sup>713</sup>4 Cæsaris Triumviri auspiciis in Hispaniam profectus est, anno <sup>714</sup>5, ubi res benè gessit, & Militarem disciplinam restituit. Et quum aurum coronarium ad triumphum dari solitum ab uribus, à solis Hispanis, teste *Dione*, accepisset, denarios percussit, in quo caput Veneris in Cæsaris gratiam, ex qua jactabat se originem ducere, exhibetur, & corona ex auro facta satis ampla, cui addita est littera P. ad notandum illos ex ejus pecunia esse percussos denarios. Victoriæ in bigis solitum est argenteorum nummorum symbolum.

## XXIII.

OSCA. Caput virile: in averfa parte, CN. DOM. COS. ITER. IMP. Simpulum, aspergillum, securis, & apex.

Ut superior denarius Hispaniæ caput & Domitii nomen, utpote in aliqua Hispaniæ civitate ex pecunia publica signatus, prodit, sic alter cum voce Osca, denotat in hac urbe seu Arragoniæ aut Baticæ sit, ut quibusdam placet, in Domitii honorem cum illustrioribus illius dignitatum titulis & typis esse percussum: nam in eo Imperator appellatus est, quem titulum in Cerretanis rebellibus populis reducendis meruit; & Consul iterum appellatur, qui honos inter Romanos maximæ æstimationis erat. Instrumenta Pontificalia quæ in averfa denarii parte exhibentur, ad sacerdotium spectant, quod lege Domitia ab Urbe absens, dum res in Hispania gerebat, feliciter obtinuisse videtur. Caput in anteriore latere, vel ipsa Domitii effigies est, vel deus Oscæ urbis patrius. Oscensis argenti bigatorum ducenta quadraginta millia transtulisse M. Catonem Censorium in triumpho suo ex Hispania citeriore *Livius* narrat, *lib.* 34.

## XXIV.

CN. CALVINVS. Caput Romæ galeatum, pone quod vox ROMA: in averfa parte, duo clypei decussatim, cum hastis, galea, vexillo, & baculo, in cujus apice caput asininum, hæc verò in laurea.


Quæstores Urbani hunc denarium Romæ cudisse videntur ad impensas belli Hispanici, dum res contra Cerretanos gereret Domitius Calvinus; & quum edocti fuissent, jam illum feliciter eas

Ddd 3

gere-

gerere, capta illorum arma, tamquam ejus victoriarum trophæa, in denariis exhibuerunt. At licet Hispania Cæsaris imperio tunc subesset, divisione inter Triumviros facta, tamen, inquit *Dio*, lib. 48. honores legatis tribui solebant ex sententia eorum, qui summam imperii tenerent, & sic triumphus Cn. Domitio Calvino concessus est, cujus mentionem faciunt *Marmora Capitolina*.

CN. DOMITIVS M. F. M. N. CALVINVS. AN. <sup>DCCXVII.</sup>  
DCCXVIII. Varr.  
 PRO. COS. EX. HISPANIA. XVI. K. SEXTIL.



## D U I L I A.

**D**UILIA gens Plebeia, si quidem C. Duilius Tribunus Plebis jam ab anno U. C. <sup>486.</sup><sub>7</sub> nominetur, sed Consularis fuit: nomen autem desumpsisse videtur à voce Duello, quum à *Polybio, Cicerone, & aliis*, antiquitus vocata fuit Duellia.

### I.

Caput Romæ galeatum, pone quod ROMA: in averſa parte, C. DVILI M. F. Castor & Pollux in equis decurrunt, cum hastis, astris supra caput ornati.

C. Duilius, in denario Marci filius, & in *Faſtis Capitolinis*; Marci nepos appellatus, Quæſturam Militarem iniit, anno <sup>482.</sup><sub>3</sub> at quia hoc tempore nondum Romæ argentum signabatur, non potuit igitur in Quæſtura Duilii denarius cudi; ex eo Magistratu ad Tribunatum Plebis accessit, <sup>487.</sup><sub>7</sub> anno postquam monera argentea signari cœpit; sed Tribunis illius cudendæ potestas non erat commiſſa: ergo ille tantum in ejus Ædilitate percussus videtur. Caput Romæ primus fuit denariorum argenteorum typus: nam deorum effigies tantum temporis ſucceſſu impreſſæ ſunt. Castor & Pollux, primæ etiam eorum averſæ partis notæ fuiſſe videntur; hi autem à Romanis culti, quod illis in prælio aſſistere vulgò crederentur.

### II.

Caput Romæ galeatum: in averſa parte, C. DVILIVS. in imo ROMA. Neptunus in quadrigis decurrentibus, d. tridentem, ſ. equorum habenas tenet.

Ex Ædilitate ad Præturam, ex Prætura ad Conſulatum pervenit, quem iniit cum Cn. Scipione Aſina, anno <sup>493.</sup><sub>4</sub> Huic Claſſis contra Pœnos, Duilio Sicilia obvenit; Scipione autem ab illis per fraudem capto, Duilius Carthaginienſium Claſſem aggreſſus, eam contrivit cum Annibale ingenti prælio, quod legere eſt ſparſim apud *Hiſtoriæ Scriptores*: unde illi à Senatu triumphus eſt decretus, ut teſtantur *Marmora Capitolina*.



C. DVILIVS. M. F. M. N. COS. PRIMVS. AN. EDICIT.  
CONCITIV. PARR.  
NAVALEM. DE. SICVL. ET. CLASSE. POENICA. EGIT.  
K INTERKALAR.

Adeò grata fuit istius triumphi memoria, ut mox cusi sint denarii, in quibus Neptunus, ut præcipuus maris deus, cuius ope & auxilio victoria illa navalis fuerat relata, quadrigas ipse ageret: quum tunc moris erat in averfa denariorum parte bigas aut quadrigas signare; unde illi bigati & quadrigati sunt appellati, ut nummi in quibus Victoria depingebatur, Victoriati erant dicti.

## III.

Caput Jani bifrontis barbatum: in averfa parte, Navis, in qua columnæ species videtur, C. DVILI. M. F. in imo ROMA.

Ab eodem C. Duilio eadem quæ superior epigraphæ denarium fuisse cufum denotat: pondus quod habet sextantarii, eum bello primo Punico, an. 485 incæpto, cufum esse designat, quum as libralis, ex *Plinio*, ad duas uncias reductus est, sed usque ad triumphum Duilii non videtur adhuc Respublica, ob belli calamitates & impensas, ad id devenisse: imò *Tacitus*, *Ann* 2. narrat C. Duilium, qui primus rem „ Romanam prosperè mari gessit, triumphumque navalem de „ Pœnis meruit, Jano templum extruxisse apud forum olitorium. Quidam inde purant hunc nummum in ejus rei memoriam signasse; sed est typus nummorum hujus temporis solitus, quem post Censuram initam an. 495 tandem signavit, quum Dictaturam accepit, an. 522; Republica tunc, urgente Annibale, & amissis Classibus, ad pecuniæ reductionem coacta. Nec quia Duilio columna rostrata ob victoriam Navalem in foro Romano extructa est, quæ ad Capitolii radicem, & arcum Septimii Severi, sæculo præterito, reposita in Capitolio asservata, hodie visitur, in navi positam existimamus, quum ea columnæ species in plurimis aliis nummis etiam occurrat.



## D U R M I A.

**D**URMIA gens nova videtur, quum datum est civitatis jus omni Italiae, multae Romam venerunt Familiae, quae sensim ad Magistratus pervenere.

### I.

M. DURMIVS III. VIR. HONORI. Caput Honoris : in averſa parte, CAESAR AVG. SIGN. RECE. Parthus genuflexus ſignum militare tenet.

M. Durmius ex nummi epigraphe, Triumvir fuit Monetalis, & quidem Auguſti & non Senatus: nam quum ille Provincias Romanas cum Senatu partitiſſet, monetam ei aream cudendam dedit: unde illius fuerunt Triumviri Monetales, ſed ſemper cum nota ſ. c. & in aereis tantum nummis. Auguſtus ſuos etiam habuit, qui in denariis ſolum aureis & argenteis occurrunt. Hic vero Durmius videtur fuiſſe eo anno, quo M. Aquilius exiit, quum plurimos ſimiles typos ſignarint, nempe anno <sup>734</sup>, poſtquam Auguſtus ex Syria eſſet reverſus.

Primus hic exhibet Parthum ſupplicem & genuflexum, ſignum militare gerentem, *Dio lib. 54.* Phraathes quia nihil dum eorum quae pactus fuerat, perfeciſſet, veritus ne ab Auguſto bello impeteretur, ſigna ei militaria, & captivos omnes, paucis demptis, qui ſe pra pudore moti, interemerant, aut occulte remanſerant, miſit. In cujus memoriam Triumviri Monetales, hos denarios cum epigraphe SIGN. RECE. id eſt, *ſignis receptis*, quorum varii typi viſuntur, percuſſerunt. Quoad caput Honoris in anteriore parte expreſſum, an quod Durmius antea Triumvir ſacris aedibus reficiendis cum eodem Aquilio, hic Virtutis caput, Durmius Honoris effigiem, cum utriuſque templum ſimul ſint juxta, exprimere voluerit, vel potius quod ex *Dione* legimus, *lib. 54.* Feſtum quod Virtuti & Honori celebrabatur, in eam diem, qua hodie agitur, tranſtulit.

## II.

M. DURMIVS III. VIR. HONORI. Caput Honoris. in averſa parte, CAESAR AVGVSTVS. Currus triumphalis, in imo s. c.

Hic typus pariter ab Aquilio Triumviro Monetali percuffus eſt, in triumpho, à Senatu Auguſto, ob res in Syria geſtas decreti, memoriam; quem quùm recuſaſſet, ovans tantùm Romam ingreſſus eſt, ut refert *Dio, lib. 53.* ideò ipſe in quadrigis triumphalibus non exhibetur, ſed tantùm currus triumphalis; & adeſt nota s. c. non quod Senatus denarium hunc ſignari juſſerit, ſed ad denotandum quod ille triumphus Senatusconſulto illi fuerat decretus. De Honoris capite dictum.

## III.

M. DURMIVS III. VIR. HONORI. Caput Honoris: in averſa parte, AVGVSTVS CAESAR. Figura corona ornata in bigis elephantorum, d. ramum olivæ, ſ. ſceptrum.

Pariter ab Aquilio Monetali Triumviro cuſus eſt hic typus, quem ob res, quæ eo anno, quo Magiſtratum hunc minorem ſimul inierunt, in honorem Auguſti geſtæ ſunt, ſignaſſe diximus. *Dio lib. 53.* „Frequentes, ait, ad Auguſtum Legati com-  
„mearunt, ac Indi pacem, quam antea per Oratores petierant,  
„tunc interpoſito fœdere ſanxerunt, mittentesque dona. Quem locum mirè illuſtrat hic denarius, nam Orator in bigis elephantorum exhibetur, ad demonſtrandum ejus in urbem cum hoc apparatu adventum. Corona ex oliva ornatus eſt, pacem petens, ut ramo ejusdem plantæ quem dextra gerit, denotat: læva autem ſceptrum regis ſui gerit, ad percutiendum ſupra illud fœdus: nam quando fœdera cum remotiſſimis populis fiebant, inventum eſt, ut ſceptrum, quaſi imaginem Jovis tenerent.

## IV.

M. DURMIVS III. VIR. HONORI. Caput Honoris: ex averſa parte, Corona quercea in qua AVGVSTO OB. C. S.

Triumviri Monetales Senatus, in omnibus nummis primæ formæ ſoliti ſunt in parte averſa coronam querceam cum epigraphe OB CIVIS SERVATOS exhibere. Durmius Triumvir Auguſti Monetalis eorum exemplum ſequutus, illam in denariis aureis inſcribit. Quod, ut narrat *Dio, lib. 53.* „Cæſari, quùm orationem de ejurando regno ac  
divi-



dividendis Provinciis habuisset, multi erant delati, nempe ut „ ante ipsius domum in palatio lauri ponerentur, ac super eas „ *Coronæ quernæ* suspenderentur, nimirum quod perpetuus hostium victor, ac *Civium esset servator*: nam corona quernæ illi qui civem servasset, concedebatur. De Honore suprà.

## V.

CESAR AVGVSTVS. Caput Augusti laureatum: in averfa parte, M. DVRMIVS III. VIR. Pagurus, brachiis expansis, evolantem papilionem acetabulis apprehendit.

Durmius, secundum *Patini* opinionem, hoc lemmate Augusti sententiam exprimere voluit, consideratam cunctationem te- „ mera festinationi præstare judicans, ac sæpè impetum ratione „ carentem id tantum facere, ut in adversariorum laqueos maturius incidamus. Quam quidem Augusto cordi fuisse refert *Suetonius*. Nihil autem, inquit, minus in perfecto duce quam festinationem temeritatemque convenire arbitrabatur, crebrò itaque illa jactabat. Σπεύδε Γεράδως ἀσφαλὴς γὰρ ἐστὶ ἀμείνων ἢ θρασυῦς „ στεγνῆλατης. *Festina lentè, cautus enim temerario milite melior, Sat celeriter quidquid fiat satis benè.*

## VI.

CAESAR AVGVSTVS. Caput Augusti nudum: in averfa parte, M. DVRMIVS III. VIR. Leo discerpens cervum.

De hoc denario & sequente ait *Ursinus*. Quæ verò in altera „ parte denarii impressa sunt, ad Augustum sine dubio pertinent, & fortasse ad ejus ludos sæculares; qui apri & cervi signis, propter Dianam in cujus honorem celebrabantur, notati sunt. Quùm Triumviri Monetales essent ex Magistratibus minoribus, unum tantum annum in eo peragebant, & idcirco res quæ solo ejus curriculo occurrebant, in denariis exhibuerunt. Ludi sæculares, ex *Dione*, tantum duobus annis seriùs nempe, C. Furnio, C. Sentio coss. U. C. <sup>636</sup>. Adde quod cervus Dianæ sacer, in illius honorem non exhiberetur, à Leone discerptus: ergo ad alios ludos, de quibus in sequente denario dicturi, pertinent.

## VII

CAESAR AVGVSTVS. Caput Augusti nudum: in averſa parte,  
M. DVRMIVS III. VIR. Aper ſpiculo aut haſta tranſfixus.

Diorum iſtorum denariorum explanationem nobis ſuggerit  
*Dio, lib. 53.* nam eodem anno, quo ſigna militaria à Phraate  
Parthorum Rege Auguſto miſſa ſunt, eodem anno quo Trium-  
phus à Senatu decretus eſt, & legatus Indus Romam venit, nem-  
pe M. Apuleio, P. Silio Conſulibus, anno 634. eodem, in-  
quit, privatim verò Ædiles, natalibus Auguſti ludos equeſtres  
& venationem ediderunt: ideò in eorum memoriam hos dena-  
rios, in quibus illæ venationes exhibentur, percufferunt. In  
priori Leo cum cervo pugnans, quem tandem diſcerpit, repræ-  
ſentatur. In poſteriore aper furens, à venatore haſta tranſfixus,  
ob oculos ponitur: unde quanta *Hiſtoriæ* ex nummis lux aſſulget!

## E G N A T I A.

**E**GNATIA gens Plebeia, &, ut videtur, ex Samnitibus oriunda; si quidem Staius Egnatius, Samnitum dux à *Livio* recensetur, anno <sup>437</sup> ut & Gellius Egnatius alter eorum dux, anno <sup>458</sup> Egnatius idem fuit qui Ignatius, ut innuit *Plutarchus*, apud quem *in vita M. Crassi*, Ἰγνᾶτιος appellatur: unde nomen deductum conjicimus à voce Ἰγνᾶ, id est, poples, & ἀνδᾶ, lædo, quod primus qui cognomen tulit, poplite læso incederet. Duo in hac gente reperiuntur cognomina, Maximus nempe in denariis, & Rufus: sed Maximus ob rem præclarè gestam, & Rufus à Capillorum colore dictus.

### I.

MAXSVMS. Caput Veneris; pone quam cupido alatus, medio corpore, ejus monile astringere videtur: in averfa parte, C. EGNATIVS CN. F. CN. N. Figura paludata in bigis, lento passu gradientibus, d. habenas, f. hastam: Victoria, per aëra volitans, ei coronam porrigit.

Egnatiæ gentis Plebeia, inquit *Ursinus*, & C. Egnatii Maxsumi, ad quem spectant hujus tabellæ nummi, facit mentionem *Cicero*, *Ep. 34. lib. 13. ad Atticum*: an ille M. Crassi Quæstor in prælio contra Parthos, anno <sup>696</sup> de quo *Plutarchus in illius vita*. Præter, ait, trecentos equites, quibuscum Egnatius nocte, concubia pervenit Carrhas ad muros. Videtur patrem habuisse Cn. Egnatium Tribunum Plebis, an. <sup>667</sup>. De illius avo nihil reperi-mus. Hunc verò typum in Quæstura cudisse videtur, & egregium illud cujusdam ex majoribus factum, unde Maximi cognomen ob res præclarè gestas tulit, expressisse, dum illum in curru tamquam triumphantem exhibet, cui coronam Victoria per aëra volitans porrigit, sed quis ille fuerit, in tanta rerum Egnatiæ Gentis *Historiæ* penuria, difficile est pronuntiare: ut & cur Veneris caput in denariis cum Cupidine signaverit, nisi dicamus hanc gentem matrem & filium summo cultu fuisse prosequutam.



## II.

MAXSYMVS. Caput Veneris in averſa parte. Virtus ſtans capite galeato, pede ſupra caput leonis, d. haſtam; ex adverſo Honos ſtans, cui Cupido coronam porrigit: hinc & inde temo inverſus, & prora navis, C. EGNATIVS CN. F. CN. N.

Iterum in Egnatiæ gentis denariis prodit Venus, & ejus filius Cupido Honori coronam porrigit. Aſtat ei Virtus à dextris, nam per Virtutis templum in Honori ædes ſolus erat ingreſſus, ut oſtenderetur, aditum non patere ad verum honorem conſequendum, niſi per Virtutem ipſam. Virtus galeata ſemper depingitur cum haſta, ad denotandum illam res egregias gerere in bello debere; ſemper ſub viri forma prodit, quia à viro virtus: ſub pede aliquando globus, aliquando galea, & in hoc denario caput leonis, Herculis exemplo, qui leonem domuerit: ſic ille heros in nummo Gordiani cum inſcriptione, VIRTUTI AVGVSTI exhibetur. Honos ut plurimum habitu longo depingitur, quaſi Magiſtratus Romani ab eo provenirent: ſemper coronatur, ideò illi Cupido coronam porrigit, quia cupidine ad Honorem ducimur, nihil enim aliud eſſe videtur Honos, quàm quem ex Virtute ipſa aſſequimur. Unde *Lucilii* carmen

*Virtus, id dare quod re ipſa debetur Honori.*

## III.

MAXSYMVS. Caput Cupidinis alati, pharetra & arcu, pone dorſum: in averſa parte, C. EGNATIVS CN. F. CN. N. Templum duarum columnarum, in quo Jupiter togatus, d. haſtam & Juno, nuptiali habitu, manibus extenſis, ſupra templi zophorum fulmen & pileus, ad latera XII.

*Urſinus* fulmen pileumque prætermiſit, & *Patinus* Jovi haſtam non addidit, & malè XII. pro VI. poſuit. Nummi ita deſiderantur integri, ut ſine fulmine figuram togatam neſciremus eſſe Jovem, cujus eſt ſymbolum, ut & haſta illius divinitatis inſigne. Sed ei quam dabimus comitem niſi ſororem, & uxorem Junonem, & quidem pileus, nubentisſque habitus eam eſſe nuptialem Junonem arguunt: ideò aptè Jovem etiam Gamelium, id eſt nuptialem, eſſe noſcimus, ambos eſſe appellatos, quod nuptiarum & ma-

matrimonii curam habere crederentur. Jovis meminit & *Chrysippus*, & *D. Hieronymus in Jovianum*. *Chrysippus* ducendam uxorem sapienti præcipit, ne Jovem Gamelium & Genethlium violet. Juno ita colebatur; unde illa Pronuba, Nuptialis, & Gamelia dicta est. *Plutarchus in præceptis connubialibus*, ait, Junoni Gameliæ rem sacram facientes, cum reliquis sacris fel non confecerant, quod bilis neque iracundiæ esse in nuptiis debeant.

*Dionysius Halicarnassensis*, ubi artem nuptialis orationis scribit. Enimverò ait Jupiter & Juno primi conjungentes dei sunt & „ copulantes, atque hic quidem Pater omnium vocatur, hæc verò Zygia, quam Romani appellarunt Jugam, quod feminam mari conjungeret. Romæ verò erat in Regione VIII. Ara Junonis Jugæ in vico jugario apud *P. Victorem*. Pileus ex adverso fulminis è regione Junonis, pileus est nuptialis, quo nubentium feminarum caput ornabatur, ut videre est in nummis Junonis Pronubæ apud Samios signatis, apud *Sequinum*, *Sel. num. pag. 174. edit. 2.* ubi pariter Juno manus extendit.

Alludit nuptiis per Cupidinem, qui filius Mercurii ex Venere credebatur, apud *Ciceronem de Nat. Deor. lib. 3.* quod Mercurii autem natus crederetur, Eusebius tradit rationem, quod amandi vis & virtus orationi tribuitur: Cupidinem vocat *Servius*, eo quod faciat amorem, qui maximè requiritur in nuptiis; unde apud *Virgilium*, Venerem facit ita illum alloqui, *Æneid. 1.*

*Nate, mea vires, mea magna potentia solus.*

Nudus depingitur Cupido ut puer, alatus, quia nihil amantibus levius, & nihil mutabilius; sagittas verò idcirco gestare dicitur, quia ut ipse incertæ velocesque sint: alii aliis de causis.

Litteræ numerales XII. cum lineola desuper ducta pretium vel annos designant; pretium monetæ, ut denarium duodecim assibus commutari denotet, ut secundo bello Punico ad XVI. auctos in Atilia & Aufidia gente vidimus. Si ad annos à voto præ æde constituenda, duodecim usque ad ejus extructionem confluisse suspicamur.

#### IV.

Caput Augusti, ante quod licuus: in averfa parte, Laureæ, in qua M. EGN. Q. OCT. II. VIR. S. P. S. C. Marco Egnatio, Quinto

to Octavio Duumviris, sumptibus publicis, Senatusconsulto.

M. Egnatius videtur esse is quem in Augustum conspirasse scribit *Suetonius cap. 19. Velleius lib. 2. & Dio, lib. 53.* cujus cognomen erat Rufus. Hic Duumvir inscribitur, ædium nempe sacrarum locandarum, faciundarum & dedicandarum, ut opinamur, nam ubi ædes aliquo casu vota erat, Populi Comitibus tributis Lege Papiria renuntiabatur. At quum Augustus plures voverit, quænam illa fuerit à Duum-M. Egnatio & Q. Octavio dedicata, ignoratur. Sed nummus nos docet coronam quæ in templi dedicatione, deo vel deæ, in cuius honorem illud erat extructum, proferebatur, ex publicis sumptibus esse conflata, & quidem ex auro lauri forma, quod Augustus ex Senatusconsulto, perpetuus hostium victor esset declaratus, apud *Dionem, lib. 53.*

M. Egnatius Ædilitatem Plebis consequutus est, anno <sup>716</sup>/<sub>7</sub> adeò gratus Populo ob impensas ad ignem in urbe restinguendum, ut extra ordinem Prætor in sequentem annum designatus sit, quod non Augusto hic primus populi favor placuit. Præturam Urbanam igitur gessit an. <sup>727</sup>/<sub>8</sub>. Quinto post Præturam an ex lege August. Provinciam sortitus, reversus <sup>735</sup>/<sub>6</sub>. Consulatum petiit, per seditionem ad suffragia plebem vocans coniectus est in carcerem, & detecta contra Augustum conjuratione, supplicio paulò post affectus est.

Observandum quintum nummum cum voce MAX. in Fabiam gentem esse translatus, ad quam ille pertinet.





## E G N A T U L E I A.

**E**GNATULEIA gens Publeia est, si nomen derivatum est ab Egnato Egnatulus & postea Egnatuleius ut à Proculo factum est diminutivum Proculeius.

C. EGNATVLEI C. F. Q. id est, *Cai filius Quæstor*. Caput Apollinis laureatum: ex averſa parte in area. Q. & in imo ROMA. Victoria ſcribit in Clypeo trophæo appenſo.

Altum eſt de Caio Egnatuleio, ut de illius patre ejuſdem præ-nominis, unius, ut vidit *Urfinus*, Egnatuleiæ gentis meminit *Cicero*, L. nempe Egnatulei, Julii Cæſaris Quæſtoris, cujus jufſu legionem quartam duxerat in Macedoniam, quùm Parthicum bellum pararet. Poſt cædem Cæſaris ab Antonio revocatus cùm legione in Italiam, ſigna ad juniorem Cæſarem tranſtulit, factum Senatu approbante & Antonio hoſte judicato.

Si autem quis fuerit C. Egnatuleius, ignoratur, etiam in cujus memoriam trophæum de victoria Ducis illius Romani, de quo ille ſe inſcribit Quæstorem, denarius exhibet, procul dubio ignorabimus. Nobis igitur ſupereſt ut de littera Q. in averſa partis area exarata diverſorum opiniones proferamus: Alii *Quæstorem* expriment: Alii *Quinarium* designare autumant, quibus objicitur notam Quinarij eſſe litteram V. ad arguendum quinque aſſes illius valere. Denique alij Monetarij notam ſuſpiciantur.

## E P P I A.

**E** P P I A gens ex Equestri ordine apud *Ciceronem* inter *Epist. ad Attic. 14. lib. 8.* Eppius quasi Epicius, unde quidam ex Græco, Ε'πειος desumunt. Romanis hanc mutam geminare solitis.

Caput Jani barbatum & laureatum: in averſa parte E P P I U S in imo ROMA. Navis, in theſauro regio.

Eppius ille in nummo vocatus, fuit Eppius quem *Cicero*, loco laudato, vigilantem & induſtrium hominem appellat, qui per gradus ſolitos ad Præturam acceſſiſſe videtur. Et hic nummus æreus ſecundæ magnitudinis aſſem uncialem ponderes, Romæ ſignatus, Eppium Quæſtorem Urbanum fuiſſe denotat, penes quem ſignandæ monetæ erat poteſtas. Poſt Quæſturam Prætor fuit, & Proprætor an. 700. quem Minturnis Campaniæ inter Sinueſſam & Formias oppido ſe præfeciffe ſcribit *Cicero*. De Jano, Nave, & aſſe unciali ſæpius à nobis dictum eſt.

Q. METEL SCIPIO IMP. Caput Africæ Elephanti proboscide ornatum, ante quod ſpica, & ſub eo aratrum: ex averſo latere E P P I U S LEG. F. C. Hercules nudus, ſtans brachio dextro clavæ ſpoliis inſignis innixus.

Jam prodiit hic denarius in gente Cæcilia num. 31. ſub nomine Q. Metelli Scipionis, ex Cornelia gente in eam adoptati, & Pompeii M. Socris, qui, eo in campis Pharfaliciſis deviſto, in Africam tranſiit, ubi Imperator appellatus eſt, cujus Legum fuiſſe M. Eppium nos edocet denarius, quem ejus nomine Adrumeti, quod occupaverat Scipio, percuffit. In anteriore parte caput Africæ exhibetur, quum urbs ſit Africæ, aratrum & ſpica, frumenti copiam in ejus agris denotat. Hercules in urbe cultum ſuum indicat, cujus forſan ſignum ab eo reſtitutum arguunt hæ litteræ F. C. *ſeri curavit*. Poſt victoriam à Julio Cæſare de Scipione relatum, *Hirtius* M. Eppio ignoviſſe ſcribit *lib. 5. de bello Africano*. Cæſar Uticam ire contendit, cui in itinere ſit obviuſ L. Cæſar, ſubitòque ſe ad genua projecit, vitæque ſibi, nec amplius quidquam deprecatur, cui Cæſar facile & pro natura ſua & inſtituto conceſſit. Item Cæcina, C. Atteio. P. Atio, L. Cellæ patri & filio, M. Eppio, M. Aquinio, Catonis filio, Damasippique liberis, ex ſua conſuetudine tribuit.

FA-

## F A B I A.

**F**ABIA gens Patricia majorum gentium. A Fabio Herculis filio ortos indicat *Plutarchus*, in *Fabio*. Ex Nympha memorant; alii ex muliere indigena, quæ cum Hercule juxta Tyberim amnem concubuerat, Fabium natum. Hanc Vindimam appellat, Evandri filiam, *Silius Italicus*, *Punic. lib. 6*. Alii Principes Fabiæ gentis, quia fossis feras capiebant, Fodios tradunt olim vocatos, ex *Plutarcho*; qui deinde, duabus tempore commutatis litteris, appellati sunt Fabii. *Festus*, inquit, Fovii qui nunc Fabii dicuntur, prius dicti, quod Princeps gentis ejus ex ea natus sit, cum qua Hercules in fovea concubuit. Alii Fabios esse appellatos, ex fabarum cultura existimant, uti *Plinius*, *lib. 18. cap. 3*.

Hæc gens in plurimas distincta Familias, varia cognomina accepit, quæ ordine alphabetico, ut in denariis expressa sunt, referimus, AMBVSTVS dictus est Fabius Eburnus, quod fulmine esset ambrustus; ut scribit *Festus*. BUTEO, à buteone, id est accipitre dictus, cui principatus in auguriis olim dabatur, prospero auspicio ab hac ave in navi sumpto, apud *Plinium lib. 10. cap. 8*. LABEO, à labiorum vitio LICINVS, idem qui Lucinus, eos autem dicimus, quibus sunt parvi utrimque ocelli & brevis visus, quod innuere videtur *Plinius*, *lib. 11. cap. 37*. QUEIS, ait, parvi utrimque ocelli, Lucinii injuriæ cognomen habuere. MAXIMVS, à rebus præclarè gestis appellatus v. PICTOR, quod primus ædem salutis pinxit. *Plin. lib. 35. cap. 4*.

A M B V S T V S.

## I.

L. VOLVSVS III. VIR. EX S. C. Caput Concordiæ, velatum: in averfa parte, K. FABI. AMBVST. C. VALER. POTIT. COS. Duæ figuræ togatæ insidentes thoraci, d. lauream tenentes, Victoria coronam inter eos suspensam tenet.

Volum. I.

Fff 2

Ad



Ad duas familias; nempe Fabiam & Valeriam pertinet hic denarius, sed quum earum alter nominetur Kæso Fabius Ambustus, de illo nobis videtur hoc loco dicendum. Quo tempore K. Fabius & L. Valerius vixerunt, denarii argentei Romæ non cudebantur; sed L. Volusus ex Valeria gente, ut antiquitatem nominis sui denotaret, L. Valerium Potitum Volusum, sic enim in Fastis indigitatur, exhibere voluit, comitem K. Fabio Ambusto; qui simul quum essent an. <sup>499.</sup><sub>50</sub> Tribuni militum Consulari potestate, Anxuris oppugnatio obtigerat, urbem cepit, & accedentibus collegis, nempe Valerio & Annio, oppidum vetere for-  
,, tuna opulentum tres exercitus diripere. In cuius rei memo-  
,, riam L. Volusus duos illos Senatores, nempe K. Fabium qui Anxur ceperat, & L. Valerium, à quo post Quæsturam originem trahebat, tamquam victoriæ adiutorem expressit. Ideò Victoria illis armorum Anxuritanorum spoliis insidentibus, & ambobus lauream in victoriæ signum gerentibus, porrigit. Notandum interea vocem cos. non Consules, sed Consulari potestate significare.

Lucius autem Volusus Triumvir renunciatur, & quidem Monetalis Augusti, qui solus hac ætate argenteam monetam cudebat. At quia Senatusconsulto opus fuit ad restaurandam Concordiæ ædem, caput Concordiæ, quæ in Aventino monte in 8. regione Fori Romani à *P. Victore* indicatur, cum Senatusconsulti nota, in parte denarii anteriore expressum est. Vide in gente Valeria, tab. 4.

## B V T E O.

## I I.

Caput Romæ galeatum BVTEO: in averfa N. FABI. M. F. in imo ROMA. Castor & Pollux in equis decurrentes, cum hastis.

Fabio Ambusto succedit ex eadem stirpe Fabius Buteo, is Numerius appellatur, & Marci filius. Pater ejus M. Ambustus quum initio belli navem conscenderet in Siciliam moventem, Buteo avis in ea consedit, & quod felix augurium ei portendisset, vocatus est Buteo. Filius ejus Numerius Fabius Quæstor Provincialis factus an. <sup>499.</sup><sub>500</sub> hunc denarium cum solito Castoris & Pollucis typo

typo cudit, in quo se Buteonem cognominavit, qui ut ille ad Consulatam etiam pervenit

## III.

Caput Romæ galeatum, pone quod ROMA. ex averſo latere N. FAB. BVTEO. Eques galeatus decurrens, d. coronam ex lauro ostentans.

Ad eundem N. Fabium Buteonem pertinet hic denarius, ut fert ejus inscriptio; sed typum alii ad victoriam quam Consul an. <sup>506</sup> contra Amilcarem ad Panormum adeptus est, *Zonare* verbis freti referunt. Alii quod Magister Equitum sit renunciatus an. 529. unde gaudet equo & coronam ostentat ob Boios profligatos, currit ad Urbem, comitiarum habendorum causa, quum Consules essent absentes; sed hæc non videntur veræ hujus typi causæ. Si victoria esset de Amilcare, Eques non gereret Lauream, sed corona ei à Victoria porrigeretur, nec decurrens prodiret, si Magister equitum, non erat in bello ut ad Urbem veniret, nec exercitui præerat, ut coronam haberet, Romæ ut Dictator morabatur: nam hic Magistrum equitum nominabat, & causa comitiarum habendorum tantum erat.

Ex Quæstura Numerius Buteo, ad Ædilitatem Curulem venit an. <sup>500</sup> in qua, ut eorum munus erat Ludos curare, Fabius se Equiria celebresse denotare voluit. Equiria autem, ut inquit *Varro*, dicta ab equorum cursu, die enim xxvii. Febr. qui est iii. Kal. Martii currebant equi in Campo Martio. De iisdem *Festus*, ita scribit, „Equiria, Ludi quos Romulus Marti instituit per equorum „cursum, sed hac die curribus junctos esse nos docet *Ovidius*.

Altera erant Equiria Prid. Idus Martii, qui est dies mensis xiv. Hæc in eodem Campo Martio juxta Tiberim celebrabantur, & per Equestres decursiones agitabantur: ideo Eques decurrens exhibetur: galeatus quidem currit in Martis honorem semper galea insignis; coronam ostentat ob decursionis quod retulit præmium. De his ita cecinit *Ovidius*:

*Altera gramineo spectabis Equiria campo,  
Quem Tiberis curvis in latus urget aquis:  
Qui tamen ejecta si fortè tenebitur unda,  
Cælius accipiet pulverulentus equos.*

Fff 3

Nam.

Nam si Tiberis inundasset Campum Martium, Equiria edebantur in monte Cælio, qui ob id Martialis dicebatur.

## H I S P A N I E N S I S.

## IV.

C. ANNIVS T. F. T. N. PROCOS. EX S. C. Caput Junonis Monetæ: in averſa parte L. FABI. L. F. HISP. Victoria in quadrigis.

L. Fabius Hispaniensis Senator à Sylla proſcriptus profugit in Hispaniam unde nomen, & Sertorio adhæſit, ſed filius ejus Lucius, qui hunc cudit denarium, videtur fuiſſe factus Quæſtor C. Annii Proconſulis à Sylla contra Sertorium miſſus: de hoc *Plutarchus in hujus vita*, ut fortè patrem à Sertorii partibus deduceret. De patre mentio eſt in *fragmento hiftoriarum Salluſtii, apud Servium, lib. 1. Æneid.* „ Igitur diſcubuerè, Sertorius inferior in medio, ſuper „ eum L. Fabius Hispanienſis Senator ex proſcriptis, in ſummo „ Antonius, & infra Scriba Sertorii Verſius: alter Scriba Mæcenas in imo, medius inter Tarquitium & Domnium Perpennam. In hoc convivio Sertorius à Perpenna occiſus, non potuit ergo denarius à Fabio Hispanienſi patre ut Annii Quæſtore eſſe cuſus, ſed haud dubiè à filio ſignatus.

De Junonis Monetæ capite, quod eā monetæ tutelaris eſſet dea, jam in Annia gente, ubi alios Fabii Hispanienſis Quæſtoris denarios produximus, quos conſule, dictum eſt; ut de Victoria in quadrigis ſolito denariorum ſymbolo. De aliis L. Fabii Hispanienſis Magiſtratibus nihil legimus; ejus forſan filius fuit L. Fabius qui Præturam Urbanam iniit an. 701<sup>2</sup>.

## L A B E O.

## V.

Caput Romæ galeatum, pone quod ROMA & ante LABEO: in averſa parte Q. FABI. Jupiter in quadrigis currentibus, d. fulmen, ſ. ſceptrum. Sub pedibus equorum, prora navis.

Cognominum ordinem alphabeticum ſequuti, Q. Fabium Labeonem ante patrem & avum exponimus, qui Labeo eſt cognominatus



minatus, ad distinctionem junioris fratris Q. Fabii, Maximi. La-  
beo autem Quæstor Urbanus fuit an. <sup>537</sup>; Prætor Classem & oram  
Maritinam Græciæ contra Antiochum fortitus obtinuit: ideo in  
ejus nummis quadrigatis prora navis est expressa. Alii volunt illam  
esse, ad notandum ejus ex Creta triumphum; nam Fabius, de-  
victo jam Antiocho, in Cretam trajecit ad exigendos ex omnibus  
ejus Insulæ urbibus captivos Romanos, quos quum ad nume-  
rum quatuor millium Romam reduxisset, triumphi causa fuit,  
quod tot Civium captivorum fuisset vindex, ut testantur *Mar-  
mora Capitolina*.

Q. FABIVS. Q. F. Q. N. LABEO. PR. ANN. <sup>DLXIV.</sup>  
<sup>DLXV. Varr.</sup>  
NAVALEM. EGIT. EX. CRETA....

Jupiter in quadrigis decurrentibus, non triumphi, ut sæpius  
diximus, sed denariorum quadrigatorum est symbolum.

## L I C I N U S.

## VI.

P. CLAVD. PVLCHER. Caput Genii cincinnatis capillis ornatum,  
cum Serpente ad eorum latera, & fascia illos redimente; pone  
eum littera T. inter duo puncta: in averfa parte, M. FABI. C. F.  
LICINVS. Triremis, cum remis.

Ad Fabium Licinum spectat hic denarius, quem in Claudia  
gente jam descripsimus num. 8. quum Fabius Licinus hic. Dorso  
& P. Claudius Pulcher Quæstores Urbani an. <sup>525</sup> hunc signarunt  
in honorem Cn. Fulvii Centumali, qui Proconsul hoc anno ex  
Illyriis triumphum navalem egit, ut ibi diximus, in cujus rei  
memoriam caput Genii ex una parte, ad cujus capitis latera ser-  
pens, quum ille aliquando sub serpentis figura pingeretur, ut  
de serpente canit *Virgilius*:

*Incertus Geniumve loci famulumne parentis*

*Esse putem.*

T. id est, Tutelaris, de quo *Censorinus*, Genium deum, ait, cujus in  
tutela ut quisque natus vivit. Navis Prætoria cum remis, Trium-  
phum M. Fabii Licini indicat, cujus æternum est monumentum.

MAXI-

## VII.

GURGES. Caput Romæ galeatum : in averſa parte Q. MAX. Q. F. EX. S. C. Triremis Imperatoria, in imo ROMA.

Tandem ordine alphabetico pervenimus ad Fabios cognomine Maximos, quod primus tulit Q. Fabius Rullianus, apud *Plutarchum*, ex claritate rerum geſtarum. Hujus nepos fuit Gurges ille de quo nobis eſt ſermo, & filius Gurgitis qui à devorato patrimonio ita dictus eſt, ex *Macrobio*, lib. 2. *Saturn.* Hic duos reliquit filios, nempe Q. Maximum Gurgitem & Q. Maximum Verrucolum. Major Quæſturam iniit L. Valerio Flacco & T. Otacilio Crasso Coſſ. an 492. At quum Romani ut Claffis pararetur, qua partim Italiam defenderent, partim in Africam navigarent, teſte „ *Floro*, lib. 2. intra ſexageſimum diem, qua cæſa ſylva fuit, „ centum ſexaginta navium claffis in ancoris ſtetit, ut non „ arte factæ, ſed quodam munere deorum converſæ in naves at- „ que mutatæ arbores viderentur. Ut autem erat primus belli maritimi apparatus, Senatuſconſulto expreſſa ſunt illius claffis monimenta in denariis, & Quæſtores denariorum Curatores facti, ut qui Conſules in cudenda moneta ſublevarent, illos cudere etiam cœperunt, & Gurges Triremem Imperatoriam in hanc rem percuffit Fabius ex Quæſtura ad Ædilitatem Curulem pervenit an. <sup>697.</sup><sub>8</sub> & quum nihil ampliùs de illius Magiſtratibus occurrit, ante maturam ætatem videtur mortuum. Ad ejus fratrem ut opinamur, tranſimus.

## VIII.

Caput Herculis, pone quod tres globuli: ex averſa parte MAX. in vertice, ROMA: in imo, ad laſtus tres globuli, in area Navis.

Tres globuli in parte nummi anteriore & poſtica ſignati, quadrantem, id eſt, quartam aſſis partem eſſe denotant, pondus verò quinque dragmis & uno ſcrupulo, ſextantarium aſſem eſſe demonſtrant, id eſt pondo duarum unciarum, ad quem reductus eſt primo bello Punico, ut ſparſim diximus. At quum a ſecundo bello Punico, magis urgente neceſſitate, factus eſt uncialis, id ſuaſit

ut

ut nummum ex Egnatia gente, quæ non his recentioribus clauit temporibus, ad Fabiam cognomine Maximi revocemus, & Q. Fabio Maximo, postea vulgò Cunctatori dicto, tribuere-  
mus. Vox ROMA nummum Romæ esse cufum manifestat, quod signasse Fabius videtur, quum Quæsturam Urbanam iniit an. <sup>511.</sup> nam in marmorea *inscriptione*, quæ apud *Petrum Victorium* Florentiæ suo tempore adhuc extare testatur *Onufrius Panvinius*, in *Fastis suis*, Quæstor bis renunciatur: quod intelligendum videtur de ejus Quæstura Urbana, & deinde secunda illius Provinciali. Caput Hercules, ut As reductus ad sextantarium fuit, mox pro Jano Bifronte vel Jove, in quadrante signatus est: nam ista nova moneta videtur fuisse tunc percussa.

## IX.

Caput Jani bifrontis barbatum: ex averfo latere: Q. MAX. ROMA. Navis supra quam Victoria stans, d. coronam porrigit, f. palmam.

Pondus hujus nummi ex duabus unciiis constans, sextantarium assem denotat, ad quem reductus est As libralis primo bello Punico; idque nos impellit ut illum pariter Q. Fabio adjudicemus: sed quo tempore cufus sit, nobis indicat Victoria supra navem expressa. Scimus quidem illam solitum esse nummorum, in quibus Jani caput ex parte anteriore exhibetur, averfi lateris symbolum; sed alludere videtur ad victoriam de Liguribus à Fabio Maximo Consule relatam: Nam illi littorales erant & Mediterranei. Ex utraque parte victi videntur ex his *Plutarchi verbis*; re-  
„ pressique à populanda & vexanda proxima Italiæ ora, quum  
„ priùs dixerit, qui signis collatis ab eo fusi, intra Alpes sunt  
„ multis amissis coacti. De illius ob victoriam decreto à Senatu triumpho in sequente denario dicturi.

## X.

Caput Romæ galeatum, pone quod ROMA, & ante VERRUCOSVS: in averfa parte, Q. FABI. MAXIM. Fabius togatus, in quadrigis triumphalibus, d. equorum habenas, f. scipionem eburneum, Victoria, per aera volitans, ei coronam porrigit.

Cognomen Verrucosi, quod præfert in hoc denario Q. Fabius  
*Volum. I.* Ggg *Maxi-*



Maximus, non excludit quin superiores nummi ad eum pertineant, nam in æreis non erant soliti longam inscriptionem apponere Romani, quam deinde in argenteis ut nobilioribus expresserunt. Verrucosi autem cognomen tulit à verruca in labio, ex *Plutarcho*, in ejus vita. Is à quibusdam Q. Fabii Rulliani pronepos creditur, ex his *Plutarchi* verbis, „ à Rulliano qui ex claritate, MAXIMI cognomen invenit, Fabius Maximus, de quo agimus, fuit quartus, ideo illi Fabii Gurgitis bis Consularis nepotem eum faciunt, & alterius Fabii Maximi, qui nullis majoribus Magistratibus usus est, filium pronunciant: sed hic ab aliis creditur fuisse Gurges Gurgitis filius, qui post Ædilitatem mortuus est, & frater major Fabii Verrucosi, & sic quartum esse Fabium Cunctatorem à Rulliano existimant.

Fabius Verrucosus Quæsturam Urbanam iniit an. <sup>511</sup><sub>2</sub> Provinciale verò <sup>512</sup><sub>3</sub> Ædilis Curulis fuit an. <sup>516</sup><sub>7</sub> Præturam, ut videtur, Urbanam gessit an. <sup>518</sup><sub>9</sub> Consul creatus est cum Pomponio Mathone an. <sup>520</sup><sub>1</sub> Fabio bellum cum Liguribus obvenit, eos acie profligavit, & propter victoriam ei decretus est à Senatu triumphus, cujus monumenta sunt denarii argentei, in quibus quadrigis triumphalibus, lento passu, ut triumphantium moris est, in Urbe gradientibus vehitur rogatus, scipionem, in cujus apice surgit aquila, Consulum insigne gerens, quod confirmant *Marmora Capitolina*.

Q. FABIUS. Q. F. Q. N. MAXIMVS. ANNO. <sup>DDX.</sup>  
<sup>DDXI.</sup> VERRVCOSVS. DE. LIGVRIBVS. K. FEBR.

Censor factus est Q. Fabius Maximus cum Sempronio Tuditano an. <sup>523</sup><sub>4</sub> Consulatum iterum cum Sp. Carvilio Maximo II. gessit an. <sup>525</sup><sub>6</sub> quo fœdus cum Pœnīs & Asdrubale renovatum est à Romanis. Moritur ejus filius Quintus Maximus Consularis, quem pro rostris laudavit an. <sup>533</sup><sub>4</sub> Dictator bello secundo Punico creatus fuit iterum an. <sup>536</sup><sub>7</sub> nam tempus primæ Dictaturæ non reperitur, hoc anno imminuta est moneta, & ut Pontifex Romanam ex exercitu rediit ad sacra facienda. Consulatum III. in locum M. Claudii Marcelli II. vitio facti suffectus iniit an. <sup>538</sup><sub>9</sub> Q. Fabio Maximo comitia habenti novo exemplo continuatus est Consulatus cum M. Claudio Marcello III. absente an. <sup>539</sup><sub>40</sub> Augur factus ætatis 63. ex *Plinio*, lib. 7. cap. 48. quod cadit in annum

V. C.

v. c. <sup>549</sup> si Fabius primum Consulatum iniit ætatis 43. ut moris erat. De reliquis illius honoribus infra.

## XI.

Caput Romæ galeatum, in corona ex lauro, pone illud ROMA. Ex averſa parte Neptunus, in quadrigis decurrentibus, d. tridentem, f. equorum habenas, in imo prora navis. Q. MAX. VERRVC.

Fabius Maximus Verrucosus quintum tandem Consulatu mob-  
tinuit cum Fulvio Flacco quartum an. <sup>544</sup> Italia ambobus Con-  
sulibus decreta est, partito tamen regionibus imperio, ut Q. Fa-  
bius ad Tarentum rem gereret. Interim à Censoribus Q. Maxi-  
mus Princeps Senatus lectus est, & ille terra marique obsidioni Ta-  
renti urbis applicuit; ut his verbis innuit *Plutarchus* : „ Reliquæ  
„ copię pariter terra marique adortæ mœnia sunt... cepit sca-  
„ lis urbem sexto die, illam exercitus diripuit, & in ærarium  
„ relata talenta tria millia. Ex hac victoria Fabius iterum trium-  
phavit, & ut milites remuneraret, ut moris erat, antequam triumphum  
Romæ denarii sunt cusi, in quibus captæ urbis Tarenti mœ-  
nimenta sunt expressa, quum Neptunus in solitis quadrigatis de-  
nariis visitur tridente insignis, ad denotandum illius urbis ad mare  
situm; quod confirmat prora navis, in nummo signata; sed  
quare caput Romæ in laurea expressa est? Non acie ad Tarentum  
dimicavit Fabius, sed si nobis conſpicere liceat, à *Goltzio* forſan  
pro graminea posita est, quam Fabio donatam esse à Senatu  
Populoque Romano, Annibale ab illo ex Italia pulſo, refert  
*Plinius*, lib. 22. cap. 5. quod exercitu ſervato conceditur, vel  
quod Imperium Romanum velut liberasset, quum illa eam ob  
causam concederetur. Tandem Q. Fabius Maximus lectus est  
iterum Princeps Senatus à Censoribus, an. <sup>549</sup><sub>50</sub>

## XII.

Caput Junonis Sospitæ, caprotina pelle amictum: pone quod  
EX S. C. ex altera parte Q. FAB. Q. F. MAX. AEMILIA. Ara, supra  
quam ſerpens, in gyros circumvolutus, caput erigit.

Q. Fabius Max. Verrucosus quum filium jam Consularem amiſſiſſet,

ut suprà diximus, adoptavit majorem filium L. Paulli Æmilii, qui Perseum devicit, quem habebat ex Papiria; ut tradit *Plutarchus, in ejus vita.* „ Ita relicta Papiria, alteram Paullus sibi matrimonio adjunxit, ex qua duos editos filios retinuit in Familia. Pricres summis & nobilissimis domibus per adoptionem, inseruit, majorem Fabii Maximi, qui Consul quinquies fuit. Hic verò ex adoptione, petendo Fabiæ gentis judice, dictus est Q. Fabius Maximus Æmilianus; illi fratrem adjicit etiam ex altera adoptione, nempe Q. Fabium Maximum Servilianum, *Appianus Iberic.* his verbis. Anno, exacto successit Quinctio Æmiliani frater Fabius Maximus Servilianus, nempe Capionum domo, ut infra dicemus. Sed nunc de Fabio Æmiliano.

Quæsturam ille militarem iniit an. <sup>596.</sup><sub>7</sub> Ædilitatem Curulem an. <sup>601.</sup><sub>2</sub> Præturam Provinciale[m] sortitus est an. <sup>604.</sup><sub>5</sub> & Consulatum tandem gessit cum L. Hostilio Mancino an. <sup>608.</sup><sub>9</sub> At Consules Magistratum ineuntes, Junoni Sospitæ de more sacrificare solebant; ex *Cicerone, in Orat. pro Muræna.* Ejus templum erat in Foro Olitorio: votum fuit à C. Cornelio, Consule bello Gallico, illudque quadriennio post Censor factus dedicavit. Fabius autem Æmilianus, ut se Junoni sacrificium illud fecisse denotaret, Sospitæ effigiem ab una parte caprotina pelle amictam, quod illi capræ immolarentur, expressit: ex altera adest ara sacrificii testis, & super eam visitur Draco Lanuvinus, Junonis Sospitæ symbolum; de quo extat *Propertii Elegia, in lib. 4. inscripta de Cynthia & Dracone.*

*Lanuvii anno si vetus est tutela Draconis,  
Hic ubi tam rare non perit hora moræ, &c.*

Q. Fabio Consuli Hispania Ulterior cum bello contra Viriatum Provincia obvenit, cauteque illud gessit; ut narrat *Appianus, Iberic.* „ Hoc, inquit, eum paterna disciplina docuerat bello Macedonico militantem: eumque sic cum *Plutarcho* Paulli Æmilii filium declarat. At quum illius belli imperium an. 609. prorogatum est, exercitato jam & confirmato tyronum exercitu, quem habebat, Viriatum fortiter præliantem, secundus ipse in fugam vertit. Patri successit Q. Fabius Æmilianus, dictus ob victoriam Allobrogicus, cujus sequens est denarius



## XIII.

Caput Jovis Axuris, laureatum & imberbe, sub quo fulmen. AIMILIANI. F. PROCOS. ex averſa parte Q. MAXIMVS. Victoria in bigis decurentibus, in imo ROMA.

Q. Fabius Maximus non Allobrogici cognomen ob victoriam quod meruerat, in denario accipit; ſed ad memoriam patris revocandam ſe Æmiliani filium inſcribit, virtute patris potiùs quàm ſua contentus. Quæſturam Provincialeſ accepit an. <sup>619.</sup><sub>20</sub> Ædilitatem Curulem an. <sup>624.</sup><sub>5</sub> Prætor Quæſtionem Publicam ſortitus eſt an. <sup>627.</sup><sub>8</sub> Hiſpaniam Citeriorem obtinuit <sup>628.</sup><sub>9</sub> & in ea prorogato imperio manſit an. <sup>629.</sup><sub>30</sub> ut anno ſequenti <sup>630.</sup><sub>1</sub> licèt à Graccho Tribuno accuſatus. Tandem Conſulatum cum L. Opimio iniit an. <sup>632.</sup><sub>3</sub> Fabio Gallia Provincia obtigit, ubi ingentem de Allobrogibus, Gallis, Arvernīs & Betulto Rege, ad Iſaram fluvium retulit VI. Idus Auguſti; ut refert *Plinius*, lib. 7. cap. 1. Fabio Senatus libens triumphum decrevit, ut teſtantur *marmora Capitolina*.

Q. FABIVS. Q. AEMILIANI. F. Q. N. AN. <sup>DCXXXII.</sup>  
MAXIMVS. PRO. COS. DE ALLOBROGIBVS. <sup>DCXXXIII. Varr.</sup>  
ET. REGE. ARVERNORVM. BETVLTQ. X. KAL....

Ut moris erat, milites ob victoriam ante triumphum remunerare, Fabius Romæ denarios, in quibus ex averſa parte bigæ cum Victoria, unde iis Bigatorum nomen, cudi curavit. Sed ut victoriam ſuam & triumphum denotaret, Victoriam ipſam, pro ſtagro ſolito, palmæ ramum gerentem expreſſit, dignitatis ipſe Proconſule titulum præferens, Æmiliani filii nomine potiùs, quàm Allobrogici appellatione contentus. Sed caput Jovis Axuris, ſi conſpicere liceat, à denariorum ſtandorum Curatore expreſſum eſt, ut originem ex aliqua Campaniæ urbe denotaret, in qua Jupiter ille colebatur: de quo *Virgilius*, *Æneid.* 8.

*Circæumque jugum, quis Jupiter Anxurus arvis  
Præſidet.*

De hoc Fabio, *Val. Maximus*, ait lib. 6. cap. 9. Adoleſcente nihil magis infame, eodemque ſene nihil ornatius illo ſæculo haberi potuiſſe.

## XIV.

Capita Jovis & Ditis jugata: in averſa parte Q. FABI. MAX. SERVILIANVS: in vertice s. c. in area globus, quem caduceus & palmæ ramus decuſſatim ambiunt.

Ratio temporis, ut à fratris filio ad patruum adoptione revertamur, poſtulat; nam Fabium Maximum Æmilianum & Fabium Maximum Servilianum, ex *Appiano*, fratres eſſe ſuprà diximus, hunc ex domo Cæpionum, illum ex Paullorum ſtirpe, quem à Fabio Verrucoſo adoptatum *Plutarchus* narrat, unde ab ipſo etiam Servilianum fuiſſe adoptatum, colligitur. Servilianus autem Quæſturam Provincialem iniit, an. <sup>600</sup>; Ædilitatem Curulem an. <sup>605</sup>; Præturam fortitus eſt Peregrinam an. 607. Tandem Conſulatum cum L. Cæcilio Metello an. <sup>71</sup>; Fabio Hiſpania Ulterior, & bellum contra Viriathum, ut fratri ſuccedenti Quintio obvenit, prorogata illi Provincia an. <sup>71</sup>; Quùm Viriatus pacem peteret, Fœdus cum illo pepigit, teſte *Appiano*, „ quod Populus Romanus, manus poſtea ratum eſſe voluit, ipſumque Viriathum amicum nominavit, & ejus ſocios, quos agros poſſederant, habere juſſit; ſic bellum Romanis graviffimum, cum bona gratia extinctum videbatur.

Fabius Servilianus in pacis, quam pepigerat, memoriam, denarios ex Senatuſconſulto percuſſit, ut indicat nota s. c. in quibus capita Jovis cum fratre Dite, ut videtur, nam ii ſimiles in nummis Cornelii Hiſpali expreſſi ſunt, ſignavit; Jovem nempe Optimum Maximum, in cujus templo pacis conditiones & fœdera reponebantur, Ditem verò Jovis fratrem, quem in ejus templi ſiſtigio collocabant: apud *Ciceronem* Summanus dictum, quod nocturna fulmina vibrare credebatur: ita ut contra fœderum violatores, ſua die & nocte fulmina deos illos vibrare præcabantur. Ex averſa parte, globus Imperium Romanum, per caduceum pacis, & palmæ ramum, victoriæ ſymbola, tranquillum eſſe demonſtrat.

Fabius Cenſuram iniit cum L. Cæcilio Metello Calvo an. <sup>627</sup>; ſed poſtea hi abdicarunt.

## XV.

## XV.

Caput Jovis, laureatum : in averſa parte Q. FAB. Mars galeatus, ſtans nudus d. coronam tenet, in alio pateram, ſ. haſtæ innixus eſt, pro pedibus clypeus, in area litteræ ΠΑ. ſimul junctæ.

Inſcriptio Q. Fabio nummum tribuit, ſed cuinam inter tam multos ejus prænominis, ſine filii appellatione, & ſine ullo cognomine, diu hæſimus ad quemnam eorum revocaremus. Nec facilis eſt conjectura, porro ne illo prætermiſſo, aut inter incertos relegato, quidquid ad ejus explanationem prodeſſet, in illo attente perquiſivimus. Primum ille quidem non eſt Romanus, quum deſit vox ROMA; remque confirmat monogramma Græcum ΠΑ. litteras initiales, ΠΑΝΟΡΜΙΤΑΝ designans; ſed nummus ejus urbis apud *Goltzium in hiſtoria Siciliae, & Magnæ Græciæ, tab. 8. num. 2.* quod nobis caput Martis galeatum, ut noſter ſtantem exhibet, ejus cultum in hac urbe denotans.

Superest, ad quem ex Fabiis cum prænomine Quinti pertinere poſſit, nobis inquirendum. Sicilia ſub C. Lutatio Catulo an. <sup>513</sup><sub>4</sub> conſtituta eſt Romanorum Provincia, excepto Hieronis regno, & Prætor in eam miſſus eſt <sup>536</sup><sub>7</sub> ab eo tempore, nullum invenimus inter Fabios prænomine Quintos, uſque ad Civile bellum Julii Cæſaris, quis potuit eſſe Prætor Siciliae, quàm Q. Fabius Servilianus an. <sup>607</sup><sub>8</sub> ideo illi nummus adjudicari poteſt: nec te turbet, conſtrictæ voces Q. FAB. Civitates Græciæ & nummi ærei, prolixam cognominum epigraphen ſignare non erant ſoliti. Prætor quidem Syracuſis morabatur, & Panormitani, dum Sicilia conſtituta eſt Provincia, ob merita in P. Romanum obtinuerunt, ut ſine fœdere immunes, & libertate donati, hoc eſt, à Magiſtratus Romani Jurisdictione ſoluti eſſent. Sed ut eorum moneta eſſet apud Romanos in uſu, ideo Sicilia Prætores nomen & deum Romæ tutelarem, cum Marte ſuo ex altera ſignabant, cum initialibus Urbis litteris, ut tunc moris erat.

## XVI.



## XVI.

Q. MAX. Caput Romæ galeatum , pone quod ROMA. ex averſa parte cornucopiæ , annexum fulmini , in corona ex ſpiciſ & frugibus compacta.

Ut Q. Fabio Maximo , cognomine vulgari Eburno , denarium hunc tribuamus , fulmen in averſa parte ſignatum impellit. Pullus Jovis etiam dicebatur, apud *Festum* , cui , ait, Eburno cognomen erat, propter candorem, quod ejus natis fulmine iſta erat. Ideo Fabius Jovem ſub figura fulminis , à quo in cunis conſervatus fuerat , exhibet , ejusque caſus hoc lemmate memoriam revocat. Cetera ſunt Ædilitatis ejus monimenta , de quibus , quum de quo credatur filius , dixerimus.

*Antoninus Auguſtinus, lib. de Fam. Romanorum*, Eburnum Fabii Allobrogici filium appellat, & ideo illum à Q. Pompeio Prætore Urbano bonis interdictum fuiſſe putat, ut refert *Val. Maximus* , de Allobrogici filio, *lib. 3.* Sed ille adoleſcens erat perditus & infamis, & non Conſularis, ut Fabius Eburnus. *Steph. Pighius Ann. Rom. lib. 13. pag. 25.* Eburnum Allobrogici fratrem facit, his verbis: „ Frater F. Allobrogici fuiſſe videtur , diſtinctus agno- mine & non prænominē: *Glandorpius* autem in *Onomaſt. Rom.* illum Maximi Serviliani filium fuiſſe arbitrat. Ut ut ſit, Quæſturam Provincialem iniit an. <sup>64</sup><sub>3</sub>; deinde Ædilitatem Curulem obtinuit an. <sup>69</sup><sub>30</sub> in qua, ut munus Ædiliū erat annonam curare, ſe Quintus Eburnus per cornucopiæ & coronam ex ſpiciſ & fructibus contextam, rerum omnium ex terra naſcentium ubertatem & abundantiam , ex omnibus regionibus procuraffe , his ſymbolis demonſtrare voluit.

## XVII.

Q. MAX. Caput Apollinis , muliebri effigie , & laurea coronatum , ante quod lyra , & pone ROMA. Typus averſi lateris, idem ac ſuperior, fulmen, & cornucopiæ in corona ex ſpiciſ & fructibus contexta.

Eadem circa Apollinis caput inſcriptio , & idem in averſa parte typus, denarium ad eundem Q. Fabium Maximum, cognomine Eburnum , eſſi illa deſit appellatio , ſpectare nos edocet,

&

& ut ex Ædilitate Curuli ad Præturam Urbanam pervenerat an.<sup>634</sup> in illa Ludos Apollinares, qui celebrabantur pridie Non. Quintiles, sumptibus suis edidit, cujus memoriam per caput Apollinis in denariis expressum, typo Annonæ P. Romano tam gratæ repetito renovare voluit. Apollo muliebri effigie, & juvenis, ut Bacchus, semper exhibetur: nam sic à Poëtis fingitur. *Ovidius*:

*Solis perpetua est Phæbo, Bacchoque juventus.*

Laurea coronatur, ut Vates & Vaticinii deus existimabatur. Seu quod laurus esset, in ejus tutela, teste *Fulgentio*, & conversâ sit in hanc arborem Daphne ab eo adamata. Lyra autem ejus est symbolum, à Mercurio inventore, pro boum, quos illi dedit, compensatione, Apollini datum.

Fabius Eburnus tandem Consulatum obtinuit, cum C. Licio Geta an.<sup>637</sup>.

## XVIII.

Caput Veneris, P. VATINI P. F. COS. ex altera parte Q. MAX. Q. F. Sella Curulis, supra quam corona, hinc caduceus, inde lauri ramus: inter Sellæ pedes nota s. c.

A Q. Maximo cognomine Eburno, ad Q. Maximum ejus nepotem descendimus, cujus Quintum patrem, ab avo ob impudiciam, cognita licet causa, necatum, suspicamur ideo Quinti filius in hoc denario, & in sequente Quinti nepos, ut in Fastis indigitatur Quæsturam Urbanam an.<sup>698</sup> Prætor verò Quæstionem Publicam sortitus est <sup>706</sup>/<sub>7</sub> quo denarium signavit, quum esset Vatinius Consul, ut fert illius epigraphe. Hic verò fuerat Legatus Julii Cæsaris, quem redacta in potestatem Ægypto, Romam reversus, Consulem cum Q. Fusio Caleno etiam suo Legato, in reliquum anni nominavit. Caput Veneris in gratiam Cæsaris, ex qua se originem traxisse gloriabatur, signata est; eundem caduceus, felicitatis illius symbolum, ut & laurus, victoriarum ejus insigne, respiciunt. Sella Curulis Magistratum utriusque, & Consulis & Prætoris insigne: s. c. denotat, in memoriam Consulis denarium esse cûsum Senatusconsulto, quem creaverat Julius Cæsar.

## XIX.

Caput Romæ galeatum, pone quod ROMA: ex averſo laere Q. MAX. Q. F. Q. N. Fabius togatus, in quadrigis triumphalibus veſtus, d. habenas equorum, f. ſcipionem eburneum, incujus apice aquila.

Q. Fabius Maximus, poſt Præturam Urbanam, legatus pro Prætor in Hiſpaniam Citeriorem, à Julio Cæſare miſſus eſt an. <sup>707</sup> ut refert *Dio*, lib. 43. „ Qui enim Cæſaris in Hiſpania „ erant Legati, Q. Fabius Maximus, & Q. Pedius, quum ſe „ ſatis inſtructos ad conſigendum cum Pompeio non putarent, „ nihil aliud agebant, quàm quod Cæſarem, ut adventum „ ſuum maturaret, hortabantur. Cæſar ex Hiſpania Romam victor reverſus, abdicavit Conſulatum, Dictatura contentus, & Q. Fabium cum Trebonio Conſules pronuntiavit, an. <sup>708</sup> & quum ille de Hiſpania triumphaffet, voluit etiam, ut ſui Legati de illa triumphum agerent: teſtibus *Capitolinis Marmoribus*.

Q. Fabius. Q. F. Q. N. MAXIMVS. COS. AN. <sup>DCCIX.</sup> *Parr.*  
EX HISPANIA. III. IDVS. OCTO.

Quintus autem Fabius Maximus, extrema Conſulatus ſui die, mortuus eſt; uti narrat *Dio*, lib. 43.

## XX.

Caput Apollinis, radiatum: in averſa parte, PAULLVS. FABI. MAXIM. Luna bicornis, inter quinque Triones. In media area s. c.

Nullum eſt dubium, quin hic denarius ad Paullum Fabium Maximum pertineat; ejus inſcriptio id apertè demonſtrat. *Goltzius* autem, qui nummum profert, illum Paulo Fabio Maximo, quem reperit Conſulem cum Q. Ælio Tuberone an. <sup>742</sup> adjudicat: ſed forma & typus denarii huic ſententiæ repugnant. Forma quidem antiquior videtur, typus autem caput Apollinis eſt; & illo tempore denarii argentei, cum Auguſti effigie tantum ſignabantur. Apollinis caput & Luna bicornis cum Trionibus ſæpius à nobis exhibentur, pro ſolito Ludorum Apollinarium, à Prætorè Urbano editorum, monimento. Nota autem s. c. illos celebratos



lebrato ex impensis à Senatu factis indicat, quod Reipublicæ stantis, potius quàm Augusti ævo convenit. Nam, postquam monetæ cudendæ divisâ cum Provinciis inter Augustum & Senatum potestas fuit, an. <sup>726</sup>/<sub>7</sub> huic ærea cum nota s. c. & quidem cum Augusti effigie, aut ejus symbolis, cessit, illi verò aurea & argentea: unde ab illo tempore, nulli ampliùs Consulares denarii vulgò dicti, occurrunt.

Cui igitur tribuendus est denarius? Paulo, ut opinor, Fabio Maximo, hujus Consularis patri, quem nos Prætorem fuisse edocet illius typus, in quo Apollo & Diana, quibus erant dicati ludi Apollinares, exhibentur. Paulli Æmilii filium majorem à Q. Fabio Maximo v. Consule adoptatum produximus; qui in denariis Q. Fabius Maximus Æmilianus inscriptus est. Ejus filius Allobrogicus, se in suis Q. Maximum Æmiliani filium appellavit; at hujus Quintus Allobrogici filius, ob luxuriam, à Q. Pompeio Pratore Urbano, ut refert *Val. Maximus*, bonis paternis interdictus, filium reliquisse videtur; qui, ut adoptionis proavi memoriam recoleret, Fabiæ cognomen *Paullus* in prænomen assumpsit, ut alter hujus ævi, qui Paullus Æmilius est appellatus.

## XXI.

Caput velatum & turritum. EX A. PV. id est, *ex argento puro*: in averſa parte C. FABI. C F. Victoria in bigis, d. flagrum, s. habenas equorum. Sub ejus pedibus, Ibis avis. Diverſæ litteræ, B. vel E. in variis similis typi denariis, sunt Monetariorum notæ.

Ad illorum stirpem, qui Pictoris cognomen in gente Fabia rulerunt, tandem ordine alphabetico pervenimus; & C. Fabius, C. Fabii Pictoris, qui ædem salutis apud *Plinium*, depinxit, filius, licet illius cognomine non sit ornatus, prodit primus; huncque denarium percussit, postquam Quæsturam iniisset an. <sup>474</sup>/<sub>5</sub> Ædilitatem Curulem an. <sup>480</sup>/<sub>1</sub> Præturam an. <sup>482</sup>/<sub>3</sub> nempe in Consulatu cum Ogulnio Gallo an. <sup>484</sup>/<sub>5</sub> Nam *Plinius, lib. 33.* refert, C. Fabio Consule, argentum Romæ signatum, annis quinque ante bellum Punicum primum. Hic verò Consul in *Fassis* reperitur, an. <sup>484</sup>/<sub>5</sub> & bellum cum Pœnis primum est inchoatum, anno <sup>489</sup>/<sub>50</sub> ut omnes *Scriptores* memorant.

Caput muliebre velatum & turribus ornatum, non Roma est,

*Volum. I.*

Hhh 2

quæ

quæ semper galeata, ut bellatrix & dea, depingitur; sed Alexandria qualis exhibetur in denario gentis Æmiliæ num. 16. cum hac voce ALEXANDREA. Id confirmat Ibis, in averſa parte, peculiare Ægypti, ut omnes norunt, ſymbolum. Illud verò caput in denario ſignavit C. Fabius, ut legationem ſuam, cum fratre Numerio, ad potentiſſimum Ægypti Regem Ptolemæum Philadelphum, ante triennium initam, poſteris commendaret. Nam quum Rex, ad petendam Senatus Populique Romani amicitiam, per legatos miſiſſet, anno 480. ſcribit *Zonaras*, lib. Ann. 2. Romanos, ea Regis comitate delectatos, viciffim Legatos ad Regem miſiſſe. Eorum nomina profert *Val. Maximus*, lib. 4. cap. 3. Q. Fabius Gurgēs, Caius Numerius Pictor, Q. Ogulnius Legati ad Ptolemæum miſſi.

Ex eo quod *Zonaras*, loco citato, munera Regem tunc plane regia Romano P. miſſe refert, quidam argenti ſummam miſſe dicunt, & ex eo monetam argenteam fuiſſe primum cuſam; unde voces EX A. P. *ex argento publico*, explicandas arbitrantur. Quafi verò Roma Regis dono opus habuerit, ad monetam argenteam cudendam: ſed quando decrevit eam ſignare, quum peregrina uteretur, in qua Græci, & alii Populi eam adulterabant, *ex argento puro*, & ſine æris mixtione ſuam eſſe denotare, imo inſcribere in iſtis denariis voluit, quod ſemper ſequuta eſt; nam difficilibus temporibus ejus pretium augere, quum denarios ex decem aſſibus ad ſedecim evexit, quàm adulterare maluit. In primis autem vel biga vel quadriga ut plurimum ſignabatur, unde denarii dicti ſunt bigati & quadrigati.

## XXII.

Caput Romæ galeatum: in averſa parte N. FABI. PICTOR. Figura galeata ſedens, d. apicem, ſ. haſtam, ad latera clypeus, in quo QVIRIN. in imo ROMA.

Numerius Fabius Pictor, Cai Fabii ſuperioris frater, & ipſi comes in legatione ad Ptolemæum Philadelphum, uti ſuprà ex *Val. Maximo* diximus, Quæſtor militaris extitit an. 477. Legatus ad Regem Ægypti, 480. Ædilis Curulis 482. Prætor 485. & tandem Conſul cum Junio Pera an. 487. At quia Conſulibus primam curam argenti ſignandi fuiſſe datam novimus, hunc denarium, hoc anno,  
à N.

à N. Fabio Consule signatum pronuntiare possumus; cui adjuncta est littera numeralis x. ut in aliis ferè deinceps omnibus, ad denotandum denarii pretium; nempe pro x. assibus æreis mutari.

In averſa parte N. Fabius, quùm eſſet Flamen Quirinalis, expreſſit Quirinum: nam hoc Sacerdotium, ab institutione illius, viderur in Fabia gente fuiſſe; quod Fabius fuiſſet Quirini ſeu Romuli ab intimis, & ejus imperio plurimum addiſtus, & inde tota gens Fabia. Videmus autem apud *Livium*, Fabium Dorſonem Flaminem Quirinalem anno <sup>370</sup> & poſt Numerium ipſum, alterum ejus gentis Q. Fabium pariter Flaminem Quirinalem, ex ipſo *Livio*, an. <sup>564</sup>; nam, inquit, *lib. 6. Dec. 1.* ſacrificium erat ſtatum in Quirinalli colle Genti Fabiæ.

Numa autem, apud *Plutarchum*, „ id Sacerdotium inſtituit, „ his verbis, Inde duobus Flaminibus, Diali & Martiali, tertium „ Romuli addidit, quem vocavit Quirinalem. Flamen verò Quirinalis ex majoribus erat Sacerdotiis & Patricii generis, cujus erant Fabii. Vox QVIRIN. in clypeo, nihil aliud quàm *Quirinus* explicari poteſt, ergo Quirinum ſedentem denotat; quamvis autem prolixa barba non ſit ornatus, ut in Memmia exhibetur, juvenis etiam depingi poteſt. Tenet apicem, ut Quirinalis Flaminis ſymbolum, ſiniſtra haſtam ſeu quirim, unde Quirinus eſt dictus, galea armatus eſt, ut inſignis bellator.

## XXIII.

Caput Dianæ, ſupra cujus frontem creſcens Luna; ſupra humerum lævum arcus & pharetra: pone ROMA. In averſa parte, N. FABI. C. F. PICTOR. Victoria in quadrigis, d. ſlagrum.

Quin ad Numerium Fabium Pictorem pertineat etiam hic denarius, illius epigraphe dubitare non ſinit: ſed cur Diana Venatrix in anteriore parte? quùm deperdita ſint illius ævi monumenta, conjicere poſſumus, dum nomen Pictoris, quod non tulit frater, aſſumit, patris gloriæ æmulum, forſan Dianæ ſanum in Aventino monte, ut parentem Salutis templum, ut ſcripſit *Plinius*, depinxiſſe, in cujus memoriam ejus effigiem in denario exhibuit. Niſi dicamus illius templi reſtaurandi curam habuiſſe: nam illis temporibus tantum in denariis repræſentabant, quæ ad ipſorum geſta ſpectarent. Victoria in quadrigis cum ſlagro, ſolitus eſt denariorum typus; unde illi denominabantur quadrigati; ut quando Victoria in



bigis erat, appellabantur bigati : sed si coronam aut palmam illa præferebat, aliquam victoriam denotare videbatur, & forsan propter quam ipsi triumphum egerant : itaque licet N. Fabius bis triumpharit, an. <sup>487</sup>/<sub>8</sub> nempe de Sallinatibus in Umbria, V. Cal. Octob. & de Sallentinis & Messapiis versus Apuliam, Kal. Febr. denarius nihil de illis significat.

## XXIV.

Caput Romæ galeatum : in averſa parte C. F. L. R. Q. M. in area ROMA. Victoria in bigis, d. habenas, f. coronam.

„ *Fulvius* de hoc denario, ait, aliquem Fabiorum, Cai quoque „ & ipsum prænomine usum, qui cum L. Roscio, vel L. Rubrio, „ & Q. Marcio, Triumvir fuerit monetæ cudendæ, designari opinor : sed inter incertos relegandus est, quum ad C. Fannium, C. Fulvium & alios pertinere possit.

Observandum est, nos ex Fabia gente nummum, quem *Goltzius*, in *Faſtis* pag. 215. num. 6. ad Q. Fabium Maximum Africanum Consulem cum L. Arruntio refert, an. <sup>742</sup>/<sub>4</sub> qui ad Duumvirum Cæſaraugustæ in Hispania spectat, ut integrum Lector videbit in Augusto, *lib. nostri de Coloniis* pag. 26. tom. 1. cum hac inscriptione CAESARAUGVSTA. Q. MAXIMO ITER. C. VALENTINO II VIR. Colonus agit boves. Q. ille Maximus ad alteram quam Fabiam gentem etiam spectare potest, quum illud cognomen aliis conveniat Familiis.

## F A B R I C I A.

**F**ABRICIA gens Plebeia; siquidem Q. Fabricius, Tribunus plebis studuit revocando Ciceroni. Desumptum videtur esse nomen ejus à fabro. Paternus cognomen à voce *Pater*, & Aspasiis, Oviniis, & Tarusiis familiare.

L. FABRICI. in tabella, per medium nummi posita, in vertice PR. id est, Prætor: ex averso latere, PATERNVS. Serpens, in gyros circumvolutus, caput erigens.

Fabriciam gentem reperimus, cognomine Luscinæ, à Lusco dictæ, & quidem Consularem. Caius autem Fabricius ter Consul & Censor fuit: ab eo opinor Paternos originem traxisse, & nummum spectare ad L. Fabricium patrem ejus, qui Fabricium pontem faciendum curavit; unde *Inscriptio* in arcu pontis adhuc extat.

L. FABRICIUS L. F. CVR. VIAR. FACIENDVM COERAVIT  
IDEMQVE PROBAVIT.

Q. LEPIDVS. M. F. M. LOLLIVS M. F. COS.  
EX S. C. PROBAVERVNT.

L. Fabricium fuisse Prætorem indicat nummus; sed quùm ille Romæ non est cusus, Provinciale extitisse necesse est. Et si nobis conjecturæ locus, ob serpentem Epidaurium, Achaïæ: nam Corintho diruta à Mummio an. <sup>607</sup> illa Romana facta est Provincia, cui Prætor Romanus quotannis mandabatur. Serpens ille, ob solempne Æsculapii templum, ab Epidauro v. mil. distans, Achaïæ Provinciæ symbolum fuisse videtur, quia ille in ejus erat tutela, & quod deus ille Romam allatus sit, sub ejus figura.



## F A B R I N I A.

### I.

Caput Herculis, pelle leonina amictum, cum tribus globulis : in averſa parte M. FABRINI. in vertice ROMA. in imo ad latera tres globuli, in media area Navis.

**F**ABRINIÆ gentis, etſi nummi ſint triti & vulgares, nulla apud veteres *Scriptores* mentio reperitur. M. hic Fabrinus ex Romæ inſcriptione, in qua ſignatus eſt nummus, illum Quæſtorem Urbanum, cui commiſſa erat nummorum cudendorum cura, extiſſe demonſtrat : ſed quo tempore vixerit, incertum eſt. Nummi forma & pondus, eum ſecundo bello Punico, quando As libralis ad unciam reductus eſt, ut ſæpe diximus, videntur denotare ex tribus globulis tres uncias deſignantibus, illum percuſſiſſe. Hercules autem, quum minuta moneta eſt facta, tunc in ſignari iis cœpit. Navis ſolitus eſt æreorum nummorum typus.

### II.

Caput Mercurii cum pileo, cui adjuncta hinc & inde ala, pone tres globuli : ex averſo latere. M. FABRINI. ROMA. ad latera tres globuli. Navis.

*Fulvius* ad FABRINI inſcriptionem, dubitavit de epigraphe, ſed *Patinus* hunc nummum addidit, cum effigie Mercurii pileo ornatu cum alis. Quum autem minuta cuſa eſt moneta, introductæ ſunt in ea variæ deorum, quos præcipue Romani colebant, effigies. Mercurius varias ædes & templa in Urbe habuit, ut legere eſt apud *P. Victorem*. Mercurius cum alis depingitur, quia, ut credebatur, negotiorum omnium deus, per æræ volucrem ferri ſermonem ſignificare volebant. De quadrante & Navi dictum eſt.

### III.



## III.

Caput Romæ, pone quod tres globuli : ex averſo M. FABRINI. in imo ROMA. Navis.

Romæ caput in minuta moneta, ut in denariis argenteis ſignari cœpit. Æquum ſane erat, ut Romana moneta, etiam ipſius imaginem præferret, quùm latè ita dominaretur, & apud Aſianos ut dea coleretur : tres autem globuli in nummo, quartam aſſis partem denotant, ut ſextertius in argento, ſic in areis nummis quadrans, de quo *Juvenalis, Satyr. 7.*

*Nam ſi Pieria quadrans tibi nullus in arca  
Oſtendatur.*



## F A D I A.

**F**ADIA gens Plebeia; siquidem apud *Ciceronem* T. Fadius perperam Fabius, revocationem ejus ab exilio jovit, & , si nobis conjectura vera est, ex Arpino Latii oppido oriunda.

### I.

Caput Romæ galeatum, ex altera parte L. FAD. L. SAT. Duæ dexteræ junctæ.

*Patinus* hunc minutum nummum ex ære, in additis protulit. Illam ex Arpino Latii urbe in Samnii confinio gentem fuisse oriundam diximus, quod T. Fadium, Cicero in Consulatu Quæstorem suum ut Arpinatem accepisse videtur, & L. Fadium Arpinatum Ædilem appellat, *lib. 15. Ep. 15. ad Atticum*, cui nostrum denarium, ex eo loco tribuimus, Tu, inquit, nummos Arpinatum, si L. Fadius Ædilis petet, vel omnes reddito. Ut Ædilis cum L. Saturnino hunc percussit, ad denotandam inter eos concordiam, cum dexteris simul junctis. Caput Romæ, an illam Arpini cultam denotat? & Municipiis Italiæ minutam monetam signare concessum.

### I I.

AVGVSTVS DIVI. F. Caput Augusti, laureatum: ex averfa parte M. PORCI. CN. FAD. II. VIR. CAESARAUGVSTA. Vexillum super aram.

Fadii nomen, non ita vulgare, suasit ut hunc nummum, etiam si Cæsaraugustæ cūsum, hic proferamus, ad ejus gentis nummorum ampliationem. Cn. ille Fadius, cum M. Porcio, Duumviri renuntiantur, qui Consulū ut Romæ dignitatem replebant, & ideo Roma, quū deducta est Colonia, Cæsaraugustam profecti, tanquam illius urbis cives. Ara & Vexillum ad Coloniæ originem spectant, dum illa deducebatur, aram primū extruebant, supra quam sacra fierent; quibus peractis, Vexillum, legionis in ea deductæ nomen præferens, imponebant. Vide & alterum horum Duumvirorum nummi typum, *in nostro lib. Colon. pag. 26.*

FAN-



## F A N N I A.

**F**ANNIA gens Plebeia, sed Consularis; uno *Ciceronis* testimonio, *ad Attic. ep.* 13. *lib.* 16. „in praesentia mihi velim scribas, „ quibus coss. C. Fannius M. T. Tribunus plebis fuit. An ejus cognomen à Fano, duplicata consonante? Illius gentis cognomen fuit Strabo, id est, qui oculos habet distortos.

### I.

Caput Romæ galeatum, pone quod ROMA : in averfa parte  
M. FAN. C. F. Victoria in quadrigis decurrentibus, d. coronam,  
f. habenas equorum.

M Fannius qui denarium cudit, Caii filius perhibetur, & Caii Fannii, qui cum M. Nonio Suffenate. Propræt. cum imperio Consules & Cn. Pompeium sequuti sunt in Græciam an. <sup>704</sup>; frater fuit, quorum pater videtur fuisse L. Fannius Strabo, quem Luculli Legatum narrat *Dio, lib.* 35. in cujus aliquam victoriam M. Fannius, ejus filius memor, in denariis, quos Quæstor Urbanus percussit, Victoriam in quadrigatis solitis, coronam ex lauro gerentem, expressit.

### II.

AED. PL. Caput Cereris, corona ex spicis ornata, in averfo latere M. FAN. L. CRITO. Duæ Figuræ supra fellas sedentes : pone eas P. A. id est, *Primi Aediles*.

M. Fannius iterum prodit; sed Aedilis plebis, ut indicat epigraphæ ex parte Cereris in ea haud dubiè expressa ex *Dionis* verbis, *lib.* 43. qui narrat an. <sup>708</sup>; Cæsarem Dictatorem Magistratus ordinasse, &, inquit, „ eodem anno primùm sex „ Aediles sunt constituti, duo Patricii, qui Cereales voca- „ rentur, quatuor Plebei. *Appianus*, Critonium ex iis unum „ fuisse nos edocet, *Bel. Civil. lib.* 3. Jam instabant, inquit, quos



„ editurus erat Ædilis Critonius, & Cæsar junior in Ludos patri  
 „ sellam auream, atque coronam parabat; id quod ex s. c.  
 „ illi in perpetuum, Ludis omnibus decretum erat. Quumque  
 „ Critonius negaret se passurum honorari Cæsarem in iis Ludis,  
 „ quos ipse suo sumptu faceret &c. Hujus Ædilis Critonii, so-  
 „ lus meminit *Appianus*; sed illius prænomen Lucium nos edo-  
 „ cet denarius, ut M. Fannium etiam hujus anni <sup>709.</sup><sub>10.</sub> Ædilem Ce-  
 „ realem Critonii Collegam fuisse nos monet: unde litteræ initia-  
 „ les P. A. Primos Ædiles Cereales fuisse illos denotant, ut & ter-  
 „ tius ex iis Memmius scribit etiam in suis denariis. MEMMIUS  
 AED. CEREALIA PRIMVS FECIT.



## F A R S U L E I A.

**F**ARSULEIÆ gentis nulla mentio nisi in *Inscriptione Coloniae Juliae Sutrinæ*, in qua inter Pontifices numeratur L. FARSVLEIVS RVFVS : unde ex hac urbe oriundam illam fuisse suspicamur ; sed cognomen Mensor , ab eo qui agros aut castra metitur.

Caput Monetæ , pone quam typus monetæ. MENSOR. S. C. in averſa parte bigæ , in quibus Roma galeata, dextram Figuræ togatæ ad conſcendendum in illas, porrigit : ſ. haſtam, in imo L. FARSVLEI, in area ſcorpius , Monetarii nota.

L. Farſuleius exprimere videtur , quod ille ex Colonia Romanam venit , & ad Magiſtratus acceſſit , puta ad Quæſturam Urbanam , in qua hunc denarium cudit , ut nota ſ. c. denotat. *Appianus, lib. 2. Bel. Civil.* „ Latinitatis , inquit , juſ „ hoc fuiſſe, ut cives Romani fierent , qui in Latinis Coloniis „ Magiſtratum geſſiſſent , vel quod Julia Lege an. <sup>664</sup> civitas data ſit Sociis P. Romani ad Sociale bellum finiendum. Quare Farſuleio civi factio Romano, Roma manum ad Quæſturam aſcendendum porrigit, quam ſic expreſſit, quod illi denarios argenteos bigatos ſignari curarent. Ideò Junonis Monetæ caput expreſſit, & pone eam typum Monetalem. At quum in variis Farſulei denariis, variæ literæ numerales & caracteres occurrant , in *Patiniano* EXT. in meo TX. in altero ꝯXXV. & uno tantum anno in Magiſtratu permanebat qui eo fungebatur , denariorum qui ex hac gente cudebantur , numerum designare videntur, tam diverſus enim numerus ſolo anni curriculo, aliam cauſam reſpicere nequit.



## F L A M I N I A.

**F** L A M I N I A gens Plebeia , à Flamine nomen habet desumptum , & ei cognomen Cilo : dicti autem sunt Cilonēs , quorum capita oblonga & compressa sunt ; vel quibus frons eminentior , ita ut à dextra sinistraque recisa videatur.

### I.

Caput Romæ galeatum , ante quod ROMA : in averſa parte C. FLAMIN. C. F. Victoria in bigis , d. flagrum.

C. Flaminius perhibetur in denario filius Caii , qui Tribunus plebis fuit an. <sup>495</sup>/<sub>6</sub> & iter. an. <sup>499</sup>/<sub>100</sub> & Ædil. an. <sup>502</sup>/<sub>3</sub> Ille verò Quæſturam Urbanam iniit , an. <sup>515</sup>/<sub>6</sub> in qua denarios cum Romæ effigie , Victoria bigatos agente cum flagro , cudit. Deinde Quæſtor Provincialis an. <sup>516</sup>/<sub>7</sub> Tribunatum plebis accepit , an. <sup>522</sup>/<sub>3</sub> ex *Polybio* , & Legem Agrariam tulit , & factus est Ædilis Plebis an. <sup>524</sup>/<sub>1</sub>

### II.

Capita jugata Penatium laurea coronatorum. Ante verò illa duæ litteræ initiales , D. P. id est Dii Penates : in averſo latere Sella Curulis Prætoria , ſupra quam bilanx , in cujus medio cornucopiæ , ad d. latus Caduceus , ad ſ. EX. S. C. in imo C. FLAMINIVS C. F.

Ex Ædilitate Plebis C. Flaminius Præturam Provinciale adeptus est , sortitumque Siciliam ; quam primus rexit , nos edocet *Julius Solinus cap. XI.* „ Post Sardiniam , inquit , res vocant Siculæ , „ primò , quod utraque Insula in Romanam potestatem redacta , „ iisdem temporibus Provincia facta est , quum eo anno Sardiniam M. Valerius , alteram C. Flaminius Prætores primi sortiti sunt.

C. Flaminius ad Præturam indicandam , Sellam Curulem expressit , cui jus illius competebar , & lances apposuit , quod Prætori Juris dicundi partes incumbabant , Justitiæ enim insignia ; at quia ex justitia nascitur abundantia & pax , ideo cornucopiæ sub bilan-



bilancibus expressum est; & ad latus Caduceus, pacis symbolum, quod requirebatur in Provincia recens redacta. Ideo denarius ex Senatusconsulto cusus, ut indicat nota EX. S. C. Dii Penates Siciliam respicere possunt: nam in ea colebantur: Æneas autem in Siciliam cum Palladio & Penatibus advenit, Segestaque urbe condita, horum cultum in ea commendavit: imo ante ejus adventum, Acestes summo honore illos prosequebatur, teste *Virgilio*, *Æneid.* 5.

*Bina boum vobis Troia generatus Acestes  
Dat numero capita in naves. Adhibete Penates  
Et patrios epulis, & quos colit hospes Acestes.*

Romæ etiam Dii Penates colebantur, si quidem eorum templum in 8. regione Fori Romani apud *P. Victorem*.

## III.

Caput Jovis Capitolini in laurea: ex averfa parte C. FLAMINI. C. F. ROMA. Victoria stans coronam imponit trophæo, s. palmam gerit.

C. Flaminius Consulatum adeptus est, cum P. Furio Philo an. <sup>331</sup> ambobus decreta Gallia, insignem ad Adduam flumen de Gallis illi victoriam reportarunt. *Florus*, lib. 2. cap. 4. „ Gallos in eodem prælio Marti suo de hostium præda torquem vovissenarrat, sed interceptit, inquit, Jupiter hoc votum: nam de torquibus eorum Flaminius aureum trophæum Jovi erexit, in cuius memoriam Consul illius figuram in quinariis forsan exprimere voluit, ad denotandum non illud esse magnum, quod in loco victoriæ erigitur; & ex altera parte Jovem ipsum signavit, cuius auxilio victoriam retulerat, & illum in corona laurea exhibuit, in memoriam illius quam ei obtulit. *Marmora Capitolina* ex ea victoria triumphum egisse testantur.

C. FLAMINIUS C. F. L. N. COS. ANNO. <sup>DXXX.</sup>  
<sup>DXXXI. Varr.</sup>  
DE GALLEIS VI. IDVS. MART.

Magister Equitum C. Flaminius creatus fuit comitiorum habendorum causa an. <sup>331</sup>; sed vitio creatus cum Dictatore abdicarunt. Censuram gessit cum L. Æmilio Papo, an. <sup>322</sup>; & lustrum fecerunt

runt XLIII. Tandem Consul iterum creatus cum Cn. Servilio Gemino, Flaminio an.<sup>536.</sup><sub>7</sub> provincia contra Annibalem bellum secundum fuit, spretisque, ut ante, contra Gallos, auspiciis, ad Thrasymenum lacum cum Annibale congressus, exercitu pene deleto, occisus est. Reliquit filium prænominē Caium Consularem, qui viam Flaminiam stravit<sup>566.</sup><sub>7</sub>

## IV.

Caput Romæ galeatum, pone quod ROMA: in averſa parte L. FLAMINI. CILO. Venus victrix feminuda in bigis, d. coronam, f. equorum habenas.

L. Flaminius videtur ab altera stirpe, quàm à superiore ortus, nempe à L. Flaminio ejus patruo, & ideo Cilonis vel Chilonis (nam utroque modo, ut Graccus & Gracchus scribitur,) ut se distinguere, nomen accepisse. De L. Flaminio loquitur *Cicero, lib. 6. ad Torquatum, ep. 20.* Multa præterea metuo, quæ cum Chilone nostro communicavi. Sed forſan de patre hujus qui denarium cudit, nam hic eum, ut Quæſtor Urbanus in ætate florente ſignasse videtur, cum ſolito Romæ galeatæ capite, & Venerem victricem, quæ coronam gerit, in bigis decurrentibus, in gratiam Julii Cæſaris, ut nunc dicturi ſumus, qui à Venerem originem ducere ſe jactabat.

## V.

Caput Veneris Erycinæ, corona myrtea ornata, C. CONSIDI. NONIANI. S. C. in averſa parte L. FLAMIN. CHILO. Venus victrix feminuda, in bigis, d. coronam, f. habenas. equorum.

Duo Magistratuum nomina, nempe C. Confidii Noniani & L. Flaminii Chilonis, eos quemdam ſimul geſſiſſe denotant, & quidem ex Senatuſconſulto, ut indicat nota S. C. Sed in hac rerum antiquarum caligine illum fuiſſe Duumviratum ſacris reficiendis ædibus, & Veneris Erycinæ templum eos reſtauraſſe, haud dubie ignoraremus, ſi illius effigies cum eodem C. CONSIDI. NONIANI nomine, & eadem S. C. nota in Confidia gente exhibitæ non fuiſſet; & quam etiam haud noviſſemus, ſi ejus templi, in Capitolio à Q. Fabio Maximo Dictatore excitati, proſpectus in averſa ejus parte, non eſſet ſignatus, quem ibi oculis tuis ſubjecimus.

Ille

Ille quidem denarius Confidium Nonianum tantum exhibet, hic verò ejus Collegam fuisse nos edocet. Venus verò victrix in gratiam Cæsaris, ut nunc dicturi sumus, in bigis percussa est.

## VI.

Caput Veneris, cum epigraphe IIII. VIR. PR. FL. in averſa parte L. FLAMINI. CHILO. Bigæ decurrentes, in quibus Victoria, d. coronam, f. equorum habenas.

L. Flaminius Chilo rursus prodit, sed novo Magistratu ornatus; nempe inscribitur Quatuorvir: nam *Suetonius*, in *Julio*, inquit, „ Senatum supplevit, Patricios allegit, Prætorum Ædilium Quæstorum, minorum etiam Magistratuum numerum „ ampliavit: Triumviri autem Monetales inter minores erant „ Magistratus, Prætores 14. facti, Ædiles 6. Quæstores 40. & „ nummi nos edocent Quatuorviros Monetales ab eo constitutos. Aliam enim Cæsar rationem non reperiebat præstandi ea, quæ multis multa pollicitus erat. Sed denarius L. Flaminium fuisse primum Quatuorvirum denotat, dum scribit PR. FL. *Primus flavit*, ille primus designatus ex quatuor anni initio Magistratum iniit. In gratiam igitur Cæsaris, Venerem ex qua se ortum prædicabat, percussit, & Victoriæ bigas agentis, coronam, ob Cæsaris victorias accommodavit.

## VII.

Caput Julii laureatum: in averſa parte L. FLAMINIUS. IIII. VIR. Felicitas matronali habitu, stans, d. caduceum, f. hastam.

Quatuorvir L. Flaminius primum Veneris effigiem, ut Julii Cæsaris tutelarem deam & parentem, in denariis expressit; sed quum *Dio* inter honores, qui illi à Senatu decreti, hoc narrat *lib. 44. Ipsius imagine pecuniam signaverunt*. Primi illi denarii videntur cusi, cum sola ejus effigie, & sine ejus adjuncto nomine: unde L. Flaminius primus flavisse confirmatur, quum ejus denarii nomen non inscribant, nec ille PR. FL. id est, Primus Flamen Julii fuit, ut suspicatur *Fulvius*, quum nulla adsint Sacerdotii symbola, sed Magistratum Quatuorviratus illæ voces



III. VIR. ante alias PR. FL. exaratæ penitus arguunt. In averſa parte Felicitas ſignata eſt, quod Senatus, in ejus honorem Felicitatis templum juſſiſſet extruendum, ut indicat ipſe *Dia*, *lib. laudato*. Ei mandatum eſt, utque novam Curiam extrueret. „ Erat enim Curia Hoſtilia, quàm reſecta fuiſſet, denuò deſtru- „ eta : eo verbo, quod ibi templum Felicitatis ponere inſti- „ tuiſſent : quod Lepidus, quàm Magiſter Equitum eſſet, abſolvit. Felicitas gerit caduceum, ipſi tributum ſymbolum, quod poſt victorias, pax ſit optanda.

## F L A V I A.

**F**LA VIA gens Plebeia, sed Consularis; nomen habens à cognomine Flavo, id est, à colore ex viridi & rufo & albo concreto, qui fulvo clarius, qualis est color auri & mellis & aristarum, quàm jam maturuerunt. Cognomen in nummis est Fimbria. *Nonius* cujuscunque rei extremitatem hoc nomine significare tradit; Hemicyclus à sedis forma, & Sævinus à sævo, diminutivum.

### I.

Capita Castoris & Pollucis laureata. FIMBRIA : in averſa parte Aquila legionaria inter duo signa militaria C. FLAVIVS T. F.

C. Flavius T. filius Fimbria Quæſturam accepit, an. <sup>631</sup>/<sub>3</sub> & hunc denarium cuſiſſe videtur in memoriam deductæ hoc anno Carthaginis, ut narrat *Plutarchus*, in *Tib. & C. Gracchi vit.* Porro, in Africa, quàm deduceretur Carthaginem Colonia, quam, Caius Junoniam appellavit. Nemo legit *noſtrum de coloniis librum*, qui non ſciat, Aquilam legionariam & signa militaria Colonix deductæ, ex veteranis militibus eſſe ſolita ſymbola. At quàm ante paucos exciſa fuiſſet, ſex civium millibus, uti viritim ager Pœnicus divideretur, Lege Rubria latum eſt, & præſertim ex veteranis militibus, quàm eſſet tranſmare, in terra dudum hoſtili urbs. Expreſſi ſunt Caſtor & Pollux, ad proſperam obtinendam navigationem, quàm ipſi tempeſtates depellere & navigantes ſervare crederentur. Quidam eorum templum fuiſſe, ubi nunc ſunt SS. Coſini & Damiani ædes.

Ex Quæſtura ad Tribunatum, ſed non ſine repulſa, tandem pervenit C. Flavius an. <sup>638</sup>/<sub>9</sub> Ædilis Plebis fuit an. <sup>641</sup>/<sub>2</sub> Prætor Urbanus an. <sup>644</sup>/<sub>5</sub> Provincialis an. <sup>645</sup>/<sub>6</sub> Reverſus Romam reus repetundarum factus, tamen abſolutus an. <sup>647</sup>/<sub>8</sub> Conſulatum obtinuit cum Mario an. <sup>649</sup>/<sub>10</sub> Flavio Italia remanſit pro Provincia, Cinnano tumultu quàm Marius exul à Cinna revocatus eſt, an. <sup>666</sup>/<sub>7</sub> in Penatibus domi ſuæ trucidatus eſt, teſte *Floro*, lib. 3. cap. 21.

*Volum. I.*

Kkk 2

II.

## II.

L. FLAVI C. F. SÆVINVS Caput Romæ galeatum, ex altera parte Caduceus, in medio duorum Cornucopiæ, cum vocibus EX S. C. in corona è lauro composita.

L. Flavio C. filio, qui nummum percussit Sævini cognomen, ob crudelitatem insignem Caii patris Fimbriæ, qui ab *Aurelio Victore*, in ejus vita sævissimus Cinnæ satellites appellatur, inditum videtur. Ille Tribunus Plebis fuit an. <sup>693</sup>/<sub>4</sub> in quo Legem Agrariam promulgavit, de agro militibus Pompeianis dividendo, sed non rogata fuit. Prætor Urbanus, Quæstionem inter sicarios sortitus obtinuit, an. <sup>695</sup>/<sub>6</sub> cui Tigranis Regis filius datus est in custodiam, ex *Dione lib. 38*. Prætor Provincialis an. <sup>696</sup>/<sub>7</sub> Tandem, ex *Tabulis Capuanis*, Consul suffectus, P. Autronio ex Cal. Maiis ad Julias an. <sup>720</sup>/<sub>1</sub>.

Hoc anno, quum ex fœdere, inter M. Antonium, Cæsarem, & Sex. Pompeium, per quadriennium coss. fuissent designati, ut sæpe diximus, ex *Appiano, lib. 5. Bel. Civil.* Pompeius ob bellumrenovatum non iniisset, Antonius & Cæsar vicissim Consules suffecisse videntur: nam in iis *Tabulis Capuanis* numerantur octo Consules; at quum L. Fulvius Pompeio fuisset addictissimus, ad Antonium confugisse apparet, ut ex *Dione colligitur, lib. 49.* „ Consulatumque simul & dedit L. Fulvio, quem secum habebat, & ademit, illum male *Χλαύιον* pro *Φλαύιον* nominat.

L. Fulvius in Consulatu suo, ut opinatur *Goltzius*, hunc denarium percussit. Per duo Cornucopiæ alludit M. Antonio & Cæsari, ex quibus abundantia, dum pax, per caduceum expressa, inter eos permanet; & Corona ex lauro utriusque victorias denotat: nam hoc anno Antonii & Cæsaris inimicitiae in apertum bellum non eruperant: itaque Senatus, qui pacem inter eos maximè optabat, hæc pacis & abundantiae symbola, & eorum victoriarum insigne laurea, Senatusconsulto in hoc denario exprimi censuit.

## III.



## III.

C. FLAV. HEMIC. LEG. PRO. PR. Caput Apollinis, ante quod lyra: ex averſo latere. Q. CAEP. BRVT. IMP. Victoria coronam imponit trophæo, ſ. palmam gerit.

C. Flavius, ſi nobis conſpicere liceat, ex ratione temporis fratrem fuiſſe L. Flavii Sævini auguror: ſed nec dictus eſt Hemis, ut *Fulvius* ſcripſit, ſed conſtanter HEMIC. Vocula autem Hemi extra compoſitionem non uſitata eſt, ſed addita altera poteſt dici Hemicyclus, ut Caſſius dicebatur Hemina. Ille verò à ſedis ſemirondæ, in mediî circuli formam factæ, de qua ait *Cicero in Lælio*: *Tum memini domi in hemicyclo ſedentem*. Unde corruiſt *Cl. Perſonii* ſententia, *Diff. 3.* cui excogitata eſt dea THEMIS, pro Apolline, in denario percuſſo.

Tribunatum Plebis accepit C. Flavius an. <sup>694</sup>/<sub>5</sub> quem frater iniit an. <sup>693</sup>/<sub>4</sub> Ædilis Plebis fuit an. <sup>696</sup>/<sub>7</sub> Prætor Urbanus Quæſtionem de ambitu ſortitus obtinuit, an. <sup>698</sup>/<sub>9</sub> Provincialem Præturam, an. <sup>699</sup>/<sub>700</sub> At quum uterque frater Pompeio eſſet addiſtiſſimus, nihil mirum, ſi Bruti Legatus Propratore fuit, in cujus honorem hunc denarium percuſſit, cum titulo Imperatoris, quem obtinuit Beſſis deviſtis, ut innuit *Dio. lib. 47.* „ In Beſſorum ingreſſus regio- „ nem, eo animo, ut & eorum maleſicia vindicaret, & no- „ men ſibi Imperatoris (quo facilius contra Cæſarem & An- „ tonium bellum gerere poſſet) adipiſceretur; utrumque, Rheſ- „ cuporide, ex *Nummis*, regulo magnopere adjuvante, perfecit. Ideo trophæum, in terra Beſſorum erectum, Flavius ſignavit, cui Victoria coronam imponit. M. autem Brutus appellabatur Q. Cæpio, quod fuerat in Serviliam gentem, à Q. Cæpione avunculo adoptatus, cujus erat cognomen Cæpio.

Ex anteriore parte expreſſa eſt Apollinis effigies, cum cithara, cujus eſt ſymbolum, ut ſparſim retulimus; in memoriam Ludorum Apollinarium à Bruto editorum ob Præturam ſuam; quæ cithara ad id denotandum, in altero Bruti denario, exhibetur apud *Urſinum*, *Tab. 3. num. 1.* uti in Junia gente ampliùs explicaturi ſumus.

C. Flavius, ut inimiciſſimus erat Cæſari, Lucii Antonii in bello Peruſino partes amplexus, & pace inter hunc & Cæſarem truci-

datus est, ut tradit *Appianus*, *Bel. Civil. lib. 5.*, Tamen tumultuari contra quosdam non desiit, donec interfecti sunt, qui erant inimicissimi Cæsaris, Canutius, C. Flavius, Clodius Bithynicus, & ceteri.

## IV.

Primus *Fulvii* denarius à nobis ut incertus, ad calcem aliorum appositus est, ceu sit Flaviæ gentis, sed quem indicare nemo potest, velut cognomen; sicuti suspicatur *Urfinus*. In Quæstura videtur cusus, ad indicandam Prætoris vel Proconfulis victoriam, ut coronam gerit Diana bicornis in bigis.



## F O N T E I A.

**F**ONTEIAM gentem Plebeiam fuisse, ut inquit *Fulvius*, ex hoc intelligere possumus, quod P. Clodius Ciceronis inimicus, qui ut Tribunus Plebis fieret, ad Plebem traduci volebat, P. Fonteio Plebeio homini se adoptandum dedit. Hujus nomen alii à fontibus defluxisse, alii à Fonto Jani filio, originem habuisse existimant. Capito cognomen, à capite, cui autem magnum caput erat, Capitonis cognomen est inditum: Fonteiam verò gentem Tusculo, ex clarissimo municipio profectam, tradit *Cicero, in Orat. pro. M. Fonteio.*

### I.

P. FONTEIVS CAPITO IIIVIR. CONCORDIA. Caput Concordiæ velatum: in averfa parte T. DIDI. IMP. VIL. PVB.

Jam prodiit hic in gente Didia; quod T. Didius, qui de Scordiscis Thraciæ populis triumphaverat, anno <sup>640</sup> ex manubiis ejus belli Villam Publicam restauraverat. In cujus memoriam P. Fonteius Triumvir, hoc anno muris, turribus, ædificiisque publicis reficiendis creatus. Hujus operis curam habens, Villæ illius Publicæ prospectum in denario exhibuit: at quàm muneris Triumviri titulus ex parte Concordiæ, cum ejus deæ nomine adscriptus, suadet, ut Concordiæ etiam templum restituisse opinemur.

### II.

P. FONTEIVS P. F. CAPITO III VIR. Caput galeatum juvenile & lanugine decorum, pone quod trophæum: in averfa parte Eques galeatus decurrens, d. hastam in Barbaros humi prostratos vibraturus. M. FONTEIVS TR. MIL.

Quin ad eundem P. Fonteium Capitonem pertineat etiam hic denarius, Publii prænomen ut & adhuc Triumviri Magistratus, dubitare non sinunt: ille Publii filium in eo se nominat, cujus patrem



patrem, P. Fonteium Capitonem fuisse opinamur, qui apud *Livium*, *Dec. lib. 52*. Prætor anno <sup>584.</sup> Sardiniam sortitus obtinuit: in averſa autem parte M. Fonteium Tribunum militum barbaros in aliquo prælio, quod ignoramus, proſternentem exhibet; cujus inſignis facti memoriam non modo revocat, ſed Martem exhibet cum trophæi ſymbolo, ut M. Fonteium, à quo originem ſe trahere hoc denario demonſtrat, in hoc prælio, quaſi alterum Martem, inter alios enituiſſe denotet.

## III.

Caput Jovis laureatum & barbatum, pone quod nota s. *ſemiſſis*. in averſa parte C. FONT. Navis, ad laus nota s.

Si P. Fonteius in ſuperiore denario, M. Fonteium Tribunum militum barbaros in pugna olim conculcantem, ad antiquitatem Fonteiorum indicandam expreſſit, forma huius nummi & ejus unciale pondus, C. Fonteium qui eum percuffit, jam primo bello Punico Quæſturam iniſſe demonſtrat: nam illo As libralis ad ſextantarium reductus, ut ex *Plinio* ſæpe diximus, & ſic ſemiſſis ille uncialis factus eſt. De Jove, in nummis æreis pro Jano ſolito in iis ſignato, ſparſim egimus. C. Fonteii nummus ejus Quæſturam tantum nobis indicat, de aliis ejus Magiſtratibus nihil reperimus. *Cicero* tamen in *Oratione pro M. Fonteio*, continuas huic familiæ Præturas tribuit, ſed plurima *Hiſtoriæ Romanæ* monimenta cum libris ſepulta jacent.

## IV.

Caput Romæ galeatum, ſupra quod quatuor globuli, in averſa parte C. FONT. in imo ROMA. Navis.

C. Fonteius, ut Quæſtor Urbanus, quod indicat vox ROMA, hunc Trientem percuffit: quatuor globuli, ſeu notæ, illum eſſe arguunt: nam olim quatuor uncias denotabant, quæ tertia libræ pars eſt, unde Trientis nomen. Licet autem moneta ærea primo bello Punico eſſet imminuta; tamen pondere tantum, & non pretio; quatuor enim illi globuli in ea ſemper impreſſi ſunt, ad illud denotandum: imo quando ſecundo bello Punico ſextantarius eſt factus uncialis, ſemper in Triente quatuor illi globuli remanſerunt. Romæ caput in minutis nummis, quando imminuta

imminuta est moneta, signari cœpit, ut ab initio argenti signati, in denario, ad denotandam pecuniam esse Romanam, expressum est.

## V.

Capita Castoris & Pollucis jugata, & corona insignita, cum altro super ea: in averſa parte M. FONTEI. Triremis, cum remigantibus.

Manius Fonteius, ut opinamur, C. Fonteii, qui superiores nummos percussit, filius fuisse videtur, ut ratio temporis indicat, nec alterum M. Fonteium, Galliae Praetorem, quem defendit *Cicero*, fuisse ignoramus. Sed totus denarii typus ad rem navalem spectat. Hinc Castor & Pollux, tutelares navigationis dii ab antiquis habiti, & inde Triremis Classem demonstrat. De re navali sub M. Fonteio, à *Cicerone* defenso, in tota *Romana* ejus ævi *Historia* nihil habetur. M. igitur Fonteium, qui denarium signavit, Duumvirum Navalem fuisse opinor an. <sup>571</sup>/<sub>3</sub> qui ad tutelam oræ maritimæ, quod Piratæ Italiam infestarent, creati sunt, ex *Livio Decad.* 40. Alter ex Duumviris cum denis navibus versus Massiliam, alter totidem circa Tarentum & Brundisium; in cujus memoriam videntur cusi denarii, cum trireme Prætoria & nomine M. Fonteii, qui uni præerat; & in parte anteriore Castor & Pollux signati sunt, quod ipsi mare Piratis liberarint, & ob id dii maris habiti sint; & stella insigniuntur, quod felix omen sit navigantibus in tempestate.

## VI.

Caput Jani bifrontis, imberbe & coronatum, in area littera Q. id est *Quæstor*: in averſa parte C. FONT. in imo ROMA. Triremis, cum remigantibus.

Ad C. Fonteium, M. Fonteii superioris filium, pertinet denarius, quem cudisse videtur in Quæstura sua an. <sup>642</sup>/<sub>3</sub> quo bellum Jugurthinum, ex *Sallustia*, cœptum est, dum L. Calpurnius Piso Bestia exercitum in Numidiam transtulit: quam ob rem C. Fonteius triremem in denariis, ad denotandam Romanorum Classem, expressit; seu illos ac usum ad impendia Classis illius instituendæ esse signatos. Vox *Roma*, Fonteium Urbanum Quæstorem fuisse arguit.

Janus in hoc denario, ad indicandam Fonteiorum originem, (nam Fonteia gens ambitiosa, ut illo sæculo moris erat, genus suum à Fonto Jani filio deducere volebat,) expressus est; de quo ita *Arnobius*, lib. 2. „ Janum ferunt Cælo & Hecate procreatum, in Italia „ regnasse primum, Janiculi oppidi conditorem, patrem *Fonti*, „ Vulturini generum, Juturnæ maritum. Semper corona ornatur, quia coronarum inventorem Veteres eum existimarunt, quod *Dracon Corcyreus*, apud *Athenæum* plurimus docet. Imberbis depingi cœpit, quando Romani barbam deposuerunt: nam *Ovidius* ita canit:

*Sic apud intonsos nomen habebat arvos.*

Ex Quæstura Fonteius Tribunatum Plebis gessit an. <sup>647.</sup> Ædilis Plebis fuit an. <sup>650.</sup> Prætor Urbanus <sup>653.</sup> Provincialis autem, <sup>654.</sup>

## VII.

Caput Vejovis laureatum, sub quo fulmen, in area litteræ AP. in monogrammate M. FONTEI C. F. In averfa parte puerulus alatus insidet Capræ, in vertice pilei Dioscurorum, astris insigniti, in imo acrostolium trifidum, corona laurea omnia cingit.

M. Fonteius Caii filius fuit ille, qui Prætorius à *Cicerone* defensus est, qui ut Duumvir sacris reficiendis ædibus, templum Vejovis in 8. regione, inter arcem & Capitolium extructum prope Asylum, restituit; quare in anteriore parte illius caput expressit, cum fulmine sub eo; additis duabus litteris AP. simul junctis, quæ APOLLO exponuntur, ut nos docet *Gellius*, lib. 5. cap. 12. „ Simulacrum „ igitur dei Vejovis, quod est in æde, de qua supra dixi, sagittas tenet, quæ sunt videlicet paratæ ad nocendum. Quapropter „ Deum plerique Apollinem esse dixerunt. Similem typum vide „ in gente Cælia.

Nonis Martii, qui est dies septimus, Vejovis templum consecratum est ad duos lucos Asyli, de quo ita *Ovidius*:

*Una nota est Martis nonis, sacrata quod illis,  
Templa putare lucos Vejovis ante duos.*

Restaurato templo, Capra in averfa parte Vejovi sacrificium esse factum indicat; nam ait, loco laudato, *Gellius*, immolaturque illi ritu humano capra; quare puerulus capræ insidet; & addit idem Auctor, ejusque animalis figmentum juxta simulacrum stat. In vertice autem



autem super capram adfunt pilei Dioscurorum astris insigniti, & in imo acrostolium trifidum, quæ ad rem navalem spectant, forsan in memoriam patris, quem suprâ Classi præfuisse diximus.

Nobis superest ut M. Fonteii Magistratus enumeremus, à Quæstura Provinciali incœpit an. <sup>664</sup>/<sub>5</sub> ad Tribunatum Plebis pervenit an. <sup>669</sup>/<sub>10</sub> factus est Aedilis Plebis an. <sup>671</sup>/<sub>2</sub> Prætor Urbanus Quæstionem Publicam sortitus est an. <sup>675</sup>/<sub>6</sub> Provinciam Galliam Narbonensem obtinuit an. <sup>676</sup>/<sub>7</sub> ex qua redux de repetundis reus factus est, quem defendit *Cicero*.

## VIII.

Caput Veneris, in averſa parte C. FONTEI. CAPITO III VIR. Tripus, supra quem corona, in laurea.

C. Fonteius, qui denarium aureum cudit, videtur esse is, qui Consul suffectus est, cum M. Acilio Aviola Kal. Juliis an. <sup>720</sup>/<sub>1</sub> At Caii filius perhibetur in *Fastis Consularibus*. Quùm autem M. Fonteius Prætorius, de quo nobis supra sermo erat, fratrem, in *Oratione Ciceronis*, habuerit legatum suum, qui, ut arbitramur, Caii prænomen, ut huic Familiæ peculiare, tulit, hic ejus filius fuit, qui Triumvir Monetâlis, post pugnam Pharsalicam, in Julii Cæsaris gratiam Veneris effigiem, ex qua se originem traxisse jactabat, expressit, & in memoriam Ludorum Apollinariû Tripodem, hujus dei insigne, cum corona, quæ in sacris quæ ante Ludos in ejus honorem fiebant, illi porrigebatur, exhibui. Laurea autem, quæ ambitum occupat, ad Cæsaris victorias spectat.

## IX.

C. FONTEIUS CAPITO PROPR. Capita M. Antonii & Cleopatrz jugata: in averſa parte M. ANT. IMP. COS. DESIG. ITER. ET. TERT. III VIR. R. P. C. Navis, cum velo expanso & remigantibus.

## X.

M. ANT. IMP. COS DESIG. ITER. ET. TERT. Eadem capita jugata C. FONTEIUS CAPITO. PROPR. Eadem Navis Prætoria.

Antonii partes in divisione Imperii cum Cæsare sequutus erat C. Fonteius, & inter ejus amicos numerabatur, de quo *Horatius*, in *Hodæporico*:

— Capitoque simul Fonteius, ad unguem  
Factus homo, Antonî non ut magis alter amicus.

Volum. I.

LII 2

Nam

Nam unius ex ejus Provinciis in Oriente factus est Propratore , ut fert denarii inscriptio, & Classis, seu Siciliae seu Phoenices , jam Praefectus erat , quum eum an. <sup>717</sup> ex *Plutarcho* , ad Cleopatram in Syriam adducendam sibi in Parthos properanti adduceret : qua de re in eorum honorem hunc nummum cudit, in quo Antonius Cleopatrae sociatus , & Triremem , ad ejus Praefecturam Classis denotandam, signavit. M. Antonius, ex *Appiano*, cum Caesare & Pompeio Consulatus in quadriennium destinaverant, sic in nummis Antonius appellatur, cos. designatur *iter & tertium*. „ Sequenti die , inquit, coss. designati sunt in quadriennium, „ ante omnes Antonius & Libo , ut tamen Antonio liceret „ alium pro se substituere, quod successit an. <sup>719</sup>/<sub>20</sub>. Post illos, Caesar & Pompeius, nempe 720. At quum Sex. Pompeius bellum renovasset, Caesar L. Volcatium sibi Collegam sumpsit. Abdicavit Caesar & Autronium nominavit, Kal. Maiis. Antonius L. Flavium suffecit , ut in gente Flavia diximus : & huic Kal. Juliis iterum C. Fonteium suffecit; anno vero <sup>721</sup>/<sub>2</sub>. Aenobarbus & Sosius, ut designati eran, tinierunt. Deinde rursus, an. <sup>722</sup>/<sub>3</sub> Caesar & Antonius; sed hic Romae non iniit, sed se Consulem Alexandriae appellavit , ut videre est de illo & de Fonteio , in *nostra Ptolemaeorum Aegypti Regum Historia*.

Observandum, quod ex Fonteia gente nummum *Patini* septimum Capitone iter. & Cytheronte II VIR. cum Augusti effigie, quod Fonteii nomen non habeat, & ad aliam gentem referri possit, quum plurimi Romani, ut videre est apud *Glandorpium*, illud tulerint, praetermisimus.



## F V F I A.

**F**UFIA gens Plebeia, sed Consularis, nova licet: si quidem L. Fufius Calenus primus Tribunatum Plebis obtinuit, an. <sup>662.</sup> <sub>3</sub> Cognomen Caleni, quod Calibus, urbe Campaniæ, oriundus esset. Eam vocat Strabo, lib. 5. Καλῆναι πόλιν, unde in suis nummis inscribitur CALENORUM.

### I.

HO. VIRT. Capita Honoris, cum laurea, & Virtutis cum galea jugata; sub quibus vox KALENI. Ex averso latere ITAL-RO. Duæ mulieres, dextras jungentes, pone dexteriolem, s. cornu-  
copiæ gerentem caduceum, sinisterior pedem d. globo imponit, sub iis vox CORDI.

Duo nomina duas familias denotant: cognomen Kaleni priorem ad gentem Fufiam revocat, cui peculiare est, de qua nobis nunc erit sermo; alterum *Cordi*, ad Muciam spectat, de qua in ejus gente loquemur. In quo verò Magistratu simul denarium percusserunt, difficile est pronunciare. L. Fufius Kalenus pater fuit Prætor Urbanus an. <sup>668.</sup> sed typus ad eum spectare nequit; si quidem pacem, post dissidia civilia inter Italiam & Romam, quod sub Mario non obvenit; sed ad Q. Fufium Kalenum ejus filium, qui sub Syllâ cum C. Mucio Cordo Quæsturam iniisse videtur, quando Lege Cornelia viginti Quæstores sunt creati an. <sup>673.</sup> <sub>4</sub> Ideo Calenus, ex una parte, Italiam & Romam, post dissidia inter Marium & Syllam, priore mortuo, altero victore, dextras sibi jungentes exhibuit, & Mucius Cordus Honoris & Virtutis capita, in patris sui memoriam, expressit, ut in gente Mucia dicturi sumus.

### II.

LEIBERTAS. Caput Libertatis velatum: in averſa parte Q. CA-  
LII 3 LENVS



LENVS. COS. & aliud nomen circa ambitum videtur erasum. Apex, securis, & culter.

Non ad eundem Q. Calenum spectat denarius. Superior L. Kaleni Prætoris an. <sup>668.</sup><sub>9</sub> filius fuit, hic verò C. Fufii ejus fratris fuit filius. Præturam Urbanam gessit, ex *Dione*, lib. 38. in qua Legem de suffragiis tulit an. <sup>694.</sup><sub>5</sub> Prætor fuit Provincialis an. <sup>695.</sup><sub>6</sub> Deinde in Civili bello Julii Cæsaris Legatus fuit; & quum ille ex Ægypto, pacatis ibi rebus, post Pompeii mortem, reversus est Romanum, Q. Fufium Calenum cum P. Vatinio, illius etiam Legato, nominavit Consules in paucos dies, anno nempe <sup>706.</sup><sub>7</sub> De quibus ipse *Dio*, lib. 42. narrat. „ Hæc, inquit, à Cæsare eo anno gesta sunt, quo „ re ipsa Dictaturam iterum gessit, quum Consulium nomen Calenus & Vatinius extremo anno constituti ferrent. Nomen P. Vatinii in ambitu denarii, quod erasum est, forsitan scriptum erat, vel qui illum sub ipsius nomine percussit.

In anteriore nummi parte expressa est dea Libertas, quasi per Pharalicam pugnam, profligato & deinde occiso Pompeio, aliisque seditiosis extinctis, Cæsar libertatem P. Romani vindicasset. Apex, securis & culter, sacrificiorum insignia.

### III.

C I. N. C. EX. PER. Caput Antonii Triumviri, in averso lateris T FV FIO. M AIMILIO II. VIR. Caput Augusti.

Ex integriori nummo Antonii Triumviri caput agnovimus, & ut Calenus superior ejus partes tenebat an. <sup>713.</sup><sub>4</sub> sicut ex *Appiano* discimus lib. *Civ* 5. Erant & aliæ sub Alpibus Antonianorum coloniae, quibus Calenus præerat, sed cum ipse fato functus est, Cæsar occasione arrepta profectus eò, tum exercitum occupavit, tum Galliam, Hispaniamque Antonii Provincias, Fufio Caleni filio, per metum omnia dedente, sine certamine, aliquis ex Fufia Familia Duumvir Coloniae Juliae Carthaginis novæ, Antonio & Cæsari, dum concordessent, nummos dedicasse videtur.

## FVLVIA.

**F**VLVIA gens è Tusculo oriunda , ut innuit *Cicero Philip.* 3. etsi Plebeia , honoribus tamen & rebus gestis clara. Nomen desumpsit à Fulvo colore. In tres Familias cognominibus discretas, divisa est : nam Nobiliores & Patini primam , Centumali secundam , & Flacci tertiam obtinent. At quum nobis denarii earum antiquitate non supersint , ordine alphabetico illos exponemus. Centumali cognomen *Ant. Augustinus* potuisse deduci à centum manibus ; primum itaque fuisse centimanum dictum suspicatur. „ Litteram verò , inquit , N. in L. mutari Mallii pro Man- „ liis , gemelli pro geminis , exemplo sint. Sed si conijcere liceat , Centumalus à centumallis , quod allus , ex *Festo* , sit pollex , scandens proximum digitum , & sic ab hoc defectu , ut solebant antiqui cognomen imponere. Flacci dicebantur , qui aures latas haberent , & ob magnitudinem deorsum reflexas. Nobilior , dictus videtur ab excellentia.

## I.

Caput Romæ galeatum : in averſa parte CN. CENTVMAL. in imo ROMA. Castor & Pollux , in equis decurrentes , cum hastis , & astris supra capita insigniti.

Ad Cn. Centumalum pertinere hunc denarium *inscriptio* docet : sed quum plurimi ejus prænominis & cognominis fuerint , ad formam & typum illius refugimus : primis enim temporibus , quibus moneta argentea signata est , eam Consules signare curabant , & breves nominis sui notas in iis scribere solebant : qua de re hunc Cn. Fulvium , Cn. Fulvii Centumali Consulis cum L. Scipione , an. <sup>455</sup>/<sub>6</sub> filium , denarium cudisse existimamus. Is Quæstor Provincialis fuit an. <sup>511</sup>/<sub>1</sub> Tribunus Plebis an. <sup>516</sup>/<sub>7</sub> Ædilis Plebis an. <sup>518</sup>/<sub>9</sub> Prætor Peregrinam Jurisdictionem sortitus est an. <sup>522</sup>/<sub>3</sub> & tandem Consul cum L. Postumio Albino an. <sup>524</sup>/<sub>7</sub> quo illum signavit cum solita Romæ galeatæ effigie , & typo Castoris & Pollucis

Pollucis decurrentium; quorum historiam & à Romanis cultum, iis post prælum ad Rhegillum lacum, in quo pro ipsis A. Postumio Dictatore decertaverant, adhibitum, sparsim retulimus. Cn. verò Centumalus Procos. Illyricum obtinuit an<sup>525</sup> & de Illyrii triumphum navalem edidit x. Kal. Quint.

## I I.

Caput deæ Fidei corona oleagina ornatum: in averſa parte CN. FVLVI. CN. F. CN. N. MAX. CENTVMAL. Sella Curulis, supra quam corona, in vertice bilanx, in imo EX S. C.

Ad Cn. Centumalum Cn. Centumali superioris Consulis filium, ut arbitramur, denarius ſpeſtat, qui, ut ab antiquis Centumalis originem ſe trahere denotaret, Cn. Fulvius, Cn. filius, Cn. Nepos Maximus Centumalus inſcriptus eſt. Quæſturam Provincialeſſe geſſit an. <sup>531</sup><sub>2</sub> Tribunatum Plebis an. <sup>536</sup><sub>7</sub> Ædilis fuit Curulis, ex *Livio*, an. <sup>539</sup><sub>40</sub> quo denarium cudiffe videtur. Ut eorum munus & officium cum ludis celebrandis, etiam ſacrarum ædium cura erat, caput Fidei in illo expreſſum, ut & corona ſupra Sellam Curulem, Ædilium inſigne, illius templum EX S. C. reſtauraſſe denotat. Ejus ædes erat in Capitolio, ut *Plinius* tradit, *lib.* 37. quod confirmat *P. Victor*, quo reparato ſacra in ædibus facta ſunt, & corona de more deæ oblata eſt, quæ omnia in denario expreſſa ſunt, ad ejus rei memoriam. Vide in Cæcilia & Licinia gentibus, Fidei effigiem.

Bilanx autem videtur addita, quæ eſt Juſtitiæ ſymbolum, ad denotandum Ædiles Curules juſ etiam dicere: nam maximè adeos pertinebat, cauſas & lites redhibitionum, in quibus agebatur de rei corruptæ vitio, quam quis aut vendidiſſet, aut commutaſſet, dirimere: ideoque ubi, Kal. Januariis Magiſtratum inierant, non aliter atque Prætores edictum proponebant, in quo, quemadmodum de ſingulis controverſiſ juſ dicturi eſſent, ad populum proponebant. Unde apud *Juriſconſultos* peculiaris *titulus* eſt de *Ædilitio edicto*.

Cn. Centumalus ex Ædilitate Præturam accepit an. <sup>540</sup><sub>1</sub> deinde Conſulatum cum P. Sulpicio Galba an. <sup>542</sup><sub>3</sub> Procos. Apuliam obtinuit an. <sup>543</sup><sub>4</sub> & ad Herdoneam, in prælio ab Annibale occiſus eſt, cum duodecim Tribunis.



## III.

Caput Romæ galeatum : in averſa parte bigæ , aurigante Vi-  
ctoria , cum ſigno. M. FLACC. in imo ROMA.

Simplex & compendioſa denarii inſcriptio , ſuadet ut eum M.  
Fulvio Flacco Q. filio M. Nepoti tribuamus , qui Conſulatum  
geſſit an. <sup>489.</sup><sub>90</sub> ut notat *Gellius* : nam caput Romæ galeatum , &  
ſolitus bigarum typus iis primis quo ſignata eſt Romæ mone-  
ta temporibus argentea , planè id convincit. Is Quæſtor fuit  
Militaris an. <sup>477.</sup><sub>8</sub> Tribunus Plebis an. <sup>482.</sup><sub>3</sub> quo ſ. c. de puniendis  
oſtavæ legionis militibus interceſſit. Ædilis plebis an. <sup>485.</sup><sub>6</sub> Prætor ut  
videtur an. 487 Conſulatum geſſit , ut ſupra diximus , cum Appio  
Claudio Caudice , an. 489. an. primo belli Punici primi.

## IV.

Caput Jovis laureatum : in averſa parte M. FLAC. in imo RO-  
MA. Coronam imponit trophæo Victoria ſtans.

Eadem *Inſcriptio* eidem Marco Flacco Conſulari denarium ad-  
judicat , quod ſuadet forma nummorum , quos vocabant tunc tem-  
poris Victoriatos , ob Victoriā in eo Quinario impreſſam , quæ  
tamen ſine cauſa in illis adhiberi non videbatur , aut quum tro-  
phæi erigendi cauſa obtinebat , poſt omnes victorias : nam M.  
Flacco Conſuli Provincia contra Vulſinienſes obvenit , quibus  
devictis , & pacata tota Italia , de iis triumphavit , ut teſtantur *Mar-  
mora Capitolina*.

M. FVLVIVS. Q. F. M. N. FLACCVS. AN. <sup>CDXXCIX.</sup>  
COS. DE VVLSINIENSIBVS. K. NOV. <sup>CDXXX. Varr.</sup>

Quare M. Flaccus in loco victoriæ trophæum erexiſſe , cujus  
memoriam in denariis apud Poſteros commendare voluit , & in iis  
Jovem Capitolinum , in cujus templum triumphantes aſcende-  
bant , ſacra facturi , expreſſit , & coronam ex lauro in averſa par-  
te ambitum cingente , ad denotandam illam , quam huic deo  
ex hoſtium manubiis obtulit. Tandem Magiſter equitum factus  
eſt cum T. Coruncanio Dictatore , Comitiſſorum habendorum  
cauſa , an. <sup>507.</sup><sub>8</sub>

Volum. I.

Mmm

V.

## V.

FLACCVS. Caput Romæ galeatum : in averſa parte. M. FVLVI. Q. F. in imo ROMA. Caſtor & Pollux decurrentes in equis , armati lanceis, & aſtris ſupra capita inſigniti.

Ad eundem M. Fulvium pertinere putat *Goltzius* hunc denarium, quod Q. filius, ut ille vocatur, & quidem quum ei Flaccus ſit cognomen : ſed obſtat amplior quam in illo inſcriptio ; & cum *Pighio*, alteri M. Fulvio Q. filio Flacco illum tribuimus , nempe fratri Q. Fulvii Proprætore Hiſpaniæ Citerioris, in quam ſimul miſſi fuerunt, ex *Livio*, & qui ejus Quæſtor fuiſſe videtur, an. <sup>566.</sup><sub>7</sub> & denarium percuffit, cum ſolito Romæ & Dioſcurorum typo. Eorum pater fuit Q. Fulvius Flaccus Conſularis & Cenſor, qui Capuam cepit, & illorum avus M. Fulvius, ad quem ſpectant ſuperiores denarii.

## VI.

Caput Neptuni ſupra Delphinum, cum tridente ſupra humerum ſiniſtrum, ROMA. ex averſa parte in imo M. FVL. Q. F. FLAC. Quadrigæ triumphales, in quibus Figura cum veſte triumphali, d. habenas, ſ. lauream, Victoria in curru pone eam, coronam ſupra caput illius imponens, in vertice litteræ numerales XIII. cum lineola ſuprà eas ducta.

Eadem *inſcriptio* ad eundem M. Fulvium Q. filium Flaccum revocat hunc denarium ; ſed typus fratris de Celtiberis triumphum exhibet, in cujus honorem illum percuffit: quum autem Celtiberi eſſent Provinciæ Hiſpaniæ Citerioris rebelles, ex una parte Neptunum cum ejus attributis ſignavit, ut eam Hiſpaniæ Tarraconenſis Provinciæ mari expoſitam ; ab Ulteriore diſtingueret. Tridentem nemo nescit Neptuni eſſe inſigne, quod, ut ait *Fulgentius*, aquarum triplici virtute fungatur, id eſt, liquida, fœcunda, potabili. Alii illum ferre tridentem volunt, quod inter cœlum & inferos regnans, tertiam elementorum portionem habeat. Delphin verò quod ei gratiſſimus ſit, ex *Hygino*.

Fulvius toga triumphali, quam purpuream fuiſſe ferunt, antequam picta gereretur, indutus, quadrigis lento paſſu gradientibus, ut decet triumphalem, vehitur : lauri ranaum tenet, Victoria

victoriæ symbolum. Victoria ipsa ei coronam imponit, ob illustrem quam de hostibus retulit. Litteræ numerales *XIII*. an ad pretium denarii hoc anno, quum in eo desit *x* nota denarii? an ad numerum caesorum hostium, urbiumve in Celtiberia captarum? an alia de causa? non facile est pronunciare. M. Fulvii Magistratus non reperiuntur, sed *Livius* narrat, missum eum à Senatu fuisse cum Con. Cethego & P. Marcio Rege Legatum ad C. Cassium Longinum Consulem, ne extra Illyricum progredieretur, an. <sup>584</sup>; & anno sequente an. <sup>585</sup> cum M. Caninio Rebilo pariter ad res inspiciendas missum.

## VII.

Caput Nemeſeos titulo divinitatis ornatum, cum monili FLACCVS: in averſa parte caduceus alatus, M. CLAVD. M. F. MARCEL. Q. FVLVI. M. F.

Jam deſcriptus eſt hic denarius in gente Claudia, num. 28. quum M. Claudius M. filius Marcellus creatus fuiſſet Conſul iterum, in locum A. Poſtumii Albin, mortui in prælio, Conſulis deſignati, an. <sup>538</sup>; & Prætor Urbanus Q. Fulvius M. F. extra ordinem factus eſſet, ob bellum ab Annibale renovatum. Conſul ineunte Magiſtratu, ſacra fecit Nemeſi, facinorum impiorum ultrici, de qua *Ammianus*, lib. 2. „ Romani, inquit, pro- „ ſecturi ad bellum, Nemeſi ſacrificabant, & munus gladiato- „ rium edebant, quod non ſine ratione factum arbitramur. „ Virgo & Victrix Nemeſis Numen fuit, quo, qui malefactis „ delinquebant, puniebantur: unde Romani Nemeſim non frui- „ ſtra invocabant; Romani enim ſemper juſta movere arma: Annibal contra pacem, cum Alſdrubale patre initam, ſœdera violaverat, & Romanos bello laceſſebat: qua de re Fulvius Prætor deam Nemeſim, tamquam aſſiſtricem, in denariis exhibuit: & in averſa parte caduceum, pacis ſymbolum; ut eam ab Annibale fractam denotaret.

## VIII.

Caput Jovis laureatum: in averſa parte Q. FLAC. in imo ROMA. Victoria ſtans, d. coronam imponit trophæo, ad cujus inum ſedet humi barbarus, manibus poſt terga revinctis.

Volum. I.

Mmm 2

Ad



Ad Q. Fulvium Flaccum, de quo supra diximus, hic Quinarius pertinet, licet M. filius in eo non appelleretur: compendiosa enim ratio primis temporibus, qua signabatur moneta argentea, id demonstrat. Ut autem Q. Fulvii Magistratus producamus, & qua occasione sit percussus iste Victoriatus, ab ejus Quæstura Provinciali ordiemur, quam iniit an. <sup>504</sup><sub>5</sub> Tribunus Plebis deinde factus est, an. <sup>509</sup><sub>10</sub> Ædilis Plebis <sup>511</sup><sub>2</sub> Consul cum L. Corn. Lentulo Caudino creatus est an. <sup>516</sup><sub>7</sub> Consul iterum Censor cum Q. Manlio Torquato vitio factus abdicavit <sup>522</sup><sub>3</sub> cum eodem Consulatum iter. creatus an. <sup>529</sup><sub>30</sub> Præturam Urbanam extra ordinem, ut supra diximus, habuit an. <sup>538</sup><sub>9</sub> Absentibus Consulibus, ob temporum difficultatem, iterum extra sortem Urbanus Prætor & Urbis Præfectus factus est an. <sup>539</sup><sub>40</sub> Magister equitum Comitiorum habendorum causa, à Claudio Centhone Dictatore nominatus an. <sup>540</sup><sub>1</sub> Consul III. cum Appio Claudio Pulchro creatus <sup>541</sup><sub>2</sub> quo anno Fulvius Hannonem, Pœnorum Ducem, ad Beneventum castra habentem, ingenti prælio devicit, & ejus castra expugnavit: in quo loco trophæum erexit, ut nobis indicat Quinarius, ut post victoriam moris erat. At cum 7000. hostium capta fuissent, occisis 6000. ideo trophæo barbarus humi desidet, manibus post terga revinctis. Quidam trophæum in terra sua non erigi opinantur, etiamsi victoriæ insigne sit: ideo illum Quinarium ad Q. ejus filium revocant. Opinioni meæ non adeo tenax sum, ut si Eruditi id probant, lubens non assentiar. Procos Campaniam obtinuit cum exercitu an. <sup>542</sup><sub>3</sub> Capuam cepit, & Senatum Capuanum securi percussit. Dictator tandem, Comitiorum habendorum causa, dictus an. <sup>543</sup><sub>4</sub> & prorogatum est ei in Campania imperium. Consul IV. factus est cum Q. Fabio Maximo V. anno <sup>544</sup><sub>5</sub> Procos. Capuanam Provinciam obtinuit an. <sup>545</sup><sub>6</sub> prorogato imperio Brutios habuit an. <sup>546</sup><sub>7</sub>

## IX.

Caput Romæ, galeatum, pone quod ROMA. In averso latere, Q FVL. Q. F. FLAC. PRO. PR. Victoria in bigis decurrentibus, d. lauream, s. equorum habenas.

Q. Flaccus Q. filius patri succedit, numeratisque ejus Magistratibus, ad illum veniemus, in quo hunc bigatum denarium percussit: itaque Quæsturam Provinciale iniiit an. <sup>562</sup><sub>3</sub> Tribuna-

tum

tum Plebis an. <sup>567</sup>/<sub>8</sub>. Ædilitatem Curulem an. <sup>569</sup>/<sub>70</sub>. Prætor Peregrinus Hispaniam Citeriorem fortitus est an. <sup>571</sup>/<sub>2</sub>. Urbicum Celtiberorum urbem, ipsis repulsis, tandem cepit. Prorogata ei est Provincia an. <sup>572</sup>/<sub>3</sub> & res prosperè gessit; qua de re in denariis, in quibus *Propratore* inscribitur, Victoria gerit coronam, ad indicandam celebrem illam, quam de Celtiberis retulit.

## X.

Caput Romæ galeatum, pone quod FLACCVS: in averſa parte, Q. FVLVI. Q. F. Jupiter in quadrigis triumphalibus, d. palmæ ramum, f. fulmen & habenas equorum.

Ejusdem est Q. Fulvii denarius, illius triumphii memoriam recolens; sed quum bis triumphaverit, nempe de Hispania, & deinde, in altero Consulatu, de Liguribus, alii ad ultimum revocant denarium, quum titulus PRO. PR. in eo non sit ut in superiore. Sed Jupiter in quadrigis, ut priori illum adjudicemus potiùs, quam secundo, suadet: nam Fulvius ad saltum Manliani Jovi ludos voverat, & quum ejus ope & auxilio victoriam retulerat, videtur eum in quadrigis triumphalibus, palmæ ramum gerentem, exhibuisse; cui post triumphum ludos per decem dies fecit: nam si vox Propratore non adsit, altera cos. etiam non signata est; nec triumphus secundus adeo celebris fuit: nam *Livius*, lib. 40. illum magis gratiæ quam rerum gestarum magnitudini datum fuisse tradit: de priore *Columnæ Capitoliæ* hæc habent.

Q. FVLVIVS. Q. F. M. N. FLACCVS. ANN. <sup>DLXXIII</sup> <sub>DLXXIII. Varr.</sub>  
PROPR. EX HISPANIA CITERIORE. ... ..

Q. Fulvius Comitiorum tempore ex Hispania redux, ipsi & triumphus, ut dictum est, decernitur, & Consul creatur cum L. Manlio Acidino Fulviano fratre ejus germano, in gentem Manliam in adoptionem dato. An. <sup>574</sup>/<sub>5</sub>. Ambobus decretum est contra Ligures bellum; Quintus cum iis pugnavit & eos profligavit eorumque castra diripuit, de iisque triumphavit: ut testantur *Marmora Capitoliæ*.

Q. FVLVIVS. Q. F. M. N. FLACCVS. ANN. <sup>DLXXIV</sup> <sub>DLXXV. Varr.</sub>  
COS. DE LIGVRIBVS. ... ..

Mmm 3

Censor

Censor tandem factus est Flavius, cum A. Postumio Albino an. <sup>579</sup><sub>80</sub> & lustrum fecerunt LI. *Val. Maximus*, lib. 1. cap. 2. eum postea, duobus bello amissis filiis, mente captum decessisse tradit.

## XI.

Caput Romæ galeatum : in altera parte, Victoria agit quadrigas decurrentes, d. flagrum, f. habenas, SER. FLAC. in imo ROMA.

Ad stirpem Flaviorum Flaccorum pertinet adhuc hic denarius, Servius inscribitur, quod fuit prænomen, ut in Galba Imperatore legitur, *Servius Sulpicius Galba*. Nescimus cur doctissimus ille *Ant. Augustinus*, lib. de *Fam. Romanis*, illum appellat Quintum Serv. Flaccum; mendum forsitan ibi est. Quinti Fulvii Consul, an. <sup>566</sup><sub>7</sub> filius & Cnei nepos fuit, ut ferunt *Fassi*. Quæsturam Provinciam iniiit an. <sup>603</sup><sub>4</sub> Tribunatum Plebis an. <sup>607</sup><sub>8</sub> fuit Ædilis Plebis an. <sup>610</sup><sub>1</sub> Prætor Urbanus an. <sup>613</sup><sub>4</sub> Provincialis an. <sup>614</sup><sub>5</sub> & tandem Consul cum Q. Calpurnio Pisone, an. <sup>618</sup><sub>9</sub> Servio Illyricum obtigit; illud vastabant Vardæi Dalmatiæ populi, quos Italiæ populatorum vocat *Plinius*; illos uno prælio victor non solum summovit, verum etiam subegit. *Liv. epit. lib. 56*. *Sigonius*, Servium de illis triumphum egisse, auguratur. Sed si vera res est, hic denarius nihil de illo triumpho indicat, Quadrigatus, solito more, cum Victoria illas agente cum flagro : sed quum is Romæ sit cusus, illum potius in Quæstura, quam pro distributione militibus, ante triumphum à Servio Fulvio signatum, arbitramur.

## XII.

Caput Romæ galeatum ; pone quod ROMA : in averſa parte CN. FOVL. T. TORQ. Victoria in bigis, d. flagrum, f. habenas equorum.

Typi elegantes, aut dignitates Magistratuum in denariis inscriptæ, ad eorum explanationem plurimum profunt : sed in hoc solitum Romæ caput, & in averſa parte, solitæ bigæ, nihil aliud, quam monetam augurantur : sed quum in ea duo Familiarum legantur nomina, & quidem compendiosè & sine cognomine, qui



qui sint illi, inquirendum. Cn. Fulvius videtur esse Centumalus, qui Ædilis Plebis recensetur anno <sup>518</sup>, quum T. Manlius Torquatus Consulatum gereret, tempore corvanei. Qua occasione factus sit denarius ignoratur. Si nobis conjecturæ locus, in denario amborum nomina sunt inscripta, ob Ludos magnos, quos T. Manlius vovisse videtur, dum contra Sardos bellum gereret, & Cn. Foulvius ut Ædilis fecit; de Sardis quidem hoc anno triumphavit T. Manlius cos. ut videre est in gente Manlia num. 2.

## XIII.

Caput Romæ galeatum, pone quod ROMA: in averſa parte  
CN. FOVL. M. CAL. Q. MET. Cn. Fulvius, M. Calvinus, Q. Metellus. Victoria in bigis, d. coronam.

Iterum prodit Cn. Fulvius Centumalus, quem eadem epigraphe indicat, sed duobus aliis Magistratibus stipatus, quos ideo Triumviros fuisse auguramur, & quidem Mensarios. Hi autem uno anno ante scilicet 537. priusquam Cn. Fulvius T. Torquati Quæstor fuisset, ex Livio, „ creati sunt, & Romæ, inquit, quo-  
„ que propter penuriam argenti Triumviri Mensarii, rogatione  
„ Minucii Tribuni Plebis facti. L. Æmilius, qui Consul Cen-  
„ sorque fuerat, & M. Attilius Regulus, qui bis Consul fuerat,  
„ & L. Scribonius Libo, qui tum Tribunus Plebis erat. Non  
ignoro hos Triumviros extra ordinem creatos; sed quum hi à  
dispensatione pecuniæ Mensarii erant dicti, & eorum creandorum  
causa fuit improbitas fœneratorum, & æris alieni Plebis Roma-  
næ magnitudo; credibile est per aliquot annos esse quotan-  
nis creatos, præsertim quum moneta ærea ex asse librari ad un-  
ciam esset reducta, & denarius argenteus ex decem assibus ad se-  
decim auctus erat.

Itaque Cn. Fulvius Centumalus, qui cos. fuerat an. <sup>539</sup><sub>40</sub> &  
M. Domitius M. F. C. N. Calvinus Tribunus Plebis fuerat an. <sup>537</sup><sub>8</sub> &  
Q. Cæcilius Metellus, L. Metelli Pontificis Maximi filius, qui  
Tribunus Plebis etiam fuit an. <sup>541</sup><sub>2</sub> Comitibus Tributis creati viden-  
tur Triumviri Mensarii, ex denario quem simul signaverunt.  
Victoria coronam gerit, ad indicandum hoc anno insignem ali-  
quam à P. Romano esse relatam.

## XIV.

## XIV.

Caput Romæ galeatum: pone quod ROMA. in averſa parte  
CN. FOVL. Q. METELLVS. M. SALINATOR. Victoria in bigis, d. fla-  
grum, ſ. habenas equorum.

Ad Triumviros Menſarios ſpectat & hic nummus, Cn. Fulvii  
& Q. Metelli in eo nomina id confirmant, ut & typus idem  
qui prior; ſed pro M. Domitio Calvino, M. Salinator expreſſus  
eſt. Salinatoris autem cognomen ad M. Livium pertinet, quod  
ita appellatus ex illius Familia primus ſali qui veſtigal impoſue-  
rat; at M. Calvinus in hoc Magiſtratu mortuus videtur: nam in  
nullis ampliùs Magiſtratibus nomen ejus deinceps occurrit. In Cal-  
vini locum ſuſſectus videtur Salinator, ſed poſt ſecundum ejus  
Conſulatum, quia primo deſiſſo reus factus eſt damnatus,  
an. <sup>335</sup>/<sub>6</sub> & rus miſſus, ubi per octo annos manſit, unde invitatus ad  
Conſulatum iterum evectus eſt, an. <sup>346</sup>/<sub>7</sub> quùm decretum Senatus de  
Triumviris Menſariis, an. <sup>338</sup>/<sub>9</sub> factum eſſet: Nullique, niſi viri  
Conſulares, & dignitate celebres, hunc Triumviratum implebant.

## XV.

NOBILIOR. Victoria pectore tenus alata: in averſa parte,  
SER. PAETIN. M. F. PR. COS. Neptunus in quadrigis triumphali-  
bus, d. erecta, ſ. tridentem & habenas equorum.

Ad Fulvios tandem pervenimus cognomine Patinos & Nobiliores,  
qui primam gentis Familiam componunt, ſed quos ordine alphabetico in hunc locum adducimus. Hi primùm Corvi cognominati ſunt, ſed omnes, antequam ſignaretur argentum, periere; deinde ab iis adoptatus ex gente Ælia, qui Pati cognomen ferebat, in hanc ſtirpem, dictus eſt PAETINVS. Ex hac pro-  
dit Servius Fulvius NOBILIOR Patinus, M. filius, qui Quæſturam Militarem aſſequutus an. <sup>486</sup>/<sub>7</sub> Tribunus Plebis fuit an. <sup>491</sup>/<sub>2</sub>.  
Ædilis Plebis an. <sup>494</sup>/<sub>5</sub> Prætor Urbanus an. <sup>496</sup>/<sub>7</sub> & tandem Conſul  
cum M. Æmilio Paullo an. <sup>498</sup>/<sub>9</sub> ambobus Sicilia & Clafſis obtigere.

Dum ſe ad bellum accingunt Conſules, Romæ M. Attilii clades in Africa nuntiatur, in eam proficiſci jubentur; obviam eunt Carthaginienſes in mare. Nihil mirum, ſi Fulvius in anteriore  
parte

parte Victoriæ deam exhibet, quæ ipsis tantam tulit opem, ut, non procul à Mercurii promontorio, ut tradit *Polybius*, navali prælio Pœnos illi contuderint, centum quatuordecim merfis navibus & triginta captis, ad hoc 15000. hostium cæsis, & si fides *Orosio*, 36000. Deinde in terram profecti, iterum prælio duos Hannones, Pœnorum Duces profligarunt, 9000. hostium occisis; eodem teste *Orosio*, ut & *Zonara*. Rebus omnibus in Africa constitutis, Romamque regredientibus coss. tempestas oborta est, quæ navium tertiam partem demersit, & triumphum iis decretum distulit, ut colligitur ex *Marmoribus Capitolinis*.

SER. FVLVIVS. M. F. M. N. PAETINVS. AN. <sup>CDXCIX.</sup>  
CDXCX. Verr.  
 NOBILIOR. PRO. COS. DE COSSVRENSIBVS ET  
 POENEIS. NAVALEM. EGIT. XIII. KAL. FEBR.

In cuius memoriam signatus est currus triumphalis in averfa denarii parte; sed ad denotandum triumphum fuisse, ex rebus in mari prosperè gestis, Neptunus cum tridente, illum agens, expressus est. Ceterum Cossura erat in ostio Selinuntis Siciliæ, Insula in Mari Africo objecta, distabat à Sicilia LXXV. P. M. patebat ambitu suo XIX. M. P. Urbem habebat ejusdem nominis, cives dicti Cossurenses.

## XVI.

M FVLVI. M. F. NOBILIOR. Caput Jovis Capitolini, barbaturum & laureatum: in averfa parte EX. S. C. in imo ROMA. in vertice Victoria, ad cuius pedes prora Navis; scribit in clypeo, trophæo appenso, in imo hinc temo, inde ancora decussatum inversi.

M. Fulvius M. filius in denario inscribitur, & in *Fastis* Servii nepos vocatur, unde temporum ratione videtur habuisse Servium Pætinum, de quo in superiore nummo diximus. Ille verò quum supra majorum suorum triumphos & Consulatus adjecisset ovationem, in denariis Nobilioris cognomen, rejecto Pætino, tantum scripsit, quasi jure nobilior ceteris diceretur. Quæsturam Provincialelem adeptus est an. <sup>149.</sup><sub>150</sub> Tribunatum Plebis an. <sup>154.</sup><sub>155</sub> Ædilitatem Curulem an. <sup>157.</sup><sub>158</sub> Prætor Hispaniam Ulteriorem sortitus obtinuit an. <sup>160.</sup><sub>161</sub> Apud  
 Volum. I. Nnn Tole-



Toletum Vaccaros, Vectones, & Celtiberos ingenti prælio profligavit, & Regem Hilernum cepit, teste *Livio*. Prorogatum est in Provincia Fulvio imperium, duos hostium exercitus fudit, plurimas urbes expugnavit, redux Romam ingressus est ovans.

M. FVLVIVS. M. F. SER. N. NOBILIOR. ANN. <sup>DLXII.</sup> <sup>DLXIII. Varr.</sup>

PRO. PR. OVANS. EX. HISPANIA. VLTERIORE. ...

Consulatum obtinuit cum Cn. Manlio Vulsone, an. <sup>564.</sup> Fulvio Ætolia obvenit, Ambracia capta, Ætolos ad deditionem compulit, transmissoque exercitu ad Cephaleniam Insulam, cujus urbes cepit an. 565. prorogata illi in annum Ætolia: tandem redux, ad Apollinis ædem à Senatu Triumphum obtinuit, quem egit splendidissimum; ut videre est apud *Plinium*, de quo *Tabule Triumphales*.

M. FVLVIVS. M. F. SER. N. NOBILIOR. ... AN. <sup>DLXVI.</sup> <sup>DLXVI. Varr.</sup>

PR. COS. DE. ÆTOLEIS. ET. CEPHALENIA. X. KAL IAN.

Quùm Ambracia Pyrrhi Regis quondam fuerat regia, ex ea an. <sup>285.</sup> signa marmorea & ænea adduxit, & in triumpho auri & argenti, ut & hostium armorum copiam magnam transtulit 27. duces captivos duxit, & plurima exercitui largitus est, qua de re Ludos, quos Jovi Opt. Max. voverat, Magnos edere illi concessum est ex s. c. Igitur ejus effigiem, laurea ornatam, in anteriore expressit, in averfa Victória, scribit in clypeo illam quam de Ætolis retulit; & imo temo, prora, ancora, insignia sunt captae Insulae Cephaleniæ: nota ex s. c. ea omnia ex Senatusconsulto facta fuisse denotant.

## XVII.

NOBILIOR. Caput Pietatis: in averfa parte, M. FVLVI. M. F. Simpulum, lituus, tripus, securis, & culter.

Eadem M. Fulvii M. filii epigraphe, ad eundem Fulvium spectare potest; sed nescimus qua fiducia ad illius ejusdem nominis filium cur potius revocemus hunc denarium. Totus illam Pontificem fuisse denotat, hinc caput Pietatis, inde instrumenta Pontificia. Pietas à Romanis dea putata est; quæ ædem habuit Romæ, in eo loco, ubi postea Marcelli theatrum, in Foro nempe Olitorio, extructum est, apud *Plinium*, lib. 7. cap. 36. *Julius*  
item

item *Obsequens*, in *Prodigiis*, Pietatis ædem fuisse, ait, in Circo Flaminio. Pietatis effigies in Cæcilia gente cum ciconiæ symbolo exhibetur, sed hæc Pietas erga parentes illam denotat, sed hanc esse erga deos, instrumenta sacrificii demonstrant. De Pietate sic loquitur *Cicero*, lib. 1. *de Nat. deorum*. „Pietas est justitia adversus deos, & cultus erga majores, aut sanguine conjunctos. De signis Pontificalibus seorsim ita abundè diximus, ut hæc repetere sit supervacuum.

## XVIII.

NOBILIOR. Caput Jovis barbatum & laureatum: in averſa parte M. FVLVI. M. F. in area ROMA. Victoria coronam trophæo porrigit.

Ad M. Fulvium Nobiliorem filium ipsius, qui ovationem egit, extra controversiam pertinet: trophæum à patre diverſum cum eadem M. filii epigraphe id omnino arguit. Ille Quæſturam Provinciam iniiit an. <sup>577</sup>/<sub>8</sub> Tribunatum Plebis an. <sup>582</sup>/<sub>3</sub> Ædilis Curulis fuit an. <sup>587</sup>/<sub>8</sub> Prætor Provinciam sortitus est an. <sup>590</sup>/<sub>1</sub> Consul tandem cum Cn. Cornelio Dolabella an. <sup>594</sup>/<sub>5</sub> Fulvio Ligures obvenerunt, de quibus triumphavit, ut denotant *Columnæ Triumphales*.

M. FVLVIVS. M. F. M. N. NOBILIOR. PROCOS. A. <sup>DCCV</sup>/<sub>DCCVI-VIII</sub>.  
DE LIGVRIBVS. ELEATIBVS. XII. K. SEPT.

Fulvio prorogata est Provincia in ſucceſſoris adventum; & ille in loco, ubi victoriam de Liguribus Eleatibus retulit, trophæum erexit: in cujus memoriam, ex anteriore parte Jovis Capitolini caput, in cujus templum aſcendebant, ad ſacra faciendâ die quo triumphabant, expreſſit; & in averſa, Victoriâ ipſam, trophæo à ſe erecto, coronam porrigentem, exhibuit.



## F V N D A N I A.

**F**VNDANIA gens ex plurimis *Livii* testimoniis Plebeia; siquidem C. Fundanius, Ædilis Plebis, mulctam dixit Claudie Appii Cæci filie, fuit Consularis. Nomen illi ex Fundis, Campanie urbe, desumptum *Fundanus* videtur; unde *Fundanius*. Cognomen autem *Fundulus*, diminutivum à Fundo, sedin denariis superstitiis deest.

### I.

Caput Jovis laureatum & barbatum: in averſa parte C. FVN-  
DAN. Q. Victoria coronam porrigit trophæo, cui alligatus  
barbarus genuflexus, pone est baculus, in cujus apice caput  
asininum.

Duo Caii Fundanii in *Historia Romana* referuntur, uterque Tri-  
bunus Plebis; sed alter, de quo supra, Consul an. <sup>510</sup>/<sub>4</sub> nullam vi-  
ctoriam retulit, ex qua trophæum erigere potuit, nec in ejus  
Quæstura, an. <sup>477</sup>/<sub>8</sub> Consul vel alius Magistratus, cujus Quæstor  
fuerit, victoriam nisi navalem reportavit: ita ut ad ejus pronepo-  
rem confugere debeamus, qui Quæstor P. Cornelii Scipionis  
Africani Æmiliani Consulis iter. an. <sup>619</sup>/<sub>20</sub> cui Hispania Citerior &  
bellum Numantinum extra sortem decreta sunt; prorogata igitur  
Fundanio Quæstura in annum usque <sup>621</sup>/<sub>2</sub> quo Scipio Numantiam  
delevit; in cujus memoriam ejus Quæstor C. Fundanius hos Qui-  
narios, quos vocabant Victoriatos, percussit in Hispania, quum  
Scipio in urbis loco trophæum erexit, ad cujus pedes Numantinus,  
manibus post terga revinctis, alligatus; & pone ejus arma baculus,  
in cujus apice caput asininum est, quo Hispani pro armis, ut spar-  
sim in hoc opere observare est. De Jove infra.

### II.

Caput Romæ galeatum, pone quod littera H. id est, *Hispanien-  
sis*, sub moneta: in averſa parte C. FVNDAN. Q. Jupiter in qua-  
drigis



drigis triumphalibus, cum fulmine, Figura in equo currum ducens.

Alterum victoriae in Hispania Citeriore & Numantiae deletae à Scipione monumentum, nempe ipsius triumphus; ille Romam reversus triumphum petiit, & illi decretus est secundus; jam enim de Pœnis triumphaverat an. <sup>607.</sup><sub>8</sub> & hunc egit <sup>621.</sup><sub>2</sub> ut testantur *Marmora Capitolina*,

P. CORNELIVS P. F. P. N. SCIPIO. ANN. DCCXII. <sup>Part.</sup>  
AEMILIANVS, PRO. COS. DE. NVMANTEINEIS. EX.  
HISPANIA. CITERIORE. II. KAL. IANVAR.

Sed votum Jovi fecisse videtur; quare ipsi potius triumphum quam sibi debere existimans, Jovem ipsum fulmine armatum in quadrigis triumphalibus expressit, & ipse in equo eas ducit: in cujus memoriam C. Fundanius ejus Quæstor in usum triumphi in Hispania percussit, quum in iis vox ROMA desit, quod confirmare videtur littera H. id est, *Hispaniensis*, subaud. moneta.

C. Fundanius è Quæstura ad Tribunatum Plebis venit an. <sup>624.</sup><sub>1</sub> ut videtur: fratrem habuit M. Fundanium, Tribunum Plebis & Prætorem; sed illius Magistratus non occurrunt; socer M. Varronis fuit, quem & ipse Præceptorem habuit.

## F V R I A.

**F**VRIA gens antiquissima in Patricias & Plebeias, ex *Livio*, divisa, Fusios primùm dictos, ut Valesios & Aufelios, deinde Furios, sive Fourios, à Fusio dictos, ut tradit *Ant. Augustinus*. Multis distincti sunt cognominibus, sed qui nobis in denariis supersunt, ordine Alphabetico recitabimus. Brocchi, qui sunt producto ore & dentibus prominentibus; Camilli, à Camillo sacrificiorum Ministro; Crassipes, à pedis tumore; Philus, à verbo Græco φίλος, id est, amicus. Purpureo, à Colore.

### I.

Caput Romæ galeatum: in averſa parte PVR. in monogrammate, in imo ROMA. Castores in equis pileati & astris insigniti decurrunt cum hastis.

Ex Furiorum cognominibus, ab illo inchoamus, ex quo antiquiores nobis supersunt denarii argentei: compendiosa illa vocis inscriptio PVR. *Purpureo*, eorum vetustatem abunde redolet, præsertim quùm sine prænomine & filii appellatione, occurrit: ideo eum Spurio Furio Purpureoni Quæstori Provinciali an.<sup>1704</sup> adjudicamus: quo tempore Castor & Pollux in denariis Romanis exhiberi cœperunt pro eorum insigni. De iis sparsim egimus. Sp. Furius pater fuit L. Purpureonis Prætoris, de quo post eum sumus dicturi.

### II.

Caput Romæ galeatum: in averſa parte Diana, cum crescente luna in capite, d. arcum, in bigis, s. habenas equorum. PVR. in imo ROMA.

Alterum ecce Sp. Purpureonis denarium damus, quem rectè *Patinus*, cum Diana Lunam bicornem in fronte gerente, d. arcum, & leva bigas agente, signavit: sed cur ipsa pro Victoria in bigis expressa est? Hæc sane Ludos sæculares hoc anno tertium factos

factos indicat; ipsi deæ præsertim erant dicati, si *Zozinum* legas, & post eum *Onuphrium*. Hi celeberrimi erant, quàm post centum annos celebrarentur, unde Sæculares dicti. Eorum origine, ut extra nostrum institutum, prætermissa, de quibusdam ceremoniis, quæ ad Dianam spectant, dicemus. Itaque illis instantibus Populus coibat in Dianæ templum, quod erat, ut sæpe diximus, in Aventino monte, cui triticum, faba, hordeumque dari mos erat. Ubi advenerat dies festus, sacrificia per triduum Jovi, Junoni, Apollini, Latonæ, Dianæ & aliis fiebant: his peractis, mane Capitolium ascendere ad sacra, & deinde ad theatrum conveniebant, ad Ludos in honorem Apollinis & Dianæ faciendos.

Denarius hic Furii] *Censorino* faver, qui, *de die Natali*, cap. 14. Sæculares Ludos tertium P. Claudio Pulchro L. Junio Pullo Consulibus an. <sup>504</sup>; factos fuisse scribit; quemadmodum *Livius* & *Val. Antias* computarunt, *Alii* licet aliter tradant.

## III.

Caput Jovis imberbe laureatum: in averſa parte L. PVRPVREO. Victoria in bigis, d. flagrum, f. equorum habenas.

L. Furius Purpureo solo cognomine contentus, ut tum temporis notus in denario adſcribitur, filius fuit Sp. Furii Purpureonis; de quo ſupra egimus. Quæſturam Provinciam ſuſcepit, an. <sup>546</sup> ejus Ædilitas ignoratur; Prætor an. <sup>553</sup> Galliam ſortitus obtinuit; ab Arimino adverſus Gallos, poſt Placentiam captam, Cremonam tum obſidentes, proſectus eſt, eos adortus, Jovi ædem vovit, ſi eo die hoſtes fuiſſet; quare iis debellatis & ad 35000. captis vel occiſis, in denariis ex hoſtium manubiis ſignatis, Jovis caput expreſſit, & ex averſa parte bigas ſolitas. De Gallis Romæ triumphavit, ut ferunt *Marmora Capitolina*.

L. FVRIVS SP. F. SP. N. PVRPVREO AN. <sup>DLIII.</sup>

PR. DE GALLEIS. ... .. <sup>DLIIII. Farr.</sup>

Ex Prætura Purpureo ad Conſulatum pervenit cum M. Claudio Marcello an. <sup>577</sup> & in Conſulatu ædem, quam Jovi voverat, in Inſula Tiberina extruxit: inter decem Legatos in Aſiam miſſos numeratur à *Livio*, ſed Cenſuræ repulſam paſſus eſt.

## IV.



## IV.

PHILVS. Caput dei Triumphi, pone quod ancora inuersa: ex posteriore parte P. FVRI. SP. F. in imo ROMA, Cos. in quadrigis decurrentibus, d. habenas, s. lauri ramum, pone cum Victoria illi coronam imponens.

Purpureoni succedit Philus. Is P. Furius Spurius filius, in denario vocatur, in *Fastis* M. Nepos. Quæsturam Provinciale iniiit an. <sup>20</sup><sub>1</sub> Ædilitatem Curulem an. <sup>25</sup><sub>6</sub> Præturam ex conjectura an. <sup>32</sup><sub>9</sub> Consulatum cum C. Flaminio an. <sup>30</sup><sub>1</sub> ambobus Gallia decreta est. Ad Adduam flumen Gallos illi ingenti prælio profligarunt, utrisque decretus est triumphus ex *Columnis Capitolinis*.

P. FVRIVS SP. F. M. N. PHILVS. COS. ANNO. <sup>DXXX.</sup>  
<sup>DXXXI. Part.</sup>  
DE GALLEIS ET LIGVRIBVS. IIIL. IDVS. MART.

In usum triumphi, ad denarios ex hostium manubiis militibus distribuendos, P. Furius, in anteriore eorum parte caput dei Triumphi, qui Græcè *Θελαυβος* dicitur, caput expressit. Illuderat Bacchi cognomen, qui primus triumphum bellicum duxit, & ex parte auersa ipse, à Victoria coronatus, vehitur in quadrigis decurrentibus, ad celeritatem victoriæ denotandam: nam vix in hostium terram ingressi erant, quam ob prodigia post initum eorum Magistratum observata, Romam per litteras revocati sunt, licet non reuerſi sint.

P. Furius tandem cum M. Atilio Regulo Censor creatus est an. <sup>30</sup><sub>4</sub> sed in Magistratu mortuus est, & ob ejus mortem Atilius, ut moris erat, abdicavit.

## V.

Caput Jovis Capitolini sub quo fulmen EX. S. C. In auersa parte P. FVRIVS CN. F. PHILVS. Duæ Sellæ Curules, supra quamque corona.

P. Furius Consularis, de quo supra, tres habuit filios, Publium, Lucium, & Cneium, ex quo natus est Cn. Furius, pater hujus P. Furii, qui denarium percussit; ut temporum distantia indicat: nam is Proquæstore fuit an. <sup>61</sup><sub>4</sub> Ædilitatem Curulem gessit cum  
L. Cor-

L. Cornelio Cinna an. <sup>618.</sup> in quo Magistratu hunc denarium signavit, ad denotandum cum Collega Ludos Magnos edidisse. Ii Ludi Magni dicti sunt, quod in honorem Jovis, qui Maximus deorum credebatur, exhiberentur: qua de re ejus effigies in anteriore illius parte expressa est; fulmen sub ejus capite, tamquam ejus symbolum adjicitur: voces EX S. C. illos Senatus decreto celebratos fuisse denotant. Sellæ Curules, ad arguendum eos Ædiles Curules celebrasse, quorum jus erat Sellis Curulibus pro insignibus uti, & Ludorum in honorem deorum & dearum curam habere, ut Ædiliū Plebeiorum munus Ludos Plebeios seu Scenicos exhibere. Coronæ supra Sellas poni solebant, in honorem dei, pro quo Ludī edebantur, aliquando etiam honoris tantum causa.

## VI.

M. FVRI L. F. Caput Jani barbatum & coronatum. PHILI. ad latus ROMA. Trophæum, in cujus imo duo clypei, coronatur à Roma galeata, hastam transversam gerente, inde aquila legionaria.

Quis fuerit ille M. Furius, L. filius, apud *Historiæ Scriptores* non reperitur. *Fulvius* de eo inquit: „ Tertiū denarius cusus „ à M. FVRIO L. F. PHILO fuit in memoriam sine dubio ejus trium- „ phi, quem egit P. Furius Philus an. <sup>530.</sup> de Galleis Liguribus. M. „ autem Furium, qui L. F. in eo denario inscribitur, opinamur „ filium fuisse L. Furii Philī Prætoris an. <sup>582.</sup> <sub>3</sub> cujus meminit *Livius*, lib. 42. Ad illius illustrationem addemus, nos supra dixisse P. Furium, qui de Gallis triumphavit, tres filios reliquisse; primus fuit nempe Publius, qui ex Hispaniensi Prætura repetundarum damnatus; secundus fuit Cneius, cujus filius Publius superiorem denarium cudit; tertius verò Lucius Prætor an. <sup>582.</sup> <sub>3</sub> & 3. post anno mortuus habuit filium Marcum, qui hunc in Quæstura percussit, cujus tempus ignoratur, sicut alii ejus Magistratus, ut memoriam victoriæ de Gallis avi sui revocaret. Romam pro victoria trophæum coronantem exhibere videtur, quod Senatu triumphum coss. denegante, populus illis decrevisset. In imo trophæi pro captivis clypei Gallorum adjecti sunt, quod tanta fuit eorum armorum copia, ut M. Junius Dictator spoliis istis Gallicis post Cannensem Cladem sex millia hominum armaverit, teste *Livio*. In anteriore parte Janum fortè expressit, quod, ut huic deo duo capita tribuuntur,

tur, sic duo Consules, in hoc Gallorum prælio quasi unum corpus  
tes, adfuisse, & triumphus unam ob rem duobus fuerit con-  
cessus.

## VII.

BROCCHI. III VIR. Caput Cereris, corona ex spicis ornata;  
hinc spica, inde frumenti granum : in averſa parte FVRI. CN. F.  
Sella Curulis inter duas secures.

Cn. Furius Cn. filius Brocchus Tribunus Plebis, perhibetur  
pater Cn. Furii Brocchi, Tribuni Plebis an. <sup>572</sup>/<sub>3</sub> & C. Furii Brocchi,  
Trib. Plebis. an. <sup>574</sup>/<sub>9</sub>. Suspiciamus autem L. Furium, qui in denario  
Cnei filius inscribitur, ejus etiam filium fuisse, ut epigraphe de-  
notat; & quidem usque ad Præturam pervenisse, ut Sella Cu-  
rulis ejus Magistratus insigne indicat, & quidem cum se-  
curibus, ut jus vitæ se habere significarent, quas duo Li-  
ctores ante eos ferebant. Is autem, ex denarii inscriptione,  
Triumvir fuit extra ordinem creatus ad frumentum emun-  
dum, in illius annonæ caritate: quod confirmat spica & granum  
in denarii area, sed & caput Cereris ex aristas coronatum, ut deæ,  
frumenti ferendi modum docuit, quam exhibuit in anteriore parte,  
quasi Romæ ipsa providisset.

## VIII.

ÆD. CVR. Caput Cybeles turribus ornatum, pone pedis fi-  
gura: in averſa parte, Sella Curulis, supra quam P. FOVRIVS,  
in imo CRASSIPES.

A M. Furio Crassipede, qui primus hoc cognomen in Furia gente  
tulit, & qui bis Prætor Galliam & deinde Siciliam rexit an. <sup>560</sup>/<sub>1</sub>.  
Nullus cum ista appellatione reperitur usque ad Fourium Crassi-  
pedem, Ciceronis generum, cui, post mortem Pisonis Frugi,  
Tullio eam ille filiam collocavit, Lentulo & Marcellino coss. ut  
scribit *Manutius in 5. epistolam, lib. 4. ad Atticum*. Sed an ille Pu-  
blius prænomen habuerit? ut ut sit, qui hunc denarium cudit, Ædi-  
lis Curulis fuit; ut ipsa epigraphe ÆD. CVR. & Sella Curulis il-  
lius Magistratus insigne, arguunt. In anteriore parte, caput Matris  
Magnæ expressum est, ad demonstrandum P. Furium Crassipedem  
Ludos Megalenses fortitum esse & celebrasse: De quibus *Festus*  
ait,



ait, „ Megalesia Ludos Matris Magnæ appellabant. Fiebant hi Ludi in Palatio, quod docet *Cicero*, *Orat. de Harusp. respons.* his verbis: Nam quid ego de illis Ludis loquar, quos in Palatio „ nostri Majores, ante templum, in ipso conspectu Matris Ma- „ gnæ, Megalensibus fieri, celebrarique voluerunt. Pedis figura „ ad denotandum cognominis insigne; ut plurimi exhibuerunt, Malleoli, martellum; Flori, florem & alii.

## IX.

OB CIVIS SERVATOS. Corona quercea, inter duos lauri ramos. M. FURIUS. P. F. CAMILLVS. III. VIR. A. A. A. F. F. in area S. C.

M. Furius Camillus, si ex antiqua illa Camillorum stirpe oriundus, diu illa jacuit: ejus forsan patruus fuit M. Furius Camillus, qui Legatus Julii Cæsaris in Gallia fuit, quem illi *Cicero* commendat *ep. 5. lib. 7.* Is autem in nummo æreo illo, primæ magnitudinis, Triumvir appellatur, nempe Senatus, cui Augustus postquam Provincias cum illo divisit, sub Dominationis adhuc specie demandaverat: nam illo mortuo Duumviri evanuerunt, & Reipublicæ status cum Familiarum nomine in monetis extinctus est. Furius Camillus tandem ad Consulatum cum Sex. Nonio Quintiliano iniit an. <sup>760.</sup> & sub Tiberio Africam Procos. obtinuit, Q. Cretico Silano datus an. <sup>770.</sup> *Suetonius*, in *Claudio*, narrat eo tempore Camilli cognomen, ex genere antiquo Dictatoris esse.



## F V R N I A.

**F**VRNIA gens Plebeia, si quidem C. Furnius Trib. Plebis, apud *Dionys. Halic. lib. 2.* unus, ex Collegis omnibus, de communicando Plebi Consulatu dissentit, an. <sup>310</sup><sub>1</sub>. Ex Furno nomen desumpsisse videtur; an primus artem fornacariam exercuerit?

Caput Africæ proboscide ornatum: in averfa parte C. FVRNI. P.F. Pegasus alatus.

Ad C. Furnium P. filium pertinere denarium docet epigraphæ: sed quis ille Furnius fuerit; an C. Furnius, de quo sæpe loquitur *Cicero, in epistolis*? Typus denarii uem in Africa cūsum denotat, sed non modo Africæ caput Elephante, sed Pegasus Africæ ipsius, ut norunt *Antiquarii*, symbolum. Caius autem ille Furnius Quæsturam Provinciale iniiit <sup>698</sup><sub>9</sub>. Tribunus Plebis fuit an. 703. Sequuto mox bello Civili, Cæsari adhæsit, ut indicant hujus litteræ ad *Ciceronem*. Post pugnam Pharsalicam animum erga Ciceronem immutasse videtur, nam *Cicero ad Atticum*, 11. ep. 8. „Furnius, inquit, est illic mihi amicissimus. Si denarium cudit, sequutus sit in Africam Cæsarem oportet, & ibi pro eo denarios signaverit, ut Cæsaris hostes percussisse observavimus: nam vox ROMA, in hoc non est, & Africæ effigiem & symbola præfert. Furnius post cædem Cæsaris, Legatus L. Planci designati Consul in Gallia, quum Præturam petere vellet, & Cicero dissuaderet, se cum Antonio conjunxit, à quo Asiæ Proprætore factus est an. <sup>717</sup><sub>8</sub>. & contra Sex. Pompeium in Asia bellum molientem missus est cum Titio an. <sup>718</sup><sub>9</sub>. Post pugnam Actiacam an. <sup>722</sup><sub>3</sub> à Cæsare per filium suum veniam obtinuit, apud *Senecam, de Benef. lib. 2.* C. Furnius ejus filius Consulatum gessit an. <sup>736</sup><sub>7</sub>. *Eusebius in Chron.* illum ante patrem mortuum esse narrat, apud quem Pater & Filius clari Oratores habentur.



## G A B I N I A.

**G**ABINIA gens Plebeia, ex qua plurimi fuerunt Tribuni Plebis. Inter eos A. Gabinus extitit an. <sup>696.</sup><sub>7</sub> Nomen desumptum videtur à Gabino, Gabiorum urbis Latii cive, vel à Gabino, togæ quadam specie, ex *Servio*; sic in tergum rejecta, ut una ejus lacinia revocata hominem cingeret. Consularis quidem gens fuit.

A. GABINI. A. F. Caput Jovis Capitolini, sub quo fulmen: in parte averſa caput bovis infula ornatum, in corona quercea.

Unum tantum in gente Gabinia Consulatum observamus, quem gessit is, qui aureum hunc denarium percussit. Is Tribunatum Plebis obtinuit an. <sup>686.</sup><sub>7</sub> in quo Legem de bello Piratico tulit; & contra illos qui oras maritimas depredarentur electus est Cn. Pompeius; ideo Gabinium, bello Mithridatico hic Legatum accepit: è quo redux Præturam Urbanam gessit an. <sup>692.</sup><sub>3</sub> Provincialem an. <sup>693.</sup><sub>4</sub> & tandem Consulatum cum L. Calpurnio Pisone Cæsonino obtinuit an. <sup>695.</sup><sub>6</sub> in quo denarium cudit, in memoriam sacrificii, quod Jovi Capitolino fecit, eo die quo illum iniit: in anteriore parte caput illius dei laurea ornatum expressit: in averſa caput bovis infulati: Consules in Capitolium ascendentes duos juvencos injuges mactare Jovi solebant; de illis *Ovidius* sic loquitur.

*Tamque novi præeunt fasces, nova purpura fulget.*

*Et nova constitutum pondera sentit ebur.*

*Colla rudes operum præbent ferienda juvenci,*

*Quos aluit campis herba Phalisca tuis.*

Corona quercea exhibetur in denario, quod illa à Consulibus Jovi proferebatur, ut ipsi summo civium servatori.

Ooo 3.

Gabi-



Gabinus Syriam obtinuit Procos. an. <sup>636</sup><sub>7</sub> cum imperio extra ordinem extenso, Ptolemæum Auletem reduxit in regnum, & flagitiose Provinciam rexit; quare Romam redux, reus de ambitu factus est, sed à Domitio Calvino absolutus est. Morbo decessit in illyrico, per tempus belli Civilis, quum Cæsar esset Alexandria, cujus partes foverat.



## G A L L I A.

**G**ALLIA gens Plebeia, si quidem C. Gallius Luperus Tribunatum Plebis gessit an. <sup>672</sup>/<sub>3</sub>. Gallii à Gallo dicti sunt, teste *Manutio*. Gallus autem à candore corporis nuncupatur, γάλα enim lac dicitur, *Isidor. lib. 9. 2.* cognomen *Luperus*, quod fuerat Sacerdos Panos pastorum dei in Lupercalibus.

### I.

CAESAR AVGVSTVS TRIBVNIC. POTEST. Caput Augusti nudum: in averſa parte C. GALLIVS LVPERCVS III VIR. A. A. A. F. F. in area s. c.

### II.

AVGVSTVS TRIBVNIC. POTEST. in laurea, ex averſa parte typus idem.

C. Gallius Luperus avum habuisse videtur C. Gallium Luperum, quem supra Tribunum Plebis fuisse diximus, an. <sup>672</sup>/<sub>3</sub> & Senatorem appellat *Cicero, in Orat. 4. in Verrem*. Is in his duobus aëreis nummis secundæ magnitudinis recensetur Triumvir Monetalis, à Senatu nempe factus, ut indicat nota s. c. & moneta aërea, quæ ab Augusto Senatui in Provinciarum divisione cudenda erat relicta, sed cum effigie, aut nomine suo, vel symbolo, ut in his nummis à Gallio percussis videtur. Nam tres monetæ aëreæ signari formæ cœperunt, primæ verò magnitudinis tres species, una nempe cum effigie & nomine Augusti, in averſa cujus parte templum cum epigraphæ ROM ET. AVG. altera cum ejus etiam effigie, sed in averſa nomen Triumviri & nota s. c. tertia verò cum inscriptione OB CIVIS SERVATOS, & ex altera nomen item Triumviri; secunda species, ut eam Gallius expressit, tertia minuta, in qua nomina tantum Monetariorum.

In duobus hisce nummis Augustus dicitur cum Tribunicia potestate, quæ illi delata est an. <sup>730</sup>/<sub>1</sub> ut refert *Dio, lib. 53.* „Ea pro-  
„pter Senatus Augusto hos honores decrevit, ut Tribunus Plebis  
perpe-

„ perpetuus esset, ut quoties Senatus haberetur, etiam si Con-  
 „ latum non gereret, de quibuscumque rebus referre posset. In  
 altero laurea exhibetur, quod hostium semper Victor diceretur.

## III.

OB CIVIS SERVATOS. Coronā ex lauro inter duos lauri ramds:  
 in averſa parte C. GALLIVS. C. F. LUPERCVS. in area S. C.

Supra C. Gallium diximus avum habuisse C. Gallium Luper-  
 cum, Plebis Tribunum an. <sup>672.</sup> quia ille in hoc primæ magnitu-  
 dinis nummo se Cati filium inscribit: & id temporis ratio indi-  
 care videtur, quum Augusti nomen Cæsar non acceperit ante an-  
 num <sup>727.</sup> ut narrat Dio, lib. 53. „ Sed, inquit, posteaquam, ea  
 „ quæ pollicitus fuit, re ipsa perfecit, ibi demum AVGVSTVS à  
 „ Senatu populoque appellatus est: adde quod C. Gallius longè  
 post factus sit Triumvir Monetalis.

Observandum quod corona quercea, OB CIVES SERVATOS,  
 concedebatur, & in plurimis Triumvirorum Monetalium num-  
 mis qui ejusmodi Augusto cuderunt, exhibetur, tamen in hoc,  
 ut in Carpurnia, Cassia, Licinia, & quibusdam aliis, laurea expressa  
 est: de iis Dio, loco laudato: „ Cæſari, ait, multi erant hono-  
 „ res delati, nempe ut ante ipsius domum in Palatio lauri poneren-  
 „ tur, ac super eas coronæ querceæ suspenderentur; nimirum  
 „ quod perpetuus hostium victor, ac civium esset servator. Ty-  
 pus idem semper in aliis Triumviris Monetalibus; qui tantum sub  
 Augusto, nomen suum in nummis exhibuerunt; nam sub Ti-  
 berio nulla amplius eorum mentio.



## G E L L I A.

**G**ELLIA gens Consularis, cujus nomen, an *ὄνομα γῆλῶν*, *Gid est videre*, dictum est? si nomen à Græca voce, an illi cognomen Græcorum more, qui binam haberet significationem, inditum *Publicola*, qui populum colit? nam Latina cognomina non composita sunt, & inter eos, qui ejusmodi habuerunt, pauci occurrunt, nisi alter qui Agricola dictus est.

### I.

**EX. S. C.** Caput Jovis laureatum : in averſa parte **L. GELLI. L. F. PUBLICOLA AED. CVR.** Aquila inſiſtens fulmini, in area Præfericulum.

**L. Gellius L. filius Publicola**, qui denarium hunc aureum cudit, ille est, de quo ait *Val. Maximus*, lib. 5. cap. 9. „ **L. Gellius**, omnibus honoribus ad Censuram defunctus, Quæsturam Provincialem inivit an. 669. Ædilis Curulis factus an. 671. Ludos „ Magnos seu Romanos sortitus, ex iis quos Ædilis Curulis munus erat edere, obtinuit. *Cicero* de iis inquit, lib. 5. *Att.* 2. *in Verrem.* Mihi Ludos antiquissimos, qui primi Romani appellati sunt, maxima „ cum dignitate ac religione Jovi, Junoni, Minervæque esse faciendos. Illos appellat antiquissimos, quod hi Ludi primum à Regibus, ex *Livio*, tum à Consulibus, inde ab Ædilibus Plebis, tandem à Curulibus, postquam ii creati fuerunt, celebrati sunt. Gellius in eorum memoriam numum cudit, in cujus anteriore parte Jovem, cui erant dicati, expressit: & quum erant Senatusconsulto decreti, ideò nota **EX. S. C.** adjecta est. In averſa Aquila, ut Jovis ales, quam sibi sacram esse voluit, quod in bello contra Titanas futuræ victoriæ in Naxo augurium attulerit. Hæc Fulmini inſiſtit, quod pugnanti illud subministrarit. Præfericulum sacrificiorum vas, aut sacra ante Ludos facta, vel Gellium fuisse Pontificem, denotat.

## II.

Caput Libertatis velatum, Q. LUTATI. Q. F. Q. N. CATVLVS AED. CVR. EX. S. C. in averſa parte Sella Curulis inter duos lauri ramos, ſupra eam corona.

Ex Ædilitate Curuli L. Gellius ad Præturam Urbanam aſcendit an. <sup>676</sup>/<sub>7</sub> Ex Prætura Provinciam ſortitus obtinuit, an. <sup>678</sup>/<sub>9</sub> Conſulatum verò adeptus eſt cum Cn. Cornelio Lentulo Clodiano an. <sup>681</sup>/<sub>2</sub> teſtis eſt hic denarius aureus, in quo L. Gellius L. Filius Conſul perhibetur. Illum cudit Q. Lutatius Catulus, ut Ædilitatem Curulem ſe geſſiſſe denotaret: res enim aliæ ad ea quæ ſub ejus Magiſtratu geſta ſunt, ſpectant, ut Libertatis caput, quod ejus templi reſtaurandi curam habuerit Gellius: duo lauri rami ad duos Ludos, quos in Ædilitate edidit, pertinent; Corona Sellæ Curuli impoſita, aut honoris cauſa, aut deo, cui Ludi erant ſacri, oblata. Vide in Lutatia gente. Tandem Cenſuram cum eodem Cn. Cornelio Lentulo geſſit an. <sup>683</sup>/<sub>4</sub> quæ graviſſima fuit apud *Hiſtoriæ Scriptores*.

## III.

Caput Romæ galeatum in laurea: ex averſa parte Figura paludata, læva clypeum, in quadrigis decurrentibus, coronatur à Muliere. CN. GEL. in imo ROMA.

Ad ejus denarii explanationem *Fulvius* hæc proferit: „ Primus „ ad Gellium fortaſſe pertinet, Cn. Pompeii Legatum in bello maritimo contra Piratas, cujus meminit *Florus*, Ille, inquit, *lib. 3. cap. 6.* Gellius Tuſco mari impoſitus. Eſt cognomen Gellio deſit, typus huic factio favet, nam Pompeio in quadrigis decurrentibus, clypeo inſigni, Roma coronam navalem ſupra ejus caput imponere videtur, quam quibuſdam legatis conceſſerat, teſte *Plinio*. Corona verò ex lauro, in anteriore denarii parte, ubi Romæ caput expreſſum, ea quæ Romæ ſemper Victrici debetur. Denarius quidam ex Quadrigatorum ſolitorum ſpecie eſt, quem, ut Legatus Pompei percuffit an. <sup>314</sup>/<sub>4</sub> quo cœptum & conſectum eſt bellum Piraticum. An verò ille Cneius fuerit ex Publicola gente, an ex alia ſtirpe, incertum eſt: nam Q. Gellius Canus condiscipulus & familiaris Attici fuit, ex *Nepote in vita Attici*.

## IV.

## IV.

M. ANT. IMP. AVG. III. VIR. R. P. C. L. GELL. Q. P. Caput M. Antonii, pone quod præfericulum; in averſa parte CAESAR. IMP. PONT. COS. III. VIR. R. P. C. Caput Cæſaris junioris, pone quod lituus.

Patri ſuccedit Filius ejuſdem prænominis, L. Gellius dictuſeſt in denario, M. Brutum ſecutus eſt ut amicum in Aſiam poſt Cæſaris cædem; ſed quùm Gellius, inquit *Dio*, lib. 47. ei inſidiaretur, licèt convictus, Brutus illum dimiſit, & ad Caſſium, cui erat conjunctiſſimus M. Meſſala frater ejus, ſe recepit, cui pariter inſidias ſtruxit, his verò à matre Caſſio detectis, illa filii ſalutem pro præmio habuit; relictis ergo benefactoribus ad Antonium & Cæſarem transfugit. Denarius illius, in quo utrumque expreſſit, illum M. Antonii Quæſtorem Provincialeſ fuiſſe nos edocet. Præfericulum ut Auguri datur, ad Auguratum ejus notandum; Lituus autem ſolitum Auguris ſymbolum, Cæſari ut Pontifici tribuitur: iſta igitur Pontificalia ſine discrimine, modo Auguri, modo Pontifici, in denariis exhibentur.

L. Gellius tandem Conſulatum cum M. Cocceio Nerva, Antonii & Cæſaris pariter amico, obtinuit. Sed illorùm inimicitiiſ in apertum bellum eruptis an.<sup>721.</sup><sub>2</sub> Gellius adhæſit totus Antonio; Antonius eum præfecit Claſſi, & uni ex Provinciis, ut teſtantur non modo *Dio*, *Velleius*, & *Plutarchus*, ſed & nummi, quos Conſules in Antonia gente cuderunt: tandem pugna inter Antonium & Cæſarem ad Actium commiſſa eſt, Antonius cum Poplicola in dextro cornu egit, apud *Plutarchum*.



## H E L V I A.

**H**ELVIA gens Plebeia, tres enim fratres Helvii ex Magistratuum cursu Tribuni Plebis fuerunt, apud *Livium*. Nomen ejus desumptum videtur ab Helvo colore, medio inter rufum & album, de quo *Varro de Re Rust. cap. 5*. Blasio cognomen à lingua blæsa, ut auguratur *Sigonius de Nom. Rom.* Vide in gente Cornelia.

### I.

**BLASIO.** Caput Victoriæ pectore tenus cum alis: in averfa parte **M. HELVI. P. F.** Victoria in quadrigis decurrentibus, d. flagrum, f. habenas equorum.

**M. Helvius P.** filius Blasio duos habuit fratres, **Cn.** natu majorem Trib. Plebis an. <sup>546</sup>/<sub>7</sub> & Caium ex fratribus minimum, an <sup>553</sup>/<sub>4</sub> Marcus autem Quæsturam Provinciam iniit an. <sup>547</sup>/<sub>8</sub> Tribunus Plebis fuit an. <sup>552</sup>/<sub>3</sub> Ædilis Plebis an. <sup>555</sup>/<sub>6</sub> Prætor Peregrinus Hispaniam Ulteriorem sortitus obtinuit primus an. <sup>556</sup>/<sub>7</sub> nam hoc anno ex quatuor Prætoribus, sex creati sunt, qui alter fuit Hispaniæ Citerioris. **Q.** Fabius Buteo successor fuit Helvii in Provincia an. 557. sed hic æger non potuit discedere, & ferè biennio tantum post rediit longo & gravi morbo detentus. **Claudius Nero**, novus Hispaniæ Ulterioris Prætor, an. <sup>558</sup>/<sub>9</sub> Helvio Romam abeunti, usque ad Castra Consulis sex millia militum in præsidium dedit. Ille ad oppidum Illiturgim, duodecim millia Celtiberorum in prælio interfecit, & oppidum cepit, deinde Romam reversus triumphum petiit: sed quum exercitu alieno, & in aliena Provincia pugnasset, Ovatione tantum illi decreta est, ut legitur in *Columnis Triumphalibus*.

**M. HELVIVS. P. F. . . . N. BLASIO. PROPR. AN.** <sup>DLVIII.</sup>  
<sup>DLVIII. Varr.</sup>

**OVANS. EX. HISPANIA. CITERIORE. . . . .**

Ex manubiis denarios Helvius confecisse videtur; nam *Livius* narrat eum in ærarium detulisse argenti infecti 14732. pondo, signati Bigatorum 17023. Oscensis argenti 120438. In iis caput Victoriæ, ad recolendam illam quam de Celtiberis retulerat: in averfa parte Victoria in quadrigis, solito more cum flagro, qui denarii ex eo vocati erant Quadrigati, & non ob Ovationem, ut *quidam* putant; quum evantes pede Romam, aut, ut volunt, equo vecti ingrediebantur.

**HEREN-**



## HERENNIA.

**H**ERENNIA gens Plebeia fuit, sed Consularis; Herennius etiam fuit cognomen Babiis & Octaviis.

### I.

Caput galeatum, pone quod ROMA: in averſa parte M. HERENNI. C. F. Caſtor & Pollux equites, cum haſtis & aſtris inſigniti, in diverſa abeuntes.

M. Herennius C. filius in denario perhibetur, obſcuræ fortis homo creditus, cujus pater nullis Magiſtratibus ornatus occurrit. Inter mediocres Oratores à *Cicerone* numeratur, in *Bruto*. Quæſturam iniit an. <sup>645</sup>/<sub>6</sub> in qua videtur hunc denarium cuſiſſe, cum ſolita Romæ effigie; in averſa parte Caſtor & Pollux, non eodem modo, ut ſolent, decurrentes, ſed in diverſa abeuntes. Herennius forſan alludens eorum ſtellis; nam quùm Caſtor diem ſuum obiſſet, Pollux fratris deſiderio à Jove, cujus erat filius, & tantùm eſſent ex Læda fratres uterini, ut immortalitatem ſuam cum fratre poſſet partiri; qua re impetrata, alterni mori traduntur & reviviſcere. Quod ideo fingitur, ait *Servius*, quia horum ſtellæ ita ſe habent, ut occidente una, oriatur altera. Sic Equites in diverſa abeuntes videntur expreſſi.

### II.

PIETAS. Caput Pietatis: in averſa parte. M. HERENNI. Homo nudus alterum brachiis effert, in area littera P. in aliis Q.

Post Quæſturam Herennius Tribunatum Plebis adeptus eſt an. <sup>640</sup>/<sub>50</sub> Ædilis Plebis fuit, an. <sup>652</sup>/<sub>3</sub> Præturam Urbanam geſſit an. <sup>655</sup>/<sub>6</sub> Provincialem quidem an. <sup>656</sup>/<sub>7</sub> & ſi nobis conjecturæ locus, Siciliam ſortitus, ut indicare videtur denarius, qui Romæ non fuit cuſus, & Pietatis caput exhibet; nam ipſa pro dea habita eſt, ut diximus. Et in averſa parte Pietatis erga parentes ſymbolum, in hac Inſula uſurpatum. Non exiſtimamus juvenem illum, ut *quidam*

Ppp 3 putant,

putant, Æneam Anchisem ferentem, quem humeris gestare solet, aut comitem habet Iulum, vel Æneas Palladium tenet, ad eum indicandum; sed videtur esse Amphinomus Siculus, qui, Ærna incensa, patrem ex urbe Catana brachiis è periculo subducit, qualem videre est in gente Pompeia.

Herennius tandem Consulatum iniit cum C. Valerio Flacco an. <sup>659.</sup><sub>60</sub>. *Quidam* denarium ad M. Herennium spectare putant, qui Consul suffectus ex Kal. Novemb. id in *Collotiano Fragmento* reperitur, sed non est denariorum hujus temporis forma. Litteræ P. vel Q. Monetariorum notæ sunt.





## H I R T I A.

**H**IRTIA gens Plebeia, sed Consularis; nomen desumpsisse vult *Sigonius*, lib. de Nom. Rom. ab Hirto, id est, squallido.

### I.

C. CAESAR. COS. TER. Caput Pietatis velatum: in averſa parte.

A. HIRTIVS PR. Lituus, urceus & ſecuris.

A. Hirtius, A. filius, Magiſtratus per Quæſturam Urbanam, ut moris erat, incepit an. <sup>699.</sup><sub>700.</sub>, deinde Legatus Julii Cæſaris fuit in Gallia, cujus partes ſequutus eſt in bello Civili, eidem amicus & familiaris. Tribunatum Plebis geſſiſſe an. <sup>705.</sup> colligitur ex Lege quam tulit, uti Pompeiani ex Magiſtratibus excluderentur. Sed probabilius eam tuliſſe, quàm Prætor Urbanus eſſet an. <sup>707.</sup> à Cæſare factus, poſtquam ille auxiſſet Prætores ad decem; in cujus gratiam videtur hunc aureum nummum cuſiſſe, in quo, ſub vultu Pietatis, epigraphen Cæſaris poſuit; non conceſſa illi à Senatu cudendi cum imagine ſua adhuc facultate: initio nempe ejus tertii Conſulatus, ut præfert inſcriptio: Pius voluit videri in eum, qui ab omnibus PARENS PATRIÆ vocatus eſt. Pietatis imago modo velata eſt, modo ſine velo effingitur, ſed ut erat Pontifex Maximus, ideo Pietas velata eſt, quia ſic illi exhibebantur, & ſigna Pontificalia ad Pontificatum Maximum Cæſaris etiam ſpectant. Vox PR. exponitur *Prætor*. Quidam *Præfectus*. Sed vide Regulum in gente Livineia, in cujus denario vox PR. & altera PRAEF. occurrunt.

### II.

PIETAS. Caput Pietatis: in averſa parte Sacerdos, d. pateram ſuper aram ignitam, pone eum Camillus tenet ambabus ſuffimenta pro ſacris: adſtant ex adverſo duo Conſules togati, haſtis cum pendulis inſignes.

Cæſar cum bellum Parthicum moliretur, Hirtio & Panſæ Conſulatum

fulatum designavit in an.<sup>710</sup> quem, etsi à Conjuratis Id. Mart. occisus sit in Curia Pompeii an.<sup>709</sup> inierunt, sed M. Antonius, quùm in Macedoniam Provinciam sibi decretam ire debuisset, in Galliam Cisalpinam, quam D. Brutus obtinebat, profectus est, & eum Mutinæ obsedit. Novi Consules Magistratum ineuntes in Senatu de Republica retulerunt; Senatusconsultum, ut Legati ad Antonium mitterentur, factum est; at quùm ille, conditiones accipere, & Senatus illius responsa approbare nollet, hostis iudicatus, & bellum contra eum Consulibus decretum est: mox ad ipsum se accinxere & sacris, quæ initio belli habere consueverant, ut refert *Dio, lib. 46.* in cuius memoriam hunc denarium aureum cudi curavit.

Ab anteriore parte visitur caput Pietatis; sed illius quæ in patriam debetur; ideo velata non est, ut manifesta desit, & in averfa parte ambo Consules, ad aram stantes videntur hastis armati, licèt rogati sacris assistentes, quæ Sacerdos faciebant assistente Camillo: sed *Dio* tradit, *loco citato*, exta ab Aruspicihus, propter multitudinem sanguinis dijudicari non potuisse, quod malum omen cum aliis, ipsis portendit; & Consules quoque, ante ferias Latinas, Urbe profecti, quod quotiescumque factum fuit, perniciæ ipsorum fuit: nam ambo in prælio ad Mutinam, etiam si victores, ceciderunt; Hirtius quidem in pugna, Pansa verò post paucos dies ex vulneribus, Bononiæ. Hirtii corpus Romam perlatum, publica in Campo Martio sepultura conditum fuit. Cæsaris *Commentaria de bello Gallico & Pompeiano* complevit, quemadmodum ipse fatetur.



## H O R A T I A.


**H**ORATIA gens Patricia & Consularis, valde antiqua. De eorum nomine sic ait *Glandorpius*. Horatios volunt ab „ orando dictos, sed consuetudine factum ut adspiratio adjiciatur. „ Cognomen Cocles ab oculi defectu, is dicitur qui unum tantum habet oculum, quasi ocles.

**COCLES.** Caput Romæ galeatum: ex averſa parte IMP. CAES. TRAIAN. AVG. GER. DAC. P. P. REST. in imo ROMA. Castor & Pollux decurrentes, cum equis & hastis, insignes astris.

Horatia gens primis Reipublicæ temporibus plurimum enituit. Testis est Horatius ille Tergeminus, qui, Curiatis Albanis cæsis, victoriam Romanis reliquit. M. Horatius Pulvillus, ducto genere ab Horatiis Tergeminis, ut scribit *Dionysius*, Consul Capitolium dedicavit, & P. Horatius Cocles M. Pulvilli frater patruelis, qui in eo bello quod Porſena Hetruriæ Rex pro restitutione Tarquiniorum cum Romanis gessit, quum Janiculum jam captum videret, hostesque inde in urbem irruere, solus hostium impetum sustinuit, donec à tergo pons à lociis frangeretur: quo facto se cum armis præcipitavit in Tiberim, & incolumis ad suos tranavit. Ei ob hoc factum decreta est in foro Romano statua; apud *Plutarchum in Poplicola*.

Licet verò ab an. <sup>375</sup> nullus Horatiæ gentis inter Magistratus majores in *Historia Romana* reperiatur, aliquis tamen postquam argentea moneta signari cœpit an. <sup>484</sup> Horatii Coclitis nomen denario imponendo se ab illa originem duxisse posteris denotare voluit; sed quum tantum Coclitis cognomen in eo inscribatur, & typus sit Castorum solitus, ad alteram etiam gentem spectare dubitat *Amicus*, qui ejusmodi cognomen habuerit. *Cicero* suo tempore etiam Horatii nomen revocat, *epistola ultima, lib. 12. ad Cornificium*. Trajanus verò qui denarium restituit, hoc dubium tollere videtur, qui tam celebris Familiæ memoriam renovare voluit.





## H O R T E N S I A.

**H**ORTENSIA gens Plebeia, nam L. Hortensius Trib. Plebis perhibetur jam ab an. <sup>331</sup><sub>2</sub>. Nomen ab Horto derivatum *quidam* existimant.

### I.

Caput Romæ galeatum : in averſa parte L. HORTEN. L. F. in imo ROMA. Viſtoria in bigis, d. coronam, ſ. equorum habenas.

Ad L. Hortensium L. filium ſpectat hic denarius, Q. Hortensii Oratoris patrem. Is verò Quæſturam Provinciam iniiit an. <sup>644</sup><sub>5</sub> & ad impenſas Provinciæ ſolvendas Romæ denarios percuffit, ut ROMA vox indicat; nam à Tribunis ærarii pro ſtipendiis militum & exercitus ſumptibus monetam accipiebant, quæ eorum nomine cudebatur, & ſolito Bigatorum typo, vel alio, ut quæque Provincia Quæſtoris monetam noſceret. Viſtoria pro ſtagro aliquando coronam gerit, ut inſigne, ut exiſtimamus.

Post Quæſturam, quam per tres annos geſſiſſe reperi, ad Tribunatum Plebis acceſſit Hortenſius, an. <sup>649</sup><sub>50</sub>. Ædilis Plebis fuiſſe videtur an. <sup>652</sup><sub>3</sub>. Prætorque Provincialis Siciliam fortitus obtinuit an. <sup>656</sup><sub>7</sub>, ut ex *Cicerone* colligitur.

### II.

Caput Romæ galeatum : in averſa parte Q. HORTENSI. in imo ROMA. Caſtor & Pollux, aſtris inſigniti, decurrunt in equis cum haſtis.

*Goltzius* ad Q. Hortensium, celeberrimum Oratorem, revocat hunc denarium, quem Lucii filium *Cicero* nominat, in *Bruto*, ſed quum patrem in denario non appellat Hortenſius, ex forma illius eum antiquiorem ſuſpicamur, & ad Q. Horten-

# H O R T E N S I A.

421

Hortensium , Q. filium Prætorem Urbanum .an. <sup>639.</sup><sub>40</sub> pertinere auguramur. In re dubia libera est sententia ; ut ut sit , in eorum Quæstura percussus videtur , ad impensas Provinciæ. Si ad Hortensium Oratorem spectat anno <sup>673.</sup><sub>4</sub> cusus est , quo primum Lege Cornelia Quæstores viginti creati sunt , inter quos ille locum habuit. Castor & Pollux sæpe in denariis Romanis occurrunt , ut solitus eorum typus , ut à nobis sparsim dictum est.



## H O S I D I A.

**H**OSIDIA gens Plebeia an Patricia fuerit, incertum est : Hosidii nomen à quo desumptum sit non invenimus. Geta cognomen & Didiis & Liciniis familiare fuit.

### I. II.

GETA III VIR. Caput Dianæ, pone quod arcus & Pharetra : in averſa parte C. HOSIDI. C. F. Aper telo transfixus, quem canis infectatur, & alius typus ferè idem ; ſed litteræ circa caput vario modo poſitæ.

C. Hoſidius C. Filius in denario appellatus, patrem habuiſſe videtur C. Hoſidium, de quo fit mentio inter proſcriptos apud „ *Dionem*, lib. 47. Hoſidium autem Getam filius, funere ejus „ parato, nece ſubtraxit, finxit enim ſe laqueo vitam eripuiſſe, ruſ deinde ſeceſſit, ubi ſenex pelliculam induxit oculo, qua pace reddita, deinde amota, oculus longo otio redditus eſt inutilis, ex *Appiano*, *Bel. Civ. lib.* 4. Hoſidius filius Triumvir inſcribitur, nempe Monetalis: idem verò Apri typus telo transfixi à Durmio pariter Triumviro ſub Auguſto, ſimul hunc Magiſtratum minorem & eodem anno iniſſe ſollicitat. Hic Auguſti caput exhibet, in cujus natalibus, apud *Dionem*, ab Ædilibus Curulibus venationem fuiſſe editam legimus, an. <sup>634</sup> M. Apuleio, P. Silio Coſſ. Hoſidius vero Dianam, cui ſacra fuerant facta ut venationis deæ, exhibuit. *Amicus* denarium in Ludorum Sæcularium celebratorum an. <sup>736</sup> memoriam cuſum exiſtimabat; quod hi in Dianæ honorem celebrarentur: ſed Ludi in honorem Apollinis & Dianæ exhibebantur, & aper telo transfixus, quem canis perſequitur, venationem potiùs, quam Ludos deſignare videtur: Meſcinius autem Triumvir eos in denariis ſcripſit LVD. SÆC. imo & addidit Trib. pot. VI. in qua celebrati ſunt.





## H O S T I L I A.

**H**OSTILIA gens videtur Plebeia, quum in ea multi Tribuni Plebis numerentur: nomen ejus ab Hostio diminutivum est, & Hostius ab Hosto; & quod primus fuisset ex Herfilia Sabina in Hostico procreatus Hostus Hostilius à matre fuit appellatus ex *Macrobio*. Ex nummis nobis supersunt cognomina Mancinus & Saferna: Mancinus diminutivum à Manco, qui altera manu caret.

### I.

**MANCINVS.** Caput Honoris laureatum, ante quod scutum: in averſa parte A. HOSTIL. L. F. Castor & Pollux, in equis decurrunt, cum hastis, pileis & astris ornati.

A. Hostilius Lucii, qui ab Annibale cum 400. equitibus occisus dicitur apud *Livium*, filius fuit. Is Quæsturam Provincialeni iniit, an. <sup>567</sup>/<sub>8</sub> Ædilis Curulis extitit an. <sup>571</sup>/<sub>2</sub> Præturam Urbanam gessit an. <sup>573</sup>/<sub>4</sub> Tandem Consul cum A. Atilio Serrano creatus est an. <sup>583</sup>/<sub>4</sub> Hostilio obtigit Macedonia cum bello contra Perſeum Regem: at quum pro exercitus impensis Consul plurimos denarios signaret, *Livius* nobis hujus explanationem suppeditare videtur. Plurimæ civitates Asiæ Legatos Romam miserant, ut aliquid Romanis, pro bello Perſico offerrent; inter eos Alabandenses coronam auream quinquaginta pondo, quam in Capitolio ponerent, donum Jovi Opt. Max. attulisse, & scuta equestria 300. ea cui jussissent tradituros. Alabandenses scuta reportare ad A. Hostilium Consulem in Macedoniam jussi. Quare Hostilius, ad eam rem significandam, in anteriore parte caput Honoris coronati, ut videtur in gente Fusia, & ante eum scutum, exhibuit. In averſa parte solitus est denariorum typus, cum Castore & Polluce; unde in neutro latere vox ROMA legitur. At quum nihil prosperè in Macedonia à Consule gereretur, per Legatos ad Comititia ineunda redire jussus est. Hostilius duos reliquit filios Caium & Lucium, de quibus mox dicturi.

## II.

L. HOSTIL. MANCIN. Caput Tulli Hostilii Regis diademate ornatum, pone quod TVLL. in averſa parte SER. SVLPIC. GALBA. Triremis Prætoria cumque remigantibus.

A. Hostilio Mancino patri ſuccedit L. Hostilius Mancinus natu. major filius, in memoriam avi dictus Lucius. Is Quæſturam Provincialeſ ſuſcepit an. <sup>597.</sup><sub>8</sub> Ædilitatem Curuleſ an. <sup>602.</sup><sub>3</sub> Prætor Peregrinus claſſem fortitus eſt an. <sup>609.</sup><sub>10</sub> & ejus Quæſtor Servius Sulpicius Galba factus denarios ad claſſis ſumptus percuffit, ut & hunc, in cujus anteriore parte caput Tulli Hostilii, ut L. Hostilium ab eo Romanorum Rege tertio originem traxiſſe denotaret. Ille autem diademate ornatus eſt, ut Rex Numa in gente Pompeia, & Ancus in Marcia obſervantur. Magno deſiderio hunc videre denarium tenebatur noſter *Sequimus, de Num. Pompeianis*; nam cum ſpe eum recuperandi ſemper vixit; ſed ut in Provincia extra Romam cuſus fuit, eximiæ raritatis habetur, & à *Goltzio* tantum obſervatus eſt. Galba L. Hostilii nomen verſus imaginem Regis, pone quam TVLLIVS eſt, expreſſit; ſuum verò in averſo latere, ubi depicta eſt Navis Prætoria, cum ſuis remigantibus ad indicandam claſſem, cujus Prætor L. Hostilius, & ipſe Quæſtor ſorte fuiſſent. *De Galba in Sulpicia gente.*

Anno <sup>506.</sup><sub>7</sub> Hostilius claſſem in ſucceſſoris adventum obtinuit, & quum anno præterito nihil, ad Carthaginem cum L. Piſone Conſule profectus, memorabile geſſiſſet, hoc urbem qua mare ſpectat, obſedit, ſed fruſtra, Romam redire juſſus eſt, & in foro obſidionis iconem expoſuit, qua comitate Populum ita delinivit ut Conſulatum cum Q. Fabio Maximo Æniliiano obtinuerit an. <sup>608.</sup><sub>9</sub>

## III.

Caput Cereris Corona ex ſpiciſ ornatum: in averſa parte. C. MANCIN. A. F. SEX. ATIL. M. F. SERRAN. Duo Ædileſ ſedent, ante dexteriorem modius cum ſpiciſ, pone alterum ſpica.

Ex ordine C. Hostilius Mancinus fratrem majorem ſequitur, & Quæſturam Provincialeſ adeptus eſt an. <sup>602.</sup><sub>3</sub> Ædilitatem Plebeiam cum Sexto Attilio Serrano, de quo in gente Attilia diximus, obtinuit an. <sup>609.</sup><sub>10</sub> licet Patricius fuerit; nam Ædileſ ſeu Curu-

Curules seu Plebei sine discrimine erant creati, denarius verò sub eorum nominibus percussus, illos hoc anno annonam largiter Romæ procurasse nos edocet. Ii autem in Sellis exhibentur, quæ Ædilibus Plebis peculiares erant; & modius cum spicis illum tritici plenum modico pretio esse distributum denotat: in anteriore parte Cereris caput, ut dea frugum, & prima earum inventrix, & cultum terræ docuit: unde *Virgilius*, 1. *Georg.*

*Prima Ceres ferro mortalesvertere terram  
Instituit.*

Post Ædilitatem C. Hostilius Præturam Urbanam sortitus est an. <sup>612.</sup><sub>3</sub> denique Consulatum cum Æmilio Lepido Porcina obtinuit an. <sup>616.</sup><sub>7</sub> Mancino Hispania Citerior obtigit, pacem cum Numantinis perniciosam postquam fecisset, revocatus est, & abdicavit; sed per Feciales abolendi fœderis sine autoritate Senatus facti, ante portas Numantiæ vinctus & nudus expositus est, quem quùm Numantini recusassent, Romam reversum Rupilius Tribunus Plebis è Senatu, ut non amplius civem eiecit; sed Lex lata est, qua Civis esset Romanus ex *Pomponio tit. de Legat.* & Præturam Urbanam postea adeptus est an. <sup>619.</sup><sub>20</sub> Provincialem verò an. <sup>620.</sup><sub>1</sub> in Provincia verò illi subrogatum est imperium an. <sup>621.</sup><sub>2</sub>

## IV.

Caput Veneris laureatum: in averſa parte L. HOSTILIUS SASERNA. Victoria gradiens, d. caduceum, humero lævo trophæum.

Rectè opinatur *Fulvius*, à L. Hostilio Saserna cūsum esse hunc denarium, quem Lepti cū præsidio sex Cohortium Jul. Cæsarem reliquisse scribit *Hirtius lib. 5. de Bel. Africano*; ut & fratrem ejus P. Sasernam Ruspinae, ne loca maritima post se vacua relinqueret. Ut autem Adrumeti ex Scipionis jussu Confidius, eo tempore quo Saserna Lepti à Cæsare præfectus est, monetam in illa urbe ab eo cudi observavimus; sic hanc à Saserna Lepti percussam auguramur; idque persuadent nulla Romæ signatæ monetæ vestigia, & Veneris, à qua Cæsar originem trahebat, imago, in denariis pro ejus usu cusis signari solita, parsque averſa, in qua

Victo-



Victoria caduceum Felicitatis symbolum, Cæsaris felicitatem denotans, & illa trophæum gerens, ad illud jamjam de adversariis & hostibus erigendum.

## V.

Caput Palloris deæ, prolixis capillis; pone quod baculus, in cuius apice caput asininum, in averſa parte L. HOSTILIUS SASERNA. Diana velata, cum tutulo & veste, cuius Lacinæ brachiis involutæ pendent, d. cornibus cervum, f. hastam nodosam.

Ad L. Hostilium Sasernam pertinere hunc denarium docet epigraphæ, quem etiam Lepti cūsum opinamur, ob Dianam illam singulari modo & non alibi observatam, quæ ejus in hac urbe cultum denotat. Dianæ Iphesiæ signum existimat *Fulvius*, sed nullus est in Ephesiorum nummis tam peregrinus, qui hujus effigiem ab illa omnino diversam non agnoscat. Diana cervicornua tenet, quia ille in ejus tutela erat. L. autem Hostilius, ut à Rege Tullo Hostilio se originem trahere denotaret, in denariis, Palloris deæ imaginem, sub mulieris effigie cum prolixis & neglectis capillis, expressit, ad renovandam memoriam fani quod huic voverat, apud *Livium*, lib. 1. Baculus, in cuius apice videtur caput asininum, armorum formam, quibus Leptitani, ut & alii populi, utebantur, indicat.

## VI.

Caput Pavoris dei, coma arrecta, pone quod scutum oblongum: ex averſo latere Figura, d. spiculum vibratura in partem adversam, f. clypeum, stat in bigis, quas fessor ducit, d. flagrum, f. habenæ equorum gerens. L. HOSTILIUS SASERNA.

Hic denarius ab eodem Hostilio Saserna percussus, hinc & inde Tulli Hostilii Regis gesta continet; ut in superiore Palloris effigiem, cuius fanum voverat Rex, ad indicandam ex illo Principe originem suam, exhibuit; in anteriore parte caput Pavoris coma arrecta, cujus fanum etiam vovit Rex Hostilius, ut & Palloris fessor, cerat, ex *Livio*, nam, inquit, Tullus in re trepida duodecim vovit Salios fanaque Pallori ac Pavori; ad quod *D. Augustinus*, lib. 6. de Civit. Dei, cap. 10. Hostilius Pavorem & Pallorem, teter-

„ rimos

rimos hominum affectus ; quorum alter mentis territæ motus „ est , alter corporis , nec morbus quidam , sed color. scilicet deos dedicavit. Palloris ædes erant in regione Esquilina , ut & vicus Palloris ; an Pavoris fanum esset collapsum , Pavor à Corinthiis cultus legitur apud *Pausaniam* in *Corinth.* & etiam Spartæ apud *Plutarch.* in *Agide.* Scutum pone caput , ad arma Leptitanorum , ut baculus in superiore pone Pallorem , Tulli Hostilii Regis. Pars denarii averfa Triumphi de Albanis memoriam exhibere videtur. *Livius* , nulla Triumphi facta mentione , Horatium Victorem , spoliis tergeminiis prælatis insignem , Romam rediisse narrat. *Dionysius* tamen Tullum Hostilium Regem ex s. c. triumphasse scribit ; cui adstipulatur *Macrobius* , *Saturn. lib. 1.* his verbis : Tullum Hostilium , quùm bis de Albanis , de Sabinis „ ter triumphasset. Rex armatus in hostes telum vibraturus , tanquam victor in curru depingitur. *Amicus* verò , quod pone se adspicit & arma jaculaturus sit , Horatium esse , & Regem Hostilium in curru sedentem exhiberi , existimat.

## I T I A.

**I** T I A gens an Patricia an Plebeia sit, incertum, nomen ab *itu* videtur desumptum, de qua voce *Suet. in Tiber. cap. 38.* Ad extremum vota pro *itu* & reditu suo suscipi passus est. *Langius* monuit *Fulvium*, ad quem denarii misit ectypum, pro *Iccio* in antiquis codicibus reperiri. *Fulvius in Cesare de Bel. Gall. lib. 5.* pro Portu olim *Iccio* posuit *Itium*. Sed *Iccius*, *lib. 2. Bel. Gall.* Remorum Legatus ad *Cæsarem* dicitur, unde ab ejus gente portus ille denominari potuit, nisi sit error etiam in nomine.

## I.

Caput Romæ galeatum: in averſa parte L. ITI. in imo ROMA. *Castor & Pollux*, pileis & astris ornati, decurrunt in equis cum hastis.

Quis fuerit L. Itius, qui hunc denarium inter raros adscriptum cudit, & cujus gentis solus hætenus occurrit, existimat *Fulvius* esse illum, ad quem *Horatii extat Ode. 29. lib. 1.*

*Iti, beatīs nunc Arabum invides  
Gazis, & acrem militiam paras.*

Sed quum *Lyricus* ille Poëta insignis anno Imperii Augusti ætatis suæ 63. mortuus est, denarium L. Itii antiquiorem ex ejus forma & typo opinamur, & ita potiùs ad ejus patrem quam ad illum pertinere conjicimus. M. Itius, qui male *Iccius* nominatur apud *Ciceronem*, *Philipp. 3.* Cæsaris partium fuit, & Præturam obtinuit inter eos qui primum ex sedecim Prætoribus nominati sunt, an. <sup>709.</sup>10 postea anno sequente Siciliam administravit. Ille autem ex *Itia* gente fuisse videtur. Alter C. *Iccius*, pro C. Itius, ut arbitramur, citatur à *Plinio*, *Naturalis Historiæ lib. 1. & 36.* & ex illius *Lucubrationibus* quædam in *Historiæ suæ lib. 6.* se transtulisse fatetur. De Romæ capite, & solito in denariis argenteis *Castoris & Pollucis* typo, sæpe dictum est.



## I V L I A.

**I**VLIA gens Patricia est, majorum gentium, Libonis & Cæsaris cognominibus ex denariis nobis superstitis distincta, cui addita ex iis Bursionis altera, sed incerta. A Cæsaribus utpote Magistratibus insignioribus ordiamur. Nomen Julium à Iulo Ascanii Æneæ filii cognomine desumptum *Græci & Latini Historiæ Scriptores* produnt, de quo *Virgilius, Æneid. lib. 1.*

*Nascetur pulchra Trojanus origine Cæsar,  
Imperium oceano, famam qui terminet astris  
Julius, à magno deductum nomen Iulo.*

Cæsaris cognomen vel cæso matris utero, vel qui cum cæsarie nati, vel iis qui oculis sunt cæsis inditum, habere narrant; sunt etiam qui de elephanto in Africa occiso, quem Punica lingua *Cæsar* vocant, eamque ob causam datum hoc primum avo Dictatoris contigisse narrant. Sed multò antiquius est, ut infra videbimus.

Plebeia etiam gentis cognomen *Libo*, derivatum videtur à Libo dulciori cibi specie ex farre, caseo, melle, & oleo, confecta, qua delectabatur forsan primus qui illud tulit. De altero *Bursionis* cognomine inquit *Fulvius*, extant autem alii ejus generis denarii huic similes, in quibus pone caput Mercurii, signum quoddam adjectum est, quod ad indicandum Bursionum cognomen, unde dictum fuerit, appositum esse facile dixeris. Bursa autem, seu potius crumena illa non occurrit, sed bos apertè visitur pone Mercurii caput: unde *Amicus* à Byrsa, quæ corium dicitur, derivatum auguratur, quod gentis autor Coriarius forsan fuerit.

### I.

Caput Romæ galeatum, pone quod litteræ numerales XVI. in averſa parte L. IVLI. Castor & Pollux, pileis & astris insigniti, decurrunt cum hastis.

*Volum. I.*

Rrr 2

A gentis

A gentis Juliae Patriciis , utpote nobilioribus , eorum seriem  
 „ inchoamus. *Fulvius* hunc denarium ad L. Julium Cæsarem  
 „ refert , qui cum P. Rutilio Lupo Consul fuit anno <sup>66a.</sup><sub>3</sub> In eo,  
 „ inquit, adjectus est numerus XVI. ob eam causam quod eo anno  
 „ quo denarius hujusmodi signatus est , pressus are alieno Po-  
 „ pulus Romanus fecerat , ut denarius sexdecim assibus per-  
 „ mutaretur , quod secundo non primo , ut ait , bello Punico,  
 „ à Q. Fabio Maximo Dictatore factum fuisse *Plinius* scribit.  
 „ Quapropter illum denarium ex forma, typo , & littera anti-  
 „ quiores esse , & eo tempore cūsum arbitramur , quo monetæ  
 „ illius auctio mansit, Lucium autem Julium Cæsarem superiore  
 „ vetustiores , eadem ætate vixisse indicat *M. Catonis* , quam pro illo  
 „ habuit , *Oratio*. Citatur ea à *Prisciano lib. 10.* Sed nihil quicquam  
 „ præterea de illo deprehendimus.

*Fulvius* ab aliis quoque in maxima æris penuria factam fuisse  
 „ ejusmodi auctionem ex *Plinio* tradit , sed de illa tantum lo-  
 „ quitur , etsi in aliis denariis hanc Inscriptionem XVI. observavit;  
 „ omnes ad illud tempus revocandi sunt. Castoris & Pollucis ty-  
 „ pus , utpote solitum denariorum symbolum , à nobis sparsim ex-  
 „ planatus est.

## II.

Caput Romæ galeatum , pone quod ancora : in averfa parte  
 SEX. IVLI. CAISAR. Venus in bigis coronatur à Cupidine retrò  
 stante : in vertice ROMA.

Sex. Julius Cæsar in *Fastis* Sex. Filius Sex. Nepos appellatus ,  
 Quæsturam suscepit an. <sup>583.</sup><sub>4</sub> quo A. Hostilio Mancino bellum  
 contra Perseum Macedoniae Regem obvenit ; & ancora pone  
 caput Romæ , denarios ad impendia classis instruendæ fuisse cu-  
 sos denotat. Venus in bigis , cui Cupido retrò stans coronam im-  
 ponit , ad indicandam Juliorum gentem à Venere originem du-  
 xisse expressa est. Sex. Cæsar è Quæstore factus est Ædilis Curu-  
 lis an. <sup>583.</sup><sub>9</sub> cum Cn. Cornelio Dolabella , sub quibus *Hecyra P. Te-  
 rentii Poëtæ* acta est Ludis Megalensibus , ut ejus *Comædiæ vetusta  
 tituli Inscriptione* colligitur. Tandem ille primus ex Juliae gentis  
 cognomine Cæsaribus Consulatum adeptus est cum L. Aurelio  
 Oreste

Oreste an. <sup>596</sup>/<sub>7</sub> Romani aliquando Græca scribendi ratione usi sunt, ut CAESAR ita COILIUS & AIMILIUS.

## III.

Caput galeatum, pone quod spica: in averſa parte L. IVLI. Victoria in bigis, utraque manu habenas.

L. Julius Cæſar Sexti ſuperioris filius fuit, fratresque habuit Sex. Juliam Cæſarem Prætorem, & C. Julium. Is Quæſturam accepit, deinde Ædilis Curulis fuit an. <sup>628</sup>/<sub>9</sub> quo denarium cudisse videtur, ut indicat spica, pone caput Romæ, ob frumenti copiam in urbe procuratam; quo ſymbolo in denariis propterea utebantur Ædiles: niſi quis dixerit illum in Sicilia cuſum. L. Cæſar in hac Provincia potuit eſſe Quæſtor, & ſpica etiam ſymbolum eſt, præſertim quum vox ROMA in denario ſolita Urbis nota deſit: Lucius quidem Prætor fuit Provincialis eodem anno <sup>631</sup>/<sub>2</sub> quo frater Sextus Julius; ſed quas rexerint Provincias, ignoratur. Biga ſolitus denariorum Romanorum typus, unde illi dicti ſunt bigati.

## IV.

Duo capita jugata Jani, pro ſolito biſfronte: in averſa parte L. IVL. L. F. SEX. N. CAESAR. Navis, in imo ROMA.

Filius eſt hic Julius, Julii Cæſaris ſuperioris, & Sexti de quo ſupra, nepos, ut fert denarii *Inſcriptio*. Is Quæſturam Urbanam geſſiſſe videtur an. <sup>649</sup>/<sub>50</sub> quo hunc nummum æreum percuffit Romæ, &, pro Jano biſfronte ſeu averſo capite, Janum jugato capite expreſſit, qui Romanæ monetæ ſolitus erat typus, ut & Navis, de qua ſæpe egimus. L. verò Proquæſtore Provinciæ fuit an. <sup>651</sup>/<sub>2</sub> Ædilis Curulis an. <sup>655</sup>/<sub>6</sub> Prætor Urbanus an. <sup>658</sup>/<sub>9</sub> ut teſtatur in *Scaurianam* ſcribens *Aſc. Pedianus*. Prætor Provincialis an. <sup>659</sup>/<sub>60</sub> Tandem Conſulatum adeptus eſt cum P. Rutilio Lupo an. <sup>663</sup>/<sub>4</sub> Bellum cum ſociis decretum eſt ambobus Conſulibus, & Rutilius in prælio occiſus eſt. L. Cæſar an. 664. creatus eſt Cenſor cum P. Licinio Craſſo, ut habent *Fragmenta Capitolina*. Exauſtum penè ærarium hoc tempore teſtatur *Oroſius*: quare L. Cæſar æreos nummos tantum cudisse videtur.



## V.

CAESAR. Caput Romæ galeatum : in averſa parte L. IVLI. L. F. Venus in curru à duobus alatis amoribus vecta, d. haſtam divinitatis, ſ. habenas equorum.

Ut Sexti Julii Cæſaris ſtirpi finem imponamus, Lucium ejus pronepotem & ſuperioris filium producimus. Hic ſe Lucii filium inſcribit : in averſa parte currum Veneris, ex qua originem trahere ſe gloriabatur, exhibet; illa per aëra vehitur, à duobus alatis Cupidinibus tracta, de quibus inquit *Ovidius* :

*Alma fave, dixi, geminorum mater amorum.*

An verò cithara in imo, ſit Apollinis ſignum, nihil enim fruſtra in denariis ſignatur, vel ad Apollinares Ludos, quos in Prætura ediderit, designandos? Nihil autem de illius Magiſtratibus, per quos pervenerit ad Conſulatum cum C. Marcio Figulo an <sup>689</sup> in *Hiſtoria Romana* ſupereſt.

## VI.

SEX. IVL. C. F. SEX. N. CAESAR. Caput Cybeles ceu Matris Magnæ, turribus & velo ornatum : in averſa parte Ara, ad cujus imum hinc & inde aquila, laurea hæc omnia continet

A Sexto etiam Julio Cæſare, C. Julii Dictatoris proavi fratre, originem trahit hic Sextus, cujus denarium proferimus, ut ejus habet *Inſcriptio*. Sex. Julium reliquit Flaminem Quirinalem, ex quo natus eſt Sex. Julius, quem Dictator Syriæ præfecit. Sed ut ad noſtrum revertamur, Quæſturam Provincialem accepit an. <sup>648</sup> Aedilis Curulis factus eſt an. <sup>653</sup> quo denarius ex anteriore parte per Cybeles ſeu Matris Magnæ caput, illum Megaleſia exhibuiſſe nos edocet, quæ huic deæ erant dicata, ſic dicta à Græcis, quod ex libris Sibyllinis, ab Attalo Rege Pergami, Peſſinunte, ubi Megaleſion, templum Cybeles, unde advecta Romam, de quibus ait *Cicero*. Quid ego de illis Ludis loquar, quos in Palatio, noſtri majores ante templum, in ipſo conſpectu Matris Magnæ, Megalenſibus fieri, celebrarique voluerunt. Illi erant Scenici, & menſe Aprili celebrabantur.

Pars

Pars averſa denarii, per aram cum binis aquilis, Sex. Julium etiam Ludos Jovi Opt. Max. Romanos edidiſſe indicat. Illa erat ara ſupra quam ſacra fiebant; aquilæ Jovis alites id denotant; illi in honorem Jovis, Junonis & Minervæ fiebant menſe Septembri: primum erant Circenſes, deinde etiam Scenici fuerunt.

## VII.

CAESAR. Elephas, ante quem draco dimidiuſ: in averſa parte, capeduncula, aſpergillum, ſecuris, albogaleruſ ſeu apex.

## VIII.

Alter ſimilis typuſ à Trajano Imperatore reſtitutuſ.

Sex. Julius Trib. militum an. <sup>572.</sup><sub>3</sub> & Legatuſ an. <sup>584.</sup><sub>5</sub> duoſ reliquit filioſ, Caiuſ nempe Dictatoris proavum, & Sextuſ natu minorem: at quum nulloſ majoris & ejuſ poſteritatis denarioſ uſque ad Dictatoreſ reperimuſ, Sextuſ & illiuſ poſteroſ præmiſimuſ, nunc adductiſ Julii Caſariſ, qui primuſ monarchiam Romanæ Reip. invexit, quorum hic geminuſ ſcenam aperit.

Diverſo modo Elephantis typuſ in Dictatoris denario explicatur. *Alii* ad illiuſ cognominis memoriam, *Spartianuſ* & *Serviuſ* ſequuti, revocant, & avuſ ejuſ in Africa Elephantem; qui Punica lingua *Caſar* dictuſ eſt, occidiſſe memorant, unde illi cognomen indituſ; & id confirmare contendunt, quod Trajanuſ Imp. ideò denariuſ reſtituiſſe voluerit, ſed fruſtra; & *Spartianuſ*, *Serviuſ*que infimæ ſunt autoritatiſ; nam Sex. Julius Prætor an. <sup>545.</sup> bello Punico ſecundo, jam *Caſar* apud *Liviuſ* appellabatur, unde ab eo, illiuſ poſteri illud ſemper tulere.

*Alii* denariuſ putant ſignatuſ, in Elephantoruſ certaminis ſpectaculi memoriam, quod Dictator, ex Hiſpania contra Pompeii liberoſ Victoſ, Romam reverſuſ, P. Romano dedit, *Paterculi* autoritate freti. *Alii* denique ob victoriam in Africa, de Scipione & Juba Rege relatam (Africa autem Elephas eſt ſymbolum, ut plurimi demonſtrant denarii,) in iis expreſſuſ exiſtimant, quorum ſententiæ lubenter accedimuſ.

Super-

Supereſt ut dicamus ſerpentem eſſe in denario adjeſtum , ad indicandum immanis beſtiæ, pro ea occidenda illius induſtriam, quam *Leſtor* videre poterit apud *Ælium*, de *Animalibus*, lib. 6. cap. 21. Capeduncula, aſperſorium, ſecuris, & apex inſtrumenta ſunt ſacrificiorum, de quibus ſparſim diximus, ad Pontificatum Maximum Julii Cæſaris ſpectantia.

## IX.

Caput Veneris: in averſa parte CAESAR. Æneas nudus gradiens, d. Palladium, l. brachio patrem Anchifeſem gerit.

## X.

Alter ſimilis Typus à Trajano Imperatore reſtitutus.

Hi duo denarii, alter à Dictatore percuffus, alter à Trajano Principe reſtitutus, haud dubie originem Juliæ gentis indicant: ſiquidem ab anteriore utriuſque parte caput Veneris exhibetur, & in altera Anchifeſ ab Ænea filio humeris geſtatur: Æneas autem Iulum ex Creuſa genuit, unde nomen & originem ſe trahere jactabant Julii: illi Reges Albæ regnarunt, ex qua civitate per Tullum Hoſtilium Regem, ipſa diruta, Julii Romam ſunt translati, & à Rege in patres cooptati; ſed ſero ad Magiſtratus emerſerunt, atque inter Patricios majorum gentium ſerè poſtremi.

Æneas Anchifeſem gerit, pius in patrem ſenio conſectum humeris impoſuit, manu ducens Iulum, & Creuſa illos ſequuta eſt Troia diruta; & quo ſe reciperent, diù quæſivit Æneas, tandem in Italiam pervenit, ſecum Penates afferens. Porro Palladium, id eſt, Minervæ ſignum ille dextra geſtat. *Herodianus*, lib. 1. illud Romæ in ædibus Veſtæ aſſervatum narrat, id fuit è ligno compactum, movens oculos atque haſtam, quam manu ferebat, ut ſcribit *Servius*.

De Capeduncula, & aliis ad Pontificatum Maximum Dictatoris ſpectantibus inſtrumentis, ſupra dictum eſt; hic tantùm adjicimus denarium à Trajano Imp. reſtitutum, cum hoc typo inter rariores collocandum.

## XI.



## XI.

Caput Veneris: in averſa parte CAESAR. IMP. Trophæum; in cujus parte dextra ſunt ſpicula, à ſiniſtra clypeus; in imo hinc & inde clypei, litui militares & baculus cum capite aſinino.

Cæſar, antequam ipſi conceſſum fuiſſet nummos cum imagine ſua ſignare, Veneris caput ut originem ex illa ſe ducere perſuaderet, in iis cudere ſolebat. Hic verò in Hiſpania percuſſus videtur, poſtquam, ut tradit *Plutarchus in ejus vita*, Gallæcos & Luſitanos bello domuiſſet; ac progreſſus uſque ad Oceanum, gentes ante non pacatas Imperio Romano ſubegit, ubi trophæum extruxit, & ut addit idem auctor, tum impletis præda, militibus, Imperator eſt ab illis appellatus, quem titulum in denariis præfert.

## XII.

Caput Veneris, pone cujus collum Cupido medio corpore; ex averſa parte trophæum, hinc & inde clypei & baculi cum capite aſinino; ad cujus imum hinc mulier mœſta flens, & inde barbarus, manibus poſt terga revinctis: in imo CAESAR.

## XIII.

Caput Junonis Reginæ; ante quod lituus, pone ſceptrum: in averſa parte idem ferè trophæum, ad cujus imum, hinc barbarus genuflexus, manibus poſt terga revinctis; inde mulier pariter mœſta, caput ſuſtentans: in imo CAESAR.

Idem ferè trophæi typus, & eadem vox in imo CAESAR, ut ad eandem rem, denarium nempe ad trophæume Gallis & de Germanis ſpectare exiſtimemus. Hinc Gallia ſub mulieris effigie mœſta ad trophæi imum decumbit, & Germanus in bello captus, manibus poſt terga revinctis, ad illud alligatum, victoriam Cæſaris, de Arioviſto Germanorum Rege proſtigato, indicare videtur; de quo *Plutarchus* inquit. Fuſos ingenti ſtrage „ 37000. quingentos paſſus, uſque ad Rhenum inſequutus, „ campum hunc cadaveribus & ſpoliis totum complevit. Arioviſtus prærepta fuga Rhenum cum paucis trajecit. Cecidiſſe di-

cuntur octoginta millia. Quo in loco videtur erectum trophæum. ,

De Venere & ejus filio Cupidine in priore denario sapius dictum est, in posteriore verò sceptrum pone caput, ad Junonem Monetam spectat, quam Cæsar illam esse, quæ monetæ dea haberetur, denotare voluit. Lituus Julii Cæsaris Pontificatum Maximum indicat.

## XIV.

Caput Veneris IMP. ITER. ex averfa parte C. CAESAR. C. F. trophæum, cui hinc duo spicula, inde clypeus oblongus; ad imum duo rotæ fragmenta, hinc currus cum instrumento ferreo in ferræ modum, inde Rex stans cum chlamyde, manibus post terga revinctis.

Cæsar in hoc denario Imperator iterum appellatur, quem titulum in Gallia accepisse videtur, siquidem ex *Plutarcho*, ut supra diximus, illum in Hispania obtinuit. Rex ille chlamyde ornatus, Vercingetorix est, Celtibri filius Arvernus, summæ potentiæ adolescens, qui, ut narrat ipse *Cæsar*, 7. lib. *Bel. Gall.* Rex à suis appellatur, & ad quem à multis aliis Gallis deferitur imperium. Hic andem post Alexiæ deditionem, ipse deditur, & in custodiam à Cæsare datus, ad triumphum reservatus: quare prope trophæum, manibus post terga revinctis, in denario expressus est; & inde machina tormentaria ferrea Gallorum singularis, quod illi plurimas ex ferro fodinas, unde arma quælibet fabricabant, haberent, ut ex *add. lib.* colligitur; nam & laqueis falces avertebant, quas quùm destinaverant, tormentis introrsus reducebant, & aggerem cuniculis subtrahebant; eò scientius, quod apud eos magnæ sunt ferrariæ.

## XV.

Caput Pietatis, corona quercea ornatum, pone quod II. T. ex averfa parte Trophæum, ad cujus latus dextrum, clypeus oblongus, ad sinistrum baculus cum capite asinino, aliis lituus militaris juxta quem securis: per transversum CAESAR.

## XVI.

Caput idem Pietatis quercea corona ornatum, & litteræ II. T. in  
averfa

aversa parte idem trophæum cum barbaro, manibus post terga revinctis, humi desidente ad illud.

Ut Cæsaris trophæa absolvamus, alios de Pharnacis trophæis typos proferimus; diversi sunt ab aliis; vox autem CAESAR per transversum in iis, & litteræ II. T. ut illi attribuamus, impellunt: si præsertim audiamus *Dionem*, qui illorum explanationem nobis indicat in *Pharnace lib. 42. pag. 207.* Ea victoria, quamvis non „splendidissima, Cæsar magnopere sese jactavit, ut nulla alia „magis, quod eadem die, & pervenisset ad hostem, & vi- „disset eum, & vicisset. Manubias omnes, quamvis plurimæ, „militibus donavit: quumque trophæum eo in loco Mithridates de Triario statuisset, quia id consecratum belli diis evertere fas non erat, ipse de Phraate suum opposuit; atque ita Mithridaticum obscuravit, quodamque modo dejecit.

Trophæum igitur, ex *Dione*, Cæsar erexit, ubi Pharnacem vicit, & quia fas non erat, primum de Triario à Mithridate statutum tollere: ideo in denariis apposuit II. T. quod interpretamur *secundum trophæum*; nemo nescit II. à *Manutio, Scaligero & aliis* exponi *secundus & secundum*; at quum in hoc loco Mithridates, pater Pharnacis, unum erexerat trophæum, de Triario Cæsaris duce, Cæsar secundum de Pharnace Mithridatis filio, constituit. Ille Pietatis caput in anteriore parte exhibuit, quod hoc monumento pius in milites prælio superiore occisos, videri vellet; quapropter manubias post hoc, ut consolaretur suos de illorum morte, iis concessit, & quia civibus paucis vel nullis amissis victoriam retulerat, ideo in altero Pietas quercea corona est ornata. Securis ad sacrificia instrumentum, Pontificatum Maximum Cæsaris indicat.

Hic denarius nihil differt à superiore, quod barbarus, hirtocapillo, manibus post terga revinctis, ad trophæum imum humi sedet, ut moris est; & quod desit in eo securis, Pontificis Maximi Cæsaris signum.

## XVII.

Caput Vestæ velatum; pone quod Capeduncula, & litteræ II. T. ex adverso latere trophæum, ad cujus d. latus parma rotunda, & ad s. gladius latissimus, hinc corona quercea, & inde clypeus oblongus.



Trophæum illud à superioribus, etsi paulò diversum, tamen ad Pharnacem respicit, & arma, quibus utebantur Ponticæ gentes; additæ sunt in eo litteræ II. T. secundum trophæum de illo, quùm primum de Triario Cæsaris duce, in eodem loco esset statutum; ut ex *Dione* observavimus. Corona quercea, qua cinctum est, in superiore denario, Pietas ob Cives servatos, in hoc Cæsari ob rem eandem tribuitur. Caput velatum, primo intuitu Pietatis etiam esse, ut sæpius effingitur, existimabamus; sed Capeduncula, Vestæ symbolum, ut videre est in gente Cassia, illam imaginem mox detexit. Hæc in Cæsaris denariis exhibetur, ad indicandum ejus Pontificatum Maximum, quod Vestales essent illi Sacerdotio primario subjectæ; seu quod Æneas, à quo originem trahere se jactabat, Vestæ sacra Albam attulerit, unde Julia gens Romam venerat.

## XVIII.

C. CAESAR. IMP. COS. ITER. Caput Veneris: in averfa parte A. ALLIENVS PROCOS. Mulier nuda, pede d. proræ imposito, d. triquetram, s. demissa supra crura, strophio involuta.

De Allieno Siciliae Procos. in ejus gente, quùm hunc denarium protulimus, mentionem fecimus; nobis de Cæsare hoc loco dicendum. Ille Imperator & Consul iterum perhibetur. Imperator quidem excellentia & dignitate, non autem ordine: nam Tertiùm saltem appellatus fuerat, quùm Allienus denarium percussit, quando Cæsar in Siciliam profectus est, in Africam contra Scipionem & alios partium Pompeianarum fautores bellum gesturus; quo tempore Cos. iterum adhuc erat, & Consulatum illum cum Servilio Vatia susceperat an. V. C. <sup>705</sup> tertium autem, postquam ex Africa rediisset, iniit an. <sup>707</sup>.

## XIX.

COS. TER. DICT. ITER. Caput Cereris, corona ex spicis ornata: in averfa parte AVGV. PONT. MAX. Capeduncula, aspersorium, urceus & lituus.

Hic nummus Consulatum Tertium Cæsaris conjungit cum ejus Dictatura secunda. *Pighius* ex hoc denario colligit Dictaturam tertiam post tertium Consulatum, (ut & inquit, *Capitolini Fasti*

*Faſti* volunt,) à Cæſare geſtam fuiſſe, aliamque *Dionis* opinio-  
nem putat, quùm dicat ille, *lib.* 43. Sequenti anno Dictatu-  
ram Conſulatumque, tertio utrumque Magiſtratum, Collega  
in utroque Lepido, geſſit. Vera loquuntur nummi, ſed expla-  
nandus eſt *Dio*. Cæſar Dictaturam ſecundam inierat, quando  
tertium Conſulatum initio anni ſuſcepit, & poſt aliquot  
menſes ejuſdem anni, devictis in Africa Pompeianis, Senatus, ex  
eodem *Dione*, Dictatorem eum in decennium deinceps conſtituit,  
& tertiam inchoavit, ſicque in eodem anno poſtea Dictaturam  
Conſulatumque tertio, ſecundùm *Dionem*, geſſit: nam Dictatura non  
eodem die quo Conſulatus ſuſcipiebatur: ut autem Cæſar in  
Conſulatu Lepidum aſſumpſit, eum etiam in Dictatura Magi-  
ſtrum Equitum dixit.

Denarius Augurem & Pontificem appellat, & eorum inſtru-  
menta Pontificalia exhibet, Capedunculam, aſperſorium, ur-  
ceum, & lituum, Auguris præcipuum ſymbolum; ſed illius  
omnes dignitates Sacerdotaſ nominat: nam ex Augure fa-  
ctus eſt Pontifex Maximus. Oportebat illum ex Sacerdotum di-  
gnitate eſſe, ut à Collegio cooptari poſſet, ſed quùm Cn. Domi-  
tius Ahenobarbus Trib. Plebis Pontificibus offeſſior, quod alium  
quam ſe in locum patris ſui cooptaſſent, Lege lata, juſ Sacerdo-  
tum ſubrogandorum à Collegiis ad Populum tranſtulit; ideo  
Cæſar Populo carus Q. Catulo & P. Iſaurico prælatus eſt an.<sup>690.</sup>

*Fulvius* ſuſpicatur Cererem in denario expreſſam eſſe, quod  
ex Africa, ſed & Sicilia frumentum collegerat, ut populo diſtri-  
bueret, ejus gratias aucupandi cauſa; fretus hoc *Dionis* loco. Ad  
hunc modum peracto triumpho magnificum Populo dedit epu-  
lum, addito extra ordinem frumento oleoque, ut ex alio *Plutarchi*,  
cui lubens aſſentimur.

## XX.

C. CAESAR. COS. TER. Caput Pietatis velatum: in averſa par-  
te A. HIRTIVS. PR. Lituus, urceus & ſecuris.

Jam hunc denarium in gente Hirtia, quam adire poteſt *Lector*,  
protulimus: ubi A. Hirtium Prætorem Urbanum in tertio Cæſa-  
ris Conſulatu cum Lepido, illum in hujus honorem cuſiſſe ſub  
Pietatis effigie velata, diximus. De lituo, urceo, & ſecuri, Sacerdo-

tiorum, Auguris, & Pontificatus Maximi symbolis nimis obviis, sat dictum est.

## XXI.

CAESAR. P. M. DIC. TER. Caput Julii laureatum & velatum : in averſa parte. M. LEPIDVS IMP. Caput Æmilii Lepidi nudum.

*Dio* narrat, *lib.* 44. inter honores Cæſari decretos, ut ejus imago in monetis, quod nulli hæcenus fuerat conſeſſum, cuderetur his verbis : ipſius imagine pecuniam ſignaverunt. Hic autem denarius, ut & ſequentes, hunc honorem illi fuiſſe decretum, poſtquam ex Africa Viſtor rediit, quum illi Dictatura in decennium, quæ tertia erat, data fuit. M. Lepidus, ab illo Magiſter Equitum creatus, primus in ejus honorem ſignavit denarios, in quibus illum laurea inſignem, quam lubens acceperat, quod calvitie laboraret. Ejus caput velatum eſt, tamquam Pontifex Maximus. Ipſe verò Lepidus ſe Imperatorem appellat, quem titulum in Hiſpania Citeriore obtinuerat, qua de re triumphum egerat an<sup>706.</sup> ut videre eſt in *Faſtis Capitolinis*.

## XXII.

CAESAR DIC. TER. Caput Victoriæ pectore tenus cum aliſ, pone quod ſtella : in averſa parte. C. CLOVI. PRAEF. Minerva galeata gradiens, d. humero trophæum, ſ. clypeum, in quo Ægis, ſerpente eam comitante.

Cæſar tertiam Dictaturam gerebat, quum in Hiſpaniam contra Pompeii filios proficiſci decreviſſet, quare ad Urbis cuſtodiam Lepidum ſuum Magiſtrum Equitum reliquit, cum octo, aliis verò „ ſex Urbis Præſectis, ut refert *Dio*, *lib.* 43. Sed poſtquam „ Pompeii vires augeri, ſuos ad bellum ei faciendum non ſuffi- „ cere animadvertit, ipſe, Romæ cuſtodia Lepido, octoque ut „ nonnullis videtur, vel quod magis creditum eſt, ſex Urbis Præ- „ ſectis injuncta, in Hiſpaniam expeditionem ſuſcepit.

Hic nummus, cum epigraphe *PRAEFECTUS*, Clovium ex illis Præſectis unum à Cæſare conſtitutum (quos *Dio* non recenſet,) fuiſſe nos edocet, de quo dictum eſt in gente Clovia. Victoria in



in anteriore nummi parte, victoriam de Pompeii filiis denotat; qua mox relata, nummum Clovius percussit; & in posteriore parte Minervam belli præsidem expressit, ut ea duce & trophæa ferente, victoriam ubique referret, & trophæum erigeret: additur comes serpens, tamquam Victoriæ symbolum; astrum, pone caput Victoriæ, ad stellam Veneris spectare videtur.

## XXIII.

C. CAES. DIC. TER. Caput idem Victoriæ, pectore tenus cum alis: in averſa parte L. PLANC. PR. VRB. Urceus.

En alterum Urbis Præfectum à Cæsare in Hispaniam proficiscente constitutum L. Plancum, ex Munatia; de quo in illa dicturi sumus, licet jam in Antonia aliquid protulerimus. Victoriæ effigiem, ut supra Clovius expressit, hic Plancus etiam signavit, ille vero in ære, Plancus in argento; eam diximus, quam Cæsar in Hispania de Pompeii filiis retulit: nec te turbet Dictatoris tertio titulus cum victoria Cæsaris Hispaniensi, quam retulit initio anni <sup>708.</sup> nam, ut refert *Dio*, coactus est hieme bellum gerere, & à Lepido, ut Equitum Magistro, Populo convocato, Cæsar Consul quartum fuit creatus; sed Dictaturam tertiam nondum adhuc terminaverat; nam eam tantum receperat, Romæ redux post victoriam Africanam, sed ut eam non depositurus erat, ipsi in decennium decreta est; annua quidem erat, & quotannis à die quo eam quis ceperat, numerabatur, quum esset Magistratus non ordinarius, sed extra ordinem creatus; quare *Dio* hoc loco inquit, quibus rebus Cæsar, (eo autem tempore Dictaturam gerebat,) & sub exitum anni Consul creatus fuit, eumque titulum sibi Consul, contra Majorum instituta, sumpserat. Nam ante eum neque Consul & Dictator simul fuerat. Urceus ad Pontificatum Maximum Cæsaris spectat.

## XXIV.

CAESAR IMP. QVART. Caput Cæsaris laureatum, ante quod lituus: in averſa parte AVGV. PONT. MAX. COS. QVAR. DIC. QVAR. in area.

Hic denarius omnes titulos & dignitates Cæsaris exhibet; primò Imperator quartum perhibetur, nam ex Hispania Proprætor, apud

apud *Plutarchum*, prima vice Imperator appellatus est; quare ad Urbem profectus triumphum postulare volebat, sed quum absentis ratio non haberetur, triumpho Consulatum præferens, Romam ingressus, eum obtinuit. Iterum Imperator in Gallia, ex qua triumphavit, appellatus est: ex pugna Pharsalica hunc titulum non habuit; nec ex Ægypto retulit, quum acie non dimicavit, sed tertio dictus est Victor de Pharnace, ubi trophæum posuit, & tandem quartum in Africa obtinuit, contra Jubam Numidiæ Regem, de quo triumphum egit an. <sup>707</sup>/<sub>8</sub> in Hispania erat initio anni <sup>708</sup>/<sub>9</sub>, quo Consul quartum sine Collega fuit, & Dictaturam postea quartam suscepit; Augur etiam renunciatur, quod Sacerdotium, antequam Pontificatum Maximum obtinisset, haberet; ut supra dictum est.

## XXV.

CAES. DIC. QVAR. Caput Veneris: in averſa parte COS. QVINT. in laurea.

Hic aureus denarius controversiam omnem dirimit, dum Dictaturas quartam cum Consulatu quintum conjungit: nam aperte Dictatura Cæsaris non fuit ab eo suscepta, eo die quo Consulatum accipi solet; & nostram confirmat sententiam de Dictatura ejus tertia, quæ illi decreta est quum Romam ex Africa victor rediit; & tunc illam iniisse diximus ita ut annus Dictaturæ quartæ non esset terminatus, quando Consulatum quintum suscepit, quum hic Magistratus esset ordinarius, & primo Januarii die gereretur, & Dictatura Magistratus esset extra ordinem, qui inchoabat illo die quo creabatur, qui illo honore dignus censebatur: & sic *Suetonius*, *Plutarchus*, & *Dio* sunt de his intelligendi.

Caput Veneris in Cæsaris honorem erat expressum, quum ille se ab ea originem ducere gloriabatur; & addit *Dio*, lib. 44. omnino vero Venerem totus colebat, à qua se etiam formæ quandam venustatem habere, persuadere omnibus nitebatur. Corona ex lauro, in memoriam illius, quæ à Senatu, die quo Consulatum inibat, proferebatur.

## XXVI.

## XXVI.

CAESAR AVGV. IMP. SEXT. COS. QVINT. Caput Cæsaris laureatum, pone quod lituus: in averſa parte PONT. MAX. DIC. PERP. Sella Curulis, ſupra quam corona; hinc & inde ſecuris.

Cæſar in hoc denario renunciatur Augur. Pontifex quidem fuerat ante Pontificatum Maximum adeptum, & *Dio*, lib. 42. narrat poſt ejus reditum ex Ægypto & Aſia, Augurum Collegio adſcribi voluit, uti ceteris quoque Collegiis, & ut quanti hoc Collegium faceret indicaret, in nummis ſe Augurem nominavit, & ſæpe lituum ejus Sacerdotii ſymbolum denariis adjecit.

In penultimo Cæsaris denario, titulum Imperatoris quartum, cum Conſulatu quarto & Dictatura quarta conjunctum vidimus; nam an. <sup>708.</sup> Conſulatum ille quartum iniit, & ab eo die Imperator v. ob Hiſpanienſem victoriam appellatus eſt: ſed quando nam ſextum vocatus eſt ſilent *Autores*. Porro non modo hic denarius, ſed plurimi alii proferuntur à *Mediobarbo*, cum titulo IMP. SEX. in *ſaſtis* autem *Capitolinis* ejus Ovatio recenſetur an. <sup>709.</sup><sub>10</sub> VII. Kal. Februarii.

C. IVLIVS. C. F. C. N. CAESAR. VI. DICT. IV. OVANS. A. <sup>DCCLX.</sup>  
EX. MONTE. ALBANO. VII. K. FEBR. <sup>DCCLX. Farr.</sup>

Vox VI. de Imperatoris titulo intelligenda, qua occasione eum tulit: ſed qua de cauſa hæc Ovatio apud *Autores* non reperitur. Si mihi conjicere liceat, ad montem Albanum pro feriis Latinis concipiendis profectus erat, in Parthos bellum illaturus ne ipſi malè cederet: nam ante expeditionem Conſules illas indicare ſolebant ita; utque feriis Imperator VI. ſalutatus forſan fuerat, ideo tradit *Dio* inter honores ei decretos, *ut ipſe feriis Latinis peractis ex Albano in Urbem curru veberetur*, tanquam jam de Parthis victor, ut prius decreverant de Juba triumphum, quum ne quidem bellum Africanum futurum ſciret. Sella Curulis inter duas ſecures, cum corona deſuper, denotat ejus Dictaturam perpetuam: nam Sella ut erat Conſulum inſigne, ſic Dictatoris, cui aliquanto plus autoritatis & poteſtatis erat, ſed ut Conſuli duodecim, Dictatori viginti quatuor ſecures, ad majorem ejus po-



tentiam arguendam. Corona super Sellam honoris causa apponebatur, qua in Magistratus absentia semper ornabatur: & forsân ea erat de qua *Dio* loquitur his verbis: Sellam tamen Cæsaris auream, coronamque gemmis ornatam Antonii metu non intulit.

## XXVII.

C. CAESAR DICT. PERPETVO. Caput Cæsaris laureatum: in averfa parte EX S. C. Cæsar sedens, d. ramum, coronatur à Victoria pone eum stante, ante verò aquila legionaria.

Hic denarius statuam in Cæsaris honorem publicè ex Senatusconsulto erectam demonstrat, ut fert ejus Inscriptio EX S. C. Olivæ ramum tenet Cæsar, ad pacem, omnibus bellis Civilibus confectis, restitutam demonstrandam; Victoria ei lauream imponit, tanquam perpetuo Victori; Aquila legionaria ante statuam collocata est, ut summum belli imperium penes eum esse arguerent, nam decreverant, ne quis militiæ imperium cum Cæsare haberet, te-  
 „ ste *Dione*, qui de ejus statuis sic loquitur *lib. 44.* Utque in  
 „ omnibus urbibus, omnibusque Romæ templis ejus statua  
 „ poneretur: in ipsis rostris duas ei statuas collocarunt, civica  
 „ unam, alteram obsidionali corona insignem: quasi & Cives  
 „ ab interitu, & Urbem obsidione liberasset. Insuper Concordiæ  
 „ novæ templum ædificari, annumque ibi festum celebrari  
 „ jusserunt, quod Cæsar ipsis pacem restituisset. Et *alio loco* ad-  
 „ ditum est, ut Sella aurata uteretur; statuaque ei posita  
 „ est, qualis Regibus quondam. De ejus Dictaturis sic ait  
 „ ipse *Dio*, Post pugnam Pharsalicam, ut Dictator non ad seme-  
 „ stre tantum spatium, (nam id solebat,) sed in integrum annum  
 „ diceretur. Cæsar quamvis extra Italiam erat, statim Dictaturam  
 „ accepit. Quod intelligendum de secunda: nam prima ei ab-  
 „ senti, Comitiorum habendorum causa, Lege à Plebe lata, fuerat  
 „ data, qua se abdicaverat ad invidiam levandam; post verò victo-  
 „ riam Africanam, Dictaturam ei in decennium decreverunt; qua-  
 „ re in denariis tertia & quarta numeratur, sed *Plutarchus in ejus*  
 „ *vita* inquit, Ad Cæsaris fortunam inclinantes Romani frænum-  
 „ que accipientes, atque à bellis intestinis arbitrantes dominatus re-  
 „ spirationem, Dictatorem perpetuum eum dicunt. Erat vera eaty-  
 „ rannis, quum ad potestatem absolutam accessisset perpetuitas.

Caput Cæsaris laureatum, pone quod lituus: in averſa parte  
ÆGYPTO CAPTA. Crocodilus.

Qui hunc denarium aureum cudit, memoriam Ægypti à Julio Cæsare devictæ, an. <sup>706</sup>/<sub>7</sub> renovare voluit: illum autem cum aliis triumphis egit, & quidem ordine ſecundo, ut narrat *Dio*, lib. 42. Quatuor, inquit, continuis diebus de Gallis, Ægypto, Pharnace, & Juba ſingulos triumphos duxit. Crocodilus pro Ægypti ſymbolo adhibetur, quod hoc animal quadrupes, ex genere amphibiorum, ſoli Ægypto, & iis regionibus quæ Nilo alluuntur, familiare ſit. Ex eo dictum autumant, quod *κρόκος δειλιάς*, id eſt, *crocum fugit*, ac ejus odorem reformidat. Similis typus in Auguſti nummis, cum eadem epigraphe, ex argento obviuſ occurrit; unde conjicit *Amicus*, in ejus memoriam pariter ab illo fuiſſe percuſſum; quum nec Triumviri Monetaliſ, nec alteriuſ cujuſdam Magiſtratuſ nomen in hoc denario reperiatur. Lituuſ Auguriſ ſymbolum, quod Sacerdotiuſ obtinuit Cæſar, ut ejus frequentes denarii noſ edocent.

## XXIX.

CAESAR IMP. Caput Cæsaris laureatum: in averſa parte L. AIMILIVS BVCA. IIII. VIR. Duæ dexteræ junctæ.

Cæſar inter honoreſ ſibi decretos, quum accepiſſet ut pecunia cum imagine ſua percuſeretur, ad illoſ, qui ſub eo militaverant, aliquo modo remunerandoſ, Magiſtratuum numerum auxit, de quo *Suetoniuſ*, in *ejus vita*: Senatuſ, inquit, ſupplevit, Patricioſ allegit, Prætoruſ, Ædiliuſ, Quæſtoruſ, minoruſ etiam Magiſtratuum numerum ampliavit. Sub minoribuſ Magiſtratibuſ intelligendi ſunt Triumviri Monetaleſ, quos ex trium numero ad quatuor auxit, ut noſ ejus denarii edocent; inter quos L. Æmiliuſ Buca reperiatur, filiū illiuſ qui ſub Sulla Quæſtor fuerat. Duæ dexteræ, ob Senatuſ à Cæſare ſuppletuſ, expreſſæ ſunt, ad indicandam ideo cum illo concordiam, ut in nummiſ Balbini CONCORDIA AVG.

Imperator, ſine numeri additione, appellatur Cæſar, ut narrat *Dio*, lib. 44. Imperatoriſ quoque nomen: non antiqua tantum pro conſuetudine, qua id cum alii, tum ipſe quoque ſæpiuſ ex bello reportaverant, neque ea ratione, quod ei merum Imperium

absolutamque potestatem deferrent, Cæsari tribuerunt; sed eo modo quo nunc iis, qui summum imperium obtinent; tum primo Cæsari primum imposuerunt, tamquam ipsi proprium.

## XXX.

CAESAR IM. P. M. Caput Cæsaris laureatum, pone quod crescens Luna: in averſa parte Venus Genitrix tunicata ſtans, d. Victoriā, ſ. haſtam puram. L. BVCA.

Luna bicornis ad Lunæ ſeu anni correctionem, ab ipſo an. 707. „ factam, ſpectat; teſte eodem *Dione, lib. 43.* Jam, inquit, quum „ annorum dies invicem ſibi non ſatis congruerent (eo enim „ tempore etiamnum Lunæ revolutionibus meſes æſtimabant,) „ annum Cæſar ad eum, qui hodieque obſervatur, modum con- „ ſtituit, intercalatis ſeptem ac ſexaginta, (quamvis alii falſò plu- „ res perhibuerint) qui ad ſummam exactam requirebantur, die- „ bus. De Pontificatu ejus abundè dictum eſt. De titulo IMP. id eſt, Imperatoris, ſupra egimus, ut de Pontifice Max. De Venere in ſe- „ quente denario dicitur.

## XXXI.

CAESAR. DICT. PERPETVO. Caput Cæsaris laureatum: in averſa parte, Venus ut ſupra Victrix ſtans, d. victoriā utraque lauream gerentem, ſ. haſtam puram, L. BVCA.

Idem L. Æmilius Buca Quatuorvir Monetalis, licet ſolo prænomine & cognomine utatur, eandem Venerem Victricem exhibet. Venus autem, antequam Cæsaris cum ejus imagine denarii cuderentur, ſæpe cum capite in anteriore eorum parte, ſed poſtea ſtans aut ſedens, in averſo illorum latere, exhibetur; ſeu ob cultum, quo illam proſequabatur, ſeu ad originem illius ab ea demonſtrandam: nam ubi primum ex Africa Victor rediit, forum & Veneris templum quod conſtruxerat, teſte *Dione*, conſecravit, ut tradit, *lib. 43.* Forum verò & templum Veneris (quam ſui generis autorem ferebat) à ſe condita Cæſar ſtatim tunc conſecravit.

De Dictatura ejus perpetua, vide quæ ſupra, ex *Plutarcho* diximus. De Victrice Veneris cognomine, vide in ſequente denario.

## XXXII.

CAESAR DICT. PERPETVO. Caput idem laureatum: in averſa parte L. BVCA. Venus Victrix ſedens, d. Victoriā, ſ. haſtam tranſverſam. L. Buca



L. Buca, ut Cæsari adularetur, sæpe Venerem in denariis exhibet. Venus autem, quam dextra gerit Victoriā, illam cognomine Victtricem designare deberet; sed Veneris Victtricis templum, quum esset in theatro Pompeii, ideo ille eam colebat, ut refert *Plutarchus, in ejus vita*, & Cæsar Genitricem venerabatur. Nocte, inquit, visum „ Pompeio est in somnis theatrum ingresso sibi populum plaudere, „ templumque se Veneris Victtricis multis spoliis exornare. Hæc „ visio partim erexit eum, partim sollicitavit nonnihil metuentem, „ ne Cæsaris Familiæ Venerem contingenti accederet ab se decus & „ claritas. Itaque à victoria Pharsalica relata Venus Victrix victoriā Veneri Genitrici accommodasse. Sedit verò illa confectis Civilibus omnibus bellis, hastam transversam ut quiescens tenet.

## XXXIII.

CAESAR DICT. PERPETVO. Caput Cæsaris laureatum: in aver-  
sa parte, L. BVCA. in vertice globus, in medio dextræ junctæ, cadu-  
ceus, falces; in imo securis.

## XXXIV.

Alter cum capite Dictatoris, sine epigraphe, & idem typus, in  
aversa parte.

Hic denarius omnia in Romani Imperii rectore optata continet. Globus imperium Cæsari delatum designat, ut inquit, *Dio, lib. 43*. Ipse quoque super imaginem orbis terrarum positus ex ære statueretur. Per dexteram junctam Senatus cum Cæsare concordiam, per caduceum pacem; de quibus *idem Dio*, insuper Concordiæ novæ templum „ ædificari, annumque ibi festum celebrari jusserunt, quod Cæ- „ sar ipsis pacem restituisset, confectis omnibus bellis Civilibus. Per falces, Justitiā, teste *eodem Dione, ibidem*. Leges præterea mul- „ tæ ab eo sancitæ sunt, ex quibus paucas memoratu dignas recitabo. „ Denique per securim, Religionis cultum denotat, ille enim Pontifex Maximus erat, & sacrorum curam habuit singularem.

## XXXV.

Caput Julii Cæsaris laureatum: in aver-  
sa parte L. FLAMINIVS. IIII.  
VIR. Mulier stolata stans, d. caduceum, s. hastam puram.

Quatuor viros Monetales, qui nummos Cæsari viventi percussere-  
runt, hic ordine gentis suæ alphabetico recensemus; jam verò de L.

Flaminio cognomine Chilone suo loco egimus, & ille quidem in denariis se primum Cæsari eos flavisse scribit. Ipse Felicitatis deæ simulacrum exhibuit, quod templum Felicitatis in loco Hostiliæ Curia denuò destructæ, in ejus memoriam condi jusserat Senatus, teste *Dione lib. 44.* & pro Hostilia Curia, ut Cæsar novam Curiam extrueret. Felicitas pro symbolo caduceum pacis insigne gerit: nam post tot bella civilia, Romæ Felicitas, haud dubie existimabatur.

## XXXVI.

C. CAESAR DICTATOR. Caput Cæsaris laureatum, pone quod lituus. Denarius aureus *Goltzii.*

## XXXVII.

Caput Cæsaris laureatum, pone quod lauri ramus, ante illud verò caduceus. Denarius argenteus: in averfa utriusque L. LIVINEIVS REGVLVS. Taurus cornupeta.

L. Livineius Regulus, qui hunc denarium cudit, videtur fuisse pater L. Livineii Reguli, quem in gente Livineia Cæsari juniiori Triumviro Reip. constituendæ nummos signasse videbimus; inter eos quidam cum patris effigie exhibentur, quia illum Præfectum Urbis an. 797: dum Dictator in Hispaniam, contra Pompeii filios bellum gesturus, profectus est, & anno sequente, ut videtur, Prætorem Urbanum extitisse demonstrant; in quo Magistratu ultimo hunc cum Dictatoris effigie percussisse verisimile est. Taurus cornupeta exhibetur, quod illum Cæsar primùm edidit in spectaculum, *Plinio* teste, *lib. 8. cap. 45.* Nam *Dio* plurima, quæ Cæsar in Foro suo & alibi, spectanda dedit, narrat *lib. 43.* Multaque, ait, ibidem & varia spectacula edidit; Theatrum quoque ad venationem aptum ædificavit, quod Amphitheatrum cognominatum est. Deinde in honorem filia suæ venationes, Ludosque gladiatorios exhibuit &c. Livineius ut Prætor aliquorum curam habuit.

## XXXVIII.

CAESAR PARENS PATRIAE Caput Cæsaris laureatum & velatum, ante quod lituus, & albogalerus: in averfa parte C. COSSVTIVS MARIDIANVS A.A.A.F.F. in area.

C. Cossutium Maridianum, unum è Quatuorviris Monetalibus à Cæsare constitutis fuisse, nos edocet hic denarius, qui illum *Auro, Argento, & Ære flando feriundo* eos signare denotat. De illo

illo in gente Cossutia diximus: Cæsar autem nuncupatur PARENS PATRIÆ, quam appellationem, quod ei nomen à Senatu concessum narrat *Dio, lib. 44.* Ad hæc, inquit, nomen *patris patriæ*, ei composuerunt. Velo ornatus est, ut Pontifex Maximus, cujus albogalerus insigne est; ut lituus, quia Augur etiam erat. M. autem Antonius velato capite in denariis etiam occurrit, ut Augur, qui velato etiam capite sacra faciebant. Pontificis Maximi domus erat publica in sacra via, quam habitasse Cæsarem *Suetonius* narrat, in *ejus vita, cap. 45.*

## XXXIX.

CAESAR DICT. PERPETVO. Caput Cæsaris laureatum, & velatum: in averfa parte. C. MARIDIANVS. Venus Genitrix, tunica stans, d. victoriam, s. brachio innixio clypeo supra globum imposito.

Alterum C. Cossutii Maridiani denarium argenteum, cum epigraphe Dictatoris perpetuò, de qua supra egimus; ut de Venere Genitrice, ex qua se originem ducere gloriabatur, de quo *Manil. lib. 1. Astron.*

—— *Venerisque ab origine proles*

*Julia descendit cælo, cælumque replevit.*

An ideo globus, tanquam ad ejus ex Venere originem spectans, exhibetur? sed potius ad Imperium Romanum, hinc cognitum armis suis, per clypeum designatis, in ejus potestatem Veneris Genitricis, sed tunc Victricis ope & auxilio, redactum designandum: quod *Petronius Arbiter* indicare videtur, his versibus:

——— *namque omnis regia cæli*

*In partes diducta ruit, primumque Dione*

*Cæsaris acta sui ducit.*

## XL.

CAESAR DICT. QVART. Caput Cæsaris pone quod lituus: in averfa parte M. METTIVS. Juno Lanuvina, in bigis decurrentibus, d. elata hastam.

M. Mettius, cujus denarios vide alios in gente Mettia, Quatuorvir Monetalis hunc denarium in Circensium Ludorum, à Dictatore Cæsare editorum, memoriam, percussit; de quibus ita *Suetonius, in ejus vita cap. 39.* Edidit spectacula varii generis, „ „ munus



„ munus gladiatorium, Ludos etiam regionatim Urbe tota, &  
 „ quidem per omnium linguarum histriones, item *Circenses*, Athle-  
 tas, Naumachiam. Ideo verò in illo bigas signavit, ad denotan-  
 dum in iis Ludis bigarum cursus, de quibus *idem Suetonius in Do-*  
 „ *mitiano*, cap. 4. Ubi, præter solemnes bigarum quadriga-  
 „ rumque cursus, prælium duplex etiam, equestre ac pedestre,  
 commisit. Ad quem locum *Suetonii Commentator Lævinus Tor-*  
 „ *rentius*, ait, sollennes vocat, sine quibus Circenses nulli pera-  
 „ gerentur.

Diverſo modo in ſuis denariis bigas illas expreſſit Mettius; nam  
 in illis, qui ſine Dictatoris capite occurrunt, Victoriã bigas  
 agentem, & læva, coronam gerentem, exhibuit. Capite Junonis  
 Lanuvinæ in parte anteriore ſignato, ad indicandã gentis ſuæ ex  
 illa urbe originem; ſed in iis, quibus Cæſaris effigiem præfixit,  
 Junonem in bigis decurrentibus, hæſtam ſuam vibraturam, &  
 clypeum gerentem, ad patriæ originem ſemper arguendam, per-  
 cuſſit. Soliti erant Romani in bigis & quadrigis Numina, quæ  
 præcipuè colebant, exprimere. Vide in gente Mettia. De Junone  
 Soſpite ſeu Lanuvina dicturi ſumus. Illa caprotina pelle caput te-  
 gebat, hæſta & ſcutulo, cum calceolis repandis ornata.

## XLI.

CAESAR IMP. Caput Cæſaris laureatum: in averſa parte L.  
 MVSSIDIVS LONGVS. Cancelli Comitiorum, cum duabus Figuris  
 ſtantibus, ſuffragia in urnas projicientibus, ſub iis CLOACIN.

L. Muſſidius Longus videtur ut M. Mettius Quatuorvir ſub  
 Dictatore Cæſare fuiſſe, & ut hic Junonem Lanuvinã, ad indi-  
 candã ex Lanuvio originem, cum Cæſaris denariis expreſſit; ita  
 Muſſidius, ad demonſtrandã è Sabinis pariter ſuã, Veneris  
 Cloacinæ à T. Tatius Sabino Rege conſecratæ, memoriã in hoc de-  
 nario renovavit. Ejus Hiſtoriam ad Muſſidiam gentem ſpectan-  
 tem, in ea proferemus. Hi ſunt Cancelli Comitiorum, (quæ pars  
 erat Fori Romani, concionibus & Comitiiſ populi deſtinata,) ſuper  
 Cancellos aſcendebant Senatores, tabellam in urnas in ciſtas pro ſuf-  
 fragiis demiſſuri: ita in denario expreſſi videntur: vox *Cloacin*. à  
 Cloaca, in qua reperta eſt Veneris imago, nomen Cloacinæ tulit.

## XLII.

Caput Julii laureatum : in averſa parte L. MVSſIDIVS LONGVS. Temo, globus, cornucopiæ, caduceus alatus, & albogalerus.

Idem Muſſidius eandem Dictatoris imaginem ſine epigraphe, ut ſatis notam, exhibet. Per Globum, designat Imperium Romanum; per temonem maris imperium; per cornucopiæ, rerum omnium abundantiam; per caduceum, pacem; & per albogalerum, ſacerdotalem dignitatem: quæ ſymbola pacem & abundantiam per mare & terras, P. Romano Cæſaris religione procuratam, denotant.

## XLIII.

Caput Cæſaris laurea inſigne in area ſ. c. in averſa parte TI. SEMPRONIUS GRACCVS Q. DESIG. Signum militare, Aquila legionaria, aratrum, decempeda. ſ. c. in area.

T. Sempronius Gracchus, de cujus gente ſuo loco agemus, Quatuorvirum fuiſſe indicat Cæſaris Junioris denarius, licet hic cum Dictatoris effigie illum Quæſtorem designatum tantum nominet; ſed quum uterque denarius ei dignitatis titulum tribuat, nobis ambos ſub Triumviratu Junioris, qui patris memoriam renovare voluit, percuſſos demonſtrat. Totus typus Coloniarum deductiones arguit. Signum militare & aquila legionaria. Veteranorum militum, aratrum & decempeda urbis novæ designandæ ſunt illorum ſymbola. *Suetonius de Cæſare* Dictatore inquit, *cap. 42.* Octoginta autem Civium millibus in tranſmarinas Colonias diſtributis., Nota ſ. c. id Senatusconſulto factum declarat: nam pro ſ. p. q. r. liberalitate Coloniis alia alijs ura dabantur, etiam pro Civium meritis, vel quod prorogata ſit Quatuorviris Monetilibus cudendæ monetæ poteſtas, illis difficillimis temporibus, de qua infra in Voconii denario. Sempronius autem, in utroque denario Julii & Cæſaris Junioris, Quæſtor designatus non potuit appellari, à prioris enim cæde ad poſterioris Triumviratum duo fere anni eluxere: unde huius initio denarii cum Dictatoris effigie à Triumviris percuſſi videntur, ut in hoc opere in aliis obſervare licebit.

## XLIV.

CAESAR IMP. Caput Cæſaris laureatum, pone caput aſtrum: in averſa parte P. SEPVLIVS MACER.

P. Sepulius Macer etiam Quatuorvir Monetalis fuisse videtur, qui sub Triumviratus initio denarios cum effigie Julii Cæsaris Triumvirorum jussu cuderit. Jam mortuum tunc temporis Dictatorem esse indicat sidus illud post ejus caput signatum. De quo „*Dio, lib. 45.* Ceterum stella quædam quotidie, inter Septentrionem & Occasum, apparuit, eamque Cometen vocantes „nonnulli, ea portendere dicebant, quæ alias hujusmodi signum „sequi consuevissent. Creditum hoc à Plebe, sed tamen Cæsari „eam, immortalitatem nimirum jam adepto, inque siderum „numerus allecto, sacram esse dixerunt. Ea re Cæsar *Junior* animo confirmato, statuam patris æream cum stella supra caput, „in Veneris templo posuit. De illa ad originem indicandam sat diximus.

## XLV.

CAESAR DICT. PERPETVO. Caput Cæsaris velatum & laureatum: in averſa parte P. SEPVLIVS MACER. Venus tunicata ſtans, d. Victoriæ, ſ. haſtam, ad cujusimum clypeus.

Alter P. Sepulii Macri denarius cum velato Cæsaris capite prodit, ejus Pontificatum Maximum denotans, quum moris eſſet hoc modo ſacra facere, ne Sacerdotes diſturbarentur. Cæſar Dictator perpetuo inſcribitur, quem titulum accepit an. 70<sup>to</sup> quo à Conjuratis Idib. Martiis occiſus eſt. Et quum Sepulii denarii ſub Antonii Triumviri effigie reperiuntur, quos videre eſt in gente Sepulia, hunc Monetalem Quatuorvirum Cæſaris etiam nummos Triumviratus initio percuſſiſſe diximus. *Amicus* verò noſter, difficillimis illis temporibus, prorogatum eſſe Quatuorvirorum Monetalium Magiſtratum, & ſic eos per duos annos monetæ cudendæ præſuiſſe ſuſpicatur. Venus Victoriæ dextra gerit, ad arguendas Dictatoris victorias, propter quas feriæ inſtitutæ ſunt, & ſacrificatum eſt, teſte *Dione, lib. 45. pag. 273.*

## XLVI.

DIVI IVLI. Caput Dictatoris laureatum, pone quod lituus: in averſa parte Q. VOCONIVS VITVLVS. Vitulus.

Q. Voconius Vitulus de numero Quatuorvirorum fuiſſe conſtat; licet ejus dignitas ſeu Magiſtratus in denario ſcriptus non ſit; & DIVI IVLI epigraphe, poſt Dictatoris mortem, denarium percuſſum



sum arguit; at quàm illius caput in eo sit expressum, id Senatusconsulto, ut docet sequens denarius, factum fuisse satis innuit. Lituus ad dignitates Sacerdotes quas habuit Cæsar, spectat: Vitulus vero ad cognomen gentis, ut videre est in Voconia, respicit.

## XLVII.

Caput Cæsaris laureatum, pone quod lituus: in averſa parte Q. VOCONIVS VITVLVS Q. DESIG. Vitulus, in area s. c.

Idem Cæsaris caput sine inscriptione, idem Vituli typus in averſa iterum prodit; sed Voconius se Quæstorem designatum inscribit, ut supra Sempronius Gracchus, & ideo *Fulvius* existimat, denarium à Voconio, Dictatore adhuc vivo, percutsum, quod illo ex Hispania reduce, & aucto minorum Magistratuum numero, quadraginta designati sint Prætores, apud *Dionem*, lib. 43. Sed quàm superior nummus Divi Julii inscriptionem, ambos anno Cæsaris cædis signatos, in fine nempe, quàm Quæstores s. c. sunt designati, ut etiam indicat ejus in denario nota. De ceteris supra dictum est.

## XLVIII.

Caput Veneris: in averſa parte ex s. c. Cornucopiæ in laurea.

*Fulvius* hunc in Julia gente denarium protulit, & Dictatori tribuit, eumque in dedicatione templi Veneris Genitricis, vel Felicitatis deæ ex s. c. cufum fuisse, atque ex eo genere nummorum esse, qui in ejusmodi dedicationibus & Ludis, velut missilia quædam spargi populo solebant, arbitratur; sed ille si spargi jussisset, non ideo nota s. c. usus fuisset, nec Veneris caput cum Felicitatis deæ templo congruit: Veneris imago ad Dictatoris originem indicandam spectat. Laurea in averſa parte, ob ejus victorias, apposita est. Cornucopiæ verò ad omnium rerum abundantiam & frumenti distributionem P. Romano, post victoriam Africanam, de qua loquitur *Dio*, lib. 43. Ad hunc modum peracto triumpho, magnificum populo epulum dedit, addito extra ordinem frumento oleoque. Cui gratulans Senatus in rei memoriam hunc denarium perculsit.

## XLIX.

Caput Veneris: ex averſa parte duplex cornucopiæ, in area littera Q.

*Patinus* illum etiam denarium *Fulvio* adjecit, cum Veneris capite ex anteriore parte; qui typus etiam ad arguendam Dictatoris originem expressus est: sed duplex cornucopiæ, ad distinctionem superioris, quem cudi iussit Senatus, Quæstor Cæsaris, ut indicat littera Q. exhibuit, ut omnimodam sub eo esse Romæ abundantiam, etiam si bella exarsissent Civilia, denotaret.

## L.

LAUS IVLI. CORINT. Caput Dictatoris laureatum: in averſa parte L. CERTO ÆPPIO. C. IVLIO II VIR. Bellerophon in Pegaſo, decertans contra Chimæram.

Hic nummus *Suetonium*, de *Coloniis à Cæsare deductis*, illustrat, „ sed omnino *Dionem*: inquit enim ille, *lib. 43.* Addidit etiam præclaris factis quod Carthaginem Corinthumque instauravit: & „ addit, Corinthum verò Carthaginemque, urbes antiquas, illustres, „ quæ jam perierant, Colonias Romanorum deduxit. Corinthus, Fundatori gratulans, nummos cum ejus effigie, ut Romæ filia, percussit, in quo LAUS IVLIA CORINTHVS, deducto ab illo nomine inscribitur. Bellerophontem, illustrem aliàs Civem, in averſa parte tanquam alterum Heroem expressit. Glauci Ephyræ Regis filius perhibetur, quod primus omnium equo vehi docuerit, apud *Plinium*, *lib. 7.* Pegaſo usum & Chimæram occidiſſe Fabula introduxit. Vide hac de re *Mythologos*. Nummum integrum nacti cum jam restitimus, in *lib. nostro de Colon. pag 3.* in quo alias habes à Cæsare deductas Colonias. L. Certus Æppius Duumvir appellatus, sed prænomen Certi ante Æppia gentem, ut in aliquot *Ciceronis locis*, indigitatur: Caius autem Julius alter Duumvir, videtur aliquis ex Dictatore libertis.

## L I.

CAESAR. DIC. Caput Cæsaris laureatum, pone quod urceus: in averſa parte M. ANTON. IMP. Caput M. Antonii, pone quod lituus.

Hic denarius Dictatorem & M. Antonium exhibet, & quibusdam à M. Antonio videtur cusus, quum simul Consulatum gererent an. <sup>709</sup><sub>10</sub> cum anno præcedente M. Lepidus in eodem denario cum Cæsare se sociasset. Dictatorem per excellentiam appellat Cæsarem

em Antonius, dum se Imperatorem appellat; quem titulum ab eo recepisse in gente Antonia, num. 4. diximus, Pompeii exemplo; qui Imperator ita à Sylla renunciatus est: nam quod dicit *Mediobarbus*, ob caput Catilinæ Romam allatum, hunc titulum obtinuisse, apud *Dionem*, ad C. Antonium ejus patrum spectat.

## LII.

P. SEPVLIUS MACER. Desultor in equo, d. flagrum, s. alterum ducens; pone eum corona, & palmæ ramus: in averfa parte CLEMENTIÆ CAESARIS. Templum quatuor columnarum in conum definens.

Hic denarius ex una parte Circensium Ludorum, à Cæsare editorum, (de quibus supra diximus ex *Suetonio*,) memoriam renovat, de quibus inquit *Cassiodorus in Epistolis*. Equi, inquit, desultorii sunt, per quos Circensium. Ministri missos denuntiant exituros, ut luciferi, quadam in astris similitudine, præcursorias velocitates imitari videantur. Binos autem trahebant equos & alternatim ex uno in alterum, mira celeritate, transultabant. Corona & palmæ ramus sunt Victorum præmia. In altera parte templum Clementiæ erectum Dictatori exhibet, de quo *Dio, lib. 44.* inquit, Templumque ei Clementiæ dedicari jusserunt, Sacerdotioque ejus Antonium, quasi Flaminem Dialem aliquem præfecerunt. Sepulius Macer Quatuorvir Monetalis, qui denarium percussit, & alterum cum eodem typo, & M. Antonii capite & quidem velato, signavit, forsitan alludens quod esset Augur & etiam Flamen Cæsaris, velo ita eum ornavit, quem denarium ex gente Æmilia in Antoniam, loco suo, collocavimus.

## LIII.

CLEMENTIA. L. BVCA. Caput Clementiæ, ante quam lauri ramus: in averfa parte CAESAR PARENS PATRIÆ. EX S. C. Templum rotundum, in cujus medio signum Libertatis d. cornucopiæ, s. hastam.

Clementiæ Numen venerati sunt antiqui; illi in denariis Vitellii Imp. in manu datur lauri ramus, huic ante ejus caput exprimitur, ad denotandam clementiam Cæsaris post victorias; quapropter *Dion* narrat, *lib. 44.* Post ejus ex Hispania reditum an. 727. Templum-



„ que ei Clementiæ dedicari iusserunt, cujus iconem in superiore denario vidimus: nam templum hoc rotundum Concordiæ Novæ „ est. De quo *Dio*, loco citato. Insuper Concordiæ Novæ tem- „ plum ædificari, annumque ibi festum celebrari iusserunt, quod Cæsar ipsis pacem restituisset: quare adjecta est in denario s. c. nota. Concordia in templo d. cornucopiæ gerit, ad indicandam in Urbe rerum omnium esse abundantiam, hastam s. tenet ad communem hostem repellendum. C. Cæsar insuper Parens Patriæ inscribitur à L. Buca, de quo Quatuorviro Monetali supra abundè diximus: quod nomen illi ex Hispania pariter reduci imposuerunt, „ ut tradit idem *Dio*. Ad hæc nomen Patris Patriæ ei composue- „ runt, quod *Suetonius* post ejus mortem confirmat: nam, inquit, „ postea solidam columnam prope xx. pedum lapidis Numidici in Foro statuit, scripsitque PARENTI PATRIÆ.

## LIV.

CAESAR DIVI F. IMP. PONT. III. VIR. R. P. C. Caput Augusti, pone quod lituus: in averſa parte DIVVS IVLIVS. Stella crinita.

Octavius, in gentem Juliam à Dictatore adoptatus, dictus est Octavianus Cæsar; sed in denariis, post mortem patris adoptivi, CAESAR DIVI F. scribitur, deinde CAESAR AVGVSTVS, quo nomine eum aliquando appellamus; Divi autem filius nominatur, quia, teste *Suetonio*, Dictator, ut inquit, in deorum numerum „ relatus est non ore modo decernentium, sed & persuasione vulgi. „ Siquidem Ludis quos primo consecratos ei heres Augustus ede- „ bat, Stella crinita per septem dies continuos fulsit, exorients „ circa undecimam horam; creditumque est animam Cæsar's in „ cælum recepti, & hac de causa simulacro ejus in vertice additur Stella. Hanc verò in denariis expressit Augustus: cujus hic habes iconem.

## LV.

DIVOS IVLIVS. Caput Julii Cæsar's laureatum: in averſa parte CAESAR DIVI F. Caput Augusti.

Quum concessum fuerat Dictatori ut moneta cum ejus effigie signaretur, Triumviri Lepidus, Antonius & Augustus, supremam in Urbe potestatem adepti, in moneta etiam illius imaginem ex-  
presserunt,

prefferunt, & præcipue Augustus, quum solus rerum potitus est, cum sua percussit: sed observandum in ære solam Augusti remansisse, forsan aliorum paulatim abolevit, ita ut quæ nobis superest, aut Dictatoris imaginem habeat in altera parte expressam, aut hanc epigraphen DIVOS IVLIVS intra lauream, ex prima tantum magnitudine.

## LVI.

DIVI IVLI. Caput Dictatoris laureatum, supra quod stella crinita: in averſa parte CAESAR DIVI F.

Ex auro & argento hunc denarium profert *Goltzius*, quem adhuc inspicere non licuit; sed non mirum est, quum Dictatoris nummi pro raris habeantur, sed præsertim aurei, & nondum observati quotidie ex terræ visceribus eruantur. Augustus ad statuam patris alludit, quam collocaverat in templo Veneris, ut narrat *Dio*, lib. 45. Statuam patris æream cum stella supra caput, in Veneris templo posuit. De illa *Virgilius in Eclog.*

*Ecce Dionæi processit Cæsaris astrum.*

## LVII.

DIVI IVLI. Caput Dictatoris laureatum, pone quod lituus: in averſa parte CAESAR DIVI F. AVGV PONT. IMP. QVART. COS. TERT.

Augustus patris Dictatoris memoriam, devicto ad Actium Antonio, renovat; ut denotet illum, superato in Pharsalicis campis Pompeio, solum rebus potitum fuisse, sic ipsum tunc solum Remp. administraturum. Hoc anno Consulatum gessit cum M. Valerio Messala Corvino, & ob victoriam, quam de Triumviro Antonio & Cleopatra retulit, Imperator quartum appellatus est. Augur in hoc denario & Pontifex renunciatur, & sic illius Sacerdotii supra alterum eminentiam denotare videtur.

## LVIII.

DIVVS IVLIVS Caput Dictatoris laureatum, ante quod in vertice astrum Cæsaris: in area averſæ partis L. MVNATI PLANCVS PRAEF. VRE.

L. Mu-

L. Munatius Plancus, ut ex denariis Romanis eruitur, Præfectus Urbis est cum aliis, postquam Dictator in Hispaniam contra Pompeii liberos profectus, redux Cæsar victor illum Ulteriori Galliæ cum Imperio Proconsulari & legionibus præfecit, & ille tandem de rebus in ea gestis triumphum obtinuit; an de Rhætis in Galliæ sic autem proferunt *Fasti Capitolini*.

L. MVNATIVS L. F. L. N. PLANCVS. AN. <sup>DCCX.</sup> DCCXI. <sup>Parr.</sup>  
EX GALLIA IV. K. IAN.

Ut hoc tempore moneta cum Iulii capite signabatur adhuc, & Triumviri multos ei decrevissent honores, nempe quod inter deorum numerum relatus esset, in denariis, quos ducibus suis ad triumphum illum comitantibus distribuit, Dictatoris effigiem & ille expressit, Præfectus Urbis titulo contentus, quum in annum sequentem Consul esset designatus.

## LIX.

CAESAR III VIR. R. P. C. Caput Augusti nudum: in averſa parte Sella Curulis, supra quam CAES. DIC. PER. & corona.

Illa est Sella cum corona, in perpetuum Cæsari Dictatori, Ludis omnibus ex s. c. decreta; illam quum Augustus, Ludis instantibus an. <sup>709.</sup><sub>10</sub> postquam occisus fuisset Julius Cæsar, in iis collocare vellet, Critonius Ædilis prohibuit, ut narrat *Appianus*, & de „ qua *Dio*, lib. 45. Sellam tamen Cæsaris auream, coronamque „ gemmis ornatam, in theatrum (quamvis ita fuerit constitutum,) „ Antonii metu non intulit; sed Triumvir cum illo & Lepido, „ in omnibus Ludis posuit: ideo illam in denariis suis expressit in rei memoriam. *Fulvius* auream coronam, sed ex lauro contextam existimat, cui libens accedimus; quum illa honoris causa supra Curules Sellas semper, ut alicubi diximus, imponebatur.

## LX.

IMP. CAESAR DIVI F. III. VIR. ITER. R. P. C. Caput Augusti la-nugine ornatum: in averſa parte COS. ITER. ET. TER. DESIG. Templum quatuor columnarum, in quo Iulii velati signum, d. lituum, in peristylío astrum, ad latus dextrum ara ignita.

Ecce



Ecce templum Dictatoris, quatuor columnis suffultum, cum ejus signo Pontificis Maximi habitu, lituum dextra tenente, quod in Foro extruxit Augustus, & quum Triumviratum iterum accepisset, dedicavit an. 720. vel 721. quum secundum Consulatum gessisset, & designatus esset tertium, ut erat pactus cum M. Antonio, & Sex. Pompeio, ut refert *Appianus, lib. 5. Bel. Civ. pag. 714.* Nam, inquit, sequenti die Coss. designati sunt in quadriennium, quare an. 720. Augustus Consulatum iniiit & tertium designatus est, quem gessit an. 722. Augustus in templo patris sui simulacrum Veneris à mari exeuntis posuit. Flamen & sodales ei dati sunt, mentioque FLAM. DIVI IVLI. in *Marmoribus* occurrit.

## LXI.

CAESAR AVGVSTVS. Caput Augusti corona quercea ornatum: in averſa parte. DIVVS IVLIVS. Stella Dictatoris crinita.

Hic denarius percussus est postquam Cæſar anno <sup>727</sup> appellatus est Augustus, de quibus nominibus ait *Dio*. Nam Cæſaris & „ Augusti vocabula, nihil eis quidem ea potentia adjiciunt peculiaris; sed alterum successionem stirpis, alterum splendorem „ dignitatis significat: unde Augustum hoc tempore astrum Julii „ in denariis renovasse opinor, ut ab illo originem se trahere denotaret, & ut solus Rempublicam tenens, nihil aliud in animo haberet, quam ut post mortem inter deos referretur, quum Augustus, id est apud Græcos Σεβας, *venerandus* & diceretur, & templa jam non modo in Asia illi extruerentur, sed Romæ; ut ejus numismata ærea nos docent, cum templi icone, & inscriptione ROM. ET. AVG.

## LXII.

C. IVLIVS CAES. IMP. COS. III. Caput Julii Cæſaris nudum: in averſa parte. IMP. CAES. TRAIAN AVG. GER. DAC. P. P. REST. Venus Seminuda stans, brachio lævo columnæ innixo, d. galeam, l. spiculum transversum; pro pedibus clypeus.

Trajanus Imperator inter Cæſarum effigies, quas restituit, Dictatoris præcipuè caput in nummis aureis expreſſit, sine corona, tamquam inter deos relatum, eumque Imperatorem ap-

pellat, tamquam Imperii fundatorem, unde *Dio* ab eo Imperatoris titulum assumpsisse narrat, *lib. 44.* Id verò Imperatoris, nomen à Julio, quemadmodum etiam Cæsaris nomen, tamquam peculiare summi Imperii cognomentum, ad omnes deinceps Imperatores, dimanavit. At licet Consul quintum Cæsar in suis nummis denominetur, Trajanus tamen eum tertium tantum appellat, quod alios titulo tenus tantum gesserit, Dictaturæ potestate contentus decretæ, & postea ob victorias cum Consulatibus simul, ut tradit *Suetonius*. Trajanus Venerem ipsi comitem adjunxit, sed columnæ innixam, tamquam quiescentem, postquam progeniem in deorum numerum evexerit; galeam illa & spiculum gerit, ad cujus pedes clypeus est, ad denotandum armis sibi hanc viam aperuisse.

## LXIII.

DIVVS IVLIVS. Caput Julii Cæsaris laureatum: in averfa parte. IMP. CAES. TRAIAN. AVG. GER. DAC. P. P. REST. Victoria gradiens, d. bullam osculari videtur, s. caduceum, in imo serpens.

Julius Cæsar à Trajano Divus appellatur, ut primum Imperatorem Romanum inter deos relatum esse denotet; laurea illum insignem, ut Victorem exhibet, ideo Victoriâ in averfa parte expressit, ut ejus victorias per caduceum, quem gerit, felicitate, & per serpentem eum præeuntem, prudentia partas demonstret. Ipsa verò Victoria bullam, in qua, ut plurimum erat signata Principis effigies, deosculari videtur, tamquam eum quem maxime diligit, & veneratur: porro *Macrobius*, Bullam Triumphantium gestamen fuisse tradit. *Alii*, Victoriâ illam esse Pacem alatam existimant, quod ejusmodi signum reperitur in nummis argenteis Claudii Imperatoris, cum epigraphe PACI. AVG.

## LXIV.

CAESAR III VIR. R. P. C. Caput Augusti galeatum: in averfa parte duo signa militaria, intermedia Aquila legionaria, pone quam trophæum, cum nota s. c.

Denarii Augusti, ad gentem Juliam non spectantes, in ea recipi

cipi jure non deberent, sed ad nummos Imperatorum revocari; porro, quia paucos adjecit *Patinus*, argenteos relinquemus, & æreis Coloniarum, quum nihil nos edoceant, prætermisiss. Hic verò caput Augusti galeatum exhibet, propter pugnam Philippensem percussum ex Senatusconsulto, uti nota s. c. trophæum & signa militaria manifestant. Galeatus depingitur Augustus ut Mars alter, quod ille Marti Ultori templum voverat, si patris percussores vicisset; trophæum adjicitur, quod moris erat, post victoriam, ubi illa fuerat relata, in ejus loco erigere. Ad sunt signa militaria, in gratiam militum, cujus ope insignem illam reportaverat.

## L X V.

IMP. CAESAR. Navis cum velo & remigantibus: in averſa parte DIVI F. Victoria coronam palmæ ramo imponit, ſ. temonem gerit.

Ut denarius superior ad pugnam Philippensem pertinet, hic ad Actiacam spectat; ut illa in terra commissa est, hanc navis in mari relata demonstrat. Nemo Augustum, ad IIII. Nonas Septembris <sup>722</sup> ad Actium in Epiro, navali prælio cum M. Antonio congressum, insignem de eo victoriam reportasse, & Cleopatram fugere coëgisse, nescit, qua de re Victoria pro trophæo, coronam imponit ramo palmæ, Ægypti symbolo; & sinistra temonem, ad indicandam illam fuisse navalem, gerit.

## L X V I.

PONTIF. Caput Jovis Ammonis: In averſa parte. IMP. CAES. DIVI F. Victoria insiſtens globo, d. lauream, ſ. palmam.

Denarius ad eandem Actiacam victoriam pertinere videtur, & si nobis conjicere liceat, à Pinario Scarpo, quem M. Antonius ad Ægypti custodiam cum navibus reliquerat, percussus; id conjecturam confirmat, quod in Pinaria gente idem Ammonis caput exhibetur, & in altero ejusdem gentis denario, eadem Victoria globo insiſtit. Pinarius Antonio iratus, quod Actiacam victoriam retulisse mentitus esset, ad Augusti partes transiit, ut in Antonia gente jam diximus, ubi denarium Paratonii in Africa urbe cūsum retulimus, & Jovis caput, in eo expressum,



ob illius in hac civitate cultum. Victoria globo insitit, ad denotandum Augustum, devicto Antonio, cum quo Romanum Imperium diviserat, nunc solum orbis per globum signati esse dominum.

## LXVII.

CAESAR AVGVSTVS. Caput Augusti: ex altera parte IVLIO II VIR. Arcus triumphalis, cum tribus fornicibus, supra quem Imperator, in curru quatuor equorum.

Julius ille Duumvir qui nummum cudit, si nobis conjicere liceat, aliquis est Julii Caesaris libertus, qui Corinthum transiit, quando illa à patrono deducta est, & qui beneficiorum Juliae gentis memor, quum ad Duumviratum evectus, in victoriae alicujus, ab Augusto per Legatos relata, monumentum, arcum triumphalem in Colonia erectum, in nummo expressit; sed ille potius in nummorum seriem haud dubie transferendus qui nihil de hoc Julio Colono nos edocet.

## LXVIII.

C. CAESAR. Caput muliebre velatum cum cippo supra: in averfa parte currus triumphalis, cum quatuor equis, supra arcum, in quo IMP. CAESAR.

Cui adjudicaremus denarium diutius haesimus, non enim ad Julium, qui Dictator ad distinctionem appellatur, nec ad Augustum, qui in utraque denarii facie nominari nequit, & tandem ad Caium ejus adoptione filium, confugimus. Hic Pietatem ex una parte, ut suam in patrem Augustum denotaret, expressit: Pietas velo operata est, tamquam sacra factura; nam Romani, auctore Aenea, velabant capita: quod is, quum rem divinam faceret in littore Laurentis agri Veneri matri, ne ab Ulysse cognitus, interromperetur sacrificium, caput adoperuit, ex *Plut. in Caufis*.

Arcus triumphalis, supra quem inscriptum legitur IMP. CAESAR. erectus Augusto à Caio, post ejus reditum ex bello Germanico: nam quum is unà cum Druso ad illud profectus esset, an. <sup>745</sup> Senatus, pro ejusdem felici reditu, vota nuncupavit, quae tamen non ante annum <sup>747</sup> persolvi potuerunt

runt

runt; sed quum decreto Patrum, votorum solutio Tiberio incumbere, & res Germaniae eum detinerent, Pro eo, inquit *Dio*, „ Ludos votos, pro Augusti reditu, Caius ac Piso Consul fecerunt, & Caius Augusti arcum triumphalem perfecisse curavit, in cuius memoriam eum in denario, quem Pietati dicavit, exhibuit.

## LXIX.

C. CAESAR AVGVSTI F. PONT. COS. DES. PRINC. IVVENT. Parma cum hastis puris decussatim, hinc culter sacrificii, inde capeduncula: in averſa parte. L. CAESAR AVGVSTI F. AVGV. COS. DES. PRINC. IVVENT. Tripus, ſuprà ſtella, hinc lituus, inde patera.

Inter Familias Romanas meritò collocantur Augusti denarii, qui ejus caput non præferunt, ut ad Juliam gentem adoptione ſpectantes, ita Caii & Lucii Agrippæ filiorum nummi, eadem ratione inter illas numerari poſſunt: nam è Viſpſania in Juliam gentem tranſierunt, & uterque Cæſar adoptione dictus, quod cognomen in ea ſtirpis ſucceſſionem appellat *Dio*. Illos Augustus nepotes adoptavit an. <sup>737</sup> ut putat *Card. Norſius Cenot. Piſſ.* de quibus *Suetonius*, in *Aug. cap. 64.* Caium, inquit, „ & Lucium adoptavit domi per aſſem & libram emptos à patre „ Agrippa.

Denarius Caium appellat Pontificem, Conſulem deſignatum & Principem Juventutis. C. Cæſar, ut ordine, & non ut in denario, dignitate procedamus; nam Pontifex ante Conſulem deſignatum recitatur, anno <sup>747</sup> à Populo Romano deſignatur Conſul annos tantum natus 14. Equeſter ordo Caium Principem Juventutis appellavit. Troiæ Ludus erat à majoribus & minoribus pueris celebratus, qui his præerat dictus erat Princeps Juventutis. Caius an. 5.757. & die quo togam virilem aſſumpſit, ab Equitibus haſtis argenteis & parma donatus eſt, quæ in denario expreſſæ ſunt. De quibus *Dio, lib. 55.* aureas ab Equitibus, quum „ virilem togam ſumerent, acceperunt: ex *Marmore Ancyrano*, „ erant argenteæ, Caium haſtis argenteis donatum: Puræ dicebantur, quod nulla ferrea cuſpide munirentur.

A. Civilibus Caii honoribus ad Sacerdotales, quorum in de-

nario symbola supersunt, procedimus. Culter & Capeduncula ejus „ Pontificatum designant, de quo *Dio*, lib. 50. Deinde Sacer- „ dotium Caio, utque in Senatum ire, ac inter Sacerdotes spe- „ ctaculis, epulisque interesse liceret, dedit. Cultro vel secespita utebantur Pontifices, ad dissecandas hostias pro sacrificio: Capeduncula erat vas parvum, non dissimile cyatho, quo vinum in sacrificiis libabatur.

Aversa denarii pars ad Lucium Caii fratrem pertinet. Is an. 752. natus 15. togam virilem induit, & Princeps Juventutis renuntiatur, & Augustus illum Collegio Augurum adscripsit: nam duo ex eadem domo, ut diximus in gente Cornelia, Pontifices esse non poterant. Ideo Lucius Augur factus est cujus symbola sunt lituus, patera, & tripus. Stella verò in vertice, fidus est Julii Cæsaris, ut in Juliam gentem adoptione transiisse denotaretur.

## LXX.

Caput Jani bifrontis: in aversa parte L. IVL. LIBO. Navis, in imo quatuor globuli & vox ROMA.

Julii Libonis stirpem, ut minus frequentem, etsi in Magistratibus majoribus Cæsarum progenie antiquiorem, ipsi postposuimus, L. Julius Libo perhibetur à *Pighio*, Quæstor Militaris, an. 418, ad quem hunc nummum æreum pertinere arbitratur, nempe ex pondere; nam quatuor globuli eum esse trientem designant, qui quàm unciam & tertiam partis unciae pendit, vetustissimus est, & ante bellum Punicum cusus. *Goltzius* eum Julio Liboni, illius nepoti, tribuit, qui Consulatum ante hoc bellum obtinuit, & as libralis adhuc quatuor uncias pendebat, ita ut non facile sit utri eorum assignare. De Jano, & Navi Saturni, abundè ductum est.

## LXXI.

Caput Dianæ, humeris arcus & pharetra: in aversa parte L. IVLI. LIBO. Victoria in bigis, d. lauri rimum, f. habenas, in imo ROMA.

L. Julius Libo qui nummum signavit, superioris L. Julii Libonis



bonis nepos esse videtur. Is Quæsturam militarem suscepit an. <sup>477</sup><sub>8</sub>.  
 Ædilis Curulis fuit an. <sup>483</sup><sub>4</sub> & deinde Consulatum gessit cum M.  
 Atilio Regulo an. <sup>486</sup><sub>7</sub> ambobus bellum cum Salentinis. Italiæ Po-  
 pulis, quorum Brundisium erat Metropolis; de quibus Julius  
 Libo triumphavit cum Collega, ut indicant *Columnæ Trium-*  
*phales*.

L. IVLIVS. L. F. L. N. LIBO. COS. AN. <sup>CDXXCVI.</sup>  
<sup>CDXXCVII.</sup> VET.  
 DE SALLENTINEIS. VIII. K. FEBR.

Hic denarius ex manubiis victoriæ forsitan cusus est; Dianam ex una parte exhibet, victoriam indicans de Salentinis, ex Creta oriundis, qui Dianam, ut omnes norunt, colebant. *Alii* verò Dianam, à Julio Libone percussam, ob votum huic deæ ante prælium, cujus memor illius caput in denariis expressit. Victoria in bigis, solitus erat bigatorum denariorum typus: sed quum illa lauri rami, coronam, aut palmam pro flagro gerit, victoriam de hostibus relatam semper indicat.

## LXXII.

Caput Mercurii cum ala, pone quod tridens & bovis signum: in averſa parte L. IVLI. BURSIO. Victoria in quadrigis decurrentibus.

Tanta est *Librorum* seu *Codicum* penuria, ut sine Triumvirorum auxilio Juliæ gentis Bursiones extitisse nesciremus; sed quis fuerit ille L. Julius Bursio, an Patricius, an Plebeius, incertum est. Porro quod Mercurius in anteriore denarii parte expressus sit, colligere quis posset Bursiones esse Plebeios: nam Mercurius Mercatorum deus perhibetur; & bos pone ejus caput, ad cognominis indicationem pertinere videtur. Byrsa, unde Bursio, corium dicitur, & forsàn ille Julius fuit Coriarius, qui bovis coria concinnaret. *Fulvius* etiam alios esse denarios huic similes ad indicandum Bursionum cognomen, signum habere, indicat.

Victoria in quadrigis, pro flagro coronam gerens, victoriam quamdam à Julio Bursione relatam, denotat, & quidem navalem, ut tridens, pone Mercurii caput arguere videtur;


detur ; sed quum Bursionis nulla apud *Scriptores* mentio sit, ignoratur.

Observandum nos aliquot Coloniarum & Urbium nummos à *Patino* adjectos, qui nihil ad Juliam gentem Romanam conferunt, tamquam parum utiles, expunxisse.

F I N I S.

*Volum. I.*







82-B2627

SPECIAL 82-B  
2627  
v. 1



